



h.c.9.







S V M M A
THEOLOGIÆ
SCHOLASTICÆ:

De Iustitia & Iure.

Partis Secundæ Pars III.

*Auctore R. P. MARTINO BECANO,
Societatis IESV Theologo, in Academia
Moguntina Professore ordinario.*

TOMVS QVARTVS.



LVGDVNI,

Sumpt. IOANNIS-AMATI CANDY.

M. DC. XL.

Ex Legato Augusti Caesaris 1747



(1) *John Smith*



INDEX CAPITVM ET QVÆSTIONVM.

CAPVT PRIMVM.

De Iure. pag. 1

QVÆSTIO PRIMA.

1. *Quid sit Ius.* pag. 2

2. *Vid. sit Ius.*

3. *De iure naturali & politico.*

4. *De iure simpliciter & secundum quatuor.*

Item de paterno, dominatio, & œconomico.

5. *De iure in re & ad rem.* 11

Caput II. de dominio.

Quæst. 1. *Quid sit Dominium.* 16

2. *Quotuplex sit dominium.* 17

3. *Quid requiratur ad dominium.* 18

4. *De titulo & traditione seu apprehensione.* 21

5. *De usufructu & proprietate.* 22

6. *Quot modis constituatur usufructus.* 25

7. *Quot modis finiat. usufructus.* 27

8. *De usu & habitatione.* 30

Index capitulum

9. An usus distinguatur à dominio in rebus usu consumptis.	27
10. De emphyteusi.	27
11. De ieuao.	28
12. De uenue & superficiario contractu.	28
13. De iermitu.	28
14. Quomodo iermitutes constituantur & finiantur.	27
15. De possessione.	28
16. Quomodo possessione.	40
17. Quibus modis acquiratur possessio.	42
18. Quomodo amittatur possessio.	45
19. Quomodo privilegium conferat possessio.	46

Caput III. De subiecto dominij. 47

Quæst. 1. Quæ ratione conueniat homini dominium.	47
2. An parui & amentes habeant dominium.	52
3. An iuri famulas habeant dominium, ibid.	
4. An serui habeant verum dominium.	55
5. An Religiosi habeant dominium, ibid.	
6. An Clerici non Religiosi habeant aliquod bonorum dominium.	67
7. An Pontifex habeat dominium temporale totius orbis.	67
8. An Pontifex iure humano habeat dominium temporale.	72

Caput IV. De obiecto dominij. 73

Quæst. 1. An homo sit dominus vite sue & membrorum.	77
2. An homo sit dominus fame sue & honoris.	77
3. An homo sit dominus bonorum spiritualium.	80
4. An unus homo possit habere dominium alterius.	80

Caput V. De prima rerum diuisione & acquisitione. 85

Quæst. 1. Quomodo facta sit prima rerum diuisio.	85
2. An hac diuisio iuris unus & licita, ibid.	

& quaestionum.

3. Quo iure facta sit hac diuisio. 87
4. De acquisitione dominij animalium per venationem. 89
5. An Principes possint iuste prohibere venationem, piscationem, aucupium in loco publici iuris. 90
6. An aliquis possit venari in pradio vel saltu alieno. 92
7. Quomodo peccet qui contra iustam prohibitionem venatur, piscatur, aucupatur. 93
8. An fera a me vulnerata, & postea ab alio capta, sit mea, an accipientis. 94
9. An fera meo laqueo capta sit mea, an illius qui forte superueniens exemit & abstulit. 98
10. An vena metallica auri & argenti fiant primo occupantis. 99
11. Quomodo acquiratur dominium in thesauris. 101
12. An iuste prohiberi possit pastio vel lignatio; in pascuo vel sylua Reipub. 103
13. Qua dicantur haberi pro derelicto, ita ut dominium illorum primo occupantis censeatur. 104

Caput V I. De translatione dominij per donationem & promissionem. 105

- Quaest. 1. Quid sit donatio & promissio. 105
2. Quomodo differant donatio, promissio, pollicitatio, pactum & stipulatio. 109
3. An promissio ob turpem causam obliget, ibid.
4. Quanam promissiones sint irritae iure naturali aut positivo. 112
5. An promissio vel donatio interna obliget. 114
6. An promissio vel donatio externa obliget ante acceptationem. 115
7. Unde proveniat quod promissio vel donatio non obliget ante acceptationem. 117
8. Quomodo promissio vel donatio absenti facta, valide possit acceptari. 119

Index capitum

9. *An post mortem donatoris possit donatio validè acceptari*

122

10. *Quinam possint promissionem vel donationem absenti factam acceptare.* 123

11. *Quomodo obliget promissio externa legitimè acceptata.* 125

12. *An promissioni vel donationi iam acceptata possit apponi aliquod onus.* 129

13. *Quibus casibus promissio acceptata, & ante valida desinat obligare.* 131

14. *Qui possint donare, qui non possint.* 132

15. *An donatio inter coniuges sit valida.* 133

16. *An donatio inter liberos & parentes sit valida.* 134

17. *Quantum possit quis validè donare.* 135

18. *Quibus casibus donatio inter vivos possit renocari.* 137

19. *Quibus casibus donatio mortis causa renocari possit.* 140

20. *An donatio vel promissio conditionalis sit valida, ibid.*

Caput VII. De translatione domini per ultimam voluntatem.

Quæst. 1. Quid sit testamentum. 143

2. *An testamentum factum ad piam causam sit validum, si desint solemnitates iuris.* 145

3. *An testamentum factum ad causam profanam sit validum sine solemnitate iuris.* 146

4. *Quinam possint testari, qui non?* 149

5. *Quinam possint aut non possint scribi, aut institui heredes vel legatarij.* 150

6. *An illegitimus possit institui heres, ibid.*

7. *Quibus modis aliquis possit heredi substitui.* 154

8. *An testamentum iuratum possit renocari.* 157

Caput VIII. De translat. domini per contractus. 160

Quæst. 1. Quid sit contractus, ibid.

2. *Quomodo*

& quaestionum.

2. Quotuplex sit contractus, ibid.
3. An omnis contractus obliget in utroque foro. 162
4. An contractus per se inuicem confirmantur iuramento.
163
5. Quinam possint contrahere. 164

Caput IX. De translatione dominij per praescriptionem. 165

Quaest. 1. Quid sit praescriptio & usucapio, ibid.

2. Quae conditiones requirantur ad praescriptionem, & primum, an requiratur possessio. 167
3. An ad praescriptionem requiratur titulus. 168
4. An ad praescriptionem requiratur bona fides. 169
5. Unde proveniat bona fides quae ad praescriptionem requiritur. 170
6. An aliquando cum mala fide procedat praescriptio. 172
7. Quantum temporis requiratur ad praescribendum res mobiles. 174
8. Quantum temporis requiratur ad praescriptionem rerum immobilium. 175
9. Quanto tempore praescribantur servitutes & quanto amittantur. 177
10. Quanto tempore praescribatur ius patronatus, id est, ius presentandi ad beneficium. 179
11. Quanto tempore praescribantur debita, hypotheca, legata, fideicommissa. 181
12. Quanto tempore possit praescribi contra Principem. 182
13. Quanto tempore praescribat, qui rem accepit a possessore mala fidei, vel ab eo qui mala fide tradidit. 185
14. Quenam res praescribi possint. 186
15. Quando praescriptio dicatur non procedere, a dormire, interrupti, ibid.
16. An qui legitime praescripsit rem aliquam, si postea cognoscit fuisse alienam, teneatur restituere. 188

Index capitum

Quæstio LVIII. D.Thomæ, De Iustitia. 189

Quæst. I. Quid sit iustitia, ibid.

2. An iustitia sit ad alterum. 191

3. An iustitia versetur tantum circa actiones. 192

4. An iustitia attingat medium rei. 193

5. Quomodo iustitia distinguatur ab aliis virtutibus. 194

6. An iustitia sit præstantior aliis virtutibus. 195

7. An præter iustitiam particularem sit aliqua generalis vel legalis. 197

8. An iustitia legalis habeat veram & propriam rationem iustitiæ. 198

9. An iustitia legalis sit idem quod pietas erga patriam. 200

Quæstio LIX. De Iniustitia. 201

Quæst. I. Quid sit iniustitia. 201

2. An aliquis dicatur iniustus eo ipso quod faciat aliquid iniustum, ibid.

3. An aliquis possit pati iniustum volens. 203

Quæstio LX. De iudicio. 206

Quæst. I. An iudicium sit actus iustitiæ, ibid.

2. An iudicium sit actus iustitiæ legalis an particularis. 209

3. An liceat Christianis iudicare, ibid.

4. An iudicium temerarium sit peccatum mortale. 211

5. An dubitatio & suspicio temeraria sit peccatum mortale. 213

6. An dubia in partem meliorem sint interpretanda. 217

7. An semper secundum leges scriptas iudicandum sit. 222

8. Quinam peccent usurpatione iudicij. 223

9. An iudex excommunicatus peccet usurpatione iudicij. 225

10. An iudex qui propter crimen ipso iure est privatus titulo, 227

& quæstionum.

- | | |
|--|-----|
| <i>itulo, peccet usurpatione iudicij.</i> | 128 |
| 11. <i>An index qui habet solum titulum putatiuum, peccet usurpatione iudicij.</i> | 230 |
| 12. <i>An tyrannus peccet usurpatione iudicij.</i> | 235 |

Quæstio LXI. de Diuisione iustitiæ in commutatiuam & distributiuiam.

Quæstio LXII. De restitutione.

Quæst. 1. *Quid sit restitutio, ibid.*

- | | |
|---|-----|
| <i>2. An restitutio sit necessaria ad salutem.</i> | 242 |
| <i>3. Vnde nascitur obligatio restitutionis.</i> | 244 |
| <i>4. An teneatur restituere qui priuat alium aliquo sensu vel usurpationis per iniuriam, &c.</i> | 246 |
| <i>5. An teneatur restituere qui alterum lasit in bonis animæ, pertrahendo ad peccatum, ibid.</i> | |
| <i>6. An teneatur restituere qui auertit aliquem ab ingressu vel statu religionis.</i> | 249 |
| <i>7. An homicida vel mutilator teneatur restituere.</i> | 254 |
| <i>8. Quomodo aestimatio lucri futuri facienda sit.</i> | 255 |
| <i>P. Quid teneatur restituere qui modum iusta defensionis excessit.</i> | 256 |
| <i>10. An quando homicida sustinuit poenam talionis, debeat fieri damnorum compensatio.</i> | 258 |
| <i>11. An sit aliquid restituendum pro vita, membro vel cicatrice.</i> | 259 |
| <i>12. An sit aliquid restituendum pro expensis funeris.</i> | 260 |
| <i>13. An anima occisi aliquid restituendum sit ex iustitia, ib.</i> | |
| <i>14. An tantum uxori & liberis, an etiam aliis restituendum.</i> | 261 |
| <i>15. Ad quid teneatur corruptor virginis.</i> | 263 |
| <i>16. Ad quid teneatur adulter.</i> | 265 |
| <i>17. Ad quid teneatur adultera si partus secutus sit.</i> | 267 |
| <i>18. An fama cum periculo vitæ sit restituenda.</i> | 269 |

Index capitum

19. *An si fama restitui nequeat, debeat pecunia compensari.*
271
20. *An infamator teneatur famam restituere si iam aliunde sit restituta.* 272
21. *Quomodo fama sit restituenda.* 272
22. *An totum damnum quod sequitur ex infamia sit compensandum.* 274
23. *An heredes infamatoris teneantur ad restitutionem, si ipse non restituit.* 275
24. *An teneatur ad restitutionem fama, qui bona fide putans esse verum & publicum, narrauit & infamauit proximum.* 276
25. *An prælatus impediens infamatorem teneatur restituere, ibid.*
26. *An restitutio fama possit condonari.* 277
27. *An in restitutione fama possit fieri compensatio.* 279
28. *Quanam excusent fama restitutionem.* 280
29. *An honor sit restituendus & quomodo.* 281
30. *An si res furtiua pereat, fur teneatur ad restitutionem.*
282
31. *An fur teneatur restituere fructus ex re furtiua perceptos.* 285
32. *An teneatur restituere qui alterum impedit a beneficio, officio vel alio commodo.* 286
33. *An qui communem inuentum in re crescentem teneantur integre damnum restituere.* 288
34. *An qui in tempestate eiicit merces alienas teneatur restituere, ibid.*
35. *An teneantur ad restitutionem qui positine cooperantur ad furtum vel damnum.* 289
36. *Quomodo oporteat positine cooperari ut censearis causa auctum.* 292
37. *An qui aliquo horum 6 modorum cooperatur, teneatur in solidum.* 295
38. *Quo ordine teneatur isti restitutione in solidum facere.* 295
39. *An*

de quæstionum.

39. *An teneantur ad restitutionem qui negativè sunt causa damni.* 299
40. *An is qui bona fide rem consumpsit, vel alienavit, teneatur postea restituere.* 301
41. *An possessor bona fidei teneatur etiam fructus perceptos restituere.* 303
42. *An si emeris rem furtivam bona fide, tenearis domino restituere, an verò possis dissolvere contractum recepto pretio.* 304
43. *An ille qui dubitat rem esse alienam possit eam emere, retinere, vel alienare.* 306
44. *An bona & debita incerta sint pauperibus restituenda.* 307
45. *An iuvante suo incertum diminutum habeat, sint danda pauperibus.* 310

Quæstio LXII.

- Quæst. 46. *An acceptum ob turpem causam sit necessario restituendum & cui.* 311
47. *An acceptum ob honestam causam, ad quam tamen obligaberis debeat restitui.* 313
48. *Quando restitutio facienda sit ratione contractus?* 315
49. *An debita certa sint prius soluenda quam incerta?* 320
50. *An inter creditores certos, prius soluendum sit creditori, cui pretium nondum est solutum, re vendita adhuc extante?* 321
51. *An debita ex delicto preferenda sint debitis ex iusto contractu?* 324
52. *Quis ordo servandus sit in solutione certorum debitorum?* 325

53. *Quo loco & cuius expensis facienda sit restitutio.* 326
54. *Que causa excuset a restitutione?* 328

Quæstio LXIII. De acceptatione personarum.

Quæstio LXIV. De homicidio.

- Quæst. 1. *An liceat occidere plantas & animalia?* 335
2. *An liceat occidere hominem?* 336
3. *An*

Index capituli

3. An liceat occidere peccatores.	337
4. An homini priuato liceat occidere tyrannum?	339
5. An liceat occidere filiam in adulterio deprehensam?	341
6. An liceat alterum occidere in uitae suae defensionem?	344
7. An liceat occidere furem in defensionem suarum facultatum.	347
8. An pro defensione pudicitiae & honoris liceat inuasorem occidere?	348
9. An pro defensione alterius occidere inuasorem.	349
10. An aliquo casu liceat occidere innocentem u. g. si tyrannus persequeretur innocentem & minaretur urbi excidium nisi illum occidat?	350
11. An liceat seipsum occidere?	352
12. An homicidium casuale sit peccatum?	356

Quaestio LXV. de mutilatione.

Quaest. 1. An pro salute corpori liceat se mutilare vel membrum abscindere?	357
2. An ob salutem animae liceat se mutilare.	358
3. An ob cominationem mortis liceat se mutilare?	359

Quaestio LXVI. De furto & rapina.

Quaest. 1. Quid sit furtum & rapina?	359
2. Quotuplex sit furtum?	360
3. Quale peccatum sit furtum?	361
4. An multa minuta furti faciant peccatum mortale?	363
5. An filius peccet mortaliter accipiendo & expendendo bona paterna.	365
6. An uxor peccet mortaliter accipiendo & expendendo bona mariti.	367

Quaestio LXVII. de iniustitia iudicis.

Quaest. 1. An iudex possit condemnare reum secundum allegata & probata, quem tamen certo scit esse innocentem?	370
2. An idem sit dicendum de causis civilibus?	375
3. An	

& quaestionum.

3. *An possit iudex aliquem ex privata scientia condemnare?*
376
4. *An iudex possit aliquem non citatum & auditum condemnare?*
378
5. *Quot modis iudex procedet iuridicè aduersus criminosos?*
379
6. *An quando iudex procedit via inquisitionis generalis debeat pracedere infamia persona delicti.*
381
7. *An ad inquisitionem mixtam necesse sit infamiam pracedere.*
381
8. *An ad inquisitionem specialem necesse sit infamiam pracedere.*
384
9. *Quibus modis aperiatur via iudici saculari ad inquisitionem?*
389
10. *Ex quibus indiciis possit iudex reum subijcere torture?*
ibid.
11. *An iudex condemnans reum prater ordinem iuris teneatur ad restitutionem.*
395

Quaestio LXVIII. De accusatore.

- Quaest. 1. *Quid sit accusatio, & quas requirat solemnitates?*
395
2. *An accusationem debeat pracedere secreta monitio?*
397
3. *An accusator possit desistere ab accusatione incepta, & quas ob causas.*
398

Quaestio LXIX. De reo.

- Quaest. 1. *An reus à iudice non iuridicè interrogatus teneatur fateri veritatem?*
400
2. *An iuridicè interrogatus reus teneatur fateri veritatem.*
401
3. *An reus condemnatus secundum allegata & probata teneatur obtemperare?*
404
4. *An reus possit fugere ex carcere.*
405
5. *An possit carceres & vincula effringere.*
6. *An*

Index capitum

6. An alij possint reo auxilium ferre ad fugam vel effractionem. 407

Quæstio LXX. De testibus.

Quæst. 1. Quot testes requirantur in causis criminalibus. 408

2. Quales esse debeant hi duo testes, ut legitime probent. 409

3. An quis teneatur semper testari ad præceptum iudicis.

410

4. An testis teneatur ad restitutionem si nolit testari vel si veritatem occultet? 411

5. An testis teneatur restituere si falsum testatus sit? 412

Quæstio LXXI. De aduocato.

Quæst. 1. An aduocatus possit causam dubiam tueri? 412

2. Quando aduocatus teneatur ad restitutionem parti? 414

3. An aduocati teneantur pauperibus patrocinari gratis, ibid.

Quæstio LXXII. De contumelia.

Quæstio LXXIII. De detractioe.

Quæst. 1. Quid sit detractio? 415

2. Quale peccatum sit detractio. 416

3. An Auditor detractoris peccet mortaliter? 417

4. An peccet mortaliter qui refert dicta sine asseueratione?

418

5. An sit peccatum mortale, infamare seipsum. 419

6. An eum qui uno loco est infamis propter crimen publicum, liceat alibi infamare? 420

7. An eum qui eo crimine est infamis, liceat de alijs infamare? 421

8. An licitum sit iniuriam ab alio sibi factam amico deferre?

422

Quæstio LXXIV. De infurrectione.

Quæstio LXXV. De irrisione.

Quæstio LXXVI. De maledictione.

Quæstio LXXVII. De emptione & venditione.

Quæstio LXXVIII. De viura.

Quæst. 1. Quid & quotuplex sit usura. 423

2. Quo iure prohibita sit usura? 425

3. An

& quaestionum.

3. *An ratione damni emergentis liceat aliquid supra sortem exigere?* 428
4. *An ratione lucri cessantis liceat aliquid supra sortem accipere.* 430
5. *An ratione periculi sortis, vel difficultatum, aut expensarum, quæ in ea recuperanda metuuntur, liceat aliquid ultra sortem exigere?* 432
6. *An ratione carentia pecunie seu obligationis non rependi ante certum tempus possit aliquid exigi?* 433
7. *An in mutuo pœna conventionalis locum habeat?* 435
8. *An dominium usurarum transferatur in usurarium.* 436
9. *Quanam possimus ab usurariis titulo oneroso vel gratuito accipere?* 438
10. *Utrum heredes usurarij teneantur in solidum?* 441
11. *Quinam ex cooperantibus ad usuras teneantur ad restitutionem?* *ibid.*
12. *Quenam sint pœne usurariorum?* 442
13. *An montes pietatis excusentur ab usura?* 443

Quaestio LXXVIII. De sensibus seu redditibus annuis.

- Quaest. 1. *Quid & quotuplex sit census?* 445
2. *An liceat emere novos census.* 447
3. *An liceat emere censum personalem?* 448
4. *An liceat emere censum perpetuum inredimibilem minori pretio quam sint pensiones operatae?* 452
5. *An liceat emere censum temporalem minori pretio quam sint omnes pensiones simul sumptae?* 454
6. *An liceat emere censum utrinque redimibilem?* 455
7. *Quæ conditiones iure positivo requirantur in emptione censuum?* 458

Quaestio LXXIX. De partibus iustitiæ integrantibus.

Quaestio LXXX. De partibus iustitiæ potentialibus.

Quaestio LXXXI. De religione.

- Quaest. 1. *Quid sit religio.* 459
2. *Quid*

Index capitulum

2. <i>Quod sit obiectum religionis.</i>	462
3. <i>An religio differat ab aliis virtutibus.</i>	465
4. <i>An religio differat ab obseruantia, quae coluntur sancti?</i>	468
5. <i>An Deo debeantur cultus diuersae speciei ratione diuersorum beneficiorum?</i>	273
6. <i>An Deo debeantur cultus diuersae speciei ratione diuersarum perfectionum seu attributorum?</i>	474

Quaestio LXXXII. De deuotione. 475

Quaestio LXXXIII. De oratione.

Quaest. 1. <i>Quid sit oratio?</i>	477
2. <i>An oratio sit necessaria ad salutem?</i>	478
3. <i>An oratio sit utilis & efficax.</i>	480
4. <i>Quenam in oratione sint petenda?</i>	481
5. <i>Quisnam possit aut debeat orare?</i>	482
6. <i>Quinam sint orandi, an etiam sancti?</i>	484
7. <i>Pro quibus sit orandum?</i>	488
8. <i>Quomodo sit orandum?</i>	490
9. <i>An hora canonica sint utiles & retinenda in Ecclesia.</i>	491
10. <i>An omnes clerici obligentur ad horas canonicas, ibid.</i>	
11. <i>An omnes beneficiarij teneantur ad horas canonicas.</i>	494
12. <i>An omnes religiosi obligentur?</i>	497
13. <i>Quanta sit obligatio legendi horas.</i>	498
14. <i>Quomodo hora sint recitandae?</i>	500
15. <i>De alijs quibusdam circumstantijs.</i>	499

Quaestio LXXXIV. 501

Quaestio LXXXV. De sacrificio. 502

Quaest. 1. *Quid sit sacrificium propriè dictum.* 502

2. *Quotuplex sit sacrificium?* 506

3. *An hoc tempore liceat offerre agnum vel vitulum?* 508

Quaestio

& questionum.

Quæstio LXXXVI. De oblationibus & primitiis. 509

Quæstio LXXXVII. De decimis. *ibid.*

Quæst. 1. *An Christiani teneantur soluere decimas & quæ iure?* 509

2. *An ecclesia conuenienter constituerit hanc quotam.* 511

3. *Ex quibus rebus soluenda sint decima?* 512

4. *Quomodo soluenda sint decima?* 514

5. *Quibus soluenda sint decima?* 515

6. *Quibus teneantur soluere decimas?* 516

Quæstio LXXXVIII. De voto.

Quæst. 1. *Quid sit votum?* 517

2. *An propositum aliquando habeat vim voti* 518

3. *Quotuplex sit votum.* 519

4. *Quanam sit materia voti?* 521

5. *An bonum sit vouere ad colendum Deum?* 525

6. *An melius sit facere aliquid ex voto quam sine voto.* 527

7. *An votum unius possit obligare alterum?* 528

8. *Quot modis possit quis solui aut liberari a voto.* 530

9. *Quorum vota possint irritari & a quibus?* 531

10. *Quanam possint commutare vota & quo pacto?* 537

11. *Quanam possint in votis dispensare?* 540

12. *An Papa possit dispensare in voto solemnî?* 543

Quæstio LXXXIX. De iuramento.

Quæst. 1. *Quid sit iuramentum?* 547

2. *Quotuplex sit iuramentum?* 549

3. *An liceat iurare sine per Deum siue per creaturas?* 550

4. *An iuramentum promissorium libere factum semper obliget?* 552

5. *An iuramentum promissorium melius grauius excoꝝum obliget?* 553

Index capitum

6. <i>An iuramentum dolo vel errore extortum obliget?</i>	554
7. <i>An qui ficto animo aliquid promittit cum iuramento obligetur.</i>	555
8. <i>An si alio sensu quam alter intelligat, iures, obligeris?</i>	556
9. <i>An liceat deferre iuramentum ei, quem putas peieraturum?</i>	558
10. <i>Quibus modis tollatur obligatio iuramenti?</i>	559

Quæstio LXXXX. De adiuratione?	560
Quæstio LXXXXI. De Dei laudibus?	561
Quæstio LXXXXII. De superstitione.	ibid.
Quæstio LXXXXIII. De illegitimo Dei cultu.	562
Quæstio LXXXXIV. De idololatria.	563
Quæstio LXXXXV. De diuinatione?	ibid.
Quæstio LXXXXVI. De vana obseruatione.	ibid.
Quæstio LXXXXVII. De tentatione Dei.	564
Quæstio LXXXXVIII. De periurio.	565
Quæstio LXXXXIX. De sacrilegio.	ibid.
Quæstio C. de simonia.	

Quæst. 1. <i>Quid & quotuplex sit simonia.</i>	567
2. <i>An omnis venditio rerum spiritualium pro temporalibus sit simonia iure diuino prohibita?</i>	568
3. <i>An permutatio rerum spiritualium inter se sit simonia iuris diuini?</i>	571
4. <i>An sit aliqua simonia iuris humani?</i>	572

Particulares modi simoniæ.

5. <i>An in graui vel extrema necessitate liceat dare pretium pro sacramentis?</i>	574
6. <i>An liceat dare pretium pro functionibus spiritualibus, quibus labor aliquis coniunctus est.</i>	576
7. <i>An prelati possint aliquid exigere pro dispensatione v. g. votorum, iuramentorum, &c.</i>	578

8. *An*

& quæstionum.

8. *An episcopi vel eorum officiales possint aliquid exigere pro literis ordinis suscepti, vel dimissorii, vel sigillo?* § 79
9. *An pro ingressu religionis aliquid dare vel accipere sit simonia?* ibid.
10. *An sit simonia resignare beneficium in fauorem tertij cum clausula: non aliter, nec aliàs?* § 80
11. *An liceat resignare beneficium reservata pensione.* § 82
12. *An liceat resignare beneficium in confidentiam?* § 84
13. *An liceat permutare beneficia compensatâ fructuum inæqualitate?* ibid.
14. *Ad liceat redimere vexationem in beneficiis.* § 86
15. *An liceat offerre pecuniam electoribus ne eligant indignum?* § 88.
16. *An liceat conferre beneficium pro munere vel à manu, vel à lingua, vel ab obsequio?* ibid.
17. *An sit simonia conferre beneficium propter timorem.* § 89
18. *An pensio possit vendi aut redimi pecunia.* § 90.

De pœnis simoniacorum?

19. *An omnis simonia inducat pœnas iuris?* § 91
20. *Quas pœnas inducat simonia realis in ordinibus.* § 92
21. *Quas pœnas inducat simonia realis in beneficiis?* § 93
22. *Quas pœnas inducat simonia realis circa religionis ingressum?* ibid.
23. *Quas pœnas inducat simonia confidentia?* § 93
24. *An simonia conuentionalis inducat pœnas iuris, ibid.*
25. *An omne id quod simoniacè acceptum est debeat restitui?* § 95
26. *Cui debeat fieri restitutio pretij & quando?* § 96

F I N I S

A P P R O B A T I O.

HVnc tractatum R. P. MARTINI BECANI Societatis IESV Theologi, DE IVRE ET IUSTITIA, inoffensis in omnibus fide catholica ac bonis motibus utiliter reimprimi posse censui. Duaci 26. Octob. 1633.

MATHIAS NAVEVS. *Theol. Doctor. Canonicus Secliniensis ad S. Petrum Duaci Parochus & lib. censor Episcopalis.*



TRACTATUS DE IVRE ET IVSTITIA.



OST Theologicas Virtutes agendum de Cardinalibus, quarum præcipua est Iustitia, de qua disputant Scholast. in 3. distinct. 36. Canonistæ in decreto distinct. 1. Iuristæ in ff. de Iustitia & Iure, d. 11. hîc quæst. 57. & seq. & alij, quos suo loco citabimus. Sumitur autem Iustitia tripliciter: *Primò*, largè, ut quædam virtus generalis, quæ omnes complectitur, & est idem quod sanctitas, Quo pacto viri sancti in Scriptura appellantur iusti: & mutatio illa, qua quis ex statu peccatû transfertur in statum gratiæ, & adoptionis filiorum Dei, dicitur iustificatio. *Secundò*, sumitur strictè, ut est virtus quædam particularis, distincta à reliquis omnibus, cuius officium est, unicuique dare quod ipsi debetur, & æqualitatem in omni contractu constituere. Hoc modò non agimus hîc de iustitia.

CAPVT I.

De Iure.

ANTEQVAM aggrediar qç. Diui Thomæ, præmittendæ sunt aliquot disputationes de Iure, dominio, usufructu, possessione, & de similibus, quæ necessaria sunt ad intelligendam materiam de iustitia.

1. **P**RIMA CONCLUSIO. Nomen iuris æquiuocum est, & sumitur, *Primò*, pro regula seu norma operis iusti, cuiusmodi regula est lex, præceptum, & sententia iudicis. Hæc enim est veluti priuata quædam lex: Et hoc modo iudex dicitur dictare Ius, & præesse Iuri dicendo. *Secundò*, pro sententia iuris, quo pacto sumitur à Celso Iurecons. teste Vlpiano, l. 1. ff. de Iure & Iustitia; cum ait, *Ius est ars boni & æqui*. *Tertio*, pro potestate & actione, quam quis habet in rem aliquam; quo pacto dicimus aliquem vti suo iure. *Quartò*, pro iusto & æquo: Hæ duæ postremæ acceptiones ad nostrum institutum pertinent.

2. **S**ECUNDA CONCLUSIO. Ius in quarta acceptione, quatenus est idem quod iustum, potest tripliciter accipi. *Primò*, generalissimè pro omni eo, quod est legi consentaneum, quod ab Aristotele vocatur iustum legitimum; & reipsa idem est quod honestum, quo pacto omne opus virtutis dicitur iustum, *Secundò*, minus generaliter pro omni eo, quod alteri ex quacunque honestate, seu æquitate, est debitum: dupliciter autem potest aliquid alteri esse debitum, *Primò*, debito legali quod & vocatur debitum iustitiæ. *Secundò*, debito morali seu honestatis, vt docet Diuus Thomas *questio. 80. & questio. 106. articul. 4. ad 1.* Debitum legale seu Iustitiæ est, ad quod alter verum Ius & actionem moralem habet, & ideo ratione illius Iuris alius obligatur lege Iustitiæ ad illud reddendum. Debitum morale est, quod non fundatur in tali Iure seu actione, sed solum in honestate morali, & debita rectitudine virtutis, quam quisque seruare tenetur in suis actionibus, quæ sunt ad alterum. Quisque enim erga alterum tenetur operari secundum legem virtutis, & dictamen rectæ rationis, quamuis alter verum Ius ad hoc non habeat: verbi gratia, teneor morali debito eleemosynam dare pauperi, & tamen

tamen pauper non habet Ius & actionem ad hoc, ut illidem. Idem habet locum in gratitudine & veritate. *Tertio*, accipitur Ius & iustum strictè pro iusto legali tantum, quod ita debitum est, ut alter habeat verum Ius & actionem ad illud exigendum, & hoc modo est obiectum iustitiæ, de qua disputamus.

QVÆST. II. *Quid sit Ius illud, quod significat præceptum.*

I. **P**RIMA CONCLUSIO. Ius in tertia acceptione est *potestas, seu facultas legitima ad rem aliquam obtinendam, siue ad usum rei, vel ad aliquam functionem, aut negationem functionis, cuius violatio sine iustificatione facta iniuriam constituit*, *Primò*, dicitur *potestas legitima*, id est, lege concessa, siue legi consentanea: nā potestas, quæ secundum legem non competit, non est Ius, sed potius iniquitas. Lex autem secundum quam Ius competit, vel est naturalis, vel positiua. Lege naturali habemus Ius ad usum membrorum, ad vitam sustentandam, ad vim propulsandam; lege positiua ad hæreditatis successionem, ad præscribendum, ad vſucapiendum certo tempore rem alienam. Sunt enim tot genera Iurium quot genera legum, quæ Ius tribunt. Quamuis hæc diuersitas non faciat diuersitatem in Iustitiæ habitu. Nam Iustitia æquè inclinat ad reddendum debitum, siue id oriatur ex lege naturali, siue ex positiua. *Secundò*, dicitur *potestas ad functionem, aut negationem functionis*, quia non solum Ius habeo, ut aliquid agam, aut ut proximus aliquid agat, v.g. ut mihi seruiat, sed etiam ut non agat, v. g. ut me non impediat, & non lædat. *Tertiò*, dicitur *potestas, cuius violatio constituit iniuriam*, quia huic Iuri, de quo agimus, opponitur iniuria, quæ nihil aliud est, quam peccatum, quo quis alterius Ius violat, quod est peccatum iniustitiæ. Porro ut hæc violatio constituat iniuriam debet fieri sine legitima causa. Nam si fiat ex legitima causa non erit iniuria, v. g. Petrus habet Ius ad repetendum gladium, quem apud me deposuit,

si contraueniam huic Iuri, sine legitima causa, facio ei iniuriam; si autem sit legitima causa, vt si interueniat furor, seu amentia, non facio ei iniuriam. Hinc sequitur ius esse quasi mensuram iniuriæ. Nam quantum illi sine legitima causa contrauenitur, tantum fit iniuriæ.

Sed duo notanda sunt. Primum, hæc duo non pugnare, aliquem habere Ius ad aliquid, & pati iniuriam; imò hoc potterius non potest esse sine priori. Nemo enim potest pati iniuriã, nisi habeat ius ad aliquid. Nam iniuria in eo consistit, quod sine legitima causa contraueniatur iuri, quod quis habet. Secundum, non semper eum, qui exequitur id, ad quod Ius habet, exercere actû iustitiæ; tamen si is, qui sine legitima causa violat ius alterius, semper exerceat actum iniustitiæ, v.g. qui vescitur cibo suo, aut qui vestit se veste sua, exercet actum, ad quem ius habet; & ideo dicitur vti suo iure: non tamen exercet actum iustitiæ, quia omnis actus iustitiæ est ad alterum, qui autem sine legitima causa impediret hoc ius, quod alter habet, actum iniustitiæ exerceret.

2. SECUNDA CONCLUSIO. Hæc potestas nihil est aliud, quã habitudo quædam personæ ad rem, in quam ius habere dicitur, & aliquando habet se per modum potentiaæ actiuæ, vt Ius ad aliquid agendum, vel percipiendum: aliquando per modum passiuæ, vt Ius creditoris, vt sibi debitum soluatur; & Ius dominorum, vt sibi seruatur à famulis; & Ius subditorum, vt debent gubernentur à Principe: Aliquando per modum potentiaæ resistendi, vt Ius, quod quis habet, ne alius ædificet in eali loco, aut ne fenestram aperiat.

3. QVÆRES, An hoc Ius sumptum pro potestate sit aliquid reale? Respondeo: Nec est ens reale, nec rationis, sed aliquid morale, quod secundum cõmunem æstimationem hominum sufficit ad varios effectus licitè efficiendos, & aliquando oritur ex deputatione, & voluntate hominum; aliquando ex beneficio naturæ. Siue vt
suprà

suprà dictum est, aliquando ex lege naturali, aliquando ex lege positiva.

4. DICES, Si est tantum aliquid morale, quomodo ab eo possunt procedere effectus, & actiones reales? Respondeo: Actiones reales, quæ tribuuntur huic potestati, seu Iuri, non pendent ab ipso iure effectivè, quasi Ius, seu potestas moralis sit effectivum principium actionum moralium; sed solum habent à Iure, ut licitè sine iniuria exercentur; Vbi Nota, Tria spectari posse in eo, qui habet Ius seu potestatem moralem. *Primum* est capacitas aliqua realis, à qua actiones reales procedunt. *Alterum*, Ius ipsum, quod supponit hanc capacitatem, & à quo habent actiones, ut legitimè fiant. *Tertium* est respectus rationis, qui in hoc Iure fundatur; v. g. in Doctore, qui habet Ius publicè docendi & interpretandi, est *primò* cognitio quædam & scientia eorum rerum, quas docendas suscipit, & ab hac cognitione & scientiâ procedunt reales actiones docendi & interpretandi. *Secundò* est ipsum Ius docendi & interpretandi; ratione cuius dicitur licitè docere & interpretari. *Tertiò* sunt varij respectus, qui fundantur in hoc iure. Nam hoc Ius duo potissimum respicit, nempe iustum seu debitum legale, quod est obiectum iustitiæ, & obligationem iustitiæ in eo qui debet. Unde & debitum seu iustum legale à duobus respicitur tanquam correlativis, nempe ab obligatione, quæ est in debente; & à iure, quod est in eo, cui debetur; à iustitia verò respicitur tanquam eius obiectum.

Q V Æ S T. III. De iure naturali & positivo.

1. **P** RIMA CONCLUSIO. Divisio Iuris in naturale & positivum potest convenire iuri 1. 3. & 4. acceptione, nempe ut Ius sumitur siue pro lege, siue pro potestate, siue pro iusto seu debito. Potest ergo his tribus modis explicari. *Primò*, lex alia est naturalis, alia positiva, *Secundò*, potestas alia conceditur lege naturali,

alia positiva. Tertiò, iustum seu debitum aliud est lege naturali debitum, aliud positivum.

2. SECUNDA CONCLUSIO. Aliter Iuristæ, aliter Theologi hanc divisionem explicant. Iuristæ diuidunt Ius in *naturale gentium*, & *ciuile*, vt habetur libro 1. & seq. ff. de iustitia & iure, & instit. de iure naturali, gentium, & ciuili. *Ius naturale* vocant, quod est commune hominibus ac brutis, vt coniunctio maris & feminae, liberorum procreatio, ac educatio. *Ius gentium*, quod est proprium hominibus, & illis omnibus, aut ferè omnibus commune, vt religio erga Deum, obsequium erga patriam & parentes, bella, captiuitates & seruitutes, emptio & venditio, & similes contractus. *Ius ciuile*, quod est proprium alicui Reipublicæ aut ciuitati. Vbi nota *Ius ciuile* apud Iuristas duobus modis usurpati. Primò, propriè & strictè pro eo, quod est proprium cuique ciuitati & regno. Et sic distinguitur à iure naturali, & gentium, vt ex dictis patet. Secundo, pro toto illo iure, quo vnumquodque regnum, aut ciuitas regitur, & sic complectitur & ius gentium, & naturale. Nam vnumquodque regnum, non solum regitur iure sibi proprio, sed etiam iure gentium & naturali. Hoc sensu Vlpian. lib. 1. ff. de iustitia & iure, dicit: *Ius priuatum esse collectum ex preceptis naturalibus gentium, & ciuilibus*. Et Aristoteles 5. Ethic. 7. diuidit ius ciuile, hoc modo sumptum, in *Ius naturale*, & *legitimum*, id est, positivum.

3. TERTIA CONCLUSIO. Theologi diuidunt Ius in *naturale & positivum*, deinde positivum in *diuinum & humanum*: denique humanum in *Ius gentium*, *ciuile*, & *canonicum*. *Ius naturale* vocant, quod est consentaneum naturæ rationali, nec in brutis, sed in hominibus locum habet. *Ius gentium* quod communi gentium consensu introductum est. Cætera facilia sunt. Vnde patet aliqua esse de iure gentium apud Iuristas, quæ apud Theologos

Theologos sunt de iure naturali, vt est religio erga Deum, obsequium erga patriam, & quæcunque in Decalogo præcepta aut prohibita sunt quoad substantiam. Nec tamen reipsa dissentiunt Iuristæ & Theologi, sed tantum in modo loquendi.

QVÆST. IV. *De Iure simpliciter, & secundum quid:
Item de paterno, dominatio, & æconomico.*

1. **P**RIMA CONCLUSIO. Ius seu iustum, diuiditur in iustum simpliciter, & secundum quid. Alij vocant æquale, & inæquale. Vt aliquid sit iustum simpliciter, tria requiruntur. *Primum*, vt sit ad alterum. *Secundum*, vt interueniat ratio debiti. *Tertium*, vt constituatur æqualitas. Hinc sequitur illud esse Ius secundum quid, cui aliqua ex his conditionibus deest. Vide D. Thom. *quest. 57. articul. 4. & quest. 80. & Arist. 5. Ethic. 6.*

2. **S**ECUNDA CONCLUSIO. Inter patrem & filium, dominum, & seruum, virum & uxorem, quatenus tales sunt, non est iustum simpliciter, quod Aristoteles & D. Thom. appellant iustum ciuile, seu politicum, quale est inter ciues: sed inter patrem & filium est iustum paternum: Inter dominum & seruum est iustum herile, seu dominatum: Inter virum & uxorem est iustum æconomicum. Ita D. Thom. & Arist. *loco citato*. Ratio est, quia, vt aliquid sit iustum simpliciter, requiruntur tres conditiones enarratæ. At prima conditio deest in proposito, quia iustum de quo agimus, non est simpliciter ad alterum. Nam filius non est omnino alter à patre, cum sit pars eius ab eo decisa: nec seruus est omnino alter à Domino, cum sit eius quasi instrumentum, ac possessio: nec uxor est omnino altera à viro, cum sint quasi vna caro. In secunda conditione non est defectus. In tertia est defectus inter patrem & filium, quia filius non potest patri eddere æquiualens. Notat D. Thom. ex Aristotele

iustum æconomicum, quod est inter virum & vxorem, minus recedere à iusto politico, quod est iustum simpliciter, quàm ius parentum & dominatium. Ratio, quia vxor magis distinguitur à viro, quàm filius à patre; seruus à domino. Nam vir & vxor sunt duæ partes vnius communitatis domesticæ, vt docet Aristoteles 1. *Polit.* 3. sicut ciues sunt partes vnius ciuitatis. At dominus & seruus non sunt duæ partes, sed alter est instrumentum alterius; similiter pater & filius non sunt duæ partes, sed alter se habet per modum partis, alter per modum totius.

3. QVÆRES, Quomodo intelligendum sit inter patrem & filium non esse iustum simpliciter? Nam duobus modis id intelligi potest. *Primò*, non esse iustum propriè dictum. *Secundò*, esse quidem iustum propriè dictum; non tamen perfectè, sed imperfectè iustum. Respondeo: Debet intelligi primo modo. Ratio est, quia iustum propriè dictum est obiectum iustitiæ propriè dictæ; sed inter patrem & filium, quâ tales, non est Iustitia propriè dicta: ergo nec iustum propriè dictum. Minor patet, quia virtus, quâ filius vt filius, reddit ius suum patri, est virtus pietatis, quæ à iustitia distinguitur, & ei annexa est, vt docet Diuus Thomas *quæstione octuagesima & centesima prima*. Et quidem pietas, partim deficit à Iustitia, partim superat. Deficit in eo, quod non sit perfectè ad alterum, nec possit reddere æquivalens: Superat verò, quia debitum quod ex pietate debetur, est multò præstantius & perfectius in ratione debiti, quàm quod ex iustitia debetur, vt docet Domin. Soto *libro tertio de iustitia, quæstione 1. articulo quarto*, Caiet. *hic qu. 57. art. 4. & Valent. qu. 1. p. 2.*

4. DICES *primò*. Amicitia non minus debet esse ad alterum, quàm Iustitia vt docet Aristot. 8. *Eth. cap. 8. sed* inter patrē & filium est propriè amicitia, vt docet idem Aristot. 8. *Eth. cap. 14.* Ergò & inter illos est propriè Iustitia

Iustitia. *Secundò*, potest inter eos propriè iniuria & iustitia esse, vt si filius interficiat parentem: ergo & propriè Iustitia. *Tertiò*, inter Christum & Deum Patrem, fuit propriè Iustitia, quia ex Iustitia satisfecit pro humano genere Patri: & tamen Christus ratione naturæ diuinæ est aliquid patris. *Quartò*, quia inter Deum & quemlibet hominem iustum potest intercedere vera iustitia, quia homo iustus ex Iustitia potest mereri vitam æternam: & tamen homo iustus est aliquid Dei, cùm sit eius filius per adoptionem, & seruus per creationem. Solutio pendet ex seq. concl.

5. TERTIA CONCLUSIO. Inter patrem & filium, si non spectentur vt tales sunt, sed aliquo alio modo, potest esse iustum simpliciter, & vera Iustitia. Ita Dom. Soto lib. 3. de iust. q. 1. art. 4. Molina tract. 1. de iust. disp. 7. & Aragon. hîc q. 57. art. 4. quamuis contrarium sentiant Caiet. q. 57. art. 4. & Valentia quæst. 1. p. 2. Nota filium tribus modis spectari posse: *Primò*, quatenus est pars quædam per naturalem generationem à patre decisa. *Secundò*, quatenus non est sui iuris, quoad bona temporalia, sed sub Iure & potestate patris. *Tertiò*, quatenus est sui Iuris, & egressus è potestate paterna, siue per emâicipationem, siue alio modo, vt sit in peculio castrensi, vel quasi castrensi, etiam ante emancipationem. Hoc tertio est omnino alter à patre, non autem primo & secundo modo. Si ergo filius spectetur primo modo, non potest inter illum & patrem esse Iustitia propriè dicta, tum quia non est omnino alter à Patre, nec potest illi reddere æquiualens, vt supra dictum: tum etiam, quia licet ea ratione debeat patri obsequiũ & reuerentiam, & hoc debitum sit valde præstans, quod arctissimè obligat; tamen non est debitum legale seu iustitiæ, sed debitum morale seu honestatis. Ratio patet ex prima quæstione, quia pater non habet Ius & actionem moralem ad exigendum illud debitum. Si spectetur se-

eundo modo non potest etiam inter illum & patrem esse iustitia propriè dicta, quia licet in persona sit alter à patre: non tamen in iure. Nam in filio nullum est ius quod non sit sub potestate patris, aut quod possit patrè ex iustitia obligare. Si tertio modo spectetur, potest esse iustitia inter illū & patrem, quia cum sit sui iuris, nec amplius sub paterna potestate, non minus est alter à patre, quam quivis alius, qui est sui iuris: potest ergo cum patre inire contractus ciuiles, sicut cum aliis hominibus. Hinc facilè solvuntur argumenta contraria. Ad *primum* Respondeo, Sicut inter patrem & filium emancipatum potest esse amicitia, ita & iustitia. De filio nondū emancipato est alia ratio, quia ille nō habet propriū ius; iustitia autem debet esse ad alterum, qui habet ius, quod non requiritur in amicitia. Ad *secundum* Respond. Eo sensu quo inter patrem & filium potest esse iniuria, potest etiam esse iustitia: ac *primò* si filius peccet contra patrem in iis, quæ debet illi præstare expiæ, non erit iniustitia, sed impietas. *Secundò*, Si ante emancipationem peccet contra illum in bonis temporalibus, non erit iniustitia, sed quasi quædam prodigalitas. Nam bona patris censentur esse bona filij, ac proinde non sunt aliena: *Tertiò*, si post emancipationem peccet in iisdem bonis, erit vera iniustitia, quia iam filius est sui iuris, & habet bona propria distincta à bonis paternis. Denique si interficit patrem, antequam emancipetur, erit impius & parricida, si post emancipationem, etiam iniustus. Ad *Tertium & Quartum* Respond. Valentia loco citato. Inter Deum Patrem & Christum hominem, & similiter inter Deum & quemlibet iustum, non esse propriè talem Iniustitiam, qualis est inter ciues, sed esse Iustitiam quandam alterius ordinis, quæ specie distincta sit à Iustitia politîca. Sed quidquid sit de hac re, difficulas in eo solum est. At inter Deū Patrem, & Christū hominem, sit sufficiens distinctio, ut Christus possit dici alter

ei alter à Patre ; & consequenter , An inter illos possit esse Iustitia. Respondeo , Affirmatiuè , tum quia humana Christi natura sufficienter distinguitur à diuina natura patris : tum etiam , quia vbicunque sunt distincta dominia & iura , ibi potest intercedere Iustitia. Christus autem habuit proprium dominium actuum voluntatis humanæ , distinctum à dominio voluntatis diuinæ. Idem est de Deo , & quolibet iusto.

QVÆST. V. De Iura in re & ad rem.

1. **P**RIMA CONCLUSIO. Ius in re, est ius circa rem aliquam, ad quos res ipsa deuincta est. Ius ad rem, est Ius circa rem aliquam, ad quos res ipsa nondum est deuincta. Ita Molina tract. 2. de iust. disp. 2. Alij autem hoc modo : Ius in re est, quod quis habet in re iam sua , & obtenta : Ius ad rem, quod quis habet, ut res aliqua fiat ipsius.

2. **S**ECUNDA CONCLUSIO. Ut aliquis acquirat Ius in re, tria requiruntur, Primò, Existentia rei. Secundò, Titulus qualis est, v. g. emptio vel donatio, vel aliquis similis. Tertiò, Traditio : Si vñum ex his desit, non est Ius in re. Est communis sententia , quam sequitur loco citato Molina, & colligitur ex L. traditionibus C. de pactis , quæ sic habet : Traditionibus & usucapionibus dominia rerum, non nudis pactis transferuntur. Hinc sequitur Primò , Ecclesiasticos non habere Ius in re circa fructus suorum beneficiorum , quos sequenti anno percepturi sunt, quia illi fructus nondum existunt, habent tamen Ius ad rem. Secundò , Fures & usurarios non habere Ius in re circa pecunias furto, vel usura acquisitas. Quia licet illæ pecuniæ iam existant, & etiam obtineantur à furibus & usurariis, tamen deest legitimus titulus, Tertiò , Emptorem non habere Ius in re circa equum , pro quo pretium persoluit, quamdiu equus non est illi traditus, habet tamen Ius ad rem. Vnde si Venditor eundem equum alteri vendat , & simul tradat , hic secundus emptor acquireret Ius in re, nec tenebimur equum tradere priorī emptori.

emptori. Ita habetur l. *Quoties C. de rei venditione*. Et ratio est, quia prior emptor non habet Ius in re, sed tantum Ius ad rem, & posterior acquisiuit sibi Ius in re: ergo non res vendita, sed venditor ipse est obligatus priori emptori: ac proinde priori emptori non conceditur actio realis in rem, quæ iam alterius effecta est, sed actio personalis in venditorem, qui tenetur cum ipso componere.

3. TERTIA CONCLUSIO. Ut aliquis acquirat Ius ad rem, non est necessaria existentia rei, nec traditio, sed legitimus titulus. Hoc patet in exemplis allatis. Nam Ecclesiastici habent ius ad rem respectu omnium fructuum, quos sequenti anno percepturi sunt, etsi illi fructus non existant. Item emptor habet Ius ad rem respectu prædij quod emit, antequam traditio facta sit.

4. QVÆRES *primò*, Quid intersit inter eum, qui habet ius in re, & eum, qui habet Ius ad rem, quoad forum iudiciale? Respondeo: Ei, qui habet Ius in re, conceditur actio realis respectu rei, quæ tali Iuri est deuincta ad cuiuscumque manus perueniat res illa. Ei verò, qui solum habet Ius ad rem, sola actio personalis conceditur.

5. QVÆRES *secundò*, Quale ius habet is, qui furto amisit suum equum, aut qui amisit possessionem sui prædij. Respondeo. Si ante amissum fuerit verus dominus equi, & prædij, & consequenter habuerit Ius in re, tunc etiam post amissum, vtriusque manet dominus, & seruat ius in re. Hoc intellige respectu equi & prædij, non autem respectu possessionis vtriusque. Nam respectu possessionis habet tantum Ius ad rem. Ratio est quia cum possessio nondum existat, non potest circa illam habere Ius in re, ut ex dictis patet. Quod autem habeat Ius in re circa equum & prædium; inde patet, quia ante amissum habebat Ius in re, & dominium, hoc

autem

autem non amisit per furtum, aut elocationem.

6. QUARTA CONCLUSIO. Quando dicitur, aliud esse Ius in re, aliud Ius ad rem, nomine rei non tantum intelligimus res corporales, quæ tangi possunt, ut equum, vestem, domum, aurum, argentum: sed etiam incorporales, quæ solùm intellectu percipiuntur, cuiusmodi sunt Iura ad aliquid, ut v. g. Ius adeundi hæreditatem, Ius fruendi aut utendi re alterius, Ius viæ per agrum alienum, Ius mittendi stillicidium alicuius domus super alienam domum, & similia. Hæc enim iura computantur inter res incorporales, ut habetur Instit. de rebus corporalibus & incorporalibus. Hinc sequitur, sicut in corporalibus aliquando solum acquirimus Ius ad rem, aliquando verò Ius in re: sic etiam fieri in ipsis Iuribus. Item sicut in corporalibus non acquiritur Ius in re, nisi facta traditione: sic etiam ordinariè fieri in incorporalibus. Vnde si Petrus, v. g. donet, aut vendat alicui usufructum, aut aliud Ius in prædio, cui Iuri servitus in eo prædio respondeat, & ante traditionem illius Iuris venditi aut donati tradat idem prædium venditum alteri, nullo interposito pacto, ut emptor teneatur permittere & concedere Ius, quod venditor illi alteri donauerat, aut vendiderat, sanè emptor, cui facta fuerit traditio prædij, ad nihil tenetur ei, cui prius fuerat venditum, aut donatum Ius illud, eo quod comparauerit Ius ad rem, Secus autem esse, si præter titulum emptionis, aut donationis, interuenisset traditio illius Iuris; tunc enim primus emptor & donatarius comparasset Ius in re, antequam secunda venditio fieret. Et ideo prædium illud, ad cuiuscumque manus deuenisset, cum eo onere, & obligatione reali transisset. Ita colligitur ex L. *si sub una*, ff. de verborum obligationibus, cuius hæc sunt verba: *Si quis viam ad fundum suum dari stipulatus fuerit, postea fundum, partemve eius ante constitutam servitutem alienauerit, evanescit stipulatio.* Ex quibus verbis patet stipulationem,

pulationem, aut titulum ad seruitutem non sufficere ut constituta censeatur, & acquisitum sit Ius in re, nisi traditio sit subsequuta. Vnde si fundus, in cuius utilitate seruitus fuerat promissa, vendatur, & tradatur alteri, Ius seruitutis illius, non transit in emptorem; nisi fortè venditor Ius illud personale, quod ad illam seruitutem habebat, emptori cesserit, saltem per clausulam illam particularem, quam tabelliones in instrumentis publicis solent apponere, nempe quod cesserit omne Ius reale, vel personale competens sibi in tali re. Similiter si fundus, in quo talis seruitus fuerat promissa, vendatur, & tradatur alteri, obligatio possidendi eam non transit in eum. Ratio, quia ex sola promissione seu stipulatione nondum erat acquisitum Ius in re; neque actiuum ex parte fundi, in cuius utilitatem seruitus erat promissa, neque passiuum ex parte alterius fundi, in quo erat promissa, sed solùm erat obligatio personalis constituendi eam seruitutem inter eum qui eam promiserat, & illum cui eam promiserat; Ius autem & obligatio personalis non transit cum fundo. Item colligitur ex *L. pluribus, ff. eodem tit.* & ex *L. pro parte, ff. de seruitutibus*.

7. QVÆRES, An ad acquirendum Ius in re circa res incorporales semper præter titulum necessaria sit traditio? Respondeo. Ordinariè necessaria est, ut dixi, non tamen semper. Ut autem aliquid certi sciatur, præscribi hæc regula generalis potest. Quando ex dominio aut dispositione alicuius Iuris non constat Ius illud quod quis habet ante traditionem respectu alicuius rei esse Ius in re; censendum est esse tantum Ius ad rem: si autem vel ex dominio, vel ex dispositione alicuius legis constet, aliquem habere Ius in re ante traditionem; tunc non requiritur traditio. Hoc modo non requiritur ad acquirendum ius in re in beneficio Ecclesiastico, sed sufficit collatio & acceptatio. Nam sicut per collationem acquiritur Ius ad rem, ita per acceptionem acquiritur

ritur Ius in re, ante omnem traditionem. Ita habetur C. *Si tibi absenti, De prabendis* in 6. Ad possessionem tamen beneficii necessaria est traditio, & quasi apprehensio eius, interuentu alicuius actus, v.g. per sessionem in Cathedra Episcopali accipitur possessio Episcopatus, & per alios similes actus accipitur possessio aliorum beneficiorum. Item quando res aliquæ incorporales transeunt in aliquem iure hæreditario vt Ius patronatus, aut seruitutes aliquæ, statim hæres, adita hæreditate acquirit circa illa Ius in re. Item quando in singulari legatur res aliqua incorporalis alicui, vt seruitus, aut fûdus cui seruitus debetur: statim ac hæres adit hæreditatem, acquirit legatarius Ius in re; imo iuris fictione, eo quod hæres adit hæreditatem, censetur legatarius comparasse Ius in re circa ea, quæ ipsi legata sunt. Ita colligitur ex l. *si partem, §. si per fundum ff. quemadmodum seruitutes amittantur*. Plura citabo *cap. seq. quest. 3.* Item quando res aliqua in pignus traditur, aut hypothecæ subiicitur, siue pactione inter debitorem & creditorem, siue iuris dispositione subiiciatur, creditor acquirit Ius in re, vt inde sibi debitum soluatur, quando aliundè non fuerit, vnde soluatur. Vnde ad quemcumque res illa transit, cum illo onere reali ac obligatione transit. Ita colligitur ex l. *Quid de creditore*. Et ex l. *eorum ff. de damno infecto*. Vbi dicitur, creditorem habere Ius in re, & sermo est de creditore, cui pignus aut hypotheca constituta est. Et ratio est, quia contractus pignoris, aut hypothecæ, ad nihil aliud inuentus & institutus fuit, nisi ad cõcedendum Ius in re, in pignore & hypotheca, ad securitatem debiti. Interest autem inter pignus & hypothecam, quod nomine pignoris intelligatur res quæ simul traditur creditori, maximè si mobilis sit. Nomine autem hypothecæ intelligatur res, quæ sine traditione, nuda conventionione tenetur. Institut. *de actionib. §. Item seruiana*. Aliquando tamen pignus latè sumitur, vt etiam hypo

hypothecam complectatur, L. i. ff. de pignoratitia actione, quæ sic habet: *Pignus contrahitur non solum traditione, sed etiam nuda conventionione, etsi non traditum est.*

CAPUT II.

De dominio.

PRIMO agendum est de natura dominiij. *Secundò*, de subiecto, id est, quis sit capax dominiij. *Tertiò*, de obiecto id est, quæ res cadant sub dominium. *Quartò*, de diuisione rerum & dominiorum. *Quintò*, de translatione.

QVÆST. I. Quid sit dominium.

I. PRIMA CONCLUSIO. Dominium est *Ius perfectè disponendi de re corporali, nisi lege prohibeatur.* Ita Bartolus in l. Si quis vr. §. differentia num. 4. ff. de acquirenda possessione, quem alij passim sequuntur. Ac *primò*, dicitur Ius, quia Ius est genus dominiij. *Secundò*, dicitur *Ius perfectè disponendi de re*, id est, omni modo, & propria autoritate vtendi re sua: hoc enim proprium est perfecti dominiij vt possis re tua vtī, seu abuti sine cuiusquam iniuria, eo modo quo libuerit, v.g. eam vendendo, donando, abiiciendo, destruendo. Hinc excluduntur omnia iura, quæ vel omnino non sunt dominiū, vel non sunt integrum & perfectum dominium, quod solum hīc definitur. *Tertiò*, dicitur *Ius disponendi de re corporali*, quam particulam addit Bartholus, quia putat rerum incorporaliū, id est, Iurium non esse propriè Dominium, sed quasi Dominium: Neque possessionem, sed quasi possessionem; ac proinde censum, Ius patronatus, beneficia Ecclesiastica, & similia iura, non possideri vero dominio. Sed de hoc alibi. *Quartò*, dicitur *nisi lege prohibeatur*, quia licet dominium naturā suā tale sit, vt tribuat potestatem ad quemcumque vsurū, tamen aliquando potestas illa ligatur lege, ne possit in actum prodire. Sic pupillus prohibetur rem suam alienare vsque ad certum tempus, cum tamen sit verus.

Dominus.

Dominus Galat. 4. 1. Sic Maioratus, & alia bona vinculata, non possunt alienari ex dispositione legis, cum tamen vero dominio possideantur.

2. Dices. Videtur implicare, ut quis habeat ius perfectè disponendi de re sua, & tamen propter legis prohibitionem non liceat illi disponere. Respondeo. Aliud est ius disponendi, aliud actus disponendi. ius manet integrum, solus actus prohibetur. Quia cessante lege prohibente non confertur nouum ius, & tamen cessante tali lege constat esse ius perfectè disponendi: ergo illud ius non fuit ablatum per legem.

3. Secunda Conclusio. Dominium minus latè patet, quàm ius in re, omne enim dominiū est ius in re, non tamen omne ius in re est Dominium. Nam v. g. coniuges habent ius in re, alter in corpus alterius; non tamen Dominium. Similiter usufructuarius in agrum, usurarius in commodatum, depositarius in depositum.

Q V Æ S T. II. Quotuplex sit dominium?

1. **P**rima Conclusio. Dominium aliud est *Iurisdictionis*, aliud *proprietatis*. Prius consistit in iura gubernandi subditos, & est duplex, nempe Ecclesiasticum, & seculare. De hoc non agimus, nec supradicta definitio illi conuenit.

2. Secunda Conclusio. Dominium proprietatis, de quo solo agimus, diuiditur in *Plenū* & *Non plenum*. *Plenum* est, quando quis potest perfectè disponere de re aliqua iuxta definitionem assignatam. *Non plenum* est, quando non potest perfectè disponere, sed vna pars iuris pertinet ad vnum, & alia ad alium, ut v. g. quando ad vnum pertinet proprietas, & ad alium usufructus. Hoc dominium subdiuiditur à Barrolo in *directum* & *utile*. *Directum* vocat, quando quis habet proprietatem sine usufructu. *Utile* quādo habet usufructum sine proprietate, id est, ius vrendi & fruendi re aliena, salua ipsius substantia, quale est in nudo

usufructuario, in Emphyteuta & feudatario. Bartholum sequuntur alij communiter.

3. Dices. Nudus usufructuarius non est dominus rei, sed solus proprietarius; ergo dominium non rectè diuiditur in directum & utile. Antecedens patet ex l. 1. ff. *si ager vectigalis*, quæ lex apertè negat usufructuarium esse dominum, & 2. colligitur ex l. 1. ff. *de usufructu & instit. eodem tit.* Quia usufructus est ius utendi & fruendi re aliena. At rei alienæ non potest quis esse Dominus. Respondco. Iura non eodem modo loquuntur de hac re. Nam sicut lex citata negat usufructuarium esse dominum: ita aliæ affirmant præsertim, Lex *possessores C. de fundis patrimonialibus*, quæ Emphyteutam appellat Dominum fundi, cum tamen non sit Dominus proprietatis, sed tantum usufructus. Et hac lege nititur Bartholus. Sunt tamen, qui conantur leges conciliare. Sed quicquid sit, diuisio illa dominij non pleni in directum & utile communiter recepta est. Si tamen rigide loquendum esset, dominium utile non est tam propriè dominium, quàm dominium proprietatis.

QVÆST. III. *Quid requiratur ad Dominium?*

1. Prima Conclusio. Ad comparandum dominium alicuius rei, præter titulum requiritur ordinariè traditio, seu apprehensio, ut suprà dictum etiam de iure in re. Ita habetur l. *traditionibus*, C. *de pactis & inst. de rerum diuisione*. Vide Couarr. lib. 2. *variar. r. sol. cap. 19. num. 1.* ubi citat alia iura.

2. Secunda Conclusio. Sunt tamen aliqui casus in quibus non requiritur traditio, seu apprehensio. *Primus* est. quādo Ciuitatibus, Ecclesiis, Monasteriis, Hospitalibus & aliis locis piis, vel etiam in redemptionem captiuorum hæreditas aliqua, legatum, aut fideicommissum est relictum, vel donationis titulo aliquis eis datum, aut etiam venditum: tunc enim statim absque vlla traditione transit in eius dominium. Ita habent

L. ut inter diuinum, C. de SS. Ecclesiis. Vnde si idem vendatur & tradatur secundo emptori, inualida est talis emptio. *Secundus* est in hærede. siue ex testamento, siue ab intestato succedat in bonis defuncti. Nam statim ac hæreditatem adit, acquirit dominium sine vlla traditione, & apprehensione, vt patet ex *L. cum hæres ff. de acquirenda possessione*, quæ sic habet. Cû hæredes instituti sumus, adita hæreditate, omnia quidem iura ad nos transeunt: possessio autem, nisi naturaliter comprehensa sit, ad nos non pertinet. Ex quibus verbis constat ad solam possessionem hæreditatis comparandam, non autem ad dominiû, requiriri traditionem, vel apprehensionem. Idem patet *ff. de acquirenda hæreditate per totum*. Et est communis sententia apud Couarr. de testam. *Hennutius §. 10. num. 6.* Notandum tamen est de iure quidem communi hæredem non acquirere possessionem hæreditatis, nisi prius illam apprehendat, vt ex dictis patet, tamen in quibusdam locis Gallix, & Italiæ, peculiari lege statutum est, vt possessio bonorû defuncti transeat ad hæredẽ, vnâ cum dominio, sine vlla apprehensione, eo ipso, quod hæreditatem adit, vt patet apud Couarr. *lib. 3. var. resol. cap. 5. n. 6.* Porro hæreditas tûc adiri dicitur, cum hæres eam acceptat, & profiteatur se velle esse hæredẽ, vt habetur *instit. de hæred. qualitate. §. vlt.* Medio autem tempore, nempe à morte defuncti, vsque ad hæreditatis aditionem, hæreditas iacere dicitur, quia scilicet caret domino. Nam prior dominus est mortuus, & alter non nisi adita hæreditate fit dominus. *Tertius* est, quando aliquid determinatum in singulari, vt v.g. talis fundus, aut talis seruus, aut aliquid simile legatur alicui: tunc enim legatarius acquirit dominium illius, sine vlla traditione, eo ipso quod hæres adit hæreditatem, etsi legatarius ignoret aditam esse hæreditatem, & sibi relictum tale legatum. Imò iuris fictione eo ipso, quod hæres hæreditatem adit,

censetur dominium rei legatæ transisse in legatarium à
 puncto mortis testatoris. Ita colligitur L. *Atitio* ff. de
fortis; & est communis sententia apud Couarr. de te-
 stam. C. *Reinaldus* §. 1. num. 1. Quando verò legatur ali-
 quid alicui certum quidem in quantitate, sed incertum
 in indiuiduo vt v.g. tres mensuræ vini, aut tritici, aut
 certa summa pecuniæ, licet adita hæreditate non acqui-
 ra dominium illius, eo quod incertum sit; conceditur
 tamen illi actio hypothecaria, vt habetur L. 1. C. *com-*
munia de legatis, & est communis sententia apud Anto-
 nium Gomerium tit. 1. Nauarr. *resol* c. 19. n. 8. Concedi
 verò actionem hypothecariam nihil aliud est, quàm
 bona defuncti ad quemcumque perueniant, manere
 obligata ad solutionem talis legati; ita scilicet vt lega-
 tario detur non solum actio personalis cōtra hæredem;
 sed etiam in defunctum hæredis detur illi realis actio
 in bona à defuncto relicta, vt qui illa possident, vel le-
 gatum soluant, vel ea tradant, vt ex iis soluatur legatū.
 Hæc eadem actio hypothecaria competit etiam, quan-
 do legatum est aliquid determinatum in singulari; vt v.
 g. hic fundus, aut hæc domus. Inseruiet verò, quando
 res legata fuerit consumpta culpâ hæredis, aut delata in
 loca longinqua, ita, vt pareat legatario; tūc enim pro-
 dedit hypothecaria actio, vt legatarius tutius petat &
 obrineat legari valorem, quando res ipsa legata tradi ei
 non potest. *Quartus* est, quando quis donauit alteri rem
 aliquam ea lege seu conditione, vt donatarius alimenta
 illi tribuat: tunc enim non seruata tali conditione sta-
 tim dominium rei donatæ regreditur ad donantē, abs-
 que alia traditione, vt habetur L. 1. c. *de donationibus quæ*
sub titulo. *Quintus* est, quando quis donauit aliquid al-
 teri ea lege vt finito certo tempore res illa deueniat ad
 aliquem tertium; tunc enim transacto illo tempore
 transit dominium in illum tertium, etsi ille absens sit, &
 nihil sciat de tali donatione. Ita sentit Decius, & qui-
 dam

dam alij apud Couarr. *L. 1. var. resol. cap. 14. num. 2.* & colligitur ex *L. Quoties. c. de donationibus quæ sub modo;* Alij tamen non admittunt hunc casum, vt Couarr. *loco cit.* Anton. Gomer. ad *L. 48. Tauri, numero 25.* & Molina *tract. 2. de iustitia, disp. 165.*

3. *Quæres.* An sicut iuge constitui potest, vt solo titulo, sine vlla traditione dominium transferatur: sic etiam princeps, cuius est legem condere, eo ipso, quod absque traditione, solo titulo, velit dominium suarum rerum in alium transferre, reuera illud in ipsum transferat. Multi affirmant apud Couarr. *lib. 32. variar. resol. cap. 19. num. 3.* quia inquiunt præsumendum est eam esse principis voluntatem. Contrarium docet Couarr. *lib. cit.* scilicet in contractibus non transferri dominium nisi constet de voluntate principis. Nam potius præsumendum est, principem velle contrahere, vt alij contrahunt, præsertim, cum id in eius commodum vergat. Secus est de donationibus & priuilegiis, in quibus præsumendum est eam principis esse voluntatem.

QVÆST. IV. De titulo & traditione seu apprehensione.

1. *Q*uia ad dominium acquirendum requiritur titulus, & traditio, breuiter explicandum est, quid vtrumque sit.

2. *Prima Conclusio.* Titulus iuris, ac dominij, nihil aliud est, quàm radix & origo, vnde dominium, aut ius quoduis oritur, vt v.g. Emptio, donatio, successio sunt tituli, quibus acquiritur dominium rei emptæ, donatæ, hæreditatis. Similiter, electio, propagatio, victoria sunt tituli, quibus dominium iurisdictionis acquiritur in aliquo regno, & collatio est titulus in beneficio Ecclesiastico.

3. *Secunda Conclusio.* Titulus aliquando est verus, aliquando præsumptus. Verus est, quando est vera radix & origo dominij ac iuris. Præsumptus, quando præsumitur vera causa & radix, & tamen non est,

vt v. g. quando quis bona fide emit rem aliquam, aut dono accipit ab eo, cuius res illa non est, credens illum esse legitimum dominum, aut saltem procuratorem legitimi domini: talis enim emptio, vel donatio, licet non sit vera & sufficiens causa ad transferendum dominium; præsumitur tamen talis esse, quando bona fides adest. Vnde, qui hoc modo possidet rem aliquam, bona fide dicitur illam possidere cum titulo non quidem vero, sed præsumpto. Hæc doctrina seruit pro materia de præscriptione, de qua infra.

4. Tertia Conclusio. Apprehensio, quæ præter titulum requiritur, est duplex: Naturalis seu vera, qua res manibus apprehenditur, seu pedibus premitur; Moralis seu ficta, quando fit aliquid, quod pro rei qualitate censetur sufficiens ad apprehensionem. Vnde res aliqua dicitur verè apprehendi, quando accipitur manibus, si sit mobilis, aut intratur pedibus, si sit immobilis. Fictè dicitur apprehendi, quando interuenit aliquis alius actus, qui ex iuris dispositione sufficiens sit ad acquirendum, dominium, aut ius in re: eo enim actu iuris fictione censetur res apprehensa. Porro, qui sint illi actus in particulari, quibus res fictè apprehenditur, dicam paulo post in materia de possessione,

Q V Æ S T. V. De usufructu & proprietate.

2. **E**X dictis constat, duas esse partes integri & perfecti domini, nempe proprietatem, & usufructum. De vtraque dicendum est.

1. Prima Conclusio. Proprietas, per quam res dicitur propria esse alicuius, nihil aliud est, quam ius in re, per quod res obligatur alicui, vt sine ipsius voluntate non possit fieri alterius, & ad ipsum pertineant omnia emolumenta rei, quæ ipse alteri non communicauerit.

3. Secunda Conclusio. Ususfructus aliquando est coniunctus cum proprietate in eodem homine, aliquando

quando est separatus : ita , vt proprietates sit in vno , & vñusfructus in alio. Hinc Iureconsulti distinguunt duplicem vñusfructum. Alterum vocant causalem , qui scilicet in eodem homine causatur à proprietate. Nam ex eo, quod quis habet proprietatem rei, consequenter habet vñusfructum, nisi alteri eum communicet. Alterum vocant formalem, qui scilicet est separatus à proprietate. De hoc solo agimus.

4 Tertia Conclufio. *Vñusfructus est ius vtendi & fruendi rebus alienis, salua ipsarum substantia. Ita habetur lib. 1. ff. de vñusfructu , & Instit. eodem titulo in principio.* Ac primo dicitur *Ius* , quia non loquimur de vñu actuali , quem Iureconsulti vocant vñum facti, sed de ipso iure vtendi & fruendi. *Secundo dicitur Ius vtendi*, vt excludatur ius , quod habet detentor pignoris, vel depositi. *Tertio* , dicitur *Ius fruendi* , vt excludatur nudum ius vtendi, quod non extendit se ad fructus, sicut hoc ius, quo non solum datur potestas vtendi re illa, in qua constitutum est, v. g. domo, vel agro, sed etiam percipiendi omnes fructus agri, ita vt hoc ipso, quo illos percipit, habeat in iis plenum dominium. Si tamen vñusfructuarius moriatur antequam perceperit fructus , etiam si maturi sint, acquiruntur Domino proprietatis, non heredibus fructuarij, vt habetur Instit. *de rerum diuisione §. Is verò.* Et ratio est, quia fructus, antequam percipiuntur , sunt adhuc vniti , & colligati cum re ipsa. Nomine autem fructuum in pecoribus, & aliis animalibus, intelliguntur non solum lana & lac, sed etiam omnes fœtus & partus, vt habetur Instit. *de rerum diuisione §. In pecudum.* Quarto dicitur *rebus alienis*, vt excludatur ius vtendi, fruendi rebus propriis, de quo hîc non agimus. Nam , vt suprâ dixi, sermo est de vñusfructu formali; qui separatus est à proprietate. *Quinto dicitur, salua eorum substantia* quia fructuarius debet rem integram proprietario reſeruare. Vnde fit,

ut ususfructus non possit propriè in iis constitui rebus, quæ vno usu consumuntur, ut in vino, frumento, pecunia. Quomodo tamen in his impropriè constituatur, dicam in sequenti conclusione Ex hac vltima particula sequitur *primò*, ut qui habet ususfructum totius gregis, etiam si possit frui lacte, lana, fœtu, tamen in locum capitum demortuorum, vel inutilium, debeat de fœtu substituere alia, quæ postquam substituit, cedunt in dominium proprietarij, & si pereant, ipsi pereunt. *Hoc tamen* non habet locum, quando conceditur ususfructus gregis non totius, collectivè, sed singulorum capitum: tunc enim non tenetur substituere, ut habetur institut. *de rerum divisione* §. citato, & l. *vetus* ff. *de usufructu*. Ratio est, quia grex est quasi æternus, sed singulâ capita seorsum pereunt. *Secundò* sequitur, si ususfructus sit constitutus in sylva, aut vinea, tenetur usufructuarius loco arborum, & vitium demortuarum alias plantare, nisi tempestate destructæ sint. Ita habetur l. *arbores* ff. *de usufructu*, & institut. *de rerum divisione* §. cit. 3. Sequitur si in ædibus sit constitutus ususfructus, tenetur ad modicam earum reparationem proprio sumptu, ut integræ permaneant. Et præter hæc tenetur ad alia tria. *Primò* ad tributa rei imposita l. *usufructu relicto*. ff. *de usufructu*. *Secundò*, ad rationabilem rei usum, sicut bonus & diligens paterfamilias. *Tertiò* ad dandam cautionem proprietario, se boni viri arbitrio usurum, fruiturum re ipsius, eamque restitutum finito tempore præscripto. Ita habetur l. 1. ff. *usufructuarius quemadmodum caueat*.

§. Quarta Conclusio. Ususfructus propriè constituitur in iis tantum rebus, quæ vno usu non consumuntur, ut sunt vinum, oleum, triticum, pecunia, ut habetur Institut. *de usufructu*, §. *constituitur* & ff. *de usufructu earum rerum, quæ usu consumuntur per totum*. Dixi propriè, quia ut ibidem habetur, statutum est, ut etiam in his

his rebus esset usus fructus impropriè, idque hoc modo, si quis v. g. legaret alicui vsum fructum omnium suorum bonorum, tunc bona, quæ usu consumuntur debent certo pretio æstimari, & legatario tradi, præstita cautione, quod transacto tempore usus fructus reddet illorum æstimationem. Hinc colligitur differentia inter vsum fructum proprium, & improprium. Nam in improprio dominium rerum, quarum hebetur usus fructus, transit in usufructuarium; ac proinde, si pereant, ipsi pereunt: finito autem tempore non tenetur eas reddere, sed earum æstimationem. At in proprio usufructu dominium rerum non transit in usufructuarium, ac proinde si pereant sine ipsius culpa, non ipsi pereunt, sed proprietario.

6. Quæres inter quas res debeant computari vestimenta, quando in iis constituitur usus fructus; Resp. Inter res usu consumptibiles, quia licet vno usu non consumantur, tamen valdè minuuntur, & teruntur. Ita habetur Instit. de usufructu. §. constituitur, & l. 1. ff. de usufructu rerum, quæ usu consumuntur.

QVÆST. VI. Quot modis constituitur usufructus?

1. **P**rima Conclusio. Usus fructus constituitur, duobus modis, nempe lege, & priuata hominis dispositione. Hinc Iureconsulti distinguunt duplicem vsum fructum: Alterum vocant *legalem*, quia lege constituitur; Alterum *conventionalem*, quia conuentione, id est, pacto constituitur, licet etiam aliis modis constitui possit, ut dicam in tertia conclusione.

2. Secunda Conclusio. Legalis est, qui lege patri conceditur in bonis filij aduentitiis non autem in castrensibus, aut quasi castrensibus, ut habetur l. Quacunque & l. cum oportet C. de bonis, qualiberis. Sunt tamen aliqui casus in quibus pater non habet vsum fructum in bonis filij aduentitiis. Primus est, quando filio aliquid donatur, aut testamento relinquitur ea cōditione, ut pater vsum fru-

ctum inde non habeat: tunc enim ususfructus pertinet ad filium. Ita habetur in authentica, *excipitur, C. de bonis que liberis*. Secundus, est quando pater relinquit filio ususfructum bonorum aduentitiorum, & habetur l. *cum oportet*, citata. Tertius, quando quis donat, aut relinquit aliquid filio patre renuente, nec volente, ut id filius accipiat, si enim contra patris voluntatem id obtineat, ususfructus non pertinet ad patrem. l. *ultima C. de bonis que liberis*. Quartus est, quando filio datus, aut relictus est ususfructus alicuius rei: tunc enim non pertinet ad patrem, sed ad solum filium. Ratio est, quia ususfructus est quædam servitus, & servitutis non est servitus, ut habetur l. i. ff. *de usufructu legato*. Quintus est, quando aliquid à rege, vel regina, vel principe donatur filio, aut filiæ: hoc enim reputatur, ac si esset bonum castrense, & ideo ususfructus illius non pertinet ad patrem, sed ad filium l. *cum multa C. eodem tit.*

3. Tertia Conclusio. Ususfructus conventionalis aliquando constituitur donatione, venditione, permutatione aut alio contractu, ut habetur Inst. *de usufructu §. usufructus*, & ff. *ac C. eodem tit.* variis in locis Aliquando constituitur ultima voluntate, ut quando testator legat alicui ususfructum alicuius rei: tunc enim proprietas pertinet ad hæredem, ususfructus verò ad legatariū: quando verò testator legat alicui proprietatem deducto usufructu, tunc ususfructus pertinet ad hæredem, & proprietas ad legatarium. Quod si vni leget proprietatem, alteri verò ususfructum, iam sunt duo legata, & ad vnum legatarium pertinet proprietas, quam transmittere potest ad hæredes: ad alterum verò ususfructus, qui finito tempore debet redire ad proprietarium.

4. Dices. Non videtur ususfructus vendi posse, quia id prohibetur in l. *si usufructus* ff. *de iure dotium*. Resp. Non potest vendi ab usufructuario sine cōsensu proprietarij; potest tamen vendi & ab ipso proprietario, &

& ab usufructuatio cum illius consensu.

5. Quarta Conclusio. Differunt usufructus legalis, & conuentionalis. *Primò*, quia pater non tenetur satisficere, quando est usufructuarius in bonis filij aduentitiis. Qui autem habet usufructum conuentionalem tenetur cautionem præstare, vt præcedenti q. dictum est, nec potest eximi ab hac obligatione. Nam l. 1. c. de usufructu statutum est si vxor leget marito usufructum suorum bonorum & eum expressè eximat ab obligatione satisficendi teneri nihilominus satisfacere, & l. penultima, c. vt in possessionem, id in vniuersum statuitur de omni usufructu, testamento relicto, quare testator non potest legatario, cui usufructum relinquit, remittere eiusmodi cautionem.

6. Dices. Quid si usufructuarius non posset satisfacere, eò quòd pauper sit, & ideò fideiussorem non inueniat. Resp. Tunc sufficit iuratoria cautio, præsertim si non sit persona suspecta; si autem est suspecta, tunc bona, in quibus constitutus est usufructus debent alteri tradi, de cuius manu usufructumumat. Ita Bartholus l. usufructus, de usufructu. Paimormit. c. ultimo de pignoribus num. 6. Et alij apud Antonium Gomez tom. 2. variar. resol. c. 15. num. 3. Secundò differunt, quia pater, qui est usufructuarius in bonis filij aduentitiis tenetur ad maiores sumptus ex ipsis fructibus, si ad refectionem, & conseruationem bonorum, quibus vititur necessaria sint, imò etiam tenetur ad sumptus litis, si quæ circa ea bona oriatur, vt colligitur ex l. 1. c. de bonis maternis.

Q V Æ S T. VII. Quot modis finiatur usufructus?

1. Prima Conclusio. Usufructus formalis finitur sex potissimum modis. *Primò*, quando usufructuarius vel cedit usufructum proprietario, vel ipse acquirit proprietatem, & hoc vocatur consolidatio. Ita habetur instit. de usufructu §. finitur, *Secundò*, quãdo elapsum

elapsum est tempus , quo concessus est usufructus. *Tertio*, quando usufructuarius eo non utitur , tempore ad præscribendâ rei proprietatem rei immobilis necessatio, iuxta ea, quæ infra dicemus de præscriptione. Ita habetur *l. corruptione c. de usufructu*. *Quarto*, quando destruitur res, in qua habetur usufructus, etsi ædes incendio consumantur , aut corruant : tunc enim ita finitur usufructus, ut neq; aræ usufructus maneat. Ita habetur *Inst. §. cit.* Id tamen non habet locum in usufructu patris in bonis filij aduentit. Nam id , quod destructa re aliqua filij remanet, pertinet etiam ad bona ipsius aduentitia, ergo etiam in ea pater habet usufructum. *Quinto*, quando usufructuarius naturali morte moritur. Ita habetur *Instit. §. cit. l. corrup. c. de usufructu*. Nam si usufructus ad hæredes transiret inutilis esset proprietas. Vnde si ita constituatur, ut ad hæredes fructuarij transeat, id intelligi debet de hæredibus proximis, non verò remotis, ut definitum est in *l. Antiquitas. c. de usufructu*. Quod si usufructus aliquis relinquatur ciuitati, communitati, Ecclesiæ, aut alicui pio loco sine temporis præfinitione, censetur ei relinqui per spatium centum annorum, quia ille est finis vitæ longæui hominis, ut habetur *l. An usufructus, ff. de usufructu. 6.* finitur maxima & media capitis diminutione usufructuarij, ut habetur *Instit. de usufructu §. Finitur, & l. corruptionem c. eodem tit.* Nota diminutionem capitis in iure esse triplicem : nempe, Maximam, cum quis scilicet & libertatem, & ciuitatem amittit: Mediam, cum amittitur ciuitas, sed libertas retinetur. Minimam, cum ciuitas retinetur & libertas, sed status hominis commutatur. Vide *instit. de capitis diminutione*.

2. Secunda Conclusio, Sunt alij duo casus , in quibus quæri potest. An finiatur usufructus, & si finitur, ad quem perueniat. *Primus* est, quando fructuarij bona

bona confiscantur propter aliquod delictum. *Secundus*, quando fructuarius fit religiosus & emittit professionē. Ad *primum* Resp. cum distinctione. Nam si delictum, propter quod bona fructuarij cōfiscata sunt, tale est vt de iure cōmuni finiri debeat, vsus fructus, iuxta sextum casū præcedentis conclusionis, tunc regreditur ad proprietariū. Si nō est tale, tūc perceptio vsumfructus pertinet ad fiscū, vsque ad mortē delinquentis, & post mortē redit ad proprietariū. Ita apertē colligitur ex l. *si postulatuerit*. §. *iubet ff. ad legē Iuliam de adulteriis*. In secūdo casu etiā distinguēdum est. Nam vsumfructus vel est legalis qualis est in patre circa boni filij aduentitia; vel est cōventionalis, qualis est in aliis fructuariis. Ac primò si sit conventionalis; tūc, si fructuarius fiat religiosus, seruat vsumfructum vsque ad mortem, & monasterium percipit fructus iuxta authenticam, *Ingressi. C. de sacrosanctis Ecclesiis*. Excipio Monasteria, quæ in bonis suorum religiosorum non succedunt, vt est nostra Societas, & Religio Minorum. Nam in illis perseverat vsumfructus in religioso vsque ad professionem, & emissā professione extinguitur, & redit ad proprietarium. Hæc est communior sententia. Si autem vsumfructus sit legalis, tunc, si pater fiat religiosus, Quæstio est: An retineat vsumfructum in bonis filij aduentitiis. Tres sunt opiniones. *Prima* est vsumfructū finiri, & redire ad filium, cum pater edit professionem. Ita Couarr. *de testamen. capite secundo, numero octavo*. *Secunda* est, dimidium vsumfructus pertinere ad filium, & dimidium ad Monasterium in fauorem patris, sicut fieri solet in emancipatione filij: tunc enim pater retinet dimidium vsumfructus in bonis filij aduentitiis, quasi in remunerationem beneficij collati, vt patet l. *cum oportet* §. *Cum autem C. de bonis qua liberis*. Ita Bartholus in authentica. *Idem est C. de bonis qua liberis*. Panor. c. in *presentia de probationibus* numero quinquagesimo septimo. *Tertia* est, totū vsumfructum

fructum pertinere ad Monasterium, quandiu pater uiuit. Ita Nauar. c. *Non dicatis* numero 70. & 87. Hoc tamen debet intelligi, nisi filius per matrimonium egrediatur patriam potestatem. Deinde de solis bonis aduentitiis quæ filius ante professionem patris habebat.

QVÆSTIO VIII. De usu & habitatione.

1. **P**rima Conclusio. Vfus est *ius utendi rebus alienis salua earum substantia, non autem fruendi*: in quo differt ab usufructu. Definitio patet ex dictis. Addo *saluarerum substantia*, ut excludatur vfus quo res vno actu consumuntur, vel alienantur; qui non est propriè vfus, de quo hîc agimus. Porro iisdem modis constituitur & finitur vfus, quibus usufructus, ut habetur Instit. de usu & habitatione.

2. Secunda Conclusio. In usu parum est iuris, ac primò qui habet ius utendi alieno fundo, potest quidem in eo ambulare, & commorari, ita tamen, ut Domino fundi molestus non sit, nec impediat eos per quos opera rustica exercentur. Potest etiam accipere poma, olera, flores, fœnum, & ligna ad usum quotidianum: non tamen potest donare, aut quicquam horum alteri vendere, nec locare, aut concedere alteri ius ad fructus percipiendos, quod tamen potest usufructuarius. *Secundò*, qui habet usum domus, potest cum sua familia in ea habitare, & hospites recipere, non potest tamen ius suum in alium transferre. *Tertiò*, qui habet serui aut iumenti usum, potest ipse solus uti ministerio illorum, non tamen id alteri concedere. *Quariò*, qui habet usum pecorum, non potest uti lana, nec fœtu, nec lacte, nisi fortè modico, ut habetur l. *plenum*, ff. de usu & habitatione, sed solum iis potest uti ad stercorandum suos agros, non verò alienos. Hæc omnia habentur Instit. & ff. de usu & habitatione.

3. Tertia Conclusio. Habitatio est aliquid medium inter usum & usufructum domus, & ab utroque distin

distinguitur. Ac *Primo*, in eo distinguitur ab usu, quod usufructus cui usus domus concessus, non possit eam locare, & acquirere sibi pretium locationis, quod tamen potest is, cui habitatio concessa est. *Secundo*, distinguitur ab usufructu, quia usufructus variis modis finitur, ut dictum est: Habitatio verò solum finitur morte eius, cui concessa est, ut habetur l. *Habit.* & l. *cum antiquitas C. de usufructu & habitatione*, & l. *si habitatio*, ff. *de usu & habitatione*.

QVÆST. IX. *An usus distinguatur à dominio in rebus usu consumptibilibus?*

I. **E**Gi de usu propriè dicto, qui constituitur in rebus permanentibus, de quo dubiū non est, quin distinguatur à dominio, ut patet ex ipsius definitione. Est enim ius ut eī rebus alienis. Nunc quæritur de usu impropriè dicto, qui est in rebus usu cōsumptibilibus: An scilicet ius utendi talibus rebus distinguatur à dominio earūdem rerū. Sunt duæ sententiæ celebres occasione Minoritatū, qui dicunt se nullius rei habere dominium, ne quidem in cōmuni. *Prima* est Ioānis XXI. Pontificis in extrauag. *Ad conditorē*, ubi asserit tale ius nō distinguā dominio, ac proinde Minoritas habere verū dominium usu consumptibiliū, & ne dicant, ut ipsi dicūt, illud esse apud Sedē Apostolicā, Ioānes expressē à se, & à sede Apostolica abdicat. Hāc sententiā sequuntur Antoninus *pa. 4. tit. 12. articu. 4. §. 4.* Syluester verbo, *Dominium*. Turrecremata l. 3. *summa c. 112.* *Secunda sententia* est plane contraria, nempe in his rebus hæc duo distinguī, ac proinde Minoritas, licet habeant usum earum rerum, non tamen habere dominium: sed hoc esse penēs sedem Apostolicam. Ita declaravit Nicolaus III. in extrauag. *Exiit qui seminat*, & postea Clemens V. in Clementina. *Exiit de paradiso*. Ante Nicolaum in eadem sententia fuerunt Innocentius IV. Alexander IV. & Gregorius IX. quos Nicolaus pro se citat. Idem docet

Dom. Soto. l. 3. De iustitia quest. 1. art. 1.

2. Prima Conclusio. Ius, seu facultas utendi potest esse separata à dominio, etiā in rebus usu consumptibilibus. Dupliciter enim potest alicui concedi usus talium rerum. *Primò*, ut detur illi potestas & ius consummendi eas absolute & irrevocabiliter, & hoc ius nō differt à dominio. *Secundo*, ut detur ei revocabiliter, & dependēter à voluntate cōcedentis, ut quovis modo possit revocari sine vlla iniuria vīuati, & hoc ius sine dubio distinguitur à dominio, ut patet ex definitione dominij, quia non est ius perfecte disponendi, cū omnino pēdeat ex nutu & arbitrio alterius. Et tale est, quod singuli religiosi habēt in vestes, libros, cibos, qui illis à Superiore conceduntur. Non enim ita conceditur illis ius utendi, quin ad nutum Superioris revocari possit; hoc enim intrinsecē includit religiosa paupertas. Deinde fieri etiam potest, ut quia alteri detur ius absolute, non tamen ad omnem usum, sed solum ad determinatum v.g. ad consumendum, non autem ad vendendum. Quod ius, licet aliquam affinitatem habeat cum dominio, est tamen valdē diminutum & imperfectum, quia non est ius disponendi de re quovis modo.

3. Secunda Conclusio. Minoritæ etiam in rebus usu consumptibilibus habent nudum usum, separatum ab omni dominio. Patet ex decreto Nicolai & Clementis. Erratio est, quia cum hæc possint separari, nihil mirum, si de facto in aliquo ordine sint separata. Confirmatur, quia certum est Religiosos singulos solum habere talem usum qui revocari possit & ab alio dependeat; ergo nihil est incommodum, si id ipsum in aliqua communitate constituatur, ita, ut ipsa tota nihil habeat, nisi nudam rei concessionem ad usum, sine vlla proprietate & dominio.

5. Dices *primò*, Si ipsa communitas non habet harum rerum dominium, quis ergo habet; præsertim, cum

Ioannes XXII. renuntiauerit illi dominio. Resp. Fideles, qui res illas largiuntur, vel intendunt sibi seruare dominium, donec consumantur, vel non intendunt: Si primum, manet apud ipsos dominium, si secundum, transit ad Sedem Apostolicam, vel potius Ecclesiam. Nam post illam renuntiationem Ioannis XXII. alij Pontifices rursus illud admiserunt, vt haberetur in priuilegio Minoritarum.

5. Dices *secundo*, Vsus formalis, seu separatus à dominio est, qui competit alicui in rem alienam saluâ substantiâ, vt ex dictis patet, ergo vsus quo quis potest rem consumere, non est separatus à dominio, ac proinde Minoritę habent dominiũ. Resp. Nego consequentiã, quia obiectio procedit de vsu proprię dicto, de quo supra egimus. Hic autę quęstio est de vsu improprię dicto.

6. Dices *tertio*, D. Thomas *infra quęst. 78. art. 1.* docet in rebus vsu consumptibilibus cum vsus conceditur, concedi etiam rem ipsam, & dominium eius. Vnde colligit talium rerum non posse exigi vsuram, id est, pretium, vsus distinctum à pretio rei: ergo sentit ius vtendi his rebus non distingui à dominio. Resp. D. Thomas loquitur de iure vtendi absolutę, & independentē ab alio, qui sanę non distinguitur à dominio rei.

7. Dices *quarto*, si ita est: ergo Ioannes XXII. errauit. Resp. Ioānes locutus est de vsu independentē, qui non differt à dominio: alij verò de vsu dependentē, quare conueniunt in re, & solũ differunt in facto: An Minoritę habeant vsum dependentem, an independentem.

Q V Æ S T. 10.

De Emphyteusi.

1. **E**mphyteusis, Feudum, libellus, & superficiarius contractus habent affinitatem cum vsufructu, & idcò explicanda sunt.

2. Prima Conclusio. Emphyteusis est contractus, quo res aliqua immobilis alicui fruenda traditur sub certa pensione. Traditur verò aliquando in perpetuum, aliquando,

ad aliquas vitas, aliquando ad certum tempus, quod non minus sit quam decennium; si enim decennium non attingat, non censetur Emphyteusis, sed contractus locationis. Porro is, qui tradit rem aliquam in Emphyteusim, vocatur *proprietaryus*; qui accipit, *Emphyteuta*; res quæ traditur, *Emphyteutica*.

3. Secunda Conclusio. Emphyteuta differt à communi usufructuario. *Primò*, quia potest vendere, donare, aut alio modo transferre ius suum in aliud, quod communis usufructuarius non potest. *Secundò*, usufructus finitur morte usufructuarij: Emphyteusis non item; nisi in vitam Emphyteutæ concessa sit. *Tertiò*, usufructus communis constitui potest in rebus etiam mobilibus, Emphyteusis in solis immobilibus.

Q V Æ S T. XI.

De Feudo.

1. Prima Conclusio. Feudum est concessio alicuius rei immobilis, aut quæ pro immobili habeatur, quoad dominium utile, pro fidelitate & seruitio personali exhibendo, retenta proprietate, ut quando Imperator concedit Nobili castrum, aut oppidum. Is, qui concedit vocatur *Inf feudator*, *Dominus*, & *Proprietaryus*. Is verò, cui conceditur *Vasallus* & *Feudatarius*.

2. Secunda Conclusio. Feudum differt ab Emphyteusi. *Primò*, quia in Emphyteusi imponitur onus reale, ut v. g. annua pensio, siue in pecunia, siue in aliqua alia re. At in Feudo imponitur onus personale; utrumque tamen imponitur in recognitionem dominij directi. *Secundò*, Feudum ad solos descendentes masculos, non verò ad fœminas censetur devenire, nisi in cōcessione fuerit aliud expressum. *Tertiò*, in Feudo interuenit inuestitura, quæ duplex est; vna propria realis & corporalis, ut quando dominus feudatarium inducit in corporalem possessionem castri, aut oppidij, quod illi in feudum concedit: Altera abusiva, ut cum feudatarium inuestit per traditionem

nem

nem annuli, easis, pilei, aut alterius rei. In priori feudatarius acquirit ius in re, & vrile dominium illius; in posteriori solum accipit facultatem adeundi possessionem, & acquirendi ius in re. Vide Iul. Clarum l. 4. *sententiarum* § *feudum*, quæst. 26.

3. Nota, Hæc intelligi de Feudo propriè dicto, & vt plurimum. Nam aliquando fit, vt etiam in Feudo imponatur onus reale, vt annua pensio auium, equorum, aut alterius rei: Aliquando etiam Feudatarius liberatur ab obsequio personali.

QVÆST. XII. De libello & superficiario contractu.

1. **P**rima Conclusio. Libellus, seu contractus libellarius est, quo *Emphyteuta aut vassallus pro pensione sibi soluenda concedit alteri rem, quam ipse ab alio habet in Emphyteusim aut Feudum*. Ita Iul. Clarus l. 4. § *Emphyteusis*. q. 1. Alvarus Valastus *de iure Emphyteutæ* p. 1. q. 35. & alij apud eosdem. Vnde fit, vt libellus nihil aliud sit, quàm Emphyteusis aut feudum alteri Emphyteusi aut feudo subalternatum. Is, qui à Domino directo accipit emphyteusim aut feudum, dicitur Emphyteuta, aut Feudatarius. Is verò, qui ab iis accipit eandem rem pro pensione, appellatur peculiari nomine Libellarius. Nota, hæc vocabula aliquando confundi, & vnũ sumi in significatione alterius. Hæc tamen acceptio, quam posui, vñtatiore est.

2. Secunda Conclusio. Superficiarius is dicitur, qui in alieno solo non quidem habet solum ipsum, sed tantum superficiem, aut arcem ad domum construendam, oliuetum plantandum, aut aliquid simile. Potest autem superficies concedi multis modis. *Primò*, liberali donatione in perpetuum. *Secundò*, gratuita donatione ad certum tempus. *Tertiò*, venditione in perpetuum. *Quartò*, elocatione ad certum tempus. *Quintò*, annua pensione, siue in perpetuum, siue ad certum tempus.

QVÆSTIO 13. De servitute.

1. **E**X dictis constat Vsumfructum, Vsum, Habitationem & similia in eo consistere, vt quis capiat vsum, aut fructum ex re aliena. Hinc fit, vt res aliena dicatur seruire illi, qui vsum aut fructum ex ea capit. De hac servitute hic agimus.

2. Prima Conclusio. *Servitus est quedam subiectio seu obligatio, qua res aliena alteri subiecta est, & seruire debet.* Dico res aliena, quia nemini res sua seruit, sed aliena tantam, vt habetur l. *vti frui. ff. si ususfructus petatur.* Vnde subiecto rei, in qua habeo dominium, non est servitus formalis, quamvis causalis dici possit.

3. Secunda Conclusio. Hæc servitus est duplex: *Realis & Personalis.* *Realis* est, quæ à re debetur rei. *Personalis*, quæ à re debetur personæ: v.g. alienus fundus, vel seruit personæ meæ, si inde habeam vsumfructum: vel fundo meo, si per illum sit transitus in meum. Rursum realis diuiditur in *Rusticam & Urbanam*, id est, in eam quæ prædio rustico, aut urbano debetur. Prædium urbanum in iure vocatur omne ædificium, siue sit in vrbe, siue in villa: Rusticum quoduis aliud prædium, siue hortus. Servitutes igitur urbanæ sunt, vt v.g. Petrus non erigat altius suas ædes, ne officiat vicini luminibus: vt patiatur tignum immitti in suam parietem à vicino, vt recipiat stillicidium alterius in suam aream. Rusticæ sunt, vt liceat tibi per fundum alterius ire in tuum, vel iumentum agere, vel aquæ ductum facere. Vide Instit. *de servitutibus prædiorum,* & l. 8. ff. *qui totius est de servitute.*

4. Tertia Conclusio. Personalis servitus est potissimum triplex, quarum prima respondet usufructui. Secunda nudo vsui. Tertia habitationi, verbi gratia, alienum prædium potest mihi seruire, vel quoad vsumfructum, vel quoad nudum vsum, vel quoad habitationem

habitationem. Ad hanc triplicem reuocantur omnes alie, quę sūt in emphyteusi, feudo libello, & superficie.

5. Quarta Conclusio. Seruitus iterum diuiditur in *Continuam*, *Quasi Continuam* & *Discontinuum*; quę diuisio prodest pro materia de præscriptione. *Continua* est, cuius actus continuē durat, vt seruitus aquæ ductus, aut ligni suscipiendi. *Quasi continua* est, cuius actus non quidem continuē, sed tamen certis temporibus semper fit, vt seruitus stillicidij. *Discontinua* est, cuius actus pendet ex voluntate hominis, vt iter, actus, via, aquę haustus.

QVÆST. 14. *Quomodo seruitutes constituantur & finiuntur.*

1. Prima Conclusio. Seruitutes personales constituuntur & finiuntur iisdem modis, quibus vsus fructus, vsus habitatio, Emphyteusis, Feudum, libellus, & superficies, iuxta ea, quę dicta sunt. Ratio est, quia hoc ipso, quod aliquis acquirit vsum fructum in re aliena, incipit illi seruire res aliena, & quando cessat vsus fructus, cessat etiam seruitus. Idem est de vsu, habitatione.

2. Secunda Conclusio. Seruitutes reales constituuntur variis modis, nempe lege, testamento, donatione, pactionibus & præscriptione. Finiuntur autem potissimum quatuor modis. Primo, finito tempore, pro quo lege, pacto, donatione aut testamento fuerint constitutę. Secundo, remissione seruitutis. Tertio, præscriptione. Quarto, si emas aut acquiras aliquod prædium, quod ante emptionem habebat seruitutem realem respectu alterius prædij tui; tunc enim in illo prædio desinit esse seruitus, vt expressè habetur l. 1. ff. *quemadmodum seruitus amittatur* & l. si quis ff. *De seruitutibus prædiorum urbanorum*. Et ratio patet ex dictis, quia seruitus est tantum in re aliena, prædium autem, quod iam emisti, non est alienum, & ideo est liberum à seruitute. Vnde, si illud vendas alteri, non reci

Piet priorem seruitutem, nisi expressè addas te non aliter vendere, nisi cum eadem seruitute, vt habetur *l. si quis citata*.

Q V Æ S T. X V. De possessione.

1. **H**Actenus dictum est de dominio directo & utili, & quæ eò spectant. Nunc agendum est de possessione, quæ est quasi complementum & vltima perfectio dominij.

2. Prima Conclusio. Possessio dicitur à pedum positione, vt habetur *l. 1. ff. de acquirenda possessione*. Nam per pedum positionem supra bona immobilia quæ sunt potissima, vt super agrum, vel fundum, solet acquiri possessio. Et quamuis hoc nomen aliquando sumatur pro ipsis rebus possessis, tamen hîc sumitur pro actu & iure possidendi, à quo homo denominatur possessor, & res possessa. Hîc autem actus sumitur duobus modis. *Primò*, pro acquisitione possessionis. *Secundò*, pro ipsa possessione.

3. Secunda Conclusio. Possessio priori modo sumpta est reicorporalis apprehensio, seu detentio, corporis, & animi, & iuris adminiculo. Ita Couar. ad regulâ, *possessor. p. 2. n. 1.* & alij passim, *nc primò* dicitur *apprehensiores corporalis*, quia secundum Iuristas res incorporales, vt Censùs, Beneficia, seruitutes non possidentur, sed quasi possidentur. *Secundò*, dicitur *adminiculo corporis*, quia vt rem aliquâ incipias possidere, debes eam aliquo modo corporaliter apprehendere, vel manibus, vel pedibus, vel oculis, vel simili modo, siue per teipsû, siue per procuratorem, filium, seruum. *Tertiò*, dicitur *adminiculo animi*, quia debes eam apprehendere animo possidendi. Vnde depositarius non dicitur possidere depositû, nec creditor pignus, qui nō apprehedit illud animo reinédi. *Quartò*, dicitur *adminiculo iuris*, non quod omnis possessio sit iusta (nam fur verè possidet rem furtiuam, nō tamen iure) sed quia ius facit, vt talis apprehensio censeatur sufficiens

ciens ad constitutionem possessionis, nec impedit eam, sicut impedit ne apprehensio & detentio rei factæ facta à laico censeatur esse possessio, ut patet lege *Qui vniversitas*, ff. de acquir. possess.

4. Tertia Conclusio. Possessio posteriori modo sumpta est *ius insistendi alicui rei, tanquam sua, non prohibita possideri*. Ita Bartholus l. 1. ff. de acquirenda possessione. Couarr. & alij passim; ac primò dicitur *Ius*, ut excludatur possessio priori modo sumpta, quæ est quasi acquisitio possessionis, ex qua oritur hoc ius, si iusta fuerit. Quod si illa apprehensio, vel acquisitio fuerit iniusta, non oritur ex ea ius in conscientia, sed tantum in foro ciuili. Secundò, dicitur *Ius insistendi*, ut excludatur dominium, quod per se & formaliter est ius perfectè disponendi de re. Propria autem ratio iuris possidendi est, quod possessor possit rem pacificè tenere, & iuris remedijs tueri aduersus perturbantes. Tertiò dicitur *non prohibita possideri*, quia nemo potest habere ius possidendi contra iuris dispositionem, ut v. g. possidendi res sacras, si laicus sit. Quarto dicitur *tanquam sua*, quia si quis insistat rei alterius, alter possessor erit. Vnde tutor non est possessor bonorum pupilli, sed pupillus possidet per tutorem; sic etiam possum aliquid possidere per filium, procuratorem, seruum. Ut autem possideam rem per alium requiritur, ut is non habeat animum retinendi: si enim pro sua intendit retinere, non possideo per illum, quia non meo nomine retinet, excipio tamen seruum, & filium nondum emancipatum. Hi enim cum sint eius conditionis, ut non acquirant sibi, acquirunt patri, & Domino, etsi hunc animum non habeant.

5. Dices. Possessio nō videtur esse ius insistēdi, sed potius ipsa insistētia in re ipsa. Ratio, quia is, qui iniuste possidet verè possidet, ut passim cōceditur, & patet exēplo

furis, qui verè rem possidet; & tamen non habet ius insistendi rei, quam possidet, quia hoc ius est in eo, qui à possessione eiectus est. *Secundò*, quia possessio diuiditur in iustam, & iniustam; & illa, quæ iusta est, non aliunde habet, quod iusta sit, quam à iure insistendi, ab insistencia vero habet, quod sit possessio: ergo essentia possessionis non est posita in iure insistendi, sed in insistencia. *Tertiò*, quia qui iniuste possidet, sed bona fide, reuera simpliciter & absolute possidet, & quidem tali possessione, quæ sufficit ad præscriptionem: & tamen reuera non habet ius, nisi in sua existimatione. Resp. Hæc sententia valde probabilis est, quam sequitur Molina tractat. 2. cap. 17. Altera tamen fuit explicanda, quia communis est apud Iureconf. Et exponi potest possessionem esse ius insistendi, non quod in conscientia semper sit iusta, sed quia in foro civili censetur talis.

Q V Æ S T. 16. Quotuplex sit possessio.

1. **P**rima Conclusio. Possessio diuiditur primò, in *Iustam*, & *Iniustam*. Iusta requirit iustum titulum: Iniusta illo caret. *Secundò* in possessionem *bona & male fidei*. *Tertiò* in *Coloratam* cuius scilicet titulus est verisimilis, id est, non aperte nullus, & *Non Coloratam* cuius titulus est aperte nullus. *Quartò*, pro varietate titularum diuiditur in varias species, quæ sumunt nomina ab ipsis titulis, quo pacto dicimus rem aliquam possideri pro emptâ, pro donatâ, pro legatâ, id est, titulo emptionis, donationis, aut legati.

2. Secunda Conclusio. Visitatissima diuisio est in possessionem *Ciuilem* & *Naturalem*. *Ciuiilis* est, quæ solo animo retinetur. Quamuis enim initio, vt incipias possidere, requiratur adminiculum animi & corporis; tamen, vt postea retineas, & continues possessionem, sufficit animus retinendi rem; nec desistendi à possessione, vt habetur institut. de interdictis §. possidere.

Hoc

Hoc modo possidet is, qui abest à rebus suis. Dicitur autem possessio hæc *ciuilis*. *Primò* quia magis constat modo ciuiliquàm naturali, cum naturalis modus sit per corporalem insistentiam. *Secundò* quia parit effectus ciuiles, vt præscriptionem & vsucapionem. *Naturalis* est, quæ corpore scilicet & animo retinetur. Vt quando quis rem occupat, vt suam. Hæc aliquando coniungitur cum ciuili, vt quando quis per se, vel per alium est præsens rebus, quas ciuilitè possidet: tunc enim dicitur ciuilitè & naturalitè possidere. Quæ possessio est firmissima secundum iura: aliquando est separata à ciuili, vt quando fur occupat rem: tunc enim ego ciuilitè, ille naturalitè possidet. Et hæc possessio infirmior est, valet tamen ad hoc, vt quis non possit ab extraneo deturbari, ne quidem ab ipso Domino publica authoritate.

3. Dices. Fur non tantum naturalitè sed etiam ciuilitè possidet rem furtiuam, quia corpore & animo retinet illam vt suam. Resp. Secundum iura dicitur quis naturalitè tantum possidere quando rem ciuilitè ab alio possessam occupat animo retinendi. Nam quamdiu per ius ciuile alter non censetur cadere à sua possessione ciuili, tandiu hic intrusus, qui occupat, non censetur ciuilitè possidere, sed naturalitè tantum, vt colligitur ex l. *clam possidere* ff. *de acquirenda possessione*.

4. Tertia Conclusio. Fieri potest, vt quis per se ipsum possideat rem ciuilitè tantum, & per alium naturalitè; quo pacto locator per se possidet prædium ciuilitè, & per colonum, aut inquilinum naturalitè, vt habetur l. 3. §. *Quod si seruus* & §. *saluus*, ff. *de acqu. possessione*. Similiter dicitur quis naturalitè possidere per depositarium, commodatarium, & generatim per eum omnem, qui rem tenet, & non possidet, vt habetur l. *Interdictis*, §. *possidere*.

5. *Quæres.* An usufructuarius, Emphyteuta, & Feudatarius dicantur possidere rem, cuius habent usumfructum: An vero solus proprietarius per eos possideat? Disputat de hac re Couar. ad regulam. *Possessor, p. 2. n. 4.* & Alvarus Valaz. *de iure emphyteutico quest. 18.* Resp. cum distinctione. Nam si sermo sit de re, in qua constituitur usufructus, illam civiliter possidet proprietarius per se ipsum, & naturaliter per alios, qui usum fructum inde habent: si autem sit sermo de fructibus ex ea re perceptis, illi naturaliter, & civiliter possidentur ab iis, qui habent usum fructum: si denique de iure utendi & fruendi, naturaliter & civiliter etiam possidentur, vel quasi possidentur ab iisdem.

QVÆST. XVII. *Quibus modis acquiratur possessio?*

1. **D**ixi superius possessionem acquiri cum res apprehenditur. Est autem duplex, apprehensio Vera & Ficta: sunt item duplices res, quæ apprehenduntur, aut quasi apprehenduntur. Corporales, & Incorporales.

2. *Prima Conclusio.* Vera apprehensio rerum corporalium fit duobus potissimum modis, nempe manibus, vel pedibus, ut per se patet. Nota *primò* ad possidendam totam domum, aut totum agrum, sufficere si aliquam eius partem pede premas, vel ingrediaris, modo id facias animo possidendi totum, ut habetur l. 3. ff. *De acqui. possess.* *Secundò* quando id, cuius possessio apprehenditur, non est commune toti fundo, sed peculiare alicuius partis, ut v. g. servitus itineris, aut aquæ ductus, tunc oportet intrare, vel actum servitutis exercere in totam illam partem. *Tertiò* quando res aliqua, quæ possidenda est, non solet apprehendi per aliquam sui partem, sed per aliquid aliud, ut equus per capistrum, aut vinum per vas, tunc satis est eam apprehendere per id, per quod solet apprehendi.

3. *Secunda Conclusio.* Ficta apprehensio fit variis

iis modis. *Primus* est, si antiquus possessor tradat alteri
 claves domus, in qua sunt merces possidendæ, ut v. g.
 vinum oleum, triticum, ut habetur l. *Clavibus* ff. de *con-*
trahenda emptione, & in aliis iuribus. Ratio est, quia dum
 emptor apprehendit claves, censetur apprehendere
 res ipsas intus reconditas. *Secundus* est, si alteri tradat
 instrumentum quo constet de titulo, & iure, quo rem
 possidebat, ut colligitur ex l. 1. C. de *donationibus*, &
 est communis sententia. Ratio est, quia in tali in-
 strumento censetur res ipsa contineri. *Tertius*, si anti-
 quus possessor cominus, vel eminus ostendat mihi
 fundum, & dicat se tradere illius possessionem, & ego
 significem me acceptare, ut habetur l. *Quod meo*, §. *si*
venditorem, ff. de *acquir. possess.* Ratio est, quia oculi
 sunt veluti longæ manus quibus res visas quasi contre-
 ctamus. *Quartus*, quando post contractum consentien-
 te antiquo possessore, apponitur custodia nomine eius,
 ad quem res transfertur, siue sit res mobilis, ut pecora,
 vel aliæ merces, siue immobilis, ut castrum, domus,
 oppidum. Item siue res sit præsens, siue absens, ut
 colligitur ex L. *Quarundam rerum*, ff. de *acquirend.*
possess. *Quintus* est, quando antiquus possessor vendit,
 vel donat alteri rem aliquam, reservato sibi usufructu.
 Nam eo ipso censetur illi tradere proprietatem, &
 alter incipit possidere, ut habetur L. *Quisquis*. &
 L. *Si quis argentum*, C. de *donationibus*. Ratio, quia nemo
 propriè est usufructuarius, nisi dominium directum sit
 apud alium: ergo hoc ipso, quod quis vendit rem ali-
 quam constituendo se usufructuarium illius, cense-
 tur amittere eius proprietatem, & transferre in alium
 possessionem. *Sextus* est, quando antiquus possessor
 vendit vel donat alteri rem aliquam, constituendo se
 conductorem eiusdem rei. Nam hoc ipso alter acqui-
 rit possessionem, ut habetur L. *Quadam mulier*, ff. de
rei vindicatione, & L. *Qui bona fide*, §. 1. & L. *Interdum*,
 §. 2. l. i.

§. ultimo. ff. de acquirenda possessione. Ratio, quia conductor possidet nomine locatoris. *Septimus* est, quando quis vendit aut donat alteri rem suam apud quem erat deposita, locata, vel commodata. Nam hoc ipso acquirit alter possessionem virtute prioris detentionis; nisi fortè aliquis alius tertius civiliter eam rem possideret. Ita habetur L. *sive autem*, §. *si quis rem*. ff. de publiciana, & L. *certi conditio*, §. *ultimo*. ff. Si certum petat. *Octavus* est, quando quis emit duas trabes è numero mularum, aut duo pecora de toto aliquo grege, & venditor concedit illi, vt designet duas trabes, aut duo pecora, tunc accipit eorum possessionem, per hanc ipsam significationem; vt colligitur ex L. *Quod si neque*, ff. de commodo & periculo rei vendita. *Nonus*, si antiquus possessor (facta venditione, aut donatione alicuius rei) constituat se possidere nomine emptoris, & emptor id ratum habeat: tunc enim transfertur possessio in emptorem. Hoc Iurisperiti appellant tradere possessionem per clausulam constituti, hoc est, per clausulam appositam in instrumento alienationis, qua venditor constituit se possessorem nomine alterius. Nam hoc ipso incipit emptor possidere per venditorem. Ita colligitur ex Lege. *Quod meo*, & Lege. *Qui bona fide*; & Lege *Interdum*, ff. de acquirenda possessione.

4. Tertia Conclusio. Ficta apprehensio non habet locum, quando possessio non acquiritur voluntate prioris possessoris, qui eam nobis tradat: tunc enim debet interuenire vera apprehensio. Patet ex dictis. Quia omnes illi modi, quibus fit ficta apprehensio, supponunt voluntatem, & consensum prioris possessoris. Hoc fit primò vt possessio earum rerum, quæ ante nullius erant propriæ, sed efficiuntur primò occupantis, vt ferarum, thesaurorum, & similium, non acquiratur, nisi per veram apprehensionem, vt patet institut.

Institut. de rerum diuisione, §. illud. *Secundò* fit, vt possessio nunquam acquiritur vi, aut clam, nisi per veram apprehensionem. Vnde si depositarius velit clam acquirere possessionem rei apud se depositæ, debet eam apprehendere, & mouere de loco suo, vt patet ex l. 3. §. Si rem, ff. de acquirenda possessione. *Tertiò* fit, vt qui auctoritate iudicis mittitur in possessionem rei, quam alius possidebat non aliter acquirat possessionem, quam si eam verè apprehendat, nisi scilicet accedat voluntas prioris possessoris, tunc enim potest eam acquirere per actum fictum. Ita Bartholus, Panormit. & alij apud Antonium Gomer. ad l. 45. Tauri, numer. 54. *Quariò* fit, vt hæres non aliter acquirat possessionem bonorum defuncti, cum adiuit hæreditatem, quam per veram apprehensionem, eò quòd nullus sit possessor, qui eam illi tradat.

§. Quarta Conclusio. Possessio iurium, & seruitutum apprehenditur duobus modis. *Primò* si mittam alterum in agrum, in quo volo ei seruitutem constituerè, & ille eat. *Secundò*, si quis utatur aliquo iure, tanquam ad se pertinente, sciente & ferente eo, cuius intèrerat concedere vel prohibere, qui modus est generalis, & extendit se etiam ad ea iura, quæ non sunt in re aliqua constituta, cuiusmodi est ius eligendi, præsentandi, & similia, de quibus Couarr. ad regulam possessor, p. 2. §. 8. qui citat varia iura pro hac re. Quomodo autem acquiratur possessio beneficij docet idem Couarr. l. 3. variar. resol. c. 19. n. 10.

QVÆST. 18. Quomodo amittatur possessio?

Prima Conclusio. Possessio rerum mobilium, tum ciuilis, tum naturalis, amittitur, *Primò*, sola voluntate possessoris, nolentis eam amplius possidere. *Secundò* per furtum, aut rapinam alterius. *Tertiò*, si alterius custodiæ subesse incipiat, qui eam detineat tanquam suam. *Quariò*, per fugam, si sint animalia, vt
li

si pecus aberrauit à grege, aut gallinæ, vel aues domesticæ auolauerint, nec habeant consuetudinem per se redeundi, vt patet l. 3. §. *Item feras*, ff. de acquirenda possessione. Dixi, si sint animalia, quia possessio serui, & ancillæ, non amittitur per ipsorum fugam, vt patet ex l. Pomponius, ff. eodem tit.

2. Secunda Conclusio. Possessio rerum immobilium, ciuilis, & naturalis amittitur, *Primò* si possessor longo tempore sit absens (putà ferè decennium) ita, vt nec per se, nec per alium rei insistat, neque etiam protestetur, se nolle amittere possessionem. *Secundò* si rem ab alio sciat occupatam, & tamen negligat. *Tertiò* si reuersus statim nō repetat possessionem suam, scū ab occupante repellatur. *Quartò* si timens repulsam non audeat repetere, aut inuadere possessionem. *Quintò* si res ita sit occupata, vt non sit probabilis eius recuperatio, vt si vir valde potens eam occupet, vel mare aut flumen assiduè inuadat. Quamdiu autem possessor est in ipsa re, aut saltem ita propè, vt præsto possit adesse, cum opus fuerit, retinet illius possessionem, tum naturalem, tum ciuilem.

QVÆST. XIX. *Quid priuilegij conferat possessio?*

1. Conclusio. Possessio, præsertim si sit bonæ fidei, habet hæc priuilegia. *Primò* parit præscriptionem; & facit, vt res quæ non est tua, elapso tempore certo fiat tua. *Secundò* si oriatur dubium de rei dominio, ante tēpus præscriptionis, & per moralem diligentiam non possit statim finiri, tunc melior est conditio possidentis. *Tertiò* parit in iudicio præsumptionem dominij: vnde possessor non debet probare rem esse suam, sed alter, qui eam repetit, qui, nisi id sufficienter probet, nihil obtinebit. *Quartò* potest quis acrius suam possessionem tueri, vim vi repellendo. *Quintò* si possessor expulsus sit, potest armis suam possessionem repetere, modò id fiat statim. *Sextò* si Dominus rei iniuste expellat

expellat possessorem à possessione, amittit dominium, & applicatur expulso: si autem non sit dominus, tene-
tur reddere possessionem expulso, & insuper æstima-
tionem eius. Vt habetur L. *Si quis in tantam C. unde vi.*
Sed hæc lex non videtur amplius esse in vsu, vt docet
Covarr. lib. 3. *variar. resol. cap. 16. num. 7.*

C A P V T III.

De subiecto Dominij.

CONSTAT Dominium esse ius perfectè disponendi
de re, quod qui impedit iniuriam facit. Vnde se-
quitur eos solos esse capaces dominij, qui sunt capaces
iuris; ac iniuriæ, circa perfectam, & liberam rerum dis-
positionem; id est, solas naturas rationales vt Deum,
Angelos, homines. De dominio Dei & Angelorum hîc
non agimus. De dominio hominum potest *Primò* Ge-
neratim quæri, quod sit fundamentum dominij in illis.
Deinde speciatim, de variis hominum generibus, vt de
paruulis, de amentibus, de filiis familias, de seruis, de
Religiosis, de Clericis, de Pontifice. An scilicet habeat
dominium, vel simpliciter, vel aliquarum rerum.

QVÆST. I. *Qua ratione conveniat homini Dominium?*

Prima Opinio est Vvaldensium, Vviclei, & Ioan-
nis Hufs, qui asserunt dominium fundari in gra-
tia & charitate. Ita, vt soli existentes in gratia sint veri
domini eorum, quæ possident: amissâ autem gratiâ
për peccatum, simul amitti dominium, ac proinde pec-
catores nullum habere dominium. Loquuntur autem
de dominio, tam iurisdictionis, quàm proprietatis;
quanquam hoc loco de posteriori potissimum agi-
mus. Fundamentum eorum sumitur ex quibusdam
scripturæ locis, de quibus postea.

2. Secunda Opinio est Hostiensis c. *Quia super his.*
Extra de voto, vbi docet fidem esse fundamentum, do-
minij, ac proinde infideles non habere dominium, nec
iurisdictionis, nec proprietatis. Putat enim omne
dominium translatum esse ad Ecclesiam fidelium.

iuxta illud Isaia 60. 12. *Gens, & regnum, quod non serui-
rit tibi, peribit.*

3. Tertia Opinio est Gersonis *de vita spiritali, con-
sid.* 15. & Conradi *tract.* 1. 9. 2. qui docent iustos, in
gratia constitutos, requirere nouum Ius, & dominium
in omnes creaturas inferiores, quod amittat per qued-
uis peccatum mortale. Concedunt nihilominus, pec-
catores retinere apud se dominia earum rerum, quas
iustis titulis antea possidebant, neque per peccatum
amittere, in quo differunt à Vvaldensibus.

4. Prima Conclusio. Dominium earum rerum, quas
homo possidet, non innititur gratiæ & charitati, quasi
gratia, vel charitas sit titulus, vel fundamentum alicui-
us dominij temporalis. Ita definitum est in Concilio
Constantien. sessione 15. contra auctores primæ opi-
nionis. Et colligitur ex scripturis. Nam ex iis constat
Cyrum, Nabuchodonosorem, & alios malos homines
habuisse dominium iurisdictionis, & proprietatis, &
quidem ex donatione, & consensu Dei. Vt patet Isaia
cap. 45. *vers.* 1. Ieremiæ *cap.* 27. *vers.* 6. Dan. *cap.* 2. *vers.* 37.
Exod. c. 29. *vers.* 20. Hinc August. *lib.* 5. *ciuit.* *cap.* 21. di-
cit, hoc interesse inter regnum Cœlorum, & terre-
num, quod hoc æquè detur piis & impiis, illud solis
piis. Et ostendit hoc exemplis. Qui dedit (inquit) Con-
stantino Christiano, ipse dedit Apostatæ Iuliano. Et ra-
tio est, quia Deus non prouidisset benè Reipubl. hu-
manæ, si titulum dominij voluisset esse gratiam, &
charitatem. *Primò.* Quia tunc omnia dominia essent
incerta, nec quicquam coram iudice probari posset.
Nemo enim potest ostendere, se esse in gratia. *Secundò.*
Quia qui sibi essent conscij de peccato aliquo mortali,
non possent tuta cōscientia conseruare res suas. *Tertiò.*
Subditi nollēt obedire principibus, quos putarent non
habere gratiam, & charitatem. Ex his omnibus seque-
retur magna confusio, & perturbatio in Republica.

5. Secunda Conclusio. Dominium non fundatur in fide, nec infideles, ob defectum fidei, desinunt esse Domini earum rerum, quas alioquin possident iusto titulo. Loquor de infidelibus, non Apostatis. Nam Apostatæ per Ecclesiam priuari possunt dominio bonorum suorum, ut constat ex tractatu de fide. Conclusio sequitur ex dictis. Nam Cyrus, Nabuchodonosor, Iulianus, fuerunt infideles, & tamen habuerunt temporale dominium. Ratio generalis est. Quia primum fundamentum, seu capacitas dominij temporalis est, habere facultatem liberi arbitrij, quæ est etiam in infidelibus, ergo si accedat aliquis titulus, qui sit proximum fundamentum, statim potest resultare dominium. Antecedens deducitur ex illo Gen. 1. 26. *Faciamus hominem ad imaginem, & similitudinem nostram, & præsit piscibus maris, & volatilibus cæli.* De quo vide Perer. in eundem locum.

6. Tertia Conclusio. Charitas, & gratia non tribuunt homini nouum Ius & dominium rerum temporalium, quod peccatores non habebant. Ratio est, quia bona temporalia æquali iure dantur iustis, & iniustis, iuxta illud Matth. 5. 45. *Qui solem suum oriri facit super bonos, & malos, & pluit super iustos & iniustos.* Confirmatur primò, quia Deus semper concedit iustis illa, ad quæ habent Ius ex charitate, ut patet ex his quæ cadunt sub meritum. Sed bona temporalia non semper eis concedit; ergo ex charitate non habent vllum Ius ad illa. Secundò. Quia Christus dehortatur iustos, non solum à cupiditate illorum bonorum, sed etiam ab eorum possessione, iuxta illud Matth. 19. 21. *Vade & vende:* Ergo charitas non facit nos dominos rerum temporalium.

7. Quarta Conclusio. Dominium rerum temporalium, generatim loquendo, fundatur in triplici titulo. Primò, in iure naturali, quo pacto fructus,

terraz, & animalia, subiecta sunt dominio hominis. *Secundo.* In iure diuino, quo pacto Iudæi acceperunt dominium terræ promissionis. *Tertiò.* In iure humano, siue gentium, siue ciuili; quo pacto fit aliquis dominus titulo hæreditatis, donationis, emptionis, præscriptionis, aut similis alicuius contractus. Hinc sequitur, non minus peccatores, quam iustos; nec minus infideles, quam fideles, posse habere dominia rerum temporalium.

Quod etiam constat ex præcedentibus Conclusionibus:

2. Secunda Obiectio. Scriptura docet propter solum peccatum amitti dominium, vt patet ex illo Eccles. 10. *Regnum à gente in gentem transferitur propter in- iustitiam.* Et ratio est, quia non est dominium, nisi à Deo: Deus autem non confert dominia improbis.

Primò. Quia sunt eius hostes. *Secundò.* Quia videretur abusum dominiorum approbare. Resp. Scriptura docet Deum aliquando punire homines propter peccata, transferendo ab eis regna & dominia: Non tamen docet, homines, hoc ipso quo peccant, amittere regna & dominia.

Secundò. Verum est dominium esse à Deo, docet tamen benignitatem Dei, vt etiam hostibus suis benefacia, vt habetur Matth. 5. 45. Neque propterea approbat abusum: nam ob alias causas id facit. *Primò.*

Vt hoc beneficio peccatores ad se alliciat. *Secundò.* Vt remuneret quædam moralia illorum benefacta. *Tertiò.*

Vt puniat peccata subditorum. Vide D. August. 5.

Ciuit. 15. 19.

2. Secunda Obiectio. Fundamentum dominiij in eo consistit, quod homo sit conditus ad imaginem & similitudinem Dei, vt habetur Gen. 1. 26. sed per peccatum mortale amittit imaginem Dei. Quia comparatur iumentis insipientibus. Respondeo. Fuit olim hæresis Origenistarum, hominem per peccatum mortale imaginem Dei amittere. Amisit quidem Adam iustitiam originalem, cuius beneficio appetitus sensitiuus

subiicie

subiiciebatur rationali, & hac amissa, factus est. similis iumentis insipientibus, propter concupiscentiam carnis, & appetitus sensitiui, non tamen amisit naturalem libertatem arbitrij, in qua consistit imago & similitudo Dei.

10. Tertia obiectio. Iusti ex eo præcisè, quia iusti sunt, videntur habere aliquod peculiare ius, & dominium rerum temporalium, iuxta illud Rom. 8. v. 31. *Qui proprio filio non pepercit, quomodo non etiam cum illo omnia nobis donauit?* & 1. Cor. 3. v. 23. *Omnia vestra sunt, vos autem Christi,* & 2. Cor. 7. v. 10. *Nihil habentes, & omnia possidentes.* Ratio est, quia amicorum omnia sunt communia: inter Deum autem, & iustos, vera est, amicitia. Resp. ad *primum locum*, Paulum consolari & hortari iustos ad tolerantiam ærumnarum huius vitæ, asserendo Deum nunquam defuturum in necessariis. Quod probatur à maiori. Nam si pro nobis tradidit filium suum, quantò magis dabit, quæ viderit fore necessaria? Ad *secundum*. Resp. omnia esse iustorum, duplici nomine. *Primò*, quia omnia propter iustos facta sunt, quo sensu dixit Apost. 2. Timoth. 2. v. 10. *Omnia sustineo propter electos.* *Secundò*, quia omnia prosunt iustis, ad salutem, iuxta illud Rom. 8. *Diligentibus Deum omnia cooperantur in bonum.* Ad *tertium*. Resp. sensum esse, quod iusti, licet aliquando pauperes sint, vt reuera erant Apostoli; tamen nil deesse illis ad sustentationem, perinde, ac si omnia possiderent. Ad rationem Resp. amicitiam Dei erga iustos, præcipuè elucere in communicatione bonorum supernaturalium.

11. Quarta Obiectio. Isaias prædixit omne dominium transferendum esse ad Ecclesiam fidelium, vt supra citatum est. Resp. Isaias solum prædixit, gentem, quæ Christo non seruierit, perituram, id est, extra Ecclesiam Christi nullum fore saluum. c. *Firmiser. Extra, de Trinitate.*

QVÆST. 2. *An paruuli & amentes habeant dominium?*

1. **P**rima Conclusio. Paruuli sunt veri domini suorum bonorum, etiam ante vsus rationis, iuxta illud Apostoli Gal. 4. v. 1. *Quantò tempore haeres paruulus est, non differt à seruo, cum sit dominus omnium.* Ratio est, quia paruulus est verè hæres secundum iura: hæres autem dicitur, qui succedit in dominium bonorum defuncti. Confirmatur, quia, qui bona paruulorum vsurpant, verè faciunt illis iniuriam.

2. Dices. Paruuli propter defectum vsus rationis non possunt disponere de rebus, ergo non habent dominium. Resp. satis est, quod habeant ius disponendi, etsi non possit prodire in actum, propter defectum vsus rationis.

3. Secunda Conclusio. Amentes sunt etiam Domini suorum bonorum, propter eandem rationem. Vnde sicut paruulis, sic etiam illis designantur à Repub. tutores, qui illorum bona administrant; neutri enim possunt per se administrare.

4. Dices. Perpetuò amentes non gaudent beneficio præscriptionis: ergo non habent dominium. Sequela patet, quia lex præscriptionis est propter dominia: ergo, qui non potest præscribere, non potest præscribendo acquirere dominium. Resp. Fortè amentes possunt præscribere per suos tutores. Deinde etiamsi deus non posse præscribere; non tamen sequitur, eos non esse veros dominos, quia ad præscriptionem requiritur bona fides, quam amentes non habent. Quod tamen non requiritur ad dominium. Loquor de dominio, quod habetur sine præscriptione.

QVÆST. 3. *An filij familias habeant dominium?*

1. **L**oquor de iis, qui constituti sunt sub potestate patris.

2. Conclusio. Quatuor bonorum genera possunt huiusmodi filiis competere. *Primò.* Castrensia, quæ

quæ in militia acquisierunt. *Secundò*. Quasi castren-
sia, quæ officio publico. *Tertiò*. Profectitia, quæ patris
occasione proueniunt. *Quartò*. Aduentitia, quæ illis do-
nantur non patris intuitu, vel acquiruntur propria in-
dustria. Castrensiùm, vel quasi castrensiùm habent
proprietaem, & vsumfructum: Aduentitiarum solam
proprietaem: Profectitiarum, nec proprietaem, nec
vsumfructum, sed solam administrationem.

QVÆST. 4. *An serui habeant verum Dominium?*

1. **C**onclusio. Iura ciuilia non videntur illis vllum
dominium concedere, sed quicquid acquirunt,
quauis causa, dominis acquirere, vt habetur Instit.
Per quas personas cuique acquiritur, & l. Id vestimentum,
ff. de peculio. Sed consuetudo hoc mitigauit. Possunt
enim in quibusdam casibus habere aliquod domi-
nium. *Primò*. Si domini tacitè vel expressè consen-
tiant. *Secundò*. Si donetur, vel legatur illis aliquid cum
consensu dominorum. *Tertiò*, si iis absolutè aliquid do-
netur, non tamen Dominis intuitis. *Quartò*, si Domini
aliquid illis debeant propter iniuriam allatam. *Quintò*,
si lucrentur aliquid de suo peculio, aut aliquid sibi sub-
trahant, nullo tamen domino damno illare.

QVÆST. 5. *An religiosi habeant dominium?*

1. **R**atio dubitandi est, quia votum paupertatis vi-
detur repugnare dominio. Nota, nos posse lo-
qui vel de integra communitate alicuius Religionis:
vel de singulis Religiosis in particulari, siue sint pro-
fessi, siue non sint, vel denique de superioribus benefi-
ciariis, qui habent beneficia regularia.

2. **P**rima Conclusio. Probabile est Religiosos
Professos posse habere dominium rerum tempora-
lium in communi, ita vt ipsa communitas verò domi-
nio eas possideat. Probatur *primò* ex Concil. Trid. *sess.*
25. cap. 3. de Regularibus, vbi conceditur omnibus mo-
nasteriis, & domibus, tam virorum, quàm mulierum,

etiam mendicantium, exceptis Cappuccinis, & Minoribus de obseruantia, vt deinceps liceat iis possidere bona immobilia. *Secundò* quia Nicolaus III. in extrauag. *exijt*, docet dominium rerum, quibus Franciscani vtuntur, ad Papam pertinere: non autem ad eorum congregationem. Indicans in aliis Religionibus, quibus licet bona habere in communi, dominium pertinere ad ipsas congregationes. Dixi, *hoc esse probabile*, quia Nauarr. *Conf. 2. de Regularibus*, contrarium docet asserens, solam administrationem bonorum concessam esse communitati: dominium verò esse apud Christum, & eius vicarium, quod valde probabile est. *Primò*, quia communitas non potest alienare bona immobilia, sed debet transmittere ad posteros: ergo non habet verum dominium. *Secundò*, quia Pontifex aliquando adimit huiusmodi bona vni communitati, & concedit alteri; ergo signum est dominium esse apud Pontificem. *Tertiò*, quia contraria argumenta non videntur conuincere. Non primum, quia possidere non est idem, quod habere dominium. Nec secundum, quia Nicolaus nihil definit de hac re.

3. *Secunda Conclusio.* Certum est Religiosos Professos non posse in particulari habere vllum dominium, aut vsumfructum, aut possessionem rerum temporalium, siue mobilium, siue immobilium. Est communis sententia. Et patet ex c. *Non dicatis*, & c. *expedit*, & c. *cui portio*. 12. q. 1. Et c. *cum ad Monasterium*, & c. *Monachi*, Extrau. de statu Monachorum, & ex Concil. Trid. sess. 25. c. 2. de Regularibus.

4. *Quæres primò.* Vnde oriatur illa incapacitas dominij: An scilicet ex natura voti, an aliunde? Resp. Non oritur præcisè ex natura voti, vt patet in voto simplici, quod non minus est in ratione voti, quàm solemne; neque etiam ex nuda vouentis intentione, vt patet in Religione non approbata à sede Apostolica. Sed oritur

ex voto solemnī, vel potius ordinatione Ecclesiæ, quæ statuit, ut votum solemnē, seu professio in Religione approbata, haberet talem effectum, nempe incapacitatem dominij.

5. Ex dictis sequitur Religiosum peccare. *Primò* si aliquid recipiat, & retineat, sine expresso, vel tacito consensu superioris. *Secundò* si aliquid donet vel aliter alienet, sine eodem consensu. *Tertiò* si abscondat, ne superior inueniat. *Quartò* si possideat aliquid cum consensu superioris, sed tamen non sit paratus illud dimittere ad arbitrium superioris. *Quintò* si murmuret, tanquam iniuria affectus, quando ipsi aliquid adimitur.

6. *Quæres secundò.* Quando graviter peccet in his omnibus. Resp. Peccatum hoc in genere suo est mortale, quamvis ex leuitate materiæ, aut alia causa possit fieri veniale. Prima pars patet exemplo Ananiz & Sapphiræ, qui morte puniti sunt, eo quod aliquid proprii sibi clam retinuerint. Quod signum est peccasse mortaliter. Secunda pars patet ex communi regula, qua dicitur, furtum, & similia peccata, tametsi genere suo mortalia sint, posse tamen fieri venialia, vel ex paupertate materiæ, vel ex defectu deliberationis. Dixi in cōclusionē, *Religiosos esse incapaces dominij rerum temporalium*, quia iurium, & bonorum supernaturalium possunt habere dominium, vel quasi dominium. Nam Regulares beneficiarij habent dominium, vel quasi dominium, & possessionem suorum beneficiorum, & possent agere nomine proprio ad eorum dominium vindicandum, adipiscendum, retinendum, recuperandum. Similiter simplex Religiosus proprio nomine potest agere super iure eligendi, competendi, & manendi in tali, vel tali monasterio. Vide Nauar. *quæst. 1. de redit. Eccles. numero. 9.* Ratio est, quia Religiosi per votum paupertatis non renuntiant iuribus, & bonis spiritualibus.

7 Tertia Conclusio. Religiosi non professi, sed tamen per votum simplex acceptatum ab Ecclesia facti veri Religiosi, non sunt incapaces dominij: sed retinent illud, quamdiu superiori videtur. Non tamen possunt habere vllum bonorum suorum, vel alienorum, sine superioris consensu. Patet ex constitutione Greg. XIII. edita de hac re, Anno 1584. quæ incipit, *Ascendente Domino.*

8. Quarta Conclusio. Religiosi beneficiarij vt Abbates, Præpositi, Commendatores, Præceptores, & similes, habentes beneficia Regularia habent ius liberè administrandi, & disponendi bona suorum beneficiorum, nempe ad decentem suum statum, & ad pias causas, nisi particulari aliquo statuto impediatur. Nam hoc est eis concessum à sacris canonibus. De qua re, vide *Navar. q. 1. de Regular. Canon. 2. n. 11.* & seq.

9. Quinta Conclusio. Superiores Religiosi non possunt alicui Regulari subdito concedere vlla bona stabilia, vt sunt redditus, fundi, ædium locationes, etiam ad vsum tantummodo, vel administrationem, vt patet ex *Trid. sess. 25. cap. 2. de Regularibus.* Vnde sequitur *primò.* Non posse superiores concedere subditis certas annuas pensiones, aut census, quos ipsi administrent pro vestibus, & aliis necessitatibus; secus tamen si ipsi non administrent, sed officialis, à quo pecuniam & necessaria petant. *Secundò.* Sequitur census vitales, qui aliquando dantur pro alimentis, & aliis necessariis vñibus ingredientium monasterium non posse permitti ingredientibus, vt eos administrent, sed solis officialibus ordinariis, qui tamen eorum fructus debent impendere ad vsus destinatos.

10. Sexta Conclusio. Possunt superiores concedere aliqua bona mobilia, etiam pecuniam, ad vsus tamen pios suis subditis, nempe vestes, libros, & similem

similem supellestem, vt est communis sententia. Hæc tamen debent statui eorum esse consentanea, nec in iis quicquam debet esse superflui, vt habet Trident. loc. cit.

QVÆST. 6. *An Clerici Religiosi habeant aliquod bonorum dominium?*

1. **N**ota primò ex Nauarr. huiusmodi clericos posse habere triplicia bonorum genera, primò patrimonialia, qualia sunt, quæ vel hæreditate, vel industria, vel donatione, vel alio modo, vt laici acquirunt. Secundo, quasi patrimonialia, quæ acquirunt non ratione beneficij, sed dicendo missas, audiendo confessiones, docendo, agendo vicarios temporales. Nam Vicaria perpetua est beneficium. Tertiò merè Ecclesiastica, vt sunt ea, quæ recipiuntur ratione Episcopatus, Canonatus, vel alterius beneficij.
2. Nota secundo, hæc bona Ecclesiastica rursus esse multiplicia, primò quædam sunt immobilia, vt villæ, castra, prædia, & alia huiusmodi à fidelibus donata Ecclesiæ. Secundo sunt annui redditus deputati pro aliqua memoria in aliqua Ecclesia agenda. Tertiò sunt decimæ. Quarto oblationes quotidianæ. Quintò bona vtenilia, vt factæ vestes, calices, ornamenta.
3. Prima Conclusio. Clerici non Religiosi habent verum dominium bonorum patrimonialium. Ratio, quia per Clericatum neque fiunt incapaces dominij, nec se abdicant dominio.
4. Secunda Conclusio. Habent etiam bonorum quasi patrimonialium dominium. Ita Couarr. in c. cum in officiis de testamentis num. 4. Ratio est, quia hæc dantur vel per modum Eleemosynæ sub certo onere constitutæ, vel per modum stipendij, seu mercedis, pro labore præstito. Nec refert, quod huiusmodi stipendia aliquando excedant laborem; quia liberè à fidelibus constituta sunt. Idem dicendum est de quotidianis

distributionibus, quas accipiunt Clerici pro personali presentia, ut ex communi sententia tradit Covarr. *loc. cit.* Quamvis contrarium sentiat Nauarr. *in tract. de red. Eccl. q. 1. num. 74.* Nam in illis est eadem ratio, quæ de stipendiis pro aliis ministris, ut colligitur ex *c. unico de clericis non residentibus.*

5. Tertia Conclusio. Clerici non habent absolutum, & plenum dominium bonorum Ecclesiæ immobilium, cuiusmodi sunt villæ, castra, oppida, quæ Ecclesiæ donata sunt, vel Episcopatus, vel alicui alteri prælaturæ annexa. Ita D. Aug. *tract. 6. in Ioannem circa finem, & Thom. Vvalden. t. 1. l. 2. cap. 43.* contra calumniam Vviclefi, qui obiebat clericis, quod usurparent eiusmodi bona aliter, quam laici, quod tamen falsum est. Nam clerici non possunt huiusmodi bona alienare, nec etiam locare, nisi certis conditionibus, ut docent Canonistæ super tit. *De rebus Ecclesiæ non alienandis*, & Summistæ verbo *alienatio*. Idem dicendum est de bonis vtenfiliis, quia est eadem ferè ratio de iis, ut patet ex authentica, *Præterea c. de sacrosanctis Ecclesiis*, & ex Sylu. verbo *abalienatio*.

6. Quæres, An Episcopi, & alij prælati non Religiosi, habeant plenum dominium circa fructus, & proventus, quos percipiunt ex bonis immobilibus. Affirmant Dom. Soto l. 10. *de inst. qu. 4. a. 1.*, & Cajet. *infra q. 185. a. 7.* Ratio, quia percipiunt eiusmodi fructus immediate ob titulum secularem: ergo non minus iuris ad eos habent, quam si essent Principes seculares. Antecedens patet; quia qui donarunt Ecclesiæ villas, castra, & oppida, donarunt tanquam Domini temporales, & prælati administrant & possident ea, tanquam Domini temporales: ergo hi eodem titulo percipiunt fructus, quo illi. Confirm. quia hæc bona non videntur Ecclesiæ donata ad alendos pauperes, sed ad honorem & splendorem Ecclesiæ, & præterea ad suffragia eius obtinenda.

7. Quarta

7. Quarta Conclusio. Episcopi, Canonici, & alij beneficiarij fiunt domini eorum fructuum, & proventuum, quos accipiunt ex decimis, & oblationibus fidelium, saltem quoad eam partem, quæ necessaria est ad status eorum honestam sustentationem. Est communis sententia. Ratio est, quia hæc pars est iusta merces eorum qui Ecclesiæ seruiunt. Dignus est enim operarius mercede sua. Vnde sequitur, si quid velint sibi ex hac parte detrahere, posse de eo disponere, sicut de bonis secularibus. Sed tota difficultas est de illa parte fructuum, quæ non est necessaria personæ, vel statui sed superflua. Nauarr. in tract. de redditibus Ecclesiasticis, conatur summis viribus ostendere, Clericos non esse dominos illius partis redundantis, sed tantum dispensatores, ita vt ex iustitia teneantur expendere in pias causas: Et si secus fecerint, teneantur ad restitutionem. Idem sentiunt Alexander Halen. Richar. Palud. Antonius, Gabriel, Maior, Petrus à Soto, Michael Medina, & alij citati à Couatr. in c. cum officiis, de testam. num. 3. Est communis sententia Canonist. Addit Nauarr. idem sentiendum esse de illis, qui habent pensiones ex redditibus Ecclesiæ. Nam res, inquit, transeunt cum suo onere. Hæc sententia probatur, *Primò*, quia in Canonibus dicuntur bona Ecclesiastica donata esse Domino Deo, vt patet 12. qu. 2. c. *Qui Christi* & qu. 1. c. *Res Ecclesiastica*. *Secundo*, quia in Ecclesia semper intellectum est huiusmodi bona particulariter pertinere ad pauperes, & viduas, & alias pias causas, & patet ex Clemente l. 2. constit. Apostolicarum c. 29. & ex decretis 12. quæst. 1. c. *Præcipuus*, &c. *Ex his* 3. quia si essent domini non prohiberentur liberè de iis testari, & disponere. At prohibentur iure canon. *Quartò*, quia in variis canonibus habetur illos esse tantum dispensatores, & non Dominos, vt 16. qu. 1. c. *Decima*, & vigesima tertia qu. 7. c. *Quod ansem*, &c.

extrauag. de donationibus capite 2. Quintò quia in quibusdam canonibus vocantur raptores, & interfectores pauperum, qui non elargiuntur superflua, vt dist. 42. c. *Ordinamus*, & 12. quæst. 2. c. *Gloria*, & alibi sæpè. Sexid quia portio pauperum est confusa cum Ecclesiasticis redditibus: ergo quæ superflua ex illis sunt debentur pauperibus. Septimò, quia fideles ea conditione dederunt sua bona Ecclesiasticis, vt ex superfluis alerent pauperes: ergo non aliter acquirunt dominium, quàm cum hac conditione, quia donationes conditionales non valent nisi conditione impleta, vt patet ex iure ciuili. c. de donationibus quæ sub modo, vel conditione, & ex canon. extra de conditionibus appõsitis, c. verum. Hæc sententia nimis rigida est, sit ergo

8. Quinta Conclusio. Post erectionem beneficiorum, & cetorum prouentuum assignationem singulis titulis factam, Clerici beneficiarij, & Episcopi, sunt domini omnium prouentuum titulo suo annexorum, nec tenentur ad restitutionem, si eos non expendant in pias causas; quamuis sub mortali ad hoc obligentur. Ita D. Thom. infrà quæst. 18. art. 7. & Clarus quodlib. 6. art. 12. vbi distinguit duplicis generis bona, quædam primariò deputata Ecclesiasticis, & secundariò pauperibus, cuiusmodi dicit esse redditus præbendarum, & loquitur de præbendis, sicuti iam sunt. Addit verò, si Clerici hæc bona non conferant in pauperes, non teneri ad restitutionem, licet mortaliter peccent. *Alia*, inquit, *bona sunt primariò deputata pauperibus, vt bona hospitalium. Et hæc nisi Ecclesiastici dent pauperibus, tenentur, inquit, ad restitutionem.* Idem cum D. Thomâ sentiunt Adrianus in 4. de restitutione quæst. 12. Syluest. verbo Clericus 4. quæst. 20. Dom. Sotus l. 10. de iustitia quæst. 4. art. 3. Couarr. suprâ & alij recentiores. Dixi, post erectionem beneficiorum, quia antequam essent instituta, & singulis sua portio assignata, erat alia ratio. Pro quo

9. Nota *primò* non semper eandem fuisse rationem administrandi bona Ecclesiastica. Nam ab initio Ecclesiastici sequebantur institutum illud vitæ communis, quod apud fideles omnes viguit Hierosolymis tempore Apostolorum, de quo Act. 2. Bona enim, quæ Ecclesiis donabantur in communi, possidebantur à Clericis, & eorum dispensatio committebatur Episcopo, qui in suum, & aliorum pios usus fideliter distribuebat, ut patet ex Canone 58. Apost. ubi iubetur Episcopus deponi, & communione priuari, qui non fideliter egisset.

10. Nota *secundò* postea lectum esse alium gubernandi modum. Nam cumulus bonorum Ecclesiæ diuisus fuit in 4. partes; quarum prima Episcopo, secunda Clericis, tertia fabricæ, & cultui diuino, quarta pauperibus deputabatur. Hanc diuisionem fieri curauit Syluester Papa ut patet ex *Synodo Romana*, sub ipso celebrata, c. 4. & postea à pluribus Pontificibus confirmata est, ut constat ex variis *canonibus* 12. *quest. 2.*

11. Nota *tertiò* hanc distributionem, neque statim ab omnibus receptam, nec eodè vbique modo factam esse: ac *primò* non fuit vbique recepta tempore D. August. quia aliqui Episcopi adhuc vivebant cum Clericis, ut patet 12. *quest. 1. c. Certe ego*. Similiter in quibusdam Ecclesiis non tantum quarta pars, sed etiam tertia contingebat Episcopo, ut patet ex c. *Requisiisti*, Extra de testamentis, ubi dicitur, ut Episcopi accipiant tertiam, vel quartam, iuxta cuiusque loci consuetudinem. Imò alicubi media pars eorum, quæ offerebantur cedebat Episcopo, ut patet 10. *quest. 1. c. Antiquos*, ex Concil. Aurelian.

12. Nota *quartò*, ex hac varietate factum esse, ut iam vix in aliqua Ecclesia reperiatur illa quarta pars deputata pauperibus: omnia enim bona videntur tantum in tres partes distributa, ita ut pars pauperum sit confusa cum aliis, nec ab iis separata: Aliqui tamen putant

putant partem illam pauperum deuenisse ad hospitalia, vel certè ex ea constituta esse beneficia præstimonialia, quæ scilicet deputata sunt studio eorum, qui futuri sunt Clerici. Sed neutrum est probabile. Non primum, quia pleraque hospitalia habent certos fundatores. Nec secundum, quia beneficia præstimonialia videntur potius successisse beneficiis, quibus annexa erat cura aliquarum Ecclesiarum, quæ vel neglectæ omnino erant, vel collapsæ. Hæc tamen non sunt omnino certa.

13. Nota *quintò*, in iis locis in quibus diuisio adhuc obtinet illa quadripartita, Episcopos esse veros dominos quartæ portionis ad se pertinentis, ac proinde non teneri ex iustitia quicquam ex ea largiri pauperibus, ut apertè colligitur ex iure Canonico. Nam 12. *quest. 2. c. de relict. & alibi*, ubi mentio fit illius diuisionis, perspicuè dicitur, ut Episcopus tollat sibi quartam partem, & illam retineat; tenentur tamen partem deputatam pauperibus dare; peccant aliàs contra iustitiam, & tenentur restituere. Hæc certa sunt.

14. Nota *sexto* in aliis locis. (ubi illa diuisio non est, sed pars, quæ destinata est pauperibus, est confusa cum aliis rebus) posse Ecclesiasticos, tanquam veros Dominos, usurpare sibi ex beneficiis Ecclesiasticis tantum, quantum est necessarium ad decentem sustentationem, ut ex communi sententia dictum est in quarta Conclus. Quæstio manet de superfluis de quibus in 5. Conclus. dixi habere Ecclesiasticos verum eorum dominium, nec teneri ad restitutionem, si non expendant ad pios vsus, quamuis sub mortali ab hoc obligentur.

15. Prima pars, quæ præcipua est, probatur *primò*, quia nemo est priuandus dominio, vel proprietate bonorum ipsi attributorum, nisi sufficienter cõtet eum non posse habere, aut de facto non habere tale dominium. Item nemo est cogendus ad restitutionem eorum, quæ possidet, nisi sufficienter constet esse aliena, atqui non constat
sufficienter,

sufficiēter, Clericos non habere dominium huiusmodi bonorū, aut hæc bona ex iustitia aliis esse debita: ergo veri sunt domini. Maior est regula iuris. Minor probatur, quia neque constat ex modo donationis fidelium, quo hæc bona ad Ecclesiam translata sunt, neque ex Ecclesiæ dispositione. Non primū, quia fideles donarunt hæc bona, tum ad poscenda suffragia, & orationes Ecclesiæ, tum ad eius splendorem & dignitatem, tum denique ad maiorem Dei honorem. Quod autem donauerint cum onere alendi pauperes, certò constare, aut probari non potest.

16. Dices. Saltem Decimas donarunt cum hoc onere. Resp. falsum est. Nam fideles non possunt Clericis imponere talem obligationem ratione decimarum. Quia decimæ debentur illis ex iustitia ratione ministerij Ecclesiastici, ut docet D. Thom. *infra* 9. 77. a. 1. Ratio est, quia tenetur ex iustitia populus sustentare eos, qui præbent illis spiritualia, quod etiam Ethnici agnoscunt lumine naturali: lege autem positivā, & consuetudine introductū est, ut decima pars fructuū daretur, ad imitationem legis veteris, ubi licet pauciores essent sacerdotes, tamen decima pars fructuū fuit diuinitus illis determinata. Itaque ius Decimarū est omnino spirituale, quia pendet ex titulo spirituali, ac proinde ad eas nullū omnino habet ius pauperes. Sed neque ex dispositione Ecclesiæ carent dominio Clerici, quia Canones nusquam id definiunt, & quæ ex illis in contrarium allata sunt, facile diluuntur, ut paulò post patebit. Imò ex iure canonico probari potest Clericos habere dominium. Nam c. unico, de Clericis non residentibus in 6. dicitur, quod, qui diuinis officiis nō intersunt, nisi iusta ex causa excusentur, non acquirāt dominium quotidianarum distributionū, neque faciant eas suas, sed ad restitutionem sic præceptarū obligentur. Supponit ergo Canon, alios, qui intersunt, acquirere dominium.

17. Respon

17. Respondet Nauarr. & nonnulli Canonistæ acquirere dominium, quoad fidelem administrationem; sed hæc est violenta explicatio. Nam Canon non solum dicit, eos acquirere dominium distributionum, sed etiam facere eas suas. Idem probatur ex Concil. Trid. *sess. 21. cap. 1. de Reformatione*, vbi statuitur, vt Episcopi qui ultra tres menses sine legitima causa absunt à suis Ecclesiis, non faciant fructus suos, pro rata temporis absentia, sed teneantur fabricæ, vel pauperibus erogare. Similiter *sess. 24. c. 12. de Reformatione* statuitur, vt prouisi de beneficiis, curam animatum habentibus, aut canonicatibus, vel dignitatibus, fidei professionem faciāt intra duos menses à die adeptæ possessionis, alioquin, vt non faciant fructus suos. Item in eodem c. statuitur vt obtinentibus in cathedralibus, aut collegiatis Ecclesiis dignitates, Canonicatus, Præbendas, aut portiones, non liceat abesse ab iisdem Ecclesiis ultra tres menses, quolibet anno, alioqui primo anno priuetur vnusquisque dimidia parte fructuum, quos ratione etiam præbendæ, ac residentiæ, fecit suos. Quod si iterum eadem fuerit vsus negligentia, priuetur omnibus fructibus, quos eodē anno lucratus fuerit. Ex his omnibus patet Clericos esse dominos suorum fructuum, quia vt loquitur Concil. Trid. *lucratur illos & faciunt illos suos*.

18. Probatnr *secundò* hæc sententia, quia ministri Ecclesiæ non debent esse peioris conditionis, quàm ministri Regum, ac Principum. At hi sunt veri domini suorum stipendiorum: ergo & illi. *Tertio* quia Ecclesia non rescindit pacta, vel donationes, quibus Clerici fructus redundantes alienant. At si non essent domini, donationes eorum essent rescindendæ, tanquam inuvalidæ. Imò esset magna negligentia in Ecclesia, quod non ageret pro pauperibus, si ad eos ex iustitia pertinerent superflua ex bonis Clericorum. *Quartò*, quia ex contraria sententia sequerentur duo absurda in praxi.

Primum

Primum quod pauperes possent clam surripere Clericis, qui non dant superflua. *Secundum* quod deberet illis in iudicio concedi actio contra eosdem Clericos.

19. Secunda pars conclusionis, quod scilicet Clerici peccent mortaliter contra charitatem, si expendant superflua in vsus profanos, vel ad ditandos suos amicos, est communis sententia. Et probatur *primò* ex canonibus supra allatis pro Nauarr. Nam etsi ex iis non rectè probetur, Clericos ex iustitia obligari ad erogandum superflua in pauperes, tamen sufficienter probatur, eos vt minimum ex charitate ad hoc obligari, ac proinde si non faciant, peccare contra charitatem. *Secundò* quia est expressum Ecclesiæ præceptum in Concil. Trid. *sess. 25. cap. 1. de reform.* quo Episcopis & aliis Ecclesiasticis interdicitur, ne ex redditibus Ecclesiæ consanguineos, aut familiares suos augere studeant. Idem patet ex Canonibus Apost. qui ibidem pro hac recitantur, & D. Paul. 1. Tim. 3. v. 2. & ad Tit. 1. v. 8. vult Episcopos esse hospitales. Imò Concil. Trid. *sess. 1. c. 23. de Reform.* dicit præcepto diuino mandatum esse Episcopis, vt gerant curam pauperum, & aliarum personarum miserabilium.

20. Ad *primum* argumentum pro Nauarr. allatum, Resp. Dona clericorum donata esse Deo, id est, donata esse ministris Ecclesiæ, ad honorem, & cultum Dei. Itaque ex eo, quod donata sint Deo, non sequitur Clericos non habere dominium illorum, alioqui neque illius partis, quæ illis necessaria est ad sustentationem, haberent dominiũ, quia etiam illa pars donata est Deo, ac fidelibus iuxta sensum prædictũ. Ad *secundam*. Resp. Bona Ecclesiastica peculiariter pertinere ad pauperes, non quod pauperes habeant eorũ dominium, sed quia Ecclesiastici obstricti sunt strictissimo præcepto ad impertiendum pauperibus, non tamen ex iustitia, sed charitate. Ad *tertium*. Resp. Quamuis Ecclesiastici prohi-

beantur liberè testari de bonis Ecclesiæ, id tamen non obstat eorū dominio. Nam sicut iure ciuili sunt quedam bona vinculata, quæ ob certam causam à legitimis dominis non possunt alienari, ita iure canonico prohiberi potuit, vt Clericis non liceat sua bona testando alienare. Hoc autem ideo fit, tum ne nimium sint auari in colligendis pecuniis, quas testamento relinquunt suis propinquis, tum etiam, vt in vita sint liberaliores erga pauperes. Addo tamen eos posse testari in quibusdam casibus. Primò si aliquo loco sit talis consuetudo, vt habet Antoninus 3. p. tit. 10. cap. 3. & Couarr. in c. *Cum in officiis de testam.* Secundò, iure communi possunt testari ad pias causas. Tertiò, ad remunerandum honestè officium famulorum, vel consanguineorum. Ad *quartum* Respondeo. Ecclesiasticos vocari dispensatores, & nō dominos, habito respectu ad illud tempus, quo bona nō dum erant diuisa: tunc enim nullius erant propria in particulari, sed totius communis. Ad *quintum* Respondeo. Ecclesiasticos, qui nihil dant pauperibus, per quandam exaggerationem vocari raptores, & interfectores, quia scilicet strictissimo præcepto obligantur dare pauperibus. Vnde, si non dant, sunt quodammodo causa ex sua parte, cur pauperes fame moriantur. Quod autem hæc obligatio non sit iustitiæ, sed tantum charitatis, ex eo patet, quia SS. PP. eodem loquendi modo inuehuntur etiam in Laicos auaros, quos tamen constat non teneri ex iustitia ad dandas elemosynas, nisi in extrema pauperum necessitate. Ad *sexum* Respondeo. Non satis constare quid factum sit de quarta illa parte pauperum. Nam præter eos, qui putant ex ea constituta hospitalia vel erecta beneficia præstimonialia, de quibus suprà dixi, sunt, qui putant deuenisse ad Episcopos; non vero ad clerum, vel fabricam. Sed quicquid sit, etsi deuenierint partim ad Episcopum, partim ad clerum, & fabricam, adhuc tamen

tamen non tenentur clerici dare ex iustitia pauperibus. Ratio est, quia ante diuisionem bonorum Ecclesiasticorum vnaquæque Ecclesia, vel communitas habebat verum dominium suorum reddituum, & Episcopus erat dispensator: sicut ergo pontifex potuit facere diuisionem, vel quadripartitam, vel tripartitam, pro suo arbitrio: ita potuit eam reuocare, vel mutare pro arbitrio: cum ergo in his locis sit tantum tripartita diuisionem, Pontifex tot annis approbavit, saltem tacite consentiendo, nihil ex illa diuisione debetur pauperibus ex iustitia, sed totum ex præcepto Ecclesiæ, & charitatis. Ad septimum Respondeo. In illa donatione fidelium duo spectari posse ex parte donantium. *Primo* intentionem & finem quem habuerunt sibi propositum. *Secundo* modum, & conditionem, sub qua facta est donatio. Primarius illorum finis fuit, tum vt augerent splendorem, & cultum Ecclesiasticum: tum vt haberent suffragia, & orationes Ecclesiæ. Secundarius fortè fuit, vt alerentur pauperes ex superfluis, sed nec primarius, nec secundarius finis inducit obligationem iustitiæ. Quauis autem conditio, sub qua donatio fit, inducat huiusmodi obligationem, tamen nullo modo probari potest, donationem fuisse factam cum hac conditione, vt ex superfluis alerentur pauperes. Et sanè si ita facta esset, Clerici auari nullum haberent planè dominium bonorum Ecclesiasticorum, ne quidem parti ad sustentationem necessariæ. Ratio est, quia quando tota donatio est conditionata, nullum habet planè effectum deficere conditione. Hoc autem ne aduersarij quidem concederent. QVÆST. VII. *An Pontifex habeat dominium temporale totius orbis.*

1. **A**ffirmant Aug. Triumphus in summa de potestate Ecclesiæ quest. 1. a. 1. Aluarius, Pelagius; lib. 1. de planctu Ecclesiæ cap. 13. Hostien. in c. Quod super his; de voto & voti redemptione. Papormitanus in

c. Nonit. de iudicijs. Syluester verbo *Papa*, & alij non pauci ex Iureconsultis. Loquuntur autem de dominio temporali tam iurisdictionis, quàm proprietatis, asserentes vtrumq; diuino iure competere Pontifici. Fundamentum est, quia Christus habuit supremum dominium totius orbis, non tatum spirituale, sed etiam temporale, iuxta illud *Matt. 28. v. 18. Data est mihi omnis potestas in celo, & in terra.* At Christus vtramque potestatem dedit Petro, quando porrexit illi clauces, vt fateatur Nicolaus Papa in Epist. ad Mich. his verbis, *Christus B. Petro vitæ æternæ clauigero, terreni scilicet, & cælestis imperij iura commisit.* Huc etiam spectat quod Christus concesserat Petro duos gladios, *Luc. 22. 38.* Cum enim discipuli dicerent: *Ecce duo gladij hic;* non dixit Christus, *Nimis est;* sed *satis est.* Vnde D. Bernard. lib. 4. *de consid. & Bonifac. VIII. in Extrauag. Vnam sanctam,* de Maioritate & obedientia, ex hoc loco deducunt Pontificem duos gladios habere ex Christi institutione.

1. Prima Conclusio. Christus homo non fuit Rex temporalis, nec habuit dominium, aut Iurisdictionem temporalem in hoc mundo. Ratio est, quia regnum temporale potest acquiri quatuor modis, aut titulis. *Primò.* Hæreditate. *Secundò.* Electione populi. *Tertiò.* Iure belli. *Quartò.* Speciali donatione superioris. At Christus nullo horum modorum acquisiuit. Nò primo, quia tamen natus fuerit ex regia familia Davididis, tamen regnum ablatum fuit ex illa familia, antequam Christus nasceretur, vt patet *Ierem. 22. vers. 30.* Nec secundo, quia noluit acceptare electionem suam in Regem. *Ioann. 6. v. 15.* Cum cognouisset, quia venturi essent, vt facerent eum Regem, fugit iterum in montem solus. Nec tertiò, quia nunquam gessit bellum cum Principibus terrenis ad inuadendum regnum. Nec quartò, quia pater dedit illi regnum spirituale, non temporale, *Luc. cap. 1. v. 32. Dabit illi Dominus Deus sedem David*
patris

patris eius, & regnabit in domo Iacob in aeternum. Et Matt. c. 28. v. 18. Data est mihi omnis potestas in caelo & in terra. Et Psalmo 2. v. 6. Ego autem constitutus sum Rex ab eo. Hæc, & similia loca, debent intelligi de regno spirituali, vt ipsemet Christus explicat Ioan. 18. v. 36. cum ait: *Regnum meum non est de hoc mundo.* Porro regnum illud spirituale acquisiuerat iure belli, quia scilicet vicit Diabolum, qui regnabat in cordibus hominum, per vitia, & peccata; & in iisdem cœpit ipse regnare per fidem, & charitatem. Vnde Ioan. cap. 12. v. 32. dicit, *Nunc princeps huius mundi eiicitur foras.* Confirmatur conclusio. *Primò.* Quia potestas temporalis non erat Christo utilis ad suum finem consequendum: venerat enim ad redimendum genus humanum, & ad persuadendum hominibus contemptum rerum terrenarum. Ad hoc autem nihil prædest iurisdictio temporalis, præsertim in eo qui intus operatur in corde, & non per externam vim, & coactionem. Confirmatur *Secundò*, quia Christus nunquam exercuit potestatem temporalem. Nam (vt ipse de se fatetur) venerat ministrare, & non ministrari.

3. Dices, Exercuit illam, eiiciendo è templo ementes & vendentes. Resp. Hoc non est signum potestatis Regiæ. Nam Sacerdotes possunt aliquem eiicere è templo, etiam ipsam Regem, vt patet 2. Paralip. 26. 20. vbi Ozias Rex à Sacerdotibus vi eiicitur è templo. Et Prophetæ solent aliquando diuino quodam zelo incitari ad simile aliquid perpetrandum, quo facto Elias occidit Prophetas Baal. Simili zelo vltus est Christus. Vnde dicebant Iudæi, *quod signum ostendis nobis, quia hæc facis;* id est, vnde sciemus te Prophetam, & missum à Deo cum tali potestate.

2. Secunda Conclusio. Pontifex, quatenus Christi vicarius est, directè non habet vllum dominium temporale iure diuino; quamuis habeat indi-

rectè Prima pars sequitur ex dictis, quia iure diuino non habet nisi vicariam potestatem Christi. At Christus non fuit Dominus temporalis: ergo nec Pontifex. Secunda pars probatur, quia in Ecclesia Christiana potestas temporalis subiecta & subordinata est potestati spirituali: ergo Princeps spiritualis potest imperare Principi temporali & disponere de rebus temporalibus, in ordine ad bonum spirituale. Antecedens patet *Primò*, quia finis potestatis temporalis subordinatur fini spirituali. Nam pax & tranquillitas Reipub. ciuilis, non est absolutè finis vltimus, sed ordinatur ad pacem & tranquillitatem æternam. *Secundò*. Quia Ecclesia Christi est vna tantum: ergo Princeps spiritualis, & temporalis, constituunt vnā Remp. Christianam: ergo sunt membra vnius corporis: ergo inter se connexa, & dependentia vnum ab alio. Sed spiritualia membra non dependent à temporalibus: ergo hæc ab illis. Confirmatur exemplis, quia tam in veteri, quàm nouo testamento sæpè contigit, vt Pontifices & Episcopi impetrarent, punirent, aut deponerent Reges, & Imperatores. Nam Ozias Rex à Sacerdotibus eiectus fuit è templo. 2. Paral. 26. 20. Item Athalia Regina ob tyrannidem iussa est interfici autoritate Pontificis, 2. Paral. 23. 14. & 4. Reg. 11. 9. Item S. Ambros. excommunicauit Theodosium Imperatorem, propter cædem Theſſalonicæ factam. Possunt ex historiis peti plurà exempla Pontificum, vt Gregor. II. Zachariæ, Leon. III. Gregor. V. & VII. Innoc. III. Clem. V. qui Reges & Imperatores deposuerunt, aut alio modo de rebus temporalibus disposuerunt, in commodum spirituale subditorum.

5. Dices *Primò*. Pontifex videtur habere hanc potestatem directè: hoc enim significant duo gladij, vt interpretantur Bernard. & Bonif. supra citati. quibus fauet Nicol. Papa in Epist. ad Michaëlem. Respon.

Christus

Christus (Luc. 22.) non agit de gladio temporali, & spiritali, sed de gladiis propriè dictis: voluit enim monere discipulos, tantum fore eorum metum, & trepidationem, quanta solet esse in iis, qui tunicam vendunt, ut emant gladium, ad se defendendum. Atque hinc sensus literalis est, quem Bernardus, & Bonif. mysticè interpretati sunt de potestate spiritali, quam habet Pontifex directè, & de temporali, quam habet indirectè. Porro verba quæ Nicolao allata sunt, citantur quidem à Gratiano d. 22. c. *Omnes*, sed non habentur in Epist. Nicol. Papæ; si tamen sunt Nicolai verba, debent hoc modo intelligi, quod Christus commiserit Petro iura imperij cœlestis, & terreni, i. esse potestatem soluendi in cœlis, & terris, iuxta illud Matth. 16. v. 19. *Quodcunque solueris super terram, erit solutum & in cœlis.* 6. Dices *secundò*. Omnes lites, & contentiones; tam spirituales, quam temporales, pertinent ad iudiciû Pontificis, ut expressè habetur, c. *Quicumque litem*, &c. *quacunque contentiones* 11. q. 1. ergo Pontifex habet potestatem spiritualement, & temporalem, Resp. Prior canon est Theodos. Imp. qui ex pietate, non autem ex debito, detulit hoc Pontifici, & aliis Episcopis, ut possent iudicare causas ciuiles, quæ ad ipsos deferrentur. Posterior canon est incertæ authoritatis, & ideo notatur per vocem *Palea*. Posset tamen exponi hoc modo, ut contentiones ciuiles, quæ nequeunt terminari per seculares iudices, deuoluantur ad iudiciû Ecclesiæ per viam correctionis fraternæ, ut docet Innoc. III. c. *Nonit. de iudiciis*. Quando enim vel iudex secularis non vult administrare iustitiâ, vel altera pars non vult obedire, recurrendum est ad iudicem Ecclesiasticum, qui moneat eos sui officij, & si contumaces sint, adhibeat excommunicationem.

7. Dices *tertiò*. Vacante Imperio per mortem Imperatoris Pontifex administrat, & utitur impetiali

potestate, donec nouus Imperator fuerit electus, vt habet Innoc. III. c. *Licet*. de foro competenti, & ex Conc. Viennen. Clement. *Pastoralis*, de sententia & re iudicata: ergo signum est Imperatoriam potestatem à Pontifice tãquam summo temporali Principe dimanare. Resp. Pontifex vacante Imperio non succedit Imperatori in omnibus, sed solum in autoritate iudicandi, & terminandi eas causas, quæ à solo Imperatore iudicari solent, & non patiuntur faciliè moram. Ratio huius non est, quod Pontifex sit summus Princeps temporalis, sed quia causæ omnes, quæ non possunt definiri per temporales Iudices, deuoluuntur ad Iudicem spiritualem, vt ex Innoc. diximus.

QVÆST. 8. *An Pontifex iure humano habeat dominium temporale?*

1. **N**Egant Hæretici: præsertim, Caluinus Brentzius, Petrus Martyr, & Magdeburg. qui tria asserunt. *Primò*. Pontificem iure diuino nullam habere temporalem potestatem. *Secundò*. Nec posse vllò modo impetrare Principibus secularibus, neque regnis, & principatu eos priuare; etsi illi priuari alioqui mereantur. *Tertiò*. Non licuisse Pontifici aut aliis Episcopis accipere temporale dominium, quod tunc habent in quasdam vrbes & prouincias, siue dono, siue usurpatione. Ratio est, quia ius diuinum prohibet, vt vni homini simul committatur gladius spiritalis, & temporalis. Hinc infert Magdeburg. manifestam esse notam Antichristi, quod Pontifex habeat duos gladios, vnde cumque illos acceperit. In *primo* puncto non dissentimus, vt ex dictis patet. Secundum falsum est, vt probavi in concl. 2. præced. quæst. De tertio hîc agitur.

3. Prima Conclusio. Non repugnat iuri diuino Pontificem simul esse Principem temporalem, & spiritualem. Probatur *primò*, quia nusquam id prohibetur lege diuina. Imò habemus contraria exempla. Nam in lege

lege naturæ Melchisedech fuit Rex, & Pontifex. *Genes. 14. 18. & Hebra. 7. 3.* Item in lege scripta Moyses, Heli, Machabæi, præter iurisdictionem spiritualem, & sacerdotium, habuere temporalem. Denique in lege Evangelica commendantur Reges & Imperat. qui Pontifici Romano, & aliis Episcopis donarunt principatus temporales, vt Constantinus, Carolus M. Ludovic. Pius. Contrà verò reprehenduntur illi, qui eiusmodi principatus auferre conati sunt, vt Haistulfus Rex Longob. Henr. IV. & V. Otto IV. Frideric. I. & II. De quibus vide Baron. in Annalibus.

3. *Secunda Conclusio.* Pontifex de facto habet dominium temporale, idque iuste, licite, & vtiliter. Quod de facto habeat, concedunt Aduersarij. Quod iuste, & licite habeat, facile probatur. Quia ex liberali donatione principum habet, vt patet ex authenticis instrumentis, quæ Romæ extant. Denique quod vtiliter habeat, ex eo patet, quia Pontifex, & Episcopi habentes dominia temporalia, possunt & vi armis defendere religionem Christianam, quando Principes seculares, aut Hæretici sunt, aut timidi, aut negligentes, aut certè non satis potentes viribus.

4. *Obiicitur primò illud Matth. 20. v. 25. Principes gentium dominantur eorum, non ita erit inter vos.* Hinc colligit Calvin. 4. *instit.* 11. officium pastoris debere searari ab officio Regis, & Principis. Resp. Christus illis verbis instruit Apostolos tanquam pastores gentium, vt non præsentent subditis more Dominorum, sed bre patrum. Quod clarius explicat S. Petrus 1. Epist. 6. 5. v. 2. *Pascite, qui in vobis est gregem Dei, non coactè, spontaneè, neque vt dominantes in cleris, sed forma facti gris ex animo.*

5. *Obiicitur secundò. Luc. 12. v. 14. Homo, quis me constituit iudicem, aut diuisorem super vos?* Hic reiecit Christus officium iudicandi temporaliter, tanquam non

consentaneum officio prædicandi; sicut etiam Apostoli Act. 6. v. 2. dixerunt. *Non est æquum nos relinquere verbum Dei, & ministrare mensis.* Respondeo. In viroque loco monentur Pontifices, & principes, ne minutioribus officiis ita occupentur, ut omittere cogantur maiora. Hoc modo iterum cum vidisset Moysen toto die sedere ad iudicandum, prudenter eum admonuit, non quidem, ut deponeret principatum secularem, & seruaret solum Ecclesiasticum, sed ut constitueret minores Iudices, qui illum in causis leuioribus adiuuarent, & ipse circa grauiora occuparetur.

7. Obiicitur tertio 2. Timoth. 2. v. 4. *Nemo militans Deo implicat se negotiis secularibus.* Resp. Apostolus non prohibet regimen seculare, sed vnicam sollicitudinem circa vitam corporalem: & ut bene monuit Chrysost. dicuntur hæc à Paulo non tantum Episcopis, sed aliis etiam hominibus.

7. Obiicitur quarto, Authoritas D. Bernard. & Nicol. Papæ. Verba Bernard. l. 1. de consid. ad Pontificem Eugenium sunt hæc: *Forma apostolica hæc est: Interdicitur Dominatio, inducitur ministratio.* Et Nicol. Papa in Epist. ad Michaëlem, dicit, fuisse quidem ante aduentum Christi eodem Reges, & Pontifices; sed Christum ista officia separasse, Resp. Bern. loquitur de eo, quod habet Pontifex iure diuino, & Apostolico: non autem de eo, quod habet iure humano, ut ipsemet se explicat. Nicol. verò hoc solum vult dicere non conuenire, ut idem sit Pontifex totius orbis: & simul Imperator totius orbis, non quod repugnet; sed quia non expedit, ad humilitatem conseruandam.

C A P. V. T. IV.

De obiecto dominij.

Hic examinandum est, quæ res cadant sub Dominionum hominis. Sunt autem quædam corporales, aliæ spirituales. Item quædam internæ, quædam
exteri

externæ. De quibus sigillatim.

QVÆST. I. *An homo sit Dominus vitæ suæ & membrorum.*

1. **N**Egant D. Thom. *quest. 64. art. 5. ad 3.* Caiet. *quest. 150. art. 2. & quest. 154. art. 6.* Dom. Soto *lib. 4. de iustitia quest. 2. art. 3.* Franc. Victoria, *in relectione de homicidio num. 25.* & alij communiter. Ratio est, quia homo non potest pro arbitrio disponere de vitâ & membris. Nunquam enim potest iustè se occidere, ut docet D. Thom. *quest. 64. ex D. Aug. 1. Cinit. 19.* Confirmatur, quia si quis velit seipsum interficere, potest ab alio vi impediri: si tamen velit suam domum combutare, vel pecuniam abiicere, nemo potest illum prohibere.

2. Contrarium docet Mart. Ledesma *in 4. quest. 18. a. 1. dub. 5.* Ratio est, quia homo habet ius perpetuo possidendi, utendi, & fruendi vitæ suæ, & membris pro arbitrio, in quo consistit ratio Dominij. Vnde etiam D. Thom. *quest. 64. art. 5.* dicit vitam esse quoddam donum diuinitus homini tributum, & eius potestati subiectum. Confirmatur ex effectibus. *Primò* potest homo alteri vendere, vel donare ius utendi suo corpore, & membris, quoad has, vel illas actiones. *Secundò* quia qui mutilat, vel occidit alterum, aut impedit vi ne suas actiones exerceat, facit illi iniuriam: ergo priuat illum suo iure: ergo alter habet ius vitæ, & membrorum. *Tertiò.* Potest quis exponere suam vitam evidenti periculo, & si necessitas vitæ postulet, potest sibi membrum abscindere: ergo potest disponere de vitâ, & membris: ergo habet eorum dominium.

3. Dices *Primò.* Non potest se iustè occidere. Contra, quia hoc non est sufficiens signum, quod non sit Dominus. *Primò.* Nam satis est ad dominium posse liberè disponere de re ad omnem usum lege non prohibitū, ut patet in bonis vincularis. *Secundò,* quia satis est,

ut vsus non sit iniustus, quamuis alioqui sit illicitus. Si quis autem se occidat, licet peccet contra charitatem, non tamen contra iustitiam.

4. Dices *secundò*, peccat contra iustitiam respectu Reip. ut docet Aristoteles 5. *Ethi.*, 10. & D. Thom. 9. 59. a. 3. ad 2. Contra, quia hoc non obstat. Nam si aliqua est hic iniuria contra Remp. illa est contra iustitiam legalem: non autem commutativam. At legalis iustitia non obstat proprio dominio.

5. Prima Conclusio. Homo non est simpliciter Dominus vitæ suæ, neque membrorum eorum, ex quibus vita pendet, loquendo de dominio directo, seu proprietatis. Ratio est, quia non habet directum ius, seu potestatem in substantiam ipsius vitæ. Nunquam enim potest se occidere, non quidem per accidens ratione prohibitionis, sicut fit in bonis vinculis, sed per se ex defectu iuris, & potestatis, cuius signum est, quia in alijs rebus, quarum homo simpliciter est Dominus, licet aliquando vsus earum sit prohibitus, semper tamen occurrat aliquis casus, in quo sit licitus. Potest enim homo perdere omnes suas facultates etiam vinculatas, propter maius bonum commune: scriptum verò occidere nulla de causa potest. Confirmatur *primò*, quia dominium semper supponit eum, qui debet esse dominus. Fundatur enim in libero eius arbitrio, ut supra dictum est, sed vita non supponit hominem, qui futurus sit dominus, neque pendet ex libero eius arbitrio. *Secundò*, quia dominium requirit quandam habitudinem superioris: ergo neque homo, neque Angelus, neque ipse Deus potest esse dominus propriæ vitæ, quia nemo illorum superior est respectu propriæ vitæ.

6. Secunda Conclusio. Nec Respub. habet dominium vitæ suorum subditorum, sed solus Deus. Prima pars probatur, quia resp. non potest pro suo arbitrio disponere de vita hominis, nec vlla de causa innocentem

nocentem occidere. Quod autem possit occidere nocentes, hoc facit tanquam minister, & instrumentum Dei, cuius loco gladium portat, *Rom. 13. v. 4.* Secunda pars patet ex illo *Deut. 32. v. 39. Ego occidam & ego vivere faciam.* Et *Sap. 16. v. 13. Tu enim es Domine, qui vitæ & mortis habes potestatem.* Ratio est, quia Deus titulo creationis Dominus est omnium creaturarum.

7. Tertia Conclusio. Licet homo non habeat dominium directum suæ vitæ, habet tamen dominium vtile, ac proinde licet non sit proprietarius, est tamen usufructuarius. Hoc probant rationes Mart. Ledesma. Et confirmatur, quia est Dominus omnium suarum actionum & iurium, quæ possunt fundari in libertate arbitrij. Hac ratione vnus homo cadit in dominium alterius, vt post dicam.

QVÆST. II. *An homo sit Dominus suæ famæ & honoris.*

1. **N**Egant Caiet. q. 37. a. 2. & in summa, verbo *Detractio*, Antoninus part. 2. tit. 2. c. 2. §. 3. Sylu. v. *Detractio*, Maior. in 4. d. 15. q. 16. Affirmant Adrian. in 4. in materia de restitut. qui penult. Dom. Soto l. 4. de iustitia q. 2. a. 3. Nauarr. c. *Inter verba num.* 106. & 332. Et alij recentiores. In vtramque partem citatur D. Thom.

2. Nota. Duas quæstiones hîc debere distinguere. *Prima* est, quod Ius habeat homo in suam famam, *Altera*, quando peccet se infamando, seu quando obligetur ad defendendam suam famam. De priori hîc agitur. De posteriori, infra in materia de detractioe.

3. Prima Conclusio. Homo simpliciter est dominus suæ famæ. Probat *Primò*, quia acquirit illam proprio labore & industria sicut diuitias: ergo eodem modo acquirit illius dominium. *Secundò*. Quia potest illam prodigere citra vllius iniuriam: nulla enim lex iustitiæ id prohibet. Imò aliquando est consilium, vt aliquis

aliquis propter maius bonum priuet se sua fama, quod est signum alicuius dominij,

2. Secunda Conclusio. Hoc dominium potest esse aliquando ligatum, & impeditum, vel ita aliis obligatum, vt non liceat vti propria fama in omnem vsum, ne inde nocumentum aliis afferatur. *Primò*, quia fama patris natura sua obligata est filiis. *Secundò*, fama vnius hominis sæpè coniuncta est cum fama consanguineorum. *Tertiò*, quia fama prælati est quasi ex iustitia obligata subditis. Vnde in his casibus non potest quis dispensare ita de fama sua, ac si esset omnino liber, quia tenetur consulere famæ aliorum. Ita tamen non est contra rationem dominij, vt patet in simili de bonis vincularis. Nam etiam paterfamilias, tametsi sit dominus suorum bonorum, tenetur tamen non dissipare illa cum damno familiæ: Sicut etiam principes non cum damno Reip. Ratio, quia fieri potest, vt aliquis sit Dominus vnius rei; & tamen sit obligatus ad illam alteri conseruandam. Item fieri potest, vt quis habeat domum v.g. ita coniunctum cum domo alterius, vt non possit illam destruere, quin alterius destruat, & tunc est impeditus saltem ex charitate ad talem vsum rei suæ, non per se, quasi non sit Dominus, sed per accedens ratione alterius.

3. Tertia Conclusio. Non obstante dominio proprio, quod singuli ciues habent ad suam famam, respubl. habet etiam suum ius, & dominium aliud eiusdem famæ. Probatur *primò*. Quia ad omnia bona subditorum Respubl. habet tale ius. *Secundò*. Quia potest vti fama subditorum in omnem vsum necessarium ad bonum communitatis. *Tertiò*. Quia ciuis, seipsum infamando, facit aliquam iniuriam Reipubl. saltem contra iustitiam legalem: & potest esse tam magna infamia, vt committatur peccatum magnum, de quo alias.

6. Quæres *primò*. An dominium famæ sit naturale. Respondeo. Affirmatiuè. Ratio est, quia sublato omni iure positiuo, ex solis principiis naturæ, habet homo Ius ad suam famam defendendam, & alij tenentur eodem iure naturali non lædere ipsius famam.

7. Quæres *secundò*. An hoc dominium possit vendi, vel in alium transferri. Respondeo. Duobus modis id fieri potest. *Primò*. Propria voluntate. Nam cum homo sit dominus suæ famæ, potest cedere suo iuri, vel illud in alium transferre, siue per liberalem, siue per onerosum contractum. *Secundò*. Communi voluntate, per legem, vel iustam condemnationem, qua aliquis in pœnam suæ famæ priuatur, sicut alij bonis temporalibus.

Q V Æ S T. 3. *An homo sit Dominus bonorum spiritualium.*

1. **N**Egat Dom. Soto 4. *de inst. quest. 2. a. 1.* Ratio est, quia solus Deus dat gratiam & gloriam. *Secundò*. Quia bona spiritualia non possunt acquiri per industriam humanam, vt definitum est in Concilio Mileuitano. Nam vt ibidem dicitur, *Deus efficit eiusmodi bona in nobis sine nobis.* *Tertiò*. Quia homo sine peccato non potest gratiam, & alia bona spiritualia exponere periculo.

2. Contrarium docet Melch. Canus *in Relect. de pœnitentiâ* p. 4. ad 2. & plerique recentiores. Ratio est, quia homo habet dominium omnium eorum, quæ in ipso sunt præter propriam vitam, cum eorum facultas, & vsus sit in illius potestate, iuxta illud Ecclesiast. 15. *Deus fecit hominem rectum, & reliquit illum in manu consilij sui. Ante hominem vita & mors, malum & bonum.*

3. Prima Conclusio. Probabile est hominem aliquo modo esse dominum bonorum suorum spiritualium, quæ pertinent ad gratiam gratum facientem. Ratio est, quia aliquo modo acquiruntur per industriam

industriam humanam. Est enim necessaria in homine adultō cooperatio ad recipiendam gratiam sanctificantem. *Secundò*, quia qui peccando amittit gratiam, non peccat spiritualiter contra iustitiam, alioquin in qualibet transgressione mortali essent duo peccata, alterum contra iustitiam, alterum contra aliam virtutem, contra quam peccatur.

4. *Secunda Conclusio.* Homo non videtur esse Dominus bonorum spiritualium, quæ pertinent ad gratiam gratis datam, cuiusmodi est donum prophetiæ, linguarum, miraculorum. Ratio est, quia in his recipiendis merè passivè se habet: non enim acquirit ea per propriam industriam, sed à solo Deo sine vlla prævia dispositione conferuntur. *Secundò* quia homo non potest iis liberè uti, quando vult, ut patet in Balaam.

5. Dices. Non requiritur ad dominium, ut aliquis per propriam industriam acquirat rem aliquam: potest enim etiam dominus esse eorum, quæ ex liberali donatione acquirit. Respondeo. Verum est: nihilominus tamen, quando quis in acquisitione alicuius rei merè passivè se habet, & præterea non habet liberum eius usum, prout vult, tum non censetur habere perfectum dominium.

Q V Æ S T. 4. *An unus homo possit habere dominium alterius?*

1. **E**X dictis constat non posse habere directum dominium vitæ & membrorum hominis alterius, quia hoc dominium est in solo Deo, ut quæst. 1. dictum est. Est ergo quæstio de dominio utili. Ratio dubij est, quia homo iure naturali est liber, & servitus est contra ius naturæ, ut habetur Institution. §. *servitus*, de iure personarum, & L. *libertas. ff. de statu hominum*: ergo dominium unius hominis in alium est contra ius naturæ: ergo nullo modo licitum.

2. Prima Conclusio. Iustè potuit in homines induci, ut vnus esset verè dominus, & alius verè seruus. Est de fide, quia scriptura expressè approbat hanc seruitutem (*Exodi 21. v. 5. & Leu. 25. & 45.* Et Apostoli præcipiunt seruis, ut obediant suis Dominis, & obseruent iura seruitutis: (*1. Corinth. 7. v. 21. Ephes. 6. v. 5. 1. Timoth. 6. v. 1. & 1. Petr. 2, 18.*) Nec dici potest, eos loqui de seruitute latè sumpta pro famulatu, qui loquuntur de ea seruitute, quæ tunc erat in vsu apud Romanos; nempe de seruitute mancipiorum. Hoc indicat Paulus *1. Timoth. 6. v. 1.* cum ait. *Quicumque sub iugo serui,* Ratio conclusionis est; quia homo habet dominium vrile vitæ & membrorum, ut patet ex *1. quæst.* Ergo potest illud legitimè in alium transferre: ergo vnus potest cadere sub dominium alterius.

3. Secunda Conclusio. Vnus potest effici seruus alterius duobus modis. *Primò libera voluntate. Secundò iusta necessitate.* Non loquor de homine qui iam seruus est, cuius dominium transfertur in alium. Quia hæc translatio potest fieri iisdem modis, quibus fit translatio aliarum rerum, de quibus infrà loquor ergo de prima acquisitione dominij in hominem, per quam fit seruus, quæ fieri potest vel libera voluntate eius, qui fit seruus; vel certè iusta necessitate, etiam sine illius consensu.

4. Tertia Conclusio. Prior modus diuiditur in alios duos modos. Nam potest aliquis propria voluntate transferre dominium sui ipsius in alium dupliciter. *Primò per liberalem donationem. Secundò per venditionem, vel alium contractum æquiualentem.* Et hic secundus modus approbatur. *Exod. 21. v. 2. & Leuit. 25. v. 47.* Et in iure ciuili, ut infrà citabimus. Primum modum nō inuenio probatum in aliqua lege scripta; si tamen solam rationem naturalem attendamus non videtur improbabilis. Nam ex natura rei, quicquid ho-

mo potest licitè vendere, potest etiam donare; si ergo potest seipsum pretio vendere, cur non etiam donare?

§. Nota *primò* quod sicut ius humanum potest præscribere certum modum in contractibus humanis, sine quo inualidi sint, neque vim habeant transferendi dominium, ut infra dicemus; ita etiam in proposito facere potest, & reipsa fecit. Adhibuit enim certas condiciones quæ servari debent in venditione hominis. *Prima* est, ut is qui se vendit aut ab alio permittit vendi sit maior 20. annis, L. 1. ff. *quibus ad libertatem proclamare non licet*. *Secunda* est, ut, qui se vendit, sit particeps pretij, L. cit. & l. *Non ideo*, C. de liberali causa. Et per hanc conditionem impeditur videtur iure civili modus efficiendi se servum per liberalem donationem. Nam leges volunt, ut fiat per contractum onerosum, & ob id requirunt, ut qui venditur, participet pretium. *Tertia* est, ut emptor ignoret, eum qui venditur, esse liberum, & poterit esse servum. Nam si cognoscat hominem esse liberum, & tamen emat, non acquirit dominium secundum iura, ut patet ex L. *liberis*, ff. de liberali causa. Et ratio est, quia iura volunt impedire talem contractum, eò quod videatur esse còtra debitam humanitatem. *Quartam* conditionem addit Glossa §. *Servi* instit. de iure personarum, ut scilicet is, qui venditur, sciat se eo tẽpore, quo venditur, esse liberum. Quæ licet non sit expressa in iure, tamen colligitur ex illo, & ex ratione naturali. Quia alioquin non esset contractus voluntarius ex utraque parte, quod tamen maximè necessarium est. Et ideo iura requirunt ætatem 25. annorum, ut possit reclamare, si iniuste vendatur, l. 4. ff. *quibus ad libertatem*.

6. Nota *secundò* tres priores condiciones esse merè humanas & positivas, ideoque solum possunt obligare imperium Romanum, & nunc non obligant, nisi ubi receptæ sunt. Alibi verò standum est iure naturali, & positivo cuiusque regni, quod notandum est pro emptio

emptionibus & venditionibus Æthiopum.

9. Quarta Conclusio. Posterior modus diuiditur in tres alios modos: potest enim aliquis fieri seruus iusta necessitate tripliciter. *Primo* in pœnam delicti, vel per leges humanas, vel per iustum bellum. *Secundo* iure paterno. *Tertio* iure natiuitatis. Quod ad primum attinet, sicut leges humanæ possunt pœnam mortis statuere in delinquentes, ita & pœnam seruitutis, quæ mitior est. Vide in Decretalib. *C. Ita quorundam; de Ind. & Sarac.* vbi, qui ad Saracenos deferunt arma contra Christianos, vel illis fauent, seruitute mulctantur. Item dist. 32. c. *Eos qui*, & c. *Tum multa* 15. quæst. 8. vbi mulier contrahens matrimonium cum clerico, in sacris constituto, & filij ex talibus nati dicuntur posse effici seruitutis pœna: item in iure ciuili *l. si manu missus, §. de libertis & eorum liberis*. Vbi serui manumissi propter ingratitudinem erga Dominum seruitute puniuntur. De bello est eadem ratio. Nam si hostes possunt iuste occidi, possunt etiam seruitute affici. Hinc ex quadam æquitate introductum est iure gentium, vt iusto bello capti seruariantur in vita, & seruituti subiacerent. Quod ad secundum attinet, iure ciuili concessum est patri vt possit filium vendere: seruat tamen his conditionibus. *Prima* est, vt hoc non fiat, nisi in magna patris necessitate. *L. 2. C. de patribus, qui filios distraxerunt*. *Secunda* est, vt venditio non sit absoluta, sed quasi sub pacto de retro uendendo; vult enim æquitas iuris, vt qui à patre emit filium quandocumque fuerit illi pretium redditum, teneatur filio libertatem cōcedere, vt habetur *L. cit.* quæ etiam statuit, vt talis filius non subeat postea conditionem Liberti, sed retineat statum Ingenui. Quod ad tertium attinet cautum est iure ciuili, vt, qui nascitur ex matre serua, siue pater sit liber, siue non, iure natiuitatis sit seruus, quia partus sequitur ventrem *l. Partum. C. de rei vindicatione. Instit. de iure personarum, §. penultimo*.

8. Notat tamen D. Thom. in 4. dist. 36. quest. 1. art. 4. extra Imperium Romanum vigere aliam consuetudinem, nempe vt filius sit seruus, siue pater, siue mater sit serua. Atque a seò vt filius sequatur deteriore conditionem parentis. Quod etiam habetur 32. quæst. 4. C. *Liberi*. Quamuis Glossa ibi exponat, filium sequi deteriore, id est, debiliorem, nempe matrem. Addunt Syluester, & Angelus v. *Seruibus*, in quibusdam locis introductum esse, vt natus ex serua, si pater si liber, nascatur liber, & è contrarij. Itaque totum hoc negotium pender ex humano iure quod seruandum est, quando non repugnat iuri diuino, aut naturali: Vtcrius addo iure ciuili necessarium esse, vt mater sit serua toto tempore à conceptione vsque ad natiuitatem filij. Nam si vel in vno instanti illius temporis sit libera, nascitur filius liber, quia filius in eò instanti fit liber, & postea non redigitur in seruitutem, L. *Et seruorum*, ff. de *statu hominum*, & Instit. de *ingenuis*, §. 1.

9. Ad argumentum initio positum. Respondeo hominem iure naturali esse liberum, quia scilicet iure naturæ non habet homo dominium in alterum hominem: omnes enim homines naturæ conditione sunt pares, cum sint eiusdem naturæ, ex eodem parente, & ad eundem finem conditi. Quod autem obijcitur, seruitutem esse contra ius naturæ introductam, verum est si intelligatur de prima rerum constitutione, qua omnes homines iure naturæ erant liberi. Non tamen verum est, si spectentur circumstantiæ, propter quas licet potuit introduci, vt vnus seruiret alteri. Nam multa facta sunt circa homines post peccatum originale, & alia actualia, quæ repugnant primæ hominum creationi, & statui originalis iustitiæ: non tamen repugnant homini post lapsum & peccatum.

De prima Diuisione rerum & Acquisitione.

Constat initio omnia fuisse communia iure natura, & postea secutam esse omnium rerum diuisionem, qua quisque certæ alicuius portionis dominium acquisiuerit. Est ergo quæstio, quomodo facta sit hæc diuisio, & quò iure, & consequenter quomodo acquisita sint dominia.

QVÆST. I. Quomodo facta sit prima rerum diuisio?

1. **C**onclusio Vnica. Hæc diuisio facta est partim Occupatione, partim sortitione. Nam posteri Adæ, vt quisque aliquid primò occupabat, ita Dominus efficiebatur. Post diluuium verò, præsertim post confusionem linguarum, filij Noe sorte diuiserunt terram, & quisque suam partem accepit, Genes. cap. 10. v. 11. Postea, crescente genere humano, singulæ partes iterum diuisæ sunt, seruata proportionem cuiusq; familiae.

2. Quæres. Quando prima diuisio facta sit. Resp. constat factam fuisse tempore Cain & Abel filiorum Adæ. Nam Cain, & Abel, habuerunt distincta peculia, vt patet Gen. 4. vbi legimus Cain ædificasse sibi ciuitatem, & Abel obtinuisse de primogenitis gregis sui.

QVÆST. II. An hæc diuisio fuerit utilis & licita?

1. **P**rima Conclusio. Fuit generi humano valde utilis, & quodammodo necessaria. Nam si facta non esset sequerentur multa incommoda. Homines enim sunt propensi ad otium, & voluptatem. Itaque si essent omnia communia, nemo vellet pro aliis terram colere; & tamen quisque vellet delicatè vivere. Hinc orirentur rixæ, & dispersiones. Vnde infertur hanc diuisionem non futuram fuisse tam necessariam in statu innocentiae: tunc enim neque terra fuisset tam sterilis, neque homines obnoxij tam prauis affectionibus.

2. Secunda Conclusio. Non solum utilis, sed etiam licita fuit hæc diuisio. Primò, quia Scriptura tam

approbat : præcipit enim dare eleemosynas, mutuare, donare, debita soluere. Item prohibet furari, & aliena retinere : hæc autem omnia supponunt rerum diuisionem, & dominium. *Secundò* probatur exemplo sanctorum hominum, qui habuerunt proprias facultates, vt Abraham, Isaac, & Iacob. *Tertiò*, qui quidam ab Ecclesia damnati sunt (dicti *Apostolici*) quod assererent dominia esse illicita, neque hominem saluari posse, nisi viueret instar Apostolorum, nudus ab omni diuitiarum proprietate, vt refert August. in libr. de heres. c. 40. Similiter in Conc. Constantiensi sess. 8. damnatus est Vviclefus, quod docuerit, illicitum esse Ecclesiasticis habere possessiones. *Quartò*, quia nullo iure prohibita est eiusmodi diuisio.

2. Dices *Primò*. Iure naturali videtur prohibita, quia iure naturali omnia sunt communia. Respondeo omnia sunt communia iure naturali, non eo sensu, quasi Ius naturale præcipiat omnia esse communia, & prohibeat rerum diuisionem, ac proprietatem, sed in alio triplici sensu. *Primò*, quia Ius naturale non constituit vllam diuisionem, & proprietatem, sed relinquit omnia communia, & indiuisa. *Secundò*, quia iure naturali, præcisè spectato, potuit vnusquisque accipere & occupare quicquid velleret, si ab alio non esset occupatum. *Tertiò*, quia contra Ius naturale esset, prohibere aliquem ab usu rerum quarumcumque, ante factam diuisionem.

3. Dices *Secundò*. Clemens docet per iniquitatem factum esse, vt quisque haberet propria, vt patet ex c. *Dilectissimis* 11. quæst. 2. Respondeo. Clemens hortatur fideles Hierosolymitanos ad possessionem rerum in comuni quoad usum, qualis erat tempore Apostolorum. Vtitur autem inter alias hac etiam ratione, quia ex prima rerum constitutione & in statu innocentiae debebant esse omnia communia, sed per iniquitatem, id est, occasione

occasione sumpta ex iniquitate peccati originalis, introducta fuit rerum diuifio; non quod ipsa diuifio fuerit iniqua, sed quod ex occasione iniquitatis sit introducta, quo pacto etiam dicit pœnam, seu punitionem, non habuisse locum in statu innocentiae, sed postea ex occasione peccati subsecutum esse.

Q V Æ S T. 3. *Quo iure facta sit hac diuifio.*

1. **P**rima Conclusio. Non est facta iure naturali. Ratio, quia, vt dixi, iure naturali omnia sunt communia & indiuisa.

2. Dices. Illud fit iure naturali, quod fit dictante lumine naturali; sed prima rerum diuifio facta est dictante lumine naturali. Nam post lapsum Adæ dictabat ratio naturalis, vt fieret diuifio, ad euitanda incommoda, quæ secuta fuissent, si mansissent omnia communia. Respondeo *primò*, aliud est obligatio ad faciendam rerum diuisionem: aliud ipsa actualis diuifio. Hæc enim facta est ab hominibus, & non immediate ab authore naturæ: obligatio verò ad eam faciendam non erat naturalis antelapsū Adami: post lapsum verò potuit esse naturalis, vt iam dicā. Respondeo *secundò*, lumen naturale potest aliquid dictare, vt fiat, dupliciter. Primò, vt fiat tanquam medium necessarium moraliter ad finem, ad quem quis tenetur, & tunc est de iure naturali. Secundò vt fiat tanquam medium, non quidem necessarium, sed tamen vtile ad finem. Et tunc non est de iure naturali, vt fiat; sed est liberum, vt fiat, vel non fiat. Vnde sequitur. fuisse naturalem obligationem ad diuisionem faciendam, si illa diuifio fuerit medium moraliter necessarium ad euitanda maiora incommoda, & ad maiorem tranquillitatem: secus si non fuerit medium hoc modo necessarium. Nam si fuisset v.g. magna rerum omnium abundantia, & parua hominum multitudo, non fuisset tantopere necessaria diuifio, ac proinde nec obligatio naturalis ad illam faciendam.

3. Secunda Conclusio. Nec iure diuino facta est prima rerum diuisio, sed iure gentium. Nulla enim extat lex diuina de hac re: Ius autem gentium est consensus primorum hominum, qui fecerunt diuisionem. Hoc sensu intelligendus est *Aug. tr. 6. in Ioan.* & refertur in *Dec. c. Quod iure dist. 8.* ubi sic ait: *Vnde quisque possidet, quod possidet?* Nonne iure humano? & infra. Iure ergo humano dicitur: *Hæc villa est mea.*

4. Dices. Si iure gentium facta est diuisio: ergo faciunt contra Ius gentium, qui in communi viuunt. Respond. Non sequitur, quia Ius gentium explicat expedire diuisionem propter incommoda, quæ sequerentur, si omnia essent communia. Vnde si in aliqua communitate possint euitari eiusmodi incommoda, per gratiam, & adiutorium Dei; iam vita communis non est contra, sed præter, vel super ius gentium, quod libenter admittimus.

5. Tertia Conclusio. Sicut diuisio rerum est de iure gentium: Ita de iure gentium est, vt, quæ adhuc nullius sunt, fiant primò occupantis, vt habetur *Instit. de rerum diuisione §. Fera*, & in aliis iuribus. Quædam tamen ita communia omnibus relicta sunt, vt ab aliquo tanquam propria occupari non permittantur, cuiusmodi sunt viæ publicæ, & similia, quæ vel in communes vsus omnium hominum, vel certè aliquorum de aliqua communitate depurata sunt.

6. Quarta Conclusio. Quamuis prima diuisio rerum sit de iure gentium, tamen progressu temporis multa statuta sunt partim iure diuino, partim iure civili, circa proprietates, & dominia rerum. De iure civili dicam postea in materia de translatione domini. De iure diuino patet ex Scripturis. Nam Deus concessit Israëlitis terram promissionis. Iisdem dedit vasa ægyptiorum: Sauli, & Dauidi dedit regnum Israël. Itaque hi omnes iure diuino facti sunt domini istarum rerum.

1. **P**rima Conclusio. Animalia natura mansueta & domestica, etiamsi potestatem domini longius euaserint, non licet capere, vt oues, boues, porcos gallinas anseres. Ratio est, quia etiam si fugiant, adhuc tamen manent in Dominio sui domini, vt habetur Instit. de rerum diuisione §. Gallinarum. Vnde vbicumque ea inuenta fuerint aberrantia, dominis suis restituenda sunt. Similiter si capra à lupo, vel vulpe, eximantur, quamdiu aliquid de illis extat. Nec refert, quod periissent Domino.

2. Secunda Conclusio. Animalia fera, seu syluestria vsu mansueta, quæ consuetudinem habent, vt ex libera vagatione redeant ad potestatem Domini non licet occupare; vt sunt cuniculi, cerui, quos domi nutrimus, columbæ. Instit. de rerum diuisione §. Pauonum. Vnde qui in suo Colubario, appositis illecebris, aliorum columbas eò allicit, tenetur ad restitutionem. Secus res habet, si id sine fraude accadat, v.g. si quis commodius suas columbas, aut commodiorem stationem aptauerit,

3. Tertia Conclusio. Si hæc animalia amittant consuetudinem redeundi, licitum est ea occupare, & fiunt occupantis; vt expressè habetur loco citato. Ratio est, quia tunc videntur recepisse se in naturalem libertatem, & non esse amplius in potestate prioris domini. Vnde columbæ tuæ, si se aggregauerint columbis alterius, nec redierint tempore consueto bis terve, fiunt alterius; debet tamen fieri sine fraude, vt dictum est. Vide Nauarr. cap. 17. nu. 128.

4. Quarta Conclusio. Animalia omnino fera & syluestria, si potestatem Domini euaserint, & in libertatem naturalem se receperint, vbicumque reperiuntur, licet persequi, & fiunt occupantis. Ratio est, quia iam nullius sunt.

5. Vbi nota, cum, qui ceperit animal ferum, vt leporem, columbam, accipitrem, tamdiu cēseri Dominum, quamdiu illud sua custodia coërcet. Quod si eius custodiam euaserit, rursus sit primò occupantis, vt si cernus ex sylua, vel prato concluso euaserit. Dicuntur autem huiusmodi animalia recuperasse libertatem naturalem, cum ita euaserint, vt. difficulter cōprehendi possint. Quod si facillè possent, non cēserentur extra dominium. Hæc habentur Instir. *de rerum diuisione* §. *Fera*, & l. 3. 4. 5. ff. *de acquirendo rerum dominio*. Vnde patet examen apum, cum syluestris sit natura, si ita auolet, vt difficilis sit eius persecutio, posse à quolibet capi, etiam si ex arbore tua pendeat. Sicut enim auis non sit tua, quæ in tua arbore nidificat, ita nec examen apum quod ex arbore tua pendet. Potest tamen alius, re adhuc integra, prohiberi, ne fundum tuum ingreditur, vel arborem tuam conscendat, Instir. *de rerum diuisione*. Aduerte tamen in his omnibus habendam esse consuetudinis locorum, & provinciarum rationem. Nam quæ hætenus dixi vera sunt communi iure Rom. quæ tamen per speciales leges in vnaquaque natione mutari possunt.

QVÆST. 5. *An principes possint iuste prohibere venationem, piscationem, aucupium in loco publici iuris?*

1. **H**anc questionem fusè tractat Couarr. ad regulam, *Peccatum*. p. 2. §. 8.
2. Prima Conclusio. Possunt Principes prohibere hanc venationem, seu captionem animalium in locis publici iuris, ex consensu populi, siue gratis, siue per aliquem contractum præstito. Ratio est, quia populus potest cedere suo iure.
3. Secunda Conclusio. Possunt etiam prohibere, si iudicetur necessarium ad onera Reipublicæ sustinenda, nempe vt confletur sufficiens vis pecuniarum,

De Prima Diuisione Rerum & Acquisit. 91

cuniar, quæ officio, & administrationi Principis necessaria sit. Ratio est, quia potest Princeps propter eundem finem imponere noua tributa: ergo loco tributorum potest reseruare sibi ius, & vtilitatem venandi, aut piscandi. Hoc titulo solent Principes in Hispania seruare sibi ius piscandi thynnos, vt habet Couarr. loco cit. num. 10.

3. Tertia Conclusio. Principes etiam ad solam recreationem possunt sibi reseruare in quibusdam locis ius venandi, sine consensu populi. Ita Couarr. supra, & Dom. Soto 4. de iustitia quest. 6. art. 4. Ratio est, quia Princeps, cum laborat pro Republica, potest etiam aliqua loca communia suæ reseruare recreationi, præsertim, cum etiam hoc spectet ad Principis dignitatem. Dixi in quibusdam locis, quia non potest populum ab omnibus locis publicis excludere, & sibi totam venationem reseruare, nisi fortè eam ob causam remittat aliquid de tributis sibi debitis, vel aliter compenset. Ratio est, quia nimis inhumanum, & propè tyrannicum est priuare totum populum omni recreatione, & vtilitate venationis, quæ iure naturali, & gentium est concessa: præsertim, cum fiat tantum proprii commodi, & oblectationis gratia.

5. Nota primò. Posse principem personis de Republ. bene meritis attribuere ius venandi, vel piscandi in loco communi, exclusis cæteris, modo id fiat sine innotabili incommodo communitatis. Sic videmus quibusdam Monasteriis, & Nobilibus, varia priuilegia in hoc genere concessa.

6. Nota secundò. Etiam consuetudine legitimè præscripta posse huiusmodi ius acquiri tum Principi, tum alijs, vt docet Couarr. supra. Medina C. de restitutione quest. 12. Caietan. tit. 1. opusc. tractat. 17. cap. duodecimo. Ratio est, quia consuetudo habet vim legis, & priuilegij & sicut alia iura præscriptione acquiri possunt, ita etiam

etiam istud. Videndum tamen, ne huiusmodi consuetudo malo titulo, & tyrannicè sit usurpata.

7. Nota *tertiò*, Principes, qui sibi tale ius reseruant, obligari ad cauenda damna, quæ feræ multiplicatæ possent agris vicinorum inferre, & si quæ inferant, teneri ad restitutionem. Ita Caietan. & Couarr. *suprà*. Excipiuntur duo casus. *Primus*, si consensu Reipub. & eorum qui possident agros vicinos, hoc ius habeant: quivis enim potest cedere iure suo. *Secundus*, si in terra hostili à se occupata, tale ius in alieno saltu instituant, antequam agri vicini diuidantur: tunc enim agri illi transeunt cum hoc onere, seu servitute, ad suos possessores.

8. Nota *Quartò*, Eum, qui iniuste prohibet alium à venatione, piscatione, aucupio, teneri ad restitutionem probabilis lucri, quod ille, deductis expensis. & laboribus, facturus erat, ut rectè notat Couarr. *num. 11.* & Nauarr. *cap. 17. num. 120.* non tamen, ad restitutionem animalium, quæ capta non sunt. Quia illa nondum fuerunt in potestate eius, qui prohibitus est. Vnde etiam secundum quòsdam non tenetur Ecclesiæ compensare decimas, quas venatores de rebus ei in quibusdam locis soluere solent, (etiamsi Couarr. contra sentiat) quia decimæ non debentur, nisi de rebus iam perceptis. Idem iudicium est de eo, qui impedimento fuit agricolæ in agricultura.

QV. VI. *An aliquis possit venari in prædio, vel saltu alieno.*

Absolutè loquendo potest id facere, modò illa loca non sint ita conclusa, ut feræ non possint egredi; cauendum tamen, ne quid damni inferatur. Quisque tamen potest ius venandi in suis prædiis sibi reseruare, & aliis prohibere, ne ibi venentur. Inst. *de rerum diuisione*, §. *Feræ*. Hæc tamen prohibitio erit irrationalis, ac proinde parum curanda, si ipse dominus nolit ibi venari, & feræ multiplicatæ damnum inferant. Imò

talis

ialis Dominus tenebitur tunc ad damnorum restitutionem, quia censetur illorum causa per prohibitionem, vt notat Couarr. *num. 11.*

QVÆST. VII. *Quomodo peccet qui contra iustam prohibitionem, venatur, piscatur, aucupatur?*

1. **V**enatio generatim prohibetur quatuor modis, vt notat Couarr. *Primò* ratione status personæ. Ita prohibetur clericis, & multo magis Monachis, præsertim ea venatio, quæ sit magno strepitu canum; & armorum; vt patet *c. 1. Extra de clerico venatore*, quod sumptum est ex Conc. Aurelian. Quæta tamen venatio cum retibus, laqueis, paucisque canibus, modò ratio fiat, non est prohibita Ecclesiasticis, vt notat Medina *C. de restitution. quæst. 12.* & Sylu. *v. venatio*, siue fiat causa necessitatis, siue exercitij, siue moderatæ recreationis, vt notat Panorm. in *c. cit. Secundò*, prohibetur ratione temporis. Sic videri possit prohibita diebus festis, & ieiunijs, ex *c. An putatis d. 86.* sed hoc intelligendum est; quando propter venationem omitteretur sacrum, vel violaretur ieiunium, alioqui absolute non est prohibita, cum non sit opus seruire, vt notat Nauarr. *c. num. 11.* Quamuis in magnis festis, & quibusdam ieiunijs, sit valde indecora, ob nimiam animi effusionem, & corporis agitationem. *Tertiò*, prohibetur ratione publicæ utilitatis, ne videlicet foboles ferina extinguatur, & ita cibus desit Reipublic. necessarius. Sic prohibetur interdum venatio illis mensibus, quibus feræ sunt grauidæ. Item quando sunt niues, quia tunc facile capiuntur. Item prohibetur vsus certorum instrumentorum, vt bombardarum, & rerum tenuium, quibus facile magno numero concluduntur. *Quartò*, prohibetur ratione loci, vt si in aliquo loco à principe statuta sit immunitas, ne quis ibi venari possit, vel si locus sit alienus.

2. **Prima Conclusio.** Quando venatio solum

est

est prohibita ratione status, vel temporis, ordinariè non est nisi peccatum veniale: modò scandalum absit, & periculum occisionis, vel mutilationis, & animal cap-
tum non est necessariò restituendum. Prima pars patet ex dictis; & est Medinæ, Sylu. & aliorum. Secunda probatur, quia conditio personæ, vel temporis, non facit illum actum iniustum, aut rem obnoxiam restitutioni.

3. *Secunda Conclusio.* Et si venatio prohibita sit, ratione publicæ utilitatis, tamen non est peccatum magnum; nisi, quando modus venandi censeatur notabiliter perniciosus Reipubl. & idcirco sub gravi pœna est prohibitus: vel, quando reipsa notabile damnum bono publico infertur, ut si sobolem ferinam notabili ex parte extingueret. Animalia namque capta non sunt in foro conscientiæ restituenda. Ita Couarr. §. 8. Ratio est, quia leges in hisce casibus non prohibent ipsam acquisitionem ferarum, sed usum venationis. Vti autem venatione contra legis mandatum non censetur notabilis iniuria, vel læsio Reipubl. cum iure gentium liceat occupare quæ nullius sunt. Vnde fit, ut venator non teneatur ad restitutionem ferarum captarum, etsi instrumentis prohibitis usus fuerit, quia feræ non sunt res Reip.

4. Nota tamen si quis aquas inficeret, unde contingeret magnam vim piscium mori, vel alio modo graue damnum inferret, teneretur ad restitutionem Reipubl. faciendam, quæ habebat ius piscandi, quatenus censetur illud ius grauiter læsisse, & spem lucrì & oblectationis eripuisse; ipsa tamen animalia non tenetur restituere, sed solum, quanti illa spes, vel ius piscandi æstimari poterat.

5. Dices. Ergo semper tenebitur ad aliquam restitutionem, etsi vnâ tantum vel alteram feram ceperit, quia scilicet iniuste priuauit Remp. suo iure piscandi, & sic censetur

cenſetur læſiſſe. Reſpondeo. Non ſequitur, quia illud ius piſcandi non cenſetur notabiliter læſum, propter vnā aut alteram feram ſubtractā, quamuis enim duæ vel tres feræ ſint magni momenti; iuſta-
men venandi reſpectū earum in magno ſactu eſt parui momenti.

6i Tertia Concluſio. Qui venatur in alieno fundo, vel prædio, vel ſylua, inuito Domino, non tenetur ad reſtitutionem eius quod cepit: peccat tamen pro ratione iniuriæ, & damni illati, ſi quod inferat, & tenetur ad eius compensationem. Ita Couarr. Medina. Prima pars probatur, quia animal ſylueſtre non erat Domini illius fundi, ſed nullius: ergo tranſit, in dominium primò occupantis. Ratio eſt, quia animalia non ſunt fructus agrorum, ſyluarum, & fluuiorum, ſicut arbores quæ ſolo hærent, ſed alia ex aliis progrediantur. Vnde ſequitur, etiam ſi ager, vel poſſeſſio, talis ſit vt eius fructus in venatione conſiſtant, & ipſa venatio ſit alteri elocata, non tamen ideo animalia ſunt conductoris, vel vſumfructum habentis. quamdiu naturali libertate fruuntur, ſed cōductor & vſufructuarius ſolum habent ius venandi in tali fundo, quod ius cenſetur ad fructus agri, vel ſyluæ pertinere. Secunda pars probatur, quia is, qui venatur in aliena poſſeſſione, inuito Domino, facit illi iniuriam: Dominus enim ius habet, vt nemo ibi venerit ſe inuito. *Inſtit. de rerum diuiſione. §. Fera, & L. Item ſi fundi. ff. de vſufr.* Vnde ſi damnum aliquod inferat, tenetur ad reſtitutionem, vt ſi ſeges proculcet, aut ſepimenta diſſipet. Item ſi Dominus illam feram venari volebat, & probabiliter erat capturus: tunc enim ſpectanda eſt æſtimatio, iſtius ſpei. Denique ſi ius venandi alteri ſtauerat vendere, aut locare, & tu crebra venatione effeceris, vt parui æſtime-
tor. Quod ſi nullum damnum ſit illatum, & Dominus ipſe nolebat venari, aut ius alteri elocare, non tenetur
venator

venator ad illam restitutionem, etiam si inuito Domino venatus sit, quia notabile damnum non irrogauit, & prohibitio illa parum erat rationi consentanea, cum Dominus ipse eo iure uti nollit. Nota eandem esse rationem extranei venantis in loco publico; atque ciuis venantis in loco prohibito alterius; vterque enim tenetur resarcire damnum; si quod illatum est, non ipse ferat.

7. Quarta Conclusio. Qui venatur in loco publico, venationi Principum, vel aliarum personarum iurè assignato, peccat venialiter: & si notabile damnum infert, mortaliter, teneturque ad compensationem damni; non autem ad restitutionem animalis capti. Hæc vltima pars patet ex dictis. Prima probatur, quia lex illa prohibens in tali loco venationem, etiam si pœnam appositam habet; communi tamen hominum iudicio, non censetur inducere grauem obligationem, quamuis ipsi Domini ibi venari soleant. Nam feræ sunt nullius, & syluæ sunt communes, & aliunde non est notabilis læsio. Vnde rationi consonum est, ut reseruatio illa iuris venandi, facta per Principem, non adeo strictè accipiat.

8. Dices. Si est peccatum veniale, ergo ratione grauitatis materiæ potest esse mortale. Resp. ipsa materia, secluso damno, ex suo genere est parua, & ita non constituit peccatum mortale, si damnum absit. Secunda pars probatur, quia ratione damni potest censeri peccatū mortale, ut si animalia essent magni pretij, & multa; ita, ut Principes nō possent tam multa capere, ac aliàs solent. Item si feræ sint redditæ fugaces, ut difficillimè postea capiantur. Denique si alia ratione damnum sit notabile; potest tamen venator excusari à restitutione, ut notat Medina, quia Principes non solent talem restitutionem curare, sed sufficit iis, ut deprehensi pœnam luant. Hæc autem pœna non debet esse

esse corporalis, vt mutilatio, vel flagellatio; quod rectè norauit Syluest. Nauarr. & alii communiter sed pecuniaria, quia non censetur graue crimen, etiamsi graue damnum intulerint Vnde si sit statuta pœna corporalis, non est mandanda executioni, nisi quis valde sæpe esset deprehensus, & minoribus pœnis non emendatus: tunc enim posset adhiberi v.g. flagellatio.

6. *Quæres primo.* Quid dicendum sit de eo qui caperet feras extra locum prohibitum egressas. Resp. Si feræ sponte egrediantur, tunc is, qui eas capit, licitè capit; & ad nihil tenetur. Si quis autem arte magica, vel praua machinatione feras eliceret, & ita extra syluâ caperet, non quidem faceret contra iustitiam; ac proinde nō teneretur ad feras restituendas; sed tamē grauiter peccaret propter modū quo vtitur, & posset puniri eo modo, quo is, qui intra syluâ prohibitam venatur.

10. *Quæres secundo.* An feræ quæ naturali libertate fruuntur, possint per aliquā legem alicui Principi addici, vel bono publico seruari, vt non transcant in dominium capientis. Respond. Probabile est id posse fieri, modò subsit legitima causa, vt si alia ratione non possit commodè sumptibus quibusdā necessariis prouideri. Ratio est, quia lex ob iustam causam potest alios reddere inhabiles ad certæ rei dominium comparandum, vt fusè ostendit Couarr. nu. 6. & seq.

Q V Æ S T. 8. An fera à me vulnerata, & postea ab alio capta, sit meâ, an capientis?

1. **P**lerique affirmant esse capientis, & non vulnerantis, vt Couarr. nu. 14. & alij, & colligitur ex Institut. de rerum diuisione. §. illud quesitum.

2. *Conclusio.* Ordinariè fera est capientis, potest tamen esse yulnerantis, si hæc tria adsint. *Primo*, si læserit illam quantū satis est ad capiendum. *Secundo*, si læsam insequatur *Tertio*, si moraliter certum sit quod eam sit apprehensurus: Ratio est, quia tunc habet illam

quodammodo in sua potestate : censetur enim quasi capta. Vnde alius non potest illum præuere. Secus est, quando dubium erat ; an fera esset euasura : tunc enim fit occupantis, quia adhuc videtur habere suam naturalem libertatem.

QVÆST. VI. *An fera meo laqueo capta sit mea, an illius qui forte supreueniens exemit, & abstulit?*

1. **M**ulti dicunt esse eximentis, vt Couarr. nu. 13. Nauarr. c. 17. num. 176. & alij. Et probant ex l. in laqueum ff. de acquirendo dominio. Ratio est, quia non acquiritur dominium feræ, nisi per apprehensionem : is autem, qui laqueum posuit, non apprehendit : ergo non fit illius, sed eximentis. Hæc sententia probabilis est.

2. Conclusio. Probabilius tamen est, & rationi naturali magis consentaneum, vt sit eius qui laqueum posuit. Ratio est ; quia hic eam apprehendit, & occupauit per suum instrumentum, adempta ei libertate naturali. Quæ apprehensio videtur sufficiens, vt debeat illius cēseri. Sicut enim manibus, ita instrumētis aliquid apprehendere possumus, & in nostram potestatem reducere. Confirm. ex l. cit. in qua hic ipse casus proponitur, & respondetur feram meā esse, si in meam potestatem detinerit ; atqui venit in meā potestatem per meū laqueū. Quod si talis apprehensio non est sufficiens ad comparandū dominiū (quod tamen euidēter probari non potest) nihilominus sufficiens est ad comparandū ius ad rem, quod in eo cōsistit ; quod tu exclusis alijs possis eā apprehendere ; ita, vt, si alius præueniat & te impediat, teneatur ad restitutionem. Ita Molina tract. 2. disp. 42.

3. Nota tamen primo si fera se erat extricatura, potuisse ab alio occupari, quia tunc non peruenerat omnino in tuam potestatem ; nec tu eam habiturus eras.

4. Dices. Si autem cauea conclusam teneam, parumque absit, quin erumpat, & tu superueniens eam eximas, mihi est restituenda, quia necdum effugerat : ergo

De Prima Diuisione rerum & acquisit. 99

go similiter fera meo laqueo capta. Resp. Non sequitur; quia hæc fera nondum facta est mea, cum nondum eam omninò occupauerim: illa enim auis iam ante erat mea. Vnde, nisi reipsa allequatur naturalem libertatem, mihi est restituenda.

5. Nota *secundò*, Si fera, quam ego persequor, incidat in laqueum tuum, vterque habet ius occupandæ; tu, quia laqueo tuo capta: ego, quia mea industria incidit. Itaque erit alterutrius, qui prior illam occupauerit.

6. Nota *tertiò*, Si nassam in flumine intenderim piscibus capiendis, pisces captos meos esse. Eadem enim est ratio, quæ laquei. Quod si tu, vbi plena fuerit, exemptis piscibus euacuata, eam eodem loco, vel alibi, reponas, quod secundo loco captum erit, tuum erit, si prior occupaueris; quia etsi meo instrumento, tamen hoc factum tua industria, quod nassam ibi tuo nomine posuisti: meum vero erit, si prior occupauerim, quia meo instrumento captum. Hoc maximè æquitati conuenit.

QVÆST. X. An vena metallica auri & argenti, fiant primò occupantis?

1. **G**eneralis regula est, quæ nullius sunt fieri primò occupantis, vt sæpè dixi. Hinc sequitur, lapillos, gemmas, quæ in littore maris, vel promontoriis, vel fluminibus inueniuntur, fieri primò occupantis, quia in nullius sunt dominio, vt habetur Instit. *de rerum diuis. §. Fera*: Et §. *Item lapilli*, sed difficultas est de venis metallicis.

2. Prima Conclusio. Valdè probabile est, huiusmodi venas in nullius dominio censeri. Ita Dom. Soto *l. 5. de iustitia quest. 3. art. 3.* Ratio est, quia Principes passim sibi vendicant ius effodiendi hæc metalla, & concedunt priuatis ius ea inquirendi vbilibet, & in agro alieno, & bonam partem sibi reseruandi, compensatò dumtaxat damno, quod infertur loco. Hæc autem non

facerent, si ista metalla essent in dominio eius, cuius est ager. Vnde sequitur, si quis eruisset aurum, vel argentum in alieno agro, etiam inuito Domino, non teneri ad restituendum aurum Domino agri, sed solum ad æstimationem damni illati. In quo inspectanda est etiam spesilla, & verisimilitudo, qua Dominus putabatur auro illo potiturus, si tamen pars aliqua auri eruti per regni leges esset attributa Principi, ea esset persoluenda.

4. Tertia Conclusio. Et si tales venæ nullius sint, & res eruta sit occupantis, tamen seclusa omni lege, & consuetudine particulari, potestas & ius effodiendi tantum competit ei, qui est Dominus loci. Vnde si locus est hominis privati, ius etiam est privati; si est publicus competit Reipublicæ. Ratio patet ex dictis, quia si cuique competit ius venandi animalia in suo fundo, multo magis ius effodiendi metalla, cum metalla sint fundo permixta, & inhærentia: animalia autem sint vaga. Vnde sequitur Indos occidentales iure potuisse prohibere Hispanos ab occupatione talium venarum in sua regione, ut rectè docet Do. Soto loc. cit., quamvis contrarium senserit Francisc. Viçt. in *relectione de Indis* pag. 3. num. 4. Hoc tamen intellige antequàm illæ provinciæ Hispanico Imperio essent subiectæ. Nam quilibet Resp. potest prohibere extraneum à venatione in sylua publici iuris. Et similiter quilibet priuatus alium à venatione in suo fundo, ut supra dictum est: ergo multo magis ab eruendis metallis.

4. Dices. Lapidina quæ est in meo fundo, mea est, ut ostendit Couarr. c. 37. qq. *præclarum* num. 3. Et colligitur ex l. *vir in fundo*, ff. *de fundo totali*. Idem sentiendum est de fodina carbonaria, & cretaria: ergo similiter de venis metallicis. Respondeo. Non sequitur. *Primò*, quia venæ metallicæ sunt maximæ æstimationis, ac proinde non est æquum illas cedere vilissimo fundo, quæ ratione in Instit. de rerum diuisione, §. litteræ, dicitur

De Prima Diuisione rerum & acquisit. 101
dicitur ridiculum esse picturam Apellis, vel Parrhasij, in
accessionem vilissimæ tabula cedere. Secundo, quia venæ
istæ ab ipsa natura in ius publicum, non autem priuatis
vsibus institutæ videntur, vt Dom. Soto notat. Et præ-
terea sunt rarissimæ & difficillimæ inuentionis.

Q V Æ S T. XI. *Quomodo acquiratur dominium
in thesauris.*

1. **N**Ota Thesaurum dictum quasi *θήμενον ἐς ἀύριον*,
quod in crastinum, seu futurum reponatur, vt
ex Alciato docet Couarr. in Regula, *Peccatum*. pag. 3.
§. 2. Definitur autem l. *Nunquam ff. de acquirendo re-
rum dominio*; hoc modo: *Thesaurus est vetus quadam de-
phsilio pecuniæ, cuius non extat memoria, vt iam Domi-
num non habeat.* Vbi nomine pecuniæ intelliguntur
quæuis opes mobiles, vt catenæ, gemmæ, vasa nummi
aurei, & argentei. Quod si non sit vetus, non cense-
bitur th. saurus. Vnde non fiet inuentoris, sed si Domi-
nus inueniri nequit, expendi conuenit in pios vsus,
sicut alia bona incerti dominij.

2. Prima Conclusio. Iure naturali, & gentium, the-
saurus transit in dominium inuentoris occupantis. Est
communis sententia. Ratio, quia quæ nullius sunt
fiunt primò occupantis. At thesaurus in nullius do-
minio censetur, vt patet ex definitione, ergo.

3. Dices. Quid si possit sciri à quorum maioribus
sit conditus. Respondeo. Nihil refert, quia quod
tanto temporis spatio desit possideri, desit etiam esse
in dominio cuiusquam. Hæc de iure naturali, & gen-
tium.

4. Tertia Conclusio. Iure ciuili thesaurus inuen-
tus in proprio fundo totus est inuentoris: inuentus
autem in fundo alieno (etiã si fundus is Principis fuerit)
si quidem fortuitò sit repertus, dimidium erit inuento-
ris, & dimidiũ Domini fudi: Si autem de industria quæ-
situs, sine consensu Domini, totus erit Domini. Prima

pars habetur Instit. *de rerum diuisione* §. *thesaurus*, & c. *unica c. de thesauris*. Secunda pars ibidem habetur, & est seruanda in foro conscientie, etiam ante omnem Iudicis sententiam, Ratio, quia hæc dispositio iuris non est pœnalis, sed definitiua proprietatis rerum, vt rectè docet Nauarr. *c. 17. num. 175*. Caiet. *infra quest. 66. art. 5*. Tertia pars, vt totius sit domini, si de industria quæsiisti, non videtur obligare in conscientia ante sententiam Iudicis, sed sufficit dare dimidiam partem domino fundi, parte altera dimidia retenta. Ratio est, quia ista dispositio est pœnalis, ad puniendam iniuriam, quam inuentor videtur intulisse domino loci, quærendo absque eius consensu in eius fundo. Confirmatur ex l. *cit.* vbi innuitur, compulsionem iudicis esse expectandam, ac proinde legem esse pœnalem.

5. Tertia Conclusio. Si Dominus fundi consensit, vt alter quæreret thesaurum sciens quod ille quæreret, standum est pacto, si quod initum est: si autem nullum sit pactum, totus thesaurus erit inuentoria. Ita Nauarr. *c. 17. num. 172*. Prima pars per se patet. Secunda probatur, quia tunc videtur illi partem suam condonasse, nisi fortè inuentor sciuerit, ibi latere thesaurum, & simulauerit se nihil scire: tunc enim Dominus ita deceptus non censetur condonasse, vt notat Syluest. v. *inuentum* quæst. 3.

6. Quarta Conclusio. Qui scit alicubi thesaurum latere, & emit locum antequam eruat, efficitur dominus totius thesauri. Nauarr. *n. 175*. Dom. Soto l. *de iustitia* q. 3. art. 3. Ratio est, quia eruit illum ex loco proptio, nec tenebatur Domino priori indicare, sed poterat vti sua scientia, emendo agrum illum secundum communem æstimationem ad quam nihil facit thesaurus reconditus cuius nulla habetur suspicio.

7. Quæres primò. Quid dicendū sit de thesauro inuento in loco publ. Couarr. in Reg. *Pescan.* p. 3. §. 2. n. 3. & alij,

De prima diuisione rerum & acquisit. 103

alij, ab ipso citati, putant totum esse inuentoris. Alij
cōtrā putant dimidium esse inuentoris & dimidium
fisci, vel ciuitatis, Inst. de rerum diuisione, §. Thesau-
rus. Quod videtur probabilius.

8. *Quæres secundo.* Quid si inueniatur in loco sa-
cro, vel Religioso? Resp si casu, aut fortuito inuenitur,
totus est inuentoris. Inst. loc. cit. Idem docet Glossa ad
c. si quid inuenisti 14. quæst. 5. & Rosella v. *Furtum*
nu. 11. Contrarium tamen est etiam probabile, quod te-
net Couarr. & multi alij, asserntes dimidium deberi
Ecclesiæ, vel Prælato, reliquum inuentori.

9. *Quætes tertio.* Quid si per magiam repertus sit;
R' e' p. tunc totus pertinet ad fiscum, vt docent commu-
niter DD. ex l. unica. C. de thesauris Nota tamen Primò,
inuentorem nō teneri illum tradere antequam à Iudi-
ce compellatur. Nauarr. nu. 175. Ratio est, quia lex il-
la pœnalis est, & quidē sententiæ ferendæ, non laræ.

1. *Nota secundo.* Si Thesaurus quæsius sit arte ma-
gica, loco alieno, solū eā partem adiudicandā fisco per-
tinetiā, quæ fuisset inuentoris, quia dominus loci propter
malefic. ū alterius nō debet suo iure priuari, Quæ hæc
dicta sunt de Thesauris procedūt secūdū ius com-
mune. Vnde si in aliqua prouincia sint aliæ leges parti-
culares, vel cōsuetudines hac de re iustæ, seruari debēt.

*QVÆST. 12. An iustè prohiberi possit pastio, vel lignatio, in
pastuo, vel sylua Reipub*

1. **P**rima Conclusio. Resp potest hoc iustè prohi-
bere etiam suis ciuibus, saltem secundum certum
modū & mensuram, v. g. ne tali loco, vel tempore pas-
cāt: ne excindāt stirpē talem, aut tali modo ne maiorē
molē lignorū auferāt. Ratio est, quia id potest aliquā-
do expedire bono publico, atq; potestas Reip. extēdit
se ad omniā, quæ bono publico conducibilia videntur.
Non videtur autem omnino & in totum posse prohi-
bere. Quia singuli ius habent inde necessaria sumendi;

quo iure absque suo consensu non possunt spoliari. Nisi fortè aliunde sit illis sufficienter prospectum. Vide plura apud Couarr. c. 37. *pract. qq.*

2. Secunda Conclusio. Si contra iustam prohibitionem cuius aliquis in loco publico communitatis pascat, vel ligna cædat, solum peccat venialiter, neque ad restituendum tenetur, nisi magnum detrimentum communitati censeatur illatum. Ita Dom. Soto *lib. 4. quest. 6. art. 4.* Ratio est, quia in hisce rebus communibus non censeatur notabilis iniuria committi per eos, qui aliàs ius habent, nisi fortè enorme damnum inferatur, ut si multæ stirpes notabiles excindantur; si arbores ædificijs idoneæ sternantur.

3. Tertia Conclusio. Idem dicendum de incolis dominorum pagorum, vel oppidorum, habentium loca compascua, vel sylvas cæduas, si alteri in alterorum sylvis hinc inde lignentur. Ratio est, quia etsi incolæ huius loci non habent ius lignandi in sylva communi alterius loci, nec vicissim: tamè, quia passim scitur contrarium fieri ab utraque parte, censeatur communitas vicissim condonare, quod ereptum fuerit, contenti multa, si qui in facto deprehendantur.

4. Quarta Conclusio. Si pascas, vel ligneris in loco alicuius privati, vel Reip. cuius ciues non possunt idem facere in loco Reip. tuæ, vel si id facias in loco communi, elocato alteri, peccas pro ratione rei ablatae, vel damni illati, & teneris ad restitutionem. Ita Dom. Soto *suprà*, patet ex dictis.

QVÆST. XIV. *Quæ dicantur haberi pro derelicto, ita ut dominium illorum primo occupantis censeatur?*

1. Prima Conclusio. Illud habetur pro derelicto, quod Dominus ea mente abiecit, ut id in numero rerum suarum esse nolit. *Inst. de rerum diuisione §. penult.* Unde sequitur ea, quæ in tempestate proijciuntur leuandæ nauis causa, non haberi pro derelicto, ut habetur

De Prima Diuisione rerum & acquisit. 105

tur loco cit. §. 2. lt. Quia ea libentissimè Dominus seruaret, si posset. Et postquam proiecit & in portum euasit, summè desiderat ea recuperare, Vnde iniqua est consuetudo, quæ in quibusdam locis seruatur, vt Dominus provinciarum, vel territorij occupet bona naufragorum, quasi possessore careant. *Primo*, quia est contra ius naturale, cum sit alieni occupatio. *Secundo*, quia est magna in miseros crudelitas. *Tertio*, quia est contra ius Cæsareum, Authentica, nauigia *C. de furtis*. Et si sint bona Christianorum, occupantes ea incurrunt excommunicationem Bullæ æternæ Domini.

2. Secunda Conclusio. Pro derelicto videtur etiam haberi res ea, quæ fluctibus procul abrepta & dominus sciens, vbi sit querenda non curat eam recuperare; vel quia parui eam facit, vel quia essent magnæ expensæ faciendæ. Ratio est, quia dominus non videtur velle talem rem habere in suis bonis, ob incommensurabile adiunctum. Secus est, quando omnino vellet eam recuperare, si aliquo modo posset.

C A P V T V I.

De translatione Domini per donationem, & promissionem.

Dominium transferri potest, vel volente priore Domino, vel inuito, Volente fit tripliciter. Donatione, vltima voluntate, contractu: Inuito totidè modis. *Primo*, Iure belli. *Secundo*, auctoritate legis, idque vel sine culpa domini. vt lege præscriptionis, vel ob culpam eius, vt ob crimen hæresis, læsæ Maiestatis, incestus nuptias. *Tertio*, sententia Iudicis, vt si fur damnetur in quadruplum, Hi modi explicandi sūt exceptis paucis, de quibus alibi dictum, aut dicendum est.

Q V Æ S T. I. *Quid sit donatio & promissio?*

1. **L**oquor de donatione & promissione gratuita, quæ fit ex mera liberalitate, vel etiam ex gratitudine.

1. Prima Conclusio. Donatio est datio libe-

ralis. Per *donationem* intelligitur actio donantis natura sua sufficiens ad dominium transferendum, quæ sit vel traditione rei, vel verborum officio: est enim triplex Donatio; una incipit à reali traditione, ut quando res ipsa simul traditur. Et hæc est completa donatio transferens dominium: Altera incipit à promissione, vel à verbali traditione, ut cum dico: *Do tibi meum equum, qui absens est* Hæc donatio verbalis sufficiens est natura sua ad dominium transferendum; tamen iure positivo impeditur, ne dominium trāserat, nisi secuta reali traditione, ut dictum est, *c. 2. qu. 3. §. 3.* Vnde si quis rem sic donatam Petro, donaret aut venderet Paulo, & eidem traderet, Paulus acquireret illius rei dominium, & Petrus solum haberet actionem personalem in donatorem, ut compenset rei æstimationem. Vide, quæ dicta sunt *c. 1. qu. 5. concl. 2.*

3. Secunda Conclusio. Promissio est *deliberata*, & *spontanea fidei obligatio*, facta alteri de re quapiam bona, & possibili. Dicitur primo *deliberata*, id est, cum plena deliberatione & attentione, qualis requiritur ad peccatum mortale ad meritum, & ad votum validum, ut notat Nauarr. *cap. 18. num. 7.* Vnde si quis promittat aliquid cum semiplena deliberatione, non satis aduertens quid faciat, non obligatur ad implendum, ne sub veniali quidem. Ratio est, quia cum hæc obligatio sit onus quoddam, quod sponte suscipitur, non debet censeri cuiquam impositum, nisi perfectè in illud cōsenserit, quod non sit absque perfecta deliberatione, & animaduersione. Vnde sequitur etiam Votum Deo factum cum imperfecta deliberatione non obligare, ne sub veniali quidem, quamvis violatio voti validi facta ex imperfecta deliberatione sit venialis, de quo infra in materia de voto. Secundo, dicitur *spontanea*, ut excludatur promissio metu aut fraude extorta, quæ non est valida, vnde eam non tenemur implere, nisi sit iurata,

tata, vt docet D. Thom. *quest. 8. art. 7.* Nec refert (saltem in foro conscientie) etiam si metus ille levis fuerit, iuxta Sylu. *v. Restit. 2. §. 7.* & Nauarr. *c. 17. num. 30.* Ratio est, quia qui metu etiā leui, vel fraude extorquet promissionem, iniuriam facit. Vnde ratione iniuriæ potest promissor non soluere promissum. *Tertiò*, dicitur *obligatio fidei*, quia non sufficit dicere : Ergo faciam, sed oportet, vt fides detur, & obligetur; id est, vt homo se obliget alteri ex virtute fidei, seu fidelitatis, vt rectè docet Sotus *l. 7. de iust. q. 1. art. 2.* Vnde etiam non est satis dicere. Ego promitto me hoc facturum, si solum intendat significare animi sui propositum : non autem dare fidem, vt sæpè fit. Sitamen ex talij modo loquendi alter deciperetur cum notabili suo detrimento, teneretur ille sub peccato mortali implere, quod verborum specie promissit, vt notat Nauarr. *cap. 18. n. 6.* quia non implendo daret causam damni. Similiter non sufficit dicere. Ego promitto me facturum, quicquid iusseris, si id dicas, vt affectum tuum, & animi promptitudinem ad alteri placendum testeris : non autem, vt te obliges, quod etiam frequens est apud homines. Ratio est, quia hæc, & similes formæ loquendi sæpè vsurpantur voluntatis, vel testandi animi causa: non autem ex intentione se absolutè obligandi. Vnde tunc absolutè non obligant : cum enim omnis vis obligandi promissionis sit ab intentione, non possunt vltra intentionem obligare.

4. Dices. Quid si promissor sit dubius, quo animo verbis promissoriis vsus fuerit? Respondeo. In vtroque foro inclinandū est in fauorem eius, quia in dubio non est imponendū onus, quod non nisi sponte suscipitur.

5. *Quartò* dicitur *de re quapiam bona*, vt excludatur promissio operis, quod sine peccato expleri nequit: quia nulla potest contrahi obligatio ad id, quod sine peccato præstari non potest, vt patet ex *c. ult. de pactis.*

Id enim contradictionem implicat: sic enim fieret, ut idem esset peccatum & virtus, bonum & malum: & ut homo peccaret, non minus omitendo peccatum, quam faciendo.

6. Dices. Ergo promissio prodiga non obligat, cum profusio rerum suarum sit opus malum. Respondeo, plerique concedunt promissionem, qua parte prodiga est, non obligare, idque verum esse quidam aiunt, etiamsi iuramento confirmata sit, ut Dom. Soto *l. 4. quest. 7. art. 1. ad 2.* & Dom. Bannes *quest. 62. art. 5. dub. 5.* quam sententiam in quibusdam casibus veram censeo. *Primò*, quando ita est prodiga, ut eius executio absolutè sit illicita. *Secundo*, quando aliquid est promissum in modum pretij, nec promissor aliter intendit dare: tunc enim non tenetur ad excessum, nisi iuramentum intervenierit, ut patet in promissione usurarum, & pretij enormis. *Tertiò*, quando merito præsumi potest, promissorem fuisse deceptum, aut promissionem non fuisse omnino liberam. Extra hos casus non video, cur promissio prodiga non obliget, maximè iuramento accedente, etsi imprudenter & cum peccato facta fuerit: multa enim imprudenter & cum peccato fiunt, quæ tamen facta tenent, nec facilè rescindi possunt. Ut si virgo nobilis contra voluntatem parentum, & cum familiæ indignatione promittat nuptias ignobili, & pauperi: tunc enim peccat promittendo; tamen verè obligatur. Pari modo etiamsi promissio aliquando peccatum sit ob circumstantias, vel quia prodiga: tamen fieri potest, ut impletio eius peccatum non sit. Suppono enim rem esse in plena potestate promittentis, neque alteri priori debitam. Ratio est, quia etsi prodiga largitio, quæ est executio promissionis peccatum sit, dum adhuc liber es, & non obstructus: tamen postquam te obligasti promissione, vel iuramento, non est peccatum, sed actus iustitiæ, vel fidei, vel Religionis,

gionis, prout intendisti te obligare, neque amplius habet immediatè rationem donationis, sed solutionis debiti.

Q V Æ S T. II. *Quomodo differant Donatio, Promissio, Pollicitatio, Pactum, & Stipulatio?*

1. **P**rima Conclusio. Promissio natura sua (seposito iure positiuo) non habet vim transferendi dominij. Donatio, etsi tantum verbis fiat, habet. Ratio est, quia promissio respicit donationem futuram. Donatio vero est translatio rei in alterum in præsens. Dixi *natura sua*, quia posito iure, quo impeditur translatio dominij per donationem verbalem, parum videtur interesse inter donationem & promissionem.

2. Secunda Conclusio. Pollicitatio est offerentis solius promissum *l. 3. de pollicitationibus*, seu: Est nuda promissio nondum secuta acceptione. Vnde omnis pollicitatio est promissio, non contra.

3. Tertia Conclusio. Pactum est duorum consensus, atque conuentio, *L. 3. iam cit.* Vnde ad rationem pacti requiritur consensus duorum. Ad rationem pollicitationis solum vnus. Transit autem pollicitatio in pactum, quando is, cui facta est, eam acceptat.

4. Quarta Conclusio. Stipulatio est contractus verborum, vel formula contrahendi, quæ fit præcedente interrogatione creditoris, & secuta responsione debitoris, v. g. Spondes dare tantum? spondeo. Promittis centum? Promitto. Vide *infra in materia de contrahentibus*.

Q V Æ S T. II. *An promissio ob turpem causam obliget?*

1. **N**on loquor præcisè de promissione gratuita, de qua in 4. qu. sed generatim de omni promissione, etiam onerosa, quæ requirit vtriusque partis consensum.

2. Prima Conclusio. Omnis promissio, & pactio, quæ fit propter opus malum, vt v. g. propter fornicationem,

nicationem, aut homicidium, inualida est ante opus præstitum, & neutram partem obligat. Ratio est, quia nemo potest obligari ad peccatū: ergo promissor operis mali non tenetur: ergo nec promissor pecuniæ opere nondum præstito tenetur: cum eius promissio fuerit conditionata, seu respectiua, vtpote solo intuitu illius operis facta. Imò tenetur eam reuocare tanquam iniquam, & ad malum directè allicientem.

3. Secunda Conclusio. Patrato opere malo verius est promissorem obligari soluere promissum. Colligitur ex Couarr. ad Reg. Peccat. p. 1. §. 2. nm. 1. Caiet. quæst. 32. art. 2. Medina C. de restitut. quæst. 28. Et si enim hic putet solum debere restitui, eò quòd opus turpe sit inuendibile: tamen dicit promissum debere solui, vt fidem suam promissor liberet. Verùm non tantùm ex virtute fidei, vt vult Medina, sed etiam ex iustitia videtur teneri Ratio est, quia non fuit promissio gratuita, sed onerosa. vt v. g. Promitto tibi catenam pro maleficio: ergo si labor, vel opera in maleficio præstita, iudicio humano tanti valet, quanti res promissa, vbi præstita fuerit nascetur obligatio iustitiæ in promissore: quando enim altera pars impleuit contractum, tenetur altera lege iustitiæ.

4. Nota. In opere præstito non solum considerandam esse malitiam, sed etiam laborem, periculum, detrimentum fortunarum, & similia, quæ executor, tua causa subiit. Item fidelitatem, quam tibi præstitit, & voluptatem, aut vtilitatem, quæ tibi inde prouenit. Hæc autem apud homines æstimantur digna pretio, vt rectè notat Caiet. ergo si pro his pretium aliquod promissisti, teneris illud soluere ex iustitia, quando illa præstita sunt.

5. Dices. Malitia est illis connexa. Respondeo. Nihil refert, quia possunt illa seorsim à malitia considerari. Simile est in bonis operibus, in quibusdam labor,

De translat. dom. per donat. & promis. III

hor, periculum, damnum possunt spectari per se, & præcisa ab operis sanctitate. Hinc est quod non committatur simonia, si quis paciscatur, dare sacerdoti 100. aureos, ut in loco, in quo est periculum capitis, semel faciat sacrum. Nam periculum abstrahitur ab operis sanctitate, & æstimatur pretio, sine culpa simoniæ: ergo similiter in malis operibus poterit periculum, & labor præcisè spectari, & æstimari pretio absque malitia. Hinc sequitur mercedem opere præstito accipi & exigì posse, qui debetur iure naturali, & qui eam accipit non obstringit se ad aliquid, quod sit peccatum, nec approbat peccatum iam commissum: potest enim illud detestari quia peccatum, & dolere se fecisse; tamen, qui factum est, potest persequi commodum, & ius quod eo obuenit.

6. *Tertia Conclusio.* Probabile nihilominus est eum, qui aliquid promisit pro opere malo, quod legibus punitur, ut pro homicidio, adulterio, furto, non teneri ad implendum promissum, etiam opere secuto; & patrato. Est communis sententia Doctorum utriusque Iuris, ut docet Couarr. supra, num. 6. & confirmatur ex l. si flagitij ff. de verborum obligatione. ubi sic dicitur: *Si flagitij faciendi, factive causa concepta sit stipulatio, ab initio non valet.* Et l. generaliter, ff. cod. tit. ubi sic dicitur: *Generaliter nouimus turpes stipulationes nullius esse momenti.* Quibus locis lex facit irritas tales conuentiones. Quamuis respondere possis; leges illas, & similes, ita accipiendas esse, ut significant non valere tales stipulationes ante factum, neque etiam post factum darius petendi promissum in foro externo. Non autem earum mentem esse tollere obligationem naturalem; quæ ex huiusmodi promissionibus onerosis oritur.

QVÆST.IV. *Quanam promissiones sint irritæ naturali, aut positiuo?*

1. **P**Rima Conclusio. Iure naturali, irritæ sunt omnes promissiones, quarum impletio est illicita. Ratio est, quia nemo potest obligari ad peccatum. Vide conclus. 1. præced. quæst.

2. Secunda Conclusio. Iure positiuo probabile est esse irritas, *Primò* omnes eas promissiones, quæ factæ sunt ob turpem causam, quæ legib. punitur, etiam si earum impletio illicita non sit. Quamuis contrarium verius videatur, ut dictum est paulò antè. *Secundò* irritæ sunt omnes promissiones, quæ præbent occasionem peccandi, ut si promittas alicui, quod non tenebitur in posterum de dolo, de vi, de iniuria, de furto, ut patet l. 27. ff. de pactis, si tamen post iniuriam commissam libetè eam condones, valet condonatio. Non enim leges impediunt condonationem, sed volunt, ne ex vi promissionis, aut pacti præcedentis tenearis condonare. *Tertiò* irritæ sunt, quæ adimunt libertatem disponendi de reb. suis, ut si promittas alicui quod institues eum hæredem, quod non reuocabis testamentum, quod recedes ab intestato, quod dabis 100. coronatos, si non instituas hæredem, ut habetur l. stipulatio hoc modo §. ff. de verb. oblig. Propter eandem causam inualida est donatio præsentium & futurorum, quia aufert potestatem testandi. Similiter inualidum est pactum circa bona eius, qui adhuc viuit, sub conditione; si ad ipsos, aut eorum aliquem ea bona deueniant, nisi in tali pacto is consentiat, cuius sunt bona, ut habetur l. vltima C. de pactis. Item pactum pænæ appositæ non stanti sponsalibus nullum est, ut habetur C. gemme. Extra, de sponsalibus, eo quod matrimonia libera esse debeant, & id eorum deroget libertati. Hæc omnia comprehenduntur l. pacta, C. de pactis, vbi sic dicitur. *Pacta, quæ contra leges constitutionesque, vel contra bonos mores sunt, nullam vim*

vim habere indubitati iuris est. Contra leges ea dicuntur fieri, in quibus promittitur aliquid, quod leges prohibent, ut homicidium, furtum. Contra bonos mores fiunt, *Primò*, quæ dant occasionem malè agendì, ut si promittas alicui, quod non tenebitur in posterum de dolo, vi furto, iniuria. *Secundò*, quæ impediunt bonos mores, quos expedit esse in Republica bene constituta, ut v. g. quæ impediunt potestatem liberè testandi, aut disponendi de rebus suis.

3. Tertia Conclusio. His non obstantibus promissiones, & omnia pacta, quorum executio non est illicita, nisi iuramentum accesserit, sunt seruanda in foro conscientiæ. Ita Sylu. v. *Pactum* n. 11. Et apertè colligitur ex c. *Quamuis pactum de pactis* in 6. Quia ut ibi dicitur, eius iuramenti obseruatio non vergit in æternæ salutis dispendium.

4. Dices. Hæc pacta dicuntur esse contra bonos mores. Iuramentum autem contra bonos mores, non est obligatorium, ut habetur in Reg. *Iuris* in 6. Reg. 58. Respondeo. Non sunt contra bonos mores naturales, de quibus intelligenda est illa Regula, sed civiles; id est, non sunt contra virtutem, ita ut res promissa sit peccatum, sed possunt incommodare motibus, quos expedit esse in Repub. Hoc modo pactum, quod filia dum nuptui datur, cum patre init, ut dote contenta nullum ad bona paterna regressum habeat, est contra bonos mores, & irritum iure civili, & tamen si iuramento confirmetur seruari debet, ut constat ex cit. c. *Quamuis peccatū*. Similiter promissio usurarum est contra bonos mores, quia præbet occasionem exigendi vsuras, & tamen impleri debet, si iuramentum accesserit c. *Debitorum*. Extra. *de iure iurando*. Potest tamen in huiusmodi pactis peti dispensatio iuramenti ab Episcopo, si in illis aliqua iniuria intercessit, & tunc non opus est seruare promissum, ut dicam infra in materia de contractibus.

QVÆST. V. *An Promissio vel Donatio interna obliget?*

1. **P**rima Conclusio. Et si promissio, vel donatio purè interna, facta Deo, obliget nos Deo cordi inspectori: non tamen facta Deo, obligat homini. Est communis. Sed difficultas est, unde id proueniat: An sc. ex solo iure positiuo? An ex iure naturali? Aliqui putant huiusmodi promissum, vel donationem internam, siue Deo, siue homini facta sit, inducere veram obligationem, spectato solo iure naturali. Quod autem non obliget, quando homini facta est putant prouenire ex solo iure positiuo. Ita Ledesma in 4. p. 2. qu. 18. art. 1 dubit. 13. Et inclinatur Sotus l. 7 qu. 1. ar. 2. Et Molina disp. 266. Probatur *primò*, quia promissio interna addit aliquid supra nudum propositum: ergo magis obligat. *Secundò*, quia actu interno, quo quis non vult amplius aliquam rem habere in suis bonis, potest amitti possessio & dominium eius rei: ergo etiam potest causari obligatio ad alterum. *Tertiò*, quia tota vis obligandi promissionis est è voluntate interna: ergo hæc sufficiens est ad obligandum. *Quartò*, quia exterior expressio non est necessaria, nisi ut possit cognosci & acceptari promissio, vel donatio. Hæc autem acceptatio non est necessaria iure naturali.

2. Secunda Conclusio. Probabilius est promissionem, & donationem internam, quæ homini fit, iure naturæ esse insufficientem, & inuolidam ad obligandum. Colligitur ex D. Thom. *quest. 88. art. 1.* ubi dicit: promissionem vnius hominis non posse alteri fieri, nisi per signa externa: Deo autem posse fieri per internam cogitationem. Idem passim docent Thomistæ, Ratio, est, quia promissio, & donatio, sunt signa quædam practica, quæ efficiunt quod significant: qui enim dicit, Promitto tibi, vel do tibi, non solum significat internam cogitationem, & affectum dandi, sed etiam ipsum actum donationis, & promissionis,

missionis, qui in hisce verbis sub tali intentione prolatis formaliter consistit, & effectum eius, scilicet obligationem, quæ nascitur in promittente: & ius, quod nascitur in promissario. Quare cum actus interni non sint idonea signa ad alteri significandum, non sunt etiam idonea instrumenta ad se alteri obligandum. Nam hæc aptitudo fundatur in significatione ad alterum: si tamē alter posset cognoscere internas cogitationes, sicut possunt Angeli, quando ad eos diriguntur, tunc per actum internum optimè posset donatio, & promissio fieri. Confirmatur, quia promissio vel donatio non obligat, nisi sit acceptata, ut seq. quæst. sed interna promissio, vel donatio, non est acceptata: ergo.

3. *Ad primum* Respond. Interna promissio addit supra propositum aliquam inchoationem promissionis, quæ tamen adhuc nō est sufficiens ad causandam obligationem. *Ad secundum* Respondeo. Etsi possessio & dominium possint amitti actu interno, ut cum res habetur pro derelicta: non tamen possunt transferri in alterum, quia ad hoc plura requiruntur. Nam facilius est aliquid desinere, quam incipere esse, aut in altero produci. *Ad tertium* Respond. Etsi tota vis obligandi sit à voluntate, tamen voluntas non potest eam immediatè in homine causare absque actu externo, tanquam instrumento, sicut nec iurisdictio potest alicui conferri sine externo actu, ut communiter Theologi docent. *Ad quartum* Respond. Non ideo tantum requiruntur externa signa, ut alteri significetur voluntas donandi, sed etiam, ut ipsa donatio, & promissio per illa fiat, tanquam per instrumenta.

QVÆST. VI. An promissio vel donatio externa obliget ante acceptationem?

1. **P**rima Conclusio. Promissio, vel donatio, ante acceptationem ordinariè non obligat civiliter, neque actionem parit in foro civili. Est communis

sententia, & patet ex l. 1. ff. de pollicitationibus, & ex l. absenti. ff. de donationibus. Vnde sequitur ante acceptationem semper reuocari posse, quod tum ex prædictis iuribus, tum ex aliis clarè deducitur, & l. multum interest. C. si quis alteri vel sibi, & l. si pater, ff. de manumissis vindicta. Idem in omnibus aliis contractibus locum habet, L. contractus, C. de fide instrumentorum. Ratio est, quia obligatio non nascitur, nisi ex mutuo duorum consensu, l. 1. ff. de pactis. Ergo priusquam alterius consensus accedat, prior potest pœnitere, & suam oblationem reuocare. Hinc sequitur. *Primò*, mortuo donatario ante acceptationem, inualidam esse donationem, quia amplius acceptari non potest.

2. Dices. Poterit acceptari ab hæredibus. Resp. ex rigore iuris non potest, quia ad illos directa non fuit. Videtur tamen posse ex quadam æquitate: tum quia hæredes personam defuncti repræsentant: tum etiam, quia præsumendum est eam esse mentem donatoris: nisi de contrario constet. Quod intellige si illi hæredes sint liberi: non autem si extranei. *Secundò* sequitur, quando donatio defertur per nuntium, si contingit illum mori ante insinuationem, vel traditionem, tacitè cenferi reuocatam, quia per mortem mandatarij soluitur mandatum, l. 57. ff. mandati. Vnde consensus donatoris, qui illi commissus, & per illum deferendus erat ad donatarium, quasi euanescit. Hoc tamen intellige si nuncio commissum erat, vt verbis, & traditione reali rem perageret: secus, si solum literas deferendas habuit. Hæ enim si ad manus donatarij peruenerint, sufficiunt ad donationem insinuandam, vel deferendam. Vnde ipse vicissim per literas poterit eam acceptare.

2. *Secunda Conclusio.* Licet donatio, & promissio, ordinariè non obligent ante acceptationem, vt dictum est: excipiuntur tamen aliquæ pollicitationes quæ

obligant antequam acceptentur, nempe, quæ sunt ciuitati, vel vniuersitati, vel Ecclesiæ, vel Hospitali. In iure tamen non inuenitur expressè; nisi de promissione facta ciuitati, ad instaurandas ruinas, vel ob honorem ab ea receptum, aut recipiendum, vel ad opus aliquod faciendum, si hoc opus iam sit inchoatum, vt patet, ff. *de pollicitationibus*, per totum. Sed DD. id extendunt etiam ad eas promissiones, quæ sunt vniuersitati, vel Ecclesiæ, vel Hospitali. Ratio est, quia donationes, & promissiones ad pias causas, videntur æquari donationibus, & promissionibus factis ciuitati, si privilegia spectemus, vt patet L. *illud*, & L. *vt inter*, C. *de sacro sanctis Ecclesiis*.

QVÆST. VII. *Vnde proueniat, quod promissio, vel donatio, non obliget ante acceptationem?*

Prima Conclusio. Probabile est id prouenire ex solius positivi iuris dispositione, ac proinde, stando intra limites iuris naturalis, sufficere consensum ad obligationem. Ita Couarr. in c. *quamuis pactum*, p. 2. §. *n. ult.* Et Molina. *disp.* 263. Probatur primò, quia ex pollicitatione facta ciuitati oritur obligatio, vt dictum est: ergo hic actus ex natura sua ad hoc sufficiens est. Sequela patet, quia ius ciuile non tribuit contractibus maiorem vim, quam natura sua habeant; quamuis interdum propter bonum publicum possit vim illis asferre. *Secundo*, quia in gratuitis promissionibus acceptatis obligatio non oritur ex acceptatione, sed ex gratuita promissione quæ non spectat obligationem reciprocam. Ex hac sententia sequitur, promissiones, & donationes ad pias causas, esse validas ante omnem acceptationem. Quod tenet Felinus in cap. 1. *de pactis*, n. 7. citatque pro se Bartholum, Bald. Panorm. Ratio est, quia iure naturali sunt validæ: & iure ciuili non sunt inualidæ. Nam leges ciuiles, quæ irritas reddunt tales promissiones, & donationes, non habent vim in iis

causis, eo quod iure canonico (ad quod ea res pertinet) non inueniantur approbatæ.

3. Secunda Conclusio. Probabilius est, quod promissio & donatio non habeant vim obligandi ante acceptationem, id non. prouenit tantum ex iure ciuili; sed etiam ex iure naturali, vel iure gentium: Est communior sententia: Probatur *primò*, quia in contractibus onerosis ante acceptationem licitum est vbiq; gentium pœnitere, & reuocare suam obligationem, vt patet in contractu emptionis, sponsalium, Matrimonij, & aliis. Nec opus est expectare, donec acceptet, aut recipiat: ergo idem licitum erit in promissionibus & donationibus gratuitis, nisi lex positiua adimat hanc potestatem. *Secundò*, sicut promissio, vel donatio onerosa, qua quis se obligat, habet tacitam conditionem; nempe si alter vicissim se velit obligari; ita etiam promissio, & donatio gratuita habet tacitam conditionem, si scilicet acceptetur. Nam vt dicitur in l. *qui absenti ff. de acquirenda possessione*. Qui promittit vel donat, non videtur animum se obligandi habere, nisi alter acceptet: ergo sicut ibi nondum conditione impleta potest reuocare obligationem: ita & hîc.

3. Ad *primum* Respond. ius ciuile non efficit, vt pollicitatio facta ciuitati, vim habeat ante acceptationem: (nihil enim tale colligi potest ex vlla lege toto tit. de pollicit.) sed ne possit reuocari pro libito, sicut ex natura rei posset, vt patet ex l. 3. *eodem tit.* Vnde fit, vt talis promissio semper possit acceptari, & promissum peti, quæ petitio videtur necessaria, vt tenearis soluere, vt iisdem legibus indicatur. Nec tenetur promissor suam promissionem ciuitati insinuare: nulla enim lex id præcipit. Idem dicendum videtur de pollicitationibus ad causas pias, nisi ex intentione promittentis habeant vim voti. Nam tunc sponte solui debent. Itaque ex omni pollicitatione nascitur quædam obligatio

tio velut conditionata, & suspensa, donec acceptetur vel reuocetur, quàm reuocationem positium potest impedire. Vnde in tali casu ius ciuile non tribuit propriè pollicitationi vim, quam iure naturali, vel gentium, non habet, sed impedit, ne possit reuocari.

4. Ad secundum Respond. obligatio non oritur ex acceptione, tanquam ex causa directa; sed tanquam ex conditione necessariò requisita. Sicut enim ignis est sufficiens causa calefactionis aquæ: & tamen ex eo non potest nasci calefactio, nisi aqua debito modo applicetur: ita promissio est sufficiens causa obligationis. & tamen non potest vim suam exercere, nisi acceptetur.

QVÆST. VIII. *Quomodo promissio, vel donatio, absenti facta, valide possit acceptari?*

1. **P**rima Conclusio. Vt donatio absenti facta valide possit acceptari, requiritur primò, vt donator eam deferat, vel insinuet absenti, per epistolam, vel nuntium, cui id commiserit: id enim necessarium est, vt duorum voluntas in vnum concurrat, vt colligitur ex l. *absenti ff. de donationibus*, & l. 1. ff. *de contrahenda emptione*. Vnde si alius quispiam præcurrens, cui id mandatum non fuit, donationem illi insinuet, non sufficit vt valide acceptari possit. Quæ est communis sententia DD. & colligitur ex glossa in l. *Nec ambigit. C. de donationibus*. Ratio est, quia cum promissor non intendat per hunc hominem suum consensum & obligationem in alterum dirigere, non potest alter accipiendo aliquid iuris acquirere. Nam cui nihil valide offertur, nihil etiam potest valide acceptare. Cum autem ipse nuntium mittit, tunc in verbis nuntij suum consensum & obligationem ponit, vt per eum ad absentem deferatur: & sic dum absens eoràm nuntio acceptat; duorum consensus concurrunt. Quod ad rationem pacti est necessarium, vt quæst. 2. dictum est.

2. Secunda Conclusio. Si donatio per nuntium offeratur absenti, necesse est, ut hic eam coram nuntio acceptet: nec sufficit eam acceptare coram aliis, ut ex multis authoribus ostendit Sancius l. 1. de matrim. disput. 5. num. 35. Ratio est, quia alioqui duorum consensus non concurrunt, nec vicissim innotescunt. Quare acceptatio dabet exprimi illi, qui eam offert, id est, ipsi promittenti, vel eius nuntio, qui eius locum supplet. Nam hoc ipso, quo quis destinatur ad absentem, ut offerat ei promissionem alterius, constituitur etiam ad recipiendam eius acceptationem; vel si promissio sit onerosa, eius repromissionem. Vnde requiritur contra Sylu. v. Matrim. 5. quest. 12. & quosdam alios, quando contrahitur per nuntium, vel literas, non sufficere, ut absens exprimat consensum suum aliis. Debet enim consensus absentis exprimi illi, qui eum petit, & qui sub conditione illius sibi rependendi, in alterum consentit: nisi constet, aliam esse promittentis mentem. Quod addo, quia non est de essentia contractus, ut consensus absentis, cum quo contrahis, tibi innotuerit: si enim mens tua est, ut statim contractus valeat, posito alterius consensu, etiam antequam innotescat, statim valebit. Hoc tamen non presumitur, nisi clarè sit expressum.

3. Tertia Conclusio. Si verò per literas promissionem tuam absenti obtuleris, ut acceptatio eius sit valida, ita ut retrocedere nequeas, necesse est, ut ea tibi vicissim per literas, vel per nuntium ad te missum innotescat. Ita Sancius supra. Probatur primò, quia requiritur acceptatio exterius expressa, ita, ut promissor possit eam intelligere. Secundo, quia alioqui non concurrunt consensus duorum in unum. Tertiò, quia antequam tibi innotescat consensus alterius, potest ille suum consensum reuocare: ergo & tu potes tuum. Quod maxime locum habet in promissionibus respectivis, quæ

quæ requirunt repromissionem. Hæ enim omnes hanc tacitam conditionem habent, si is, cui promittis, vicissim repromittat, & se obliget, quod fit signo extorſo, ad promissionem directo. In gratuitis tamen promissionibus, vel donationibus, non puto necessariũ, vt literæ acceptionis, vel nuncius, ad donatorem peruenerint: quia non tantum intereſt, eum, qui gratis donat, ſcire ſuam donationem acceptari, quam eum, qui ſub onere aliquid offert, & promiſſionem expectat, noſſe alterum repromittete. Cuius ſignum eſt, quod donator gratuitus non ſit multum de eo cognoscendo ſollicitus.

4. Quarta Concluſio. Requiritur etiam, vt non reuoces donationem ante acceptionem: ſi enim reuoces, & nuncio quem miſiſti, id innotefcat, non poteſt quicquam efficere, *l. ſi vero, ff. mandati*, quia extinctum eſt mandatum, vt ibi dicitur, ac proinde omnis poteſtas inſinuandi vel tradendi ei, adempta eſt. Si autem innotefcat ante executionem, tunc diſtinguendum eſt, vel enim ille ſe habet ſolum inſtar nunciij referentis donationem alterius aut rem tradentis: vel habet mandatum faciendi donationem. Si priori modo ſe habeat; facta reuocatione nihil fit: quia deeſt omnino conſenſus ex parte donantis. Nam nuncius ſolum habet officium nuntiandi, aut tradendi: non autem tribuendi aliquid iuris. Si ſecundo modo: valent eius acta, non quidem ad transferendum dominium, ſed ad tribuendum Donatio ius ad rem, & donatori iniiciendam obligationem ad conſenſum. Colligitur ex *l. ſi mandaſſem*, & *l. inter cauſas ff. mandati*. Tenetur enim mandator ratum habere, quod ex vi mandati bona fide eius nomine geſtum eſt.

Q V Æ S T. IX. *An post mortem donatoris possit donatio valide acceptari?*

1. **S** Vpra qu. 6. concl. 1. dictum est. An possit valide acceptari, mortuo donatario, aut etiam nuntio ad donatarium missio. Nunc quæritur de morte donatoris.

2. **Prima Conclusio.** Quando ipsa donatio ante mortem facta est ex parte donatoris, & missa est epistola, vel nuntius, qui illam absentem insinuet, vel rem tradat, si contingat donatorem mori ante insinuationem, probabilius est illam nihilominus valide acceptari posse, Ita Sanctius lib. 1. de *Matrim. disp. 6. num. 5.* Ratio est, quia donatio illa ex parte donantis fuit valida, etsi reuocabilis, ut habetur L. *Nec ambigitur. C. de donationibus.* Et manet virtualiter impressa literis vel nuncio, ut ad donatarium transeat ergo perseuerat post mortem donantis: ac proinde potest tum acceptari. Confirmatur *Primo*, quia donatio, mortuo donatore, non potest reuocari per hæredem etiam si nondum sit acceptata, ut docet Couarr. lib. 3. *varia. resol. ca. 14. num. 17.* Iul. Clarus §. *Donatio q. 13.* & alij passim, quod est signum, illam posse valide acceptari post mortem. Quorum enim adimeretur hæredi potestas reuocandi, si non possit acceptari. *Secundo*, quia donatio est gratia quædam: quando autem gratia facta est ex parte concedentis, potestas executionis non expirat morte concedentis, ut expresse habetur C. *Si super gratiam, de officio delegati in 6.* Contraria tamen sententia est multorum DD. ut ostendit Sancius, quorum fundamentum est, quia mandatum morte mandantis soluitur. Verum sic non est propriè mandatum donandi, sed donatio ipsa, ut dictum est. Itaque illud fundamentum pertinet ad alium casum. De quo sit

3. **Secunda Conclusio.** Quando donatio ante mortem donatoris non est facta ex parte ipsius, sed

De transf. dominij per donat. & promiss. 123

solum mandata fieri, vt si misit rem per nuntium, vel procuratorem, cum mādato, vt suo nomine det absenti: tunc si antequam ille munere suo fungatur, contingat donatorem mori non potest donatio validè acceptari, ac proinde res illa restituenda est hæredibus donatoris. Ratio est, quia ante mortem donatio facta non fuit, si d solum datum fuit mandatum donandi. Mandatū autem morte mandantis expirat, vt habetur *l. inter causas, ff. mandati*. Vnde procurator ille non potest donationem nomine sui mandatoris facere: & si fecerit nullius momenti erit, ac proinde nec acceptatio. Hoc tamen intelligendum est nisi mandatum fuerit in fauorē piæ causæ, quia illud morte mandantis non expirat, vt docet Couarr. *l. 1. variar. resolut. cap. 14. n. 16*. Vnde etiam post mortem est exequendum. Ratio est, quia quisque præsumitur ita tacitè voluisse in vita, cum opera pietaristum maximè sint homini necessaria. Confirmatur ex *l. Si pater, ff. de manumissis vindicta*. Vbi mandatum de manumittendo seruo non expirat morte mandantis fauore libertatis: ergo multo magis idem dicendum est, fauore piæ causæ, & salutis animæ. Hinc sequitur, si culpa nuncij donatio non fuerit tempestiuè ante mortem donantis facta, ipsum teneri ad duplicem restitutionem. Nam hæredibus defuncti, tenetur ratione rei, quæ tunc illorum est: donatario ratione damni, quod eius culpa contraxit, vt rectè notauit Molina *disp. 203*. Posito enim tali mandato tenebatur nuncius lege iustitiæ adhibere diligentiam, & mandatum, ex mente mandantis, in commodum donatarij implere.

QVÆST. X. *Quinam possint promissionem, vel donationem, absenti factam acceptare?*

I. **V**risperiti proponunt hanc quæstionem hoc modo: Quinam possint pro absente stipulari.

2. **P**rima Conclusio. Multi hoc possunt præstare.
Primò

Primò, qui ab altero generalem, vel specialem habet promissionem. *Secundo*, qui est sub alterius potestate, ita vt non sit sui iuris; vt filius, famul. pro patre: seruus, pro domino: Religiosus, pro Prelato. Ratio est, quia censetur vna persona. Non tamen famulus mercenarius, pro suo domino: aut subditus, pro Principe: quia sunt sui iuris. Vnde inst. *de inutilibus stipulationibus*. §. *Si quis alij*, dicitur. Si quis alij quam ei, cuius iuri subiectus sit, stipuletur, nihil agit. *Tertiò*. Qui aliorum curam gerunt; vt tutor, pro pupillo: Curator, pro furioso. Item princeps, pro subdito: quia cum hic possit facere alteri potestatem stipulandi pro altero, multo magis eam ipse habet. Item Notarius publicus; præsertim, si de eo conficiat instrumentum. De quo vide Couarr. *loc. cit. num. 11*. *Quartò*. Is, qui ex donatione, vel promissione, facta absenti, commodum reportat, vel aliquo onere liberatur, vt patet §. *sed & si quis*, inst. *de inutilibus stipulationibus*. Vt creditor, pro debitore, socius, pro socio; vxor, pro marito. *Quintò*. Quilibet priuatus potest stipulari, & acquirere Ecclesiæ, aut piis causis, iuxta Gloss. communiter receptam in c. *Quories cordis* 1. quæst. 7.

3. Secunda Conclusio. Præter enumeratos, nemo potest iure communi validè pro absente stipulari, seu acceptare promissionem, in fauorem absentis factam; ita, vt inde nascatur aliqua stricta obligatio. Ratio est, quia inra resistunt tali stipulationi, eamque irritam reddunt, vt patet §. *si quis alij*, Instit. *de inutil. stipulat.* & l. *si quis stipulatus*. ff. *de verborum obligationibus*. Deinde, quia promissio facta alicui, cuius nihil interest, impleri censetur solum verbis illi facta: re ipsa autem solum est facta tertio, in quem est exequenda. Nihilominus secundum communem vsum hominum, amicus pro amico ita stipulari solet, vt nascatur aliqua leuis obligatio, si tamen hæc iuramento confirmetur,

non

De transf. dominij per donat. & promis. 123
non solum in foro conscientie ligat; sed etiam in foro
ciuili tribuit actionem, vt patet ex dicti. *quæst. 4. concl. 3.*

QVÆST. XI. *Quomodo obliget Promissio externa
legitimè acceptata?*

1. **A**liqui putant illam per se solum obligare sub
peccato veniali, quamuis per accidens ratione
dani possit sub mortali obligare. Ita Caiet. *infra quæst.*
113. art. 1. Henriquez *de excommunicatione c. 17.* Fumus
v. Perfidia. Alij contra putant obligare sub mortali, si
materia notabilis sit, quæ est communior sententia.
Alij denique distinguunt, obligationem promissionis
pendere ex intentione promittentis asserentes. Vnde
si promittens intendat se solum obligare ex honestate
morali, solum tenebitur sub peccato veniali: si verò
intendat se obligare ex iustitia, tunc tenebitur sub
mortali. Ita Molina *disp. 362.*

2. Nota *primò.* Non satis est explicare, quantum
obliget promissio ex intentione promittentis; sed
etiam explicandum est, quantum obliget ipsa per se
& ex natura sua, præscindendo ab extrinseca inten-
tione.

3. Nota *secundò.* Hoc pendet ex alia quæstione nem-
pe, ex qua virtute obliget promissio. An scilicet, ex
virtute tantum veritatis, vt putat Caiet. An ex virtute
fidelitatis, vt putant Henriquez, & Fumus. An ex vir-
tute iustitiæ, vt plerique alij.

4. Prima Conclusio. Promissio obligat ex virtute
veritatis, sed non tantum. Probatur prima pars ex
argumento Caiet. quia sicut ex virtute veritatis tene-
mur dicere verum, & facere, vt verba respondeant
menti: ita ex eadem virtute obligamur, vt opera res-
pondeant verbis. Secunda pars probatur contra Cai-
et. *Primò,* quia promittere, non tantum est affirmare se
datum, vel facturum; sed vltius, est obligare se
alteri.

alteri, & consequenter ius illi tribuere ad exigendum. Unde dici solet omne promissum cadere in debitum. *Secundò*, quia alioqui sequeretur eum, qui promittit non magis obligari, quàm eum, qui absque promissione affirmat se aliquid facturum, quod tamen constat falsum esse, communi hominum usu, & sensu.

5. Nota. Virtutem veritatis nos obligare ad duo. *Primò*, vt dicta nostra conformemus menti, ne committamus mendacium. *Secundò*, vt facta conformemus dictis, ne dicamus falsum: vtrumque enim requiritur, vt quis sit verax in dictis: magis tamen obligat ad non mentiendum, quam ad non dicendum materialiter falsum. Itaque si promissio solum obligaret lege veritatis, minus peccatum esset violare promissum, quàm officiosè mentiri, quod tamen manifestò falsum est. Unde sequitur, promissionem non tantùm obligare ex virtute veritatis: sed etiam ex virtute fidelitatis, quæ vocatur fides promissionum.

6. Secunda Conclusio. Probabile est promissionem obligare non solum ex virtute veritatis, & fidelitatis, quod ex dictis pater, sed etiam ex virtute iustitiæ. Probatur *primò*, quia omnis promissio, si fiat per formulam stipulationis, tribuit actionem in foro externo, & promissor cogitur eam implere, vt omnes DD. tradunt: ergo inducit obligationem iustitiæ.

7. Dices *Primò*. Hoc solum probatur de promissione quæ fit interueniente stipulatione: non autem, quæ fit simpliciter. Respondeo. Formula stipulationis non reddit promissionem firmiorem in foro conscientiæ, sed solum in foro externo, quia præsumitur maiori deliberatione facta, quando hæc interuenit. Deinde cû iure digestorum requisita fuerit stipulatio, vt promissio simplex tribueret actionem in foro externo: tamen, iure codicis non videtur requiri, vt colligi potest l. si quis argentum. c. de donationibus. Adde, quidquid

quid sit de iure ciuili, tamen iure canonico conceditur actio ex promissione accepta; etiamsi formula stipulationis non interuenerit, ut patet ex c. 1. de pactis. Et est communis sententia, teste Couarr. in c. *Quamuis pactum*, p. 2. §. 4. num. 24. Nec refert, quod ius canonicum requirat expressionem causæ, quia dum causam non exprimis, cur permittas, videris per errorem promittere, quæ tamen præsumptio cessat in foro conscientiæ. Vide Sylu. v. *pactum* num. 3. Probat *secundo*, quia promissio onerosa acceptata obligat iure iustitiæ, ut omnes fatentur: ergo etiam gratuita. Sequela patet, quia etsi in onerosa sit perfectior obligatio, eo quod pro obligatione rependatur æqualis obligatio; tamen hoc non facit obligationem promittentis esse alterius generis, aut non pertinere etiam ad virtutem iustitiæ.

8. Dices *secundo*. Qui facit promissionem gratuitam, non videtur se tam strictè velle obligare, sed solum ex virtute fidei; ita ut si non seruet, faciat contra fidelitatem, non tamen contra iustitiam. Respondeo virtus fidei est ea, qua quis seruat promissum quia promissit, & se verbis obstrinxit. Vnde quomodo obliget promissio, non est spectandū ex virtute fidei; sed contra quomodo fides obliget diiudicandum est ex natura promissionis. Atqui promissio ex natura sua obligat supra simplicem assertionem, ut in prima conclusione ostensum est: ergo fides, cuius est implere promissum, plus obligat, quam virtus veritatis, cuius est verificare assertum. Neque intelligi potest, quæ sit hæc maior obligatio, nisi sit iustitiæ. *Tertiò*. Probat, quia promissione datur ius ad rem, quod etiam ad hæredes promissarij transit; sicut & obligatio promissoris ad ipsius hæredes traicitur. Atqui huiusmodi iuri respondet obligatio iustitiæ. Nam promissarius dicit rem sibi deberi, & potest debitum exigere vel condonare, quod signum est esse debitum iustitiæ.

9. Tertia Conclusio. Probabilius est præcipuam obligationem promissionis non esse iustitiæ, sed fidelitatis; quæ tamen sit valde affinis iustitiæ. Hæc posterior pars probatur ex dictis. Prima patet, quia debitum ex iustitia, & debitum ex fidelitate distinguuntur. Atqui obligatio promissionis est fidelitatis, ut passim conceditur: ergo non iustitiæ. Maior patet ex communi modo loquendi DD. qui solent dicere, deberi quippiam ex fidelitate, non ex iustitia. Sic Oeconomus, & omnis qui officium aliquod nomine alterius administrat, dicitur ad quædam teneri ex fidelitate, & non iniustitia.

10. Quæres. Quomodo debitum fidelitatis distinguatur à debito iustitiæ. Respondeo. Debitum fidelitatis, quod ex liberali promissione oritur, est multò imperfectius quam debitum iustitiæ, quod oritur ex contractu, vel ratione damni dati. *Primò*, quia promissio solum tribuit ius ad rem, & remotum. *Secundò*, potest multis modis reuocari. *Tertiò*, pendet ex liberalitate promittentis, & non rependitur æquivalens. *Quartò*, non astringit, ut si violes tenearis ad compensationem lucri cessantis. *Quintò*, non necessariò respicit eum, qui est sui iuris, ut patet in promissione domini ad servum, patris ad filium, & Dei ad hominem. *Sextò*, non impedit, quo minus res promissa dicatur postea gratis dari. Debitum autem iustitiæ longè maius est: si non solvatur, obligat ad compensationem lucri cessantis, & solum est ad eum, qui est sui iuris, & impedit donationem gratuitam: sunt ergo distincta hæc debita; & consequenter iustitia, & fidelitas sunt virtutes distinctæ.

21. Quarta Conclusio. Promissio seriò facta, animo promittendi, in re magni momenti, ubi acceptata fuerit, obligat sub peccato mortali ad sui impletionem. Ita Nauarr. c. 19. num. 6. Sorus l. 7. quæst. 2.

art. 1. ad 1. Anton. 2. p. tit. 10. c. §. 4. & videtur esse communis Canonist. apud Couarr. in c. *Quamuis patrum* §. 4. Ratio sumitur ex dictis, quia omnis obligatio iustitiæ ex genere suo est sub mortali. Sed promissio obligat, vel ex iustitia, iuxta secundam conclusionem, vel ex fidelitate, quæ est affinis iustitiæ, iuxta tertiam conclusionem: ergo obligat sub mortali, præsertim in re magni momenti.

12. Quinta Conclusio. Si quis utatur verbis promissoriis; non tamen animo serio promittendi, sed tantum ad significandum firmum propositum, vel ad firmitus asseuerandum, ut ei credatur, non obligatur sub peccato mortali ad implendum, nisi forte ratione damni inde securi. Ratio, quia talis non obligatur, nisi lege virtutis, qua tenetur dicta sua efficere vera, & cauere, ne dixerit falsum. Atqui ad hoc non obligatur sub mortali, ut est communis sententia. Hoc modo multorum promissiones, qui leuiter solent multa promittere, sunt intelligendæ: non enim mens est illorum se serio obligare, aut tribuere aliis ius exigendi; sed tantum firmiter asserere. Idem dicendum de iis qui non intendunt se obligare absolute, sed sub hac conditione, nisi fuerit incommodum aliquod, vel nisi aliquid melius occurrerit.

QUEST. 12. *An promissioni, vel donationi, iam acceptata, possit apponi aliquod onus?*

1. Prima Conclusio. Ante acceptionem promissionis, vel donationis, potest onus imponi, ut si dem tibi domum, vel agrum sine onere, priusquam acceptes, possum imponere onus, ut mihi tenearis inde soluere aliquam pensuunculam annuam. Ratio est, quia tota potest reuocari: ergo multo magis onus apponi.

2. Secunda Conclusio. Post acceptionem non potest vllum onus imponi, sine consensu promiss-

tertij. Ita Couarr. l. 1. *variar. resolutio. c. 14. num. 1.* Ratio est, quia iam consecutus est ius ad rem sine onere: ergo sine onere est ei debita.

4. Tertia Conclusio. Si acceptes donationem, cum onere in fauorem tertij appposito, ille tertius hoc ipso acquirit ius, vt illud onus ei præstes, quod onus transir ad ipsius hæredes. Est tamen hoc ius reuocabile à donatore, vsque ad tempus, quo onus est implendum, nisi fuerit & tertio acceptatum. Ita Couarr. numero 3. & 11. Prior pars colligitur ex l. *Quoties c. de donatione sub modo.* Posterior ex l. *cum qui, ff. Qui sine manumissione ad libertatem peruenerint*; vbi dicitur in potestate venditoris esse, qui grauamen in fauorem tertij apposuit, illud reuocare ante tempus, quo erat implendum. Sed dubium est, an sit reuocabile à donatore, priusquam tempus aduenit; verbi gratia, dedi tibi domum cum onere vt prius quinquennio cedas eam Petro. Transactum est quinquennium, nondum cessisti, nec Petro quicquam est significatum: an possim te hoc onere liberare, vel domum meam repetere, vt mihi seruem? Negat Iulius Clarus §. *dono*, quæstio. 13. numero 5. & multi alij, quos citat. Et videtur colligi ex l. *Quoties c. de donationibus sub modo.* Vbi colligitur ius vetus, quo post tempus elapsam, si onus appositum in fauorem tertij non erat præstitum à donatario, concedebatur, vt à donatore & hæredibus eius posset reuocari. Contrarium tenet Couarr. numero 13. & Barthol. in l. *Qui Roma, de verborum oblig.* Ratio, quia donatio ante acceptationem non est valida: ergo cum tertius ille non acceptauerit eam, per se, vel per alium, poterit reuocari. Nec obstat L. *Quoties*, quia ad eius interpretationem satis est, vt hæredes donatoris non possit eam reuocare, & vt illi tertio competat actio in donatariū, volente donatore: non autem nolente, & reuocante

onus

onus impositum. Nota tamen si tertius ille, in cuius fauorem onus impositum est donationi, sit ciuitas, vel pia causa statim ac fuerit acceptata à donatario, acquirit ius irreuocabile, & actionem in rem donatam. *L. vt. inter. C. de sacrosanctis Ecclesiis.*

9. *Quæres primò.* Quare à donatore possit reuocari onus, & non ab hæredibus? Respondeo. Quia eius est reuocare, qui donationem liberè fecit. Vnde mortuo donatore onus impositum fit irreuocabile.

5. *Quæres Secundò.* An viuo donatore non possit fieri irreuocabile? Respondeo, potest in duobus casibus. *Primò*, quando impositum est in fauorem ciuitatis, vel piæ causæ, vt dixi. *Secundò*, quando cœptum est impleri, quia tunc censetur tertius accepisse.

QVÆST. XIII. *Quibus casibus Promissio acceptata, & ante valida, desinat obligare?*

1. **P**rima Conclusio. Probabile est tunc desinere obligare, quando ita mutatur status rerum, vel personarum, vt si promissor hanc mutationem primò cogitasset, promittere vel donare noluiisset. Hanc regulam tradit Nauarr. *c. 18. num. 7.* & quidam alij. Et in multis casibus est idonea; præsertim, quando promissio, vel donatio, facta est homini: quando autem Deo facta est, sæpè habet difficultatem. Multi enim vouent castitatem, vel Religionis ingressum, non præcogitantes difficultates obuenturas, quas si præuidissent, noluiissent promittere, vt ipsimet testantur: & tamen omnium iudicio manent obligati: debebant enim omnia hæc præcogitare; ac proinde, si non fecerint, ipsis imputandum est.

2. Secunda Conclusio. Facilior est hæc Regula, si dicamus Promissionem desinere obligare. *Primò*, quando res promissa sit illicita, vel inutilis, vel impossibilis; vt est communis sententia. *Secundò*, si

status rerum, & personarum, ita mutetur, ut promissor; secundum iudicium prudentum, non videatur illum euentum voluisse comprehendere. Confirmatur, quia lex, quæ absolute lata est, non obligat in iis casibus, quos legislator, expressè, vel interpretatiuè, voluit exceptos. Atqui promissio est lex quædam particularis, quam sibi quis sponte imponit: ergo non obligat in iis casibus, quos expressè, vel tacitè, ex prudentum interpretatione censetur excepisse, ut verbi gratia, si promisti operam tuam alteri, certo tempore, & filius tuus eodem tempore in morbum incidat, ut non possis eum deferere, non teneris præstare promissum, Nec refert, etiam si iuramento promissionem confirmaueris, quia iuramentum non dat vim promissioni, nisi secundum eam mentem, qua promissio censetur facta; etiam in donationibus non respectiuis, ut si nunc promittam tibi, tu mihi post medium annum, non respectu huius meæ donationis, tu si non stes promissis, nec ego stabo. *Quarto.* Quando aliquid promissum est ob causam, quæ non subest, ut si promiseris Petro aliquid, eò quòd putes accepisse te ab ipso aliquod beneficium, cum non acceperis, tuoc enim non teneris implere.

QVÆST. XIV. *Qui possint donare, qui non possint?*

Prima Conclusio. Communis regula est, illos solos posse liberè donare, qui habent dominium, & administrationem, & facultatem alienandi. Nam qui tantum habent dominium, non possunt donare; quia donatio pertinet ad regimen, & administrationem bonorum: qui tantum administrationem, non possunt nisi secundum mentem domini, vel in eius commodum. Qui careant facultate alienandi, non possunt nisi prout ius, vel superior, id eis permittit.

2. Secunda Conclusio. In particulari loquendo non possunt liberè donare, *Primò*, carentes usu rationis
Secundò,

Secundò, Impuberes. *Tertiò*, Filij familias, etiam si puberes sint. *Quartò*, Minorennes qui subsunt procuratori. *Quintò*, prodigi, qui à magistratu positi sunt sub curatore. *Sextò*, vxor. *Septimò*, Ecclesiastici, quoad superflua bonorum Ecclesiasticorum. *Octauò*, Religiosi. Ratio patet ex suprà dicta regula.

QVÆST. XV. *An donatio inter coniuges sit valida?*

1. **P**rima Conclusio. Donationes coniugum inter se iure communi sunt inualidæ; ita vt ad arbitrium donantis sint reuocabiles. Est communis sententia DD. ex L. *cum hic status C. de donationibus inter virum & uxorem*. Hoc idem iure statutum est, ne coniuges mutuo amore se bonis spoliarent.

2. Secunda Conclusio. Hæ donationes duobus modis confirmantur. *Primò*, iuramento, vt si coniux iuret se eas non reuocaturum. *Secundò*, morte donantis, modo hæc præcedat mortem donatarij: sicut legatum, & donatum causa mortis, confirmatur morte vt patet ex l. *cit.* Vt tamen morte confirmetur, requiritur, vt res ante mortem fuerit aliquo modo tradita, ita vt donatarius eius possessionem aliqua ratione acceperit, vt docet Couarr. Rubric. *de testam.* pag. 3. num. 3.

3. Tertia Conclusio. Sunt tamen quidam casus, quibus hæ donationes statim valent, neque expectanda est mors donatoris. *Primus* est, si Imperator det Imperatrici; vel contra, l. 26. c. *de donat. inter virum & uxorem*. *Secundus*, si coniux coniugi det ad institutionem ædium succensarium, l. 14. ff. *eod. tit.* *Tertius*, si donans ex donatione non sit pauperior, id est, si nihil ei detrahatur ex bonis, vel iuribus iam quæsitis; vt si maritus repudiet hæreditatem, & perueniat ad vxorem, statim valet, l. *Si sponsus*. ff. *eod. tit.* *Quartus*, si donatarius non fiat ditior, vt si maritus det vxori ad dandas elemosynas, vel ad fucos, & vngueta l. 7. ff. *eod. tit.* *Quintus*

si alter det alteri, ut aliquam dignitatem consequatur, v.g. ut fiat Doctor, vel Consul. l. *quod adipiscenda ff. eod. tit.* Sextus, si fiat causa retributionis, ut si maritus senex donet uxori iuveni; vel ignobilis, nobili; quia potius est remuneratio, quam simplex donatio, ut colligitur ex l. *quod autem, ff. eod. tit.*

QV. XVI. *An donatio inter liberos & parentes sit valida*

1. Prima Conclusio. Donatio patris in filium nondum emancipatum est inualida, ita ut pro arbitrio patris reuocari possit, l. 2. 6. *de inofficiosis donationibus*, & l. *cum de bonis C. de donationibus*. Ratio est, quia quamdiu filius est sub potestate patris, censetur quasi una persona civilis cum patre, & ita pater videtur sibi donare. Hinc sequitur, donationem matris in filium esse validam, quia filius non est in potestate matris sed patris.

2. Secunda Conclusio. Donatio patris in filium nondum emancipatum duobus modis confirmatur. *Primò*, iuramento. *Secundò*, morte donantis, si res ante fuerit tradita, ut dictum est de donatione inter coniuges.

3. Tertia Conclusio. Sunt tamen aliqui casus, quibus donatio patris in filium nondum emancipatum statim valet. *Primò*, si aliquid det in dotem, vel ad matrimonium. *Secundò*, si det bona mobilia proficiscenti ad bellum. *Tertiò*, si professuro aliquam disciplinam det libros. Hæc enim duo genera efficiuntur statim castrensia bona. *Quartò*, si vsumfructum, quem habet in bonis aduentitijs filij, condonet filio. *Quintò*, si aliquid det in remuneratione obsequiorum. Denique in omnibus penè casibus in quibus donatio inter coniuges statim valet, etiam valet donatio patris in filium, teste Nauarr. c. 17. num. 147. Vide etiam Sylvest. v. *Donatio* 11. quæst. 7. Nota tamen in his omnibus, si donatio excedat illam quantitatem, de qua parens potest disponere,

disponere, eam secundum hunc excessum reuocari, ne legitima parti reliquarum prolium officiat.

Q V Æ S T. 17. *Quantum possit quis validè donare.*

1. **P**rima Conclusio. Donatio, qua quis donat alicui omnia sua bona, tam futura, quàm præsentia, iure communi est inualida. Est communis sententia ex *L. stipulatio hoc modo ff. de verb. oblig.* Vt docet *Cou. l. 3. variar. resol. cap. 12. n. 4.* Ratio est, quia per hanc donationem aufert sibi homo potestatem liberè testandi, quod leges improbant tanquam contra bonos mores, quos in Repub. bene cõstituta esse decet. Hinc sequitur validam fore donationem. *Primò*, si donator det alicui præsentia omnia, non autem futura. *Secundò*, si reseruet sibi aliquid ex suis bonis, vel saltem vsumfructum. *Tertiò*, si donet omnia præsentia, & futura, donatione causa mortis, sicut sæpè fit inter coniuges, cùm paciscuntur, vt superstes habeat omnia. Ratio est, quia donator in his casibus non aufert sibi potestatem liberè testandi. De primo & secundo constat. De tertio probatur, quia qui donat omnia sua bona, donatione causa mortis, potest alium hæredem instituere, non obstante tali donatione, qui etsi teneatur postea donatario dare, iuxta conuenta in donatione, potest tamen detrahere falcidiam, id est, quartam partem, eamque sibi reseruare. Vide Iulium Clarum *quest. 19.* & Couarr. *loc. cit.*

2. Secunda Conclusio. Sunt tamen duo casus, in quibus donatio inter viuos omnium bonorum præsentium & futurorum valet. Prior est, si fiat Ecclesiæ, vel in aliquam piam causam. Ita Clarus *quest. 20. num. 3.* & Couarr. rubricæ *de testam. p. 2. num. 13.* Et ratio est, quia talis donatio non potest censeri contra bonos mores: si enim possum personam meam tradere Ecclesiæ, vel Monasterio, cur non etiam omnia bona? Posterior est, si iuramento confirmetur. Ita Couarr.

num. 4. etsi plerique Iurisperiti contrà sentiant. Ratio illorum est, quia iuramentum contra bonos mores non est obligatorium, ut habet § 8. Regula iuris in 6. sed donatio omnium bonorum est contra bonos mores: ergo. Hæc tamen ratio non concludit, quia regula iuris loquitur de iuramento, quod est contra bonos mores naturales: non autem civiles, ut suprà *quest.* 4. *concl.* 3.

3. Tertia Conclusio. Potest quis validè donare usque ad 500. solidos: ultra verò hanc summam donatio est inualida quoad excessum, nisi fiat cum insinuatione. Habetur expressè *L. penult. C. de donationibus* sub finem. Quod idè statutum est, ne homines, metu, vel fraude, vel inconsulta temeritate impulsæ, se donationibus exhaurirent. Quanti sint 500. solidi, vide *Iul. Clarum quest.* 15. *num.* 1. Insinuatio hæc est simplex suæ mentis declaratio, qua quis declarat Iudici se liberè donare huic tantum, vel tantum. Nec requiritur causæ cognitio, vel facultas à Iudice: sed sufficit eius, præsentia, ut docet *Clarus num.* 5. Iudicis autem est inquirere: An donatio sit omninò libera, an coacta. Hinc sequitur *primò*, si quis donet pluribus, & excedat prædictam summam, donationem quoad excessum esse inualidam, modo illa donatio simul & vno quasi animi impetu fiat. Detrahendū autem tūc singulis secundum proportionem: si tamen diuersis temporibus, animique motibus fiat, erit valida, patet in *L. sancimus C. de donationibus*. *Secundò*, sequitur, si quis debitū aliquod liquidum hanc summam excedens, remittat, inualidam esse remissionem: quia remissio est instar donationis. Ita *Clarus q.* 16. *num.* 2. Non tamen eum, cui ultra hanc summam donatum est, posse retinere, nisi à donatore, vel eius hæredibus repetatur. Quia leges non intendūt obligare donatarios, ut sponte restituāt, sed ut restituāt, si donator, vel eius hæredes velint. Non enim redeunt dona

donatarium inhabilem, sed tribuu et donatori potestatem pro arbitrio repetendi. Quamdiu ergo non repetit, potest alter retinere.

4. Quarta Conclusio. Excipiuntur tamen aliqui casus, quibus donatio absque insinuatione est valida, etiamsi 500. solidos excedat. *Primò*, si iuramento confirmetur. *Secundò*, si fiat ad redemptionem captiuorum. *Tertiò*, si ad reparationem ædium, incendio, vel ruina destructarum. *Quariò*, si magister militum det militi mobilia, quamuis ea magni sint pretij. *Quintò*, si donatio sit remuneratoria obsequiorum, & beneficiorum. *Sextò*, si quis renuntiét bonis, vel iuribus speratis, nondum obtentis. *Septimò*, si quis det Ecclesiæ, vel ad piam causam: Hæ exceptiones partim habentur *L.vlt.C.de donat.* partim apud Iulium Clarum *quest. 16. 17. 18.*

Q V Æ S T. 18. *Quibus casibus donatio inter viuos possit reuocari.*

1. **D**Vplex est donatio: altera inter viuos: altera mortis causa. Donatio inter viuos est, cum quis sic donat, ut etiam se viuo velit rem absolute esse alterius. Donatio mortis causa est, cum sic donat, ut rem non velit absolute & irreuocabiliter esse alterius, nisi post suam mortem, ut si dicam: Dono tibi hanc rem post mortem meam, vel cum moriar, vel quia nunc timeo mori. Vide Sylu. v. *donatio 1. num. 1.*

2. Prima Conclusio. Donatio inter viuos, etiamsi sit acceptata, & res sit tradita, generatim triplici ex causa potest reuocari. *Primò*, ob ingratitudinem donatarij. *Secundò*, ob prolem susceptam. *Tertiò*, si sit inofficiosa. Vide Iul. Clarum *quest. 2 1. n. 1.* Et Gomez *tract. 2. cap. 4. num. 1.*

3. Secunda Conclusio. Ratione ingratitudinis reuocatur in quinque casibus *L. finali C. de reuocandis donat.* *Primus* est, si donatarius atroces iniurias in do-

natores effuderit. *Secundus*, si manus impias intulerit. *Tertius*, si iacturam non leuem bonis eius attulerit. *Quartus*, si periculum vitæ ei creauerit. *Quintus*, si conditionem donationi appositam non impleuerit. His addunt doctores sextum, si inopia pressum non aluerit. Quod est notandum pro simplicibus, qui omnia donant suis liberis, & postea negliguntur, vt rectè Sylu. *supra num. 17. Clarus num. 3. Gomez num. 4.*

4. Notanda tamen hæc sunt tria. *Primum*, hæc non habete locum quando donatio est ob causam; vt propter obsequia, quæ eam merebantur: neque in donatione facta Ecclesiæ, vel monasterio; quia censetur facta Deo & ob grauem causam. *Secundum*, donatarium non teneri ad restitutionem ante sententiam, quia est pena, vt colligitur ex *L. cit.* Vnde debet interponi querela & ingratitudo probari: si tamen res nondum sit tradita, potest non tradere, & potentem exceptione ingratitudinis repellere. Cui enim datur repetitio post traditionem, seu solutionem, datur etiam exceptio ante traditionem, vt non teneatur soluere, vt dicam *infra in materia de contractibus*. Quod si donatarius re tradita per iniuriam impediatur querelam, potest donator via compensationis occultè sibi consulere, quia per iniuriam patitur damnum. *Tertium*, si donator non reuocauit in vita propter causam ingratitudinis, nec hæredes eius posse reuocare, vt expressè habetur *L. finali. C. de reuocandis donationibus*. Quod intellige, nisi fortè donator per ignorantiam ingratitudinis in se commisit eam non reuocauerit: tunc enim hæredes eam reuocare possunt, teste Syluest. num. 18.

5. Tertia Conclusio. Ratione proles susceptæ potest etiam reuocari donatio, vt si quis prole carens magnam partem bonorum suorum donauit, & postea nascatur ei proles. *L. si unquam, C. de reuocan. donat.* Ratio est, quia præsumitur fuisse facta sub tacita conditione,

trione, nisi nascerentur ei liberi. Et quidem si facta sit donatio extraneo, reuocatur tota : si facta sit alicui ascendentium, ut patri, vel auo, reuocatur solum quoad legitimas filiorum postea susceptorum, iuxta Gomez num. 14. Sunt etiam hic tria notanda. *Primum*, donatarium non teneri ad restitutionem, donec donatum repetatur. *Secundum*, si donator expressè, & in specie renunciet privilegio, *L. si unquam*, dum donat, non posse reuocare dum viuit, etiamsi nascantur ei liberi : poterunt tamen liberi post eius mortem reuocare, quatenus donatio eis fuit inofficiosa, id est quatenus legitimam eorum læsit. Quia renuntiatio patris non potest tollere ius filiorum, quod post mortem patris habent ad suas legitimas. *Tertium*, si iurauit se non reuocaturum donationem, nihilominus potest reuocare suscepta prole. Ratio est, quia hoc iuramentum non excludit tacitam conditionem, quæ ex iuris dispositione inest tali donationi : si tamen ille expressè excluderet illam conditionem, velletque donationem valere, etiamsi filij nascerentur, eamque iuramento confirmaret non posset eam reuocare. Vide Iulium Clarum *quest. 22. 23.*

6. Quarta Conclusio. Postremò reuocatur donatio, si sit inofficiosa ; id est, si sit contra officium pietatis paternæ in filios, quod tunc fit, quando pater tantum donat, ut filij priuentur sua portione legitima, *L. 1. & seqq. C. de inofficiosis donationibus*. Ac *Primò*, si facta est alicui ex filiis, reuocatur solum vsque ad legitimam aliorum *L. 5. & 8. C. eod. tit.* *Secundò*, si facta est extraneo, animo fraudandi liberos, reuocatur tota : si autem eo animo non est facta, reuocatur solum quoad legitimas filiorum, teste Couarr. *l. 1. variarum resolutionum, c. 19.* Hic duo notanda sunt *primum*, donationem inofficiosam quam parens liberos habens fecit, non reuocari, nisi post mortem parentis. Nam tunc primo debetur filijs sua legitima, ac tum primum incipit illa donatio cedere

cedere in filiorum præiudicium. *Secundum*, donationem inofficiosam, etsi valida sit, usque ad mortem donantis, tamen non fieri sine peccato: quia fit in damnum liberorum, quod post mortem donantis sentient. Unde, etsi quis promittat aliquid inofficiose, & promissionem iuramento confirmet; non tamen tenetur implere, quia sine peccato implere non potest, ut colligitur ex multis iuribus c. *de inofficiosis donationibus*.

QVÆST. XIX. *Quibus casibus donatio mortis causa reuocari possit.*

Conclusio. Donatio quæ mortis causa facta est, potest reuocari ob tres causas. *Primò*, si pœniteat donatorem: sicut enim testamentum & legatum pro arbitrio testatoris usque ad mortem reuocari potest: ita etiam donatio, quæ mortis causa fit; nec refert, an expressè pœniteat, an implicite ut colligitur ex L. *Qui mortis causa*, ff. *de mortis causa donation.* *Secundò*, si donator dedit intuitu alicuius periculi instantis, ex quo metuit mortem incurrere. Nam hoc ipso, quod periculum euaserit, censetur tacite reuocata donatio, L. 3. & seqq. *eod. tit.* *Tertiò*, si donatarius moriatur ante donationem, ipso iure est reuocata.

QV. XX. *An donatio vel promissio cōditionalis sit valida.*

I. Prima Conclusio. Condicio præsentis, vel præteriti, addita donationi, vel alicui alteri contractui non suspendit eam: sed, si conditio existit, valet donatio: si non existit, non valet. Ut, do tibi hanc vestem, si Romæ fuisti; si es meus cognatus. Ita habetur L. *cum ad præsens*, & duabus seqq. ff. *si certum petatur*, & L. *conditio in præteritum*, ff. *de verb. oblig.* Idem dicendum si conditio est de eo, quod necessario vel omnino certò futurum est, ut, v.g. do tibi hoc, si es moriturus, si iudicium est futurum, L. *si pupillus*, ff. *de nominationibus*. Ratio est, quia quod certò est futurum, censetur quasi præsens.

2. Secunda Conclusio. Condicio futuri incerti suspendit donationem, & alias dispositiones, usque ad euentum conditionis, vt v. g. Promitto tibi 100. aureos, si fias sacerdos. Ratio est, quia ante euentum conditionis, non potest certo constare, an extabit: vnde qui ita donat, non interdit, vt donatum fiat donatarij, nisi condicio euenerit.

3. Tertia Conclusio. Condicio impossibilis non suspendit, sed irritam reddit donationem, & quemuis alium contractum, excepto contractu matrimonij, & dispositione vltimæ voluntatis, de quibus paulo post. Ita Gomez tract. de legat. cap. 12. num. 67. Et colligitur ex L. impossibiles, ff. de verb. obligat. & l. non solum, ff. de actionibus & obligationibus. Vbi etiam ratio insinuat, quia omnium ea cogitatio est, vt nihil agi existiment, apposita ea conditione, quam sciunt esse impossibilem.

4. Quinta Conclusio. Condicio dupliciter dicitur impossibilis, nempe re ipsa, & iure. Re ipsa impossibilis est, quæ fieri nequit, siue id ex natura rei proueniat, vt si lunam detraxeris; siue ex impotentia illius, cui imponitur, vt si dederis mihi 1000. aureos, cum sis pauper. Iure impossibilis dicitur, quæ stante, & inuiolato iure, fieri nequit, vt est omnis conditio turpis, quæ peccatum continet. Item, quæ nihil boni in se continet, & alicui bono est impedimento, vt si non dederis elemosynam.

5. Quinta Conclusio. Si conditio priori modo sit impossibilis, irritum reddit contractum, siue sit de futuro, siue de præseenti, vel præterito. Ratio est; quia talis conditio est signum non adesse serium consensum in contractu. Si autem posteriori modo sit impossibilis, non irritat contractum, nisi sit conditio de futuro. Ratio est, quia, quando est de futuro, obstringit, vel allicit alterum directè ad peccatum. Atqui nemo potest obligari

obligari ad seruandam promissionem, qua alius obstringatur, vel alliciatur ad peccatum. Itaque ante conditionem impletam omnes eiusmodi donationes & promissiones sunt inuálidæ: impleta tamen conditione obligant, quia non amplius ad peccatum obstringunt. *Vide quæ supra dicta sunt quest. 3.*

6. Sexta Conclusio. Quamuis conditio impossibilis reddat irritam promissionem, & alios contractus, ut dictum est. Excipitur tamen *Primò*, contractus matrimonij propter *cap. fin. de conditionibus apposis.* *Extra.* Vbi Gregorius I X. statuit conditionem impossibilem, & turpem, contractui matrimonij adiectam, debere propter eius fauorem pro non adiecta haberi, ac proinde non irritare contractum, exceptis iis conditionibus, quæ sunt contra substantiam matrimonij. De hac re latius agitur in materia de matrimonio. *Secundò*. Excipitur dispositio ultimæ voluntatis. Nam conditio impossibilis, vel turpis apposita, non reddit eam irritam, sed habetur pro non adiecta, ut constat L. 1. 4. 6. 8. 9. ff. *de conditionibus institutionum*, & instit. *de hered. institutione* §. *impossibilis*.

7. Nota hanc posteriorem exceptionem habere locum in utroquo foro: priorem verò in foro tantum externo, non autem in foro conscientiæ. Ratio est, quia Ius humanum non potest supplere consensum in matrimonio, eò quod in matrimonio quisque sit sui iuris, nec vlla potestas humana possit alteri dare facultatem mei corporis, ad usum matrimonij, sine meo consensu: potest autem supplere consensum in ultimis voluntatibus, quia res externæ subsunt dispositioni iuris humani.

C A P. V T. VII.

De translatione domini per ultimam voluntatem.

PER ultimam voluntatem intelligitur *Primò*. Testamentum. *Secundò*, Codicillus. *Tertiò*. Legatum. *Quartò*. Fideicommissum. *Quintò*. Donatio causâ mortis.

ris. Hic potissimum agimus de testamento.

QVÆST. I. Quid sit testamentum.

1. Prima Conclusio. Si vum nominis spectemus, testamentum dictum est quasi mentis testatio, ut habetur instit. de testam. §. 1. Alij vocant testamentum, quasi testamen, seu proprium testatoris de vltima sua voluntate testimonium, ut Gellius, Valla. Vide Covarr. in Rubric. de testamen, p. 1.

2. Secunda Conclusio. Quod ad rem, attinet definitur ab Vlp. l. 1. ff. de testam. Testamentum est voluntatis nostræ iusta sententia, de eo quod quis post mortem suam fieri vult: sed quia definitio hæc conuenit etiam alijs vltimis voluntatibus, nempe codicillo, legato, fideicommisso, & donationi causâ mortis. Ideò D. D. addunt hanc particulam: cum directâ hæredis institutione. Nam per hanc particulam distinguitur ab alijs vltimis voluntatibus, quia nullæ ex illis continent directam hæredis institutionem, nisi fortè ex priuilegio, ut dicam paulò post de codicillo militari. Vnde propriè loquendo: Testamentum est hæredis institutio. Vide instit. de legat. §. ante hæredis institutionem. Et instit. de fideicommissis, §. in primis, & l. vlt. ff. de codicillis, vbi habentur hæc verba: Testamenta vim ex hæredis institutione accipiunt, & ob id veluti caput, ac fundamentum intelligitur totius testamenti hæredis institutio. Hoc olim tam rigidè seruabatur, ut si legatum aliquod, vel fideicommissum præcederet in testamento hæredis institutionem, non esset ratum, & ea solum vim obtinerent, quæ post hæredis institutionem in eo testamento disponebantur. Hic tamen vigor sublatu est à Iustin. instit. de legat. §. ante hæredis institut. Vbi sancitur, ut omnia sint valida, quæ in testamento disponuntur, siue præcedant hæredis institutionem, siue sequantur.

3. Tertia Conclusio. Testamentum differt à codicillo dupliciter, primò, directâ hæredis institutione.

Nam codicillus non fit ad instituendum hæredem, (nisi interdum ex privilegio, quale concessum est militi, vt patet *L. Milites codicillis, ff. de testamento militis.*) sed fit ad legata instituenda, ad fideicommissarias, seu indirectas substitutiones, & ad declarandum, immutandum, corrigendum ve aliquid in testamento. Hinc patet, cur dixerim, *directa hæredis institutione*. Nam indirecta institutio hæredis potest fieri codicillo; vt si testator in codicillo fieri committat hæredi ab intestato, vel in testamento instituto, vt hæreditatem alicui alteri restituat, qui eo ipso tenebitur eam restituere, reseruando sibi solam quartam partem hæreditatis, quam Trebellianicam appellant, vt patet institut. *de fideicommissaria hereditate*, §. *sed quia hæres*. *Secundo*. Differt, quod in codicillo sufficiant quinque testes, etiamsi non sint rogati, masculi, & puberes, vt ex seq. patebit. Hinc fit, vt clausula codicillaris testamento addita, qua significat testator, se velle suam dispositionem valere, per modum vel testamenti, vel codicilli, vel generatim se velle eam valere meliori modo, quò potest, eam vim habeat, vt etiamsi testamentum ob defectum solemnitatis non valeat, qua testamentum, id est, quoad institutionem hæredis directam; valeat tamen qua codicillus. Vnde efficitur *primò*, vt legata tali testamento relicta sint soluenda. *Secundo*. Si testator, non habens liberos, instituat extraneum hæredem: institutio illa habebit vim substitutionis fideicommissariæ Nam frater, vel alius, qui ab intestato succedit, tenebitur illi tradere hæreditatem, retenta solum quarta parte. *Tertiò*. Si verò habeat liberos, illi habebunt solum legitimam: extraneus verò sic institutus habebit reliqua. Vide *Molin. disp. 132.*

QVÆST. 2. An testamentum factum ad piam causam sit validum, si desint solemnitates iuris?

1. **I**us civile requirit has solemnitates in testamento.

Primò ut adsint 7. testes. *Secundò*. Ut omnes sint masculi. *Tertiò*. Ut puberes. *Quartò*. Ut rogati, *Quintò*. Ut omnes subscripserint, ut patet L. *Hac consultiissima. C. de testamento.* Est ergo quæstio: An testamentum factum ad piam causam sit validum, si desint omnes, vel aliquæ ex his solemnitatibus. Dicitur autem factum ad piam causam, quando hæres instituitur pia causa, ut Ecclesiæ, Monasterium, Pauperes.

2. **P**rima Conclusio. Ut testamentum ad pias causas sit validum, etiam in foro externo, non requiruntur solemnitates iuris civilis, sed sufficiunt ea, quæ sunt iuris gentium. Nempe, ut duo testes adsint. Ita Couarr. c. 11. de testam. n. 9. & apertè colligitur ex c. *Relatum primo, de testamentis*; ubi Alexander III. mandat, ut Iudex non secundum leges civiles, sed secundum canones tractet eas causas, quibus agitur de iis, quæ relicta sunt Ecclesiis, duobus vel tribus tantum legitimis testibus requisitis. Neque requiritur præsentia Parochi, ut quidam volunt. Nam pontifex dicit non nisi duos legitimos testes requirendos. Potuit autem Pontifex in hac re derogare legibus civilibus.

3. **S**ecunda Conclusio. Ut tale testamentum sit validum in foro conscientie, non sunt necessarij duo testes. Ratio est, quia neque iure civili, neque iure canonico sunt necessarij. Non primum, quia nulla solemnitas iuris civilis requiritur in testamento ad piam causam, ut iam probatum est. Nec secundum, quia licet Ius Canonicum requirat duos testes; non tamen ideo requiritur, ut dispositio sit valida in foro conscientie; sed ut possit probari in foro externo, quantum satis est, ut Iudex pro ea sententiam ferat, ut colligitur ex cit. cap. *Relatum*. Hinc sequitur. *Primò*, in tali,

testamento, vt validum sit, non requiri hæredis institutionem. Ratio est, quia nec necessaria tantum est iure civili, sed vt testamentum ad pias causas validum sit, nihil requiritur solo iure civili, introductum. *Secundo.* Sequitur, etsi testamentum aliquod ad causas profanas defectu solemnitatis sit inualidum, tamen legata pia in eo contenta valida esse. Ratio est, quia Alex. Papa c. *cir.* loquitur generatim de omnibus ad piam causam relictis: ergo etiam comprehendit legata. *Tertio* sequitur legata profana, posita in testamento ad pias causas minus solemniter, valere, & soluenda esse. Ratio, quia solemnitas quæ sufficit ad institutionem hæredis, sufficit etiam ad legata illi apposita: accessorium enim sequitur naturam principalis.

Q V Æ S T. 3. *An testamentum factum ad causam profanam, sit validum sine solemnitate iuris?*

1. **C**onstat non esse validum in foro externo. Quæritur ergo de foro conscientie Couarr. c. 10. de *testament. numer.* 12. docet in utroque foro esse inualidum, ita, vt hæres tali testamento institutus, & legatarius, teneatur ad restitutionem hæredibus ab intestato.

2. **Prima Conclusio.** Probabilius est tale testamentum in foro conscientie validum esse, ac proinde licite retineri quicquid ex tali testamento possidetur, siue titulo hæreditatis, siue legati. Ita Adrian. *quodl.* 6. art. 1. Angelus v. *Hæres num.* 5. Tabiena ibid. *numer.* 4. Syluest. v. *testam.* 1. q. 5. Ioannes Medina, de *Restitutione* q. 23. Et aperte colligitur ex L. *Et si inutiliter C. de fideicommissis.* Et institutione *de fideicommissariis hereditatibus*, §. *ultima.* Ratio est, quia ex testamento minus solemniter oritur obligatio naturalis, vt est communis sententia D D. V. L. Et fatetur Couarr. n. 10. Atqui hoc nihil aliud est quam tale testamentum in foro conscientie esse validum. Ita vt hæres ab intestato teneatur eis
satis

fatisfacere, & institutus possit relictum petere, & retinere, quamuis Ius civile ex eo non concedat actionem. Respondet Couarr. illam sententiam Iurisperitorum intelligendam esse de obligatione naturali non stricta, ratione cuius hæres ab intestato teneatur ex iustitia, sed laxa, qua teneatur solum ex honestate morali, ac proinde eum qui sic institutus est, non posse retinere hæreditatem, vel legatum, quia non habet Ius iustitiæ. Hæc responsio non satisfacit. *Primò*. Quia obligatio naturalis apud Iuristas vocatur ea, quæ præciso omni iure positivo oritur ex natura actus, & à iure positivo superueniente non irritatur; sed præciso iure positivo oritur obligatio iustitiæ ex tali testamento: ergo loquitur de obligatione iustitiæ. *Secundò*, quia Iurisperiti ex hac sententia concludunt hæredem ab intestato teneri in foro conscientiæ restituere hæreditatem ei, qui sic institutus est: ergo loquuntur de obligatione stricta. Confirmatur Conclusio, quia numerus testium, & similes solemnitates, solum requiruntur in testamētis, ut fidem faciant in foro externo, seu ut falsitas, & omnis deceptio euitetur, ut expressè dicitur L. *Questionum C. de fidei commissis*: ergo non fuit mens legislatorum reddere irrita talia testamenta in foro conscientiæ, sed tantum in foro externo non assistere, seu non dare actionem, sicut non dant actionem ex nuda promissione, nisi formulā stipulationis, vel simili modo sit præstita.

3. *Secunda Conclusio*. Ex his sequitur *Primò*. Hæredem ab intestato, si sciat voluntatem defuncti, teneri restituere hæreditatem, & solvere legatariis, quibus testamento minus solemniter debentur. *Secundò*. Si dubius sit de voluntate testatoris, debet cum illis componere ratione dubij. Ita Molina disput. 81. Ratio est, quia cum nec ipse, nec alij cœperint adhuc possidere bona fide, in dubio par est eorum conditio. *Tertiò*. Si hæres ab intestato retineat hæreditatem, & legata,

possunt illi quibus aliquid per tale testamentum est relictum, uti occulta compensatione. Ratio est, quia reuera res relicta sunt ipsorum. *Quartò*, Si hæres ab intestato fateatur mentem testatoris fuisse, ut hæreditatem nomine fideicommissi alteri traderet, vel legatum aliquod solueret, aut si oblato iuramento iurare noluerit, cogendus etiam in foro externo hæreditatem tradere (detracta tamen quarta parte, quam vocant Trebellianam) & soluere legatum, ut patet instit. *de fidei commissariis hæred.* §. ult & L. *questionem C. de fidei commissis.*

4. *Obiectio prima.* Leges civiles apertè docent huiusmodi testamenta, in quibus deest solemnitas iuris inualida esse, & pro infectis haberi, ut patet L. *Hac consultiissima, C. de testam.* & instit. *Quibus modis testamenta infirmantur*, §. *Ex eo.* Respondent quidam has leges niti præsumptione fraudis, quæ præsumitur commissa in talibus testamentis, quâdo desunt præscriptæ solemnitates. Vnde quando constat nullam fraudem commissam, sed hanc esse veram, & liberam voluntatem testatoris, leges illas non habere locum. Hæc solutio non placet. *Primò*, quia non potest prudenter præsumi fraus ex eo, quod unus, vel duo testes, vel subscriptio alicuius, desint. Nam multis modis fieri potest, ut aliquid horum sit omissum. *Secundò*. Quia quatuor testes possunt sufficere, ut coniter non subesse fraudem; sufficiunt enim in rebus maioribus, ut in causa criminali, in qua agitur de vita. *Tertiò*. Etiam si iudices sciant nullam subesse fraudem: tamen non adiudicabunt ex tali testamento hæreditatem, nisi hæres ab intestato fateatur hanc fuisse mentem testatoris, vel nisi recusauerit oblato iuramento. Vnde aliter Resp. leges illas intelligi de foro externo, quia scilicet in foro externo nõ datur actio ex tali testamento. Lex. n. civilis ei non assistit. Hoc autem fit ob iustas causas. *Primò*. Ad vitandas lites, *Secundò*. Ad excludendas fraudes & machinationes.

5. *Obiectio*

5. Obiectio *secunda*. Si eiusmodi testamenta essent valida in foro conscientiae, malè facerent Iudices adiudicando hæredibus ab intestato, quia facerent apertam iniustitiam, & præberent illis occasionem iniquè petendi, quod aliis relictum est. Respond. Iudices non adiudicant hæredibus ab intestato bona, quæ aliis relictæ sunt, tanquam absolutè ad illos pertineant: sed solum non concedunt actionem, iis, quæ nituntur tali testamento: hi enim repelluntur, tanquam destituti probatione quam leges requirunt.

QVÆST. IV. *Quinam possint testari, qui non?*

Conclusio. Non possunt testari qui vel sufficienti usu rationis carent, vel iuris dispositione prohibentur. Inter hos *primò* est impubes, id est, masculus ante 14. & fœmina ante 12. annum expletum. L. à *quæ atate*, ff. *qui testamenta*. *Secundò*. Filius familias, qui tamen, si pubes sit, potest testari de bonis castrensibus & quasi castrensibus L. *nemo C. qui testamenta*. *Tertiò*. Religiosi. *Quartò*. Clerici quoad bona Ecclesiastica C. *quia nos*, & C. *Relatum 2.* & C. *cum in officiis, de testamentis*. Ex consuetudine tamen multis locis receptæ, possunt de his ad pia opera testari. *Quintò*. Dammati ad mortem naturalem, vel civilem, ut eiecti in perpetuum exilium, & perpetuos carceres. Habenda tamen est ratio locorum, & consuetudinum, quia Ius codicis, & ff. *non ubique servatur*. *Sextò*. Qui commiserunt aliquod crimen, cui iure annexa est pœna, qua ipso facto sunt intestabiles L. *is cui*, & L. *cum lege* ff. *Qui testamenta*. Huiusmodi sunt hæretici L. *Manichæos C. de hæreticis*. Item credentes, receptores, defensores, & fautores eorum, ut patet Authent. *Credentes, C. de hæreticis*. Item dammati propter libellum famosum, L. *is cui*, ff. *qui testamēta*. Denique persecutores, aut percussores Cardinalium C. *felicis*. de pœnis in 6.

QVÆST. V. *Quinam possint, aut non possint scribi, aut institui hæredes, vel legatarij.*

Conclusio. Non possunt primò hæretici, & Apostata, L. finali, C. de hæret. Et L. Hi qui sanctam, C. de apostatis. Secundo. Credentes, receptores, & fautores hæreticorum, si tamen intra annum non pœnituerint, vt patet ex Autent. tit. Vnde sequitur. hæredes catholicos posse tales hæredes excludere, & si impedian- tur, vti aduersus eos occulta cōpensatione, quia ius non habent. Tertiò. Qui persequuntur, aut percutiunt Car- dinalem, vt suprà citauimus. Quartò. Qui ob crimen aliquod est intestabilis actiue, ita vt non possit condere testa- mentum, est etiam intestabilis passiuè, vt non possit ca- pere ex testamento, vt docet Glossa in L. is qui, ff. qui testamta, quam communiter approbant DD. V. I. Quintò. Fratres minores, vt patet ex Clement. Exiui, de verb. signif. §. quia igitur. Vide cætera apud Sylu. v. Hereditas, 2. quæst. 2. Non tamen placet, quod putet excommunicatum non posse esse hæredem, cum id nullo iure probetur.

QVÆST. VI. *An illegitimus possit institui hæres?*

1. **I**llegitimi sunt duplices: alij vocantur Spuriij: alij Naturales. Naturales sunt, qui nascuntur ex paren- tibus inter quos tempore conceptionis, vel natiuitatis, nullum erat impedimentum dirimens, vt docet Co- uarr. de Matrimon. p. 2. ca. 8. §. 4. n. 4. Etsi enim iure Cæ- sareo solum dicebatur Naturalis, qui natus erat ex vnica concubina domi retenta: tamen iure Canonico omnes illi vocantur Naturales, qui ex dictis parenti- bus geniti sunt, omnesque eodem iure gaudent; quod etiam consuetudine receptum est in foro ciuili, vt do- cet Panormitanus in C. per venerabilem. Qui filij sunt le- gitimi. Spuriij dicuntur, qui nati sunt ex parentibus, in- ter quos tempore conceptionis, & natiuitatis, erat impedimentum dirimens, vt verbi gratia, qui nati sunt

ex soluta & coniugato, vel ex soluta & sacerdote. Sub his duabus speciebus comprehenduntur, qui Mothi, & Manceres appellati, quæ nomina variè ab authoribus vsurpantur, nec quicquam ad rem explicandam faciunt. Vide Couarr. loco citato.

2. Prima Conclusio. Spurius non potest aliquid capere à patre, siue ex testamento, siue ab intestato, siue ex contractu inter viuos, vt patet ex Nouel. 74. c. 6. *Nulla eis participanda clementia est, sed vt supplicium etiam hoc patrum, vt agnoscant eos nihil habituros.* Hinc sequitur primò. Si pater relinquat filio spurio aliquid in testamento, præter alimenta, nihil iuris acquiri filio, sed teneri in conscientia legitimis hæredibus. Ratio est, quia ipse per leges factus est incapax. Secundo. Sequitur spurium à patre non posse substitui, nec vulgari, nec fideicommissaria substitutione. Ratio est, quia perinde est, an immediatè capiat aliquid à patre, an ab alio, ex patris ordinatione. Tertiò sequitur, si pater hæredem instituens roget eum, vt hæreditatem restituat spurio, & ille promittat se id facturum, non teneri illum hæredem implere promissum, quia promissio fuit nulla, vt pote contra legem. Vnde potest hæreditatem sibi retinere, tanquam verus hæres à testatore institutus. Conditio enim, seu grauamen appositum à testatore, cum sit contra legem, censetur tanquam non appositum in ultimis voluntatibus, vt patet ex L. *impossibilis, ff. de verb. oblig.*

3. Dices primò. Hæres tenetur restituere fisco, quia bona illa hoc ipso, quod hæres promittit se daturum ea spurio, sunt confiscata, vt patet ex L. *penult. ff. de iure fisci*, & L. *prætoris, ff. de petitione hæreditatis*. Respondeo. Non tenetur ante sententiam, quia est pœna constituta hæredi à legibus in punitionem illius promissioni iure prohibitz. Pœna autem non debetur ante sententiam condemnatoriam. Vnde si à Iudice interrogetur,

An tale quid promiserit testatori, non tenetur fateri, nisi processerit infamia, Ratio est, quia agitur de crimine occulto, ob quod grauius, si verum fateatur, mulctabitur: nempe confiscatione non solum illius hereditatis, sed etiam omnium bonorum, & deportatione in insulam, eò quòd sponte non reuelauerit, vt patet L. *unica. C. de his qui se deferunt*. Si tamen sponte reuelasset antequam interrogaretur, concessa ei fuisset tertia pars bonorum in præmium, vt patet ex ead. L. cit. *Quaridò* sequitur si hæres institutus nihil promisit testatori de hereditate restituenda spurio, potest eam restituere ex sua liberalitate, & spurio potest eam accipere, qui accepit eam voluntate veri domini, nulla lege vetante. Si vero tacitè, vel expressè promisit testatori id potenti, peccauit quidem mortaliter promittendo, sicut & testator ita disponendo: si tamen illa bona tradat, potest ea spurio retinere. Ita Couarr. *num. 11*. Quod mortaliter peccarit, patet; quia leges sub grauißima pœna talem promissionem vetant. Quod tamen promissio valeat, patet, quia fit ab eo qui est dominus bonorum, & lex etsi prohibet promissionem factam testatori; non tamen prohibet, quin hæres, qui est verus dominus illorum, possit ea dare, & tradere spurio.

4. Dices *secundò*. Hæc traditio fit ex voluntate parentis: ergo spurio est incapax illius per legem. Respondeo. Cum hæres sciat se neque sua promissione, neque ex dispositione testatoris obligari, non censetur ea dare ex vi illius dispositionis, sed ex sua liberalitate. Quod si putaret se obligari, & idcirco ea daret spurio, tunc spurio non efficeretur illorum dominus, quia donatio non esset voluntaria: procederet enim ex ignorantia.

5. Secunda Conclusio. Spurio qui natus est ex coitu damnato, & punibili per legem humanam, non potest etiam succedere matri, etiamsi nulla alia proles superfit

superfit. Ita Couarr. §. 5. num. 20. & Molina disp. 167. vbi dicit omnium doctorum esse sententiam. Et colligitur ex authent. *licet*, C. de naturalibus liberis. Et ex Nouell. 47. cap. 6. Ratio, quia illegitimus, qui non potest succedere patri, non potest etiam succedere matri, nisi sit aliqua specialis exceptio in iure, vt colligitur ex L. *cit.* Atqui nulla de successione spurij in bonis maternis extat in iure exceptio, sicut de aliis illegitimis, vt patet ex L. *Si qua illustris*, C. ad Senatusconsult. *Orficiannum*.

6. Nota tamen *primò*, Etiam spurjis deberi alimentà, si aliunde se non possunt sustentare, vt est communis sententia. Et patet ex ca. *cum haberet*. De eo qui duxit. Ratio est, quia parens iure naturali tenetur alere prolem, si possit.

7. Dices. Iure ciuili vetitum est ne proles ex damnato concubitu alatur à patre, vt patet authent. *ex complexu* C. de incertis nupt. Respondéo. Ius Canonicum illud sustulit, tanquam minus consentaneum naturali pietati.

8. Nota *secundò*. Matrem teneri alere prolem primo triennio, vel suis sumptibus curare ali, si possit. Post hoc triennium tenetur pater, donec filius sua se industria possit iuuare, vt expressè habetur L. *nec filium* C. de patria potestate. Idem insinuat Greg. IX. c. *finali*, de conuersione fidelium: dum ait; *Pueri post triennium apud patrem ali debent*.

9. Tertia Conclusio. Filius naturalis potest institui hæres vniuersalis à suis parentibus, si ipsi legitimas proles non habeant, vt patet authent. *Licet*. C. de naturalibus liberis, Quod si filius naturalis non instituitur hæres, non succedet patri ab intestato, nisi in duabus vnciis, id est, in sexta parte bonorum, vt habetur in authent. *cit.* Quod si pater habeat liberos legitimos, tunc filius naturalis non succedit cum illis ab

intestato, potest tamen ei relinqui vnica, id est, duodecima pars bonorum.

10. Quinta Conclusio. Filius Naturalis succedit matri, si non habeat legitimos, etiam intestatæ, vt hæres ex affe: habenti autem legitimos succedit ex æquo cum illis, vt expressè habetur *L. si qua illustris, C. ad Senatufconsult. Orficiatum.*

QVÆST. 7. *Quibus modis aliquis possit hæredi substitui?*

1. Prima Conclusio. Hoc generatim fieri potest 6. modis. Nempe substitutione vulgari, Pupillari, Exemplari, Fideicommissaria, Reciproca, & Compensatoria. Quatuor priores sunt simplices. Duæ reliquæ sunt compositæ ex pluribus. Vide Couarr. c. 16. *de testam. per totum, & Gomet. x. 1. c. 3. vsque ad 8.*

2. Secunda Conclusio. Substitutio vulgaris est, qua quis, iure non prohibitus, potest substitui a quouis testatore. Per hanc substitutionem testator solum substituit sub conditione: nempe, si is, qui ex testamento, vel ab intestato successurus erat, non velit, aut non possit esse hæres, vt v. g. si moriatur ante testatorem; si propter crimen fiat incapax, si repudiet hæreditatem. Nam in his casibus succedat substitutus. Hæc autem conditio in omni substitutione vulgari, vel exprimitur, vel saltem tacitè subintelligitur. fit enim tribus modis. *Primò*, verbis generalibus, vt si testator dicat. Titium instituo hæredem: & Sempronium substituo. Et tunc non exprimitur vlla conditio, sed subintelligitur. *Secundò*, verbis specialibus, vt Titium instituo hæredem; & si is hæres non erit, substituo ei Sempronium. Hic exprimitur conditio, sed verbis specialibus, sub quibus continentur diuersæ conditiones singulares. *Tertiò*, fit verbis singularibus, vt quando exprimitur conditio specialissimè.

3. Tertia Conclusio. Substitutio Pupillaris est, qua quis proli impuberi in sua potestate constituta aliquem substituit.

fitur. Cum enim nemo ante pubertatem possit conde-
re testamentum, iura concesserunt, vt pater impuberis
possit loco illius quodammodo testari, in suo testa-
mento directè substituendo ei hæredem, si ante puberta-
tem decesserit. Per quam substitutionem fit, vt non so-
lum bona illius pupilli, quæ à patre obtinuerit; sed
etiam alia ad substitutum proueniant, perinde ac si ip-
semet testamentum fecisset vt patet instit. *de pupillari
substitutione.* §. igitur. Vbi sic dicitur: *in pupillari substitu-
tione duo sunt quodammodo testamenta: alterum patris; alte-
rum filij, tanquam si ipse filius sibi hæredem instituisset.*

4. Nota *Primò.* Vt hæc substitutio sit valida, duo re-
quiri. *Primum*, vt testator eum, cui substituit, habeat
in sua potestate. Vnde mater non potest pupillariter
substituere, quia liberi non sunt in potestate matris:
Nec pater filio illegitimo, ob eandem causam. *Secun-
dum*, vt pupillus, cui substitutio fit, non recidat per
mortem testatoris in alterius potestatem. Vnde auus
non potest Nepoti pupillariter substituere, si pater vi-
uit, quia Nepos, post mortem Aui, recidit in potesta-
tem patris.

5. Nota *secundò.* In hac substitutione semper expri-
mi, vel certè subintelligi conditionem, si in ætate pu-
pillari, id est, ante pubertatem decesserit.

6. Nota *tertiò.* Substitutionem pupillarem expres-
sam fieri posse tripliciter, vt ante dictum est de vulgari.
Primò, verbis generalibus, vt si testator loquens de filio
suo impubere, non tamen exprimens specificè, quod sit
impubes, dicat: *Instituo filium meum hæredem, & ei
Titium substituo.* *Secundò*, verbis specialibus, vt si men-
tionem faciat pupillaris ætatis. *Tertiò*, verbis specialissi-
mis, vt si exprimat etiam conditionem, dicens: *instituo
filium meum impuberem hæredem: & si in pupilla-
ri ætate. post mortem meam, decesserit, substituo
ei Titium.* Quodcumque autem vno ex his tribus
modis

modis facta est substitutio, tunc substitutus pupillaris excludit matrem pupilli, si pupillus in ætate pupillari mortuus fuerit.

7. Quarta Conclusio. Substitutio exemplaris est, cum filio amenti, vel surdo simul & muto, vel prodigo, cui bonorum administratio interdicta est, fit substitutio. Vt si testator habens talem filium dicat: Instituo filium meum, & ei substituo Titium. Quod si hic filius nondum fuerit pubes, eadem substitutio etiam erit pupillaris: Si autem contingat filium mori ante testatorem, erit etiam substitutio vulgaris. Denique si post pubertatem redeat ad mentem, erit fideicommissoria: tunc enim substitutus succedet ex tacito fideicommissio. Dicitur autem hæc substitutio exemplaris, quia ad exemplum pupillaris institutionis est inuenta.

8. Quinta Conclusio. Substitutio fideicommissoria est substitutio indirecta, seu obliqua, qua hæres grauatur, vt hæreditatem totam, vel partem eius aliquo tam restituat alteri, qui fideicommissarius dicitur.

9. Nota primo, Cæteras substitutiones esse directas, quia per eas directè, & immediatè hæreditas à testatore defertur substituto: hæc autem est indirecta, seu obliqua, quia per eam defertur hæreditas ministerio alterius. Vnde sequitur hanc fieri posse codicillo, cæteras minimè.

10. Nota secundo, Heredem sic institutum & grauatum restituere, posse detrahere quartam partem eius, in quo institutus est: tum ne vana sit hæredis institutio; tum etiam vt alliciatur ad acceptandum, & prestandum, quod testator cupit. L. 1. & seq. C. ad Senatuf. cons. Trebel. Et Instit. de fideicommissariis heredit. §. sed quia stipulationes.

11. Sexta Conclusio. Substitutio reciproca est, qua instituti sibi vicissim substituuntur. Hæc complectitur plures substitutiones quoad personas, vt
si

si dicam: Instituo Petrum & Paulum meos hæredes, & eos inuicem substituo.

12. Septima Conclusio. Substitutio compendiosa est, *qua plures complectitur substitutiones quoad diuersa tempora*, vt si testator dicat: Instituo filium meum hæredem, & quandocunque ex vita decesserit substituo ei Tirium. In hoc casu, si filius moriatur ante patrem. Tirius substitutus succedet ex vulgari: Si verò filius fiat hæres, & moriatur in ætate pupillari, succedet Titius ex pupillari: Si verò filius moriatur post pupillarem ætatem, succedit Tirius ex fideicommissoria, deducta legitima, & quarta Trebellianica.

QVÆST. VIII. *An testamentum iuratum possit reuocari?*

1. **C**onstat testamentum, per se spectatum, vsque ad mortem posse reuocari, & mutari, vt docent omnia iura, & pater ex illo Heb. 9. v. 17. *Testamentum in mortuis confirmatum est, alioqui nondum valet, dum viuit, qui testatus est*: Solum ergo quæritur, an reuocari possit, si iurauerit testator se non reuocaturum.

2. Prima Opinio est posse reuocari, & iuramentum ad nihil obligare. Ita Barthol. & alij multi Iurispræciti apud Couar. *suprà num. 48.* Probat *primò*, quia iuramentum sortitur naturam actus illius, cui adhæret c. *Quemadmodum*, de iurēiurando; sed testamentum est actus natura sua reuocabilis: ergo iuramentum illi additum non obligat. *Secundò*, quia iuramentum contra bonos mores non obligat, vt habetur in regula 6. Sed testamentum iuratum est contra bonos mores, quia præbet hæredibus occasionem desiderandi mortem testatoris. *Tertiò*, quia pactum, quo aliquis dicit: constituo te hæredem, & nisi præstitero, sponte deo

deo tibi tantam pecuniam, est iniquum, est que non obseruandum, quia est contra naturalem libertatem testandi, lege *stipulario hoc modo*, ff. *de verborum obligationibus*, sed idem fit per testamentum iuratum: ergo.

3. Secunda opinio est testamentum iuratum, si nihil iniquum contineat, ita esse validum & firmum, ut non possit reuocari, ne quidem nouo testamento subsequente. Ita V Vilh. Durand. tit. *de instrumentorum editione*. Probatur primo. Quia contractus, & pacta, quæ ex se obligatoria non sunt, neque contra salutem animæ, si iuramento confirmantur, sunt irreuocabilia; ne iniuria aliqua Deo irrogetur: sed testamentum non est contra salutem animæ, nec natura sua obligat, ante mortem testatoris: ergo si confirmetur iuramento, fit irreuocabile, c. *cum contingat*, de *ireiurando*. Secundo, quia non est intrinsecè malum se priuare libertate testandi: potest enim homo renunciare seculo, & omnibus quæ habuit. Hinc c. *si Religiosus*, de electione in 6, de Augustino dicitur; *Testamentum nullum fecit, quia pauper Christi, unde faceret, non habuit*.

4. Tertia opinio est testamentum iuratum esse reuocabile de facto; non de iure, id est, si post testamentum iuratum aliud conficiat, illud posterius valere in utroque foro, testatorem tamen esse periurum. Ita Ioan. And. reg. *Quod semel*. de reg. iuris in 6. Archidiac. & Felin. apud Couarr. loco cit. Probatur primo. Quia iuramentum priuari hominis non potest mutare naturam contractus: sed testamentum natura sua reuocabile est: ergo non desinit esse reuocabile, etiamsi iuret. Secundo, quia actus contra iuramentum factus, etiamsi agens periurus sit, validus est, modò prior actus fuerit mutabilis, ut patet in simplici voto iurato. Nam qui hoc modo vouet castitatem, & postea contrahit matrimonium, validè contrahit, etiamsi periurum, committate

committat: ergo idem dicendum est de testamento iurato.

5. Prima Conclusio. Testamentum malè dispositum, & continens aliquid contra leges iustas, etiam si iuramento confirmatum sit, reuocandum est. Ratio, quia iuramentum in re illicita non obligat. Hinc dici solet, iuramentum non debere esse vinculum iniquitatis.

6. Secunda Conclusio. Testamentum bene dispositum, & ex omni parte perfectum, ita ut nulla possit de nouo occurrere iusta causa mutandi, si iuratum est, & à testatore reuocetur, erit de facto reuocatum, & posterius in utroque foro valebit: peccabit tamen grauius reuocans, & erit periurus. Prior pars probatur argumentis primæ, & tertiæ opinionis. Posterior pars ex argumentis secundæ opinionis, quæ solum concludunt, testatorem peccare, & periurum esse, si reuocat testamentum iuratum.

7. Tertia Conclusio. Testamentum bene dispositum, sed tamen imperfectum, id est, in quo non est benè omnibus futuris euentibus præuisum, si sit iuratum, & nulla de nouo iusta causa subsit illud mutandi, & à testatore reuocetur, reuocatio valebit, & reuocans erit periurus: si autem iusta causa subsit, licitum erit abque vlllo peccato illud reuocare. Prima pars patet ex secunda conclus. Altera probatur, quia qui condit testamentum imperfectum, & illud iurat, vel ita iurat, ut statuatur non mutare illud, etiam si iusta causa se postea offerat: vel statuit non seruare illud, quando noua causa se offert, quæ secundum rectam rationem exigat aliquam mutationem: Si primum, iuramentum fuit iniquum, & non obseruandum. Si secundum, testator prudenter retinuit facultatem mutandi testamentum, oblata iusta causa; quod cum laude præstat, adueniente tali causa.

De translatione Domini per contractus.

Hic breuiter agam de contractu in genere. Nam postea, cum D. Thoma, disputandum est de emptione, & de aliis contractibus in particulari.

Q V Æ S T. I. *Quid sit contractus?*

1. **P**rima Conclusio. Si strictè loquamur: Contractus est *ultra citroque obligatio*, ut habetur l. 19. de verb. signif. quæ definitio non sic est intelligenda, quasi contractus formaliter sit obligatio, sed quod sit causa obligationis in contractibus. Nam formaliter est locutio, vel scriptura, vel aliud externum signum, quo homines exprimunt mentem suam, & sese vicissim alter alteri obligant. Hinc sequitur donationem, & promissionem, non esse propriè contractus, quia non efficiunt obligationem, nisi in altera parte.

2. Secunda Conclusio. Si latius loquamur, contractus est *conuentio duorum, obligationem saltem in alterutro producens*, & sic non distinguitur à pacto, & comprehendit promissionem, & donationem acceptatam, ut patet L. Contractus C. de fide instrumentorum. Hoc modo hîc agimus de contractu.

Q V Æ S T. 2. *Quotuplex sit contractus?*

1. **P**rima Conclusio. Contractus alij perficiuntur re: alij scriptura: alij verbis: alij consensu. Re perficiuntur, qui non consistunt in sola conuentione, sed requirunt rei Traditionem, ut depositum, commodatum, mutuum, permutatio, pignus, donatio. Scriptura perficiuntur, qui ante scripturam rati non habentur, ut emphyteusis, & omnis contractus, quem contra-hentes nolunt concludere, nisi coram Notario qui instrumentum conficiat. Verbis perficiuntur, qui requirunt certam verborum formulam, ut sunt omnes stipulationes. Cōsensu perficiuntur, qui non requirunt certā verborum formam, sed sufficit cōsensus quouis modo
exterius

exteriorius vtrunque explicatus, vt emptio, venditio, locatio, conductio.

2. Secunda Diuisio. In contractum *Nominatum*, & *Innominatum*. *Nominatus* est, qui habet speciale & proprium nomen, quo ab aliis distinguitur; vt emptio, venditio, mutuum, locatio, commodatum, pignus, depositum, & similes. *Innominatus* est, qui non habet nomen speciale, sed genericum tantum. Huius sunt 4. species, vt Do vt des: Do vt facias: Facio vt des: Facio vt facias.

3. Tertia Diuisio. In contractum *bonæ fidei*, & *stricti iuris*. *Contractus bonæ fidei* sunt, in quibus Iudex potest multa ex æquo & bono arbitrari, vt sunt emptio, locatio, societas, commodatum, depositum, pignus, permutatio, & similes. *Contractus stricti iuris* sunt, in quibus Iudex ad verba astringitur, vt sit in stipulationibus, in contractu feudali, & emphyteutico.

4. Quarta Diuisio. In *Lucratium* & *Onerosum*, *Lucratium* est, in quo nihil rependitur, vt promissio, donatio, commodatum. *Onerosum* est, in, quo loco eius quod datur, aliquid debet reddi, vel præstari; vt mutuum, emptio, locatio, conductio, feudum, emphyteusis.

5. Quattâ Diuisio. In *pactum nudum*, & *vestitum*. *Nudum* dicitur, quod in mera conuentione consistit, & omni alio firmamento caret; vt donatio ante traditionem rei. *Vestitum* dicitur, quod habet aliquid amplius, vnde iure ciuili robur obtineat. Vestitur autem 6. modis. *Primò* reipsa, vt si altera saltem ex parte sit impletum. *Secundò*, verbis vt si accedat formula stipulationis, *Tertiò*, literis, vt si literis fatearis tibi esse satisfactum, etiam si satisfactum non sit, quod vocatur acceptilatio, *Quartò* specifico nomine contractus, vt omnes contractus nominati, si alioquin in suo genere perfecti sint. *Quintò* cohærentia cum contractu vestito, vt

si vendam tibi domum 100. aureis, cum pacto, vt illam adhuc inhabitem : hoc enim pactum accessorium, est per se nudum, & tamen quia cohæret cum venditione, quæ est pactum vestitum, censetur etiam vestitum. Nam accessorium sequitur naturam principalis. *Sexto*, iuramento de quo paulò post.

Q V Æ S T. III. *An omnis cōtractus obliget in vtroque foro*

1. **P**rima Conclusio. Omnis cōtractus etiam nudus parit obligationem naturalem, seu in foro conscientiæ, si habeat has condiciones. *Primò*, si sponte ac liberè sit factus. *Secundò*, si contrahentes sint habiles. *Tertiò*, si materia cōtractus sit legitima. *Quartò*, si iure positiuo non sit irritus. Est communis sententia teste Couarr. in c. *quamuis pactum* p. 2. §. 4. n. 23. Ratio est, quia vt aliquis se obliget, sufficit animus obligandi externo signo expressus, nisi aliunde impediatur. At non potest aliunde impedi, si adsint condiciones assignatæ. Hinc è contrario sequitur non esse validum cōtractum. *Primò*, si vi, dolo, aut errore factus sit. *Secundò*, si contrahentes sint inhabiles. *Tertiò*, si desit legitima materia, vt si fur vendat rem alienam. *Quartò*, si iure ciuili sit irritus. Potest enim ius humanum, vel omnino irritare pactum aliàs validum, ita vt non obliget, vel alteri contrarium tribuere ius obligationem elidendi; vt patet in cōtractu impuberis, in alienatione fundi dotalis, & in similibus, qui iure naturali, & gentium essent validi, nisi ius positiuum iis resisteret.

2. Secunda Conclusio Cōtractus qui dicitur Pactum nudum, non parit obligationem in foro ciuili. Est communis sententia, & patet L. *iure gentium*. ff. *de pactis*, vbi dicitur, *Nuda pactio obligationem non parit, sed parit exceptionem.*

3. Nota tamen si huiusmodi cōtractus ex altera parte completus fuerit, per rei traditionem; iam obligare in foro

foro ciuili, in fauorem eius, qui impleuit, l. 1. ff. de rerum permutationibus : tunc enim vestitur re ipsa, vt dictum est *preced. quest. diuisione quinta.*

QVÆST. IV. *An contractus per se inualidi, confirmantur iuramento?*

1. **E**X dictis patet qui contractus, ex se validi, aut inualidi sint, tam in foro externo quam interno. Nunc quæritur : An illi, qui ex se inualidi sunt, fiant validi per iuramentum.

2. Nota. Non esse idem, iuramentum esse validum, & iuramentum confirmare contractum. Iuramentum enim validum dicitur, quodcumque est seruandum ob honorem diuini Numinis, etiamsi ei, in cuius fauorem fit, nullum ius per illud acquiratur. Confirmat contractum, quando non solum seruandum est, sed etiam alteri, in cuius fauorem fit, ius tribuit, & contractum in sua specie validum efficit.

3. Prima Conclusio. Vt sciamus, quando iuramentum sit validum, quando non sit; Nota has duas regulas. Prima, quando id, quod iuramento alicui promittitur, sine vilo promittentis peccato seruari potest, tunc iuramentum est validum, & seruandum. Intelligence, si ille, in cuius fauorē factum est, illum seruari velit, & alias legitimè non relaxetur. Secunda, quando id, quod promittitur, sine peccato promittentis seruari non potest, iuramentum est inualidum. Vtraque colligitur ex c. 2. de pactis in 6. & c. cum contingit, de iureiurando, & ex Regul. 58. de Regulis iuris in 6. Ratio prioris Regulæ est, quia honor & reuerentia diuinæ maiestatis postulat, vt non faciamus illam esse testem falsi, ac proinde vt præstemus, quod promissimus. Ratio posterioris est, quia nemo potest obligari ad peccatum.

3. Secunda Conclusio. Vt autem sciamus, quando iuramentum confirmet contractum, aut non confirmet. Nota primò, has duas regulas. Primò, Quando

contractus est iure naturali irritus, aut irritari potest (ita testamentum conditum ad mortem usque reuocabile est, & irritari potest) non confirmatur iuramento; quamuis iuramentum sit seruandum, si id, quod promittitur, non est illicitum. *Secundo*, Quando contractus inducit obligationem naturalem, confirmatur iuramento, etiamsi aliàs sit iure ciuili irritus, vel in irritum reuocabilis; modo vis, vel fraus non intercesserit. Ratio prioris est, quia non confirmatur, nisi quod aliquam vim habet: ergo si contractus non obligat iure naturali, non potest confirmari iuramento. Ratio posterioris est, quia quod habet aliquam vim, potest confirmari: ergo si contractus obligat iure naturali, potest confirmari iuramento.

§. Nota *Secundo*, Quando, quis iurat contractum irritum, præsertim si irritus sit, quia vi, vel dolo extortus est: tunc is qui iurauit, potest petere relaxationem iuramenti, quia iniuriam passus est.

6. Tertia Conclusio. Ad has regulas melius intelligendas notandum est, dupliciter posse iuramentum addi contractui. *Primo*, si iures te contrahere. *Secundo*, si iures te non reuocaturum contractum. Prius iuramentum est assertorium, de quo hic non agimus. Posterius est promissorium, de quo intelliguntur supra dictæ regulæ.

QVÆST. V. *Quinam possint contrahere?*

Conclusio. Generatim loquendo omnes illi possunt contrahere, qui habent administrationem bonorum, quatenus illa administratio se extendit. Qui verò carent administratione, non possunt nisi ex consensu eorum, quibus subsunt. Solet esse difficultas de Pupillo, & Minore. Resp. Breuiter posse eos validè contrahere in suum commodum, sine authoritate Curatoris, vel Tutoris; non tamen in suum incommodum. Non enim possunt sine authoritate eorum, quibus subsunt

sunt, aliis validè & efficaciter obligari; quamuis possint alios sibi obligare. Est communis sententia, & expressè habetur, *Institut. de author. tutorum*, in principio.

C A P V T I X.

De translatione Dominij per præscriptionem.

Disputant Iuristæ de hac re in C. & *institut. de vscapionibus*, & *præscript. Canonistæ* 16. quæst. 3. & in *Regulâ, possessor. de Regulis iuris* in 6. Theologi in 4. distinct. 15. Summistæ v. *usucapio*, & v. *præscriptio*.

QVÆST. I. *Quid sit Præscriptio, & Usucapio?*

1. **P**rima Conclusio. Nomen Præscriptionis tripliciter accipitur apud Iureconsult. Primò generatim, vt sit idem, quod exceptio, quæ opponitur ad excludendam actionem intentam ab actore. Est autem duplex exceptio: Altera dilatoria, vt si opponas Iudicem non esse competentem, testes infames, actorem excommunicatum; altera peremptoria, vt si opponas te mandato principis fecisse, te iam ante soluisse, quod petitur. Idem est de præscriptione, quando sumitur pro exceptione: aut enim est dilatoria, aut peremptoria. Hoc modo accipitur in tit. *de exceptionibus & præscriptionibus*, l. 44. ff. Simili modo accepit Tertull. in l. quò inscripsit *de præscriptionibus aduersus hereticos*. Nam in illo lib. agit de iis, quæ hereticis, per doctrinam quali litem nobis intentatibus opponi possunt à Catholicis, ne ab iis vincantur. Secundò accipitur specialius pro exceptione peremptoria, proueniente ex eo, quod tempore legibus definito rem aliquam possedimus, vel iure aliquo vti sumus; vel quod alius tali tempore ab usu alicuius rei cessarit, vt pater ex tit. *Codicis*, de præscriptione longi temporis, & de præscriptione triginta, & quadraginta annorum. Tertiò accipitur pro dominij acquisitione, vel iuris alieni elisione, ex tempore legibus definito, proueniente. Hoc modo dicimus præscribere domum, vineam, agrum, id est, acquirere dominium.

domus, vineæ, agri. Sic tamen non accipitur in iurè ciuili, sed in iurè pontificio, & passim ab interpretibus vtriusque iuris, vt docet Couarr. ad reg. *possessor. §. unico, n. 6.* Ratio, cur sic acceperit, est, quia qui dominium alicuius rei per continuationem eius possessionem comparauerat; si impetebatur à priori Domino, præscribebat, id est, excipiebat, & opponebat certi temporis possessionem, per quam fecerat rem suam, & ita actionem eius perimebat. Hinc ipsa vsucapio, & dominij acceptio, excepta est vocari præscriptio; cum tamen præscriptio ex vsucapione oriatur, vt patet L. *Emptor C. de præscript.*

2. Secunda Conclusio. Ex his patet, quid sit præscriptio. Nam si primo modo sumatur, nihil aliud est, quàm exceptio, seu oppositio aduersus actionem actoris. Si secundo modo, est exceptio peremptoria contra priorem dominum, ex tempore legibus præfinito vim habens. Si tertio modo, est dominij acquisitio, vel alieni iuris, siue realis, siue personalis peremptio, per continuationem temporis, lege præfiniti.

3. Nota. Si acceptionem dominij paulò latius accipiamus, non opus est addere (vel alieni iuris peremptio) quia qui ius alterius perimit, acquirit dominium suæ libertatis: liberatur enim ab obligatione, qua alteri erat obstrictus.

4. Tertia Conclusio. Vsucapio est acquisitio dominij, per continuationem temporis lege definiti, vt habetur L. 3. ff. *de vsuc.* quæ definitio non est formalis, sed casualis. Nam vsucapio non est formaliter acquisitio dominij, sed potius causa acquisitionis: formaliter verò nihil est aliud, quàm quædam possessio rei alienæ. Vnde dicimus vsucapionem interrumpi; potest tamen etiam accipi pro ipsa acquisitione dominij.

5. Quarta Conclusio. Ex dictis colligi potest differentia præscriptionis ab vsucapione. Si enim sumatur *primò vel secundo modo*, res est clara. Quia præscriptio

Præscriptio his modis est oppositio contra actorem. Si tertio modo, sic est magis commune, quàm vsucapio: Omnis enim vsucapio est præscriptio; non contra. Nam præscriptio, qua extinguitur actio personalis, vel realis, alterius non est propriè vsucapio: generaliter tamen posset vocari vsucapio, quatenus ius, & libertas ab aliqua obligatione, potest dici vsucapi. Et sic æquè latè atetent præscriptio, & vsucapio.

6. Nota tamen, Interpretes iuris passim distinguere præscriptionem ab vsucapione: quod vsucapio sit mobilium: præscriptio veto immobilium. Sed hæc differentia non est fundata in iure. Nam vsucapio est etiam immobilium, ut patet Instit. de vsucapione in principio, & Legge unica. C. de vsucapione transformanda: similiter præscriptio in rebus etiam mobilibus locū habet. Nam quando eas vsucapimus, utimur præscriptione, seu exceptione contra priorem dominum.

QVÆST. II. *Quæ conditiones requirantur ad præscriptionem, & primum an requiratur possessio?*

1. Communis sententia est requiri quatuor conditiones: nempe possessionem, titulum probabiliter præsumptum, bonam fidem, & continuationem possessionis cum bona fide per tempus lege præscriptum. Hoc loco examinanda est prima conclusio. De cæteris dicam in sequentibus.

2. Prima Conclusio. Ad præscribendum necessaria est possessio quia ut debet regula iuris in 6 sine possessione præscriptio non procedit. Debet autem hæc possessio esse, qua quis nomine suo possidet: non aut. in alieno. Nam qui alieno nomine possidet, non est verè possessor, sed alter, qui per illum possidet.

3. Quæres, Cum triplex sit possessio: Una civilis tantum: Altera naturalis tantum: Tertia naturalis & civilis simul, quænam potissimum necessaria sit. Resp. primo hæc ultima est aptissima, Secundo naturalis tantum

non sufficit, *Tertiò* civilis tantum, qua solo animo rei nostræ etiam absentes insistimus, sufficit, ut probat Couarr. ad regulam, *Possessor* p. 1. §. *unico*, nu. 7. Hæc enim ideo etiam civilis dicitur, quod hunc civilem effectum pariat.

4. Secunda Conclusio. Ob defectum huius conditionis sequitur *Primò* loca sacra & ius Decimarum non posse præscribi à Laico. Ratio est, quia Laicus non est capax possessionis civilis talium rerum, cum ius ei resistat, ut patet L. *Qui vniuersus*, ff. de acquirenda, vel amittenda possessione. *Secundò*. Religiosum Profellum non posse quicquam præscribere, seu vsucapere; quia nihil potest suo nomine possidere. *Tertiò* Fructuarium, feudatarium, emphyteutam non posse rei proprietatem præscribere, quia hanc non possidet nisi naturaliter. Dominus enim directus possidet illam civiliter. Deinde non possidet eam suo nomine, sed directi Domini: possunt tamen præscribere ius, utilitates, quia hoc civiliter possident, ut pote suo nomine. *Quartò*, neminem posse præscribere, quamdiu apud ipsum non est possessio civilis: sed apud alium. Nam præscriptio incipit ab eo die, quo prior dominus amittit possessionem civilem, ut est communis sententia, teste Couarr. loc. cit.

QVÆST. III. An ad præscriptionem requiratur titulus?

1. **P**rima Conclusio. Requiritur titulus probabiliter præsumptus, id est, qui bona fide putetur validus, ut donatio testamenti, emptionis, permutatio, nis: non est autem necesse ut ille titulus sit verus, id est, validus (Nam hic sufficit ad transferendum dominium sine præscriptione) sed satis est, ut probabiliter putetur verus, quamuis reuera inualidus sit, ut si v.g. venditor non habuit potestatem vendendi: tunc enim ius facit, ut res aliena, exacto tempore definito, fiat tua.

2. Secunda Conclusio. Licet ordinariè, non tamen semper requiritur titulus ad præscriptionem,

Couarr.

Couarr. p. 2. §. 8. quia sæpè sit vt tituli obliuiscamur: multa enim habemus in rebus nostris, de quibus non constat, an emptione, donatione, testamento, an aliter acceperimus; requiritur tamen, vt breuiore, vel ordinario tempore fiat præscriptio.

QVÆST. IV. *An ad præscriptionē requiratur bona fides.*

1. **P**rima Conclusio. Requiritur bona fides, vt patet ex Regula iuris in 6. quæ ait: *possessor male fidei non præscribit.* Idem habetur in c. fin. de præscriptionibus. Est autem hoc loco bona fides nihil aliud, quàm credulitas qua quis sibi prudenter persuadet, rem esse suam, vel saltem nescit esse alienam, Dico, *prudenter*, quia si ex ignorantia crassa, vel ex inordinata cupiditate illa persuasio procedat, non erit bona fides. Quæres. An censeatur bona fide rem possidere, qui dubitat, an res sit sua. Pro quo sit

2. Secunda Conclusio. Qui dubitat, non censeatur habere bonam fidem ad inchoandā possessionem, quamdiu manet dubitatio, Ita Couarr. suprà, Ioannes Medina c. *de restitutione*, quæst. 17. & alij passim. Ratio est, quia qui dubitat, an res sit sua, an aliena, iniquè faceret, eam sibi arrogando, cum non sit melior ipsius conditio, quàm alterius,

3. Tertia Conclusio. Qui dubitat, censeatur habere bonam fidem sufficientem ad continuandam possessionem, bona fide inchoatam. Ita Couarr. Medina, & alij contra Adrian. in 4. *quæst. de præscriptione*, & quosdam alios, qui putant bonam fidem per tale dubium interrumpi, ac proinde præscriptionem non procedere. Ratio conclusionis est, quia in pari dubio melior est conditio possidentis: ergo potest rem retinere & possessionem continuare: ergo potest etiam præscribere. Nam sola illa possessio est inutilis ad præscribendum, quæ non est sine peccato, vt patet ex dicto c. finali.

Dices. Bona fides est existimatio, qua quis prudenter existimat rem esse suam, ut dictum est in prima conclus. sed qui dubitat, non existimat prudenter rem esse suam: ergo non habet bonam fidem. Respondeo non tantum est bona fides, cum quis positiue credit non esse suam, sed etiam cum nescit esse alienam, ut patet. *fin. de præscriptione. ex c. si virgo 34. quæst. 1.* Vnde cum dubitans nesciat esse alienam, cõsetur habere bonam fidem, non quidem ad inchoandam, sed continuandam possessionem. Nam capita citata loquuntur de continuatione possessionis, non inchoatione. Ex dictis solui potest dubium quod tractat Couarr. *num. 2.* An scilicet detur mediũ inter bonam & malam fidem: Respondeo dari medium, si speculatiue loquamur, non autem, si practicẽ. Nam qui dubitat speculatiue, nec bonam, nec malam fidem habet: quia nec credit positiue rem esse suam, nec alienam, sed hæret in medio. At in ordine ad praxim, vel bonam, vel malam fidem habet: Bonam, si agatur de continuatione possessionis benẽ inchoatæ: Malam, si agatur de possessione primum inchoanda.

QVÆST. V. Vnde proueniat bona fides, quæ ad præscriptionem requiritur.

1. **D**ixi: Bonam fidem in eo consistere, ut quis prudenter credat rem esse suam quæ sua non est aut nesciat esse alienam, quæ aliena est. Hoc debet prouenire ex aliquo errore, vel ignorantia, siue iuris, siue facti. Quæritur ergo: An error qui inducit bonam fidem sufficientem ad præscribendum, sit error iuris, an facti. Est autem præcipua quæstio de errore iuris, v.g. comparasti rem aliquam contractu usurario, quem putabas esse iustum, & licitum: vel accepisti vestẽ à Religioso, nesciens illum non posse donare, Quæritur, An cum tali errore currat præscriptio? Ioannes Medina *C. de restitutione quæst. 17.* docet quamlibet ignorantiam inculpata

inculpatam, tam iuris, quàm facti, sufficere ad præscribendum in foro conscientiæ.

2. Prima Conclusio. Ignorantia clara iuris non sufficit ad præscriptionem rei, etiamsi sit omnino inculcata; sufficit tamen, si inculcata est, ad præscribendos fructus, ex re illa perceptos. Prima pars est communis sententia, teste Couarr. Reg. possessor. p. 2. §. 7. num. 6. & patet ex L. numquam. ff. de usucapione, ubi sic dicitur: *Nunquam in usucapionibus iuris error possessoribus prodest.* Item ex L. iuris. ff. de iuris & facti ignorantia. Vbi sic dicitur, *iuris ignorantiam in usucapione negatur prodesse; facti verò ignorantiam prodesse constat.* Similia habentur L. error. ff. eodem titulo.

3. Quæres. An hoc verum sit in utroque foro. Respondeo: probabilis est sententia Mediæ tantum in foro externo verum esse. Nam in foro conscientiæ videtur sufficere ignorantia iuris, ad præscribendum, modò sit inculcata. Ratio est, quia leges ideo videntur iuris ignorantiam reiicere à præscriptione, quod is, qui ignorat ius contractuum, præsumatur non bona fide inchoasse possessionem; quia tenebatur adhibere diligentiam, ut sciret leges contrahendi: ergo si in foro conscientiæ, ubi cessat præsumptio, nulla fuerit negligentia, aut culpa, videbitur posse usucapere. Ant. patet ex regula iuris in 6. ubi dicitur. *Qui contra iura mercatur, bonam fidem non præsumitur habere.* Secunda pars conclus. est Nauarr. & aliorum, quos ipse citat. L. 1. consil. tit. 6. de officio Iudicis. Ratio est, quia error circa fructus, videtur esse error facti: putat enim possessor se eos percipere ex re sua.

2. Secunda Conclusio. Ignorantia iuris valdè dubij, & etiam verè dubij, sufficit ad præscriptionem rei. Ita Nauarr. loc. cit. Couarr. §. 7. num. 12. & alij. Ratio est, quia quando ius aliquod est verè dubium, id est, de quo utrimque sint multorum sententiæ, prudenter

possumus in praxi vtramlibet sequi, perinde ac si ius planum esset: ergo potest vsucapere is, qui aliquid acquisiuit contractu ambiguo. De quo vtrinq̃e sunt opiniones DD.

5. Tertia Conclusio. Ignorantia, vel error facti, sufficiens est ad præscribendum, vt expressè habetur, l. *iuris*, & l. *error*. ff. de *iuris & facti ignorantia*. Vnde si rem aliquam emeris à fure nesciens esse furem, tenes illam bona fide, & potes præscribere. Idem est si emeris; vel dono acceperis à pupillo; nesciens esse pupillum; vt patet l. *pro emptore*. ff. *pro emptore*. Pari modo si emas à prælato rem Ecclesiæ, putans capitulum consensisse, est error facti, & potes præscribere, etiamsi Capitulum non consenserit; Si autem emeris à prælato, putans non requiri consensum capituli, est error iuris, nec potes præscribere, nisi fructus rei; non autem rem ipsam; iuxta ea, quæ dicta sunt.

QVÆST. VI. *An aliquando cum mala fide procedat præscriptio.*

1. **R**atio dubij est, tum quia leges ciuiles videntur id affirmare; tum etiam, quia in quibusdam casibus videtur ita fieri.

2. Prima Conclusio. Propriè loquendo nunquam procedit præscriptio cum mala fide, vt ex dictis patet: leges autem ciuiles, quæ statuunt præscriptionem 30: aut 40. annorum, etiam cum mala fide procedere, sunt abrogatæ iure Canonico, vt patet c. *fin.* de præscriptionibus. Hinc sequitur primò, vt præscribam contra debitum pecuniarum, vel contra actionem ad tale debitum, quam habet Petrus in me, non sufficere, vt Petrus toto tempore non exigat debitum, aut non meminerit, sed requiritur, vt ego certo temporis spatio, bona fide existimem, me nihil debere Petro, v.g. vt putem esse condonatum, vel solutum, vel vt omnino memoria exciderit. Ratio est, quia aliqui non cense-

bor

hor bona fide possidere ius non soluendi. Similiter etsi famulus intra biennium, ex quo desit famulari, non petat stipendium à domino; non tamen dominus potest præscribere contra debitum illud, nisi bona fide putet solutum esse.

3. Dices. Aliqui docent cum mala fide posse præscribi contra actionem personalem, ita ut si certo tempore creditor non exigit debitum, postea non possit illud petere in iudicio, eique denegatur actio. Ita Adrianus *quodlib. 6. articul. 3.* Vnde etiam Carolus V. Anno M. D. XL. Bruxellæ statuit, ut famuli mercedem pactam petant à dominis intra biennium, à die qua seruire cessauerint; alioquin non possint eam petere in iudicio, nisi scripturam producant. Respondeo. Etsi hoc ita sit, non tamen ideo liberatur dominus in conscientia, si mala fide retinet pecuniam famulo debitam. Immo, si constaret, illum mala fide retinere, condemnaretur etiam in foro externo. Secundò sequitur, ut quis præscribat ius eligendi, præsentandi, pascendi, aut venandi alieno prædio, requiri ut bona fide utatur tali iure, tempore per legem constituto. Si enim mala fide utitur, sciens se non rectè facere, non currit præscriptio.

4. Prima Obiectio. Is, cuius bona per legem pœnalem addicta sunt fisco, & hæredes illius præscribunt contra fisci actionem, cum tamen sciant bona sua deberi fisco: ergo, al quando cum mala fide currit præscriptio. Respondeo. Iurisperiti putant tales habere malam fidem. Theologi rectius docent esse bonam fidem, non quidem qua sibi persuadeant hæc bona absolute, & pleno iure esse sua, sed qua iudicent licere sibi ea retinere; donec per fiscum auferantur, & se non teneri fisco ea offerre.

5. Secunda Obiectio. Possum præscribere contra eum, qui habet ius servitutis Rusticæ, in meo prædio,

dio, etiam si sciam ipsum hoc ius verè habere: ergo possum præscribere cum mala fide. Respondeo. Non sequitur. Nam aliud est, acquirere aliquod ius agendi, in re alterius: aliud verò extinguere ius, quod alter habet in re mea, ratione prædij Rustici. Hoc enim nihil aliud est, quam præscribere libertatem mearum rerum, quod fieri potest, etiam si sciam alterum ius habuisse. Itaque altero habente ius servitutis in meo prædio, cum non requiratur ullus actus in me, ut ego contra ius illud præscribam, sed sufficiat, ut ipse iure suo certo tempore non utatur, *Lege Hac autem iura. ff. de servitute Urban. prædiorum.* non sum in mala fide, etiam si sciam illum ius habere. Nam nihil facio illicitum, nec aliquid omitto quod debeam facere. Non enim teneor illum monere, ut iure suo utatur, itaque sum in bona fide, quia bona fide permitto illum iure suo non uti, & mihi sponte libertatem creati. Vide *Medinam C. de restitutione. quest. 17.*

QVÆST. VII. *Quantum temporis requiratur ad præscribendum res mobiles?*

1. **A**n te tempora Iustiniani sufficiebat biennium pro rebus immobilibus, & annus pro mobilibus. Hoc ipse postea reformavit, ut patet ex LL. infra citandis, Hanc autem reformationem amplectitur ius Canonicum, & ideo secundum illam procedendum est.

2. **Prima Conclusio.** Ad usucapionem rerum mobilium privati hominis, vel etiam cuiusvis Ecclesiæ, cum titulo, requiritur, & sufficit possessio per triennium, bona fide continuata. Est communis sententia. Prior pars de rebus privatorum habetur L. *unica, C. de usucapione transformanda.* Et Institut. *de usucap. §. 1.* Posterior de rebus Ecclesiæ habetur Authentica, *Quas actiones C. de SS. Ecclesiis,* quæ Authentica recepta est à iure Canonico 16. *quest. 3. c. ult. & penult.*

3. **Secun**

3. Secunda Conclusio. Ad vsucapionem rerum mobilium sine titulo, requiruntur anni 30 siue sint hominis priuati, siue Ecclesiæ. Prior pars de rebus priuatorum patet ex L. 9. C. de præscriptione, 30. vel. 40 annorum, ubi contra priuatum res immobiles præscribuntur 30. annis sine titulo. Idem ergo censendum est de mobilibus, cum nihil aliud de his statutum sit, absente titulo. Posterior de rebus Ecclesiæ probatur, quia cum Ecclesia in mobilibus, non habeat priuilegium, sed solum in immobilibus, eodem iure ceteri debet, quo priuatus. Vide Couarr. ad Reg. Possessor p. 2. §. 5. num. 2.

QVÆST. VIII, Quantum temporis requiratur ad præscriptionem rerum immobilium?

1. Prima Conclusio. Ad præscribenda bona immobilia priuatorum, cum titulo requiruntur 40. anni inter præsentēs, 20. inter absentes, sine titulo requiruntur anni 30. Est communis DD. in c. Sanctorum, de præscriptione. Prior pars habetur Institut. de vsucapiane, & L. cum in longis. C. de præscriptione longi temporis.

2. Nota primò. Longum tempus in hac materia vocari spatium 10. annorum inter præsentēs, & 20. inter absentes: longissimum autem 30. vel 40. annorum, ut patet ex L. citata.

3. Nota secundò. Præsentēs dici qui in eodem territorio habitant; absentes, qui in diuersis, ut notat Panorm. in c. de quarta, de præscriptione. Posterior pars Conclusionis, nempe sine titulo requiri 30. annos patet ex c. Sanctorum, de præscriptionibus, & ex L. si quis emptionis C. de præscriptionibus, 30. vel 40 annorum, Vbi notandum, quando agitur de præscriptione 30. vel 40. annorum, ordinariè non requiri titulum, sed sufficere bonam fidem cum possessione tanti temporis, ut docet Couarr. §. 5. num. 2. Et est communis

Dixi *ordinariè*, quia interdum exigitur tituli probatio, nempe quando præsumptio iuris est contra præscribentem, vt fit v. g. quando Episcopus vnius diœcesis vult præscribere Decimas in alia diœcesi, vt habetur *c. 1. de præscriptione in 6.* Tunc enim ex possessione 40. annorum non præsumitur titulus, sed requiritur tituli probatio, vel certè possessio continuata ab immemorable tempore

4. Secunda Conclusio. Contra Publicum, quamdiu est in illa ætate nulla datur præscriptio, siue mobilium, siue immobilium; vt pater *Lege sicut in rem, C. de præscript. 30. ann.* Si autem non sit pupillus sed minor, id est, nondum habens expletos 25. annos, requiruntur 30. anni. *L. ultima C. in quibus causis in integrum restitutio necessaria non est.* Ita constitutum fuit in fauorem illius ætatis.

4. Tertia Conclusio. Ad præscribenda bona immobilia contra Ecclesiam Romanam requiruntur 100. anni: contra aliam Ecclesiam, vel Hospitale, vel Monasterium, vel pias causas, requiruntur anni 40. Est communis. Prior pars de Ecclesia Romana habetur Authentica, *Quas actiones. C. de sacro sanctis Ecclesiis,* & in multis canonibus *tit. de præscription.* Posterior pars de aliis Ecclesiis habetur *c. de quarta, de præscriptione.*

6. Nota primo. Quibusdam Monasteriis & Collegiis Regularium concessum esse, vt res immobiles non possint contra ipsos præscribi, nisi annis 60. Concessit hoc Eugenius IV. Ordini Sancti Benedicti, & Iulius II. congregationi Sancti Saluatoris. Idem concessum est illis ordinibus qui horum priuilegiis participant, vt Societati nostræ, & quibusdam aliis.

7. Nota secundo. Nomine bonorum immobilium hæc etiam intelligi iura & actiones ad immobilia. Item beneficia, census, redditus, Ius patronatus, vsusfructus, & seruitutes. Hæc enim omnia fixa manent, & instar immo

immobilium commodum & vtilitatem afferunt: Itaque de his iudicandum est iuxta ea, quæ dicta sunt. Sed tamen quia in his est aliqua diuersitas. breuiter de singulis agendum.

Q V Æ S T. I X. *Quanto tempore præscribantur seruitutes, & quanto amittantur?*

1. **P**rima Conclusio. Seruitus merè personalis, quæ debetur personæ à persona, nullo tempore præscribi potest, id est, vsucapione acquiri *L. fin. C. de longi temporis præscript.* idque verum est, etiamsi bona fide putans esse seruum, emeris. Ratio est, quia æquitas non patitur, hominem liberum fieri seruum ex errore opinionis; seruus tamen præscribit libertatem contra Dominum, si per 20. annos putauerit bona fide se esse liberum, etiamsi titulum libertatis non habeat *L. 2. C. de longi temporis præscriptione*, quæ pro libertate.

2. Secunda Conclusio. Seruitus mixta, quæ à re debetur personæ, vt est vsusfructus, præscribitur cum titulo 10. annis inter præsentes, & 20. inter absentes; sine titulo 30. annis. *L. fin. C. de longi temporis præscriptione.* Vnde si aliquis, qui non erat Dominus rei, vel non habebat potestatem, constituit tibi vsusfructum in agro, & tu hoc ius bona fide possedisti per 10. annos, præsentem eo, ad quem pertinebat, retinebis illud ad vitam, vel ad tempus constitutum, quia iam tuum effectum est lege præscriptionis. Quod si Dominus ad quem pertinebat sit absens, requiruntur anni 20. si autem non habes titulum quo ad te peruenit hoc ius (vt si dictum tibi fuit ad te pertinere, nescias autem qua ratione) & sic bona fide per triginta annos possideas, tuum erit ad vitam. Idem dicendum est de feudo, & emphyteusi.

3. Tertia Conclusio. Seruitus merè realis, siue sit continua, vel quasi continua, vt tigni immittendi, oneris ferendi, stillicidij. aquæ ductus; siue discontinua, & eundi per tuum prædium, agendi iumentum

ducendi currum, cum titulo & bona fide præscribitur 10. annis: præfente eo contra quem agitur: 20. verò, eo absente. Est communis ex L. *fin. C. de præscriptione longi temporis*. Verbi gratia, si is, qui reuera non erat dominus rei, tamen putabatur esse, concessit tibi ius immittendi tignum in murum, vel stillicidium in aream, & tu bona fide hoc ius per 10. annos possideas, præfente eo cuius interest, reuera efficieris dominus talis iuris: lege præscriptionis.

4. Quarta Conclusio. Seruitus merè realis, si sit cōtinua vel quasi continua absque titulo, cum scientia & patientia aduersarij, præscribitur decennio inter præfentes; vicennio inter absentes. Discontinua verò absque titulo non præscribitur, nisi tempore immemorabili, id est, cuius initij non extat memoria. Prior pars est communis ex L. 1. & 2. C. *de seruitutibus & aqua*. Posterior est etiam communis, ex L. *seruitutes* 4. ff. *de seruitutibus*.

4. Quarta Conclusio. Vsfusfructus, & omnis seruitus, quæ non vsu amittitur, extinguitur 10. annis inter præfentes, & 20. inter absentes; vt habetur L. *penult. C. de seruitutibus*.

6. Nota primò. Aliud esse acquiri seruitutem lege præscriptionis; aliud verò extinguere beneficio eiusdem. De priori actum est in quatuor primis Conclus. de posteriori in hac quinta.

7. Nota secundò. Differentiam esse inter seruitutes rusticas & urbanas. Nam rusticæ, sicut & vsufuctus, extinguuntur per solum non vsu, nec requirunt vt dominus prædij aliquid faciat, quo incipiat vsucapere suam libertatem, vel vt nesciat te ius habere. Itaque ius itineris, agendi iumenti, ducendi plaustris, deriuandæ aquæ per prædium alterius, pascendi pecoris, aquandi, arenæ fodiendæ, & similia amittis solo nō vsu per decennium, si præfens sis; si absens sis, per 20. annos.

annos. Urbanae autem servitutes non amittuntur solo non usu, sed requiritur, ut possessor loci debentis servitutem aliquid faciat bona fide; quo incipiat usucapere suam libertatem; verbi gratia, habens ius immittendi tigni in murum alterius, si eximas tignum, & possessor nihil faciat, quo impediatur, ne rursus immittas, non perdis unquam ius tuum: sed si ille foramen obstruat, & tu per 10. annos non utaris tuo iure, perdis ius tuum. Similiter, si habet ius, ne alius propius ædificet, vel altius murum extollat, non amittis ius, nisi ille contra faciat, & tu post illud factum, 10. annis præsens sileas. Habentur hæc omnia *L. hæc autem iura, ff. de servitute urbanorum prædiorum.*

QVÆST. X. *Quanto tempore præscribatur ius patronatus, id est, ius præsentandi ad beneficium?*

1. **N**Ota Ecclesiam, in qua est beneficium, vel fuisse olim liberam à tali iure, vel non fuisse liberam, vel non constare an fuerit libera, nec ne.

2. Prima Conclusio. Si constet olim liberam fuisse Ecclesiam, ius patronatus non potest præscribi à laico. Est communis. Ratio est, quia præsumptio iuris illis resistit. Cum enim ius præsentandi sit spirituale, non censetur competere homini laico præsertim non habenti titulum, & in Ecclesia, quæ semper fuerit libera.

3. Secunda Conclusio. Quando dubium est, An Ecclesia parochialis fuerit olim libera, ius patronatus potest præscribi à Parochianis 40. annis cum titulo, tempore immemorabili sine titulo. Prior pars patet, quia cum titulo colorato, vel præsumpto possunt præscribi à laico bona immobilia, & iura contra Ecclesiam: ergo etiam ius patronatus, quod est minoris momenti. Nec præsumptio iuris est contra ipsos cum credibile sit ipsos esse fundatores illius Ecclesiæ, quando de alio non constat. Posterior pars probatur.

quia ex possessione huius iuris, per tempus immemorable, præsumitur iustus titulus in Parochianis.

4. Tertia Conclusio. Similiter, quando dubium est, An Ecclesia Collegiata fuerit olim libera, ius præsentandi Rectorem, seu prælatum in tali Ecclesia, potest eodem modo præscribi à laico, & multo magis ius præsentandi ad simplicia beneficia. Ratio est, quia talis Ecclesia præsumitur à laico fundata, ac proinde putatur sibi hoc ius præsentandi prælatum cum consensu Episcopi reservasse, cuius sufficiens signum est, quod à tanto tempore hoc ius possideat. Quamvis enim ex eo, quod quis sit fundator talis Ecclesiæ, non competat ei ius præsentandi Prælatum, eò quòd eius electio iure communi pertineat ad Capitulum, tamen si in fundatione hoc ius sibi reservet cum consensu Episcopi, verè hoc ius obtinebit, & ita præsumitur fecisse.

5. Quarta Conclusio. In Ecclesia non libera, ius Patronatus à laico contra verum Patronum præscribi potest cum titulo colorato 10. annis inter præsentantes; 20. inter absentes. Sine titulo annis 30. Est communis teste Couarr. Et probatur, quia est eadem hîc ratio, quæ bonorum immobilium, & iurium contra priuatum. Nam in hoc casu non præscribitur contra Ecclesiam, sed contra priuatum hominem, qui ante habuit ius Patronatus.

6. Quinta Conclusio. Beneficium Ecclesiasticum cum titulo præscribi potest contra alium, ad quem verè pertinebat, decennio inter præsentantes, vicennio inter absentes, sicut alia iura, quæ bonis immobilibus annumerantur. Sine titulo non potest præscribi, quia nihil præscribitur, nisi cuius possessio prius fuerit acquisita. At possessio beneficii non acquiritur sine Canonica institutione, ac proinde nec sine titulo, ergo sine titulo non potest præscribi beneficium.

7. Sexta Conclusio. Qui pacificè aliquod beneficium

ficium absque simoniaco ingressu per triennium possedit, præscribit contra actionem cuiusvis impetitoris, toris, vt paret ex *reg. 33. Cancellaria*. Hic dubium est, an hæc possessio bona fide per triennium continuata præscribat proprietatem beneficij, ita vt possessor postea non teneatur illud resignare. Couarr. purat non præscribere, ac proinde beneficium in foro conscientiaæ esse dimittendum, simul atque constiterit collationem non fuisse validam. Alij probabilius contrarium tenent, quia cum Pontifex post triennium nemini alij concedat actionem ad illud beneficium, videtur possessionem reddere securum in conscientia, vt deinceps possit retinere.

Q V Æ S T. II. Quanto tempore præscribantur debita, hypotheca, legata, fideicommissa?

1. **P**rima Conclusio. Debita rerum mobilium & immobilium præscribuntur, cum bona fide annis triginta contra creditores, & excluditur omnis actio ad ea petenda. Est communis ex *L. sicut in rem. C. de præscript. 30. & 40. ann.* Vide Couarr. §. 11. n. 4.

2. Secunda Conclusio. Si res hypothecata possideatur à debitore, vel hæredibus eius, non extinguitur actio hypothecaria, quam creditor habet, nisi 40. annis. Si verò possideatur ab alio, extinguitur decennio inter præsentem, & vicennio inter abfentem. *L. cum notissima. C. si aduersus creditorem.*

3. Tertia Conclusio. Quando bona alicuius, ob non solum vectigal, vel ob similem causam ipso facto sunt commissæ, id est, fisco addictæ, præscribuntur à reo, & hæredibus eius contra actionem fisci quinquennio; ita vt, si quinque annis à die commissi non petantur, expiret ius fisci. *L. 2. C. de vectigalibus & commissis.*

4. Quarta Conclusio. Quando ob aliud crimen sunt commissæ, v. g. ob crimen perduellionis, aut

incestas nuptias, reus, quamdiu puniri potest, non potest ea præscribere. Alij tamen, siue hæredes sint, siue non sint, ad quos ea bona deueniunt, præscribunt illa quinquennio contra fiscum, præterquam in casu hæresis. Prima pars patet, quia quamdiu reus puniri potest, habet ius vendicandi sibi fiscum. Secunda probatur ex *L. 2. supradicta*, quæ generaliter loquitur. Excipio casum hæresis, quia bona Hæretici, & Apostatæ nunquam possunt præscribi contra actionem fisci, nec ab ipso, nec ab hæredibus eius, neque ab alijs, ad quos ea deuenierint, nisi ipsi ignorauerint illum Hæreticum esse, & 40. annis cum hac ignorantia ea possederint, ut colligitur ex *c. 2. de prescriptionibus in 6. De quo vide Couarr. & Epit. 4. decreti. p. 1. c. 6. §. 8.*

5. Quinta Conclusio. Legata & fideicommissa non possunt præscribi contra legatarium, & fideicommissarium, nisi spatio 30. ann. & colligitur ex *L. ult. C. Communia de legatis*. Vide Couarr. ad reg. *Possessor. 3. p. §. 3. n. 6.*

Q V Æ S T. XII. *Quanto tempore possit præscribi contra Principem?*

1. **Q** Vinque bonorum genera possunt pertinere ad Principem. *Primò*, quæ per sententiam eius fisco sunt tradita. *Secundò*, quæ quis debet illi in recognitionem subiectionis suæ, & supremæ potestatis ipsius; ut sunt Census, tributa, obedientia. *Tertiò*, quæ sunt Principi reseruata, ut posse indicare vectigal, instituere tabelliones, legitimare, & similia. *Quartò*, quæ coronæ annexa sunt, ut prata, saltus, viuaria, prædia rustica & urbana oppida, castra. *Quintò*, priuata, quæ Princeps possidet, ut priuatus.

2. Prima Conclusio. Quæ fisco Principis illata sunt, non possunt præscribi, nisi 40. annorum spatio. *L. omnes, C. de prescript. 30. vel. 40. annorum.*

3. Obiici potest §. *res fisci*. *Instit. de usu cap.* Vbi sic dicitur

dicitur. *Res fisci vsucapi non potest* Resp. Hoc intelligendum est tempore ordinario, quo res priuati hominis potest vsucapi, vt tribus, decem, vinginti annis: non autem extraordinario, vt ibidem notat Glossa.

4. Quæres. Quid si fisco nondum sit tradita, sed adhuc manet apud reum, vel hæredes eius. Resp. Tum potest p̄scribi quinquennio, vt dictum est *p̄cedenti quæst. Conclus. 3.*

5. Secunda Conclusio. Quæ debentur Principi in recognitionem supremæ potestatis, vt sunt census & tributa, horum exemptionem & immunitatem nemo potest p̄scribere, vt docet Panorm. in c. cum nobis, & in c. ad audiendam, de p̄script. & alij passim.

6. Quæres primò. An idem sit de immunitate ab iudictionibus & collectis, quæ non in recognitionem supremæ potestatis, sed pro expensis alicuius belli, vel pro simili aliqua publica vilitate penduntur. Res. negativè. Hæc enim immunitas potest p̄scribi cōtra ciuitates an. 40. vt ostendit Cōuarr. ad reg. p̄fess. p. 2. §. 2. n. 10. Idem dicendum aduersus Principem, vt colligitur ex L. omnes. C. de p̄script. 30. vel 40. an. nisi aliud particulari lege statutum sit.

7. Quæres secundo. An à subditis p̄scribi possit immunitas ab obedientia Principis, vel ipsius correctione, vel vt ad eum non possit appellari Resp. Negativè, quia potestas p̄cipiendi, iudicandi, & castigandi est omnino intrinseca auctoritati Principis respectu subditorum: potest tamen subditus p̄scribere exemptionem & libertatem, per quam desinat esse subditus, & non agnoscat illū superiorem in tēporabilibus: quod fecerunt multi Principes, qui aliquando fuerunt subditi Imperio Romano, ad hoc autem sufficiunt 40. anni cum titulo, & sine titulo tempus immemorabile.

8. Quæres tertio. An subditus eodem modo possit p̄scribere exemptionem & libertatem à po-

testate Pontificis in spiritualibus. Resp. negative, quia nec ipse Pontifex potest aliquem à iurisdictione sua eximere: hæc enim iure diuino annexa est Pontificatui in omnes Christianos, iuxta illud Christi, *Pasce oves meas.*

9. Tertia Conclusio. Quæ Principi reseruata sunt, vt posse indicere vectigalia, instituere tabelliones, legitimare, & similia, possunt per præscriptionem acquiri ab inferiori spatio 40. annorum cum titulo. Sine titulo per tempus immemorabile. Est communis apud Couarr. Ratio est, quia Princeps potest hæc communicare alicui subdito: ergo si subditus à tempore immemorabili hæc vsurparit, præsumitur vsurpasse concessione Principis.

10. Quæres. Quare 40. anni non sufficiant sine titulo? Resp. Quia si subditus non ostendat titulum v. g. concessionem alicuius, præsumptio est contra eum, quod mala fide vsurpauerit, vt patet in simili cap. 1. de præscriptione in 6. vbi Episcopus sine titulo non potest præscribere Decimas alterius diocesis. Simili modo cum hæc iura Principum sint propria, præscriptio malæ fidei est contra subditum. Tollitur autem hæc præsumptio, vel ostensione tituli incolorati, vel possessione temporis immemorabilis.

11. Quarta Conclusio. Bona Principum, quæ coronæ sunt annexa, vt prata, oppida, castra, non possunt præscribi contra Principem, nisi 100. annis. Est communis, & probatur ex *L. vt inter diuinum C. de SS. Ecclesiis*, vbi in præscribendo legato, vel donato, vel empto, contra ciuitates requiruntur 100. anni: ergo multo, magis contra Regnum vel Prouinciæ: bona autem Principum sunt Regni, vel Prouinciæ.

12. Dices. Ergo dicendum idem de fisco Principis. Resp. Fiscus non gaudet priuilegio præscriptionis centenariæ, sed tantum 40. annis, sicut neque ciuitates,

contra

contra quas etiam 40. annis præscribitur exceptis iis, quæ habentur *L. cit.* ut sunt hæreditas, legatum, fidei-commissum, donatum, emptum. Nam ut hæc contra ciuitatem aliquam præscribas, requiruntur 100. anni: in cæteris sufficiunt 40.

15. Quinta Conclusio. In iis bonis, quæ princeps possidet ut priuatus, quiuis præscribit contra Principem, sicut contra priuatum. Ita Couarr. ex Baldo & aliis. Ratio est, quia etiam res patrimoniales eler. corum præscribuntur contra eos; sicut contra alios: neque vllum ius extat quo Principibus in hac parte priuilegium aliquod præ cæteris tribuatur.

QVÆST. XIII. Quanto tempore præscribat, qui rem accepit à possessore mala fidei, vel ab eo, qui mala fide tradidit.

1. Prima Conclusio. Is qui accepit eam ut hæres immediatus, nullo tempore potest eam præscribere, etiamsi bona fide acceperit & possederit. Est communior apud Couarr. §. 6. & expressè colligitur ex *L. cum heres, 3. de diuersis temporalibus præscript.* Ratio est, quia hæres succedit in omne ius defuncti, ut habetur *lege cit.* Sed defunctus propter malam fidem non poterat præscribere: ergo nec immediatus hæres.

2. Secunda Conclusio. Is qui bona fide accepit eam non ut hæres immediatus, sed alio titulo, ut legati, donati, empti à possessore malæ fidei, potest eam præscribere tempore ordinario *L. an vitium, ff. de diuersis temporalibus præscriptionibus.* Excipiuntur tamē duo casus. *Primus* est, si sit res immobilis, & is, contra quem præscribitur, ignoret eam ab alio possideri, ut colligitur ex *authent. mala fidei, C. de longi temporis præscriptione.* *Secundus* est, si illa res sit furtiua, vel vi possessa: tunc enim requiruntur 40. anni. Ratio est, quia res furtiua, & vi occupata, etiamsi postea ab aliquo bona fide emptæ fuerint, non possunt præscribi spatio longi temporis, id est, 10. vel 20. annorum, ut expressè ha-

betur §. *furtivæ*. Inst. *de usucap.* Quare fallitur Sotus l. 4. *de iust q. 6. art. 4.* ubi docet latronis filium, si bona fide paternam hæreditatem adiuit, & toto tempore præscriptionis bona fide possedit, esset tutus in conscientia etiam si postea intelligat fuisse alienam. Idem dicunt de emptore, qui bona fide emit à latrone. Sed est aperte contra ius: hæres enim nunquam præscribit, ut dictum est: emptor verò non præscribit tempore ordinario, sed tantum post quadraginta annos, ut colligitur ex L. *omnes. C. de præscript. 30. & 40. ann.*

Q V Æ S T. XIV. *Quenam res præscribi possint.*

1. **P**rima Conclusio. Nullo modo præscribi possunt. *Primò*, exemptio ab obedientia superioris *Secundò*, res vñibus publicis deputatæ, ut forum, via publica, pons. *Tertiò*, ius Decimarum à laicis præscribi nequit post Concil. magnum Lateran. *Quartò*, limites Prouinciarum, Episcopatum, & Paræciarum, si de iis constet. Nam si non constet, præscribi possunt. *Quintò*, res indiuisa communis pluribus, nullo tempore ab aliquo eorum præscribi potest, quia nullus eorum possidet proprio nomine, sed aliorum.

2. Secunda Conclusio. Sunt alia quæ in iure dicuntur non posse præscribi, quia ordinario tempore non præscribuntur, ut v. g. res furtivæ, bona fisco tradita, fundus dotalis, legatum, fidei commissum, bona aduentitia filii familias.

Q V Æ S T. XV. *Quando præscriptio dicatur non procedere dormire, interrumpi?*

1. **P**rima Conclusio. Præscriptio dicitur non procedere, quando ob aliquam causam non incipit, vel non potest incipere. Hoc fit potissimum ob quatuor causas. *Primò*, si desit possessio ciuilis. *Secundò*, si desit titulus, non potest incipere præscriptio triennalis, decennalis, aut vicennalis; potest tamen triennalis, ut q. 8. dictum est. *Tertiò*, si desit bona fides. *Quartò*

si res non possit alienari lege resistente. Vide Couarr. §. 12.

6. Secunda Conclusio. Præscriptio dicitur dormire, quando iam inchoata aliquanto tempore cessat; ita tamen, ut illo exacto, rursus vim habeat, & continuetur cum tempore prior. Sic dicitur dormire. *Primò*, tempore belli, quando ius non dicitur, vel homines diffugiunt in aliud territorium. Similiter tempore pestis. *Secundò*, quando Ecclesia caret Rectore. cessat contra ecclesiam. *Tertiò*, quando is, contra quem præscribitur, non potest agere, ut est filiusfamilias, pupillus, vxor viuente marito.

3. Tertia Conclusio. Interrumpi dicitur, quando inchoata ita cessat ut si rursus reuiuiscat, non continuetur cum præcedenti tempore, sed de nouo debeat inchoari. Hæc interruptio fit dupliciter. *Primò*, naturaliter, ut quando incipit aliquid deesse, quod est necessarium ad naturam præscriptionis, ut possessio, vel bona fides. *Secundò*, ciuilitè, ut quando per aliquem actum iuridicè interpellatur, ut per litis contestationem, vel citationem, ut docet Couarr. §. 12. ex Panorm. & aliis.

4. Quæres. An quælibet præscriptio possit hoc modo interrumpi? Respondeo *primò*. Triennalis non interrumpitur litis contestatione, si tamen is, qui volebat ita præscribere condemnatur, debet rem restituere: si non condemnatur, & maneat in bona fide, expleto triennio potest eam retinere. Respondeo *secundò*. Decennalis, vicennalis, & triennalis interrumpitur litis contestatione, facta coram Iudice competente: si tamen actor succubuerit in lite vel si litem sponte deseruerit, vel si animo tantum interrumpendi præscriptionem litem mouerit, non interrumpitur. Respondeo *tertiò*. Præscriptio contra actionem fidei interrumpitur sola citatione. Vide Couarr. loco citato.

QVÆST. 16. *An qui legitimè præscripsit rem aliquam, si postea cognoscat fuisse alienam, teneatur restituere?*

1. **M**ulti putant talem teneri restituere, nisi intercesserit negligentia Domini in re sua inquirenda. Ita Adrian. in 4. q. 2. de præscript. Ioannes Medina C. de restitutione q. 18. Scotus in 4. d. 15. q. 2. Gabr. ibidem q. 14. a. 1. Ratio est, quia lex præscriptionis potissimum instituta est in pœnam negligentiae Domini: ergo ubi negligentia non intetuerit, ibi non habet locum.

2. Prima Conclusio. Non solum quando Domini prioris intercessit negligentia, sed etiam quando constat nullam intercessisse, res legitimè præscriptæ transeunt in dominium præscribentis, ita ut non teneatur eas restituere, nisi prior Dominus per iudicem restitatur in integrum. Ita Couarr. ad reg. possessor. p. 5. §. 2. nu. 3. Sotus. l. 4. de iust. q. 5. a. 4. & alij passim. Probat-ur primò, quia L. 3. ff. de usucap. definitur usucapio, quod sit acquisitio dominij per continuationem temporis lege definiti: ergo transacto illo tempore acquisitum est dominium: ergo nulla est obligatio restitutionis. Secundò, quia leges præscriptionis nusquam dicunt eam institui in pœnam negligentiae dominorum, sed ob bonum publicum, ut patet. L. 1. de usucap. & L. ultim. ff. pro socio. Tertiò, quia canones indistinctè & absque restrictione negligentiae approbant præscriptiones bonæ fidei.

3. Secunda Conclusio. Præscriptio non solum transfert dominium utile, sed etiam directum. non solum in bonis mobilibus, sed etiam in immobilibus. Ita Couarr. §. 1. & passim Theologi contra Iurisperitos. Ratio est, quia leges & canones indistinctè loquuntur de dominio, nec restringunt ad dominum utile, ut patet c. 3. 4. 6. de præscriptione, & ex c. Clerici 26. qu. 3. ubi dominiū acquisitum per præscriptionem vocatur proprietas

prietas. Idem colligi potest ex LL.cit. & ex toto titulo C.de præscript. 30. annorum.

4. Dices *primò*. Nemo sine culpa debet priuari re sua : ergo debet intercessisse negligentia. Respondeo Antecedens verum est, nisi ratio boni communis aliud postulet, vt fit in proposito.

5. Dices *secundò*. Fundamentum præscriptionis est bona fides : ergo postquam constiterit rem fuisse alterius, subuertitur præscriptio, quia subuertitur eius fundamentum. Respondeo. Non subuertitur bona fides eo, quod peracta præscriptione constet rem fuisse alienam, quia tunc verè potest iudicare rem esse suam quamuis antea fuerit alterius.

QVÆSTIO LVIII. D. Thomæ.

De Iustitia.

Iustitia sumi potest dupliciter: *Primò*, pro completionem omnium virtutum, vt Matth. 5. v. 6. *Beati qui esuriunt & sitiunt iustitiam.* *Secundò*, pro virtute particulari, quæ voluntas inclinatur ad reddendum unicuique ius suum ad æqualitatem: Hoc modo hîc sumitur.

QVÆST. I. *Quid sit iustitia?*

1. **P**rima Conclusio. Tres sunt præcipuæ eius definitiones. *Prima* Aristotelis 5. *Ethicorum c. 1.* Iustitia est habitus, quo ad agendas res iustas homines idonei efficiuntur. *Secunda*, August. l. 19. *Cinit cap. 21.* Iustitia est virtus, quæ sua cuique distribuit. *Tertia* Vlpiani L. *Iustitia. ff. de iust. & iure.* Iustitia est constans & perpetua voluntas ius suum cuique tribuendi. Hanc explicat D. Thom art. 1. hoc sensu: iustitia est habitus, secundum quem aliquis constanti & perpetua voluntate, ius suum cuique tribuit.

2. *Quæres.* An hæc definitio sit sufficiens; Buridanus. 5. *Eth. quest 2.* negat, *primò*, quia non continet omnem actum iustitiæ: sunt enim tres ipsius actus: scilicet, honestè viuere, alterum non lædere, suū unicuique tribuere;

tribuere, vt habet *Vlp. loco citato*. At definitio continet vltimum tantum actum. *Secundò*, quia qui patitur pœnam, à Iudice sibi impositam, seruat iustitiam & tamen nihil tribuit : ergo non est de essentia iustitiæ tribuere alteri ius suum. *Tertiò*, quia Iustitia legalis nulli tribuit ius. Nam qui eam violat, non tenetur ad restitutionem. *Quartò*, quia non solum Iustitiæ, sed etiam charitati cõuenit, dare vnicuique, quod suum est 1. *Corinth. 13. vers. 4* Ad *primum* Resp. Vlpianus non dicit esse tres actus Iustitiæ, sed tria præcepta iuris, id est, legis. Deinde, per illum vnum actum in definitione Iustitiæ positum, reliqua duo explicantur. Nam eo ipso quod tribuis vnicuique ius suum, censeris neminem lædere, & honestatem circa proximum seruare. Vbi notandum quod honestè viuere possit sumi dupliciter. *Primò*, generatim pro eo, quod est studiosè agere, & sic est commune omni virtuti. *Secundò*, speciatim pro eo, quod est seruare honestatem proximo debitam, quod sic non violando iura, & soluendo debita, & sic pertinet ad Iustitiam, estque idem, quod tribuere vnicuique ius suum. Eodem modo alterum non lædere sumitur dupliciter. *Primò*, negatiuè, & sic non est actus, sed negatio. *Secundò*, positiuè, pro firmo proposito non lædendi alterum; & sic continetur sub illo actu ius suum vnicuique tribuere. Ad *secundum*. Qui patitur pœnam sibi impositam non solum tribuit ius suum alteri, nempe Reipubl. vel parti læsæ; sed etiam ipsi tribuitur ius suum, quia tribuitur illi pœna, quæ iustè ipsi debetur. Ad *tertium*, de Iustitia legali dicam infrà. Ad *quartum*. Charitas spectari potest dupliciter. *Primò*, quoad actus elicitos, & sic tribuit alteri dilectionem & amorem, non ex obligatione Iustitiæ, sed honestatis. *Secundò*, quoad actus imperatos, & sic tribuit alteri, quidquid omnes aliæ virtutes alteri tribuunt.

3. Secunda Conclusio. Ex definitione Iustitiæ constat

constat *primò*, Iustitiam esse virtutem, vt etiam docet D. Thom. artic. 3. Ratio est ; quia reddere cuique ius suum, & constituere debitam proportionem, & æqualitatem in actibus, quibus homines inter se communicant, est per se honestum, & rectæ rationi consentaneum : ergo est actus virtutis. *Secundò*, constat hanc virtutem esse in voluntate, quia inclinatur illam, vt velit unicuique tribuere ius suum.

4. Dices. Omnis actus virtutis est laudabilis, sed actus Iustitiæ non est laudabilis, quia sæpè habentur infames qui illum exercent, vt patet in ministris Iustitiæ vindictiue. Respondeo. Actus virtutis secundum se est semper laudabilis ; aliquando tamen vituperatur propter vilitatem, aut improbitatem eius, qui eum exercet. Hoc sensu dixit Apost. 2. Corinth. 6. vers. 3. *Nemini dantes ullam offensionem, vt nõ vituperetur ministerium nostrum*, id est, ne nostra culpa efficiamus, vt ministerium ex se laude dignum vituperetur.

QVÆST. II. *An iustitia sit ad alterum?*

1. **P**rima Conclusio. Iustitia propriè dicta debet esse ad alterum suppositum. Ita D. Thom. art. 2. Ratio est, quia disponit hominem ; vt tribuat unicuique ius suum, & nemini faciat iniuriam, nullis autem facit sibi iniuriã, sed alteri. Hinc sequitur *primò*, hominis ad seipsum non esse propriè Iustitiam ; *secundò*, nec inter patrem & filiũ, aut inter dominum & seruũ, qua tales. Ratio est, quia nemo potest alteri facere iniuriam, nisi habenti proprium ius, cuius violatio constituit iniuriam. At filius non habet proprium ius distinctum à patre, nec seruus à Domino : ergo inter illos non est propriè Iustitia.

Dices. Hinc sequitur inter Christum & Deum non potuisse esse Iustitiam. Tum quia Christus non est suppositum distinctum à Deo : tum quia secundum humanitatem est seruus Dei, ac proinde non habet ius proprium

proprium & distinctum à Deo, Respondeo, de hac re disputandum est in 3. p. de Incarnat.

3. Secunda Conclusio. Iustitia improprie & metaphoricè dicta potest esse vnius partis ad alteram, in vno eodemque homine. Ita D. Thom. *ibidem*. Ratio est, quia vnum membrum potest alteri præstare obsequium debitum, vt manus capiti. Hoc sensu dixit *August. 2. Genes. ad lit. c. 1* Iustitiam pertinere ad omnes animæ partes, & *libr. de moribus Ecclesiæ c. 15*. Iustitiam exigere, vt ratio imperet appetitui, & appetitus obediat rationi.

QVÆST. III. An Iustitia versetur tantum circa actiones?

1. **D**ivus Thomas artic. 9. ponit hoc discrimen inter Iustitiam, & alias virtutes morales, quod illa versetur tantum circa actiones; reliquæ circa passionibus. Hoc oppugnat *Burid. 5. Ethic. quæst. 5*. Quia Iustitia sæpe impeditur à passionibus, vt ab ira, timore, odio: ergo debet eas moderari, ergo circa eas versatur.

2. Prima Conclusio. Iustitia primariò versatur circa solas actiones ritè ad alterum disponendas, & circa res, vt sunt actionum materiæ: non autem circa passionibus; sicut Fortitudo & Temperantia. Patet, quia proprium officium Iustitiæ non est curare, vt homo non nimium irascatur, vel ne metuat, vel ne voluptates plus equo amet, sed vt tribuat unicuique, quod ipsi debetur; & quamuis ab hoc impedire possit per iram, timorem, & similes passionibus; tamen eius non est hæc impedimenta per se ipsam tollere, sed præsidio aliarum virtutum. Omnes enim virtutes se mutuò iuuant, & vna tollit impedimentum alterius, v. g. mansuetudo temperando iram, iuuat Obedientiam, Iustitiam, Humilitatem, quæ per iram impediti possent. Idem dicendum est de Fortitudine, & aliis,

3. Secunda Conclusio. Potest tamen Iustitia secundariò moderati passionibus, quatenus illa moderatio
est

est medium necessarium ad finem ipsius intrinsecum, quod est reddere cuique ius suum. Probat, quia possum velle moderari iram, timorem, aut cupiditatem, ne alicui faciam injuriā, & ex vi huius intentionis sequetur moderatio illarum passionum. Ratio communis est, quia omnis virtus ob suum finem intrinsecum potest quosvis actus externos aliarum virtutum ad illum idoneos imperare, ut suppono ex 1. 2. qu. 17. art. 5. atque moderatio passionum est medium idoneum, & sæpè necessarium, ad finem intrinsecum Iustitiæ, & est externus actus virtutis, cum non sit in voluntate: ergo Iustitia potest illum imperare. Itaque illa moderatio formaliter tunc erit actus Iustitiæ: non autem Temperantiæ, mansuetudinis aut fortitudinis: quia immediate sequitur ex affectu Iustitiæ.

Q V Æ S T. 4. *An iustitia attingat medium rei?*

1. **D**ivus Thomas art. 10. ponit aliud discriminem inter Iustitiam & reliquas virtutes morales, quod illa attingat medium rei: reliquæ verò medium rationis. Hoc etiam impugnat Barid. quia in omni virtute debet aliquod medium reipsa existere: ergo omnis virtus attingit medium rei. Item in omni virtute medium debet esse consentaneum rationi: ergo omnis virtus attingit etiam medium rationis: ergo in hac re non est discriminem inter iustitiam, & alias morales.
2. Nota. Aliud est virtutem esse medium quoddam inter duo extrema vitia: aliud verò virtutem efficere, ut homo teneat medium in suis actionibus. De hoc secundo hinc agimus.
3. Prima Conclusio. In eo conveniunt virtutes morales: nempe, Iustitia, Temperantia, Fortitudo, Mansuetudo, quod constituent medium in affectu, in actionibus, in materia, & circumstantiis; & quidem in affectu formaliter, in actionibus effectivè, in materia & circumstantiis obiectivè.

4. *Secunda Conclusio.* In eo discrepant quod Iustitia constituat medium rei, alia medium rationis. Id est, Iustitia spectat potissimum aequalitatem rei ad rem; ut scilicet tantum det alteri, quantum illi debetur; Alia verò potissimum spectant qualitatem operantis, ut scilicet secundum dictamen rectae rationis, consideretur, quomodo huic vel illi personae operanti, conveniat. Hinc sequitur medium Iustitiae semper esse idem, quia in iustitia semper debet servari aequalitas rei ad rem. At medium temperantiae & fortitudinis, est variabile, pro varietate operantium. Nam quod uni in sumendo cibo, & adeundo periculo est commensuratum, & aequale; hoc alteri potest esse nimium, vel parum. Argumentum Burid. non oppugnat sensum, sed tantum verba D. Thomae.

Q V A E S T. 5. *Quomodo Iustitia distinguatur ab aliis virtutibus?*

1. *Prima Conclusio.* Iustitia differt à fide, & prudentia, tum ex parte subiecti, tum obiecti. *Primum* patet, quia Iustitia est in voluntate, tanquam subiecto; fides & prudentia in intellectu. *Secundum* patet, quia obiectum Iustitiae est ius seu debitum proximo, quod non est obiectum fidei, aut prudentiae.

2. *Secunda Conclusio.* Ab aliis virtutibus, quae sunt in voluntate, differt ex parte obiecti tantum; ac *primo*, differt à Theologicis, quarum obiectum est Deus. *Secundo*, à Religione, quae spectat debitum Deo, ut primo principio, cui aequale reddi non potest. *Tertio*, à pietate, quae spectat debitum parentibus, & patriae ratione ortus, cui etiam satisfieri non potest ex aequo. *Quarto*, ab observantia, quae spectat debitum maioribus ratione gubernationis, cui etiam non potest reddi aequale praemium ab homine. *Quinto*, ab aliis Iustitiae partibus, quarum debitum est minus debito Iustitiae.

uæ. *Sextò*, à temperantia & fortitudine, quæ non versantur circa actiones iustas, vt iustitia, sed circa passionēs, vt dictum est.

QVÆST. V. *An Iustitia sit præstantior alijs virtutibus?*

1. **D**iuus Thomas art. 12. docet vtramque Iustitiam tam legalem, quam particularem præstare inter omnes virtutes morales, sed de legali postea agemus: nunc tantum quæritur de particulari, quam possumus conferre *Primò*, cùm Temperantia. *Secundò*, cùm Fortitudine. *Tertiò*, cùm Religione. *Quintò*, cùm Misericordia. Nam de aliis non est magna difficultas.

2. *Prima Conclusio.* Iustitia præstat Temperantiæ. *Est contra Burid.* Ratio est, quia Iustitia tribuit unicuique, quod suum est: ergo seruat pacem & tranquillitatem in Repub. ergo est utilis bono communi, ego præstat Temperantiæ, quæ spectat bonum priuatum.

3. *Prima Obiectio Buridani.* Illa virtus est præstantior, quæ magis imitatur naturam, & charitatem: talis est Temperantia respectu Iustitiæ: ergo. Minor patet, quia natura & charitas magis inclinant hominem ad bonum proprium, quàm alienum. Idem facit Temperantia: non autem Iustitia. Respondeo, si loquamur tantum de bono priuato, charitas & natura magis inclinant hominem ad bonum proprium, quàm alienum: si autem conferamus proprium bonum priuatum, cum bono communi, magis inclinant ad bonum commune, quàm ad proprium. Hoc sensu dixit Apost.

1. Corinth. 13. v. 5. *Charitas non querit, quæ sua sunt.* Et D. August. *Epistol. 120. cap. 25. Charitas in commune magis, quàm in priuatum consulens, dicitur non querere, quæ sua sunt.*

4. *Secunda Obiectio.* Temperantia prodest corpori & animæ: ergo est vtilior quam Iustitia: ergo & præstantior. Resp. Iustitia prodest toti Reip. tum quoad pacem externam: tum etiam quoad salutem internam.

5. Secunda Conclusio. Iustitia præstat etiam Fortitudini. *Est contra eundem Burid.* Ratio est, quia obiectum, siue bonum Iustitiæ est præstantius bono fortitudinis. *Primò*, quia est vtilius Reip. *Secundò*, quia sicut in præceptis illud est excellentius, quo seruato cætera implentur, ut patet in præcepto dilectionis, de qua Apost. Rom. 3. v. 8. *Qui diligit proximum, legem impleuit.* Ita etiam in bonis illud censendum est perfectius, quo habito cætera habentur. Huiusmodi autem est bonum Iustitiæ; quia, si nullus alteri noceret, non esset necessaria Fortitudo. Vnde interrogatus Agesil. teste Plutarcho, quænam harum virtutum præstaret, respondit. *Nihil utique fortitudine indigeremus, si omnes iusti essemus.* Tertiò, quia peccatum contra Iustitiam præcisè loquendo maius malum est, quàm peccatum contra fortitudinem.

6. Prima obiectio Buridani. Fortitudo in sacris literis per excellentiam vocatur virtus, iuxta illud Sap. 8. v. 7. *Sapientia docet sobrietatem, prudentia Iustitiam & virtutem.* Respondeo. Nomen virtutis ibi non sumitur pro habitu, qui reddit hominem bonum, sed pro vi ac robore animi, quo quis est firmus & constans in rebus agendis, quod quia maximè apparet in fortitudine, ideo illi tribuitur.

7. Secunda obiectio. Illos vocamus nobiles ac heros, qui procreati sunt à maioribus, qui pro Rep. fortiter certarunt, & sanguinem fuderunt: non autem, qui à mercatoribus etiam iustissimis descendunt: ergo signum est, fortitudinem esse nobiliorem Iustitia. Respondeo. Fortitudo tribuit nobilitatem non secundum se, sed ut est ministra Iustitiæ legalis: non enim nobilitantur homines ex eo præcisè, quia fortes sunt, sed quia bonum patriæ procurant.

8. Tertia Obiectio. Martyrium est actus fortitudinis; sed hic actus est præstantior quocunque actu

actu Iustitiæ: ergo. Respondeo. Martyrium habet præstantiam illam non à fortitudine, à qua elicitur, sed à charitate, vel iustitia legali, à qua imperatur.

9. Tertia Conclusio. Iustitia est minus præstans quam Religio & Misericordia. Prima pars est D. Tho. *infra qu. 81, art. 6.* Ratio, quia religio versatur circa cultum Deo debitum, sed quod Deo debetur est præstantius, quam quod proximo debetur. Hinc etiam colligitur pietatem & observantiam præstare Iustitiæ, quia ad illam illarum debitum est præstantius debito iustitiæ. Secunda pars probatur, quia misericordia vel non differt à charitate, vel proximè accedit. Charitas autem est præstantior Iustitia.

QVÆST. VII. *An præter Iustitiam particularem sit aliqua generalis, vel legalis?*

1. **A**firmat D. Thomas *art. 5. 6. 7.* & Aristoteles *5. Ethic. c. 1. & 2.*

2. Prima Conclusio. Præter iustitiam particularem, quæ tribuit unicuique privato, quod suum est, ponenda est aliqua generalis, seu legalis, quæ tribuat Reipub. seu toti communitati, quod suum est. Probatur *primò*, quia velle & procurare bonum Reip. habet specialem rationem honesti & laudabilis, quæ non invenitur in reliquarum virtutum functionibus: ergo ad specialem virtutem pertinet. *Secundò*, quia quisque civium, quatenus est pars Reip. & fruitur illius commodis speciali debito obstrictus est ad procurandum bonum illius Reip. sed ubi est specialis ratio debiti, ibi est etiã specialis ratio virtutis Iustitiæ. *Tertiò*, quia si quis negligat bonum cõmune in necessitate, vel præponat ei privatũ cõmodũ, peccat cõtra hanc Iustitiam; non tamẽ tenetur ad restitutionem, nisi ex officio teneatur conservare bonum Reipub. ergo signum est hanc Iustitiam esse specialem virtutem, distinctam à Iustitia particulari. Dices. Hæ rationes probant hanc Iustitiam non esse generalem;

sed specialem, quod est contra Conclusionem.

3. Secunda Conclusio. Hæc virtus sortitur varia nomina. *Primò*. Vocatur Iustitia, quia est ad alterum: nempe Remp. seu communitatem. *Secundò*. Vocatur Iustitia legalis, quia extendit se ad omnia, quæ legibus statuta sunt propter bonum commune. *Tertiò*. Vocatur Iustitia generalis ratione materiæ, quia scilicet versatur in omni materia virtutum moralium: omnis enim talis materia legibus constituta est. *Quartò*. Vocatur virtus specialis, quia licet ratione materiæ sit generalis, tamen in ratione virtutis est specialis; & habet specialem essentiam, distinctam ab alijs virtutibus, ut probatum est.

4. Dices. Aristoteles contrarium docet: nempe non esse virtutem aliquam specialem, sed potius omnium virtutum complexionem. *Idem docet Burid. 5. Eth. question. 4. Girald. ibidem questione 5. Eustratius cap. 1. 2. Andreas Vega, lib. 5. in Concil. Trident. cap. 4.* Docent enim complexionem omnium virtutum duobus modis spectari posse. *Primò*. In subdito, quatenus legi obtemperat. *Secundò*. In superiore, quatenus inclinatur illum, ut curet leges servari; in utroque vocari Iustitiam legalem. Respondeo, fateor hanc esse illorum sententiam, sed probabilior est sententia Divi Thomæ quam secuti sumus.

QVÆST. VIII. *An Iustitia legalis habeat veram & propriam rationem Iustitiæ?*

1. **P**rima Conclusio. Probabile est esse verè & propriè dictam Iustitiam. Ita Michael. Salon. ad art. 5. D. Thom. probatur *primò*, quia D. Thom art. 5. dicit, Iustitiã, secundum propriam rationem, ordinare hominem, tum ad alterum particularem: tum ad alterum in communi; siue ad communitatem: ergo utramque Iustitiã tam particularem, quã legalem putat esse propriè dictam Iustitiam. *Secundò*. Quia Iustitia legalis im-

mediatè

mediatè respicit bonum Reip. ergo perfectior est Iustitia particulari, quæ immediatè respicit bonum alterius priuatim: ergo si hæc est Iustitia propriè dicta; multò magis illa. *Tertio*, quia ius circa quod versatur Iustitia legalis, est ius simpliciter & propriè dictum: ergo & ipsa Iustitia est simpliciter & propriè dicta Iustitia. Antecedens pater, quia tria requiruntur & sufficiunt ad ius propriè dictum. *Primo*, vt sit ad alterũ. *Secundò*, vt sit debitum. *Tertio*, vt sit æquale. Hæc autem tria sunt in iure iustitiæ legalis. *Primo*, quia magis obligamur Reip. quam homini priuato. *Secundò*, quia in hoc iure seruatur æqualitas, quando ciuis reddit communitati, quantum illi ex lege debet.

2. *Secunda Conclusio*. Probabilius est non esse verè & propriè dictam Iustitiam. Ita *Gregor. de Valentia quæst. 2. pag. 1.* Ratio illius est, quia Iustitia propriè dicta debet esse inter eos, qui ita distincti sunt, vt vnus non sit aliquid alterius, & ideo inter dominum & seruum, aut inter patrem & filium, non est propriè dicta Iustitia. Atqui ciuis & Respublica, non ita distinguuntur, quia ciuis est pars Reip. ergo inter illos non est propriè Iustitia. Probatur *secundò*, quia ratio Iustitiæ in eo consistit, vt alteri reddatur debitum secundum æqualitatem, vt habet *D. Th. infra, quæst. 80. art. unico.* Atqui homo priuatus non potest Reip. reddere debitum ad æqualitatem, vt constat ex *D. Thom. ibidem.* ergo inter illos non est propriè dicta Iustitia.

3. Dices: Homo priuatus potest Reip. præstare, quantum illi debet ex lege: ergo ad æqualitatem. Resp. Non sequitur, quia aliud est præstare debitum, quod exigitur: aliud verò præstare debitum ad æqualitatem. Possumus quidem & debemus præstare debitum Reip. sed non possumus, nec tenemur præstare ad æqualitatem. Idem est de homine respectu Dei.

4. *Tertia Conclusio*. Licet Iustitia legalis

non sit propriè dicta Iustitia, est tamen multò perfectior, quàm Iustitia particularis, quæ est propriè dicta Iustitia. *Primò.* Quia immediatè respicit bonum commune, quod est excellentius bono priuato. *Secundò.* Quia debitum Iustitiæ legalis est altioris ordinis, quàm debitum Iustitiæ particularis.

5. Dices. Quomodo potest hæc Iustitia esse perfectior, si non est propriè dicta Iustitia? Respondeo. Hoc fieri posse, patet in simili exemplo. Nam Religio pietas, & obseruantia sunt Iustitiæ impropriè dictæ, vt patet ex D. Th. infra quæst 80. & tamen præstantiores sunt quàm Iustitia propriè dicta, quia versantur circa debitum altioris ordinis. Ex dictis patet solutio secundi & tertij argumenti contrariæ opinionis. Ad *primum* Respondeo. D. Thomam loqui de Iustitia secundum abstractam, & communem quandam rationem Iustitiæ; nempe, vt Iustitia est ad alterum: sic enim propriè dici potest de legali, & particulari Iustitia, & præterea de omnibus virtutibus, quæ sunt ad alterum.

Q V Æ S T. 9. *An iustitia legalis sit idem, quod pietas erga patriam?*

1. **C**onstat Iustitiam legalem spectare bonum Reip. seu totius communitatis. Sunt autem variæ virtutes, quæ hoc bonum spectant, vt pietas, obseruantia, obedientia. Est ergo quæstio, An iustitia legalis sit aliqua ex his virtutibus. Quidam putant esse obedientiam. Nam ideo dicitur Iustitia legalis, quia obseruat leges Reipub. quod est proprium obedientiæ. Alij putant esse pietatem, cuius officium est ex pio quodam affectu procurare bonum patriæ.

2. Prima Conclusio. Hæ tres virtutes, Pietas, Obseruantia, & Iustitia legalis, in tribus conueniunt. *Primò.* Quod immediatè respiciant, & procurent bonum commune Reipubl. *Secundò.* Quod non possint Reipublicæ præstare debitum ad æqualitatem, ac proinde
non

non sunt Iustitiæ propriè dictæ. *Tertiò*. Quod non obligent ad restitutionem. Ratio huius petenda est ex *quæst. 62. ubi agitur de obligatione restitutionis.*

3. Secunda Conclusio. Differunt verò in ratione debiti. Nam tribus modis potest aliquid esse debitum Reipubl. à privato homine. *Primò*. Titulo originis, seu natiuitatis. Nam ex eo, quod quis natus est in aliqua ciuitate, debet illi aliquod obsequium. *Secundò*. Titulo prudentiæ & gubernationis. *Tertiò*. Titulo connexionis & dependentiæ, quam habet pars ad totum. *Primò* debito satisfacit pietas. *Secundò*. Obseruantia. *Tertiò* Iustitia legalis.

4. Tertia Conclusio. Obedientia videtur distinguì ab his tribus virtutibus. Quia debitum illius oritur præcisè ex potestate & iurisdictione superioris, volentis obligare subditum: non autem ex titulis supra enumeratis.

5. Dices. Quid sentiendum est de charitate erga patriam, vel Rempub. Respondeo. Si amemus patriam præcisè propter Deum, iam erit actus virtutis Theologicæ: Si autem propter aliud motiuum, erit actus illius virtutis, cuius motiuum est.

CAPVT LIX.

De Iniustitia.

SVpra dictum est Iustitiam sumi duobus modis. *Primò*. Pro omni virtute, quatenus est quædam legis obedientia. *Secundò*. Pro virtute particulari, quæ constituit æqualitatem in commutationibus, & distributionibus: Totidem modis sumitur etiam iniustitia. *Primò*. Pro omni legis violatione, & sic omne peccatum est quædam iniustitia. *Secundò*. Pro vitio particulari, quod opponitur Iustitiæ particulari. Hoc modo hæc sumitur.

1. **P**rima Conclusio. Si iniustitia sumatur pro actu, qui est oppositus actui Iustitiæ, nihil aliud est, quam alieni iuris violatio, neque differt ab iniuria. Sicut enim actu iustitiæ tribuitur cuique ius suum: ita actu iniustitiæ hoc ius violatur, in qua violatione consistit iniuriæ ratio.

2. Secunda Conclusio. Si iniustitia sumatur pro habitu, qui est habitui Iustitiæ oppositus, nihil aliud est, quam prava voluntatis dispositio, ex iniustis actibus acquisita, ad similes actus inclinans.

3. Quæres. An hæc habitualis iniustitia consistat tantum in prava dispositione reali: an etiam in morali & imputatiua. Respond. Potest in vtraque consistere. Ratio est, quia potest aliquis alteri facere iniuriam duobus modis: nempe commissione, & omissione. Si faciat commissione, relinquit in voluntate aliquam dispositionem realem: Si nuda omissione, relinquit solum maculam moralem sine reali dispositione; sed raro fit, ut ommissio contingat sine positiua voluntatis complacentia & assensu.

QVÆST. 2. An aliquis dicatur iniustus eo ipso, quod faciat aliquid iniustum?

1. **D**ivus Thomas art. 2. vtrur hac distinctione: qui iniustum facit ex ignorantia seu passione, non est iniustus, sed is solum, qui facit ex intentione & electione.

2. Prima Conclusio. Qui sciens aliquid esse iniustum, sponte illud facit, eo ipso est iniustus: Probat, quia qui liberè vult id, quod novit esse iniustum, censetur etiam velle ipsam iniustitiam annexam. ergo merito dicitur iniustus.

2. Secunda Conclusio. Qui ignorantia inculcata nescit esse iniustum, vel si scit non consentit in opus, sed vi externa impulsus facit, non est dicendus iniustus.

iniustus. Probatur, quia malitia annexa operi nullo modo est volita.

4. Tertia Conclusio. Si ignorantia sit culpabilis, vel vis extrinseca, aut passio, qua quis incitatur, talis sit, ut ei possit resisti, verè erit iniustus, si faciat opus iniustum; licet minùs, quàm si sciens & volens. Probatur, quia talis vis & ignorantia non faciunt simpliciter inuoluntarium. *Vt suppono ex 1. 2. q. 6. 7. & 8.*

5. Dices. Aristoteles 5. *Eth. cap. 8.* tractans hanc quæstionem docet non esse dicendum iniustum, qui ex ignorantia vel passione facit aliquid iniustum, nulla adhibita distinctione. Respondeo. Sensus est non esse dicendum iniustum, quia directè non operatur ex habitu & affectu iniustitiæ, quo sensu loquitur etiam *D. Tho. art. 2.*

QVÆST. III. *An aliquis possit pati iniustum volens?*

1. Prima Conclusio. Formaliter, & per se loquendo, nullus facit iniustum, vel iniuriam, nisi volens; neque patitur iniustum, vel iniuriam, nisi nolens. Ita *D. Thom. artic. 3.* & *Aristot. 5. Eth. cap. 9. & 11.* Prior pars patet, quia nemo peccat, nisi volens, siue directè, siue interpretatiuè: ergo nec iniuriam facit, nisi volens. Hinc fit, ut amentes, & bruta non faciant iniuriam, etsi lædant. Altera pars probatur, quia nemo potest pati iniuriam, nisi Ius eius violetur: non potest autem violari Ius alterius, nisi ipso nolente, vel expressè, si sciat: vel implicite, si nesciat; & ita sit affectus, ut si sciret expressè, nolleret. Ratio est, quia si velit, vel certè positiuè permittat se lædi, iam cedit suo iure & illud abdicat; vel certè in arbitrio lædentis ponit, ac proinde etsi ipse lædatur; Ius tamen ipsius, quatenus ipsius est, non violatur. Hoc sensu intelligitur illa regula *qua est 27. inter regulas iuris in 6. Scienti & consentienti non fit iniuria, neque dolus.*

2. Dices. Hinc sequitur Primò. Eum, qui se interficit,

facit, non facere iniuriam. *Secundò*. Neque qui interficit alterum volentem. *Tertiò*. Neque coniugem, qui consentiente coniuge committit adulterium. *Quartò*. Neque usurarium, qui petenti dat usuram. Ratio est, quia in his casibus nemo inuitus, seu nolens est, ergo nemo iniuriam patitur: ergo nemo iniuriam facit. *Respondeo*. *Primò*. Qui se interficit, etsi iniuriam sibi ipsi non faciat, facit tamen iniuriam Reip. cuius ipse est pars; & etiam DEO, qui est Dominus vitæ ipsius. *Secundò*. Idem est de eo, qui alium volentem interficit; etsi enim ipsi iniuriam non faciat, eo quod abdicauerit Ius suum, quâ suû; ac proinde interfecto non teneatur ad ullam restitutionem hæredibus; tamen facit iniuriam Reipubl. & peccat contra Iustitiam legalem. Vnde Dauid puniuit Amalechitem tanquam homicidam, qui fatebatur se occidisse Saulem volentem. *Tertiò*. Idem dicendum, quando coniunx, consentiente coniuge, adulterium committit: non enim propriè facit iniuriam coniugi consentienti, sed peccat contra legem matrimonij. *Quartò*, qui soluit usuras, non cedit iure suo, quia non cupit, ut usurarius illas exigat: nec intendit se vlllo iure priuare: quod autem soluat usuras, hoc ideo facit, quia aliter pecuniam obtinere non potest. Ex dictis sequitur. *Primò*. In vno eodemque facto posse violari Ius vnius, & non alterius, ac proinde posse fieri iniuriam respectu vnius, & non alterius: ut patet in prioribus casibus. *Secundò*. Sequitur non censi quempiam cedere iure suo, si aliquo modo inuoluntariè, & renitente affectu consentiat, inductus ab eo, qui læsus est, ut patet in 4. casu. *Tertiò*. Sequitur quomodo intelligenda sit supra dicta regula iuris. Nam *primò* intelligi debet de eo, qui liberè consentit, quod non fit in 4. casu. Deinde, etsi aliquis liberè consentiat, potest tamen alteri fieri iniuria, qui non consentit, ut patet in duobus primis casibus.

3. Nota. Quosdam aliter hanc regulam explicare: distinguunt enim duplicia bona: Alia, quorum Domini sumus, ut est fama, honor, & alia bona fortunæ: in quibus iure nostro cedere possumus, alia, quorum non sumus Domini; sed tantum custodes, ut est vita, corpus, membra, sanitas, coniunx, proles, & similia, in quibus iure nostro cedere non possumus. Dicunt ergo, supradictam regulam valere in prioribus bonis, non in posterioribus.

4. Secunda Conclusio. Fieri potest, ut aliquis ex sua parte iniuriam inferat, & tamen alter iniuriam propriè non patiatur: & è contrario fieri potest, ut quis iniuriam, vel potius iniustum patiatur, & alter propriè iniuriam non inferat. Ita D. Thomas *art. 3. ad 3.* Prioris exemplum est, si detrahas famæ alterius, ut illi noceas, & ille cedat iure suo, optans haberi infamis propter Christum. Posterioris est, si per ignorantiam vendas alteri rem vitiosam, quam ille putet esse probam.

5. Dices. Ergo Christus, & Martyres propriè non sunt passi iniuriam, quia libenter passi sunt, & pati desiderauerunt. Respondeo. Non sequitur, quia ut aliquis dicatur non pati iniuriam, non satis est, quod ob aliquam causam libenter patiatur, sed præterea requiritur, ut cupiat aliquod malum sibi à tali irrogari, cedendo, quantum in se est, iure suo, alioquin retinet actionem iniuriarum in illum, & ille tenetur ad restitutionem, vel satisfactionem: Christus autem & Martyres non cupiebant sibi ab impiis illa mala irrogari: nec illis ad hoc ullum Ius, vel auctoritatem tribuebant, sed solum permissivè se habebant, non repugnando, & se non subtrahendo eorum potestati, ut sic illorum malitia ad maius bonum vterentur. Vnde retinent actionem iniuriarum in illos coram tribunali diuino, ut patet ex illo Sapient. c. 5. vers. 1. *Stabunt iusti in magna constantia aduersus*

QVÆSTIO LX.

De Iudicio.

Nomen Iudicij sumitur potissimum duobus modis. *Primò.* Generatim pro sententia animi vera vel falsa, de quacumque re ea sit: & sic distinguitur contra nudam apprehensionem, in qua non est veritas vel falsitas. *Secundò.* Strictè pro determinatione iuris facta per Iudicem, id est pro sententia Iudicis exterius prolata, qua in controuersijs contractuum, delictorum, aliisve iuris quæstionibus definit, quid cuique sit debitum. Hoc enim propriè vocatur iudicium, quasi iurisdictio. Hinc extenditur ad significandum totum actum, & causæ discussionem, quæ in tribunalibus fieri solet, per quam Iudex disponitur, vt iustam sententiam ferre possit. Hic agimus de iudicio secundo modo sumpto.

QVÆST. I. An iudicium sit actus iustitiæ?

1. **A**ffirmat D. Thom. art. 1. sed quæstio est, An sit actus Iustitiæ elicitus, an imperatus? Aliqui putant esse elicitum. *Primò.* Quia reddere unicuique Ius suum est actus Iustitiæ elicitus, sed iudicium est actus, quo redditur unicuique Ius suum; ergo est actus à Iustitia elicitus. *Secundò.* Quia iudicium propriè & formaliter versatur circa obiectum Iustitiæ: nempe circa Ius, cum nihil aliud sit iudicare, quàm Ius dicere; ergo est proprius actus Iustitiæ: ergo ab ea elicitus. *Tertiò.* Quia D. Thomas artic. 1. ad 3. dicit, iudicium magis pertinere ad iustitiam, quàm alias virtutes, quia sicut Iustitia benè disponit ad ferendum rectum iudicium in materia Iustitiæ; ita castitas bene disponit ad iudicandum in materia castitatis; & sic de aliis virtutibus: ergo ex hac parte est eadem ratio: ergo nisi iudicium sit actus elicitus à Iustitia, non magis pertinebit ad Iustitiam, quàm ad alias virtutes.

2. Prima

2. Prima Conclusio. Internum iudicium, quo iudex decernit quid iustum sit, & unicuique debitum, est actus non voluntatis, sed intellectus. *Ita D. Thomas art. 1. ad 1.* Ratio est, quia voluntas non potest iudicare, aut decernere; sed tantum velle, & appetere.

3. Secunda Conclusio. Internum iudicium non elicitur à virtute Iustitiæ, sed prudentiæ. *Ita D. Thom. ibid.* Ratio est, quia actus & habitus illum eliciens debet esse eiusdem potentiae: habitus enim perficit potentiam, ad actum facilius eliciendum, sed iudicium est actus intellectus, ergo habitus illum eliciens etiam debet esse in intellectu: ergo non est habitus Iustitiæ, qui est in voluntate.

4. Tertia Conclusio. Iudicium internum tametsi non eliciatur à Iustitia, sed prudentia, potest tamen dici actus Iustitiæ, *Primò*, tanquam causæ imperantis. *Secundò*, Disponentis. *Primum* pater, quia sicut Charitas, Religio, Obedientia possunt imperare actus aliarum virtutum, ita etiam Iustitia. *Secundum* pater, quia virtus Iustitiæ disponit, & inclinât Iudicem, ut velit rectè iudicare.

5. Dices. Ad hoc sufficit prudentia. Nam, si iudicium est actus elicitus à prudentia, cur hæc virtus non sufficiat ad illum rectè eliciendum? Respondeo. Prudentia in suis functionibus (quæ sunt benè consultare, benè iudicare, & præcipere executionem) pendet ordinariè à virtutibus moralibus. Ratio est, quia prudentia est in intellectu, & virtutes morales in voluntate: intellectus autem multum pendet ab affectu voluntatis. Quisque enim iudicat sicut affectus est. Cum ergo virtutes morales benè disponant, & afficiant voluntatem circa res honestas, consequenter fit, ut intellectus per virtutem prudentiæ possit sincerius iudicare de illarum honestate.

6. Quarta Conclusio. Iudicium externum, seu

sententia iudicis exterius prolata multò magis potest dici actus Iustitiæ, non solum tanquam causæ imperantis & disponentis, ut dictum est de interno iudicio; sed etiam tanquam causæ obligantis. Iustitia enim obligat Iudicem ad sententiam proferendam, sicut obligat debitorem ad solutionem debiti: quia ex officio debet hoc partibus; Ideo enim stipendia accipit.

7. Ad primum argumentum. Respondeo. Iustitia, sicut aliæ virtutes in voluntate existentes habet quosdam actus internos & elicitos: quosdam externos & imperatos. Eliciti sunt intentio finis, & electio mediorum, verbi gratia, velle cuique tribuere ius suum, & velle media, quæ ad hunc finem apta sunt. Imperati sunt, qui ad executionem spectant, ut re ipsa tribuere unicuique ius suum. Hæc distinctio applicanda est ad actum iudicij. Nam velle iustam sententiam pronuntiare, est internus & elicited actus Iustitiæ: re ipsa autem pronuntiare, est externus & imperatus. Hic quæri potest, an externi actus Iustitiæ possint aliquo modo dici elicited à Iustitia. Aliqui affirmant, quia immediatè pendent à Iustitia, sine interuentu alterius virtutis: alij simpliciter negant; quia actus elicited à Iustitia debent esse in voluntate, in qua est Iustitia. Respondeo. Cum distinctione. Nam actus illi possunt dupliciter considerari. *Primò*, in genere naturæ & entitatis realis, quam habent. *Secundò*, in genere moris & bonitatis moralis. Primo modo eliciuntur à virtute Iustitiæ, sed à potentiis externis, quibus voluntas imperat per virtutem iustitiæ. Ratio est, quia realis entitas illorum non procedit immediatè à voluntate, aut à Iustitia: sed ab aliqua externa potentia executiua. Secundo modo possunt dici elicited à Iustitia. Ratio est, quia totam suam bonitatem moralem, & effectiuè, & immediatè, habent à Iustitia: actus enim externi non habent aliam actualem bonitatem, præter eam, quam habent per extrinsecam denomi-

denominationem ab actu interno Iustitiæ: huius autem bonitatis causa efficiens immediata est voluntas, & virtus Iustitiæ. Ad *secundum* Respondeo. Iudicium internum versatur circa obiectum Iustitiæ per modum definitionis, & directionis: non autem per modum appetitionis, seu volitionis. Nam Iudex illo iudicio definit ac decernit, quid iustum sit, & unicuique debitum: & hoc modo dirigit voluntatem, ut persequatur id, quod iustum & debitum est. Hinc tamen non sequitur internum iudicium esse actum Iustitiæ elicivum: quia licet versetur circa obiectum Iustitiæ, non tamen id facit appetendo, sed dirigendo: quod in omni alia virtute locum habet. Nam nulla virtus potest suum obiectum appetere, nisi intellectus apprehendat, aut iudicet illud esse honestum & appetendum. Ad *tertium* Respond. Iudicium externum magis pertinet ad Iustitiam, quam ad alias virtutes, quia Iustitia non solum immediatè imperat illum actum: sed etiam obligat Iudicem ad illum exercendum.

Q V Æ S T. 2. *An Iudicium sit actus Iustitiæ legalis, an particularis?*

Conclusio. Externum iudicium est actus iustitiæ legalis, & particularis, diuerso respectu, ac *primò*, quatenus exercetur à Iudice, ut suo officio satisfaciat, est actus Iustitiæ particularis. Ratio est, quia Iudex accipit stipendium eo fine, ut sententiam proferat: ergo ex Iustitia commutativa tenetur eam proferre: ergo eam proferendo facit actum iustitiæ commutativæ: *Secundò*, quatenus idem iudicium profertur à Iudice cum publica auctoritate ad commune bonum Reip. pertinet ad iustitiam legalem, cuius officium est procurare bonum communis.

Q V Æ S T. 3. *An liceat Christianis iudicare?*

1. **N**egant Vvaldens. & Anabapt. propter hæc scripturæ testimonia, Matth. 7. v. 1. *Nolite iudicare, ut*

non indicemini. Matth. 5. v. 40. *Si quis voluerit tecum in iudicio contendere, & tunicam tuam tollere, dimitte ei & pallium,* 1. Corinth. 6. v. 7. *Iam quidem omnino delictum est in vobis, quod iudicia habetis inter vos, quare non magis iniuriam accipitis?*

2. Prima Conclusio. Christianis licet iudicare, modo iuste iudicent. Ita *D. Thom. a. 2.* Probatur primo, quia nihil prodesse leges in Rep. Christiana, si nulla essent iudicia. Sed leges licite sunt: ergo & iudicia. Secundo, quia viri sancti utriusque testamenti iudicia exercuerunt, ut patet in Samstone, Gedeone, Iephthe, Samuele, D. Petro, Constantino, & aliis. Tercio ex *Arist. qui lib. 5. Eth. c. 4.* dicit animam Reip. esse iudicem. At anima est corpori necessaria. Item *lib. 4. polit. cap. 3.* Iudicem in ciuitate esse, quod intellectus est in homine. Quarto, quia sine Iudicibus innocentes defendi non possent, neque pax in Rep. conservari.

3. Secunda Conclusio. Ut autem iudicium sit iustum, tria requiruntur. Primo, Ut procedat ex affectu & intentione Iustitiæ. Secundo, ut ex autoritate Iudicis, alioquin diceretur præsumptum. Tercio, ut proferatur secundum rectitudinem prudentiæ, alioquin erit temerarium. Vide *D. Thom. art. 2.*

4. Ad primum Argu. Respondeo. Ibi non prohiberi omne iudicium, sed priuatum eorum, qui vel temere aliorum facta iudicant, vel in leues eorum defectus rigidi censores esse volunt, non curantes proprias culpas, quod indicant verba sequentia. *Quid vides festucam in oculo fratris?* Ad secundum Respondeo. Cum *D. Aug. epist. 5.* Verba illa Domini intelligenda esse secundum animi præparationem, sicut & illa: *si quis te percusserit in maxillam.* Nam idem Christus percussus in maxillam non præbuit alteram, sed dixit: *Cur me cadis?* quo exemplo docuit, quonam pacto huiusmodi præcepta intelligenda sint. Ad tertium Respond. ex Theodoro: Delictum

Delictum ibi non accipi pro peccato, sed pro imperfectione, seu pro opere minus perfecto. *Secundo*, si delictum significet peccatum, ut exposunt *Ambrosius & Chrysostomus ibidem, & Augustinus in Enchir. cap. 78.* dico iudicium vocari delictum, non quod in se peccatum sit, sed quia communiter non caret peccato, vel ratione finis, ut quando litigatur ex avaritia: vel ratione medij, ut quando cum odio & rancore: vel ratione iniustitiæ, ut quando miscentur doli: vel ratione scandali, ut accidebat Corinthiis, qui cum offendiculo litigabant. *Tertio*, non reprehendi iudicia ex parte iudicis, sed ex parte litigantium. Itaque licet peccatum esset litigare; non tamen iudicare, quia per iudicium imponitur finis litibus, quod bonum est. *Vide Baron, anno 1. Petri.*

QV. IV. *An iudicium temerarium sit peccatum mortale?*

1. **N**ota primo, Iudicium temerarium dici, quod de alicuius peccato, aut alio infami malo ex leuibus iudiciis concipitur. Quod enim ex iustis & sufficientibus causis concipitur, non est temerarium, sed rationi consonum, ut si iudices aliquem hæreticum, quod missæ sacrificium rideat: si iniustum, quod vsuras exigat: si impurum, quod in tenebris sæpe loca impura frequentet.

2. Nota secundo. Differentiam inter dubitationem, suspicionem, & iudicium temerarium. Dubitatio proprie est, cum animus hæret in medio suspensus, & in neutram partem inclinat. Suspicio est, quando in alteram partem inclinat, nondum tamen absolute assentitur. Iudicium temerarium est assensus alterius partis, & iudicium determinatum.

3. Prima Conclusio. Iudicium temerarium Iudicis prodiens in actum externum per sententiam, semper est peccatum mortale contra Iustitiam. *Ita D. Th. a 3. & alij passim.* Ratio est quia Iudex hoc modo iudicando

grauem iniuriam & lationem irrogat reo; idque contra obligationem sui officij, quo astringitur non iudicare, nisi ex iustis & idoneis probationibus; vel certe ex rei confessione. Vnde tenetur ei ad restitutionem famæ, & damnorum secutorum.

4. Secunda Conclusio. Iudicium temerarium in animo tuo residens non est peccatum, priusquam aliquo modo aduertas, vel dubites, te ex signis insufficientibus iudicare. Postquam autem cœperis id aduertere, erit saltem veniale, si in eo perseueres. Nunquam tamen erit mortale ante plenam aduertentiam. Prima pars probatur, quia antequam aduertis causas, ex quibus iudicas, non esse sufficientes, vel saltem, antequam de illis dubitas, non est illud iudicium vlllo modo voluntarium, saltem qua parte temerarium, sed censetur primus motus libertatem præueniens voluntatis, etsi longo tempore durasset. Idem dicendum de alijs motibus omnibus intellectus, voluntatis, imaginationis, & sensuum externorum: nisi enim aduertatur turpitudine, vel saltem de ea dubitetur, non potest in illis esse vlla culpa, ne venialis quidem, quia turpitudine illis annexa non censetur vlllo modo voluntaria, cum sit omnino ignorata. Secunda pars probatur, quia si quis postquam aduertit aliquo modo hoc iudicium esse temerarium, vel de eo dubitare cœpit, adhuc pergat; nec conetur excutere, iam turpitudine eius incipit esse voluntaria, qui enim voluntariè admittit in se aliquem motum vel actum, cui suspicatur inesse moralem turpitudinē, censetur etiam admittere ipsam turpitudinem, ac proinde peccat: hoc tamen peccatum est veniale, nisi accedat perfecta aduertentia, & perfectus consensus: est autem perfecta aduertentia, quando mens sui compos non abrepta alijs cogitationibus reflectit se supra suum actum, & considerat illum in materia notabili diuinæ legi esse contrarium, vel saltem de eo dubitat.

5. Tertia Conclusio. Iudicium temerarium, quod cum plena aduertentia de graui malo proximi concipitur, ordinariè est peccatum mortale contra Iustitiam. Ita D. Thom. artic. 3. & alij passim. Probatur primo, scripturâ, Matth. 7. v. 1. *Nolite iudicare, vt non iudicemini.* 1. Corinth. 4. v. 5. *Nolite ante tempus iudicare,* Iac. 4. v. 13. *Tu autem quis es, qui iudicas proximum?* Rom. 14. v. 4. *Tu quis es qui iudicas alterum seruum?* Probatur secundo, ratione, quia grauis iniuria irrogatur proximo, dum sine causa habetur improbus: hoc enim perinde est, ac si falsum crimen ei impingatur. Longè enim acerbior est, grauior que falsa infamia, quàm vera. Tertiò, quia ex huiusmodi iudiciis magna sequi solent incommoda: præsertim, quando in actum externum prodeunt. Quarto, quia vsurpatur quodammodo iudicium Dei, cuius solius est de occultis iudicare. Dixi ordinariè, quia interdum fieri potest, vt iudicium temerarium non sit peccatum mortale, quâdo scilicet signa non sunt omnino sufficientia ad certum iudicium, tamen magnam habent probabilitatem, ita vt efficiant rem valde verisimilem & credibilem. Dixi etiam de graui malo, quia si quis temerè iudicet de re leuis momenti, vel quam ille parui æstimet, non erit peccatum mortale. Idem dicendum de defectibus, qui sunt inculpabiles, aut si iudices alterum esse filium Iudæi, vel spuriū, quia hoc caret omni vituperio apud sapientes, cum non sit in hominis potestate.

QVÆST. V. *An dubitatio & suspicio temeraria sit peccatum mortale.*

1. **S**unt tres sententiæ. Prima est, omnem suspensionem temerariam de graui malo proximi, si deliberata sit, esse peccatum mortale. Ita Caietanus art. 3. Mich. Salon. & Pet. Arragon ibid. Secunda est, Nullum esse peccatum mortale. Ita Caietanus artic. 3. Nauarr. in Rubric. de iudiciis num. 48. & Pet. Nauarr. lib. 2. cap. 4.

num. 454. *Tertia* est, suspicionem temerariam plerumque esse peccatum veniale; posse tamen fieri mortale ex grauitate materiae; vt si suspiceris ex leui signo virum Religiosum esse haereticum. Ita Sotus lib. 3. quaest. 4. art. 3. & multi recentiores.

2. Nota *primò*. Dupliciter aliquem posse malè suspicari de proximo. *Primò*, ex errore quodam intellectus, quo apprehendit illa signa tanquam sufficientia ad suspicandum, paratus suam suspicionem deponere, vbi rem melius considerarit. *Secundò*, non tam ex errore intellectus, quam ex prauo affectu & maleuolentia erga illum, de quo suspicatur, qua fit, vt etiam si aduertat signa illa non esse sufficientia, velit nihilominus pergere in sua suspicionem.

3. Nota *secundò*. Suspensionem posse dici dupliciter voluntariam, seu deliberatam. *Primò*, secundum se, vt cum quis aduertit se malè suspicari de proximo, & etiam aliquo modo dubitat, an causa sit sufficiens ad sic suspicandum, tamen neglecto eius examine non excludit suspensionem, paratus excludere, si aduerneret causam non esse sufficientem. *Secundò*, dici potest voluntaria, qua parte est temeraria, vt cum quis aduertit causam suspicandi non esse sufficientem; & tamen ex malitia sic vult suspicari.

4. Prima Conclusio. Si quis priori modo suspicetur malum de proximo, non erit peccatum mortale, sed tantum veniale, vt aperte colligitur ex Aug. tract. 90. in Ioan. Ratio est, quia tali modo suspicando non censetur facere notabilem iniuriam proximo: non enim ex malitia, sed ex imbecillitate iudicij, & errore humano sic suspicatur, paratus corrigere, vbi melius aduertit, ac proinde talis suspicio non est perfectè voluntaria, qua parte temeraria est.

5. Secunda Conclusio. Si quis posteriori modo suspicetur de proximo graue malum, nempe ex prauo affectu,

affectus, & aduertens signa non esse sufficientia, peccat mortaliter. Ratio, quia talis suspicio non procedit ex errore & fragilitate, sed malitia, qua quis vult ita suspicari, ut proximum contemnat, aut pro vili habeat, aut ac cogatur illum sibi in corde suo præponere. Hæc autem est magna iniuria. *Primò*, propter prauum affectum erga proximum. *Secundò*, propter pertinaciam. Nam qui ita suspicatur, etiam si aduertat se non habere iustam causam, tamen vult in sua praua opinione persistere.

6. Tertia Conclusio. Hæc suspicio, temeraria potest dici ex genere suo peccatum mortale. Ratio est, quia si si plenè voluntaria, & de graui malo proximi, semper est peccatum mortale: & solum fit veniale, quando non est de graui malo, vel procedit, ex aliquo errore humano, ita ut non sit plenè voluntaria.

7. Quæres. An non possit etiam ex suo genere aliquo sensu veniale dici. Respondeo, ita, quia secundum se & conditionem naturæ suæ habet, ut nascatur ex errore intellectus, & non sit plenè voluntaria. Cuius signum est, quod ablato errore euanescat, quasi error fuerit ipsius causa. Hinc fit, ut per se non censeatur grauis iniuria, sed solum ut procedit ex maleuolentia, vide etiam nunquam est peccatum mortale, nisi ex hac procedat.

8. Dices. Actus ex suo genere venialis non potest fieri mortalis per hoc, quod fiat omnino voluntariè, & cum plena aduertentia. Atqui suspicio ex veniali potest fieri mortalis, per hoc, quod fiat voluntariè, & cum plena aduertentia, ut dictum est: ergo non est venialis ex suo genere. Respondeo. Dupliciter potest dici aliquis actus venialis ex suo genere. *Primò* ratione materiae quæ toto genere suo in moralibus censetur leuis, quæ pacto mendacium officiosum, & verbum otiosum dicitur ex suo genere veniale. *Secundo* ratione alicuius naturalis conditionis, ut si connotet errorem aliquem

inuoluntarium, ex quo procedat; quando ergo dicitur actum ex suo genere venialem non posse fieri mortalem, verum est in priori sensu: falsum in posteriori. Suspicio autem, de qua agitur, ex genere suo venialis est posteriori sensu, non priori.

9. Quarta Conclusio. De dubitatione sentiendum est eodem ferè modo, quo de suspitione. Nam si quis velit pertinaciter dubitare de probitate proximi, etiamsi aduertat non esse iustam causam, erit peccatum mortale: Si autem solum ex errore humano dubitet, erit tantum veniale. Prima pars patet, quia talis dubitatio procedit ex maleuolentia & contemptu alterius: ergo est grauis iniuria in materia graui. Secunda patet, quia dubitare minus est, quàm suspicari, sed suspicari tali modo non est, nisi veniale: ergo & dubitari tali modo est tantum veniale.

10. Dices *primò*. Non tenemur positiuè opinari proximum esse probum: ergo possumus dubitare suspendendo assensum, & in neutram partem inclinando, ergo talis dubitatio non est malum. Antecedens patet quia possumus mentem aliò conuertere, & nolle circum talem occupari. Respondeo. Qui dubitat, non eo præcisè facit iniuriam, quod assensum suspendat, & in neutram partem inclinet; sed ex eo, quod absque iusta causa iudicet probitatem proximi esse ambiguan & dubiam, & eum non posse prudenter iudicari probum, aut pro tali reputari.

11. Dices *secundò*. Si temerarium iudicium, suspicio, & dubitatio de proximo est contra iustitiam: ergo obligat ad restitutionem. At cui, vel quomodo fiet ista restitutio; cum nihil sit ablatum? Respondeo. Si loquimur de restitutione propriè, id est, de compensatione alicuius damni exterius ablati, sic non obligat ad restitutionem, nisi processerit in opus externum per sententiam, detractionem, vel contumeliam, quia nullum
damnum

datanum externum illatum est. Et hoc vult *D. Thom. art. 3. ad 3.* Si verò loquamur de restitutione generatim, sic obligat ad restitutionem, quia eiusmodi prauæ opinioniones de proximo sunt dāna quædam famæ illata in mente iudicantis, vbi vel bonam famam possidebat, vel saltem infamiæ malo non laborabat. Itaque ex iustitia tenemur eiusmodi opinioniones, tanquam iniustæ quædam damna famæ, depellere. Nec obstat, quod iustitia dicatur versari circa actus externos. Hoc enim, vt plurimum verum est: non tamen vniuersè.

12. Ex dictis sequitur *Primò*. Temerarium iudicium non esse mortale in his casibus. *Primò*. Si non fuit graue malum, de quo proximum temerè iudicasti. *Secundò* Si fuit graue malum, sed non perfectè aduertisti te malè iudicare. *Tertiò*. Si aduertisti te quidem malè iudicare; tamen non aduertisti signa esse insufficientia, nec occurrit tibi dubium de ea re. *Quartò*. Si signa erant sufficientia ad probabilem opinionem. Sequitur *secundò*, suspicionem temerariam non esse mortalem: nisi fuerit pertinax, & de graui malo. Vt autem sciatur, an fuerit suspicio, an iudicium firmum, notanda est hæc regula. Quando quis ita iudicat, vt rogatus, an habeat pro certo, Respondeat sibi certum aut ferè certum videri: tunc est iudicium firmum: Si verò respondeat se non esse moraliter certum, sed posse in ea re facillè falli, tunc solum est suspicio. *Vide Caiet. art. 3.*

Q V Æ S T. 6. *An dubia in partem meliorem sint interpretanda?*

1. **N**Ora *primò*. Aliquando oritur dubium de rebus: Aliquando de personis. De rebus, vt cum dubito, an contractus aliquis si licitus, necne. De personis, vt cum dubito, sitne hic probus; an improbus: an hoc, vel illud crimen commiserit. necne. Rursum, si sit dubiū de personis, possumus nos habere quadrupliciter. *Primò*. Interpretando in partem peiorem. *Secundò*.

In partem meliorem. *Tertiò*. Habendo rem in ancipiti, seu dubitando. *Quartò*. Suspendendo omne iudicium, seu nolendo mentem applicare ad rem iudicandam.

2. Nota *secundò*. Dupliciter nos posse aliquid in peiorem partem interpretari. *Primò*. Speculatiuè, vt quando opinamur partem deteriore[m] esse veriorem: non tamen idè nos aliter erga ipsum hominem gerere debere, cum res sit incerta. *Secundò*, Practicè, vt quando censemus illum interno affectu & æstimatione pro improbo habendum.

3. Prima Conclusio. Dubia de rebus non sunt in meliorem partem interpretanda, sed suis æstimanda momentis. Ratio, quia in iudicio rerum id solùm agitur, vt attingatur veritas, nec timetur ne cuiquam iniuria inferatur. In iudicio autem personarum ita quaeritur veritas, vt maximè cauendum sit, ne proximo iniuria irrogetur, deque famæ possessione in re dubia depellatur.

4. Secunda Conclusio. Dubia de personis, ad bonam vel malam æstimationem pertinentia, sunt in meliorem partem interpretanda. Ita *D. Thom. art. 4. & alij passim ex Aug. de serm. Dom. in monte l. 2. cap. 18. vbi sic ait: Hoc loco præcipi nobis existimo nihil aliud, nisi, vt ea facta, quæ, dubiam est, quo animo fiant, in meliorem partem interpretemur.* Idem docet *D. Bernardus serm. 40. in Cant. sub finem.* Et confirmatur ex illo communi axioma: *In dubio non esse præsumendum delictum*; quod colligitur ex *L. Merito, ff. pro socio.* Sed difficultas est, quomodo in meliorem partem sint interpretanda, an negatiuè tantum, id est, vt in dubio non putemus proximum improbum, vel authorem criminis, vel peccasse mortaliter: an verò etiam positiuè, id est, actu positiuo credendo illum esse probum, non peccasse, habuisse bonam intentionem, aut ignorantia fecisse,
5. Tertia

5. Tertia Conclusio. In dubio non tenemur actu positiuo speculatiuè iudicare, proximum reipsa esse innocentem, non peccasse mortaliter habuisse bonam intentionem, & similia. Ita *Caiet. art. 4. & multi alij recentiores*. Ratio est, quia nemo tenetur ad assensum aut ad modum assentiendi, in quo exponit se periculo notabili errandi: talis enim assensus nec est actus virtutis, nec ad actum virtutis necessarius: imo est aliquid errori obnoxium, quod prudenter vitandum est, & prouenit ex imperfectione nostri intellectus. Vnde non fuisset in statu innocentiae, neque fuit in Christo, aut b.v.

6. Quarta Conclusio. Nec in dubio semper tenemur actu positiuo practicè iudicare proximum esse probum, id est, hic & nunc habendum, & tractandum vt probum, sed possumus etiam hoc iudicium suspendere. Ratio est, quia saepe fit, vt non necesse sit agere, aut conuersari cum hoc, aut illo proximo, de quo est dubium: ergo in tali casu non necesse est, nos practicè iudicare, eum habendum, & tractandum esse, tanquam probum, sed satis est, in medio relinquere, & Deo committere.

7. Dices primo. Hoc quidem fieri potest quando occurrit dubium de proximo, qui nobis omninò incognitus est: cum enim de illo habeamus in neutram partem positiuam opinionem, facile est nihil de eo statuere, & totum Deo committere. At non videtur fieri posse, quādo occurrit dubium de aliquo, de quo iam ante habemus bonam opinionem. Hæc enim videtur minui, si in neutram partem aliquid statuamus. Resp. Si eo tempore non est nobis agendum cum tali proximo, facile possumus aliò mentem auertere, & iudicium suspendere sine vlla ipsius iniuria. Si autem cum illo agendum nobis, est, debemus dubium actu positiuo in meliorem partem interpretari, iudicando, illum loco probi viri habendum, quandiu de contrario non constat.

8. Dices secundo. Hoc est exponere se periculo

errandi. Respondeo. Non ita est : non enim speculatiuè iudicamus illum reuera esse probum ; quia hoc Deo committimus , tanquam incertum ; sed practicè iudicamus illum interno affectu, & externo modo agendi à nobis ita tractandum esse, ac si reuera probus esset, in quo iudicio nulla est falsitas.

9. Quarta Conclusio. Tenemur tamen lege iustitiæ dubia in meliorem partem interpretari negatiuè & practicè , ita vt propter dubium non habeamus proximum pro improbo , vel auctore criminis. Ratio est, quia iustitia postulat, vt nemo condemnetur criminis, quamdiu res dubia est : quisque enim ius habet, vt sibi non irrogetur certa infamia, pro incerto crimine. Confirmatur, quia censerì pro improbo est notabile malum proximi ; & veluti pœna quædam criminis : ergo non potest inferri sine iusta causa, de qua constet.

10. Sexta Conclusio. Non tenemur tamen lege iustitiæ ea negatiuè & speculatiuè interpretari in meliorem partem , ita vt non opinemur , seu suspicemur ipsum in re esse improbum , quando dubium est positium ; Ratio est , quia quando dubium est positium tunc vtriusque suppetunt argumenta ad probabiliter opinandum in vtramque partem, cum formidine de opposito ; (hoc enim vocatur dubium positium) ergo si tunc assentiaris parti deteriori opinando esse improbum , non facis illi iniuriam ; quia cum argumenta ad talem opinionem ancipitem animo ingenerandam sufficiant, non habes ius vt sic de ipso non suspicaris. Nota tamen videri aliquo modo contra charitatem sic suspicari. Ratio est, quia ex charitate tenemur vitare omnem malam opinionem de proximo ; si possumus. At hinc possumus. *Primo*, quia nunquam cogimur ad aliquem assensum, nisi quando res est euidens. *Secundo*, quia non magis cogimur assentiri huic parti, quam alteri, cum vtraque sit dubia.

11. Dices *primò*. Si non est contra iustitiam sic inspicari: ergo nec est contra charitatem; hæc enim est materia iustitiæ: ergo si in ea peccatur, contra iustitiam peccatur. Respondeo sæpe fit, vt in materia iustitiæ peccetur contra proximum, non violata lege iustitiæ, vt cum ille nullum ius strictum habet, vt aliquid fiat, aut non fiat, & res alioquin ipsi est incommoda, vt v. g. si infames eum, cuius delictum est alibi notorium iudicè; vel si occidas inuasorem inculcata defensione; quando aliter te poteras subtrahere. Idem fit in proposito. Dixi, *quando dubium est posituum*; quia si sit negatiuum, vbi scilicet in neutram partem suppetunt argumenta, tunc est contra iustitiam malè opinari: quisque enim ius habet, vt non habeatur de se mala opinio, nisi indicia aliud suadeant.

12. Dices *secundò*. Si non est contra iustitiam malè opinari speculatiuè, quando dubium est posituum: ergo neque cōtra iustitiam est malè opinari practicè, quia iudicium practicum sequitur ex speculatiuo. Respondeo. Non necessariò sequitur ex speculatiuo; præsertim, quando speculatiuum est incertum. Nam fieri potest vt speculatiuè opiner aliquem esse improbum, vel furem; & practicè iudicem esse probum, id est, habendum loco probi viri.

13. Septima Conclusio. Quando agitur de vitando aliquò damno, vel de adhibendo remedio: tunc dubia sunt in deteriorem partem accipienda: non quidem iudicando proximum esse furem, vel improbum, vel habendum pro tali; sed iudicando ita exterius cauendum esse, & sibi illique consulendum, ac si dubia esset eius probitas. Ita D. Thom. *art. 4. ad 3. & alij*. Hoc modo cum accipimus ignotum in ardes, ita cauemus rebus nostris, ac si dubia esset eius probitas, nullo modo habètes eū pro improbo: sic superiores ob indicia quædam dubia interdum obiurgant suos subditos pœnitē-
tias

tias imponunt, aliaque remedia illis corrigendis adhibent, tanquam, si ipsos malos existiment; quamvis eos pro malis non habeant, & eorum facta, vel intentionem apud animum suum excusent. Nam superiores debent etiam hanc regulam de dubijs in meliorem partem interpretandis servare quoad internam æstimationem, & affectionem: quamvis in ordine ad emendationem, vel cautelam mali, exterius ita se gerere possint erga subditos: ac si mali aliquid perpetrassent. Et merito. Nam non solum ab omni malo, sed etiam ab omni mali specie abstinendum. Hoc tamen cauere debent, ne vel modum excedant, vel illos aliis suspectos reddant, vel de illorum virtute diffidere videantur.

QVÆST. VII. *An semper secundum leges scriptas iudicandum sit?*

1. **P**rima Conclusio. Si leges scriptæ contineant ius naturale, semper secundum eas iudicandum est. Ratio, quia nunquam est licitum à iure naturali recedere, cum contrarium huius iuris sit semper iniquum.

2. Secunda Conclusio. Si leges scriptæ contineant ius positivum; ordinariè secundum eas iudicandum est, præsertim Iudici inferiori. Ita *D. Thom. a. 5. & alij.* Ratio est, quia Iudex inferior non potest recedere à iure & voluntate superioris, nisi habeat licentiam. Loquor autem de Iudice inferiori: quia supremus Princeps potest aliquando dispensare in lege positiva, vel rigorem & pœnam legis relaxare, aut mitigare, quando ita putat expedire Reipub. hoc autem non potest inferior, nisi ex tacita, vel expressa superioris concessione.

3. Tertia Conclusio. Licet Iudex inferior ordinariè non possit recedere à lege scripta, potest tamen in quibusdam casibus: iudicando contra verba

verba legis. *Primò*. Quando constat mentem legislatoris esse aliam, nec voluisse hunc casum verbis legis esse comprehensum: tunc enim utendum est *ἐν τῷ νοῦ*, magis enim tenetur sequi mentem legislatoris, quæ est legis anima, quam corticem verborum: nec in hoc casu tenetur legistatorem, vel superiorem consulere, ut quidam volunt, quia non opus est inquirere de mente, quando de ea constat. Confirmatur ex L. *Nulla inuris ratio*. ff. *de legibus* & l. *Non dubium* C. *de legibus*. *Secundò*, quando non quidem constat, sed tamen probabilius est aliam esse legislatoris mentem, & res non patitur moram, ut superior consulatur: tunc enim esset contra rectam rationem verba sequi. Nam semper intentio legislatoris præferenda est verbis legis. Quod si superior facile consuli possit, consulendus est; quia lex infringi non debet, ne quidem quoad verba, nisi constet aliam esse mentem legislatoris; si tamen de ea constare potest. Quod si non potest, sequendum id, quod probabilius videtur. *Tertio*, si utrimque æquale sit dubium, & superior consuli nequeat, tenetur inferior Iudex secundum verba legis iudicare. Ratio est, quia lex est veluti in possessione suæ authoritatis; ergo in æquali dubio non potest eam Iudex privare sua authoritate, præsertim cum ex officio sit illius custos.

Q V Æ S T. 8. *Quinam peccent usurpatione iudicij?*

1. **D**ixi superius ex D. Th. tria requiri ut iudicium sit iustum. *Primum*, iustitiam in ipso actu iudicandi, ne iudicium sit peruersum & iniquum. *Secundum*, authoritatem in iudicante, ne sit præsumptum, aut usurpatum. *Tertium*, certitudinem in cogitatione causæ, ne sit temerarium. De secundo membro hîc.

2. *Prima Conclusio*. Omnes illi peccant usurpatione iudicij, qui iudicant eum, qui vel absolutè non est ipsis subditus, vel non in iis causis, in quibus eum iudicant;

iudicant; ac proinde sententia illorum est irrita. Ratio, quia in his iudiciis deest potestas in eum, qui iudicatur. Ar potestas est ante omnia necessaria.

3. Secunda Conclusio. Potest aliquis quinque modis alteri esse subiectus, ita vt possit ab eo iudicari. *Primo*, ratione potestatis ordinariæ. Sic fideles Pontifici, & Episcopis suis, & ciues suo Regi sunt subiecti, *Secundo*, ratione potestatis delegatæ, Sic legato Apostolico subsunt prouinciæ, ad quas ipsius delegatio pertinet: & ciues Proregi vel Gubernatori, sic Daniel iudicauit senes potestate à Deo sibi delegata c. 13. & iuxta probabiliorem sententiam Moyles Ægyptum, (Exodi 2.) vt testatur Aug. l. 97. in Exod. q. 2. & colligitur ex act. 7. v. 24. *Tertio*, ex consensu partium, vt quando partes ex compromisso se alicui subiiciant, siue vt Iudici (vt si aliàs authoritatem iudicandi haberent, etsi non in illos) siue vt arbitro. *Quarto*, ratione delicti in alieno loco perpetrati. Nam ratione delicti sortitur quis forum, vt patet c. *Postu'asti*; & c. *finali* de foro competenti. Simili modo sortitur quis forum ratione contractus, domicilij, & rei, de qua contra possessorem causa mouetur, vt eodem cap. dicitur. *Quinto*, ratione iniuriæ subdito alterius Principis illatæ. Si enim superior eius, qui iniuriam fecit, interpellatus nolit illam vindicare: poterit id facere Princeps eius, qui iniuriam accepit.

4. Tertia Conclusio. Quicumque ergo iudicat aliquem, qui aliquo horum modorum non est ei subiectus, peccat usurpatione iudicij. Quia sibi usurpat authoritatem iudicariam in eum, in quem non habet. Sic peccant Iudices seculares iudicantes Clericos, quia hi sunt exempti ab eorum iurisdictione, tam in ciuilibus, quam clericalibus, vt patet *tota distinct. 96. & 11. q. 1. per totam, & de immunitate Ecclesiarum. Extra. & in Concilio Trident. sess. 13. cap. de reformatione*, vbi

renouantur omnes canones, qui de hac re agunt. Adde nec posse Clericos huic exemptioni renūtiare, ut à Iudice seculari validè possint iudicari, etiam in ciuilibus: ut patet c. *In solita* 11. q. 1. & c. *Placuit*, ibid. & c. *si diligenti*, de foro cōpetenti, ubi etiam datur hæc ratio, quia non est beneficium hoc personale cui renuntiari valeat, sed potius toti collegio Ecclesiastico publicè indultum, cui priuatorum pactio derogare non potest, possunt tamen in ciuilibus se subijcere Iudici sæculari, ut arbitro, qui tamen nolentem stare sententiæ non potest per se cogere. Item potest Clericus ut actor, laicum pertrahere ad Iudicem sæcularem: non autem ut reus pertrahi. In casu tamen reconuentionis potest à Iudice seculari iudicari: ut si dum laicum pertrahit ad Iudicem, laicus vicissim illum in causa ciuili reconueniat, ut expressè docet Glossa communiter recepta in cap. 2. de mutuis petitionibus.

5. Quarta Conclusio. Hoc peccatum vsurpationis iudicij ex genere suo est mortale. Ratio, quia fit iniuria tum partibus, in quas ille potestatem non habet, tum etiam Superiori cuius auctoritatem sibi assumit. Censetur autem hæc iniuria grauis, quia publica auctoritas violatur.

QVÆST. IX. An Iudex excommunicatus peccet vsurpatione iudicij.

1. Prima Conclusio. Si excommunicatio est occulta, non peccat vsurpatione, & omnia eius acta publica sunt valida. Ita Richard. in 4. d. 38. q. 2. Palud. ibid. q. 4 Scotus in 4. d. 22. q. 2. a. 1. & 4. Conarr. in c. Alma. 1. p. 6. 7. n. 6. Glossa in c. ad probandum §. *Inundatus*, de sententia & re iudicata. Probatum primò, quia soli publicè excommunicati suspenduntur ob officio, ut colligunt cit. auct. ex cap. *Ad probandum*. ergo occultè excommunicati non sunt suspensi: ergo possunt iudicandi officium exercere. Secundò, quia quādo ignoratur

excommunicatio iudicis, sequerentur grauissima incommoda si eius acta non valerent: innumeræ enim sententiæ, præsentationes, electiones & collationes beneficiorum deberent rescindi cum magno damno & perturbatione innocentium. *Tertiò*, quia quando excommunicatio iudicis est occulta, ipse non est publicè vitandus, sed solum occultè, vt colligitur ex c. *cum non ab homine*. De sentent. excomm. Imò fieret ei iniuria, si quis in publico detrectaret eius cõmunione, propter infamiam, quæ inde sequeretur: ergo cum partes non possint propter occultam excommunicationem ipsius iudicium recusare (nisi si fortè velint suscipere onus probandi ipsum esse excommunicatum, ad quod teneretur) oportet, vt ipsius quoque sententia valida sit. Absurdum enim est, vt partes teneantur se sistere tribunali iudicis, à quo non nisi irritam sententiam referre possint. *Quintò*, idem probari potest ex l. 3. *Barbarius. ff. de offic. pratorum* & 3. q. 8. c. *infamis*.

2. *Quæstes*. An hæc solum intelligenda sint de sententijs & actis fori externi; an etiam interni & sacramentalis. Respondeo, de vtrisque; quia DD. generalim loquuntur, & rationes eundem locum vtrobi- que habent.

2. *Secunda Conclusio*. Si excommunicatio iudicis sit publica seu notoria, ante quidem concilium Constantiense peccabat usurpatione iudicii, iudicando, & sententia erat irrita: post tamen illud Concilium non sic peccat, nec acta eius sunt irrita, nisi sit nominatim denunciatus, vel notorius percussor clerici. Prima pars est communis: & colligitur ex c. *ad probandum*, de sent. & re iudicata, & ex c. *audiuimus*. 24. *quest.*
1. Ratio est, quia iudex publicè excommunicatus suspenditur ab usu officij, & habet potestatem ligatam, seu impeditam: ergo si iudicat, peccat usurpatione iudicii, assumens sibi potestatem iudicandi, quam non habet.

Ec

Et si enim habeat potestatem in habitu: hæc tamen ita est impedita ut in actum exire non valeat; ac proinde actus iudicij non censetur ex hac procedere, sed ex alia quam temerè sibi usurpat. Secunda pars est Nauarr. c. 27. n. 7. Soti in 4. d. 22. q. 2. a. 1. Henriquez de excomm. c. 7. & multorum aliorum. Ratio est, quia Conc. Constantiense statuit tantum vitandos esse non natim excommunicatos, & notorios Clericorum percussores, & concessit ut si leles cum aliis possint communicare in omnibus rebus, tam diuinis, quam humanis; tam publicis quam priuatis, ut refert D Anton. 3. p. tit. 25. cap. 2. ergo & tacitè vult eorum actus esse validos: nisi enim hoc vellet, quorsum concederet ut ab iis possemus petere ius, & alios actus iuridicè exigere.

4. Nota tamen, neminem teneri admittere Iudicem excommunicatum: potest enim contra illum excipere, quod sit excommunicatus, ut patet c. *Exceptionem*, de exceptionibus. Ratio est, quia etsi Concil. Constant. concedat ut possis cum Iudice excommunicato habere communionem, & ius ab illo petere: non tamen cogit. Itaque sicut olim poterat recusari, ita & nunc; si tamen partes in illum consentiant, & sententia debito modo lata fuerit; non potest propter excommunicationem rescindi: est enim lata legitima potestate, cui partes se commiserunt.

5. Quæres. An huiusmodi Iudex excommunicatus peccet iudicando. Respond. *primò*, Non peccat usurpatione iudicij, ut ostensum est ex Concil. Constant. *Secundò*, peccat tamen, quatenus sponte cõmunicat cum aliis, quod illi non licet, cum sit excommunicatus. *Tertiò*, non peccat, si rogatus cum aliis communicet. Hæc omnia patent ex materia de excommunicatione.

6. Dices. Multi PP. affirmant hæreticos nullam habere potestatem, nec posse iudicare, quia sunt extra Ecclesiam, & excommunicati. Ita Cyprianus *epist.* 76. ad

Magnum de Novatiano. Ambros. l. 1. de pœnitentia cap. 2. Nicol. I. in epist. ad Michalem Imper. & alij, ut videre est 24. quæst. 1. Respond. primò, illi PP. loquuntur de Catholicis excommunicatis. Secundò, loquuntur de iure antiquo, quod fuit ante Conc. Constantiense.

7. Tertia Conclusio. Iudex nominatim denunciatus, & manifestus clerici percussor peccat usurpatione iudicij contra iustitiam, & omnia eius acta sunt irrita. Est communis: & apertè colligitur ex c. *Ad probandum*, suprâ. Ratio est, quia Conc. Constant. hunc excipit; ergo sicut ante Concilium erat suspensus, ita etiam postea, si tamen eiusmodi Iudex conferret se in aliam urbem vel prouinciam, ubi eius censura esset ignota, & ibi fieret Iudex; tunc acta eius essent valida. Ratio est, quia tunc censetur occultè excommunicatus in tali loco: ergo idem de eo dicendum est, quod in conclus. dictum. Hic tamen grauius peccat, quam alij occulti, vel publici non denunciati, si iudicium exerceat: quia reuera est suspensus, & quantum est ex parte sua, usurpat sibi potestatem, quam non habet.

8. Dices. Si est suspensus, quomodo eius acta non erunt irrita? Respond. quia Ecclesia, ob communem utilitatem, vel tacitè hanc suspensionem ad singulos actus in hoc casu relaxat, tamen si velit ipsum secundum se manere suspensum, vel certè nouam ei potestatem ad singulos actus extraordinariè tribuit, supplendo defectum, qui ex parte ipsius erat, ne cum damno aliorum actus eius sit irritus.

QVÆST. X. *An iudex, qui propter crimen ipso iure est priuatus titulo, peccet usurpatione iudicij?*

1. **H**Æc quæstio pendet ex alia: An scilicet leges humanæ, quæ propter crimen statuunt priuationem beneficij, vel officij, eam vim habeant ut statim commissio crimine beneficium vel officium vacet, & reus teneatur id dimittere ante sententiam.

2. Prima Conclusio. Huiusmodi leges humanæ non habent eam vim, ut commisso crimine statim vacet beneficium, vel officium, & reus teneatur illud dimittere ante sententiam, etiamsi in lege dicatur, ipso facto sit priuatus: nisi apertè constet illam fuisse legislatoris mentem; ut si addat teneri in conscientia, dimittere; vel non posse absolui nisi dimittat: vel beneficium eo ipso vacare, ita ut possit alteri liberè conferri; ut in casu, qui habetur c. *Dudum* 2. de electione, cum quis accipit secundum beneficium incompatibile. Colligitur ex D. Thom. quæst. 26. art. 3. Caiet. ibid. Sotol. 1. de iustitia, Adriano quodl. 6. art. 1. Couarr. de Matrim. p. 2. c. 6. §. 8. num. 9. & alijs recentioribus.

3. Quæres, An vacet, quando dicitur in lege, sit priuatus ipso facto absque alia declaratione. Couarr. & Sotus supra, Henricus 2. de ex. omni. cap. 46. & multi alij, tenent non vacare, sed requiri sententiam declaratoriam criminis: illam autem clausulam (*absque alia declaratione*) intelligendam esse de declaratione, qua declaratur pœnâ esse incursum, non autem qua declaratur crimen commissum. Quæ expositio, etsi videatur nonnihil violenta: tamen usu ipso confirmatur. Iam enim sunt usu receptæ eiusmodi LL. ut ante declarationem criminis possessores non teneantur resignare. Imo usus habet, ut nisi executio fiat per sententiam, ita ut per eam non solum declaretur crimen, sed et amittatur beneficium, vel officium non censetur omnino priuatus, ut patet ex Couarr. *lococit.*

4. Secunda Conclusio. Huiusmodi tamen leges, quibus aliquis ipso iure priuatur beneficio, vel officio, siue propter crimen, siue propter adorationem alterius incompatibilis, hoc efficiunt, ut statim amittat titulum ipsum, ita ut non sit amplius dominus beneficii: tenet tamen possessionem, quia priuatus non potest, nisi causa cognita, ut docet Glossa. c. *Liter*

Episcopus, de præb in 6. Et quamuis illud c. solum, de casu adeptionis beneficij incompatibilis loquatur: tamen Glossa, & auctores ab ea citati volunt esse eandem rationem in cæteris, ubi quis ipso iure priuatur. Id enim ad publicam vtilitatem est valdè expediens.

5. Quæres. Quid hîc vocemus titulum? Respond. Ius illud firmum, quod quis accepit per collationem beneficij, quo amisso adhuc retinet possessionem beneficij, & totius iurisdictionis, quam ante habebat. Et quidem si iure permittente illam retineat, ita vt ius non obliget ipsum ad eam deferendam, vocatur possessio iuris: si verò ius resistat illi possessioni, obstringens eum ad eam deferendam, dicitur possessio facti.

6. Tertia Conclusio. Iudex qui hoc modo priuatus est titulo, non peccat usurpatione iudicij iudicando, neque sententia illius est irrita, sed valida. Sequitur ex dictis, quia adhuc retinet suam Iurisdictionem, neque ab ea suspensus est. Et si enim ius illud prius, quo illam iurisdictionem obtinet, amiserit: habet tamen adhuc ius possidendi, & vtendi illa, donec per sententiam auferatur. Confirmatur, quia cum crimen sit occultum, vel certè non constet cum per legem esse priuatum; Si acta essent irrita, sequeretur graue incommodum in Repub. vt dictum est *quæst. preced. Concl. 1.*

QVÆST. XI. *An Iudex, qui habet solum titulum putatiuum, peccet usurpatione iudicij?*

1. Prima Conclusio. Si habet titulum coloratum, & communi errore putetur legitimus superior, eius sententiæ, & alij actus iurisdictionis sunt validi. Ita Paludan. in 4. d. 17. q. 6. art. 2. Nauarr. in c. *Placuit de pœn. disp. 6. num. 180.* Caiet. v. *Absolutionis impedimenta.* Medina c. *de Confess. q. 22.* Arrag. q. 60. a. 6. Et Canonistæ passim in c. *Nihil*, de electione, & Iure. conf.

consilium *Barbarius ff. de officio pratoris*. Probatur primò, ex hac ipsa lege, vbi expressè ponitur hic casus. Cum enim ille *Barbarius* esset alibi conditione seruus: Romæ, vbi latebat eius conditio, & liber habebatur, promotus est ad præturam, cuius tamen, ob occultum illud impedimentum, erat incapax. Nihilominus approbantur eius acta, quæ gessit, quamdiu latuit: idque ob utilitatem eorum, qui apud ipsum causas egissent. Et ratio additur, quia populus Romanus, cuius auctoritate hæc dignitas illi aliata fuerat, potuisset etiam seruo hanc potestatem decernere. *Secundo*, probatur ex *3. q. 7. c.*: vbi dicitur: *Si seruus, dum putaretur liber ex delegatione, sententiam daret, quam postea in seruitutem depulsus sit, sententia ab eo dicta rei iudicata firmitate tenet.* *Tertio* probatur ratione, quia nisi huiusmodi acta essent valida, sequeretur magna perturbatio in Ecclesia, & Repub. omnes enim sententiæ, collationes beneficiorum & officiorum, præsentationes, electiones, & alia huiusmodi deberent rescindi tanquam inualida.

2. *Secunda Conclusio.* Ut autem huiusmodi iudiciis acta valeant, duæ conditiones requiruntur, vt notat *Panormitanus c. Nihil*, de electione, *Caictanus* supra, & alij Doctores. *Vna* ex parte ipsius iudicis, nempe vt habeat titulum: *altera* ex parte populi, vt scilicet communi errore populi patetur legitimus superior. Vtrumque colligitur ex iuribus citatis, quando autem concurrunt hæc duo, ius ipsum confert iurisdictionem extraordinariæ ad singulos actus, propter bonum commune. Debet autem hunc titulum habere à veto superiore, vel scilicet ab eo, qui aliàs poterat illi dare vt insinuat in *l. Barbarius*. Nam ibi approbantur acta *Barbarij*, quia populus Rom. à quo habebat officium, potuisset ei hanc potestatem decernere. Confirmatur, quia si non acceperat ab eo, qui poterat dare iurisdictionem illi non habet colorem quo vti videri possit.

imo non est titulus, cum hic non nisi à superiore dari possit. Hinc sit, vt beneficium habeas ab eo, qui non poterat dare, vel si solum sis electus, aut præsentatus; non autem acceperis institutionem, vel confirmationem (quæ sunt collatio potestatis) nihil agas, vt qui sis intrusus; vt Panorm. Nauarr. & alij docent: sufficit tamen in collatore titulus coloratus communi errori cōiunctus, vt eius collatio sit valida: sicut enim alia eius acta valida sunt, ita etiam collatio iurisdictionis.

3. Tertia Conclusio. Hinc sequitur *primo*, valida esse acta Prælati, qui accepit prælaturam in excommunicatione, irregularitate, vel alio impedimento occulto, ratione cuius collatio sit irrita, vel interuentu Simonie realis completæ, aut confidentiæ, si communi errore facti habeatur pro vero Prælato. Itaque valida erit excommunicationis sententia ab eo lata, & absolutionis, & collatio beneficiorum, & delegatio iurisdictionis. *Secundò*. Idem dicendum est non solum de eo, cui collata est potestas ordinaria, sed etiam delegata, præsertim si collata sit ad vniuersitatem aliquarum causarum, vt bene ostendit Palud. vt sunt Commissarij, Vicarij foranei, Pœnitentiarij; quia horum iurisdictionis non minus spectat vtilitatem communem, quam Ordinariorum; imo plures ad ipsos causæ deferuntur. An autem idem sit in Delegato ad causam particularem, dubium est. Quidam negant, quia non agitur de bono communi, Palud. & alij affirmant ex cap. 1. 3. *quæst.* 7. vbi apertè agitur de Delegato, & quidem vt videtur ad causam particularem. Ratio est, quia quamuis singuli tales Delegati nō depute-
tur, nisi ad causas certas, nec de quorumlibet quæstio-
nibus cognoscere possint, tamen maximi interest pu-
blicæ vtilitatis, vt horum acta valeant, quia sæpe, & va-
rijs in casibus deputentur. *Tertiò*, idem habet locum
etiam si Superior conferens officiū, vel iurisdictionem.
sciat

sciat impedimentum alterius, aut collationem esse inualidam; modo ipse conferat, quantum in se est saltem actu externo, & communi errore populi putetur esse validum. Nam si ipsius ignorantia non impedit iurisdictionem; multo minus impedit scientia, quæ non tollit inuoluntariam. Nec opus est ut ipse possit impedimentum auferre, ut cum Episcopus confert illegitimo vel homicidæ occulto beneficium parochiale; requiritur tamen ut supremus Princeps possit illud tollere, & personam efficere capacem. Vnde si sit impedimentum iuris diuini, vel naturalis, nihil fiet; ut si sit fœmina, vel non sit Sacerdos, cui potestas absoluendi commissa est: tum enim communis error nihil iuuabit, quia potestas humana non potest supplere hunc defectum, nec ullo modo potestatem hanc talibus concedere, *Quartò*, idem procedit, etsi litigatores, vel quorû causa agitur, sciât, quia hæc iurisdicção cõcessa est generatim propter errorem communem. Vnde priuata scientia illi non impedit. Hinc absolutio data à Parocho, quem scis occultè Simoniacum, valet, ut passim DD. fatentur, nisi forte tu alterius copiam haberes, vel extra necessitatem illum induceres: ita ut confitendo illi peccares mortaliter: tunc etiam, etsi absolutio non sit irrita defectu iurisdictionis, est tamen irrita propter indispositionem pœnitentis.

3. Quæres. An idem dicendum sit, quando alicui iurisdicção occultè est ablata, & illa nihil hominus gerit se pro Superiore, & communi errore talis habetur. Respond. ita. Potest autem hoc *quatuor* modis contingere. *Primò*, si ipso iure beneficium vacet. *Secundò*, si per sententiam ei sit abrogatum, vel si potestas Delegati reuocata. *Tertiò*, si delegans mortuus sit. *Quartò*, si iurisdictionem delegantis contingat suspendi. Quod ad primum modum attinet, ita expressè sentit Palud. supra. Panorm. in c. *Nihil*, de electione, Nauarr. in c.

Placuit, de Pœnitentia *num.* 180 Arragon. *q.* 60. *d.* 6. & *passim Canonistæ*. Ratio est, quia hîc duo illa concurrunt (de quibus in 2. conclus.) Titulus publici officij, & error facti. Nec refert, quod titulus & poss. ssi iuris sint ei adempta, quia id omnino occultum est, & non ita sunt adempta, quin adhuc aliquæ reliquæ maneant: retinet enim possessionem facti, ut Nauarr. ait. De secundo modo etsi multi aliter sentiant, est tamen probabile, valere. Ita tenet Palud. supra ubi affirmat de eo, cuius commissio est occultè reuocata. Et Henric. l. 3. de Pœnit. c. 6. ubi dicit, valere absolutionem eius, qui habet titulum coloratum, & non scitur de reuocatione. Et l. 2. c. 4. ubi ait, valere confessiones factas virtute bullæ vel facultatis, quæ nescitur esse reuocata. Ratio est, quia supra dicta hîc etiam concurrunt: Titulus, & error communis. De *tertio* modo verius est, etiam valere, quia licet morte delegantis expiret potestas Delegati, re adhuc integra, ut patet l. *more ff. de iurisd. omnium Iudicum*. Et *calicet. c. Gratium. De officio delegati*: tamen quamdiu hoc communiter ignoratur, & ille se adhuc gerit pro delegato, est eadem ratio, quæ in supra dictis. Non enim hic est magis priuatus, quam in 1. & 2. casu, si ergo ibi acta valent ob communem errorem, & hic valebunt. De quarto modo non est difficultas: si enim suspensio primaria, quæ est in ipso delegante, non inuadat actum ipsius, dum communiter ignoratur, multo minus inuadabit acta delegati, qui solum secundariò suspensus est.

5. Quarta Conclusio. Quæ hætenus dicta sunt, habent locum non solum in foro contentioso, sed etiam in sacramentali. Ita Palud. Nauarr. & alij. quia eadem ratio boni communis id postulat, & Ecclesia non minus hic vult, & potest supplere defectum iurisdictionis, quam in foro externo; præsertim concurrente titulo colorato & communi errore. Habet etiam locum

locum in iis, quæ geruntur ex officio publico, quamvis non sint actus iurisdictionis, vt in instrumento tabellionis; in electione & præsentatione ad beneficia, & officia; in actu parochi assistentis contractui matrimoniali: hic enim actus non est iurisdictionis, sed exhibitionis præsentis sui, tanquam testis iure requisiti.

6. *Quæres primo* Circa totam hanc materiam, an non solum error, sed etiam probabilis DD. opinio efficiat, vt Ecclesia det iurisdictionem, etiam si fortè opinio illa falsa sit. Affirmant Henriquez l. 2. de pœnit. cap. 143. & alij recentiores. Vnde si probabile sit, talem posse absoluerè à reservatis, assistere matrimonio, excommunicare, eligere confellorem, privilegium non esse reuocatum, & similia, & ille ex hac opinione operetur, validè operabitur, Ecclesia supplente defectum, si fortè subsit; cùm enim licitum sit operari ex opinione probabilis, si omnia illa essent irrita, sequerentur grauissima incommoda.

7. *Quæres secundo.* An valeant acta, quando populus dubitat, an superior sit officio priuatus. Affirmant *Panormit. supra, Rosella v. confessor 3. in fine, & Sylu. v. Confessor 1. quæst. 19.* Ratio est, quia cum antea fuerit habitus superior, non debent subditi propter dubium superueniens cum reicere, quamdiu in officio perseuerat. Nam in dubio melior est conditio possidentis, neque quisquam super iure spoliandus est. Ex dictis patet, etsi illi, qui solum habent titulum coloratum possint generatim dici peccare usurpatione iudicij, quia quantum in ipsis est, usurpant potestatem, quam non habent: non tamen sententia illorum est irrita, quia Ecclesia extraordinariè suppeditat illis iurisdictionem, propter commune bonum.

QVÆST. XII. *An tyrannus peccet usurpatione iudicij.*

1. **A**lius est Tyrannus usurpatione potestatis, qui scilicet absque vilo iure Rēp. inuasit, & oppres-

nam tenet : alius usu regiminis , qui scilicet tyrannicè gubernat, cum alioqui sit verus Princeps, & legitimam habeat potestatem. Nec hîc agimus de prioribus, qui usurpatione potestatis tyrannus est, & iam in pace imperat, Repub. illi non amplius resistente ex defectu virium. Nam de posteriori qui verus Princeps est, constat non peccare usurpatione iudicij, modo secundum leges iudicet, etiamsi aliàs tyrannicè gubernet. Dom. Sotus *l. 3. quest. 4. art. 6.* docet Tyrannum, qui Rempub. inuasit, non posse ferre ullam legem, nec ius dicere, quod obliget in conscientia; ac proinde sententias eius esse irritas. Contrarium tenet *Francisc. Victor. in relect. de potestate civili num. 23.*

2. Prima Conclusio. Huiusmodi Tyrannus peccat usurpatione iudicij ius dicendo. Ratio est, quia iudicando usurpat sibi potestatem Principis, & gerit se ut verus Princeps, cum tamen reuera non sit : ergo usurpat alienam potestatem : ergo peccat usurpatione iudicij.

3. Dices *Primò.* Ille quidem peccabit inuadendo principatum, & illam authoritatem sibi usurpando ; non tamen peccat postea, si debito modo ea utatur, quia Reipub. mens hæc censetur esse. Imò si omitteret ius dicere, peccaret. Respondeo negando secundam partem assumpti, quia non solum peccauit Rempub. inuadendo, sed etiam postea assidue peccat, eam oppressam & sibi subiectam seruando, donec tandem vel sponte à regno suscipiatur, vel longo temporum intervallo nascatur præscriptio. Ratio est, quia assidue iniuriam infert, & opprimit, sicut qui per iniuriam compingit aliquem in carcerem, non tantum peccat in principio, sed etiam postea assidue, quamdiu voluntariè hanc calamitatem cõtinuat. Nota tamen hoc non esse nouum peccatum in tyranno, sed continuationem quandam peccati antiqui, neque addere nouam aliquam malitiam mortalem

mortalem supra vſurpationem tituli principatus , quia per hoc non fit nova iniuria, ſed prior continuatur. Imo magis peccaret , ſi quando res poſtulat ius non diceret retento principatu, quia magis noceret ciuibus, & maiorem iniuriam irrogaret : ſicut qui rem alienam detinet, & eâ vtitur , peccat vtendo : ſi tamen iſte vſus eſt rei vtilis , vel neceſſarius , non addit nouam malitiam ſupra rei detentionem , & non vtendo magis peccaret.

4. Dices ſecundo. Si peccat iudicando : ergo ciues non poſſunt ab eo ius petere : non enim licet petere ab aliquo , quod ipſe ſine peccato præſtare non poteſt. Reſpond. nego conſequentiam , quia non petunt abſolutè , ſed ſub tacita quadam conditione , nempe ſi velit ſe getere loco principis. Qua conditione poſita petitur id , ad quod ipſe tenetur. Quamuis enim peccet iudicando ; magis tamen peccaret iudicium negligendo. Itaque non petitur, niſi ex ſuppoſitione, & tanquam minus malum , quod eo modo petere eſt licitum.

5. Secunda Concluſio. Quamuis cuiusmodi Tyrannus peccet vſurpatione iudicij , vt dictum eſt, tamen ſententiæ eius ſunt validæ , & ciues tenentur iis obtemperare, donec irritentur. Ratio eſt, quia ipſius ſententiæ , & iuſta mandata, tametiſi non habeant vim à tyrannica poteſtate, habent tamen aliundè. Primo, à iure naturali, quod ſuppoſito tali rerum ſtatu dicat, eſſe obtemperandum propter bonum commune ; alioquin omnia eſſent plena furtis & latrociniis. Secundo, à Repub. quæ tacitè approbat eius mandata & acta, legibus & communi vtilitati conſentanea, & vult ſententias iuſtas, quibus lites ciuium dirimuntur , & fontes plectuntur, eſſe validas , & ſubditos obligare : niſi enim validæ eſſent , & obligarent, nemo niſi in ſpeciem obtemperaret , & quiſque occultè faceret contrarium,

trarium, cum magno Reipub. incommodo. Potest autem Respublica hanc vim sententiis & actis tyranni dare, quia est singulorum superior, etiamsi tyrannide sit oppressa. Aliqui confirmant hanc conclusionem exemplo Iudæorum, qui per tyrannidem oppressi erant à Romanis; & tamen Christus *Math. 22. v. 21.* insinuat eos debere dare tributum Cæsari. Sed puto neminem in conscientia teneri tyranno tributum soluere, nisi fortè causa scandali, vel maioris mali vitandi. Neque enim ratio naturalis id dictat: neque Respub. censetur id velle; quia expedit tyrannum non abundare pecunia, ut facilius eius iugum possit excuti. Sententia Christi est generalis, solum significans, Principi reddendum, quod ei debetur: non enim conueniebat, ut alterutram partem distinctè definiret.

6. Tertia Conclusio. Inferiores tamen Iudices à tyranno constituti, si eius tyrannidem non sustinent, aut iuuent, non peccant ius dicendo, modo alioqui omnia iure agant. Ratio est, quia nullam iniuriam faciunt Reipub. & ipsa Respub. posito hoc rerum statu tacitè in eos consentit, cum illorum administratio utilis sit communi bono. Rarò tamen fit, ut Iudices inferiores non cogantur multa iniqua mandata & sententias dare, & exequi.

7. Quæres. An tyrannus peccet peccato homicidij, quando malefactores secundum ordinem iuris interficit. Ratio dubij est, quia non habet publicam auctoritatem, nisi quam iniquè usurpat. Respondeo. Respub. tribuit illi tacitè auctoritatem, dum consentit, & cupit, ut malefactores puniat, ac proinde non committit homicidium.

8. Dices. Etsi Respub. concedat illi tacitè hanc auctoritatem, ipse tamen non intendit eâ uti; sed illa tantum, quam sibi assumpsit, & quam reuera non habet: ergo est homicida. Respondeo ipse intendit uti omni
authori

authoritate, quam habet, ac proinde utitur etiam authoritate à Repub. concessa.

QVÆSTIO LXI.

De diuisione Iustitiæ in commutatiuam, & distributiua.

2. **D**iuus Thomas docet *primò*, iustitiàm particularem rectè diuidi in has species. *Secundò*, ostendit in quibus differant, quod paucis explicandum est.

2. Prima Conclusio. Hæ duæ species differunt primùm à Iustitiâ legali. Nam legalis respicit bonum commune, & singulos ciues bonè disponit ad bonum Reipub. totius, vt supra dictum. Hæ autem species Iustitiæ particularis, respiciunt bonum priuatum, licet non eodem modo, vt iam dicam.

4. Secunda Conclusio. Hæ species differunt inter se quatuor modis. *Primò*, quia iustitiâ commutatiua disponit priuatum hominem ad priuatum, vel eos, qui se instar priuatorum habent. Distributiua disponit communitatem; vel eum, qui communitatem repræsentat, ad priuatum. *Secundò*, illa versatur circa cōmutationes: hæc circa distributiones. *Tertiò*, illa spectat conditionem rei alterius, vt ei reddat æquale: hæc conditionem personæ, vt sitne diues, an pauper: nobis, an ignobilis; doctus, an indoctus; idoneus ad officiũ, an ineptus: vt secundum proportionem illarum conditionum fiat distributio. *Quarto*, finis intrinsecus illius est constituere æqualitatem inter datum & acceptum: huius finis est constituere æqualitatem inter proportionem, & proportionem, vt eadem sit proportio inter res quæ distribuuntur, quæ est inter condiciones personarum, quibus fit distributio. Hinc patet, quando militi detur stipendium, vel operariis publicis merces à Repub. pro cuiusque merito, non dari per iustitiâ distributiua, sed per commutatiua; quia non spectatur conditio personarum, sed operarum, quas præstiterunt, & nihil aliud

aliud intèditur, quam ut in singulis constitutatur æqualitas rei ad rem, scilicet mercedis ad laborem. Unde Respub. in tali casu non comparatur ad illos ut totum ad partem, sed ut pars ad partem, & ciuis ad ciuem: subit enim rationem vnius personæ conducentis operas singulorum.

3. Dices. Cum sit distributio bonorum communium secundum conditiones personarum, videtur etiam fieri per iustitiam commutatiuam, ac proinde æqualitas proportionum inter multos non videtur esse propria Iustitiæ distributiue. Antecedens patet, quia si distributor aliquem fraudauerit, minus dando, quam postulabat eius conditio, tenetur ad eius restitutionem per iustitiam commutatiuam, ut docet *D. Thom. quæst. sequenti art. 1. ad 3.* ergo iustitia commutatiua fuit violata: ergo talis distributio pertinet ad iustitiam commutatiuam. Respondeo. Æqualitas proportionum non resultat per accidens, sed primariò intenditur à Iustitia distributiua tanquam finis intrinsecus, sicut æqualitas rei ad rem primariò intenditur à Iustitia commutatiua. Fit tamen aliquando, ut Iustitia distributiua in sua functione includat commutatiuam, nempe quando fit distributio rerum, quæ stricto iure debentur, iuxta personarum conditionem, ut si quis relinquat centum aureos distribuendos studiosis alicuius collegij pro cuiusque inopia, vel eruditione, tunc enim distributor lege Iustitiæ commutatiue obligatur erga singulos, quamuis erga omnes teneatur seruare formam Iustitiæ distributiue, ut sit ea proportio eleemosynæ ad eleemosynam, quæ est inopiæ ad inopiam. Unde si alicui pauperiori minus dederit tenebitur ex iustitia commutatiua restituere ad iustam proportionem; non secus ac si dotator ei reliquisset in particulari 10. aureos, & distributor solum dedisset quinque. Hoc ipso enim, quod donator vult talem proportionem strictè seruari, singulis

singulis implicite assignat certam summam iuxta proportionem inopiæ, quæ singulis debetur lege Iustitiæ commutatiuæ. Ex dictis colliguntur duæ regulæ, *Prior*, quando diuiditur aliquid stricto iure debitum, concurrunt in eodem actu Iustitia commutatiua & distributiua: Commutatiua, quatenus respicitur, vt datur unicuique æquale iuri, quod habet. Distributiua quatenus respicitur, vt unicuique datur secundum proportionem suæ dignitatis: quare minus dando quam oportet, violatur utraque Iustitia: Commutatiua, quatenus non datur æquale iuri, quod alter habet: distributiua, quatenus non datur secundum proportionem dignitatis. *Posterior* regula, quando fit distributio rerum, quæ stricto iure non debentur secundum conditionem personarum: tunc Iustitia distributiua non includit commutatiuam, vt sit in distributione beneficiorum, & officiorum, quæ debent quidem conferri dignioribus; non tamen ita, vt ipsi ius strictum ad illa habeant. Vnde non fit ipsis iniuria, quæ ad restitutionem obliget, etiam si aliis conferantur. Peccat tamen distributor contra Iustitiam distributiua, de quo plura *infra quest. 63. de acceptione personarum.*

QVÆSTIO. LXII.

De restitutione.

Dicam *primò*; de restitutione in genere. *Secundò*, de restitutione ratione iniustæ acceptionis. *Tertiò*, de restitutione rei acceptæ. *Quartò*, de restitutione ratione contractus. *Quintò*, de ordine seruando in restitutione. *Sextò*, de excusantibus à restitutione. Ad hæc sex capita possunt omnia reuocari, quæ à D. Thoma & aliis disputantur.

QVÆSTIO I.

Quid sit restitutio?

I. **P**rima Conclusio. Restitutio ex vñ Theologorum nihil aliud est, quam rei acceptæ reddi-
Thom. IV. Q

rum tamen quod superest dare eleemosynam, & ecce omnia munda sunt vobis. Hinc videtur colligi eleemosynam sufficere ad expianda peccata Iustitiæ, ac proinde restitutionem non esse necessariam.

2. Prima Conclusio. Restitutio externa est necessaria ad salutem, si facultas suppetit: si autem non suppetit, non est necessaria. Ita *August. Epist. 34. ad Maced.* Prima pars probatur, quia non restituere, cum possis, est voluntariè nocere, & facere iniuriam proximo, quia impedis cum ab usu & possessione rei suæ, vel debiti. Atqui necessarium est ad salutem, ut nemini voluntariè noceamus, aut iniuriam faciamus, ut ex multis scripturis constat; ergo necessaria est restitutio. Ad locum Lucæ Respondeo, si argumentum ex illo sumptum quicquam valeret, etiam probaret pœnitentiam non esse necessariam furibus, & latronibus. Itaque Christus non vult significare eleemosynam sufficere, sed esse optimam dispositionem ad munditiem animi. q. d. Date eleemosynam pro vestra facultate, & facile mundabimini, quia disponetur animus ad veram pœnitentiam, & restitutionem. Altera pars conclusionis probatur, quia non obligatur ad impossibile.

3. Secunda Conclusio. Etiam si externa restitutio non sit necessaria, quando facultas non suppetit, propositum tamen restituendi est necessarium. Ratio est, quia ad remissionem peccati necessaria est contritio, vel saltem attritio cum Sacramento: hæc autem continet propositum restituendi: tum quia continet dolorem de peccato iniustæ ablationis, in quo dolore continetur implicitè propositum restituendi: tum etiam quia continet propositum emendationis, & seruandi diuina præcepta, inter quæ est præceptum restituendi.

4. Quæres. Quale præceptum sit restitutionis: affirmarium, an negatiuum? Multi dicunt esse negatiuum, quia idem est dicere restitue, & ne detine alicuium.

Sed verius est esse affirmatiuum. *Primo*, quia præcipitur actus positivus. In negatio solum præcipitur abstinencia ab aliquo actu positivo. Nec obstat, quod interdum videatur fieri restitutio sola cessatione detinendi, vt si deseras domum, vel agrum, quem vi occupasti, quia hæc cessatio eò dirigitur, vt alter rem suam consequatur, & fiat æqualitas, & sic habet terminum positivum. Vnde est instar actionis positivæ, qua impletur præceptum affirmatiuum. *Secundo*, quia non obligat pro omni tempore, sed solum, quando est opportunità restituenti: Negatiuum autem obligat pro omni tempore. Illud autem præceptum, ne detineas alienum, in re potius est affirmatiuum, quam negatiuum, quia non potest seruari, nisi per actum positivum, neque obligat pro omni tempore. Nota tamen præceptum restituenti nasci ex illo negatio; Non furtum facies. Vnde hoc ipso, quo præscribitur, Non furaberis, præscribitur etiam, vt non detineas, si potes reddere, & consequenter vt restituas, quia actus restitutionis est necessarius ad non retinendum alienum.

Q V Æ S T. III. Vnde nascatur obligatio restitutionis?

I. **P**rima Conclusio. Si propriè loquamur, oritur ex duplici capite: nempe vel ex iniusta acceptione, vel ex re accepta siue iustè, siue iniustè. Ita D. Thom. & Caiet. art. 6. & 7. Couarr. ad regul. Peccatum p. 2. in Principio. Per iniustam acceptionem intelligo non solum furtum: sed etiam quoduis damnum per homicidium, adulterium, stuprum, furtum, infamiam, siue alio modo iniquè illatum: quicumque enim alteri damnum infert, aufert aliquid ab eo, & sic dicitur teneri restituere ratione iniustæ acceptionis. Per rem acceptam intelligo non solum eam, quæ à domino ablata est, vt equus, vestis, pecunia, sed etiam eam, quæ ex iustitia alteri debetur, & apud me manet, vt legatum alteri, vel venditum, quod apud me est,

Quod

Quod etiam ex priori capite nascatur obligatio restitutionis, probatur: quia qui damnum intulit, violauit æqualitatem, quam poscit Iustitia commutatiua: ergo, vt illam resarciat, tenetur lege Iustitiæ ad restitutionem, etiamsi nihil emolumenti acceperit. Quod etiam ex secundo capite patet, quia qui habet rem alterius, etiamsi nullam iniuriam intulerit, habet tamen plus quam suum, & verus Dominus tantumdem habet minus, quam suum: ergo vt fiat æqualitas Iustitiæ, per quam tribuitur cuique suum, debet Domino restitui.

Dices. Qui obligatur ex stipulatione, non tenetur ex altero horum capitum: ergo hæc duo non sufficiunt. Resp. per sequentia, siue ergo

Secunda Conclusio. Si nomen restitutionis generatim sumatur pro omni redditione, qua res ex Iustitia debita redditur, vel in seipsa, vel in æquivalente, sic assignanda sunt tria capita obligationis restituendi. *Primum*, ex iniusta acceptione, seu damno illato. *Secundum*, ex re accepta iustè, vel iniustè. *Tertium*, ex contractu. Nam mutuum, & pretium rei acceptæ, & similia, non debentur proptiè ratione rei acceptæ (nam fieri potest vt hæc non extet) sed ex contractu. Nota inter hæc tria capita esse magnum discrimen: quando enim aliquid debetur ex iniusta acceptione, vel ex contractu, manet obligatio restitutionis, etiamsi res debita pereat, sine nostra culpa, quando verò debetur tantum ratione rei acceptæ, non manet obligatio rei absque culpa nostra pereunte, vt patet in deposito. Ex his plurima possunt deduci, vt patebit ex sequentibus.

De restitutione ratione iniusta acceptionis.

Obligatio restitutionis oritur. *Primò*, ex iniusta acceptione, seu damno illato, vt dictum est. Potest autem dānum inferri. *Primò*, in bonis animi. siue naturalibus, siue supernaturalibus. *Secundò*, in bonis corporis & membrorum. *Tertiò*, in bonis famæ & honoris.

Quartò, in bonis fortunæ. De singulis dicam ordine.

QVÆST. IV. *An teneatur restituere, qui priuat alium aliquo sensu, vel usurpationis per iniuriam, v. g. si quis veneno, philtro, aut alio modo priuet aliquem usu rationis, aut sensu, siue interno, siue externo: quæstio est, ad quod teneatur?*

1. **D**ominicus Soto l. 4. q. 6. a. 2. ad 1. & quidam alij putant pro his damnis præcisè consideratis faciendâ esse restitutionem pecuniariâ, arbitrio boni viri.
2. **Conclusio.** Verius videtur talem non teneri ad restitutionem præcisè pro ipso damno sensuum, vel usus rationis; sed tantum pro damno temporali, quod inde sequitur, vt si non possit eam artem vel functionem obire, qua lucrum faciebat. Colligitur ex Gomez tom. 3. cap. 6. n. 12. vbi probatur cicatricem, & deformitatem ex iniuria remanentem, non posse æstimari à Iudice, vel offenso, quia sicut liber homo nullam recipit æstimationem; ita nec cicatrix, vel deformitas eius, quod expressè habetur *L. fin. ff. de his, qui deiecerint, vel effuderint*. Idem docet Naua. c. 15. n. 19. & multi alij infra citandi. Ratio est, quia hæc damna nullo pretio sunt æstimabilia: sunt enim in bonis, quæ supremum locum in bonis humanis tenent, neque quidquam est in hominum potestate, quod his censeatur æquiualens. Vnde per pecuniam non potest fieri compensatio. Itaque pro his satis est pœnitentia coram Deo cum petitione veniæ pro iniuria illata. *Vide infra q. 11.*

QVÆST. V. *An teneatur restituere, qui alterum læsit in bonis anima, pertrahendo ad peccatum?*

1. **P**rima Conclusio. Qui alterum metu, vel fraude pertraxit in peccatum, tenetur ipsum ex iustitia suæ liberrati restituere, & vim fraudemque tollere, ne ille in posterum simili modo peccet. Est communis. Probat, quia minari, vel vim inferre est contra iustitiam, si sine iusta auctoritate fiat, quæ numquam iusta esse

esse potest, dum quis ad peccatum cogitur. Similiter contra iustitiam est, decipere alterum falsa doctrina circa fidem, mores, vel artes humanas: sicut enim quisque habet ius iustitiæ, ne ab alio lædatur in corpore: ita etiam, ne inuitus lædatur in anima per errorem aut deceptionem: ergo qui illum inuitum lædit in anima, violat ipsius ius: ergo contra iustitiam facit: ergo lege iustitiæ tenetur cessare, & quod fecit quasi infectum reddere: ergo tenetur vim tollere, iniurias remittere, & fraudem patefacere.

2. Dices. Hoc quidem verum est, quando quis fraude pertraxit aliquem in errorem, qui error versetur in materia iustitiæ, vt v. g. circa contractum, vel restitutionem: tunc enim ex iustitia tenetur errorem tollere, quando autem error versatur in materia fidei, temperantiæ, & similium virtutum, tunc non tenetur lege iustitiæ, sed solum lege istius virtutis, circa cuius materiam decepit. Ratio est, quia eodem præcepto, quo quis tenetur nihil sciens facere contra aliquam virtutem, eodem tenetur nihil contra illam suadere, vel docere: tam enim est contra rationem consulere malum, quam facere. Resp. Semper tenetur lege iustitiæ errorem tollere, quia alterum in errorem induxit, siue sit in materia iustitiæ, siue aliarum virtutum: hoc enim conuincit argumentum nostræ conclusionis. Ratio autem in contrarium allata hoc solum probat, eum qui sciens suadet falsum in materia fidei, vel temperantiæ peccare contra has virtutes, quod verissimum est. Non tamen probar, eum non peccare etiam contra iustitiam. Nam si aliquem sine fraude & non inuitum perduceret ad infidelitatem, aut intemperantiam, peccaret contra fidem & temperantiam: ergo quando fraude vititur, peccat contra iustitiam.

3. Hinc colligitur primo, si quis putaretur non inuitus, sed voluntariè deceptus, (quomodo multi iam ad hære-

ses pertrahuntur auidi nouitati, & prurientes auribus) non nasci obligationem ex lege iustitiae per errorem docendum, sed tantum ex lege illius virtutis contra quam fuit alteri auctor peccandi, & ex lege correctionis fraternae. Idem dicendum, si deceptor cognoscat aliundè veritatem: tunc enim deceptor non tenetur ex iustitia contrarium suadere: Ratio est, quia iam ablatum est error intellectus, ratione cuius deceptor cēsebatur causa operis mali: ergo si alter adhuc pergat in opere malo, non id facit ex ignorantia, sed ex propria malitia: ac proinde nō potest imputari deceptor. Nisi fortè variis suasionibus animum ipsius inflexerit ad malum: tunc enim tenetur, quantum in se est, suadere contrarium, quamuis alter sciat aliundè veritatem. Ratio est, quia non solum ignorance veritatis, sed etiam tua suasionem, fuit inclinatus in malum: ergo nisi contrarium suaseris, cēseberis adhuc causa mali operis, ratione effectus relictī in animo ipsius, nempe ratione inclinationis praeuae, & propositi tua suasionem excitati.

4. Secunda Conclusio. Qui tamen alterum pertraxit ad peccatum, sine prece vel pretio, sine vi vel fraude, non tenetur ex iustitia curare vt conuertatur: tenetur tamen ad id lege charitatis, idque magis quam alij. Ita Dom. Sotus l. 4. q. 6. a. 3. ad 1. Sylu. v. restitutio, 3. q. 1. Petrus Nauarr. c. 1. num. & alij recentiores, contra Scotum, & Adrianum. Probatur Primò, de eo qui prece vel pretio induxit, sine vi & fraude. Nam qui ita induxit non abstulit aliquid ab inuito, cum iste inductus sciens & prudens peccarit: ergo non est illi illata iniuria. Secundò, probatur generatim de omni eo, qui induxit ad peccatum etiam vi & fraude, quia nemo tenetur ex iustitia ad resarciendum damnum ei, qui censetur illud condonare; sed is qui à te inductus est ad peccatū postquam scit se esse in peccato, & posse ope diuina resurgere, & tamen non vult, censetur tibi damnum spirituale

spirituale condonare, quia vult in eo permanere, & gratiam amissam velut ante oculos positam non vult recuperare. Confirmatur, quia is, qui inductus est in peccatū est principalis & directa causa damni spiritualis, & tamen non tenetur lege iustitiæ, eo quod sibi ipsi censeatur condonare: ergo nec is, qui est causa remota, tenetur ex iustitia, cum aliter condonet. Quod tamen lege charitatis præ cæteris teneatur, patet; quia æquitas postulat, ut is, qui est auctor mali præ cæteris, etiam laboret præ cæteris, ut tollatur malum. Puto tamen hanc obligationem, quatenus præ cæteris obligatur, non esse sub mortali, ut docet Nauarr. lib. 5. *Consil. tit. 3. Consil. 2. num. 4.* Ratio est, quia charitas non obligat ad correptionem sub mortali, nisi in necessitate, quando etiam alij obligantur: ergo præ cæteris non tenetur sub mortali.

5. Tertia Conclusio. Si is, qui fraude inductus est in errorem, facit opus malum, priusquam veritatem cognouerit, imputatur consultori, qui decipit, quamuis qui fecit, ob ignorantiam inculpatam non peccarit. Ratio est, quia consultori hoc opus est voluntarium, cum sciat esse prauum: ci autem qui facit est profus inuoluntarium, quia malum; quia omnino eius prauitatem ignorat. Vnde si est homicidium, vel mutilatio, consultor irregularitatem incurreret, non executor.

QVÆST. VI. *An teneatur restituere, qui auertit aliquem ab ingressu vel statu Religionis?*

1. **P**otest aliquis dupliciter abduci à Religione. *Primo*, vi vel fraude. *Secundo*, solis p̄fessionibus, aut suasionibus. Item potest esse questio de restitutione vel personæ, vel commodi temporalis.

2. Prima Conclusio. Qui Nouitium sine vi & fraude extraxit, non tenetur ex iustitia Religionem aliquid restituere, etiamsi malo animo fecerit, & grauissi-

mè peccarit. Ita Dom. *Sor. l. 4. q. 6. a. 3.* Petrus Nauarr. *l. 2. c. 2. n. 25. & alij contra Adrianum.* Ratio est quia Religioni non est facta propriè iniuria Nam ante votorum acceptionem, Religio non habet ius ad personas, quamuis ipsæ voto se obstrinxissent vt in votis realibus & in omni promissione accidit. Arqui votorum acceptatio non fit in nouitiatu, sed postea: ergo religio non habet ius ad Nouitios: ergo qui Nouitios abducit, non facit iniuriam Religioni. Hinc patet illum etiam non teneri ad compensandam vtilitatem temporalem, quam Religio sperabat à Nouitio; quia non habet ius ad eam, nisi mediante libera voluntate Nouitij, quam alter in sua libertate reliquit, dum nullam vim, vel fraudem adhibuit. Dixi non teneri ex iustitia, quia ex æquitate quadam, seu decentia tenetur illum hortari ad bonum propositum resumendum vt reparet magnum illud bonum, quod in animo eius destruxit.

3. Secunda Conclusio. Qui vi vel fraude abduxit aliquem à Religione, siue Professum, siue Nouitium, non tenetur ex iustitia, vel alio præcepto ipse ingredi; sed tenetur vim tollere, & fraudem aperire, & suadere reditum. Quod si ille redire nolit, vel procul absit, vt conueniri non possit, tenetur ex æquitate quadam alium inducere si commodè potest: non tamen ex iustitia. Prima pars, quod non teneatur ipse seductor ingredi, probatur: tum quia ipse fortè non est aptus: tum quia status Religionis debet liberrimè acceptari: est enim status perfectionis, quæ non nisi liberis, minimèque coactis functionibus acquiritur. Vnde par est, vt eius obligatio non nascatur ex vllò delicto, sed tantum ex spontaneo voto. Hinc fit, vt etsi ob delictum possit quis includi in Monasterium ad agendam pœnitentiam; non tamen possit cogi, vt Religionem profiteatur. Secunda pars, quod teneatur vim & fraudem

dem tollere, patet ex dub præced. Tertia pars, quod ex æquitate teneatur alium inducere, patet ex dictis: cum enim Deo & Religioni subtraxerit obsequium illud, quod ille præstabat, par est ut compenset eo modo, quo potest. Quod tamen non teneatur ex iustitia, probatur *primò*, quia nec ipse Religiosus ex iustitia tenetur redire, sed solum ex voto Religionis, ut quidam volunt. *Secundò*, etiam teneretur ex iustitia redire (quod verius videtur) tamen auctor non tenetur ex iustitia, nisi vim & fraudem tollere, & suadere reditum. Nam aliter non potest personam restituere. Ut autem alium huius loco restituat, nec moribus receptum est, nec iustitia postulat, quia capeßere Religionem est persuasionis humanæ: sed pendet ex inspiratione diuina. *Tertiò*, quia Monasterium non possidet Religiosum tanquam mancipium, pro quo si abductum fuerit, vi vel fraude debet aliud restitui, sed tanquam filium, pro quo abducto, vel occiso, non restituitur alius.

4. Tertia Conclusio. Qui nouitium vi vel fraude seduxit, & auertit à Religione profitenda, tenetur ex iustitia Monasterio compensare quantum valebat spes illa commodi temporalis, quod ex ipsius hereditate, donatione, vel industria expectabatur. Ratio est, quia quia aliquem impedit vi, fraude mendacio, metu, ne tibi relinquat legatum, hereditatem, aut ne tibi conferat beneficium, quod proposuerat conferre, tenetur tibi ad restitutionem, quanti spes illa iudicio prudentum æstimatur: Etsi enim tu non habeas ius ad beneficium, vel ad legatum istud, habes tamen ius, ne alteri vis, vel fraus fiat in tuum detrimentum. Pari modo Religio ius habet, ne vi aut fraude auertas eum, qui statuit ingredi: ergo qui ita auertit, violat ius Religionis: ergo tenetur ad restitutionem dñi consequentis, qua parte pretio illud est æstimabile. Nota tamè si restituit illū suæ libertati, & fraudem aperuit eo tēpore, dum adhuc illi

illi est integrum redire, probabile est non amplius teneri, quia in posterum non censetur causa damni Monasterio, sed Nouitius solus sponere non rediens. Idem dicendum, si Nouitius ille fraudem aliquo modo aduertit, quia tunc non fuit egressio inuoluntaria. Quod si non amplius sit ei integrum redire, ut si interim contraxit matrimonium, vel alia ratione impeditus est, tenetur deceptor, quanti spes illa Monasterij aestimabitur, quia censetur causa damni in posterum.

5. Quarta Conclusio. Qui vi vel fraude abduxit Professum à Religione, tenetur Monasterio compensare utilitatem temporalem, quam ipse conferebat, non tamen si precibus, vel consilio, absque vi & fraude id fecit. Ita Petrus Nauarr. *supra num.* 23. & Saloni-
nius q. 62. art. 2. Prima pars patet, quia iniuste causam damni attulit, & quidem multò magis, quam qui Nouitium abduxit. Nam professus est iam adstrictus Religioni, & tenetur, ac vult pro Religione laborare, & inde prouenit utilitas, quæ percipitur ex eius concionibus, confessionibus, lectionibus. Hic tamen aduertendum. *Primò.* An reuera damnum sit acceptum: si enim Professus ille, qui abductus est, tantum consume-
 bat, quantum lucrabatur, aut si alius, qui idem præstat, in eius locum commodè subrogari possit, non est opus restitutione. *Secundò,* postquam suæ libertati restitutus est, detecta fraude, vel vi laxata, abductor in posterum non tenetur restituere, sed solum pro eo damno, quod datum est, durante vi & fraude. Ratio est, quia in posterum non ipse, sed Religiosus nolens redire censetur causa damni. Secunda pars probatur, quia Religiosus non tenetur ex iustitia laborare, & procurare utilitatem monasterij, sed tantum ex obedientia, & religione. Ut docet Bannes *q. 62. a. 2. dubit. 6. & alij.* Vnde si nolit laborare, non peccat contra iustitiam: ergo qui suadet illi absque vi & fraude ut non laboret, non pec-
 cat

cat etiam contra iustitiam ; ergo non tenetur restituere.

6. Dices *primò*. Qui seruo emptitio suadet fugam, vel otium, tenetur Domino ad restitutionem ; ergo etiam qui Monacho suadet. Respondeo *primò*, quoad fugam non est eadem ratio serui & Monachi. Nam seruus est principaliter ad commodum Domini, & est quasi possessio ipsius sicut iumentum : Monachus autem non est principaliter ob temporale commodum sui Prælati, aut monasterij ; sed ob suum bonum spirituale, nec possidetur à Prælato tanquam seruus, sed subest tanquam filius, ut ab eo ad salutem suam rectè dirigatur. Resp. *Secundo*, quod otium est eadem ratio vtriusque : sicut enim Monachus non tenetur ex iustitia ; sed ex obedientia laborare : ita & seruus emptitius. Aliud est de seruo mercenario. Vnde qui Monacho, vel seruo emptitio suadet otium, aut cessationem ab opere, peccat quidem grauiter ; non tamen contra iustitiam. Nam actiones illorum non sunt debitæ superiori ex lege iustitiæ, sicut actiones mercenarij ; sed ex lege obedientiæ.

7. Dices *secundò*. Qui Monacho suadet fugam, facit iniuriam Monasterio & ex hac iniuria sequitur damnum : ergo tenetur de damno. Resp. negando consequentiam ; quamuis enim faciat iniuriam suadendo egressum vel fugam, non tamen suadendo otium, ac proinde non tenetur ad compensationem damni, quod ex otio sequitur. Cõfirmatur ex facto ipsius Monachi : hic enim etsi faciat iniuriam Religioni egrediendo, & ex hac iniuria sequatur damnum ; non tamen tenetur ad compensationem illius damni. Ratio est, quia etsi egredi sit iniuria, non tamen iniuria est nolle procurare vtilitatem temporalem, eo quod non teneatur ad hoc ex iustitia, ut dictum est, sed ex obedientia. Vnde non omne damnum sequens ex iniuria obligat restitu

restitutionem; sed solum illud, quod ita sequitur, ut per ipsam actionem iniuriosam inferatur, quod hic non fit. Nam quamvis suadere egressum sit iniuria, quatenus hic actus suadendi est causa egressionis: non tamen est iniuria respectu damni secuti, quia hoc damnum immediatè dependet ex libera voluntate Monachi: non autem ex consilio suadentis. Secus esset si vi aut fraude egisset: tunc enim damnum sequeretur immediatè ex iniuriola actione: non ex libera voluntate Monachi, qui vi vel fraude inductus esset.

Q V Æ S T. VII. *An homicida, vel mutilator teneatur restituere?*

1. **P**rima Conclusio. Tenetur primò, soluere omnes expensas factas in curatione læsi, quia earum ipse causa efficax fuit. *Secundò*, tenetur restituere, non quidem quantum alter erat lucraturus, sed quantum illa spes lucri valebat, si quæstum aliquo officio, vel artificio faciebat: iis tamen detractis, quæ alter consumere solebat, si obiit: quæ enim ipse consumebat, non possunt censi in lucris ad hæredes prouenientibus, v. g. spes lucri æstimetur centum coronatis, id quod consumpturus erat æstimetur 60. supersunt tamen 40. restituendi. *Vide Couarr. l. 2. var. resol. c. 10 n. 7. & Sor. l. 4. q. 6. a. 3. ad 3.*

2. Secunda Conclusio. Si homicida, vel qui damnum intulit moriatur, tenentur hæredes ex eius bonis restituere. Ratio est, quia hæredes succedunt in locum defuncti, & in omnia eius bona & iura: ergo etiam in omnes eius obligationes, quibus ex iustitia obligatur.

3. Dices. Contrarium colligitur ex *L. ex iudiciorum. ff. de accusationibus*, ubi dicitur pœnam pecuniariam, quæ descendit à delicto, non transire ad hæredes lite non contestata. Respondeo, loquitur de pœna propriè dicta, qua per sententiam puniendus erat, qui cri-
men

men contraxerat, qua pœna non debetur ante sententiam, neque ab homicida, neque ab eius hæredibus. Ita Couarr. supra.

QV. VIII. *Quomodo æstimatio lucri futuri facienda sit?*

1. **R**atio dubij est, quia nemo potest scire quamdiu victurus fuisset is qui occisus est, ergo nemo potest scire quantum lucrum fuisset factururus: ergo æstimatio illius lucri non potest designari.

2. Prima Conclusio. Probabile est hanc æstimationem faciendam esse iuxta dispositionem iuris ciuilis, quæ habetur *L. Computationi. ff. ad legem falcidiam*. Ita Couarr. l. 2. *varia. resol. c. 10. num. 7.* & Angelus v. *restitutio 1. §. homicida*. In hac lege certum tempus constituitur futuræ ætatis æstimandæ, vt si quis sit annorum 30. vel infra, is putetur adhuc victurus 30. si sit 35. putetur victurus 25. Si sit 40. adhuc 20. Si 50. adhuc 10. semper diminuendo vsque ad 60. Hæc tamen sententia non omnino satisfacit. *Primò*, quia lex illa loquitur tatum de alimentis alicui ad vitam legatis: ergo non videtur ad nostrum casum extendenda. *Secundò*, quia in foro conscientie spectandæ sunt multe alię circumstantiæ, ex quibus æstimandum est tempus, & lucrum futuræ ætatis, *Tertiò*, quia iuxta illam legem nihil teneretur restituere, qui occideret sexagenarium, quod est contra omnem æquitatem. Nam fieri potest, vt adhuc sit validus & putetur diu victurus.

3. Secunda Conclusio. Hæc potius regula seruanda est vt illud restituatur, quod viri probi & prudentes spectatis omnibus circumstantiis iudicauerint esse æquum. Nota tamen si quis vel naturali, vel aliàs iusta morte erat è medio tollendus, qui iniuste præueniret, non teneretur ad restitutionem, quamuis iniustitiam committeret, vt docet *Petr. Nau. l. 4. c. 1. n. 78*. Ratio est, quia non infert damnum pecuniarium: Nam alter tam breui tempore nihil erat lucraturus.

Dixi iusta morte, quia si erat iniuste interficiendus vel à latrone, vel etiam à magistratu, & ego præueniam, omninò teneor restituere. Ratio est, quia alter qui eum iniuste interfecturus erat, fuisset obligatus restituere: ergo si ego præueniam, similiter obligabor. Nam per hoc, quod alius eum iniuste statuerat interficere, non amittit ius vinendi, aut lucri faciendi, sicut amittit per hoc quod naturaliter, aut iuste per magistratum perire debet.

QVÆST. IX. *Quid teneatur restituere qui modum iustæ defensionis excessit?*

1. Prima Conclusio. Qui ab altero fuit prouocatus ad pugnam, etiam si modum fortè excessit, non tenetur ad restitutionem. Ita multi recentiores. Ratio est, quia prouocans videtur ei condonare, dum facit ei potestatem, ut contra se agat, quātum potest. Idem docet Bannes *quæst. 62. art. 2. dubit. 6.* ubi dicit eum, qui voluntariè se exponit periculo, prouocando alterum ad certamen, si occidatur, non esse iniustam occisionem respectu illius, sed solum respectu Reipub. vel Dei, qui est Dominus vitæ. Et paulò antè dicit talem renuntiare suo iuri, etiam si in damnū filiorum id cedat. Idem viderur dicendum, quando duo prouocant se vicissim, & pati consensu pugnam aggrediuntur.

2. Secunda Conclusio. Qui iniuraditur ab altero sine prouocatione, si iustam moderationem notabiliter excedat, ita ut mortaliter peccet occidendo suum inuasorem, tenetur integrè damna compensare. Ita *Nauarr. c. 15. num. 27. & alij.* Ratio est, quia qui ita occidit, facit alteri iniuriam & est causa totius damni, sicut is qui dolo, vel lata culpa, est alteri causa damni.

3. Dices. Qui alterum iniuste aggreditur aperta vi, vel ex insidiis occidit, maiorem infert iniuriam quam qui

qui aggressus, & rei indignitate commotus, occidit aggressorem: ergo ad maiorem renetur restitutionem: ergo si hic integrè; alter non integrè tenetur compensare. Et ita sentit Angelus v. *restitutio* 1. §. *homicidia*, & quidam alij, Respondeo negando consequentiam, quia quantitas restitutionis non debet æstimari ex quantitate iniuriæ; sed ex quantitate damni, per iniuriam mortiferam illati. Itaque cum hîc interuenerit iniuria, quæ sit peccatum mortale, damnum integrè refarciendum est. Contrarium fit in pœna, quæ respondet iniuriæ, non damno. Vnde ubi fuit maior iniuria, maior quoque est pœna irroganda.

4. Tertia Conclusio. Qui inuasus ab altero potest fugere, vel aliter declinare, etsi id non faciat, sed debita moderatione se, vel sua defendens, occidat inuasorem, non tenetur ad restitutionem. Ratio est, quia non peccauit contra iustitiam, sed contra charitatem: non enim ex iustitia tenebatur fugere, vel à via declinare. Confirmatur, quia nemo ex sua malitia quæ vult alterum inuadere, acquirit ius in illum, quo illum obliget ad fugam, ita vt nisi fugiat, vel patiatur se interfici, censeatur ipsi facere iniuriam; sed solum tenetur fugere ex charitate, si sine honoris dispendio possit: Et Ecclesiasticus etiam tenetur lege religionis, ne videlicet non fugiendo aliquid committat, quod sanctitatem status ipsius dedecet, lege tamen iustitiæ non magis tenetur, quam secularis.

5. Quarta Conclusio. Idem omnino dicendum est de eo, qui alium contumelia, vel alia iniuria afficit, si ab illo inuasus iusta ratione se tuetur; & illum occidat, non tenetur ad restitutionem. Ita *Petr. Nauarr. l. 2. cap. 3. num. 362. contra Nau. c. 15. num. 7.* Ratio est, quia is, qui iniuriam alteri intulit, si armis ab eo inuadatur, potest se cum iusta moderatione tueri: præsertim venia petita, vel satisfactione oblata; quia tunc

alter nullum ius habet eum inuadendi propria auctoritate: ergo si eum occidat, non facit in hoc illi iniuriam. Confirmatur, quia inuasor non habet ius iustitiæ in alterum, ut ille se non defendat, vel ut fugam capiat, sed solum ut satisfactionem pro iniuria offerat: ergo si debita moderatione se defendens occidat inuasorem, non facit contra ius ipsius: ergo non peccat contra iustitiam.

QVÆST. 10. *An quando homicida sustinuit pœnam talionis, debeat fieri damnorum compensatio?*

1. **R**osella v. *Restitutio* 3. & quidam recentiores docent, tum non requiri aliam compensationem, quod etiam videtur sentire Scotus 4. ad 15. quest. 3. art. 2. Gabriel ibidem quest. 15. art. 2. Angel. v. *restitutio* 1. §. *Homicida*: Et Adrianus quest. ultima de restitutione.

2. Prima Conclusio. Verius est in rigore omnia damna ex homicidio secuta ex bonis homicidæ esse refarcienda. Ita Nauarr. c. 15. num. 25. Couarr. l. 2. *Variar. resol. c. 10 num. 7.* Gomez t. 3. c. 3. num. 37. & alij. Ratio est, quia pœna infligitur à iudice, non ut damnum parti læsæ compensetur, sed ut iniuria legib. & Reip. illata vindicetur. aliisque terror incutatur. Vnde etiam ea crimina, quæ nemini damnum inferunt, pœna mortis puniuntur, ut Sodomia, grauis blasphemia, hæresis.

3. Secunda Conclusio. Quamuis hæc sententia in rigore sit vera; tamen contraria est probabilis, cum hac limitatione, ut hæredes homicidæ, quando ipse in corpore plexus fuit, non teneantur in conscientia quicquam soluere, nisi hæredes occisi id exigant. Nam usus communiter ita habet, ut pœnæ talionis censentur acquiescere. Si tamen hæredes occisi exigant aliam compensationem, præter pœnam talionis (quod tamen honesti viri non solent facere) tum hæredes homicidæ videntur teneri, quia damnum iniuste datum non est reparatum per pœnam talionis.

QVÆST. XI. *An sit aliquid restituendum pro vita, membro, vel cicatrice?*

1. **A**liqui putant non solum pro damnis pecuniarijs ex læsione, vel homicidio securis, restitutionem pecuniariam deberi sed etiam præcisè pro damno vitæ, vel membri, vel cicatricis, idque arbitrio boni viri. Ita *Sotus l. 4. quæst. 6. art. 3. ad 3. Syluest. v. restitutio 3. q. 2. & fauet D. Thomas art. 2. ad 1.* Ratio est, quia qui non potest totum damnum integrè compensare, tenetur eo modo, quo potest iuxta arbitrium prudentum. *Secundo*, quia alioqui sequeretur, teneri quempiam restituere pro vita bouis occisi, & non pro vita hominis: quod tamen videtur absurdum, quia vita hominis est multò præstantior.

2. *Prima Conclusio.* Pro vita serui, vel animalis, debet fieri restitutio pecuniaria. Ratio est, quia illorum vita æstimatur pretio, quod ad æqualitatem rependi potest: ergo pro illa tantum soluendum est, quanti valet. Idem de mutilatione, & cicatrice.

3. *Secunda Conclusio.* Nihil tamen pro vita, membro, vel cicatrice hominis liberi necessariò restituendum est in conscientia. Ita *Navar. cap. 15. num. 22. Ledesma in 4. dist. 24. quæst. 25. art. 2. dub. 7. Petr. Nauarr. l. 4. c. 1. num. 80. Couarr. l. 2. Variar. resol. cap. 10. num. 7. Gomez t. 3. c. 6. num. 12. Et Glossa in c. 1. de iniurijs & damno dato. Probatur primò, ex L. fin. ff. de his qui effuderint vel deiecerint, & L. ex hac lege ff. si quadrup. paup. fecisse dicatur. Nam in his legibus dicitur, liberum corpus nullam recipere æstimationem, ac proinde damna corporis liberi non posse pretio compensari, quia sunt supra omne pretium. Hinc probatur *Secundo*, quia restitutio, quæ debetur ex iustitia, reparat damnum illatum præcisè ad æqualitatem: ergo ubi damnum natura sua irreparabile est, non debetur restitutio lege iustitiz.*

Tertia Conclusio. Hinc patet *primò*, solum damnum pecuniarium, quod sequitur ex homicidio compensandum esse ex iustitia. Pro damno autem vitæ, & iniuria, solum deberi aliquam satisfactionem. *Secundò*. Patet; si vir nobilis, aut alius occisus sit, qui nihil lucri faciebat, nihil esse restituendum, præter expensas in medicum factas. *Tertiò*. Patet responsio ad contrariam rationem. Non enim omne damnum ex iustitia compensandum est, ut patet de damno spirituali, quod omnium est maximum, sed id solum, quod natura sua ad æqualitatem compensari potest. Neque mirum est, si pro vita animalis fiat restitutio, non autem pro vita hominis liberi. Hæc enim est supra omne pretium pecuniarium: non autem illa.

QVÆST. XII. *An sit aliquid restituendum pro expensis funeris?*

Conclusio. Ordinariè nihil pro his expensis est restituendum, quamvis contrariū Nauatr. c. 15. n. 22. teneat. Ratio, quia si naturali morte obijisset: nihilominus hæ expensæ fieri debuissent. Vnde per occisionem nihil damni ex hac parte illatum est, nisi fortè in acceleratione, eò quod citius isti sumptus fieri debuerunt, quibus adhuc aliquid lucri facere debuisset. Sed hoc sub lucro cessante comprehenditur: vel nisi extra patriam, aut alieno loco occisus sit, ubi maiores sumptus, quam domi fieri debuerunt, quod pertinet ad damnū emergens.

QVÆST. XIII. *An anima occisi aliquid restituendum sit ex iustitia?*

1. **S**cotus, Gabriel, Adrianus & Angelus *suprà* docent, si homicida subeat pœnam talionis, nihil amplius deberi pro vita occisi. Si non subeat, debere illum satisfacere pro vita illius per eleemosynas, orationes, missas, & similia spiritualia.

2. **Conclusio.** Probabilius est, non obligari ex iustitia ad hanc restitutionem; quamvis ex charitate, vel æquitate

æquitate naturali, possit esse aliqua obligatio. Ita Sotus l. 4. *quest. 6. art. ad 3. & alij*. Ratio est, quia bonum spirituale non potest esse pretium rei temporalis: ergo non potest ex iustitia deberi pro damno vitæ.

3. Dices. Non debetur pro damno vitæ, sed pro eo, quod alterum priuauit facultate merendi, & satisfaciendi. Respondeo, facultas merendi est irreparabilis, sicut & ipsum meritum amissum est irreparabile. Nam meum meritum non potest alteri donari, ita ut fiat ipsius. *Secundo*, priuatio huius facultatis non potest vlllo opere nostro compensari, sicut nec vita.

QVÆST. XIV. *An tantum uxori & liberis, an etiam alijs restituendum?*

1. **M**ulti putant non tantum illis, sed & creditoribus, & eis quos occisus alebat, faciendam esse restitutionem, quia per iniuriam impediti sunt. Sed hæc sententia est valde difficilis in praxi.

2. Prima Conclusio. Probabilius est non teneri homicidam creditoribus defuncti. Ita Sotus *quest. 6. art. 3. ad 4.* Lopez t. 1. *cap. 47. & multi alij*. Ratio est, quia creditor non habet ius in debitorem, nisi quantum extendunt se bona, quæ actu habet, vel quæ verisimiliter erat habiturus: ergo cum homicida restituit hæredibus ea, quæ ipse putabatur luctaturus, non facit iniuriam creditoribus. Hi enim possunt ab hæredibus petere solutionem.

3. Dices. Homicida tenetur filiis occisi: & hoc ideo, quia parens illis ex iustitia obligabatur: ergo cum etiam ex iustitia obligetur creditori, tenebitur ei homicida. Respondeo negando antecedens. Nam homicida tenetur filiis occisi, quia sunt quasi vna persona cum parente, ita ut censeantur damnum passi in bonis proprijs, quæ per parentem possidebant. Neque verum est parentem ex iustitia debere filiis, cum solum teneatur lege pietatis.

4. Secunda Conclusio. Etiam probabilius est non teneri illis, quos occisus alebat ex libertate. Ita Sotus, & Lopez *supra*. Ratio, quia interfectus non tenebatur ex iustitia: ergo nec interfecto; cum ipsi non censeantur vna persona cum interfecto.

5. Dices. Qui per vim impedit, ne quis alteri beneficiat, tenetur illi de damno illius commodi sperati: at homicida per vim impedit: ergo. Respondeo. Maior vera est, si eo modo vim adferat, ut censeatur velle nocere alteri: hoc non fit in proposito, quia homicida qui interficit inimicum suum, non intendit damnum aliorum: hoc enim planè per accidens se habet ad mortem alterius.

6. Tertia Conclusio. Occisor solum videtur obligari parentibus occisi, filiis, & vxori. Ita Sotus l. 4. *quæst. 6. art. 3. ad 3.* Lopez *cap. 62.* Bannes *quæst. 82. art. 2. dub. 6.* & alij multi. Ratio est, non quia hæres succedit in iura defuncti (nam habuit ius ad illam restitutionem, cum obligatio restitutionis primum orta sit per ipsius mortem,) sed quia parens & filius censeantur vna persona. Similiter maritus & vxor. Vnde qui interficit Petrum, ille vxori, parentibus, & liberis damnum infert, eosque in re sua lædit. Nam veluti partem quandam abscindit, à qua illis strictissimo nexu proveniebat utilitas. Itaque si filius interfectus sit, & parens debeat succedere, eo quod interfectus careat prole, ipsi restitutio facienda est. Idem dico de vxore.

7. Quæres. Si interfectus non habeat parentem, vxorem, & liberos, sed tantum fratrem, qui illi succedat, an homicida illi teneatur. Respondeo probabile est nihil ei deberi, nisi ratione iuris, quod defunctus ante mortem acquisivit, quod totum in hæredem etiam extraneum transit. Ratio est, quia nec est hæres necessarius; nec censeatur vna persona cum eo, ac proinde
non

non censetur læsus in re sua.

8. Quarta Conclusio. Si læsus interfectori orania remittat, ad nihil tenebitur. Ita *Sotus & Bannes, & alij supra*. Ratio est, quia filiis non fit iniuria per homicidam in bonis naturæ, nisi quatenus læduntur in parente contra ipsius voluntatem: ergo quando parens condonat omne damnum, nullum ius eis remanet. sicut enim per eum acquirunt ius; ita etiam amittunt. Nihilominus non rectè faciet læsus, si cum habeat filios valdè egentes, condonat occisori omnem restitutionem, valebit tamen in conscientia, nisi aliqua lex positiua impediatur.

Q V A E S T. 15. *Ad quid teneatur corruptor virginis?*

1. Prima Conclusio. Si promisit illi cōiugium, & eā spe, seu conditione vsuram corporis impetrauit, tenetur eam ducere, etiam si fictè promississet. Est communis. Ratio est, quia hæc promissio facta est per modum contractus: ergo cum ipsa ex parte sua compleuerit contractum, tenetur etiam ipse complere, prout exterius iudicio prudentum sonat. Alioqui si tali beneficio vti liceret, infinitæ fraudes in humanis commerciis committerentur. Excipiuntur tamen aliquot casus, quibus non tenebitur eam ducere, sed sufficiet alio modo damnum compensare. *Primò*, Si ipse longè sit nobilior, & opulentior, & hoc ipsa sciuerit. Tunc enim faciliè potuit suspicari, ipsum simulatè nuptias promittere, vt eā frueretur. *Secundò*, si ex aliis coniecturis faciliè deprehendi poterat, ipsum non sincere agere. *Tertiò*, si aliquod impedimentum legitimum interuenerit, vt si fiat eius affinis, si ducataliam per verba de presenti, si sacros ordines suscipiat, si graue aliquod damnum vel scandalum ex tali matrimonio sequeretur. In his enim casibus sufficiet damnum sarcire. *Quartò*, si cōtingat illā postea cum alio fornicari. *Quintò*, si dixerit se esse virginem, & non fuerit. In his duobus casibus

nec tenetur eam ducere, nec damnum sarcire, quia ab ea deceptus est.

2. Secunda Conclusio. Si non promisit illi matrimonium, distinguendum est. Vel enim puella liberè consensit: vel vi & fraude inducta est. Si consensit, alter ad nihil ei tenebitur, quia volenti non fit iniuria, & illa est domina sui corporis. Si vi & fraude inducta est, alter tenetur vel matrimonio eam sibi coniungere, vel damnum reparare. Ita Nauarr. c. 16. num. 16. Sylu. v. *Luxuria*, quæst. 5. Antonin. p. 2. t. 5. c. 6. §. 1. Ratio est quia damnum tunc per iniuriam illatum est: ergo debet rependi. Hoc autem fiet vel matrimonio vel damni æstimatione.

3. Dices *Primò*. Quid si puella vel parens eius nolit admittere matrimonium, an tunc alter tenebitur damnum reparare pecunia? Respondeo affirmatiuè, præsertim cum vi, vel fraude vsus sit.

4. Dices *Secundò*. Quid si ipsa velit matrimonium, an tunc alter tenebitur. Respondeo non tenebitur ante sententiam, sed sufficiet in foro conscientiae damni illati compensationem præstare.

5. Dices *Tertiò*. Quid si puella nullum damnum passa sit (quod fieri potest, si postea æquè commodis nuptiis potiatur) an tunc alter tenebitur? Respondeo. Non tenebitur, vt docet Nauarr. c. 16. num. 17. 18. & multi recentiores. Ratio est, quia neque pro ablata pudicitia, vtpotè quæ irreparabilis est, & pretio non est æstimanda: neque pro damno secuto, cum nullum re ipsa secutum sit.

6. Dices *Quartò*. Fuit periculum damni, quod pretio potest æstimari. Respondeo periculum non obligat ad restitutionem, nisi damnum re ipsa sequatur.

Q V Æ S T. 16. *Ad quid teneatur adulter ?*

1. **P**Otest primò spectari iniuria, quam adulter facit marito adulteræ. *Secundò*, damnum, quod illi infert, quando ex adulterio nascitur proles, quæ debet educari.

2. **Prima Conclusio.** Pro sola iniuria, si nullum damnum secutum sit, non tenetur adulter quicquam restituere marito adulteræ; quia iniuriæ ab omni damno separata non debetur ex iustitia, nisi satisfactio per signa doloris, veniæ petitionem, & similia, quæ tamen locum non habet, quando iniuria ignoratur. Vnde nisi maritus resciscat, non tenetur adulter ad talem satisfactionem: hæc enim satisfactio non fit, nisi ad placandum animum læsi. At quando læsus ignorat se læsum esse, non necesse habet placari.

3. **Dices.** Quid si maritus sciât se læsum, & non velit esse contentus tali satisfactione, sed exigat satisfactionem pecuniariam. **Respondeo**, alter non tenetur eam præstare. *Primò*, quia non intulit damnum pecuniarium, ac proinde priuata authoritate non potest ab eo exigi satisfactio pecuniaria. *Secundò*, quia hæc satisfactio pro iniuria adulterij iure est interdicta, vt patet L. Transfigere C. de transact. & L. Miles ff. ad legē Iuliam, de adulteriis. Ratio prohibitionis est, ne maritus videatur suæ vxoris lenocinium facere, & eius corpus ad quæstum tanquam leno prostituere. Si tamen maritus occultè transfigeret cum adultero sine scandalo, non videretur peccare, nec ad restitutionem teneri, quia leges illæ magis pertinent ad Iudices, ne concedatur actio ob præsumptionem lenocinii, quàm ad priuatos.

4. **Secunda Conclusio.** Si proles secuta sit ex adulterio, adulter non tenetur ad vllam damni compensationem, nisi ei moraliter certum sit esse suam prolem. Non est autem moraliter certum, quamdiu habet probabilem rationem dubitandi de contrario.

Est communior. Ratio est, quia in dubio melior est conditio possidentis: ergo si adulter probabiliter dubitat, an proles sit ipsius, non tenetur se spoliare suis pecuniis, quas possidet ad alendam prolem.

5. Tertia Conclusio. Si adulter villo modo suasisit, vel procurauit, vt adultera prolem susceptam marito supponeret, & fingeret esse eius prolem, tenetur de damno secuto, nempe de alimentis, & hæreditate, vñ cum adultera. Ratio est, quia vterque est causa totius damni. Nota vitumque teneri pro rata æquè primo: Adulterum, quia vtriusque nomine suasisit: adulteram, quia vtriusque nomine fecit. Quando enim consilium est in commodum consultoris, ipsi tenetur primo loco, executor solum in defectum: si tamen est in commodum executoris, executor tenetur primò, consultor solum secundariò in defectum: si in commodum vtriusque, vterque tenetur æquè primò pro rata, in solidum verò ex defectu alterutrius.

4. Quarta Conclusio. Si adulter agnoscat esse suam prolem, vel certè nullam habeat rationem iustam dubitandi, tenetur restituere saltem ea, quæ sunt impensa in alimenta prolis ab anno 3. ætatis, & deinceps quamdiu parens tenetur alere filium, quamuis non suaserit suppositionem. Est communis contra Sotum l. 4. quæst. 7. art. 2. Ratio est, quia pater à tertio anno tenetur filium alere, & deinceps, donec sibi de alimentis prouidere possit: à partu autem vsque ad annum tertium inclusiue tenetur mater. Colligitur ex c. 2. de conuersione infidelium, & probat ibid. Glossa, & ex lege, Nec filium C. de patria potestate.

7. Quæres. An adulter, si agnoscat esse suam prolem, non solum teneatur restituere ea, quæ iam dicta sunt, sed etiam teneatur sarcire damnum legitimis filiis, ex illegitimi successionem proueniens, Dom. Sot. supra & Henriq. l. 1. de matrimonio. c. 21. putant non teneri, mo-

ad non fuerit author suppositionis. Probatur *primò*, quia non est verè causa huius damni. Nam neque illud intendit, neque sua actione attingit, sed ex aliena actione prouenit, nempe ex matris suppositione & fictione, cuius adulter non est author nec consultor, vt supponimus. *Secundò*, si adultera procuraret sibi abortionem, non censeretur adulter causa homicidij, nisi fortè suassisset aut adiuuisset: ergo similiter non censebitur causa suppositionis, & consequenter neque damni ex suppositione secuti, quia neutrum suasisit aut consuluit. Contraria tamen sententia magis placet. *Primò*, quia est communis à qua in re tanti momenti non est facile recedendum. *Secundò*, quia non expedit in tam nefario crimine fauere adulteris. *Tertiò*, quia etiam si adulter non suasisit suppositionem, tamen est causa, cur nothus ille credatur esse legitimus filius mariti, idque per iniuriam, videlicet commercio cum vxore aliena. Vnde cum ex iniurioso facto ipsius sequatur hæc falsa credulitas, censeretur etiam causa damni, quod ex illa credulitate nascitur. Neque dici potest hoc damnum inde sequi per accidens, quia sicut ille error vt plurimum sequitur ex tali facto iniquo, ita ex errore damnum, idque facile erat præuidere. Hinc soluenda sunt argumenta contraria.

QV. XVII. *Ad quid teneatur adultera, si partus secutus sit?*

1. **P**rima Conclusio. Tenetur, quantum fieri potest, sine famæ dispendio, & vitæ periculo procurare, ne legitimi hæredes ratione huius illegitimæ prolis aliquid detrimenti capiant. Est communis. Vnde si habet parapherna, tenetur ea relinquere legitimis in compensationem. Similiter si quid ex labore capiat lucri, ad quod ei etiam diligentia præstanda est, debet etiam solitos sumptus imminuere, quantum commodè potest spectata conditione status, valetudinis, & similium circumstantiarum. Quod si hisce modis

non

non potest satisfacere, tenetur eum inducere ad capeſſendam Religionem, ſi ad eam videatur idoneus. Ratio, quia omnibus modis debet cauere damnum hæredibus.

2. Secunda Concluſio. Si hiſce modis plenè poteſt damnum compenſare, non tenetur ad aliud, ſed poteſt permittere, vt illegitimus ſuccedat. Ratio eſt, quia nullum tunc ſequitur damnum legitimis hæredibus.

3. Dices. Illegitimus per ciuiles leges eſt incapax hæreditariæ ſucceſſionis. Reſpond. non eſt incapax, quando eo nomine illa portio cæteris eſt compenſata, & res omnino eſt occulta. *Secundò*, etiamſi ſit incapax, tamen poteſt permitti vt ſuccedat, ne mater infametur, præſertim, quando alij filij non ſentiunt inde damnum.

4. Tertiã Concluſio. Etiamſi nullo modo poſſit mater compenſare damnum, non tenetur tamen prodeſſe ſuum crimen marito aut proli, niſi moraliter certa ſit damni aduertendi. *Eſt communis contra Andr. & Palud.* Ratio eſt, quia in dubio melior eſt conditio poſſidentis : ergo quamdiu mater prudenter dubitat, an profutura ſit reuelatio, non tenetur occultum crimen pandendo famam ſuam prodigere. Imo eſſet magnæ imprudentiæ id facere, tum quia redderet ſe infamem & exoſam apud filium: tum quia filius non tenetur illi credere in tali caſu, vt ſatentur omnes canoniftæ in c. *per tuas*, de probationibus, & Iuriſperiti in *L. ſi poſthumus*, ff. de liberis & poſtumis. Ratio eſt, quia alleganti ſuam turpitudinem nulla debetur fides, vt dicitur in reg. iuris. Quod intellige cum alterius præiudicio.

5. Quarta Concluſio. Quamuis certa ſpes eſſet per reuelationem criminis damna hæredum caueri poſſe : non tamen tenetur adultera crimen ſuum pateſcere, ſi inde periculum vitæ, vel infamiæ ſubimpendere

pendere putaret. Prima pars de periculo vitæ est communis sententia. Ratio est, quia vita nullo pretio est æstimabilis: ergo propter restitutionem rei pecuniariæ non tenetur quis vitam prodigere, aut periculo exponere. Secunda pars de periculo famæ est *Scoti in 4. d. 15. q. 2. Gabr. ibid. Caiet. q. 62. a. 6. Nauar. c. 16. n. 44. & c. 17. nu. 89. Con. in reg. Peccatum 1. p. n. 7. Panorm. Innoc. & aliorum Canonist. in c. officij, de pæn. & remiss.* Ratio est, quia fama est res superioris ordinis, quæ iuxta regulam Caiet. Nauarr. nunquam est necessariò exponenda pro rebus inferioris conditionis.

DE RESTITVTIONE FAMÆ ET Honoris.

QVÆST. XVIII. *An fama cum periculo vitæ sit restituenda.*

1. **D**ominicus Sotus l. 4. q. 6. a. 3. & quidam alij affirmant, si fama sit illustris familiæ.

2. Prima Conclusio. Quando ex infamia quam intulisti, non euenit alteri damnum in bonis ordinis superioris, nempe in spiritalibus, aut in vita corporali, non teneris cum periculo vitæ famam restituere. Ita Caiet. q. 62. a. 3. & opusc. 31. res. 14. vbi generatim docet rem inferioris ordinis nunquam esse restituendam ex iustitia cum iactura rei superioris, quam regulam optimè defendit Petr. Nauar. l. 2. c. 4. n. 405. Nauar. c. 17. n. 89. 90. 91. & c. 18. num 47. Cordub. l. 1. q. 31. Sylu. v. Detractio, q. 4. casu 2. Probatur primò; quia nullum temporale bonum, siue pecunia, siue fama, siue vita, restituendum est, vel exponendum, cum damno boni spiritalis, idque propterea, quia bonum spirituale est superioris ordinis, nec æstimabile bono inferiori: ergo similiter fama non est restituenda cum periculo vitæ; cum vita sit bonum præstantius. Secundo. Nemo tenetur sarcire damnum pecuniarium cum periculo libertatis, seipsum vendendo, aut tradendo in seruitutem,

vt passim omnes docent, idque propterea, quia libertas est superioris ordinis: ergo similiter. *Tertio*, quia iustitia commutativa solum requirit vt restituas ad æqualitatem, quod abstulisti: ergo non teneris ex iustitia id facere cum iactura boni superioris.

3. Dices. Res inferioris ordinis potest sumi tanta quantitate, vt prudenti iudicio præponderet rei superiori v. g. tanta potest assignari vis pecuniæ, vt præstantior censeatur quam fama, & tam illustris potest esse fama, vt præstantior habeatur quam vita: ergo tunc debet fieri restitutio, etiam cum damno boni superioris. Confirmatur, quia qui latrocinio amplum statum sibi acquisiuit, tenetur facere restitutionem etiã cum amissione illius status & honoris: ergo. Respond. Etsi fieri possit vt prudenter præferas ingentem pecuniæ tuæ summam famæ, vel vitæ alterius conseruandæ, non tamen prudenter eam præferes famæ aut vitæ tuæ: nemo enim prudenter pro quantavis magna fama eliget mori, vel pro maxima vi pecuniæ suscipiet infamiam, iuxta illud Eccles. 41. v. 15. *Curam habe de bono nomine: hoc enim magis permanebit tibi, quam omnes thesauri pretiosi & magni.* Itaque propria vita & fama non possunt pecunia æstimari. Ad confirmationem Respond. Qui furtis honorificum sibi statum parauit, non habet ius ad illum statum, cum per iniuriam eum obtineat. Vnde non est mirum, si teneatur restitutionem facere, cum amissione illius status, & famæ quæ ex illo præcisè orta est, Adde amissione status non amitti famam, potest enim status sine culpa amitti.

4. Quæres. An saltem liceat vitam pro fama restituenda exponere. Resp. ita, non quod fama pluri æstimetur quam vita, sed quod pro virtutelicito sit vitam periclitari.

5. Secunda Conclusio. Si ex infamia periculum vitæ vni, vel pluribus impendeat, vel mala Resp. ad-
ministratio,

ministratio, vel aliud grande malum, teneris etiam cum periculo vitæ reparare. Est communis sententia, quia tunc obligaris non solum ratione infamiæ, sed etiam ratione damni quod ex ea sequitur, quod contingere potest in infamia Principis, Prælati, Religiosi ordinis, & similiū.

Q V Æ S T. 19. *An si fame restitui nequeat, debeat pecunia compensari?*

1. **P**rima Conclusio. Probabilius est iusticiam minime postulare, ut infamia compensetur pecunia, si reuocatione dictorum tolli nequit. Ita Sylu. *supra*, *Pet. Nau. num. 417.* & quidam alij. Ratio est, quia iusticia commutativa tantum postulat ut restituatur quod ablatum est, vel quod communi hominū æstimatione est æquiualens. Quod si neutrum fieri possit, cessat eius obligatio. Vnde qui damnum pecuniarium non potest sarcire pecunia, non tenetur illud compensare orationibus, aut honore deferendo. Item qui vi vel fraude aliquem pertraxit in peccatum, non tenetur ipsi aut hæredibus pecuniam rependere.

2. Dices. Pecunia est mensura omnium rerum humanarum: ergo in pecunia potest dari æquiualens. Deinde etiam si non detur æquiualens, tamen debet dari opera, ut quam proximè ad hoc accedat, sicut is qui intulit damnum 1000. florenorum, si non potest reddere æquiualens, tenetur tamen dare, quantum potest, ut quam proximè accedat ad illam summam. Respondeo. Pecunia secundum communem vsum hominum non est mensura, nisi rerum venalium, quas homines solent pecuniâ commutare: fama autem neque natura sua, neque gentium consuetudine solet æstimari pecuniâ, iuxta illud Prouerb. 22. *Melius est nomen bonum, quam diuitie multe.* Quamuis interdum ex quorundam animi vilitate accidat, ut famam pretio exponant, sed hoc æstimationi famæ non officit. Ad confirmationem

mationem Reſp, qui damnum 1000. florenorum irrogauit, tenetur vel tantum damnum ſarcire ex æquo, ſi poteſt: vel ſi non poteſt, tenetur partem ex æquo. Quod ſi nec totum nec partem, ceſſat obligatio iuſti-
tiæ commutatiuæ. In noſtro autem caſu nec tota fama, nec pars pretio æſtimatur ex æquo. Confirmatur, quia alioqui infamator poſſet eam pecunia compenſare, etiam nolente infamato: ſufficit enim id reſtituere, quod æſtimatione æquale eſt.

3. Secunda Concluſio. Si infamator per Iudicem compellatur ad pecuniariam ſatiſfactionem, vel ſi tranſigat cum eo, quem infamauit certa pecuniæ ſumma, tenetur eam ex iuſtitia numerare. Prima pars patet, quia ſuppoſitâ tali iniuriâ poteſt Iudex in pœnam criminis talem ſatiſfactionem imponere, & ille ex iuſtitia tenetur eam exequi, quia iuſtæ ſententiæ tenetur ex iuſtitia parere. Idem poſſet Iudex, etiam ſi fama iam eſſet recuperata; quia poteſt iuſtam pœnam decernere pro delicto, etiam poſt damna facta. Secunda pars probatur, quia pacta & conſuetudines iuſtæ obligant. Atqui hoc pactum poteſt eſſe iuſtum, quia infamatus habet ius accuſandi infamatorem, & etiam exigendi reſtitutionem, quando erit poſſibilis: ergo vt hoc iure cedat, & omne debitum condonet, poteſt certâ pecunia pacifci.

QVÆST. 20. *An infamator teneatur famam reſtituere, ſi iam aliunde ſit reſtituta?*

1. **P**oteſt fieri, vt quis ſit iniuſtè infamatus, & poſtea proborum virorum grauiumque teſtimonio, vel vitæ probitate, penitus abſterſerit infamiam. Quæritur, an in tali caſu infamator teneatur reſtituere.

2. Prima Concluſio. Tum non tenetur ad famæ reſtitutionem, quia iam reſtituta eſt; ſicut fur non tenetur ad reſtitutionem equi, quem tibi abſtulit, ſi iam aliunde tuum equum recepisti, quia non potes bis eandem rem recipere.

3. Secunda

3. *Secunda Conclusio.* Si tamen inter ea ratione infamiae aliquid damni accepisset, ut si v. g. impeditus fuisset à consecratione beneficii, officij, vel legati, infamator teneretur ad illius compensationem; quia hoc damnum ex iusta ipsius infamatione alteri obuenit.

Q V Æ S T. 21. Quomodo fama sit restituenda.

1. *Prima Conclusio.* Si crimen falsum sparsisti, debes adhibere omnem industriam, ut illa falsa opinio animis hominum eximatur. Vnde teneris illis significare te deceptum fuisse, aut falsum dixisse, aut etiam mentitum esse, prout videris opus esse ut credant, adhibito etiam iuramento, si aliter non putent credituri, & rei gravitas postulet. Ratio est, quia iustitia obligat ut efficaciter reuoces.

2. *Secunda Conclusio.* Si occultum alterius crimen manifestasti, poteris tribus modis famam restituere. *Primò*, si dicas te quidem tale quid narrasse; sed in eo fuisse mentitum, aut dixisse falsum. *Secundò*, si dicas te malè, vel iniquè locutum esse de proximo, & roges, ut talem opinionem deponant. *Tertiò*, si laudes infamatum, & honorificè de eo loquaris, ubi datur occasio, sic enim sensim ex vna parte tantumdem famam illustrabis, quantum ex altera obscurasti.

3. *Quæres.* An omnes hi modi sint liciti & necessarii. *Resp.* Omnes liciti sunt, sed non omnes necessarii; sufficit vnus ex omnibus qui maximè placebit.

4. *Dices.* Primus non esset licitus, quia continet mendacium: si enim alter reuera commisit crimen, & tu publicè dicas eum id commisisse, certum est te non mentiri: ergo non potes postea dicere te fuisse mentitum, quia hoc ipsum esset mentiri. *Resp.* Multi ita sentiunt: alij tamen vtuntur distinctione: Nam dictum illud quod alterius occultum crimen manifestasti: dicendo v. g. illum esse adulterum, potest vno sensu esse verum: altero falsum. Verum est, quia conforme est rei. Nam alter

verè cōmisit adulterium, quodeum cōmisisse dixisti. Falsum est dupliciter. *Primò*, quia non est conforme legi diuinæ, est enim contra legem Dei, oculiū alterius crimen patefacere; seu illum infamare, ac proinde est peccatum: omne autē peccatum in scripturis vocatur mendacium & falsitas, sicut omne opus bonū vocatur veritas, quia scilicet est conforme legi diuinæ. *Secundò*, quia non fuit verum veritate publica, licet veritate occulta verum fuit. Hoc modo reus, cuius crimen est occultum, potest negare, se fecisse, quia non fecit publicè, vel ita, ut teneatur publicè fateri. Similiter Iudex publicè aliquem condemnās ex allegatis & probatis contra suam priuatā sententiam pronunciat illum reum & criminofum, quia secundum publicam probationem talis est. Pari modo, qui alterius crimen occultum manifestauit, potest dicere se dixisse falsum vel mendacium, quia non est verum secundum publicam scientiam, ut docet *Pet. Nau. l. 2. c. 4. n. 38*.

Q V Æ S T. 22. *An totum damnum quod sequitur ex infamia sit compensandum.*

1. **P**rima Conclusio. Damnum, quod sequitur ex infamia falsa est integrè compensandum. Est communis. Ratio est, quia omne damnum, quod alicui sequitur ex actione in ipsum iniuriōsa restituendum est. Sed impositio falsi criminis est actio plenè iniuriōsa, quia continet duplicem iniuriā. *Primò*, calumniam; eo quod crimen impingatur innocenti. *Secundò*, infamationē, quod hoc aliis persuadeatur.

2. Secunda Conclusio. Damnum quod sequitur ex patefactione veri criminis est etiam integrè restituendum. Est contra *Sotum l. 4. q. 6. a. 3. ad 4.* qui putat non esse integrè compensandum, sed tantum ex parte iuxta arbitrium prudentis viri. Ratio eius est, quia si ille priuetur officio, vel impediatur ab eo consequendo,

id nō tam prouenit ob criminis manifestationem, quā est iniuriosa, quā ob ipsum crimen quod verē commissum est. Nam manifestatio est tantum conditio quādam applicans, & adducens crimen occultum tanquam causam principalem in cognitionem. Hæc sententia non est improbabilis, præsertim cum multi recentiores eam sequantur: contraria tamen est probabilior, quam sequitur *Nau. cap. 28. num. 45. & alij passim*, nempe eum, qui patefacto crimine occulto fuit alteri causa damni, teneri ad integram restitutionem, sicut qui imposuit falsum. Ratio est, quia moraliter est principalis causa damni illius: sicut is, qui ignem occultum cineribus detegit, & applicat straminibus, vnde vento flante accenditur domus: Deinde ipsum crimen non potest esse causa damni, nisi accedente cognitione, vnde quamdiu manet occultum, non potest inferre damnum; & ita se habet, ac si non esset: ergo qui illud manifestat, tribuit illi quasi vim nocendi, ac proinde censetur principalis causa damni secuti.

QVÆST. XXIII. *An hæredes infamatoris teneantur ad restitutionem, si ipse non restituit.*

1. **P**rima Conclusio. Hæredes loco defuncti non tenentur ad famæ restitutionem. Ratio est, quia hæc obligatio est merè personalis. Vnde sicut obligatio voti personalis non transit ad hæredes; ita nec illa. Confirmatur, quia nullo modo afficit vel respicit bona, in quibus ipsi succedunt, sed nudam personam.

2. Secunda Conclusio. Tenentur tamen ad reparationem damnorum, quæ ex illa infamia secuta sunt. Ita *Nau. c. 18. n. 45. Et Adria. quodl. 11.* Ratio est, quia hæc obligatio non est personalis solum, sed afficit quodammodo bona infamatoris. Vnde cum illa affectione seu obligatione proueniunt ad hæredes: sicut si defunctus domum alterius per iniuriam incendiasset, hæredes tenerentur damnum ex bonis illius rependere.

QVÆST. XXIV. *An teneatur ad restitutionem fame, qui bona fide putans esse verum & publicum, narravit & infamavit proximum?*

1. **P**rima Conclusio. Qui hoc modo proximum infamavit apud Superiorem, vel alium, etiam si fraternæ correptionis causa id fecerit, simul atque cognouerit errorem, teneatur ad restitutionem. Ratio est, quia qui detinet alienum inuito domino teneatur restituere, simul atque cognouerit alienum esse. Sed hic detinet quodammodo alienam famam, dum in mente alterius prauam opinionem bona exclusa relinquit: ergo simul atque cognoscit se deceptum esse, teneatur eam restituere.

2. Secunda Conclusio. Non teneatur eam restituere cum graui suo incommodo, vt cum propria infamia, vel magno damno fortunarum. Ratio est, quia sine culpa eam abstulit. Vbi nota differentiam inter eum, qui infamavit alterum cum culpa iniustitiæ, & eum qui sine culpa. Nam ille teneatur famam restituere etiam cum detrimento famæ suæ, sicut qui iniuste damnum intulit, teneatur etiam cum æquali damno suo satisfacere. Hic vero non teneatur cum notabili damno.

3. Tertia Conclusio. Si is qui ita infamatus est, sine culpa infamatoris interim aliquòd damni patiatur, non teneatur alter ad restitutionem. Ratio est, quia non censetur eius damni causa iniusta, cum non sit causa iniusta infamiæ ex qua damnum ortum est. Quod intellige antequam rescindat errorem: si enim postquam eum deprehenderit, fuerit in mora faciendæ restitutionis, & interea damnum eueniat, tenebitur, quia ex iniqua detentione famæ sequitur damnum.

QVÆST. XXV. *An Prælati non impediens infamatorum teneatur restituere?*

1. **P**rima Conclusio. Prælati, seu superior non impediens externum, à quo videt infamari suum

suum subditum, non tenetur saltem ratione famæ suo subdito ad restitutionem. Ita *Sotus l. 5. q. 10. a. 4.* Ratio est, quia ex officio non suscepit defendendam subditi famam, sed salutem procurandam. Dixi non teneri saltem ratione ipsius famæ, quia tenetur aliquando ratione salutis spiritualis subditi, nempe quando bona fama putaretur necessaria, ne subditus malè viuat. Multi enim amissa fama fiunt impudentes ad peccandum, quia fama erat illis quasi frænum honestatis. Itaque cum superior ex officio teneatur impedire ea, quæ subditorum salutem aduersantur, tenebitur etiam impedire infamiam subditorum in tali casu.

2. Secunda Conclusio. Prælatus non impediens subditum externo detrahentem, cum facillè potest, tenetur ad restitutionem famæ, nisi subditus restituat. Ratio est, quia ex officio incumbit illi corrigere & impedire suum subditum, ne alteri iniuste noceat: ergo si non impedit cum facillè potest, censetur causa damni. Sicut si Prætor non impedit furta & latrocinia in ciuitate, tenetur ad restitutionem.

3. Tertia Conclusio. Si tamen subditus in absentia superioris famam alterius violauerit, non tenetur superior eam restituere, subdito non restituyente, tenetur tamen compellere subditum, vt restituat, quantum in se est. Primum patet, quia non censetur tunc causa damni, cum absens non potuerit impedire. Secundum patet, quia superior ex officio tenetur compellere subditum, ne persistat in iniuria alteri inferenda.

QVÆST. XVI. *An restitutio famæ possit condonari.*

1. Prima Conclusio. Homo priuatus potest condonare hanc restitutionem, exceptis duobus casibus. *Primò*, nisi sit infamatus de crimine ex quo timeretur scandalum, vt v. g. de hæresi. *Secundò*, nisi eius infamia redundaret in familiam: tunc enim eam condonare esset contra charitatem: condonatio tamen esset

valida. Hoc intellige, si non alia ratione redundat in familiam, quam quod ille infamis homo dicatur illius familiæ esse, vel illorum frater, aut cognatus.

2. Secunda Conclusio. Qui habet publicum officium, non potest condonare restitutionem famæ, si fama videatur illi necessaria ad rectam officij administrationem, exceptis duobus casibus. *Primò*, nisi possit & velit officium deponere. *Secundò*, nisi humilitate, & aliis virtutibus compenset iacturam famæ.

3. Quæres. Quid si neutrum faciat, id est, neque officium deponat, neque aliter suæ auctoritati consulat, an tunc condonatio sit valida, si re ipsa cōdonet. Affirmat. *Sot. l. 4. q. 6. a. 3. ad 4.* quia ipse est verè Dominus suæ famæ: non autem subditi, neque per hanc condonationem facit iniuriam subditis (nisi fortè infamia in ipsos redundaret) quia subditi non habent ius ut ipse suam famam conferret, nisi supposito quod velit manere superior, & nolit alio modo eam recuperare, quorum utrumque est in ipsius potestate. Vnde non tam condonando restitutionem, quam volendo cum infamia illa permanere in officio, iniuriam illis facit.

5. Tertia Conclusio. Quando infamia alicuius redundat in alios, ita ut ipsi inde maneant infamati, vel suspecti: tunc non potest condonare, neque condonatio valet. Talis est infamia Religiosi, quæ redundat in monasterium. Valde enim læditur bonum nomen monasterij quando dicitur habere sceleratum. Nam tota familia redditur plebi suspecta.

5. Dices Religiosus est dominus suæ famæ: ergo potest illius restitutionem condonare. Antecedens patet, quia per votum paupertatis non renunciat famæ. Respondeo. Et si sit dominus suæ famæ, non tamen est dominus famæ totius monasterij quæ per ipsius infamiam violatur. Quod dixi de infamia Religiosi, dicendum quoque est de infamia parentis, quæ etiam redundat

dat in filio: præsertim, si oriatur ex hæresi, prodicione, aut simili flagitio.

Quæst. 27. *An in restitutione fama possit fieri compensatio?*

1. Prima Conclusio. Non potest ita fieri compensatio infamix, ut si alius te infamarit, tu vicissim possis illum infamare. Ratio est, quia hæc esset manifesta vindicta, quam nemo priuata auctoritate potest facere. Nam reddere malum pro malo, ut fiat æqualitas, solius est publicæ potestatis.

2. Secunda Conclusio. Si quis te infamet, nec tu possis infamiam alia ratione auertere, potes aliquos defectus ipsius occultos aperire, ne ipsi fides adhibeatur, v. g. potes dicere, non esse illi credendum, eo quod alias in mendacio, vel periurio sit deprehensus. Ita Sor. *supra*, & alij *passim*. Ratio est, quia quisque habet ius defendendi vitam & famam cum iusta moderatione, ergo si infamiam, quam alter per iniuriam tibi irrogare nititur, non potes aliter prohibere, nisi criminibus eius patefactis, potes ea patefacere.

3. Tertia Conclusio. Si tu alium iniuste infamasti, qui te ante infamauerat, non teneris ei ad restitutionem, si ipse tibi restituere nolit, sed potes uti compensatione, seruata tamen æqualitate quantum fieri potest. Ita *Adrian. in 4. quæst. penult. de restitutione. Sotus supra, Josephus Angles in 4. de restitutione fame dub. 3. Tol. lib. 5. cap. 70. & alij contra Nauarr. & Caiet.* Ratio est, quia in rebus temporalibus, quando iura sunt paria, si alter non vult tibi seruare ius, & soluere debitum, nec tu teneris ei seruare & satisfacere, ut patet in debitis pecuniariis. Atqui fama est bonum temporale cuius sumus domini: ergo est par ratio. Idem videtur dicendum, quamuis iura non sint paria, si infamia quam intulisti non possit per partes restitui: ut si illum de grauiori crimine infamasti, quam ille te tunc enim famam ipsius poteris detinere instar pignoris, ut eum ad restitutionem

compellas, & ipse sibi imputet, quod non restituas, sicut si habeas annulum aureum ab eo, qui tibi debet florenum, potes retinere instar pignoris, ut eum cogas ad solutionem.

4. Obiicit Natiarrus, Damnum famæ à te illatum non tollitur per reciprocum damnum, sicut debitum pecuniarium unius tollitur per debitum reciprocum alterius: ergo non est par ratio. Resp. Aliud est damnum famæ: aliud est debitum resarciendi damnum: quamuis ergo damnum à te illatum non tollatur per infamiam tibi vicissim illatam; tollitur tamen debitum resarciendi illius damni, si alter sarcire nolit, quod à se illatum est. Quod etiam fit in damnis fortunarum: si enim tu incendisti ædes Petri, & Petrus vicissim tuas, non tollitur per hoc damnum à te illatum Petro, sed tollitur debitum satisfaciendi Petro propter compensationem.

Q V Æ S T. 28. *Quenam excusent famæ restitutionem?*

Conclusio. Multa sunt, quæ excusant. *Primò*, iusta condonatio, id est, quæ ab eo facta est, cuius infamia non redundat in alios. *Secundò*, iusta compensatio; ut si ab eo, quem infamasti, pari modo sis infamatus. *Tertiò*, si fama alio modo iam sit recuperata. *Quartò*, si infamia prudenter estimatur abiisse in oblivionem. *Quintò*, si crimen occultum quod aliquibus dixisti, alia ratione fiat publicum. *Sextò*, si restitutio sit impossibilis. *Septimò*, si non possit fieri sine periculo vitæ. *Octavò*, si non possit fieri sine amissione famæ, quæ sit longè maioris momenti. *Nonò*, si bona fide narraſti putans verum & publicum esse, nec possis sine dāno tuæ famæ restituere. *Decimò*, si reuera nulla fuit infamia secuta, quod potest fieri dupliciter. *Primò*, si infamator sit nullius fidei cui non creditur. *Secundò*, si alter iam fuerit aliis modis infamatus, ita ut non sit nova quasi infamia.

QVÆST. 19. *An honor sit restituendus, & quomodo?*

1. **P**rima Conclusio. Qui iniuste alterius honorem læsit (quod fit contumeliis, irrisione, alapa inflata, & similibus modis) tenetur ad satisfactionem seu restitutionem, siue id publicè fecerit coram aliis, siue priuatim coram illo solo. Est communis. Ratio est, quia fecit veram iniuriam contra iustitiam commutativam.

2. Dices. Alter nullum accepit damnum ex privata contumelia: ergo nihil est restituendum. Respondeo. Esto, non acceperit damnum, tamen illata est illi iniuria, vnde tenetur saltem ad satisfactionem, si hoc nolis vocare restitutionem.

3. Secunda Conclusio. Variis modis potest honor restitui. *Primò*, amice & honorifice salutando, aut compellendo. *Secundò*, adhibendo ad mensam, dando locum honorificum, propinādo. *Tertiò*, petendo veniam. Primus modus sufficit superioribus erga inferiores, & viris nobiles erga plebeios. Secundus etiam aliquando sufficit inter eos, qui sunt paris conditionis. Terrio debent uti inferiores erga superiores; & sæpe etiam æquales inter se. Nam si læsus hanc satisfactionem iuste exigit; nec aliam velit admittere, tenebitur alter veniam petere, si sit inferior, vel æqualis. Nam superiores ad hoc non tenentur, *ut decet Aug. in sua regula de superioribus.*

4. **Q**uæres. An etiam subditi teneantur ad restitutionem, quando omittunt præstare honorem debitum suis superioribus. Respondeo sola omissione non tenentur, quia illa non est contra iustitiam commutativam, sed contra virtutem obseruantiae: tenentur tamen quando omissioni coniuncta est contumelia interpretatiua; ut si aliis honorantibus Superiorem prætereuntem, tu illum sine vilo honoris signo impudenter aspicias.

DE RESTITUTIONE BONORVM FORTVNÆ.

ADhuc ago de restitutione ratione iniustæ acceptionis. Nam postea est agendum de restitutione ratione rei acceptæ, & ratione contractus.

QVÆST. 30. *An si res furtiua pereat, fur teneatur ad restitutionem?*

1. Prima Conclusio. Si res furtiua, casu, vel iusta hostium incursione pereat apud furem, & non putetur peritura fuisse similiter apud dominum, tum fur teneatur ad restitutionem. Ita *D. Thom. art. 6. Couarr. ad Reg. Peccatum, p. 1. §. 6. n. 1. & alij passim.* Ratio est, quia qui eam iniuste accepit, non solum obligatur ratione rei acceptæ, sed etiam ratione iniustæ acceptionis: ergo siue res extet; siue non, tenetur sarcire damnum. Sequela patet; quia iniusta acceptione est causa interitus rei. Nam res apud dominum non fuisset peritura, si non accepisset ipse, ut supponimus.

2. Secunda Conclusio. Si res casu, vel iusta hostium incursione certo erat peritura apud Dominum, non tenetur fur ad eius restitutionem, si apud eum similiter periit. Ita *Couarr. loco cit. Ioan. Medina C. de restitut. quest. 6. concl. 6. Sylu. v. restitutio 7. quest. 5. Petr. Nauarr. lib. 4. cap. 1. n. 17. & Nauarr. cap. 17. n. 8.* quam Palud. & nonnulli Iurisperiti contrariū sentiant. Dixi casu, vel iusta hostium incursione; quia si non erat peritura, nisi per iniuriam apud dominum, fur tenebitur. Nam qui eam sic abstulisset, vel destruxisset, tenebatur: ergo etiam fur, qui illum præuenit, tenetur. Nunc probatur conclusio. *Primò*, quia si res certo erat apud dominum peritura, ita ut nihil iuris, vel commodi inde ad eum rediturum esset: nihil quoque noui detrimenti est illi illatum, dum apud te petiit: ergo nihil est ei compensandum pro re illa. Antecedens patet, quia illud detrimentum iam erat præparatum in causa, ut non posset impediri à domino, ac proinde secundum

moralem

moralement æstimationem perindè se habebat, ac si iam illatum esset: ergo non censetur ille fur nouum damnum intulisse. Patet in exemplo. Abstulisti vestes, frumentum, aut pecuniam ex domo alterius, quæ paulo post incêdio, vel hostili incurfione peritura erant apud dominum. Item incendiasti segetes, quas inundatio statim erat euersura. *Secundò*, probatur, quia fur neque est causa damni ratione interitus rei, cum ad hunc non cooperetur, ut suppono; neque ratione iniquæ acceptionis, cum similiter interitura fuerit apud dominum, etiamsi non fuisset accepta. Quid enim potest dominus queri de damno per acceptionem illato, cum res illa etiam non accepta fuit peritura? *Tertiò*, probatur ex *L. si plures. ff. de positi vel contra*, & ex *L. final. ff. de lege Rhodia*, de lactu.

5. Tertia Conclusio. Est etiam probabile, furem non teneri ad restitutionem, etiamsi culpa illius res talis perierit, v. g. si eam negligentia perdiderit, vel etiam vastarit, vel consumpserit; modò eam peremerit eo loco, quo alioquin peritura erat, & intra illud tempus, quo apud dominum periisset. Ratio est, quia illa res in eo statu considerata, domino nullius est pretij. Nam eo loco certo est peritura absque vlllo Domini commodo: ergo etiamsi fur illam perimat, non censetur irrogare damnum vllius momenti; ut si incendas segetem, quam vides mox eluione euertendâ, vel si absumas annonâ, quæ proiicienda est in mare, vel si interficias equum, quem iustus hostis erat abducturus. Quamuis enim in his, & similibus casibus rem perima, vel consumas, vel alienes, non tamen censeberis notabile damnum inferre, ac proinde non teneberis ad restitutionem. Ob eandem rationem, si occidas eum qui certissimè paulò post moriturus erat, vel vi morbi, vel iusta sententiâ magistratus, etsi grauiter pecces, non tamen teneris damni secuti.

4. Dices. Si res mea, quam tradidi depositario, custodiendam, pereat culpa depositarii, tenetur ipse ad restitutionem, quamvis apud me peritura fuisset. Atqui fur non minus tenetur eam custodire, quam depositarius: ergo nec minus, tenetur restituere. Respondeo depositarius aliquando magis tenetur ad custodiam, quam fur. Nam si aliquo modo verisimile est rem posse saluari si abcondatur, vel aliq̃ transferatur; tunc depositarius ex iustitia tenetur id facere, quia pretio ad hoc conducitur, ut omni ratione possibili rem saluam præstet, si tamen constet interitum rei cauere non potuisse non tenebitur, etiamsi negligens in ea custodienda fuerit, vel eam consumpserit: fur verò non tenetur ex iustitia eam aliq̃ transferre, si videt eam apud Dominum, & eo loco, ubi nunc est, perituram esse. Vnde etiamsi eam tunc consumat, non tenebitur ad restitutionem, quia in eo statu considerata Domino nullius est pretij.

5. Quarta Conclusio. Tenebitur tamen fur ad compensationem, si eam perimat alio loco, vel postea, ubi non periisset, v. g. si furatus es vestem, vel equum in domo alterius, quæ paulo post casu cum tota supellectile conflagrauit (in qua etiam res illæ periissent, nisi apud te fuissent seruatae) & hæ res postea apud te pereant, vel casu furripiantur, teneris restituere. Ratio est, quia quando periculum transit, si res extet, iterum incipit Domino valere, quia ipsius mansit: ergo etsi postea casu pereat, fur tenetur, cum fuerit in mora; si enim restituisset quando debebar, dominus eam saluam recepisset, nec apud ipsum periisset. Idem dicendum de rebus quæ ex naufragio eripiuntur. Iam enim incipiunt domino valere. Idem est si alio loco pereant v. g. detulisti annonam in alium locum, ubi non periisset, si eam ibi consumas, teneris restituere. Nam illo loco constituta iam incipit domino rursus valere, & consequenter ei debet restitui.

6. Quinta Conclusio. Si rem vendit fur, vel eam consumendo factus est locupletior, tenetur ad restitutionem, quatenus factus est locupletior, etiamsi apud dominum fuisset peritura, Ratio est, quia pretium rei venditæ, & illud augmentum quo fur factus est ditior, successit in locum rei furtivæ, ita ut res furtiva censeatur extare, veluti in altero se, & in æquipollente: ergo hoc totum restituendum est Domino rei. Confirmatur, quia pretium est instar rei, eiusque vice fungitur apud omnes gentes.

7. Dices. Dominus non habet actionem realem in pretium. Resp. sufficit personalis, ut ei debeat restitui.

QVÆST. XIII. *An fur teneatur restituere fructus ex re furtiva perceptos?*

1. **D**Vplices sunt fructus. Alij sunt rei, qui ab ipsa re proveniunt, quamvis intercedat humana industria, ut sunt fructus agrorum, arborum, ædium, & earum rerum, quæ habent usum locabilem. Alij sunt fructus industriæ, ut quæstus qui percipitur ex negotiatione, ut emendo vili, vendendo carè, ratione temporis, vel loci. Item quæstus qui percipitur ex uso artificioso alieni instrumenti, ut si alieno penicillo, vel coloribus alienis pingas.

2. Prima Conclusio. Fur tenetur restituere non solum rem alienâ, sed etiam fructus ex ea perceptos; non tamen fructus nudæ industriæ. Est communis. Ratio est, quia fructus rei, hoc ipso quo producuntur, cedunt in dominium eius qui est dominus rei. §. *verò*, Inst. de rerum divisi. ergo non minus sunt restituendi, quam res ipsa. Deducendæ tamen sunt expensæ, quas Dominus facere debuisset ad illos percipiendos.

3. Secunda Conclusio. Non solum fructus perceptos, sed etiam non perceptos, quos tamē dominus singulari sua diligentia percepisset, tenetur sarcire. Ratio est, quia sua iniqua detentione est causa lucri cessantis.

4. Tertia

4. Tertia Conclusio. Tenetur etiam restituere fructus rei, quos ipse sua singulari industria percepit, quamuis dominus eos percipiturus non fuisset. Ratio est, quia omnes fructus rei cedunt in dominium eius, cuius est ipsa res, eo ipso quod extant, ut patet Inst. *de rerum diuisione*. §. *si Titius*. Vbi dicitur plantas, quæ terræ coaluerint, & frumenta quæ sata sunt, loco cedere: ergo si fructus extent, vel iniquius derentor sit factus ex illis locupletior, domino sunt restituendi.

5. Quæres. Si neque extent, neque fur ex illis sit factus locupletior, eo quod conumpserit cum socijs, an tunc sint restituendi, si dominus eos non fuisset percipiturus. Negant *Conarr. Medina, Sylu. & Petr. Nauarr.* Ratio est, quia fur nec tenetur ratione rei acceptæ, cum non extet, nec ratione iniquæ acceptionis, quia hæc non obligat ad restitutionem, nisi quatenus efficaciter intulit damnum. At hic non intulit, quia etiam si alterius rem non accepisset, Dominus non esset ideo locupletior, ut supponimus. Contrarium tamē est verius, quia fructus hoc ipso, quod extant, cedunt domino, ut patet ex iurē cit. Ergo statim debent domino restitui: ergo eos consumere est domino verum damnum inferre. Est enim consumere rem ipsius, quæ si suo tempore reddita fuisset, apud dominum non periisset.

QVÆST. XXXII. *An teneatur restituere, qui alterum impedit à beneficio of c, vel alio commodo?*

1. **H**Oc potest duobus modis contingere. *Primò*, si impedias eum, qui habet ius in re, vel ad rem, ita ut res ex Iustitia ei sit debita, nempe per iustam promissionem, stipulationem, venditionem, præsentationem, aut alium titulum, per quem datur actio ad rem petendam. *Secundò*, si impedias eum qui nullum habet ius in re, vel ad re, propinquum, quod ei tribuat actionem in iudicio; sed solum remotum, quia scilicet est dignus, vel bene meritus. De prioris sensu non est quaestio.

Constat

Constat enim qui sic impedit, teneri ad restitutionem, non quidem quanti res illa valebat, sed quanti ius illud, & illa spes æstimatur, spectatis omnibus circumstantiis. De secundo sensu est difficultas.

2. Prima Conclusio. Qui vi vel fraude impedit aliquem à consequendo beneficio vel officio, quo dignus erat, vel ne instituatur hæres, vel ne fiat ei donatio, aut legatum, tenetur ad restitutionem, quanti iudicio prudentis ea spes ipsi valebat. Est communis. Ratio, quia fraus & vis vel exercentur circa eum, qui beneficium sperat: (vt si quis illum vi detineat, aut minetur ei ne sollicitet, vel literas intercipiat, vel fraude auertat à re persequenda) & sic fit manifesta ei iniuria, ex qua sequitur damnum. Nam cōtra voluntatem suam iniusto modo impeditur à prosecutione, ad quā ius habet: et si enim nō habeat ius ad illud bonū, quod persequitur: habet tamen ius ad illud consequendū rogando & sollicitando: ergo damnum quod indè sequitur, censetur per iniuriam datum: vel exercentur circa ipsum collatorē (vt minando ne cōferat tali, aut persuadēdo ipsum esse indignum, aut ingrātū, idque falso) & sic fit etiam iniuria petenti, quia violatur ius ipsius, quod habet ad illud bonum; quod ius non est quidem absolutum, sed conditionatum; quia in libera voluntate collatoris possumus: si enim velit, res tibi debetur: si nolit, non debetur. Vnde si quis voluntatem eius, qui proposuit, vel deliberat tibi dare, per vim aut fraudem impediat, veram iniuriam tibi facit. Nam ius tuum in libertate collatoris constitutum violat.

3. Secunda Conclusio. Qui precibus, blanditiis, muneribus, absque vi & fraude impedit dignum ab officio, beneficio, & similibus non tenetur illi ad vllam restitutionem, etiam si illud malo animo, vel ex odio faciat. Ita *Navar. c. 17. num. 69. & alij passim contra Ioan. Maiorem in 4. d. 15. quest. 16.* Ratio est, quia iste dignus non

non habet ius, nisi in libera volūtate collatoris: ergo si relinquas collatorem in sua libertate, nec aliquid facias quod illius libertati repugnet, non censeris hoc ius violare. Atqui preces, munera, & blanditiæ non repugnant libertati, ergo per illa nō violas ius alterius, ergo nō teneris restituere. nec obstat, quod malo animo id facias, quia animus nō est contra iustitiā, sed contra charitatē.

QVÆST. 33. *An qui damnum intulit in re adhuc crescente, teneatur integrè restituere? v. g. conculcasti segetem nunc aestimatam 100. florenis, in messe 200. Item interemisti pullum equinum nunc valentem 20. intra biennium 100. Quaestio est, an tenearis integrè restituere?*

1. **M**ichael Salonius quaest. 6. art. 4. affirmat, si ex malitia fecisti; non autem si ex negligentia. Ratio est, quia dominus rei non tenetur eam vendere pretio quo nunc valet, sed potest expectare donec plaris valeat.

2. Conclusio. Contrarium est verius. Ratio est quia restitutio damni illati non est facienda, nisi secundum æqualitatem: ergo pro talibus segetibus non est plus restituendum, quam illæ tunc valebant. Idem est de pullo equino, & similibus. Nec obstat quod alter eo pretio vendere nolisset, hinc enim non sequitur damnum esse maius, quam res ipsa nunc valeat, sed iniuriam esse maiorem, quatenus scilicet damnum est magis contra Domini voluntatem.

QVÆST. 34. *An qui in tempestate eiicit merces alienas, teneatur restituere?*

1. **P**rima Conclusio. Is, qui eiicit alienas, & habet suas, tenetur alteri pro sua parte ad restitutionem. Ratio est, quia cum etiam propriæ merces cooperentur ad navis depressionem, iniquum est totum onus conferre in merces alterius. Vnde in hoc casu omnes tenentur pro sua parte qui ibidem merces habent, ut patet l. 2. & 4. de lege Rhodia, de iactu.

2. Quæres. An quisque teneatur pro mercium suarum æstimatione, an potius pro pondere, si enim aliquis haberet tantum gemmas, parum oneraret nauem, & tamen æstimatio gemmarum est maxima. Respond. Seclusa lege positiua habenda est tantum ratio ponderis, quia pondus tantum affert naui periculum: non autem æstimatio, vel pretiositas. Lege tamen positiua statutum est, ut habeatur ratio æstimationis, ut quisque pro mercium pretio conferat ad compensandum ei, cuius merces sunt eiectæ. Huius ratio videtur esse, quia quo merces tuæ sunt magis pretiosæ, eò pluris interest tua, ut naus salua sit, ac proinde eo amplius te in collationem dare par est.

3. Secunda Conclusio. Si is, qui alienas eiicit nullas habeat, non tenetur ad ullam restitutionem. Ita Medina c. de rest. q. 3. Et Petr. Nauar. l. 3. c. 1. n. 381. & colligitur ex l. secunda cit. ubi dicitur liberi corporis non oportere fieri æstimationem, nempe ad sarcium damnum. Ratio sumi potest ex iure defensionis. Nam iure naturæ potest quisque à se repellere quicquid ei affert interitum, vel est impedimento, ne se possit in extremo periculo saluare. Atqui merces illæ afferrent interitum, deprimendo nauem in qua sedeo: ergo iure naturæ possum eas abiicere.

QVÆST. XXXV. An teneatur ad restitutionem, qui positiuè cooperantur ad furtum, vel damnum?

1. Nota primò. Dupliciter furtum, vel damnum inferri posse. Primò, immediatè exequendo, & de hoc dictum est hætenus. Secundò, mediatè coope-
rando, quod fit 9. modis qui continentur his versiculis.

*Iussio, consilium, consensus, palpo, recursus,
Participans, mutus, non obstant, non manifestans.*

Sunt ergo 9. genera personarum quæ tenentur ad restitutionem præter executores de quibus *Dinus. Th. art. 7.*

3. Nota *secundò*. Sex priores modos cooperandi esse positivos, de quibus hic agimus: Reliquos tres esse negativos: de quibus postea. Est ergo quaestio, an qui cooperatur ad furtum, vel damnum. 6. priorib. modis, teneatur semper ad restitutionem. Aliqui putant tunc solum teneri, quando ita cooperantur, ut sine ipsis damnum non fieret; quando vero sine ipsis damnum æquè inferrent, non teneri. Ita *Antonin. p. 2. c. 1. tit. §. 12. Syl. v. restitutio. 3. q. 6. §. 2. Adrian in 4. q. 1. de restitutione. Nau. c. 17. num. 17 & D. Thom. in 4. d. 15. q. 2. a. 5.* Quæ sententia quodam sensu est apertè falsa, quodam certa, quodam probabilis, ut iam explicabo.

2. Prima Conclusio. Qui iubet, consulit, laudat, vel refugium præbet executori, ita ut ex hisce causis ille motus fuerit ad damnum inferendum, non ideo excusatur à restitutione, quod alius non defuisset, qui iussisset, consuluisset, &c. Ita *Caiet. q. 62. art. 6. Medina c. de restitut. q. 7. Sotus l. 4. q. 7. art. 3. & alij.* Ratio est, quia talis ita est causa damni in hoc casu, ut si ipse, vel alius similis non moueret executores, damnum non fieret: ergo verè est causa, sine qua damnum non fieret: ergo tenetur ad restitutionem. Prior consequentia patet, quia causa, sine qua non est ea quæ ita cooperatur, ut sine ipsa, vel simili superueniente non fieret effectus à causa executrice: non autem illa dumtaxat, quæ si absit, effectus non fiet. Nam alioqui, is, qui suadet, vel præcipit homicidium, non esset causa, si alius esset suasurus, aut præcepturus, imò occisor non erit causa damni, si alius erat occisurus, quæ apertè sunt falsa.

4. Secunda Conclusio. Si executor absque tuo consilio, consensu, mandato, laude, vel ministerio, æquè benè, & eodem modo erat damnum illaturus, quamvis nulla alia similis causa erat superuentura: tunc non teneris ad restitutionem. Est communis. Ratio est.

quia

quia etsi grauiter pecces, etiam contra iustitiam, tan en
consilium & mandatum tuum inefficax est, quia dam-
num ex ipso tanquam ex causa non sequitur, sed tantum
concomitanter se habet.

5. Tertia Conclusio. Si executor absque tuo con-
silio, consensu, mandato, laude, vel ministerio erat qui-
quidem absolutè damnum illaturus; non tamen eodem
modo, & eisdem circumstantiis, tunc dubium est an te-
nearis restituere, necne. Antoni. & alij supra citati vi-
dentur sentire te non teneri, etiamsi executorem mo-
ueris, vt citius, vel animosius, vel alio loco faceret, si ip-
se iam erat ita paratus, vt sine tuo consilio, vel iussu, ab-
solutè erat factururus; similiter si causam dederis, vt
plus damni inferret, quam alioqui illaturus erat, te non
teneri nisi ad illud amplius. Hæc sententia probabilis
est *primò*, propter auctoritatem DD. *Secundo*, propter
rationem, quia in tali casu non es causa substantiæ
damni, sed tantum modi, vel circumstantiæ: ergo non
teneris substantiam damni rependere. Contrariam ta-
men sequuntur *Caiet. Medina, Sotus & Petrus Nana.*
asserentes te in solidum teneri. Ratio est, quia tu es
causa totius actionis, vt hic & nunc fit. Confirmatur,
quia non potest quis esse causa istarum circumstantia-
rum, nisi etiam sit causa substantiæ actionis. Respon-
deri tamen potest, etiamsi sit causa totius actionis in-
diuidua, vt hîc & nunc fit; tamen quia illa actio, qua-
tenus damnosa, secundum suam speciem iam erat pa-
trata in causa exequentis, & omnino secutura, non vi-
deris circa eam quidquam efficaciter operatus, nisi in-
ducendo nouas circumstantias, quod non est magni
momenti ad substantiam damni, quando enim aliqua
causa exitura est per se in actum, parum refert, an hoc
celerius fiat, an tardius, hîc an alibi, hoc an illo instru-
mento, hâc an illâ actione indiuiduâ. Ad confirmatio-
nem concedo esse causam substantiæ illius actionis in

indiuinduo, sed hoc parum facit ad obligationem restitutionis. *Primò*, quia, qui est causa vt differatur damnum in crastinum, est causa cur sit alia actio indiuidua damnificans, & tamen non tenetur. Similiter qui rogat vt alio loco occidas, vbi minus erit scandali. *Secundò*, quia qui volenti furari 10. suadet, vt furetur 20. est causa illius actionis indiuiduæ, qua accipit 20. & tamen non tenetur nisi ad 10. eo quod furti tantum horum censeatur causa, vt docet *Medina*, *Couarr.* *Pet. Nauarr.* ergo vt quis teneatur in solidum, non sufficit, vt sit causa totius actionis, vt hic & nunc fit, sed alterius requiritur, vt actio illa secundum suam speciem, sine tali cooperatione non sit processura à causa exequente.

QVÆST. XXXVI. *Quomodo oporteat positiuè cooperari vt censearis causa damni?*

DE singulis modis cooperandi dabo singulas conclusiones.

1. Prima Conclusio. De iussione. Qui ita iubet, vt alterius animum ad maleficium moueat, censeatur causa damni; imò inter causas præcipua; quia non est efficacior modus, quo rationalis creatura liberè ab alio moueatur, quam per mandatum: mandans enim quandam obligationem & necessitatem imponit alteri. Dupliciter autem potest quis mandare. *Primò*, expressè, vt si dicas famulo: occide, volo occidas. *Secundò*, implicite, vt si dicas: Utinam hoc obsequium quis mihi præstet, charus mihi erit, qui hoc fecerit.

2. Nota *primò*. Si antè maleficium patratum reuoces mandatum, non teneris, quia iam tollis causam, de qua re sunt multa iura, ff. mandati.

3. Nota *secundò*. Eum, qui ratum dumtaxat habet maleficium nomine suo factum, non obligari in foro conscientiae ad reparationem damni, vt docet *Medina* q. 7. *contra Nauar.* c. 27. n. 2; 3. qui putat ratihabitionem obligare instar mandati, si dum mandare poteras damnum

num tuo nomine sit illatum. Sed contrarium est verum. Ratio est, quia ex illa rati habitatione facti præteriti ipsum factum damnosum nullo modo pendet, tanquam ex causa mouente. Nec refert, quod nomine suo factum sit, quia inde tantum sequitur voluntatem tuam fuisse causam finalem, & ideo illum fecisse, ut tibi gratificaretur, quia putabat tibi gratum futurum. Hoc autem nou sufficit, ut tu censearis causa efficiens, & voluntariè mouens ad damni irrogationem: finis enim non mouet voluntariè, sed naturaliter ex sua parte.

4. Dices. c. *Rati habitationem de reg. iuris in 6.* dicitur rati habitationem retrahere, & mandato non est dubium comparari. Respond. comparatur mandato, non tamen respectu patrati operis & obligationis restituendi, sed respectu contractuum, quia sola voluntate foris expressa firmari possunt contractus præteriti: non autem causari damnum præteritum. Item respectu pænæ in foro externo, quia qui ratum habet maleficiū puniunt, sicut qui mandauit.

3. Secunda Conclusio. Qui ita consulit, vel suadet, ut alter ex eo promoueatur ad opus, censetur etiam causa damni: ac proinde tenetur ad restitutionem.

6. Quæres. An qui consulit minus damnum ad auerendum maius, teneatur ad restitutionem. Resp. *primò* Si consulas inferri alicui damnum minus, ne eodem inferatur maius, non teneris ad restitutionem. Ratio est, quia utiliter eius negotium geris, & merito tibi gratiam debet. Resp. *secundo*. Si autem suadens latroni ut lateri, de quo non cogitabat, damnum minus inferat, teneris, quia iniuriam illi facis, dum illum latroni obijcis: non enim licet impedire damnum Petri cum iniuria Pauli. Hinc sequitur peccasse Loth Gen. 19. dum Sodomitis in hospites irruere conantibus suasit stuprum filiarum, quia suasit iniuriam in eas, de quibus ipsi non cogitabant.

7. Tertia Conclusio. De consensu. Quando ab alicuius consensu pendet, ut res fiat, vel non fiat, v. g. ut huic inferatur bellum, ut iste eligatur in Prælatum, tunc censetur causa damni. Quod si id à consensu tuo non pendeat, eò quòd auctoritatem nullam habeas: Vel vi absque suo consensu iam ante erant æquè parati, neque illum expectarint, non censetur causa damni. Hinc fit, ut quando plures ferunt suffragia, vel subscribunt in causam iniquam, si tu etiam consentias, postquam sufficiens numerus suffragatus est, non tenearis ad restitutionem damni secuturi (et si mortaliter peccaueris consentiendo) nisi spes fuerit te contrario suffragio posse malum impedire. Ita *Nau. c. 17. n. 21. Caiet. v. restitutio, c. 1.* Ratio est, quia iam causa damni ita est disposita, ut æquè, & eodem modo damnum sit secuturum absque tuo suffragio, atque cum illo: ergo tuum suffragium accedens non est vlllo modo causa damni.

8. Quarta Conclusio. Palpo seu adulator, qui laudat malefactorem, aut scelus patrandum commendat, est causa damni, quando alter ex tali laudatione impellitur ad maleficium. Huc etiam spectat exprobratio ignavia, ut quod iniuriâ quam accepisti, non sis ultus.

9. Quinta Conclusio. Recursus, seu recursum præbens, tenetur etiam restituere, quando eo modo præbet recursum, ut moraliter censeatur furi cooperari ad damnum inferendum, vel ad non reparandum illarum, v. g. si illum recipiat, & non alios passim; si illum, aut eius instrumenta occultet, ita ut hinc animetur ad damnum inferendum.

10. Dices. Ergo qui occultat furem, dum quæritur à lictoribus, tenebitur ad restitutionem, si ille postea damnum intulerit. Respond. verum est, si id ita faciat, ut in posterum det spem similis opitulationis, & fur eâ spe fretus rursus damnum inferat, alioqui si non det illi

lli spem refugij in posterum, non tenetur: quia non abscondit illum eo modo ac fine, vt moraliter censeatur causa damni secuti.

11. Sexta Conclusio. Dupliciter potest aliquis esse participans in damno. *Primo*, quando est participes prædæ, & tunc tenetur restituere pro ea parte, quæ ei obuenit. *Secundo*, quando est participes iniquæ operationis, præbendo auxilium, & adiuuando ad executionem, sicut qui scalas apponit, vel eas sustinet fure accendente: Item qui excubias agit, aut instrumenta stipendiat, aut furem conuatur defendendi causa. Iti qui iuuat effringere, asportare, aut simile quid agit. Hi, semper tenentur ad restitutionem hoc ipso quod sponte aliquid auxilij attulerint ad iniquam executionem. Dixi *sponte*, quia si quis iusto metu coactus fecerit, non tenetur, modo id, quod facit, non sit per se malum. Itaque hoc metu compulsi potest apponere scalas, præbere instrumenta effringendi, iuuare, conscendere murum. Hæc enim per se sunt indifferètia, neque lædunt dominum nisi ex iniqua intentione & usu furis, qui his auxiliis utitur ad malum finem. Pari modo potest iuuare in re, postquam sublata est, asportanda, & in pecore abigenda. In his enim non est iniuria in dominum, si ex graui metu fiant, postquam res sublata est. Hinc sæpe excusatur Rustici, qui prædas militum iniustas coguntur auerere, vel pecora sublata deducere.

Q V Æ S T. XXXVII. *An qui aliquo horum 6. modorum cooperatur, teneatur in solidum?*

1. **C**ertum est, cum quis consulit, mandat, consentit, claudat, & recepat, teneri ad reparationem totius damni, si totius causa fuit: partis verò si solum partis damni causam dedit. Difficultas est de sexto modo, id est, principante ve adiuuante, vt quando milites spoliant urbem.

2. P R I M A C O N C L V S I O. Si coo^peretur ad idem

damnum indiuiduum, tenetur in solidum, etiam si socius constituerat solus inferre, ut si inuat ad incendendam urbem, ad idem onus auferendum, ad gregem abducendum, ad eandem ianuam effringendam. Ita *Caiet. Medina supra*. Ratio, quia tunc aliquis est causa partialis totius damni ut hîc & nunc fit.

3. Secunda Conclusio. Si verò non concurrat ad idem damnum indiuiduum, sed distinctum irroget, non tenetur in solidum; sed tantum pro sua parte. Ita. *Adrian. q. 1 de restitutione, Nauarr. c. 17. num. 21. & alij*. Ratio est, quia tunc quisque solum est causa partis damni, quam ipse per se dedit: non autem totius aut etiam parris, quam alius fecit, nisi fortè alium impulerit ad damnum faciendum, aut nisi se vicissim permouerint, vel animauerint, ut quando 3. vel 4. milites se mutuo excitant ad inferendum alicui damnum: tunc enim singuli censètur causa totius damni. Hinc sequitur militem gregarium nō teneri, nisi de damno, quod ipse per se in bello iniquo dedit. Ducem verò teneri de toto, quod per milites illatum est.

QVÆST. XXXVIII. *Quo ordine teneantur isti restitutionem in solidum facere?*

1. Prima Conclusio. Si aliquid furto ablatum sit primo loco, & ante omnes tenetur is, ad quem res furtiua peruenit, siue extet in specie, siue non extet; si tamen inde factus sit ditior. Ratio est, quia lic obligatur ratione rei acceptæ, quæ obligatio est summa. Nam res aliena, quamdiu extat in specie, per se debetur. Si consumpta est, vel consumpta est bona fide ab eo, qui ignorabat esse furtiuam; & sic non tenetur nisi quantum ex ea factus est ditior, vel consumpsit mala fide sciens esse alienam, & sic tenetur restituere pretium, quia quod consumpsit eam mala fide, non liberat eum, quia primo loco teneatur, perindè ac si extaret, alioqui noua illa iniuria liberaret eum à restitutione.

2. Secunda

2. Secunda Conclusio. Si vero nihil ablatum sit, sed tantummodò damnum itrogatum, tum *primò* loco tenetur is, qui coëgit, vel fraude induxit, vel qui imperavit, cui alter non fuit ausus contradicere; ut si Dux imperet militi ut occidat, incendat, destruat. Ratio est, quia hic iniuste coniecit alterum in obligationem restitutionis. Vnde si hic restituit, alter qui hoc modo inductus est, non tenetur ei quidquam refundere, quia inductor totum debet compensare. Pari modo tenetur. *Primo* loco, qui suo nomine fecit, vel rogavit fieri, vel suavit. Nam is cuius nomine fit, est causa principalis, ac proinde tenetur ante ceteros. *Secundo*, loco tenetur executor quatenus est executor. *Tertio*, loco ceteri qui consilium dederunt, qui consenserunt, qui præbuerunt recursum, qui præstiterunt obsequium, instrumenta, comitatum. Ratio est, quia executor post eum qui iussit, vel suo nomine fieri voluit, est principalis: ceteri vero sunt causæ accessorix, & secundariæ, facientes & quodammodo serviientes executori. Quod enim faciunt, non suâ causâ faciunt, sed ut ipsum instruant & ament. Hinc sequitur *primò*, Si executor noluerit, vel non potuerit restituere, teneri ipsos; quia succedunt in defectum executoris, sicut executor in defectum iubentis. *Tertio*, si soluerint, executores teneri illis totum refundere, quia solvendo successerunt in ius, quod dominus habebat in executores, qui prius tenebatur. Vnde sicut executor debuisset solvere ante ipsos, ita tenebitur ipsis solvere, qui ius domini in se transtulerunt, solvendo loco executoris; sicut si fideiussor, qui secundo loco tenetur, solvat, transfert in se actionem domini, quam habebat in principalem debitorem. Pari modo si executor soluerit, tenebitur ei iussor, vel is qui causâ suâ fieri voluit. *Quintò*, Si executor nomine omnium executus est facinus, omnes simul

teneri primo loco; quia illorum causa factum est; & tacite in se receperant obligationem: executor autem; quia executor, tenetur secundo loco, quamvis ut unus illorum quorum nomine factum est, teneatur primo loco. Itaque si ipse restituerit in solidum, reliqui tenentur ei conferre suas partes; ita tamen ut ipse quoque pro sua parte in compensationem veniat, non ut executor, sed ut unus illorum, quorum nomine factum est.

3. *Quæres primo.* An inter causas secundarias quæ tenentur post executorem, sit aliquis ordo. Resp. Non est talis ordo, qualis est inter causam principalem & secundariam, ita ut una solvente reliquæ maneat libera; sed in defectum principalis, omnes secundariæ tenentur æquè primo; sic tamen, ut alia ad plus, alia ad minus teneatur prout magis vel minus efficaciter ad damnum cooperata est, Ratio est, quia una non est operata tanquam instrumentum alterius, vel alterius nomine, sed unaquæque per se in suo ordine. Vnde si executor non restituat, omnes in locum eius immediate succedunt, & tenentur pro rata portione cōferre, prout quæque magis vel minus mouerit executorem ad facinus patrandum.

4. *Quæres secundo.* Si plures sint causæ æquè principales, vel æquè secundariæ, quæ videantur æqualiter contulisse ad totum damnum, ad quid singulæ teneantur, Respond. *Primo*, tenentur æquales portiones ad restitutionem damni conferre. *Secundo*, in defectum reliquorum quisque tenetur in solidum. *Tertio*, ei qui prius soluit, tenentur reliqui singuli pro sua parte.

5. *Quæres tertio.* Si is qui damnum accepit vni sociorum condonet obligationem restituendi, an ceteri sint etiam liberi. Respondeo *primo*. Si condonet author principali, reliqui qui secundo loco tenebantur, manent liberi. Est communis. Ratio est, quia hæc
condo

condonatio est instar solutionis (unde solet à Iuris-
peritis vocari acceptilatio, quæ est imaginaria quædam
solutio) atqui solvente eo, qui primo loco tenebatur,
reliqui manent liberi, ut ex dictis patet. Resp. *Secundò*.
Si remittat ei qui secundo loco tenebatur, non ideò li-
beratur is qui primo loco. Ratio, quia obligatio prin-
cipalis auctoris non pendet ex obligatione secundarij,
sed contra. Unde fit, ut secundario solvente, teneatur ei
principalis ex integro: solvente autem principali, se-
cundarius nihil teneatur rependere. Resp. *Tertiò*. Quan-
do plures eodem grati tenentur, id est, æquè primò,
vel secundariò, tunc etsi vni perfecta fiat remissio, non
ideo ceteri sunt liberi à suarum partium restitutione.
Nam obligatio vnius non pendet ab altero, sed omnes
æquè mediatè, vel immediatè se habent ad damnum.

QVÆST. XXXIX. *An teneantur ad restitutionem
qui negatiuè sunt causa damni?*

I. **T**Vnc aliquis censetur negatiuè causa damni, si
non impediatur damnum, quando ex officio tene-
tur, hoc fit tribus modis, qui notantur his verbis (*Mu-
tus, non obstant, non manifestans.*) *Mutus* dicitur, qui omit-
tit præcipere, si erat superior: consulere, si consultor:
clamare, aut strepitum edere, si erat custos rei ad dam-
num impediendum. *Non obstant* dicitur, qui omittit
præstare opem vel operam, qua damnum poterat im-
pedire, & quam ex officio tenebatur præstare, ut prin-
ceps, Magistratus, præpositi viarum, & similes. *Non ma-
nifestans* dicitur, qui cum ex officio teneatur, omittit
manifestare malefactorem; siue ante factum, quando
damnum erat impediendum: siue post factum, quando
sarciendum; ut custos rei custodiendæ deputatus. Est
ergo quæstio, an hi semper teneantur ad restitutio-
nem. Caiet. v. *restitutio* c. 1. putat eos teneri etiam tunc
quâdo ex officio nō tenentur impedire damnum, sed tantū
ratione

ratione articuli necessitatis, modo facile sine suo incommodo id possint præstare.

2. Prima Conclusio. Nemo ratione damni non impediti tenetur ad restitutionem; nisi hoc obligatus fuerit ex officio. Ita *Medina quaest. 6. Nauarr. c. 17. Couarr. ad reg. Peccatum, pag. 2. §. 3. num. 5 & alij*. Ratio est, quia qui non obligatur ad impediendum ex officio, solum obligatur ex charitate. At necessitas restituendi non oritur ex obligatione charitatis, sed iustitiæ, ut omnes tradunt: ergo.

3. Dices *primò, e. quanta; de sententia excom.* dicit Innocentius III. eos qui consentiunt iniicientibus violentas manus in clericos, & eos qui iniiciunt, pari pœna condemnari ab Ecclesia, nempe pœna excommunicationis. Respondeo. Loquitur de ijs qui consentiunt, cum ex officio teneantur impedire, ut exponit Glossa. Deindè potuit excommunicari etiam is, qui non tenebatur ex officio, nec tamen sequitur eum obligari ad restitutionem: potest enim quis excommunicari propter peccatum mortale; non tamen obligari ad restitutionem.

4. Dices *secundo, c. sicut dignum. de homicidio.* Alexander III. ait, qui potuit hominem liberare à morte, & non liberauit, occidit. Respondeo. Dicitur occidisse, quia contraxit culpam homicidij, ut est contra charitatem: non autem ut contra iustitiam, quo sensu dixit etiam Ambrosius apud Gratian c. *Pasce. d. 87. Si non paupisti, occidisti.*

4 Secunda Conclusio. Omnes qui tenentur ex officio impedire damnum alterius, si id ex culpa graui negligant, tenentur ad restitutionem. Est communis. Ratio est, quia illi ex iustitia debent illum actum impeditionis damni: ergo omissio eius est contra iustitiam: ergo si ex illa omissione sequatur damnum; omittens est causa illius damni contra iustitiam. Confirmatur

firmatur, quia sicut damnum quod sequitur ex iniusta commissione est iniustum, ita etiam quod sequitur ex iniusta omissione : ergo sicut teneris ad reparationem damni, quod alteri datur ex tua iniusta commissione; ita etiam quod datur ex iniusta omissione. Hoc modo debitor tenetur creditori ad interesse, quod sequitur ex non præstita solutione debita. Hinc infertur *primò*, Principes, Magistratus, Prætores, & Duces belli teneri ad restitutionem, si omittant impedire furta, latrocinia, & similia damna, cum possint sine suo notabili detrimento vitæ, famæ, honoris, aut rei familiaris. Ratio est, quia ex officio, ac proinde ex lege iustitiæ commutatiæ tenetur, tanquam ad hoc conducti : ideo enim stipendia & honores à Rep. accipiunt. *Secundò*, idem dicendum de omnibus illis qui per modum contractus sese ad alicuius rei custodiam obligarunt, stipendia ob eam causam accepturi; ut sint custodes hortorum, vinearum, saltuum, stagnorum. *Tertiò*, idem est de tutoribus, & curatoribus, qui negligunt impedire damna pupillorum & minorum. Ersi enim stipendia non recipiunt; tamen potestas publica, siue lege, siue imperio, potest illis hanc obligationem imponere, & ipsi tenentur admittere, & ubi admiserint lege iustitiæ sunt obstricti. An autem confessarii teneantur restituere, si pœnitentem non cogant ad restitutionem, pertinet ad materiam de Sacramentis.

DE RESTITUTIONE RATIONE

rei acceptæ.

QVÆST. XL. *An is qui bona fide rem consumpsit, vel alienavit, teneatur postea restituere.*

1. **P**rima Conclusio. Quicumque habet rem alienam, quamvis optima fide illam hætenus tenuerit, putans esse suam, simul atque tamen cognoverit, esse alienam, tenetur eam restituere prima opportunitate, idque tantummodo ratione rei acceptæ.

Ratio

Ratio est, quia non potest retinere rem alienam, inuito domino. Hinc lex ciuilis concedit domino euictionem & vindicationem rei suæ, vbicumque ea fuerit l. *si debitor c. de rei vindicatione*. Neque pretium quod pro ea dedisti, exigere à Domino potes, quia æquum non est vt ipse rem suam emat, sed illud tibi à venditore rependum. Quod si eam postquam sciueris esse alienam vltcrius retineas, habita restituendi opportunitate, incipis esse possessor malæ fidei, & obligari non solum ratione rei acceptæ, sed etiam ratione iniquæ detentionis, quæ æquiualeat iniquæ acceptioni. Vnde si interim pereat, quouis casu teneris ad restitutionem, quia censes esse in mora.

3. Secunda Conclusio. Si is qui rem alienam bona fide possidebat, eam interim consumpsit, vel alienauit solum tenetur restituere id, quo indè factus est locupletior. Est communis. Ratio est, quia solum tenetur ratione rei acceptæ, quæ cum non amplius apud illum extet, cessat quoque cum ea eius obligatio. Hinc sequitur *primò*, si eam bona fide emit, & deinde eodem pretio, vel minori, bona fide venditur, ad nihil teneri; si verò pluri vendidit, ita vt rem familiarem auxerit, teneri solum restituere illud auctarium. *Secundò*, si eam dono accepit, & postea vendidit, tenetur restituere pretium; nisi fortè illud consumpserit in lulum, vel largitiones, ita vt ex eo non sit factus locupletior. Quod intellige, si alioqui talia impendia facere non constituerat. *Tertiò*, si eam bona fide donauit, non donaturus aliam similem, vel dissimilem, si hanc non habuisset, non tenetur ad quicquam, quia non est factus ditior. Secus est, si aliam ex suis erat donaturus, quia tunc pepercit rei suæ donando alienam, & ita compendium ex re aliena fecit. *Quartò*, si res periit durante bona fide, ad nihil tenetur, siue fortuito, siue culpâ perierit: non enim tenetur ratione iniustæ acceptionis,

quia

quia bona fide eam acceperat. & possederat ; nec ratione rei acceptæ, quia res non extat.

QVÆST. XLI. *An possessor bonæ fidei teneatur etiam fructus perceptos restituere?*

1. **P**rima Conclusio. Tenetur restituere omnes fructus, qui apud illum extant, modò non sint fructus meræ industriæ. Ratio, quia fructus hoc ipso, quod proueniunt ex re tua, cedunt in tuum dominium, ut constat Instit. de rerum diuisione. §. Si Titius. Tales sunt qui sine ullo labore proferuntur, ut fœnum, glandes, poma nuces. Item illi qui interueniente labore proueniunt, ut segetes & uinæ: in his tamen detrahendæ sunt expensæ. Fructus autem nudæ industriæ, non sunt restituendi, ne quidem à malæ fidei possessore, ut si quis aliena pecunia, negotiatus sit, ut supra.

2. Secunda Conclusio. Si fructus quidem non extent, tamen illis factus sit locupletior, tenetur quatenus locupletior, siue illi fructus fuerint merè naturales, siue mixti, id est, ex re mediante industria prouenientes. Ita Gabriel 4. d. 15. question. 3. articul. 3. dub. 5. Medina question. 10. Couarr. l. 2. variar. resol. c. 3. num. 6. & alij passim. Ratio est, quia fructus debentur domino deductis expensis: in locum autem fructuum succedit eorum pretium, quâ parte eo factus est ditior, idque seruandum esse in foro conscientiæ docet Syluester v. fructus quæst. 1.

4. Nota tamen in quibusdam tribunalibus fructus mixtos non extantes (etsi inde factus sit ditior) iudicari non esse restituendos, ut refert Couarr. loc. cit. & est multorū Iurisperitorū sententia, nec videtur omnino improbabilis, quia quædam iura videntur illi fauere. Instit. de rerum diuisione. §. si quis à non domino & l. Quæsitum, ff. de acquirendo rerum dominio. Contrarium tamen est probabilius: tum quia est communis sententia: tum quia firmiore nititur ratione iura autem contra

nos allata, debent intelligi eo casu, quo non es factus locupletior.

4. Dices. L. *qui scit*. ff. *de usuris*, dicitur, bonæ fidei emptorem, qui prius quam fructus perciperet, cognouit fundum alienum esse, censeri adhuc bonam fidem habere, ut fructus suos efficiat, donec fundus euitus sit. Resp. hæc lex non videtur esse æqua, seu vera. Nam certum est simul atque quis nouit rem esse alienam, non posse fructus eius suos facere, ut apertè colligitur L. *Qui bona fide*, & l. *Bona fidei*, ff. *de acquirendo rerum dominio*, quia fructus cedunt solo, ut dictum est. Nec mirum aliquando in Pandectis huiusmodi antinomias reperiri, quas frustra nituntur ininterpretes conciliare, quia hoc opus est collectum ex plurimorum Iureconsult. responsis, qui sæpe contraria sentiebant: & collectores non poterant in tanta voluminum & sententiarum multitudine semper meminisse, quid alibi dixissent. *Vide Couarr. num. 7 supra.*

5. Tertia Conclusio. Possessor bonæ fidei non tenetur ad restitutionem fructuum, quos ratione negligentiae suæ non percepit, sicut tenetur possessor malæ fidei. Ratio est, quia cum non sit factus ditior, non tenetur ratione rei acceptæ & cum non fuerit causa iniusta damni (sicut possessor malæ fidei iniustâ detentione) non tenetur ratione iniustæ acceptionis.

QVÆST. XLII. *An si emeris rem furtiuam bona fide, tenearis domino restituere, an vero possis dissolvere contractum recepto pretio?*

1. Prima Conclusio. Si gratis eam accepisti, ubi cognoueris esse alienam, teneris domino restituere; nec potes furi reddere, nisi moraliter sis certus furem restitutum. Ratio est, quia teneris ratione rei acceptæ quæ apud te est, non furi cum non sit eius: ergo domino. Nam restitutio quæ facienda est ratione rei acceptæ, debet fieri illi cuius res est.

2. Secunda

2. *Secunda Conclusio.* Si bona fide eam emisti, ubi intellexeris esse alienam, poteris rescindere contractum, & reddere furi, à quo accepisti, ut pretium recuperes: nec teneris tunc domino restituere. Ita *Navarr c.17. num. 9. Sylu.v. restitutio 3. quast. 7. Angelus v. restitutio 1. num. 1. Gabr. in 4.d.15. quast. 3. art. 3. dub. 5. Et alij contra Caiet. Socum, & Covarr.* Probatur *primò*, quia nullam iniuriam intulisti domino hanc rem emendo, & apud te detinendo, cum bona fide emeris, ergo non potest dominus merito ægrè ferre tanquam iniuriâ affectus, si eam cōstituas in eo statu, in quo erat ante, ne pretium amittas. *Secundò*, quia hic, contractus fuit omnino inuoluntarius, cum ex errore sit factus: ergo potes illum rescindere: ergo & rem acceptam restituere, & pretium recuperare. *Tertiò*, si quis rem inuentam in plateis sibi assumeret, & postea aduerteret eam sibi fore damnosam, posset reponere eodem loco; nec teneretur eam cum suo damno seruare, ut domino restitueretur: ergo.

3. Dices *primò*. Si talis emptor rei alienæ potest eam furi reddere, ut pretium recuperet: ergo si fur non inueniretur, vel obiisset, posset eam alteri vendere, ne damnum patiatur. Respondeo, non sequitur, quia non potest dominium ipsius transferre.

4. Dices *Secundò*. Qui rem furtiuam reddit furi cooperatur ipsius iniquæ detentioni. Respondeo falsum est: utitur enim suo iure, ut se indemnem præstet, relinquens furem suæ conscientiæ: non enim suadet illi ut non restituat, sed potius ostendit rem alienam debere restitui.

5. Dices *Tertiò*. Si dominus rei posset conuenire talem emptorem coram Iudice, Iudex condemnaret eum ad restitutionem, ergo etiam antea tenebatur restituere. Respondeo, non sequitur. Nam idèò condemnabitur emptor ad restitutionem, quia res aliena apud ipsum reperitur.

9. Tertia Conclusio. Si mala fide rem emissi, ut tibi retineres, sciens vel dubitans esse furtiuam, teneris eam domino restituere. Ita *Navarr. Caiet. Sotus. & Couarr.* Ratio est, quia teneris non solum ratione rei acceptæ, sed ratione etiam iniustæ acceptionis.

7. Dices. Quisque potest sibi consulere præ altero: ergo talis emptor potest rem furtiuam furi reddere, ut sibi consulat recipiendo pretium suum. Respondeo hoc valde probabile est; & ita sentiunt *Alex. Gabri. & Sylu.*

QVÆST. XLIII. *An ille qui dubitat rem esse alienam possit eam emere, retinere, vel alienare?*

1. Prima Conclusio. Qui initio bona fide rem accepit, vel habuit, si postea incipiat dubitare, an sit aliena, tenetur inquirere veritatem, & manente dubio post inquisitionem non tenetur restituere, sed manet in possessione bonæ fidei. Ita *Med. quæst. 10. Sylu. Gabr. cum alijs supracitatis.* Ratio, quia in dubio melior est conditio possidentis. Hinc sequitur, si rem illam vendat, domino post diligentem inquisitionem non inuento, non teneri postea illo comparante. Ratio est, quia non tenetur ratione iniustæ acceptionis, cum bona fide habuerit & vendiderit, neque ratione rei acceptæ, quia non extat apud eum, nisi fortè ex ea factus sit ditior: nam eatenus tenetur.

2. Dices. Quid si occurrente dubio non instituit quæstionem, & postea certo deprehendit rem fuisse alterius. Respondeo tunc tenetur alteri restituere non solum rem illam, sed fructus consumptos, etiam ex eo tempore, quo dubitare cœpit. Ratio est, quia ex eo tempore cœpit esse possessor malæ fidei, & ex iustitia tenebatur veritatem inquirere.

3. Secunda Conclusio. Qui dubitat, an res sit aliena, potest eam nihilominus accipere titulo donationis,

tionis, permutationis, aut emptionis; modò eo animo accipiat, vt eam domino, si inuentus fuerit, restituat. Rario est, quia in hoc non facit iniuriã domino, sed beneficiũ. Nam alioqui fortasse nunquã fuisset restituẽda.

4. Tertia Conclusio. Quod si non eo animo eam accipiat, sed potius vt eam sibi retineat, peccat quidem; non tamen teneretur eam restituere statim, sed mutato animo diligenter inquirere, an sit aliena, & vbi moraliter certus fuerit esse alienam, integrè restituere cum fructibus etiam consumptis. Si autem aliquid dubij remanserit, tenetur eam cum altero, de quo dubitat, diuidere, assignando illi plus vel minus pro ratione dubij, qui si sit persona nota, ei sua pars tribuenda est: si verò sit ignota, pauperibus. Ita *Caiet. quest. 62. art. 5. Sotus l. 4. quest. 7. art. 1. circa 3. argumentum Medina quest. 17. & alij.*

QVÆST. XLIV. *An bona, & debita incerta, sint pauperibus restituenda?*

1. **N**ota primò. Bona non censerì incerta, nisi post sufficientem inquisitionem. Vnde si quis ante huiusmodi inquisitionem daret ea pauperibus: postea domino comparente teneretur ei ad integram restitutionem, vt passim omnes docent.

2. Nota secundò. Non censerì etiam incerta quando constat ea deberi certæ alicui communitati, vel toti vel maiori eius parti: etsi enim in particulari non constet quid cui debeat, tamen constat hæc esse illius cõmunitatis, vt quando exercitus ininstitè expilat pagum, vel oppidum: tunc enim restitutio facienda est communitati, operâ Magistratus, Episcopi, vel Parochi, vt hi distribuant iis, qui in eo pago, vel oppido, maius damnum accepisse iudicabuntur.

3. Prima Conclusio. Bona incerta, id est, habentia dominum ignotũ, & incerta debita, siue ex contractu, siue ex delicto, restituenda sunt in pauperes, saltem iurè

positiuo, vel consuetudine. Est communis, præterquam de bonis inuentis, de quibus postea. Ac primò ex incertis debitis ex delicto patet ex c. *tum tu, de usuris, ubi Alexander III.* inbet, vt ea quæ usuris iniquè comparata sunt, si non supersint illi, quibus debentur, aut eorum hæredes, dentur pauperibus, & usurarij eorumque hæredes pœnis Ecclesiasticis ad hoc cogantur, Quod DD. communiter extendunt ad incerta debita ex aliis etiam delictis, vt furto, rapina, damno dato, & iniquis contractibus. Et merito; quia est eadem ratio, ne videlicet hominibus iniquis integrum sit ex iniquitate & iniuriis ditescere. *Secundò*, idem patet de incertis debitis ex contractu v. g. ex deposito, commodato, mutuo, venditione quia etsi de his non extat canon, tamè ubique est consuetudo piorum vt hæc in pauperes expendantur, quando dominus inueniri non potest, vt ipsius animæ profit. Nomine autem pauperum intelliguntur non solum mendici, sed etiam quibus necessaria ad decentem statum desunt, & etiam quæuis opera pia, vt inter cæteros docet *Nauar c. 17. num. 93.*

4. *Quæres.* An etiam iure naturæ, pauperibus hæc sint eroganda. Multi videntur affirmare. Ratio, quia debitor iure naturæ tenetur restituere eo modo, quo potest, nempe vt vel ipsæ res, vel eorum vtilitas ad dominum proueniat. Atqui hoc fiet si dentur pauperibus ad salutem domini viui, vel mortui: ergo iure naturæ debent dari pauperibus. Respondeo *primò*, suppositâ fide est quidem consentaneum iuri naturali, vt bona incerta dentur pauperibus: non tamen est debitum lege iustitiæ. Ratio est, quia pontifex solet disponere de eiusmodi bonis, vt aliquando retineantur ab eo qui habet ea; hoc autem non faceret, si deberentur iure naturæ pauperibus. Respondeo *secundò*. Etiam si darentur pauperibus; non tamen semper hoc modo fit restitutio domino. Nam fieri poterit vt dominus peccato mortali sit

fit mortuus, quo casu nulla ad eum utilitas potest peruenire? Respondeo *tertio*. Licet iure naturæ teneatur debitos restituere rem eo modo, quo vel ipsa, vel utilitas temporalis ex ea possit ad dominum peruenire; non tamen iure naturæ tenetur curare, ut si utilitas temporalis ad eum non perueniat, saltem preueniat utilitas spiritualis, quia lege iustitiæ non tenetur damna temporalia compensare bonis spiritualibus, ut supra ostensum est. Hinc sequitur cessante lege positiva, vel consuetudine vim legis habente, non esse necessarium, ut bona incerta dentur pauperibus. Hinc ulterius infert *Petr. Nau. l. 4. c. 2. num. 47*. Ea quæ ex contractu debentur, posse tãquam *ad eam* post diligentem inquisitionem retineri. Ratio est, quia lex positiva nihil de illis statuit, sed solum de ijs quæ debentur ex delicto: Neque constat consuetudinem esse in contrarium. Puto tamen tutius esse ea dare pauperibus propter communem piorum hominum praxim.

5. *Secunda Conclusio*. Si is qui hæc bona habet, verè pauper est, poterit ea tanquam unus è numero pauperum sibi retinere. *Ita Sotus in 4. d. 25. quest. 3. Caiet. quasi. 61. art. 5. & alij*. Ratio est, quia non debet esse peioris conditionis quam alij pauperes; præsertim, si non intercessit ipsius culpa in re illa acquirenda, vel debito contrahendo. Quod si culpa intercessit, meretur quidem ea re priuari, tamen paupertas est sufficiens ratio, cur possit illi per confessarium, aut etiam propriâ autoritate applicari. Non enim est necesse ut detur pauperiori, vel sanctiori, (quamvis id expediat) sed satis est ut detur pauperi titulo paupertatis, ubi autem illi res hoc modo applicata fuerit, non tenebitur postea ditior effectus alijs pauperibus restituere, quia titulo paupertatis legitimè illam sibi vendicauit; sicut etiam alij fecissent.

6. *TERTIA CONCLUSIO*. Si is qui hæc bona

habet, non est verè pauper, sed solum est pauper pro loco, vel tempore, tenebitur postea veris pauperibus ad restitutionem. Est communis. Ratio est, quia ex ordinatione Ecclesiæ, & consuetudine piorum, veris pauperibus sunt distribuenda. Pro loco pauper est, qui alibi bona habet. Pro tempore, qui nouit artem, vel industriam, qua facilè sibi comparare potest necessaria ad statum.

Q V Æ S T. XLV. *An inuenta, quæ incertum dominum habent, sint danda pauperibus?*

1. **P**rima Conclusio. Probabile est inuentorem ea posse retinere, si post diligentem inquisitionem non fuerit inuentus eorum dominus. Ita *Dom. Sotus l. 5. quæst. 3. art. 3. ad 2. Et Petr. Nauarr. l. 4. c. 2. num. 75. ubi citat Medinam, & quosdam alios.* Ratio est, quia hæc bona hoc ipso, quod dominus eorum inueniri non potest, censentur ἀνεκδοτα, ac proinde iure naturæ fiunt occupantis, sicut thesauri, & alia, quæ nullius sunt, nisi quod tacita quædam obligatio illis annexa sit, ut si dominus compareat, restituantur. Confirmatur, quia super huiusmodi bonis nunquam solet fieri compositio cum Pontifice, ut testatur Petr. Nauarr. quod signum est ea non esse necessariò in pios vsus eroganda.
2. Secunda Conclusio. Probabilius est huiusmodi bona pauperibus, vel aliis piis operibus esse impendenda. *Primò.* Quia est communior sententia, quam sequitur D. Thom. *art. 5. ad 3. & alij passim Theologi, & Canonista.* *Secundò.* Quia magis fauet pietati. *Tertiò.* Quia est communis piorum consuetudo, quæ ex praxi communis sententiæ viguit vsque ad Dom. Sotum. *Quartò.* Quia hæc videtur esse voluntas dominorum, ut res ipsorum perditæ conferantur in pauperes.

QVÆS. 46. An acceptum ob turpem causam sit necessariò restituendum & cui?

1. Prima Opinio est, pro nullo opere, quod per se turpe, seu peccatum sit, ut est fornicatio, adulterium, homicidium posse à liquid accipi; & si quid sit acceptum, id esse necessariò restituendum, nisi videatur gratis donatum. Ita *Medina C. de restit. quæst. 10. & 28 Idem aliquando sensit Navar. c. 17. num. 38. & seq.* Fundamentum est, quia peccatum est nullius pretij, utpote nihil, teste Augustino, ac proinde prolus inuendibile.

2. Secunda Opinio est, pretium acceptum pro opere turpi, quod non sit contra iustitiam, non esse restituendum: secus verò, si sit contra iustitiam. Ita *Sotus l. 4. quæst. 7. art. 1. ad 2.* Ratio est, quia acceptum pro opere debito ex iustitia, necessariò est restituendum, ut patebit ex seq. quæst. ergo etiam quod acceptum fuerit ex opere iniusto.

3. Tertia Opinio est, acceptum pro omni opere pravo, quod legibus punitur, esse restituendum: secus verò de accepto pro opere, quod leges non puniunt. Ita *ferè omnes utriusque iuris D D. quod refert Connarr. ad reg. Peccatum. pag. 2. §. 2.* Ratio sumitur ex *L. Generaliter, ff. de verb. oblig. & L. Pacta, C. de pactis*, ubi dicitur stipulationes, & pacta, quæ sunt contra bonos mores nullam vim habere. Vnde sequitur id, quod ex vi talium pactorum accipitur, seu stipulationum, non effici accipientis, ac proinde restituendum.

4. Prima Conclusio. Si solum Ius naturæ spectetur, non teneris restituere quod accepisti ob turpem causam seu propter opus prauum, siue illud sit contra iustitiam, siue non, quando opus iam impletum est. Ita *D. Th. a. 5. ad 2.* ubi generatim docet posse retineri id quod propter opus malum est acceptum. Ratio est, quia si iure naturæ esset restituendum, deberet restitui ei,

qui dedit, atqui huic non debet restitui, quia in accipiendo nullam ei fecisti iniuriam. Nam liberè & libenter tibi dedit, pro opere, quod tu facere non tenebaris. *Secundò*, Quia etsi opus malum non sit æstimabile pretio quatenus malum; est ramen æstimabile quatenus est vtile, vel delectabile, vel laboriosum, vel periculosum. Dixi *opere impleto*, quia ante opus impletum, teneris restituere, ed quòd opus, propter quod datur, debeat omitti.

5. Secunda Conclusio. Nec iure positivo teneris restituere. Ita *D. Anton. p. 2. t. 2. c. 5. Angelus v. restitutio §. turpe*, Sylu. *v. restitutio. 2. Nauarr. cap. 17. num. 30. & 36. & alij nonnulli*. Ratio est, quia leges supra citatæ & similes, quæ pacta turpia & iniqua rescindunt, non ideo reddunt irritam acquisitionem rei ex tali causa, nec faciunt accipientem inhabilem ad comparandum eius rei dominium, sed solum decernunt, ut ante opus patratum habeantur illa pacta inualida; & ne ex illis oriatur obligatio ciuilis, id est, ob quam possit in iudicio peti promissum, ut docet *Couarr. & Nau. supra.*

6. Dices Qui accipit aliquid ob maleficium; peccat, quia videtur illud approbare: ergo non potest accipere: ergo nec retinere. Respond. Accipere vel dare pretium ante maleficium patratum est peccatum, quia qui tunc dat, inducit ad maleficium, & qui accipit, spondet & promittit maleficium. Nam sub tali conditione datur & accipitur. Dare autem vel accipere post maleficium patratum non est peccatum, quia tunc non datur vel accipitur, quod maleficiū placeat, sed ratione laboris sumptus, vel periculi suscepti, vel ratione pacti onerosi & fidei obligatæ, quod fieri potest cum perfecta criminis detestatione, & animo nunquā commitendi,

7. Tertia Conclusio. Etsi hæc sententia verior sit, tamen non est improbabile iure positivo teneri

neri te restituere id quod accepisti ob crimen legibus punibile, nisi censeatur donatum. *Primò*, quia ferè est communis peritorum sententia. *Secundò*, quia habet probabiles utcumque rationes ex legibus petitas; sed tunc quæstio est cui debeat restitui. Plerique docent restituendum esse pauperibus. Ratio est, quia cum leges non velint illud restitui illi qui dedit, & induxit ad maleficiū, neque possit retineri iuxta hanc sententiam, consequens est, ut in pias causas expendatur.

QVÆST. XLVII. *An acceptum ob honestam causam ad quam tamen obligaberis debeat restitui?*

1. **V**erbi gratia, si des Petro aliquid, ut faciat, vel omittat, quod tenetur facere, vel omittere. An Petrus teneatur id restituere? Aliqui simpliciter affirmant ut *Medina. q. 26. Nau. c. 17. n. 34. Couar. ad regul. Peccatum p. 2. §. 3.* Alij putant non teneri, nisi actio, vel omissio, fuerit debita ex iustitia.

2. *Prima Conclusio.* Si actio vel omissio sit debita ex iustitia, non potest pro ea quidquam exigere, & quod acceptum fuerit, est restituendum. Est communis. Ratio est, quia manifestè violatur æquitas, si pro eo, quod iam ex iustitia est absolutè debitum, aliquid amplius exigatur vel accipiatur. *Secundò.* Quia id quod datur pro iustitia obtinenda, vel iniuria vitanda, non censeatur dari sponte, sed coactè, & ex metu iniuriæ, proueniente ab eo, cui datur: ergo necessariò est restituendum, quia censeatur per tacitam quandam iniuriam extortum. Hinc sequitur: *Primò.* Iudicem teneri restituere id quod accepit ut iustam sententiam ferret, intellige si datum est timore iniuriæ, aliàs non dandum. Secus si instar muneris liberalis, ut maiorem, quàm solet, & quam tenetur, adhibeat in mea causa diligentiam. *Secundò.* Sequitur testem debere restituere, quod accepit, ut verum testimonium diceret: Et si enim non

semper ex iustitia tenetur testari, tamen si testari velit, tenetur ex iustitia testari veritatem, si tamen veritatis testimonium esset detrimentosum, posset aliquid exigere pro damno, vel periculo, quod metuitur. *Tertiò*, Sequitur, nihil posse exigere pro reddendo deposito, vel commodato, vel inuento, vel pro soluendo debito; quod intellige de ipsa nuda redditione, nihil habente laboris, aut molestiæ. Secus si coniunctus sit labor, vel aliquid aliud pretio æstimabile. *Quartò*. Sequitur nihil etiam exigere posse, ut non fureris: non occidas: non detrahas: quia hæc omissiones ex iustitia sunt debitæ absque ullo pretio, & nihil sumptus vel laboris habent. Vnde L. 2. ff. *de conditione*, ob turpem causam, dicitur: *Iulianus scribit, si tibi dederò, ne hominem occidas; condici posse* (i. posse repeti.)

3. Dices. Et si talis ommissio est debita, non tamen est debita in tui gratiam: ergo si quis tuam causam omitat aliquid, poterit ratione huius obsequij aliquid exigere & accipere. Dominicus Sotus l. 4 q. 7. a. 2. ob hoc argumentum concedit posse sic aliquid accipi; sed communis sententia est in contrarium. Ratio est, quia quando actio vel ommissio secundum se est inuendibilis, etiam est inuendibile obsequium. quod fit in tui gratiam: alioquin etiam usurarius posset aliquid exigere, quod in tui gratiam mutuum dat alteri; & collator beneficij quod tua causa huic conferat; & Iudex quod tua causa iustam sententiam ferat: tale enim obsequium, quando opus est absolutè debitum, non censetur dignum pretio apud homines, sed ut summum amicitia.

4. Secunda Conclusio. Si actio sit debita proximo ex charitate, non potest pro ea pretium exigere, nisi fortè sit laboriosa, vel sumptuosa; ita *Conarr. & Medina supra*. Ratio est, quia talis actio communi hominum iudicio non est pretio æstimabilis. *Secundò*. Quia cum valde interfit proximi ut illa fiat, si quid pro ea det,

det, censetur coactè dare. Hinc sequitur te nihil posse exigere, vt deponas ex animo odium mei, vel vt mihi iudices furem qui res meas surripuit, vel locum vbi deposuit, si id sine labore, sumptu, periculo facere possis.

5. Tertia Conclusio. Quando aliquid datum est pro actione vel omissione, quæ tantum cedit in commodum accipientis, vel in honorem Dei, non necessario est restituendum, sed potest retineri. Ita Petr. Nauar. l. 4. c. 2. n. 100. Ratio est; quia tunc censetur liberaliter esse donatum ex causa, vel sub conditione: nemo enim ab alio emit actiones, vel omissiones liberas illi soli commodas, vel Deo honorificas, ad quas tenetur. Sed si quid pro illis offerat, vel det, censetur datum in bonum illius, vel ad honorem Dei, merè liberaliter. Hinc sequitur eum, qui aliquid accepit ab altero, vt fieret Christianus, vt confiteretur in paschate, vt non fornicaretur, non blasphemaret, posse retinere; nec teneri restituere, nisi repetatur in iudicio.

QVÆSTIO XLVIII.

Quando restitutio facienda sit ratione contractus?

1. Nota primò. Contractus esse duplices. Alij sunt, per quos transfertur dominium vt venditio, permutatio, donatio, mutuum. Alij per quos non transfertur dominium, sed res traditur, vel ad aliquem vsum, vt commodatum, precarium, locatum, vel ad solam custodiam, vt depositum & pignus.

2. Nota secundò. Alios referri in vtilitatem solius accipientis vt mutuum, donatio, commodatum, precarium: Alios in vtilitatem solius donantis, vt depositum; alios in vtilitatem vtriusque contrahentis, vt venditio, locatio, & pignus. Nam licet pignus immediate sit ad securitatem debiti, ac proinde ad vtilitatem creditoris: quia tamen debitum necessariò præsupponit vtilitatem debitoris; ideo contractus pignoris censetur esse in vtilitatem vtriusque contrahentis. Fieri etiam potest,

potest, vt in deposito detur aliquod pretium ratione custodiæ, & tunc etiam, pertinet ad vtilitatem vtriusq;.

3. Nota *tertiò*. In contractibus posse damnum dari ex triplici capite, nempe dolo, culpâ, & casu fortuito. Aliter autem accipitur culpa apud Iurisperitos: Aliter apud Theologos. Nam apud Theologos culpa idem est, quod peccatum, siue mortale, siue veniale: apud Iurisperitos verò est idem, quod ommissio alicuius diligentia, ex qua sequitur aliquod incommodum. Diuidunt autem culpam in latam, latiore, latissimam: leuem, & leuissimam, Culpa latissima, est dolus apertus, Latior, est dolus præsumptus. Est autem dolus quæuis caliditas, fallacia, & machinatio ad circumueniendum, fallendum, & decipiendum adhibita. Calliditas fit tacendo, fallacia mentiundo: machinatio arte verborum. Ita tradit Glossa L. i. ff. *de dolo*, quam passim sequuntur DD. Culpa lata est ommissio eius diligentia & circumspeditionis, quam passim homines eiusdem conditionis adhibere solent, vt si quis liberum commodatum relinquat foris ante ostium. Culpa leuis est ommissio eius diligentia & circumspeditionis, quam solent diligentiores illius artis vel professionis adhibere. Culpa leuissima est ommissio diligentia, quam diligentissimi & prudentissimi viri adhibent. Vide Nauar. *cap. 17. n. 177. Sylu. v. Culpa, in principio.*

4. His positis, quæstio est, an ex quauis culpa oriatur obligatio restituendi in contractibus. Dom. Sorus l. 2. q. 7. a. 2. putat solum oriri ex culpa mortali, ita vt si is cui res locata, commodata, vel oppignorata est, negligenter eam custodiat, & ipsa per eius negligentiam pereat, non teneatur ad restitutionem, nisi negligentia fuerit tanta: vt sit peccatum mortale coram Deo. Idem docet Emman. Sa. v. *Commodatum*, & Henric. de *irregularit. cap. 15.* vbi dicite eos, qui contrarium tenent, esse limitandos, vt id locum habeat in foro exteriori tantum.

5. Prima Conclusio. Si res apud cōmodatarium, vel conductorem pereat fortuito, ad nullam ipse restitutionem tenetur, nisi aliter expressè sit conuentum. Ita habetur c.*unico, de cōmodato*. Ratio est, quia res quæque domino suo perit, si nulla intercessit culpa vel pæctio, ratione cuius tenearis ad damnum sarcindum.

5. Nota tamen in tribus casibus teneri commodatarium de euentu fortuito, qui in illo capite exprimuntur. *Primò*, Si intercessit pæctum de restituendo, quomodocumque perierit, quod pæctum semper potest exigere is, qui commodat gratis: non autem qui iusto pretio, quia supra iustum pretium nil potest exigi pretio æstimabile. *Secundò*, Si sit in mora restituendi, vt si tempore statuto non restituat, & postea pereat. *Tertiò*, Si ex culpa data sit occasio casui fortuito, vt si non sis vsus re illa eo loco, quo conuentum est, sed alio, vbi erat maius periculum, ipsaque perit v. g. accepisti vtendum vas argenteum domitux, & foras extulisti. *Vide Instit. quibus modis retrahitur obligatio. §. Item is.*

7. Secunda Conclusio. Si spectemus præcisè Ius naturæ, nemo tenetur de damno dato in re alterius, etiam apud ipsum sit ex contractu, nisi ob dolum, aut latam culpam. Ratio est, quia iure naturæ nemo tenetur maiorem diligentiam præstare in custodia rei commodatæ & conductæ, quàm in re propria, & quam ipse dominus adhibuisset, si apud ipsum mansisset; ergo si hæc diligentia sit præstita, si contingat rem perire, sine culpa peribit, ac proinde sine iniustitia. Atqui nemo tenetur iure naturæ in conscientia de damno dato, nisi iniuste datum sit: ergo cum hîc nulla sit iniustitia commissa, non obligabitur in conscientia. Confirmatur *primò*, quia quando quis præstitit omnem diligentiam quam tenebatur præstare, tunc res censetur casu periisse. *Secundò*, Quia iure naturæ non minorem postulat custodiam precarium, quàm commodatum (cum pre-

carium nihil aliud sit, quam commodatum ad tempus incertum, ad arbitrium domini) atqui precarium non requirit nisi custodiam communem, ita ut solum præstare debeas dolum & latam culpam, ut patet *L. contra-ctus*, ff. *de reg. iuris*, & *L. Quæsitum est*, ff. *de Precario*.

8. Tertia Conclusio. Spectatio iure humano, si res alterius apud te sit per contractum, qui in tuam solius utilitatem tendat, teneris non solum ex culpa lata, sed etiam ex leui, & leuissima. v. g. si gratis tibi commodavi librum, equum, vestem, tuâ causâ, teneris in ea re custodienda adhibere non solum eam diligentiam, quam homines communiter in suis rebus similibus præstare solent, sed etiam quam diligentiores & quam diligentissimi. Probatum ex c. *unico de commodato*, ubi dicitur, cum gratia sui tantum quis accommodatum acceptat, de leuissima etiam culpa tenetur. Idem dicitur in *L. in rebus commodatis*, ff. *commodati*, vel contra. Ratio est, quia æquitas ita postulat, ut is qui gratis re alterius utitur in suam utilitatem, adhibeat summam diligentiam, ne domino pereat: id enim iure naturæ ex gratitudine præstare debet. Unde sufficiens fuit fundamentum ad hoc lege sanciendum, & inducendam strictam obligationem.

9. Quarta Conclusio. Si contractus tantum cedat in commodum domini cuius ipsa res est, teneris solum ex dolo, vel lata culpa: non autem ex leuissimâ vel leui. Ita colligitur Institut. *quibus modis retrahitur obligatio* §. *Præterea & is*, ubi dicitur depositarium, qui gratis rem depositam custodit, teneri solum ex dolo, ubi nomine doli etiam lata culpa comprehenditur, ut ibid. insinuat Glossa. Ratio est, quia æquitas postulat, ut tunc non tenearis maiorem custodiam præstare, quam passim homines in suis rebus solent, cum tibi nulla fiat gratia, nec tuum commodum spectetur, sed solius domini.

10. Quinta Conclusio. Si contractus cedat in utilitatem utriusque, teneris ex culpa lata & levi: non autem ex leuissima. Probatur ex *L. contractus*, ff. de *regulis iuris*, & Institut. §. *supra creditor*. Talis est contractus pignoris ut supra dixi. Vnde is qui pignus accepit, non tenetur, nisi ad exactam diligentiam in eo custodiendo, *Instit supra*: non tamen ad exactissimam, ut ibidem probat glossa. Talis est etiam contractus conducti & locati, & præterea contractus depositi, quando datur pretium pro re in custodia. Ratio est, quia cum aliena res tibi concedatur in tuam utilitatem, æquitas postulat, ut valdè diligenter eam custodias, non tamen diligentissimè, quia non tua solius causa, sed etiam ob commodum domini traditur.

11. Quæres. An hæc leges obligent in conscientia ante sententiam iudicis ad resarciendum damnum ex culpa levi vel leuissima datum. Negat Sotus, quia putat esse leges pœnales, & procedere ex præsumptione culpæ interioris. Alij affirmant, ut *Couarr. in epist. 4. decret. p. 2. c. 6. §. 6. num. 15. Nau. cap. 17. n. 84*. Respond. primò, Probabile est non obligare ante sententiam iudicis, non quod hæc leges pœnales sint, cum restitutio non sit pœna, sed quod in foro conscientie non videatur receptæ: hæmo enim est, qui pignori vel rei conductæ putet se maiorem custodiam debere ex iustitia, quàm dominus ipse adhibere solet. Idem videtur de commodato. Nam etsi maiori cura hoc custodiat, quam dominus, non tamen id facit quod putet se teneri ex iustitia, sed tantum ex gratitudine. Respond. secundo, Contraria sententia est communior, ac proinde ordinariè in praxi seruanda. Ratio est, quia istæ leges sanciant id, quod naturali æquitati est consentaneum circa rem alienam, quam ex contractu apud nos habemus: ergo qui facit talem contractum, implicite se obligat ad præstandam eam diligentiam, quam leges illæ requirunt:

requiruntur: ergo si hanc diligentiam non præstet, tenetur ad restitutionem.

De ordine in restitutione seruando.

QVando bona debitoris sufficiunt in solutionem omnibus creditoribus tunc non opus est vlllo ordine. Nam omnibus integrè est satisfaciendum, sed tum demùm certus ordo seruandus est, quando non sufficiunt.

QVÆST. 49. *An debita certa sint prius soluenda quàm incerta?*

1. **D**ebitum tribus modis dicitur incertum. *Primò.* Si non constat, an debeat, necne, & tunc non est necessaria restitutio, quia melior est conditio possidentis. *Secundò.* Si constat quidem rem deberi, sed dubitas, cui ex duobus vel tribus debeat; & tunc si dubium est, æquale, res æqualiter est inter eos diuidenda, si inæquale maior pars debetur ei, de quo est minus dubium. *Tertiò.* Si constat quidem rem deberi, sed nescitur cur, vel quibus ex tota multitudine debeat. De hoc hîc quæstio est.

2. **Prima Conclusio.** Si res quæ incertum habet dominum in specie sua est aliena, vt equus, vestis, torques, tunc primo loco est restituenda non certis creditoribus: sed iis, quibus incerta restitui solent, nempe pauperibus, quamuis nihil aliud super sit, quod creditoribus restitui possit. Est communis Ratio, quia creditoribus debet satisfieri ex propriis bonis, non alienis. Itaque hæc omnia sunt segreganda à bonis debitoris, & in pios vsus eroganda.

3. **Secunda Conclusio.** Si autem res ipsæ non sint in sua specie alienæ, tunc ex iis prius facièda est restitutio certorum debitorum, quàm incertorum. Est communis. Difficultas autem est, quænam sit huius ratio. Qui putant incerta iure naturæ pauperibus esse danda, valde laborant in assignâda ratione, nec vllam afferunt,

afferunt, quæ omnino satisfaciat; sed iuxta nostram sententiam non est difficile. Ratio ergo est, quia iure naturæ tenetur debitor ex iustitia soluere creditoribus certis, etiamsi nulla lex positiua id iuberet, idque de bonis suis, quorum dominium habet: non tamen iure naturæ de his bonis tenetur, soluere creditoribus incertis, quia his ipsis solutio fieri non potest. Quod eorum loco teneatur pauperibus, id solum iure positiuo constitutum est, quod Ius locum non habet, quando certi creditores extant.

QVÆST. 50. *An inter creditores certos, prius soluendum sit venditori, cui pretium nondum est solutum, re vendita adhuc extante?*

1. **P**rima Conclusio. Si res, quæ fuerat vendita, fuerit Ecclesiæ, vel fisci, vel minoris, & adhuc extet inter bona debitoris: ante omnia soluendum est pro ea pretium iustum, vel certè res ipsa est restituenda. Ratio est, quia talis rei non est translatum dominium per conuentionem mutuam, & securam traditionem, nisi re ipsa persoluatur pretium, vt docet Angelus v. *emptionum*. 4. Sylu. *ibid. n. 2*, Bartholus in *L. Dino Pio*, ff. *de re iudicata*. Panorm. in c. *cum olim*, de officio delegati, vt colligitur ex *L. si curator*, ff. *de iure fisci*, iuncta *Glossa*. Vnde sequitur talem rem vbicumque extiterit, etiamsi aliis vendita fuerit, posse vindicari.

2. Secunda Conclusio. Si res alicuius alterius vendita fuerit tali debitori, & ille nec pignus, nec fideiussorem dederit, nec pretium in præsentem obtulerit, nec venditor illud pro soluto habuerit fidens emptori, tum vel pretium ante omnia soluendum est, vel res restituenda venditori. Ratio, quia iure communi in hoc casu nondum censetur translatum dominium, etsi res tradita fuerit. Instit. *de rerum diuisione*, §. *vendita*. Vbi dicitur, venditæ verò res & traditæ non aliter emptori acquirantur, quam si is venditori pretium,

soluerit, vel alio modo ei satisfecerit, veluti ex promissore, aut pignore dato. Idem habetur L. *Quod vendidi*, ff. de contrahenda emptione. Vnde sequitur rem talem ubicumque extiterit vindicari posse, ni pretium solutum fuerit, ut dicitur L. *procuratoris* ff. de tributoria actione.

3. Dices. In eodem §. Instit. de rerum diuisione dicitur. *Sed si is qui vendidit fidem emptoris secutus fuerit, dicendam est statim rem emptoris fieri*: semper autem videtur fidem emptoris sequi, quando ei credit absque fideiussore, vel pignore: ergo tunc semper transfertur dominium. Respondeo. Tunc tantum censetur sequi fidem emptoris, quando ipsius nuda promissione est contentus; perinde ac si pretium esset solutum, quod Ulpianus in L. *procuratoris* ait, in creditum abire, & Pomponius in L. *Quod vendidi*, fidem habere emptori sine vlla satisfactione.

4. Quæres. An ergo tunc venditor non habeat ius prælationis? Non habere docet *Conarr. l. 1. variar. resol. cap. 7. num. 3. Petr. Nau. l. 4. c. 4. num. 36. Molina disp. 539.* Probatur *Primo*, quia illa res non est amplius veditoris, cum translatum in dominium, ut suppono; neque manet illi obnoxia iure hypothecæ. Nam neque iure naturali, neque iure positiuo constituta est in tali re hypotheca. Nō iure naturali quia hoc iure nulla inducitur tacita hypotheca. Quando enim contrahentes pacto expresse non obligant rem solutione; tunc iure naturali non censetur obligata priori domino, cum eius dominium perfectè in alium transierit; non secus, ac si solutio in præsentia esset facta. Non etiam iure positiuo, quia in toto iure Cæsareo non reperitur vlla lex, quæ in tali re constituat hypothecam. *Secundò*. Si emptor ille alteri rem venderet, prior veditor non posset eam vindicare: ergo nō erat ipsi hypotheca. *Tertiò*. Quia neque expressa hypotheca ex conuentione contrahentium potest

potest in emptione sic constitui, vt venditor habeat Ius prælationis, præ aliis hypothecis iure positiuo constitutis. Nam contrahentes non possunt suo consensu efficere, vt is qui iure ciuili, vel municipali, habet ius prælationis, debeat postponi, vt verbi gratia, si emi à re domum, vel nauim, & postea ad eius reparationem accipiam ab alio pecuniam mutuam, hic tibi præferetur in solutione, quia iure positiuo habet Ius prælationis, etiam respectu præcedentium hypothecatum. Ex his videtur sequi venditorem esse numerandum inter creditores hypotheca carentes, ac proinde omnibus hypothecam habentibus esse postponendum. Hæc sententia est probabilis, nihilominus contraria videtur magis æquitati consentanea: nempe venditorem, si ab emptore fideiussorem, vel pignus non acceperit, & res adhuc apud emptorem extet, in ea re cæteris esse præferendum, ita vt vel pretium ei soluendum sit, vel res ipsa restituenda. Ita Caiet. v. *restitutio*, cap. 8. Sylu. v. *restitutio* 6. quæst. 5. Ruyus eodem v. num. 36. Medina C. de *restitutione* quæst. 2. N. arr. c. 17. num. 49. & alij plures apud Syluest. Probatur primò quia valdè durum est & ab æquitate naturali valdè alienum, vt res mea, quam à me emisti, non soluto pretio extans in sua specie aliis assignetur, & ego re mea simul & pretio frauder. Supposito enim iure humano statim iudicio naturali, quiuis censeret, æquitatis esse, vt venditori res sua restituatur, si emptor soluendo non sit. quam vt detur alteri. Secundo. Si tibi locaui meam domum, inuecta & illata in eam manent obligata pignori pro pensionibus annuis, & damnis in domum datis, vt habetur L. 2. ff. *ex quibus causis pignus vel hypotheca tacita contrahatur*: ergo argumento à potiori etiam res vendita manet obligata pro pretio.

7. Ad Primum argumentum in contrarium. Respondeo. Et si iure naturæ, seu gentiū, non contrahatur vlla

hypotheca perfecta, qualis iure positio: nempe in quam retineant Ius, apud quemcumque extet: bene tamen potest contrahi imperfecta, & inchoata, in quam retineatur Ius, quamdiu extat apud emptorem. Talem videtur habere venditor in re empti, ut dictum est, si tamen emptor alteri vendat, non manet amplius obligata, sicut nec pretium pro ea acceptum. *Ad secundum.* Inde tantum sequitur, non esse hypothecam perfectam, quales sunt omnes hypothecæ speciales iure positio constitutæ. *Ad tertium.* Inde solum probatur aliam hypothecam huic præferendam; nempe eam, quæ constituta est ratione mutui accepti ad rei instaurationem, secus de aliis.

QVÆST. LI. *An debita ex delicto præferenda sint debitis ex iusto contractu?*

1. **A**liqui putant præferenda esse, nisi fortè in contractu interuenerit hypotheca; & quo delictum fuit maius, eò quoque priorem debere restitutionem fieri. Ita Medina *C. de restitutione quest. 1. Solon. quest. 62. art. 8. in fine. D. Thom. opusc. 73. c. 18.* Vnde post hypothecas. *Primò.* Restituendum est debitum ex rapina, *Secundò.* Ex furto. *Tertiò.* Ex usuris. *Quartò.* Ex contractu oneroso ut ex mutua emptione: *Quintò.* Ex contractu gratuito, ut ex legato, promissione non completa. Ratio est, quia illa debita sunt prius soluenda quæ cum maiori iniuria & peccato sunt contracta. Alij contrarium docent, nempe, prius soluenda esse debita ex contractu iusto oneroso quam ex delicto nisi fortè res ex delicto parita in specie sit aliena. Ita Caiet. *v. restitut. c. 8. Nauarr. cap. 17. num. 52.*

2. Conclusio. Probabilius est nullum esse ordinem inter hæc debita, sed ea tali iure censerì, & esse debita personalia, sine iure prælationis: præsertim si res ex contractu accepta apud debitorem non extet. Ita Sylu. *v. restit. 6. quest. 5. Petr. Nauar. l. 4. c. 4. num. 41.*

alij

alij recentiores. Probatur primò, quia neque iure positivo aliquid de hac re cautum est, neque vlla ratio sufficiens afferri potest, qua probetur, ius naturæ postulare, ut alterum debitum alteri præponatur: ergo sunt paria. *Secundò.* Quia et si maior fiat iniuria per rapinam quàm per furtum, tamen postea, dum quis non vult restituere, est eadem iniustitia in ipsa rei detentione: eiusdem enim speciei peccatum est, non soluere debitum ex rapina & furto, quia æquè fit inuito domino. Quamvis enim in rapina sit maior iniuria, non tamen est maius damnum, ac proindè nec maior obligatio restituendi.

QVÆST. LII. *Quis ordo seruandus sit in solutione certorum debitorum?*

I. **R**estituenda sunt primò ea, quorum dominium nō fuit translatum in debitore. *Secundò*, soluendum pro moderatis expensis funeris debitoris, L. pendit. ff. *de religiosis & sumptibus funeris.* *Tertiò* soluendum iis, qui habent hypothecam (quantum ea se extendit) ante alios qui non habent L. eos, C. *qui potiores in pignore.* Ratio, quia hypotheca datur creditori ad securitatem, ut in omni euentu possit ex ea curare sibi satisfieri. *Quartò*, inter hypothecarios creditores, soluendum est iis, qui tempore sunt priores iuxta illam regulam iuris: qui prior est tempore, potior est iure, quæ intelligenda est de iis, qui in eadem re habent hypothecam, ut docet Sylu. v. *restitutio* 6. quæst. 5. & colligitur ex variis LL. C. *qui potiores in pignore.* Estque generaliter vera, siue hypotheca sit tacita, siue expressa: siue generalis, siue specialis; exceptis quibusdam casibus, de quibus Iureconf. *Quintò* post eos, qui habent hypothecam, si quid supersit, soluendum creditoribus personilibus, id est qui nō habent vllam rem debitoris sibi immediatè obligatam, sed solam personam. Inter hos primo loco soluendū iis, qui habēt personale priuilegium prælationis absque hypotheca, quale habet spōsa de fa-

turo in bonis sponſi, ratione dotis traditæ non ſecundum matrimonio. *Secundò*. Soluendum cæteris creditoribus Chirographariis ex titulo oneroſo, unicuique pro rata nõ habita ratione temporis prioris, vel poſterioris, quo debitum eſt contractum. *Tertiò*. Soluendum creditoribus ex titulo gratuito, vt ſi defunctus alicui piæ cauſæ aliquid vouerat. *Quartò*. Reliqua erunt pro hæredibus, & legatariis, ita tamen vt hæredes præcedant legatarios ad iuam legitimam obtinendam, ſi ſint hæredes neceſſarij, vel ad quartam bonorum, quæ dicitur falcidia, ſi non neceſſarij.

2. *Quæres primò*. An inter creditores personales cæteris paribus præferri poſſit is, qui prius exigit ſolutionem debiti. Affirmant *Nauarr. cap. 17. num. 52.* & *Sylu. v. reſtitutio 6. quæſt. 8.* & colligitur ex *L. pupillus, ff. Quæ in fraudem credit.* Ratio, quia diligentia poſterioris creditoris fecit eum potiorẽ, ſicut hypothecæ, vel priuilegium, vt dicitur *in prædicta L.* Vnde ſequitur creditorem poſſe petere integrum debitum, quando timet debitorem non fore omnibus ſoluendo, & retinere, vbi acceperit.

3. *Quæres ſecundò*. An cæteris paribus præferendi ſint pauperes ditioribus? Affirmat *Medina, & Salomus ſuprà*. Alij rectius negant, quia pauper neque iure poſitiuo habet Ius prælationis, vt patet: neque iure naturali, niſi fortè ſit in extrema, vel graui neceſſitate, ita vt charitas obliget illi ſubuenire, tunc enim creditor diues meritò pari debet ſuum debitum differri, vel nunquam ſolui, vt alteri pars Ius habenti in tali neceſſitate conſulatur.

QV. LIII. *Quo loco, & cuius expenſis faciendæ ſit reſtitutio?*

1. *S*uppono ex dictis obligationem reſtitutionis naſci. *Primò*. Ex iniuſta acceptione. *Secundò*. Ex re accepta. *Tertiò*. Ex contractu.

2. *Prima Concluſio*. Si debitum ortum ſit ex iniuſta

iusta acceptione, restitutio facienda est expensis debitoris, idque eo loco, vbi dominus rem suam possessurus erat, nisi ablata fuisset. Ita *Caiet. art. 5. ad 3. Sorus l. 4. q. 7. art. 1. ad 3. Medina C. de restit. quæst. 2.* Ratio est, quia ex eo quod dominus rem suam amiserit debitoris iniquitate, non debet vllum damnum sentire: ergo restitutio non debet fieri ipsius expensis, sed debitoris, qui sibi imputet, quod eas subire cogatur.

3. Dices. Ergo tenetur ad amplius, quam ad rei ablatæ, seu damni illati compensationem. Respondet. Verum est ad amplius teneri, quam damnum secundum se consideratum æstimeretur, non quidem ut dominus inde plus accipiat commodi, quam accepit detrimenti, sed quia id est medium necessarium, ut fiat restitutio.

4. Secunda Conclusio. Quæ debentur solum ratione rei acceptæ, restituenda sunt in loco vbi habetur, nec teneris eam mittere domino expensis tuis, sed domino, ut si bona fide emeris rem à fure. Ratio est, quia cum tuo damno non teneris domino rem suam restituere, cum eam non iniuste acceperis, sed solum teneris ad eius custodiam, monito interim domino, quomodo velit eam sibi transmitti; qua in re non teneris vllos sumptus ferre.

5. Tertia Conclusio. Quæ debentur ex contractu sunt triplicia: vel enim debet restitui idem numero, ut depositum, commodatum, pignus: vel debet restitui quid distinctum, quod pro alio commutatur, ut in mutuo, venditione, locatione: vel debet restitui id, pro quo nihil accipitur, ut in promissione, donatione, testamento, legato. Hoc posito dico *Primò*. Quando ex contractu res eadem numero est restituenda, si in alterius tantum partis utilitatem accepta sit, debet eius expensis restitui, idque eo loco, vbi fuit tradita, nisi aliter iuxta aliqua pactione conuentum sit. Dico *Secundò*. Quando

ex contractu pro re accepta restituenda est alia, restitutio ex natura contractus non quouis loco fieri potest, sed ibi facienda est, vbi res, pro qua datur, est accepta, secundum quem locum etiam res quæ datur, æstimanda est. Possunt tamen contrahentes de alio loco solutionis pacisci. Dico *tertiò*. Quæ debentur ratione donationis, legationis, testamenti, reddenda sunt in loco, vbi erant cum donantur, nisi aliud in ipsa dispositione expressum fuerit, ac proinde expensis eius cui donata sunt.

Q V Æ S T. 54. *Qua causa excuset à restitutione?*

1. I Oannes Medina L. de restitutione quæst. 3. numerat

12. causas à restitutione excusantes. *Prima* est Inopia debitoris. *Secunda*. Remissio creditoris. *Tertia*. Cessio bonorum. *Quarta*. Damnum, quod verisimiliter putatur creditori, vel Reipub. vel alicui alteri obuenturum. *Quinta*. Solutio facta creditori tui creditoris. *Sexta*. Rei debitæ interitus. *Septima*. Iuris & Iudicis auctoritas. *Octaua*. Religionis ingressus. *Nona*. Excommunicatio creditoris. *Decima*. Incertitudo creditorum. *Vndecima*. Dispensatio, vel compositio cum Papa. *Duodecima*. Compensatio.

2. Quæres *primò*. Quæ inopia excuset debitorem à restitutione. Respondeo *primò*. Externa & grauis necessitas excusat, quamdiu durat. *Secundò*. Transacta necessitate, si res adhuc extat, teneris eam restituere: si consumpta est, teneris rependere, si commodè potes, si fuit magni pretij, si non putetur donata. *Tertiò*, excusat etiam à restitutione statim facienda. *Primò* periculum magnum salutis animæ tuæ vel tuorum, vt si periculum sit, ne vxor vel filiæ præ inopia se prostituant, ne filij fiant latrones, ne ipse in desperationem incidas. *Secundò* magnum detrimentum in rebus non debitis, vt si non possis statim soluere creditori, nisi domum vel prædium aliquod vendas multo minoris, quam valeat

Tertiò,

Tertiò, notabilis iactura decentiæ status, vt si vir nobilis non posset statim soluere, nisi priuaret se omni obsequio famulorum & equorum. *Vide Anton. 2. pag. tit. 2. c. 8. & Nauarr. cap. 17. num. 57.*

3. *Quæres Secundò.* An remissio creditoris excuset. *Respondeo.* Excusat seruatis his tribus conditionibus. *Prima*, vt hæc remissio sit omnino libera, non extorta metu vel fraude. *Secunda*, vt possit remittere: nemo autem potest remittere, nisi qui donare. Vnde paterna debita non potest filius familias remittere, sicut nec vxor mariti. *Tertia*, vt remissio non fiat in casibus iure exceptis, qui sunt quatuor. *Primus* est, si Episcopus visitans Ecclesias, aliquid recipiat ab eis præter sumptus, qui necessarij sunt ad victum illis diebus, quibus visitat: tunc enim tenetur ad restitutionem intra mensem, & quidem in duplum: etiam si ei libera fiat remissio à dantibus, c. *exigit, de censibus & exactionibus.* *Secundus* est, si Iudex delegatus aliquid recepit à partibus, nisi fortè esculenta aut poculenta liberaliter oblata, quæ paucis diebus possint consumi: vel si dum cogitur extra domicilium proficisci, acceperit plus, quàm moderatas expensas: vel denique si aliquid acceperit, quando partes sunt notabiliter pauperes: tunc enim non obstante quauis remissione tenetur restituere, vt patet c. *statuum*, de rescriptis in 6. *Tertius* est, si inquisitores prætextu officij inquisitionis pecunias extorserint. Has enim teneantur restituere nullis priuilegijs pactis vel remissionibus super hoc valituris, vt habetur *Clementina Nolentes*, de hæreticis in 6. *Quartus* est, si Canonicus, qui officio non interest, accipiat distributiones, tenetur restituere, nec prodest remissio cæterorum, quibus illæ accrescunt, vt habetur in *Concil. Trident. sess. 24. c. 12 de reform.*

4. *Quæres tertiò.* An cessio bonorum excuset à solutione. *Respondeo primò.* In foro conscientiæ non

magis excusat, quàm necessitas sine cessione excusaret. Ita Nauarr.c. 17. num. 86. Ratio est, quia in hac cessione tantum conceduntur alimenta necessaria, vt patet L. *Qui bonis ff. de cessione bonorum*. Atqui hæc etiam absque cessione retineri possunt iuræ naturæ & gentium: non enim tenetur debitor se spoliare necessariis alimentis, ita vt cogatur mendicare. Respondeo *secundò*, in foro tamen exteriori cessio ad hoc iuuat, ne debitor possit conici in carcerem. L. 1. *Qui bonis cedere possunt*. Item ne si post cessionem aliquid acquirat, ei possit auferri, quando est necessarium ad suam vel suorum sustentationem. L. *is qui bonis, ff. de cessione bonorum*, & §. *ult. inst. de actionibus*. Resp. *tertiò*. Qui bonis cesserunt, si post ad lautiorē fortunam peruenerint, tenentur integrè satisfacere. L. *cum & filiis fam. C. Qui bonis cedere possunt*, & §. *ult. Instit. de action.* Ratio est, quia per cessionem non fuit extinctum, sed conscriptum debitum.

§. Quæres. *Quartò*. An si restitutio putetur creditori nocitura possit differri. Resp. *Primò*, potest differri, quia qui differt solutionem, vt creditorem ab imminente malo auocet, vtiliter & salubriter eius negotium gerit: ergo non potest iure id ægrè ferre. *Secundò*, aliquando debet differri lege charitatis, vt si creditor repetat rem suā, vt insumat in libidines, vel vt emat beneficia; & dilata solutione spes sit, malū illud impediendū: tūc enim ex charitate teneor differre, nisi inde aliquod notabile incommodum timeatur. *Tertiò*, aliquando etiam debet differri lege iustitiæ, vt si quis furens iracūdia in inimicum reposcat depositum gladium: tunc enim reddere esset propinquè cooperari. L. *si pignore, ff. de furtis*. 6. Quæres *quintò*. An si id quod tibi debeo, soluam tuo creditori, liberer à restitutione tibi facienda? Respondeo liberor in foro conscientiæ, si mihi constet, te illi debere. Ratio est, quia dum soluo tuo creditori 1001
cui

si debes tantundem, transfero in me ius, quod in te habebat, ad exigendum à te 100. Ergo si tibi tantundem debeam, possum uti compensatione. Dixi in *conscientia*, quia secundum Bartolum cogor in foro externo tibi soluere, nisi res debita, quam restituo tuo creditori, sit illi obligata, ut si conduxit à te domum, quam tu conduxisti ab illo: vel nisi mea causa factus sis illi debitor, ut si gerens mea negotia mutuum acceperis.

7. *Quæres sextò.* An interitus rei debitæ excuset. Respondeo *Primò*, si res quam debes restituere, sit in specie aliena, excusaris eius interitu, si non intercessit tua culpa, vel mora, vel pactum: secus verò si aliquid horum intercessit, nec si similiter fuisset peritura apud dominum. *Secundò*, si res non sit in specie aliena, sed tua, eius interitus te non excusat, ut si pecunia destinata solutioni surripiatur. Ratio est, quia res domino suo perit.

8. *Quæres septimò.* An iuris, vel Iudicis auctoritas excuset à restitutione. Respondeo. Excusat in quibusdam casibus. *Primò*, quando res legitimè est præscripta, vel usucapta: tunc enim auctoritas legis transfert dominium in eum, qui præscripsit, vel usucepit. *Secundò*. Quando Iudex in pœnam delicti per sententiam imponit creditori mulctam in fauorem debitoris. *Tertiò*. Quando Iudex ex auctoritate legum, & naturali æquitate, aliquid alicui adiudicat, quod aliàs non deberetur ex rigore iustitiæ: tunc enim is non tenetur restituere. *Quartò*, quando quis per sententiam Iudicis priuatus est beneficio, officio, vel hæreditate: is qui postea hæc obtinet, non tenetur restituere, etiamsi priuatim sciat, alterum fuisse innocentem, modo ipse non fuerit causa falsa illius sententiæ.

9. *Quæres octauò.* An ingressus in Religionem excuset à restitutione. Respondeo *primò*. Quid debet
aliquid

aliquid extans in specie, non potest omiſſa reſtitutione Religionem ingredi. *Secundo*, qui debet aliquid alio modo, ſi poſſit breui tempore & conſueto labore ſatisfacere creditoribus, tenetur aliquantisper differre ingreſſum, vt illis ſatisfaciat. *Tertiò*, ſi opus eſſet longo tempore, vel inſolitis laboribus, non teneretur expectare, ſed relinquendo omnia ſua creditoribus, poterit Religionem ingredi. *Vide Petr. Nauarr. cap. 4. num. 94.*

10. *Quæres nonò.* An excommunicatio creditoris liberet à reſtitutione. *Reſpondeo primò.* Probabile eſt reſtitutionem poſſe differri, donec creditor qui excommunicatus eſt Eccleſiæ reconcilietur. Ita *Adria. Felinus, Panorm.* Et quidam alij apud *Couarr. in reg. Peccatum pag. 1. num. 8.* & colligitur ex c. *Nos ſanctorum* 15. *quæſt. 6.* & ex c. *ſequenti*, ibid. Ratio eſt, quia excommunicati ſunt vitandi in omni commercio humano. *Reſpondeo ſecundò.* Probabilius eſt etiamſi creditor ſit nominatim excommunicatus, non idèò differri poſſe reſtitutionem. Ita *Couar. ſuprà*, & plerique alij. Ratio eſt, quia neque iure diuino neque humano liberatur debitor à reſtitutione ſtatim faciendâ poſt elapſum terminum. Non diuino, quia nullum tale ius reperitur: immo & Ethnicis & publicanis ſoluenda ſunt iure diuino, vt colligitur ex *Apoſt. Rom. 13.* Nec humano, quia canones citati non loquuntur de debito pecuniario, ſed fidelitatis & obſequij. *Reſpondeo tertiò.* Si tamen excommunicatus repetat debitum in iudicio, poteſt à debitore repelli c. *pia de exceptionibus* in 6.

11. *Quæres decimò.* An incertitudo creditorum excuſet à reſtitutione. *Reſpondeo.* Non omninò excuſat, quia in tali caſu reſtitutio faciendâ eſt pauperibus.

12. *Quæres vndecimo.* An diſpenſatio vel compoſitio cum Papa excuſet? *Reſpondeo primò*, excuſat quando creditores ſunt incerti, quia tunc reſtitutio faciendâ

cienda est pauperibus, iure tantum positivo, in quo potest Pontifex dispensare. *Secundò*, quando creditores sunt noti, non potest Pontifex te liberare à restitutione, nisi legitima causa subsit; ut v.g. in pœnam creditoris.

13. Quæres *duodecimò*. An compensatio excuset? Respondeo. Excusat, tum eum, qui compensatione usus est, ne cogatur restituere id quod compensationis causa alteri subtrahit: tum eum, contra quem usus est, ne rursus cogatur soluere.

QVÆSTIO LXIII.

De acceptione personarum.

1. **H**ic incipit D. Thom. agere de vitiis opppositis Iustitiæ: & primò de vitio acceptionis personarum, quæ opponitur distributiua.

2. Prima Conclusio. Acceptio personarum est, quando in distributione bonorum omnium non respicitur causa, sed persona, id est aliqua personæ conditio nihil ad prædictam distributionem faciens, ob quam is qui minus dignus est, præfertur digniori, ut si aliquis Prælatus conferat beneficium indigno, vel minus digno, quia amicus, aut consanguineus eius est. Item si Iudex sententiam ferat pro amico, non pro eo qui ius habet.

3. Secunda Conclusio. Hæc acceptatio locum habet *Primò*, in collatione beneficiorum, & in electione, & præsentatione ad illa. *Secundò*, in conferendis officiis sæcularibus, ut officio prætoris, Consulis, Consiliarij, Quæstoris. *Tertiò*, in oneribus distribuendis: hæc enim iusta proportionē distribui debent, ne pauperes magis grauentur, quàm diuites. *Quartò*, in exhibendo honore & reuerentia; ut si quis in publico confessu, aut mensa, alicui non assignet locum qui ei ratione eruditionis, vel gradus debetur. *Quintò*, in distributione iuris, quam habet Iudex dum partibus ius dicit: Et si

Et si enim ius dicere sit actus Iustitiæ commutatiuæ, quatenus ex officio est debitum: tamen quatenus sit inter duos, habet modum Iustitiæ distributiue. Ius enim est quoddam bonum commune distribuendum partibus: in huius ergo distributione, si iudex respiciat aliquid præter causarum merita, committit peccatum acceptionis personarum, quod ei sæpe prohibetur in Scripturis, vt Leuit. 19. v. 15. *Non consideres personam pauperis, nec honores vultum potentis; iuste indica proximo tuo.* Prou. 18. v. 5. *Accipere personam in iudicio, non est bonum.*

4. Tertia Conclusio. Apud Deum non est acceptio personarum, etiamsi dona sua non æqualiter inter homines distribuat. *Primò*, quia acceptio personarum habet tantum locum in distributione bonorum, quæ debita sunt: non autem in communicatione gratuitorum. *Secundò*, quia Deus in hac distributione non præfert indignum digno ob aliquam conditionem in homine existentem, quæ nihil ad distributionem faciat: etsi enim interdum minus dignos maioribus auxilijs præueniat, id facit ob iustissimas causas, nempe, vt ostendat se gratis dare, & nemini se esse debitorem horum donorum.

5. Quarta Conclusio. Acceptio personarum est peccatum iniustitiæ ex genere suo mortale, quia fit cum iniuria proximi: potest tamen esse veniale ex paruitate materiæ, vt si in re parui momenti præferatur minus dignus digniori: vel si non sit magnum discrimen inter minus dignum & digniorem.

QVÆSTIO LXIV.

De Homicidio.

DEinceps agit de vitiis, quæ opponuntur Iustitiæ commutatiuæ, vt est homicidium, mutilatio, furtum, de quibus ordine dicendum est.

QVÆST.

QVÆST. I. *An liceat occidere plantas & animalia?*

1. **N**Egarunt olim Manichæi, eò quod puratèt omnes animas esse quasdam Dei particulas, vt refert *D. Aug. lib. 6. contra Faustum c. 6. & 8. & lib. de heres. cap. 46.* Vnde inferebant statum agricolarum peiorem esse quàm vsurariarum, in quo errore fuit Aug. per 9. annos, vt ipse 3. confess. cap. 10. & 11. deplorat.

2. Prima Conclusio. Ex fide certum est homines in suos vsus posse plantas & animantia interimere. Genes. 1. v. 29. *Ecce dedi vobis omnem herbam afferentem semen super terram, vt sit vobis in escam, & cap. 9. v. 3. Omne quod mouetur & viuit, erit vobis in cibum.* Luc. 22. vers. 8, *Enntes parate nobis pascha, vt manducemus.* Ratio est, quia homo naturaliter est dominus omnium inferiorum, iuxta illud Gen. 1. v. 28. *Dominamini piscibus maris, & volatilibus coeli, & vniuersis animantibus quæ sunt suprà terram:* ergo potest eas in suum vsum conuètere. Confirmatur, quia venatio iure naturali est licita, vt docet Arist. 1. Polit. 5. *Diu. Thom 1. par. quest. 96. art. 1.* ergo licitum est occidere feras & animalia syluestria.

3. Dices. Aug. in Psalm. 102. negat venationem esse licitam, & refertur apud Gratianum d. 36. c. *Qui venatoribus.* Resp. Augustinus non loquitur de quacunque venatione, sed de periculosa, quæ per certamen cum feris solet institui ad spectacula.

4. Secunda Conclusio. Exsi liceat animalia occidere; abstinendum tamen à crudelitate, ne sine causa doloribus conficiantur. Hinc Prouerb. 12. vers. 10. *Nonie iustus iumentorum suorum animas, viscera autem impiorum crudelia.* Exod. 23. v. 12. *Sex diebus operaberis, & die cessabis, vt requiescat bos & asinus tuus.* Deuter. 22. v. 10. *Non arabis simul in boue & asino, ne videlicet totum iugum decadat in asinum, cum sit minor; & cap. 25. v. 4. Non alligabis os boni trituranti.* Nec obstat quod

quod Apost. 1. Corinth. 9. v. 9. hunc locum afferens, dicat: *Nunquid de bobus cura est Deo?* Vult enim dicere hoc non esse principaliter scriptum propter boues, sed propter homines; secundariò tamen etiam propter boues, ut cum ratione tractentur. Hinc patet posse committi peccatum saltem veniale in necandis animalibus. Est enim abusus quidam potestatis herilis & domini,

Q. V. Æ S T. 2. *An liceat occidere hominem?*

1. **D**icam hîc de occisione alterius, postea de occisione sui ipsius.

2. Prima Conclusio. Ex fide certum est, aliquam hominis occisionem esse illicitam & prohibitam. Gen. 9. v. 6. *Quicumque effuderit sanguinem humanum, fundetur sanguis illius*; ad imaginem quippe Dei factus est homo. Et Exodi 20. vers. 13. *Non occides.* & 1. Ioan. 3. v. 15. *Scitis quoniam omnis homicida non habet vitam æternam, in semetipso manentem.* Ratio est, quia quilibet homo ratione suæ libertatis per se loquendo habet ius conseruandi suam vitam, & vtendi suis potentiis: hoc autem ius violatur per occisionem: ergo qui occidit hominem, facit illi iniuriam, & peccat contra Iustitiam commutatiuam. Idem dici potest de Repub. & Deo qui habent etiam ius ad vitam singulorum subditorum. Vnde non solum iniuria fit homini, qui occiditur, sed etiam Deo & Reipub.

3. Secunda Conclusio. Equè certum est aliquam hominis occisionem esse licitam. Nam malefici, adulteri, blasphemæ & multi alij possunt licitè occidi, ut ex seqq. patebit.

4. Quæres. Vnde constat quæ occisio sit licita, & quæ illicita. Respond. ex hoc principio naturali, quod quilibet homo habeat ius conseruandi suam vitam, & vtendi suis potentiis: Hinc enim sequitur occisionem hominis, tunc esse illicitam, quando vigeat hoc ius,
&

& non superatur ab alio potentiori iure. Contra verò tunc non esse illicitam, quando non viget illud, sed superatur ab alio præstantiori iure.

QVÆST. 3. *An liceat occidere peccatores?*

1. PRIMACONCLUSIO. Ex fide certum est licere. Exod. 22. v. 18. *Maleficos non patieris vivere.* Vide plura. Deut. 20. 22. Ratio D. Thomæ art. 2. est, quia quando membrum est noxium corpori, tunc iure naturali licitum est illud abscindere ad salutem & conservationem totius corporis, sed peccator est membrum Reip. noxium: ergo licitum est peccatorem abscindere à Repub. ergo & occidere.

2 Dices. Potest abscindi & separari à Repub. non solum per mortem, sed etiam per exilium: cum ergo utroque modo possit abscindi, ratio illa non convincit, id licitè fieri per mortem; sed alterutro modo. Respondeo. Hæc ratio explicabitur in sequente conclusione.

3 SECUNDA CONCLUSIO. Non tamen id licet priuata, sed tantum publica auctoritate. Ita D. Tho. artic. 3. & debet intelligi de occisione ad punitionem, non ad necessariam sui defensionem. Ratio eius est, quia non licet interficere peccatores, nisi ob salutem Reipub. sicut non licet amputare membrum, nisi ob salutem corporis. Atqui procuratio salutis publicæ pertinet ad publicam auctoritatem, quæ est in principe vel magistratu. Confirmatur, quia in communitate est quoddam ius publicum puniendi malefactores, qui nocent communitati: ergo est ius utendi punitione iusta & commoda saluti publicæ ad terrorem & exemplum cæterorum. Ergo in communitate est ius occidendi malefactores, quod quidem ius est præstantius, quàm priuatum ius quod quilibet malefactor habet ad conseruandum suam vitam: præsertim cum propter culpam sit dignus priuari suo iure.

4. TERTIA CONCLUSIO. Non tantum aliquos sed omnes malefactores qui Reipub. noxij sunt, licitum est occidere publica auctoritate. Est communis contra Scotum in 4. d. 15. q. 3. qui docet licere tantum eos occidere, quos Deus in veteri Testamento expresse iussit occidi; ut sunt malefici, blasphemij, adulteri. Sabbathum violantes & pauci alij. Ratio eius est, quia Deus in Decalogo absolute & generaliter prohibet omnem occisionem hominis, cum ait: *Non occides*: ergo vi illius præcepti, non licet quemquam occidere, quamvis malus sit, nisi Deo dispensante in suo præcepto. Sed non dispensavit, nisi circa quosdam peccatores, quos exceptit ab illo generali præcepto, & expresse iussit interficere, ut patet *Exo. 22. & alibi*: ergo non licet nisi quosdam occidere. Hinc infert fures diurnos non posse occidi, quia non sunt excepti; nec adulterum in nouo testamento quia licet excepta fuerit in veteri lege, tamen illa exceptio est à Christo reuocata, *Ioan. 8. vers. 11* Sed errat Sotus. Primo, quia ratio illa, qua probatum est licite occidi peccatores Reipubl. noxios, æqualiter procedit de omnibus, siue expresse excepti sint, siue non sint. Secundo, quia sequeretur alioqui in nouo testamento nullum malefactorem licere occidere, ne quidem eos, qui in veteri lege excepti erant, quia illa exceptio petrinebat ad præcepta iudicialia, quæ iam abrogata sunt. Tercio, quia Ethnici Principes, qui nihil sciebant de illa exceptione, poterant laudabiliter interficere quosvis malefactores, ut patet ex illo Romanorum 13. vers. 4. *Non sine causa gladium portat, Dei enim minister est, vindex in iram ei, qui male agit.* Quarto, quia Scotus nititur falso fundamento: falsum enim est omnem occisionem hominis prohibitam esse illo præcepto, *Non occides*, alioqui stando præcisè iure naturali non liceret vim vi repellere, & iniustum inuasorem interficere, quod falsum est. Confirmatur, quia præceptum illud (*Non occides*) & non

est iuris naturalis: ergo prohibetur solum ea occisio quæ est contra naturale dictamen rectæ rationis. Hinc sequitur, nō prohiberi occisionem malefactorum, quæ fit autoritate publica ad punitionem, nec eam, quæ fit priuata ad sui necessariam defensionem, quia neutra est contra rectam rationem: omnes enim gentes iudicant vtramque esse conformem lumini naturali. E contrario sequitur prohiberi eam occisionem, qua vel innocens occiditur: vel quæ fit priuata autoritate extra casum necessariæ defensionis. Nam vtraque repugnat rectæ rationi: qui enim occidit innocentem, iniquè violat ipsius ius, quod habet ad conseruandam vitam, & qui occidit nocentem priuata autoritate ad puniendum, vsurpat sibi ius publicum, quod non habet.

5. Dices. Iudæi non poterant occidere, nisi illos malefactores; quos Deus expressè exceperat, v.g. adulteros, blasphemos, maleficos; non autem fornicarios, vsurarios, ebriosos, fures diurnos: ergo neque nos possumus. Respond. Quicquid sit de antecedente, negatur consequentia, quia Iudæi erant adstricti legibus iudicialibus, quæ iam abrogatæ sunt.

QVÆST. IV. *An homini priuato liceat interficere tyrannum?*

1. **N**Egat Alphons. à Castro lib. de *heresibus*, v. *Tyrannus*. Sed distinctione opus. Nam potest aliquis dupliciter esse tyrannus. *Primò*, ratione tituli. *Secundò*, ratione administrationis.

2. Prima Conclusio. Qui est tyrannus ratione tituli, id est, qui absque vlllo iure armis principatum vel occupat vel inuadit, sicut Turca regna Orientis & vicina, potest à quouis de regno interfici, iure defensionis innocentium. Ita *D. Th. in 2. d. 64. qu. 2. a. 2. Caietan. hic a. 3. Sotus l. 4. de iust. q. 1. a. 3. & alij passim.*

3. Nota *primò*. Huiusmodi tyrannum duplici iure passim occidi. *Primò*, iure defensionis innocentium.

Secundò, iure vindictæ. Priori iure potest occidi à quouis priuato homine, vt asseritur in conclusione. Ratio est, quia quouis potest inimicum inuasorem è medio tollere, quando non suppetit alius modus se liberandi: sed talis tyrannus est inimicus inuasor Reip. & singulorū: ergo quouis potest eum è medio tollere. Sic Ado sustulit Eglon Regem Moabitarum, qui tyrannide oppresserat Israëlitas, & Iudith Holofernem, Brutus, Cassius, & alij Iulium Cæsarem. Denique apud omnes gentes passim: maximis honoribus publicè affecti sunt, qui tales tyrannos occiderunt. *Vide Alex. ab Alex. l. 3. c. 26.* At posteriori iure non potest occidi à quolibet priuato, sed ab autoritate publica, & à milite auctorato. Ratio, quia vindicta requirit auctoritatem. Vnde in pace non inferitur, nisi per sententiam iudicis; in bello, nisi per militem.

4. Nota tamen *secundò*. Necessarium esse *primò*, vt constet illum esse tyrannum & iniustum inuasorem: si enim aliquod probabile ius habet, non censetur tyrannus: vnde non licet interficere. *Secundò*, vt non timeantur maiora mala à filio tyranni, & amicis. *Tertiò*, vt non sit contra expressam Reipub. voluntatem: huius enim est auctoritatem istam, vel certè consensum dare: censetur autem consentire, quando passim ciues optant illum sublatum: immò quando non constat de contraria voluntate. Nam tum præsumitur velle, quod iustè velle potest. vt liberetur. Atqui hoc iustè potest velle, cum alia non suppetat.

5. *Secunda Conclusio.* Qui est tyrannus ratione administrationis, id est, qui, cum sit verus princeps, tyrannicè tamen administrat, quærendo potius priuata commoda, quàm publica, onerando Rempub. iniustis actionibus, vendendo officia, ludicium, non potest à priuatis interfici, quamdiu manet princeps. Patet *ex Concil. Constant. sess. 15.* Ratio est, quia princeps,

et si tyrannicè regat ; manet tamen superior : ergo non potest à subdito interfici , nisi fortè ob necessitatem sui defensionem , *de quo infra*. Hinc olim Apostoli hortabantur nouos Christianos, vt in rebus licitis obedirent principibus Ethnicis tanquam superioribus , tametsi essent maximi tyranni , vt potè , qui Ecclesiam persequerentur , & ad impietatem cogerent, *vt patet Rom. 13. & 1. Pet. 2. & alibi*.

6. Dices. Quid si tyrannus ita excrescat , vt non videatur amplius tolerabilis , nec vllum aliud medium supersit. Resp. tunc primum à Repub. vel comitiis regni, vel alio habente auctoritatem est deponendus , & hostis declarandus, vt in ipsum liceat quidquam attentare: tunc enim desinit esse princeps.

QVÆST. V. *An liceat occidere filiam in adulterio deprehensam vel adulterum.*

1. **I**ulius Clarus, & quidam recentiores docent primo, licere parenti filiam in adulterio deprehensam vnà cum adultero occidere, seruatis tamen conditionibus, quæ habentur L. Patri, & seqq. ff. ad legem Iuliam ; de adult. Prima, est vt filia sit iuncta matrimonio. Secunda, vt sit in patris potestate. Tertia, vt eodem imperu occidat filiam & adulterum , si possit. Quarta, vt id fiat in domo patris, vel generi. Quinta, vt deprehendat eos in opere turpi. Secundo, docet idem licere marito in domo propria in adulterum vxoris, si adulter sit persona vilis. Ex L. Marito, ff. eodem tit. & L. Gracchus, C. eodem tit. Hæc opinio fundatur in cit. legibus quæ non solû hoc permittunt, quatenus volunt esse impunè vt communiter responderetur, sed etiam expresse dent ius & potestatem hoc faciendi. Nam L. 10. ff. de adult. dicitur : Patri datur ius occidendi adulterum cum filia , quam in potestate habet, & L. 22. Ius occidendi patri conceditur domi suâ, licet ibi filia non habitet, vel in domo generi. & L. 23. Voluit lex ita demum hanc potestatem patri cõpetere, si in ipsa tur-

piuudine filiam comprehendat, & L. Gracchus, C. de adult. permittitur marito, vt occidat adulterum si vilis sit. Et additur, hunc legitimè interfici. Idem patet ex L. 12. tabul. Mœchum in adulterio deprehensum necatum, vt refert Couarr. de Matrim. p. 2. c. 7. §. 7. quæ lex etiam multò antè Athenis viguit, lata à Dracone & Solone, vt refert Plutarchus in Solone. Ex his patet leges ciuiles dare hanc auctoritatem, & constituere parentem & maritum veluti executores iustæ punitionis. Vnde pater & maritus non occidunt adulterum, vel adulteram, auctoritate priuata, sed publica.

2. *Aliqui respondent has leges esse iniustas. Ita Fortunius tract. de ultimo fine, illatione 11. Contrà primo, quia eadem LL. redactæ sunt C. Iustiniani Principis Christiani, & à reliquis principibus, & Iurecons. Christianis acceptatæ. Secundò, quia lex ciuilis potest dare potestatem occidendi Bannitos ob graue aliquod crimen. Nam passim in Italia extant statuta per quæ licet impunitales occidere. Item occidendi transfugas, qui ad hostes fugere tentant L. 3. ff. ad L. Cornel. de sicariis: ergo potest etiam dare potestatem occidendi adulterum, & filiam, in scelere deprehensos: cum enim tales mortem mereantur, cur non possit ea inferri per patrem vel maritum ex concessione legis? Adde olim apud Germanos pœnam adulterarum maritis fuisse permissam sine omni iudicio, vt refert Tacitus de moribus German. Hîc tamen notandum est iure Cæsareo non permitti maritis vt occidant vxores adulteras, vt quidam Theologi recentiores putant, sed tantum vt occidant adulterum: & tunc vxorem accusent in iudicio, vt puniatur, vt docet Couarr. suprâ, & colligitur ex L. 2. ff. de adult. Olim quidem aliquandiu licuit, sed Augustus sustulit, vt refert Suet. in Augusto.*

3. *Prima Conclusio. In foro conscientiæ non licet patri occidere filiam & adulterum in scelere deprehensos*

prehensos ante sententiam legitimè lātā. *Primò*, quia est communis DD. *ut affirmat Covarr.* à quò nō est facile recedendum, præsertim in re practica magni momenti. *Secundò*, quia istæ LL. videntur improbatæ per canones. Nam 33. q. 2. c. *Inter hæc.* Nicolaus Papa consultus, an marito liceat secundum legem mundanam (nempe Longobardorum, ut ait Glossa, quæ tunc in Italia seruabatur) uxorem adulteram interficere: respondit, Sancta Dei Ecclesia mundanis nunquam constringitur legibus, gladium nō habet, nisi spiritualem, quo non occidit; sed viuificat. Vbi occultè insinuat Ecclesiam improbare illam legem. Confirmatur ex Aug. lib. 1. de adulterinis coniugiis cap. 15 vbi sic ait: *Quæro ex te, an marito Christiano liceat vel secundum veterem Dei legem vel Romanis, adulteram occidere? Et postea subdit: Si autem, quod verius dicitur, non licet homini Christiano adulteram coniugem occidere sed tantū dimittere, quis dicat tibi, fac quod non licet, ut tibi liceat, quod non licet: cum enim utrumque secundum legem Christi illicitum sit siue adulteram occidere, siue illa viuente alterā ducere, ab utroque abstinentum est.* Idem credibile est Augustinum fuisse dicturū de parente & filia, de marito & adultero. Ratio cōclusionis est, quia exponitur manifesto periculo anima eorum, qui sic interficiuntur, idque sine vlla necessitate. Nam possunt capi, accusari & per sententiam puniri. Secus est de Bannitis, qui capi non possunt. Deinde quia datur occasio occidendi impune, quem velis domi tuæ, fingendo quod adulterium commiserit.

4. *Secunda Conclusio.* Post sententiam legitimè lātā potest parens occidere filiam, & maritus uxorem, si per Iudicem ei occidenda tradatur, ut sit in quibusdam regnis: tunc enim committitur executio iustæ sententiæ, quæ sicut cuius alteri; ita etiam ipsis concedi potest.

QVÆST. 6. *An liceat alterum occidere in vita sua defensionem?*

1. **A**vgustinus de Ancona in tractatu de potestate Ecclesiæ, q. 52. art. 3. & Gerson tract. de Eucharistia, putant non esse licitum, sed solum permissum. Ratio illorum est, quia tenemur potius corporalem mortem oppetere, quam ut proximum in æternam damnationem præcipitemus. Sed contraria sententia est communis.

2. Prima Conclusio. Licitum est occidere iniustum inuasorem ob defensionem vitæ suæ, & integritatis membrorum, cum moderamine inculpatæ tutelæ. Ita D. Thom. art. 7. Scotus lib. 5. q. 1. art. 8. *Victoria in relect. de homicid. num. 17. Covarr. in relect. in Clement. Si furiosus, part. 3. num. 6, & alij.* Probatur primò, quia *Exod. 22. v. 2.* dicitur eum, qui furem nocturnum occiderit, non esse reum homicidij, quia scilicet præsumitur venisse animo occidendi, & non tantum furandi, ut exponit *Aug. 9. 84. in Exod.* Secundo, quia vim vi repellere omnes LL. & omnia iura permittunt, ut ait Alex. 3. *c. si vero, 1. de sentent. excommunicationis, & Innoc. 3. c. significasti, 2. de homicidio.* Hinc etiam L. 3. ff. *de iure & iustitia*, dicitur. *Quod quisque ob tutelam corporis sui fecerit, iure fecisse existimatur.* Ratio patet ex dictis, quia ius illius, qui alterum non læsit, preferendum est iuri iniusti inuasoris. Quando ergo utrumque ius seruari non potest, licebit præferre ius innocentis, & auferre ius nocentis.

3. Dices Primò. Christus reprehendit Petrum, quod gladium strinxerit ad se defendendum, *Matth. 26. vers. 52. & Roman. 12. vers. 19. Non vosmetipsos defendentes charissimi.* Respond. Petrus reprehenditur. Primò, quod defensio ipsius haberet potius speciem vindictæ, quam defensionis; non enim erat probabile tantam turbam militum tali posse modo repelli. Secundo, quod non expectant responsum Christi. In verbis Apostoli tamen defendere

defendere accipitur pro vlcisci, vt patet ex Græco *ἡμᾶς ἐκδικῶντες*.

4. Dicēs *secundò*. Plus tenemur diligere salutem animæ proximi, quam vitam nostram corporalem: ergo ad hanc seruandam nō licet proximum interficere, quia si occidatur, anima peribit. Resp. nego conseq. quia nō tenemur lege charitatis exponere salutem corporalem pro salute animæ alterius, nisi quando ea est in extrema necessitate, ex qua non potest se vindicare, nisi nostra ope vel auxilio, vt v. g. si infans esset moriturus sine baptismo. Hic autē iponte, & ex mera malitia cōficit se in discrimen salutis, & potest liberrimē se eximere. Denique qui inuaditur, non semper est certus suæ salutis, si se permittat occidi: inuasor etiam iam vulneratus potest pœnitere, & saluari.

5. Secunda Conclusio. Quamuis certum est licere iniultū inuasorem occidere, ad necessariā sui defensionē, tamē dubitari solet, an liceat occisionem intendere, an solum ipsam defensionem, ita vt visio non solum per accidēs indē sequatur, vt videtur docere *D. Tho. ar. 7. Caiet. & alij Thomistæ ibid.* Probabilius est licitū esse in actu defensionis intēdere omne id, quod iudicatur ad vitæ defensionē necessariū, ac proinde interdū etiā læsionem mortiferam, & consequenter ipsam mortem, nempe in causā *Ita Sotus & Victor supra, Nau. c. 15. n. 3. D. Anton. p. 3. tit 4. c. 3. d. 1.* Ratio est, quia nisi liceret eam sic intendere, defensio sui redderetur sæpē impossibilis: sæpē enim fieri nequit, vt te defendas, nisi inuasori vulnus lethale infligēdo, vel sclopo, vel hasta.

6. Quæres *primò*. Qua authoritate id faciat, publica, an priuata? Resp. priuata, quia nō facit vt Iudex, vel Princeps repræsentans Remp. vel publico nomine, seu vt custos boni publici, sed eo iure, quod quisque habet, vt est custos rei suæ, quo iure noxia rerūdere, & vim repellere potest, quo etiam omnia animantia vtuntur

7- *Quæres secundo.* An aliquando liceat inuasorem præuenire, & illum occidere antequam nos actu inuadat? Respondeo licere in his casibus. *Primò*, si accedat ad inuadendum, nec possim euadere, nisi illum præueniam. *Secundò* si nondum accedat, tamen instructus sit ad inuadendū, nec possim effugere nisi præueniam. *Ita Couarr. Sotus, Nauarr.* Qui ponunt exemplum de marito qui pugionē condidit sub cervicali ad uxorem perimendam, quem vxor id certo sciens potest præuenire, si aliud remedium non superest. Ratio est, quia etsi nōdum actu inuadit, parat tamen inuadere, & ita tenet illam cōclusam & oblectam, vt aliter euadere nequeat. Idem docet *Cord. ba lib. 1. quæst. 38.* de eo, qui alteri parat venenum: potest enim illum per industriam conuerti in auctorem, si alia ratio euadendi non super sit.

8. *Quæres tertio.* Si is qui inuaditur, non possit se tueri, nisi cum periculo innocentis, quo inuasor se protegit, an ei se liceat cum illo periculo defendere. Resp. Probabilius est licere. *Ita Corduba lib. 2. quæst. 23. & Petr. Nauarr. lib. 2. cap. 3. num. 147.* Ratio est quia qui inuaditur, ius habet se defendendi, quo iure non priuatur ex illa innocentis interpositione, vt quæ ipso inuito facta sit. Confirmatur à simili, quia qui urbem iustè obsidet potest dirigere in turrim vel mœnia tormēta, prout necessarium est ad victoriam, etiam si hostes ibi ligauerint aliquos innocentes, vt communiter sentiunt DD. ergo similiter ad necessariam vitæ defensionem, potest petere aduersarium, quamuis ille innocentem obiciat.

9. *Quæres quarto.* An sicut licitum est occidere inuasorem, sic etiam licitum sit permittere se potius occidi, quam occidere. Respondeo. Aliquādo non solum licitum, sed salutare consilium est hoc facere, vt *Anton. supra, & patet exemplo Christi & SS.* Ratio est, quia pericuū

periculum est, ne ira vel odium se admisceant, aut ne modum excedamus, & sic dum volumus seruare vitam corporis, perdamus vitam animæ. *Secundò*, quia Charitas, etsi non obliget, tamen ad hoc magis inclinatur, ne proximus in æternum pereat. Hæc locum habent in iis qui sunt bonæ conscientiæ. Nam si quis putaret, se esse in peccato, & valdè timeret damnari, si tuum occideretur, is teneretur omnibus modis se tueri, quia magis teneretur diligere salutem animæ suæ, quam proximi, *ut docet Anton. supra.*

QVÆST. VII. *An liceat occidere furem in defensionem suarum facultatum?*

1. **C**OUARR. in Clementina *Si furiosus* p. 3. §. unico in 6. putat licere in duobus casibus. *Primò*. Si sit fur nocturnus; eo quod præsumatur animo occidendi venisse. *Secundò*, si sit fur diurnus, & telo se defendat contra eum, cui rem abstulit. Ratio est, quia in his duobus casibus miscetur periculum personæ, cum periculo rei familiaris. *Tertio*, dicit non licere, si cum re ablata fugiat, quia tunc non miscetur periculum personæ. Alij putant id absolutè licitum esse laicis, non tamen Clericis.

2. *Prima Conclusio.* Laicis id est licitum, si facultates sint magni momenti, nec sit probabilis spes aliter recuperandi. Ita *Anton. p. 3. tit. 4. c. 3. §. 2. Caiet. a. 7. Sylu. v. Homic. 1. num. 5. Medina C. de restit. quest. 45. Sotus lib. 5. quest. 1. art. 3. & plerique Iuriss. teste Syluest. & Couarr.* Probat *primò* ex c. *Dilecto*, de sent. excomm. in 6. & ex L. *furem* ff. ad L. *Cornel. de Sicariis*, & L. 4. ff. ad L. *Aquil.* Ratio est, quia bona temporalia sunt ad vitam seruandam necessaria: ergo sicut licet vitam tueri, ita etiam hæc quæ vitæ sunt necessaria, non solum præcisè ut viuamus; sed etiam ut conuenienter & honestè viuamus. Dixi, *nisi spes sit probabilis aliter recuperandi*, quia si possum illas recuperare per Iudicem, erit saltem contra charitatem pro illarum defensione alium occidere,

occidere, ut verbi gratia, si fur re ablata fugiat.

3. Quæres. An sit etiam contra iustitiam furem ita fugientem occidere, quando res in dubio est recuperabilis. Caietanus dicit non esse, & colligitur ex dictis, quia quisque ius habet defendendi suam possessionem etiam civilem, quam retinet, quamdiu habet furem in conspectu.

9. Secunda Conclusio. Idem licitum est Clericis pro defensione rerum suarum. Ita Anton. supra. Vbi docet omnibus concessam esse defensionem rerum, quibus concessa est defensio vitæ, & colligitur ex c. Olim, & c. Dilecto supra. Nam ibi conceditur Episcopo & Decano. Ratio est, quia iure naturæ est illis hoc concessum, neque iure humanò est illis prohibitum sub peccato. Vnde idem ius extenditur ad Religiosos, neque obstat c. suscipimus, de homicidio; quia illi deo fratres Benedictini non iudicantur ibi peccasse & esse irregulares, quod res suas moderate defenderint, sed quod occasionem dederint homicidio, latrones captos ligando, & cum se solvere vellent occidendo; cum tamen sine occisione potuissent se & sua saluare.

5. Quæres. An Clericus, vel Laicus sit irregularis, qui ob defensionem rerum suarum occidit alium. Respond. Laicus non est. Idem probabile est de Clerico, si id fecerit cum debito moderamine. Vide Sotum lib. 5. quæst. 1. art. 8. Et Couarr. in Clement. Si furiosus, p. 2. §. ult.

QVÆST. VIII. An pro defensione pudicitia & honoris liceat inuasorem occidere?

1. Prima Conclusio. Licitum est mulieri, adolescenti, & cuius alteri, pro defensione pudicitia inuasorem occidere. Est communis DD. quamvis D. August. lib. 1. de lib. arb. cap. 5. videatur dubitare. Ratio est, quia pudicitia pluris meritò æstimatur, quam multæ opes. Secundò, quia in hac re est periculum peccati.

cati. Idem Ethnici senserunt. Nam ut scribit Cicero in orat. pro Milone : Adolefcens, qui Tribunum occide-
rat volentem vim inferre eius pudicitia, à Mario exer-
citus Imperatore abfolutus fuit.

3. Secunda Conclusio. Licitum est etiam viro ho-
norato occidere inuaforem, qui fultem vel alapam
nititur impingere, ut ignominiam inferat, si aliter hæc
ignominia vitari non potest. Ita *Sotus art. 8. Sylu. V. Homicid. 1. quæ. 1. Nauarr. c. 1 §. num. 1. Lopez cap. 62. Gomez q. 3. ca. 3 num. 23. & Iul. Clarus. §. homicidium, numero 26* Ratio est, quia hæc ignominia, quæ fulte
vel alapa inferitur, censetur maius malum quam dam-
num multarum pecuniarum : ergo si potes occidere
inuaforem, he damnum hoc accipias, poteris etiam,
ne ignominiam cogaris sustinere.

QVÆST. IX. An pro defensione alterius liceat
occidere inuaforem?

1. Prima Conclusio. Quilibet potest vitam proxi-
mi tueri, quæ ab alio priuata authoritate impe-
ditur etiam cum interfectione inuaforis, si aliter de-
fendi nequit. Est communis, ut refert *Clarus n. 27.* Ra-
tio est. *Primò*, quia sicut quisque potest tueri vitam
suam, ita etiam proximi : præsertim, cum charitas ad
hoc obliget, quando commodè fieri potest. *Secundò*,
quia talis censetur innocens, quando iniuste inuaditur.
Atqui licitum est defendere causam innocentis.

2. Secunda Conclusio. Nemo tamen tenetur tueri
vitam hominis priuati cum probabili periculo vitæ suæ,
etiamsi iure possit, si velit. Ratio est, quia non teneor
exponere vitam meam pro vita proximi: possum enim
vitam meam diligere præ vita cuiusuis alterius priuati.

3. Tertia Conclusio. Qui non defendit vitam vel
fortunas proximi, dum commodè potest, peccat
quidem mortaliter contra Charitatem; non tamen
tenetur ad restitutionem, nisi ex iustitia teneatur de-
fendere. Prima pars per se patet. Secunda probatur,

quia peccata quæ solum sunt contra charitatem, non obligant ad restitutionem. Tertia probatur, quia qui ex iustitia tenetur, si omittat, peccat contra iustitiam: ergo tenetur ad damnum ex omissione illa secutum.

QVÆST. X. *An in aliquo casu liceat occidere innocentem, v. g. si Tyrannus persequeretur innocentem, & minaretur urbi excidium, nisi illum occideret?*

1. **P**rima Conclusio. Non licet eum occidere, ut patet ex illo Exod. 23. & 7. *Infantem & iustum non occides, quia auersor impium.* Ratio est, quia cum nullus hominum habeat dominium vitæ alterius, non potest eam tollere, nisi vel ad necessariam defensionem, vel ad criminis punitionem.

2. Dices *Primò*. Respublica potest exponere vitam suorum ciuium ob communem salutem: ergo etiam potest vitam alicui eripere, quando id necessarium est ad communem salutem. Respondeo ad antec. Rempu. id posse facere imperando iustam defensionem necessariam ad patriæ salutem, ad quam defensionem ciues iuræ naturæ obligantur, quod longè aliud est, quam ipsam vitam directè eripere. Nam eripere vitam innocenti, nihil per se confert ad defensionem Reipub. sed tantum ex malitia tyranni. Itaque cum per se malum sit, non sit licitum, eo quod referatur ad talem finem, alioqui licitum esset Sacramenta profanare, & hæreticas cæremonias inducere, si tyrannus id præciperet sub comminatione excidij ciuitatis.

3. Dices *secundò*. Potest quis ad obtinendam victoriam dirigere tormentum in locum vbi videt multos innocentes, quod nihil aliud est, quam eos occidere. Respondeo. Hoc non est directè & ex intentione occidere innocentes, sed præter intentionem; intendit enim demoliri turrim, quod licitè potest ad obtinendam urbem.

4. Dices *tertiò*. Viri Samariæ occiderunt 70. filios Achab

Achab timore belli, quod Iehu illis minabatur *l. b. 4. Reg. cap. 10.* & factum illud Deo placuit: ergo ob commune bonum licet interficere innocentes. Resp. Deus mandauerat Iehu, ut deleteret domum Achab, *ut patet 2. Paralip. 22.* Est autem verisimile Iehu indicasse hanc Dei voluntatem ciuibus Samariæ, alioqui peccasset inducendo eos ad peccatum.

5. SECUNDA CONCLUSIO. Potest tamen Respublica cogere innocentem, ut tyrannum accedat; & si ire nolit, potest eum tyranno tradere. Ita *Lopez ca. 60. Pet. Nau. lib. 2. cap. 120.* Quamuis Sotus *lib. 5. q. 1. ar. 7.* & quidam alij negent Ratio est, quia ille innocens ex charitate & pietate in patriam, & ex iustitia legali tenetur egredi, & se morti exponere. si certum sit calamitatem communem auersum iri: ergo etiam ad hoc potest cogi. Nam legitimus Superior potest ad ea cogere, ad quæ iure naturali obstringimur. Respondet Sotus eum non teneri ex iustitia particulari, ac proinde non posse cogi. Contra, quia ad multa cogi possumus per magistratum, ad quæ ex iustitia particulari non obligamur, ut v. g. ad dādam Eleemosynam in magna fame, ad vendendum frumentum, ad vitandos sumptus immoderatos in vestes & conuiuia, ad vitandam ebrietatem, fornicationem, blasphemiam, & similia.

Dices *Primò*, Tradere innocentem tyranno in hoc casu, est ipsi cooperari ad mortem innocentis: ergo est illicitum. Antecedens patet, quia si satellites ipsius caperent & traderent innocentem, verè cooperarentur: ergo similiter si Respub. id faceret. Resp. Nego Antecedens enim dispar ratio inter satellites tyranni & Rempubl. Nam illi nullam authoritatem habent in innocentem, ac proinde inferunt illi iniuriam: Respub. vero habet authoritatem, quia iure naturæ est superior singulorum. Vnde potest cogere ad id, ad quod ille iure naturæ erat obstrictus.

7. Dices *secundo*. Si tyrannus in hoc casu peteret sibi tradi virginem ad violandum, non posset Respub. illam inuitam tradere. Similiter, si peteret Codices sacros ad comburendum, vel sacramenta ad profanandum: ergo idem est de innocente. Resp. Non est eadem ratio, quia virgo ob periculum animæ non tenetur ire, vnde nec Respub. potest eam cogere vel tradere. Quod ad sacros codices & Sacramenta attinet, in illis nulla est obligatio, vt tradi debeant, neque Deus tenetur sustinere illam iniuriam, vt homines non occidantur.

Q V Æ S T. II. *An liceat seipsum occidere?*

1. **D**ONATISTÆ, qui dicti sunt Circumcelliones, putarunt esse genus martyrij seipsum interficere, vnde passim variis modis se occidebant, vt refert Aug. *heresi* 69 & alibi, contra quos disputat toto ferè lib. secundo quem scripsit contra Epistolam Gaudentij, & 5. ciuit. à c. 17. vsque ad 28.

1. **P**R I M A C O N C L U S I O. Sine diuina auctoritate non est licitum seipsum directè, & ex intentione interficere. Est communis, & colligitur ex illo Exod. 20. *Non occides*. Ratio sumitur ex triplici capite: Primò, quia, qui se occidit facit contra preceptum illud charitatis: *Diliges proximum tuum sicut teipsum*. Secundò, facit iniuriam Reip. Nam illa inuita veluti quoddam ipsius membrum abscindit. Tertiò, facit iniuriam Deo, quia rem soli Deo subiectā absque auctoritate destruit.

4 Prima Obiectio. Quidem coluntur vt martyres, qui tamen directè seipsos occiderunt, vt scæminæ illæ, quæ cum ad tyrannum essent adducendæ se in flumen præcipitabant, ne pudicitiam amitteret, de quibus Eusebius lib. 8. cap. 12. & D. Ambros. lib. 3. de virginibus. Item S. Apollonia seipsam in ignem coniecit, vt refert idem Euseb. lib. 6. cap. 31. Similiter Palladius in hist. Lausiaca c. decimoquinto, laudat aliam quandam scæminā,

quæ cum accerferetur à tyranno seipsam interfecit. Resp. hæ & similes dupliciter possunt excusari. *Primo*, quod id diuina inspiratione fecerint; ita excusat illas *D. Aug. loc. cit* Simili modo etiam excusat Samsonem *1. ciuit. c. 21*. quamuis hic etiam facile aliter possit excusari, *ut infra dicam*. *Secundo*, possunt excusari per ignorantiam inculpabilem. Nam se occidere ob patriæ salutem, aut pudicitie custodiam non est ita euidentius esse malum, quin inculpabiliter possit ignorari, & putari sicutum, cum non solum Ethnici, sed etiam multi Christiani, & quidem doctissimi videantur ita sensisse. Nam *D. Hieron. in. c. 1. Ionæ* apertè insinuat in periculo castitatis licere se occidere. Item *Ambrosius & Eusebius locis citatis* laudant mulieres illas, quod se occidissent, ne violarentur, neque id tribuunt diuinæ inspirationi, sed laudant factum tanquam honestum ob talem finem *Palladius* quoque non meminit ullius reuelationis. Denique *Dom. Sorus* simili modo excusat *S. Apolloniam*, & excusari potest *Razias*, de quo *2. Machab. 14*.

4 Dices. Quomodo coluntur ut Martyres, si se illicito modo occiderunt, cum martyr ab alio debeat occidi? Respondeo. Quia propter fidem Christi ad hoc fuerunt quodammodo compulsæ. Vnde cum ipsi in eo facto non peccauerint, secundum moralem æstimationem censentur ab ipsis persecutoribus occisæ, & sic sunt martyres.

2 SECUNDA OBJECTIO, Quando aliquis legitime condemnatus est ad mortem, potest cuius à ludice committi executio: ergo etiam ipsi reo: ergo saltem in hoc casu poterit seipsum directè interficere. Confirmatur, quia tunc omnes rationes supradictæ cessant: non enim tunc agit contra charitatem sui, neque contra Remp. à qua auctoritatem habet ac proinde neque contra Deum. Denique nulla videtur posse adferri ratio, cur non liceat, saltem absque peccato mortali. Si

dicas esse contra naturalem inclinationem ac, proinde nimium crudele. Hoc quidem probat reum non teneri se occidere, quia non tenetur contra naturalem inclinationem, non tamen euincit reum sponte non posse hanc executionem suscipere. Propter hoc argumentum hæc sententia non omnino est improbabilis, eamque insinuat *Franc. Victoria in relect. de homicid. num. 30.* Vbi docet eum qui damnatus est, ut veneno pereat, posse illud haurire; imò posse ad illud obligari. *Idem docet Arrag, quæst. 69. art. 4. & Corduba. l. 1. quæst. 39.* addens esse eandem rationem aliarum pœnarum. Sed contraria sententia tenenda est *Primo*, quia est communis à qua in rebus practicis non est facile recedendum. *Secundo*, quia sicut nemo idoneus est executor sententiæ mortis in parentem, partim ob reuerentiam illi debitam, partim ob naturalem coniunctionem; ita multò minus in seipsum: est enim actio directè pugnans cum inclinatione communis naturæ: nulla enim res seipsam vllò casu perimere intendit. Ex quo fundamento soluenda sunt contraria argumenta.

6. SECUNDA CONCLUSIO. Etsi non liceat seipsum directè occidere, licitum tamen est, quando iusta causa subest, aliquid facere, vel omitere, vnde certo mortem secuturam constat. Ita *passim authores infra citandi.* Ratio est, quia non est prohibitum homini, ne vitam suam periculis vnquam exponat, aut ut eam conetur semper seruare; sed tantum, ne ex intentione illam quasi exosam auferat, & ne absque causa illam periculo exponat, aut conseruare omittat. Potest hoc explicari multis casibus. *Primo.* Miles potest & tenetur non deserere stationem in periculo communi, etsi certus sit se occidendum. *Secundo*, reus potest non fugere ex carcere, quamuis certò sciat se morte plectendum, ut multi martyres fecerunt.

runt. Imo potest malefactor zelo iustitiæ & exempli publici offerre iudici puniendum, vt docet *Petr. Nauar. l. 2. c. 3. num. 73.* quia ob iustam causam potest aliquis desiderare mortem, & eam procurare legitimo modo, sicut alteri, ita & sibi. *Tertio*, condemnatus ad mortem per famem potest abstinere à cibo clanculum oblato, vt docet *Henricus quodlib. 5. quest. 31. Sotus lib. 5. quest. 6. art. 4. Lopez c. 36.* quod mirum est negari ab *Arragon. & Victoria*, cum doceant reum teneri bibere venenum, si ad hoc condemnatur: qui enim haurit venenum, positiuè sibi infert aliquid directè interimens: qui autem non comedit, nihil sibi infert, sed permittit calore interno vitam absumi. *Quarto*, potest se quis obiiicere telo ad conseruandam vitam principis, & etiam ad conseruandam vitam amici. Imo si amicus sit condemnatus ad mortem potest se pro illo occidendum offerre, vt inquit *Toletus*; quod intellige, si iniuste sit condemnatus: si enim iuste, alliceret alterum ad peccatum. *Quinto*, potes seruire infectis peste, etsi putes te moriturum. *Sexto*, potes iniicere ignem in puluerem tormentarium ad euertendam turrim hostilem, etsi certum sit momento te dissipandum, neque enim tu te interficis propriè sed ignis impetus, vel ruina turris, quibus te, ob iustissimam causam exponis, non secus, ac is, qui se obiiicit telo, vt corpus principis saluet; sic Eleazarus interfecit Elephantem, à quo videbat se occidendum, qui laudatur 2. *Machab. 8.* sic Samson, *Iudic. 16.* Nec obstat, quod *D. Aug. 1. ciu. 21.* dicat Samsonem non excusari, nisi quia spiritus latèter hoc iusserat, quia alij hic nullam talem iussionem censent necessariam. *Vide Caiet. in illum locum, & D. Ambr. 1. offic. 40.* vbi factum Eleazari, quod est omnino simile, valde laudat. Idem tenet *Lopez cap. 65.* & multi recentiores, estque res in bellis ferè quotidiana, alioqui non liceret cum periculo vitæ suffodere turres & mœnia.

QVÆST. XII. *An homicidium casuale sit peccatum?*

1. **P**rima Conclusio. Homicidium, quod omnino casu fit, non est peccatum. Vnde nec propriè homicidium vocatur, sed occisio simplex. Dicitur autem casu fieri, quod nec in se, nec in causa sua est voluntarium. Tale est primò, quando causa non erat efficax, ita ut ex ea non soleat ut plurimum talis effectus sequi, sed aliunde, nempe ex eo quod per accidens coniungitur, ut si alicui inflixisti vulnus non lethale, sed mors secuta est, vel malitiâ medici, qui noxia apposuit; vel temeritate læsi, qui opportuna remedia adhibere noluit. Hæc occisio censebitur tibi fortuita. Vnde non eris reus homicidij; nec teneberis ad restitutionem, ut homicida; sed solum ut vulnerans. Ita *Sotus l. 5. q. 1. art. 9. & Gomez tomo 3. c. 3. num. 25. Et est communis Iurisp. ex l. qui occidit. § ad l. Aquil. & colligitur ex c. significasti 2. de homicidio.* Vbi Innocentius Tertius indicat talem occisorem non esse irregularem. Ratio est, quia etsi vulnus sit aliqua occasio; non tamen est reuera causa mortis, sed malitia, vel negligentia medici, aut læsi: uterque enim tenebatur adhibere diligentiam. Vnde illi, qui neglexit, imputandus est effectus. *Secundò*, si dans operam rei licitæ vel illicitæ, adhibuisti sufficientem cautionem, ne inde aliquid incommodi sequeretur: tunc etsi fortè secuta sit mors alicuius, non tibi imputabitur, quia nec in se, nec in causa erit volita. Nec obstat, quod causa fuerit periculosa, quia diligentia absterfit periculum. Vnde Clericus dans operam venationi cum armis, quod ipsi est vetitum, si casu hominem interficiat, peccat quidem contra dignitatem status Ecclesiastici, non tamen peccato iniustitiæ vel homicidij.

2. **S**ecunda Conclusio. Si occisio non omnino casu fiat, cò quòd in opere periculoso non sit præstita cautio necessaria, erit peccatum iniustitiæ, & homici

homicidij, mortale, vel veniale, pro ratione negligentia. Ita *Caiet. hic, art. 8. & alij passim*. Ratio est, quia erit voluntarium in causa, nempe in omissione diligentia & cautionis debitae sicut submersio navis est voluntaria in negligentia gubernatoris. Vnde non censetur omnino casualis. Quod tamen non sit maius peccatum, quam negligentia illa, probatur, quia non est voluntaria, nisi ratione illius negligentia. Vnde non potest, nisi ratione illius imputari ad culpam: si ergo negligentia sit gravis, erit culpa mortalis: Si levis, erit venialis: Si nulla, culpa quoque erit nulla.

QVÆSTIO. LXV.

De mutilatione.

Divus Thomas disputat *Primò*, de mutilatione. *Secundò*, de verberatione. *Tertiò*, de incarcerationne, Ac *primò* de mutilatione certum est potestati publicae licitum esse mutilare peccatores sicut & occidere. At quædam dubia sunt, de quibus breuiter.

QVÆST. I. *An pro salute corporis licitum sit se mutilare, vel membrum abscindere?*

1. **P**rima Conclusio. Licitum est se mutilare, quando id necessarium est ad corporis salutem, ut si cancer membrum occupet, si aspis, vel vipera momorderit, nec aliud remedium præsto sit. Ratio est, quia membra sunt ob bonum totius: ergo quando aliquod membrum est toti corpori perniciosum, ius naturæ dicitur posse abscindi.

2. Secunda Conclusio. Homo tenetur permittere sibi membrum secari, si medici id iudicent necessarium, nec magni dolores sint perferendi. Ita *Sotus l. 5. quæst. 2. art. 1*. Ratio est, quia tenetur vitæ suæ periclitanti succurrere per media ordinaria, non admodum difficilia.

7. TERTIA CONCLUSIO. Si tamen ingentes

cruciatu essent tolerandi non tenetur permittere, neque etiam potest ad hoc cogi. Ratio est; quia non tenetur quisquam cum tanto cruciatu conservare vitam incerto euentu. Excipiuntur tamen duo casus. *Primo*, quando vita alicuius censetur bono communi necessaria: tum enim ob bonum publicum tenetur, & posset cogi à Republica. *Secundo*, si esset Religiosus, qui se totum constituit in potestate sui Superioris, quamvis de hoc casu dubitari possit, quia non videtur Superior rem tam heroicam inferiori imperare posse, *ut docet Salon. hic art. 1.*

QVÆSTIO II. *An ob salutem anima sit licitum se mutilare: v. g. An ad carnis tentationes vitandas, vel superandas, liceat sibi membrum abscindere?*

1. Prima Conclusio. Nunquam id licet, ut patet ex *can. 22. Apost. & can. 1. concil. Niceni*, ubi id expressè prohibetur. Ratio est quia id nunquam est medium necessarium ad animæ salutem: non enim membra afferunt homini perniciem, sed malitia & negligentia liberæ volûntatis. *Secundo*, quia neque est conueniēs, aut utile remedium. Nam abscissio seu castratio, de qua præcipuè est quæstio, non tollit tentationes carnis, sed solû impedit generationem. quin potius illi, qui castratur, præsertim in virili ætate, magis incitantur libidine, ut multis rationibus & exemplis probat *Basil. l. de virg. circa finem. Chrysost. hom. 63. in Matth. & Aug. l. 6. contra Iul. c. 5.* Vnde passim reprehenditur Origenes, de quo vide *Euseb. l. 6. hist. c. 6. & Baron. t. 2. ad annum Christi 208.*

2. Dices. S. Marcus Euangelista dicitur sibi pollicem præscidisse ex humilitate, ne cogeretur sacris initiari: ergo ob simile casum licebit. Resp. Hic nõ fuit Marcus Euæg. *ut probat Baron. t. 1. ad ann. 45.* sed alius quidã Marcus Anachoreta, qui nisi diuina inspiratione id fecerit, vel ignoratía probabili excusetur, laudãdus in eo nõ est. Tali inspiratione putatur fecisse adolescens ille, qui linguam

quam sibi mordicus præscidit, & in faciem meretricis expuit, vt se ab eius impuro contractu defenderet. *De quo vide Hieronym. in vita Pauli.*

QVÆST. III. *An ob comminationem mortis licitum sit se mutilare, v.g. An iubente tyranno possis tibi manuum abscindere, aliquin esses ab eo mox interficiendus?*

IDominicus Sotus putat non posse, quando necessitas provenit ex alterius imperio: posse autem, quando provenit ab intrinseco, vt à morbo, vel saltem, quando id per se est necessarium ad salutem corporis, vt si esses manu a'ligatus intra ædes, accedente incendio vel hoste.

2. Conclusio. Probabilius est etiam tunc licere, quando tyrannus vel Iudex hoc imperabit. *Ita Talems. l. 5. c. 6.* Ratio est, quia pars naturaliter est propter totum: ergo ad conseruationem totius licebit partem abscindere, quando totum aliter conseruari non potest. *Secundò.* Ideò non est licitum priuata authoritate se interficere, quod occisio sui nunquam possit esse medium necessarium ad saluandum aliquid in ipso homine præstantius vitâ. Atqui in homine est aliquid præstantius membro, ad quod conseruandum aliquando est necessarium amputare membrum, ergo est licitum. Nec refert illam necessitatem provenire ab extrinseco, quia necessitas est in ipso homine, siue proveniat à natura, siue ab ipso tyranno. Vnde licet peccet is, qui hanc necessitatem imponit; non tamen peccat, qui tam a necessitate pressus eo modo ad finem suum naturalem vitur. Cætera, quæ disputat D. Th. de verberatione & incarceratione facilia sunt.

QVÆSTIO LXVI.

De Furto & Rapina.

QVÆST. I. *Quid sit furum & rapina?*

IPrima Conclusio. Furtum est occulta rei alienæ acceptio iniurto Domino. *D. Thom. 4. 3.*

¶ 4. & alij passim. Hinc patet hæc duo partim conuenire, partim differre. Conueniunt in eo, quod utrumque sit acceptio rei alienæ inuito domino. Differunt, quod furtum fiat occultè, rapina vi & apertè. Hinc colligit *D. Thom. art. 4.* differre specie ratione iniuriæ. Nam rapina includit nouam quandam iniuriam, quam furtum non includit, nempe violentiam factam domino scienti & renitenti.

2. *Secunda Conclusio.* Acceptio rei alienæ inuito Domino potest tribus modis contingere, *Primò* occultè, vt in furto. *Secundo* vi & apertè, vt in rapina. *Tertiò* fraude, vt in contractu iniquo.

3. *Quæres.* An hæc postrema differat à furto. Respond. si is qui damnum patitur in cōtractu iniquo sciat iniquitatem contractus, & tamen malit hoc damnum iniuste pati, quam contractum omittere, tunc iniuria illius contractus est distincta ab iniuria furti, quia hæc est omnino inuoluntaria; illa partim voluntaria, partim inuoluntaria: si autem ignoret iniquitatem contractus, erit furtum.

Q V Æ S T. II. *Quotplex sit furtum?*

1. *Prima Conclusio.* Furtum solet diuidi in varias species ratione materiæ: nempe in Sacrilegium, Peculatum, Abigeatum, Plagium, raptum, & simplex furtum. Nam si id quod iniuste accipitur, sit res sacra; vel in sacro loco tanquam asylo deposita, dicitur sacrilegium. Si possessio Reipub. dicitur Peculatus: si sit de grege disperso, dicitur abigeatus ab abigendo: si homo liber, vel vendatur, vel mancipium fiat, dicitur Plagium, vel crimen Plagiatus: si scæmina ad fruendum, dicitur raptus: si nihil horum, dicitur furtum.

2. *Secunda Conclusio.* Definitio tamen furti non conuenit his omnibus: non enim conuenit plagio

plagio & raptui, quia furtum est acceptio rei alienæ inuito domino; ergo res quæ accipitur debet habere dominum, à quo possideatur. At homo liber non habet talem dominum, alioqui liber non esset.

3. Dices. Quid si sit mancipium vel ancilla? Resp. si quis furetur mancipium vel ancillam, ut vendat, erit verum furtum, quia est acceptio rei alienæ, quatenus aliena est: intendit enim eam accipere ratione utilitatis temporalis, quæ est Domini: si autem furetur ancillam ut ad tempus abutatur, non erit furtum, quia ancilla secundum illum actum non subest dominio alterius.

QVÆST. III. *Quale peccatum sit furtum.*

1. Prima Conclusio. Ex genere suo est peccatum mortale. Ratio, quia infert proximo nocumentum, quod est contra iustitiam & charitatem. Nota tamen ex genere suo furtum esse minimum peccatum, quod contra proximū committitur, quia bona fortunæ sunt infirma. Ratione tamen incommodorum, quæ inde sequuntur, potest aliquando maius aliis esse.

2. Secunda Conclusio. Fieri tamen potest, ut ex indeliberatione, vel ex materiæ paruitate sit tantum peccatum veniale. Primum patet, quia voluntas furandi potest carere plena & sufficienti aduertentia, ut v.g. cum quis tentatur ad furtum. An autem hæc voluntas possit exire in opus externum sine plena aduersione dubium est. Puto fieri posse: præsertim in iis, qui ex consuetudine sunt propensi ad furandum, vel qui subita & vehementi tentatione ad furtum incitantur. Secundum per se patet.

3. Tertia Conclusio. Ut furtum sit peccatum mortale, requiritur ut materiæ quantitas sit notabilis.

Quæres. Quæ censenda sit notabilis? Nauarr. putat dimidium regalem ad hoc sufficere. Toletus vnum

regalem, vel duos. Sotus vnum vel duos aureos. Alij 100. aureos: Alij putant non posse in genere axari, quæ quantitas sit notabilis, sed eam statuendam arbitrio prudentum pro varia personarum & locorum conditione. Ita Ioannes Medina C. de restit. q. 10. & Petrus Nauar. l. 3. c. 1. n. 35. Ratio est: quia quod respectu vnius censetur notabile: respectu alterius non censetur tale. Iuxta hanc sententiam.

4. Dico *primò*: Respectu omnium etiam Regis & prædiuitis hominis vnum aureum videri quid notabile, ac proinde furtum vnius aurei esse peccatum mortale. Nec obstat, quod hæc quantitas respectu Regis modica videatur. Nam etsi modica sit ad donationes pro regia magnificentia faciendas, non tamen est modica spectatis oneribus Regis oneribus, ad quæ subleuanda hæc quantitas notabiliter iuuat, vt patet cum militi soluendum est, qui per vnum mensem pro vno aureo vitam exponit. Deinde censetur notabilis cum agitur de iniuria subeunda, non enim minus Rex sua omnia vult esse tuta ab iniuria, quam alius quilibet.

Dico *secundò*. Respectu mediocriter diuitum quatuor regales, siue vnum florenum censeri quid notabile, iuxta P. Nau quia sufficit illis ad victum vnius diei.

6. Dico *tertio*. Respectu Mechanicorum duos regales sufficere iuxta Med. inde enim commodè victitant, & hæc summa ferè æquat mercedem diarnam.

Dico *quartò*. Respectu pauperis vnum regalem, vel etiam dimidium sufficere.

Dico *quintò*. Quamuis ipsa res quæ surripitur, non sit notabilis pretij, tamen si auferatur ei, qui inde graue incommodum accipiet, est peccatum mortale; quamuis non sit mortale in specie furti. Ac *primò* esse peccatum mortale probatur, quia notabile damnum proximo irrogatur; vt si furori surripias fetas, vel sartori acum, nec possit aliundè habere. Quod autem non sit mortale

mortale in specie furti probatur ; quia res quæ surripitur secundum se non est notabilis : ergo non est materia furti mortalis.

7. Quæres. Ad quam speciem ergo pertinebit hoc peccatum quatenus est mortale ? Resp. si sequatur damnum v.g. lucrum cessans, erit in specie damnificationis iniustæ, quæ proprio domine caret, quia huius damni causam iniuste dedit : si autem sciat fur talem solere peierare, imprecari, blasphemare, erit peccatum scandali, pertinens ad eam peccati speciem, cuius sciebat se furto suo fore causam.

8. Ex dictis sequitur, eum, qui surripit minima cum animo maiora surripiendi, si posset, peccare quidem mortaliter non illo actu, quo vult furari hoc minimum, sed alio huic coniuncto. Talis enim habet duos actus voluntatis. Primum absolutum, quo vult hanc rem parvam furari, & hæc voluntas exit in actum externum, estque solum peccatum veniale. Alterum, Conditionatum, nempe, vellem auferre maiora si possem. Et hæc velleitas est peccatum mortale, sed non exit in actum externum. Vnde talis fur non incurteret excommunicationem latam in eos, qui rem notabilem furati essent.

QVÆST. IV. *An multa minuta furti faciant peccatum mortale?*

1. **D**Vo quæri possunt. *Primò.* An is qui per furti minuta intendit surripere quantitatem notabilem peccet mortaliter. *Secundò.* An is, qui per furti minuta non intendit acquirere quantitatem notabilem, sed ex occasione ea committit, peccet mortaliter.

2. Prima Conclusio. Qui per furti minuta intendit ditescere aut acquirere notabilem pecuniæ quantitatem, peccat mortaliter illa intentione, & quouis externo furto minuto, ex eius vi procedente. Est communis. Prima pars patet, quia intendit accipere rem alienam magni momenti invito Domino.

3. Dices.

3. Dices. Intendit accipere à diuersis, & nemini cupit facere notabilem iniuriam: ergo non peccat mortaliter. Resp. nego Cōsequentiam, quia etsi iniuria respectu singulorum non sit notabilis, est tamen respectu communitatis. Confirmatur, quia alioqui non peccarent mortaliter, qui vtuntur ponderibus vel mensuris iusto minoribus, quod est contra illud Deut. 25. v. 13. *Non habebis in sacculo diuersa pondera maius & minus, nec erit in domo tua modius maior & minor: abominatur enim Deus eum, qui hoc facit.* Ex Prouerb. 11. v. 1. *statera dolosa abominatio est apud Deum.* Secunda pars probatur, quia singula externa furta procedunt ex intentione mortali; quidquid autem fit ex intentione peccati mortalis est peccatum mortale.

4. Quæres. An in singulis sit nouum peccatum mortale. Respond. Non est nouum, sed continuatur iam cœptum: omnes enim ipsæ acceptiones & detentiones acceptorum censentur vna continua executio prauæ illius voluntatis.

5. Secunda Conclusio. Qui per furta minuta non intendit acquirere rem notabilem, sed ex occasione ea committit, non peccat mortaliter, antequam perueniat ad quantitatem notabilem: peccat tamen simul atque ad eam pertingit, nisi per inaduertentiam excusetur. Prima pars per se patet. Secunda probatur, quia iam incipit detinere alienum in notabili quantitate, voluntariè.

6. Quætes. An illud vltimum furtum complens quantitatem notabilem sit peccatum mortale. Multi affirmant. Resp. per se non est nisi veniale, sicut cætera præcedentia. Cæterum detentio voluntaria rei alienæ in notabili quantitate, quæ tunc inchoatur, est peccatum mortale.

7. Dices. Hoc vltimo furto infert iam notabile damnum: Ergo peccat per illud mortaliter. Respond. dam

damnum illatum incipit tum quidem esse notabile, sed tamen non infertur per vltimum furtum, sed per hoc & præcedentia collectim sumpta, quorum vnumquodque est solum veniale,

8. Quæres. An hæc conclusio habeat etiam locum in esculentis & poculentis. Resp. furta esculentorum, & poculentorum, quæ committuntur a famulis & ancillis, etiamsi sensim perueniant ad notabilem quantitatem, non sunt peccatum mortale, si furentur, vt ipsi met consumant (secus verò, si vt vendant) & si sint ordinaria quæ non solent accuratè concludi. *Ita Nau. c. 17. n. 137.* Ratio est, quia domino non omnino displicet vt hæc capiantur, cuius signum est, quot etsi sciant ista passim fieri, tamen non impediunt & si roga- rentur, faciliè concederent. Vnde non tam displicet ipsa acceptio, quàm modus accipiendi. Atqui non est peccatū mortale accipere aliquid ab eo, cui non displiceret acceptio, si res ab eo peteretur, quamuis modus accipien- di displiceat, vt docet *Caiet. in summa v. furtum, & Nauar. l. cit.* quia dominus non est inuitus circa substan- tiam acceptionis, sed solum circa modum. Hoc notan- dum est propter furta famulorum, filiorum, vxotum, amicorum, qui per verecundiam, aut timorem, non audent petere.

Q V Æ S T. V. *An filius peccet mortaliter accipiendo & expendendo bona paterna?*

1. **P**Rima Conclusio. Peccat mortaliter in his duo- bus casibus. *Primò*, si accipiant notabilem sum- mam occultè ex bonis parentum ipsis merito inuitis. Est communis, & colligitur ex illo Prouerb. 28. v. 24. *Qui subtrahit aliquid à patre suo & matre, & dicit hoc non esse peccatum, particeps homicidæ est.* Ratio est, quia est ve- rū furtum in notabili quantitate. *Secundò*, peccat mor- taliter, si expendat in res turpes, aut vanas, notabilem summam contra voluntatem parentum, ex iis pecu- nis,

niis, quas parens ei dedit ad honestos vsus v.g. emendos libros, vestes. Ita *Nauarr. c. 17. n. 146.* Ratio est, quia parens non concessit ei pecunias ad tales vsus, sed ad alios, neque intendit illas simpliciter donare, sed cum restrictione ad vsum determinatum: ergo filius non accipit earum dominium, nisi ad talem vsum; ergo si aliter eas expenderit, tenetur ad restitutionem, cum ad alium vsum ius non habuerit. Quod si non posset restituere, tenetur adducere in diuisionem, nisi fortè constet alios tantumdem expendisse, vel nisi parens condonauerit, vel putetur facile condonaturus, si filius audeat rogare. Et quamuis donatio patris facta filio non valeat, nisi in certis casibus; tamen morte confirmatur nisi excedat eam summam de qua parens potest disporre. *Vide Nauar. c. 17. num. 158.*

2. Secunda Conclusio. Non peccat mortaliter in his casibus. *Primò*, si quantitas pro conditione status & personarum non censeatur notabilis; plus autem requiritur ad quantitatem notabilem in filio, quam extraneo. *Secundò*, si putet parentem rogatum facile concessurum: tunc enim non videtur inuitus circa substantiam acceptionis, sed tantum circa modum. *Tertiò*, si dum versatur in studiis, vel extra domum paternam, expendat more aliorum suæ conditionis in eleemosynas, ludum, & honestam recreationem: præsumitur enim parens id permittere, nisi constet de contraria voluntate. *Quartò*, si in extrema, vel graui necessitate proximi surripiat aliquid ad Eleemosynam: tum enim parens non potest esse rationabiliter inuitus, quia ipsemet tenetur dare. *Quintò*, si accipiat ex bonis suis castrensibus, vel quasi castrensibus: hæc enim non pertinet ad patrem, sed ad filium. *Sextò*, si parens vendicat sibi castrensia vel quasi castrensia bona filij ultra eius alimenta, potest filius tantumdem repetere. Quod si non audeat, potest occultè vti compensatione, vel re-
petere

petere à cohæredibus. Quod valdè notandum confef-
fariis, ne cogant filium ad restitutionem, cuius fructus
beneficij percipiuntur à parente. *Septimo*, si parens sit
hæreticus bona aduentitia filij, in quibus ille habebat
vsumfructum, redeunt ad filium, & vsumfructus conso-
lidatur cum proprietate. Vnde filius potest ea sibi ven-
dicare. Quod si non audeat, vel non possit, potest oc-
cultâ compensatione ex aliis bonis paternis sibi consu-
lere. *Octauo*. Si filius gerit negotia patris, potest dedu-
ctis expensis, quas pater facit in illo agendo, pro suo la-
bore & industria tantumdem accipere, quantum daretur
extraneo, nisi intendat facere gratis. *Ita Nauarr. cap.*
17. num. 143 & alij.

Q V Æ S T. 6. *An uxor peccet mortaliter accipiendo &
expendendo bona mariti?*

I. P R I M A C O N C L U S I O. Peccat mortaliter in
vno casu, quando scilicet accipit summam no-
tabilem ex bonis mariti, vel quorum administratio ip-
sius est, ipso rationabiliter inuito. Ratio est, quia acci-
pit illud, cuius dominium, vel certè administratio &
vsumfructus est alterius. Itaque tenetur, ad restitutio-
nem, etiam si ex dote, vel ex bonis communibus acce-
pisset. Nam licet tota dos, & dimidia pars honorum
communium ad ipsam pertineat, quod ad propieta-
tem attinet: tamen administratio, & dimidia pars emo-
lumentorum, seu vsumfructus inde proueniens, sunt ma-
riti, quibus iniquè illum priuat. Hinc patet falsum esse,
quod ait *Palud. in 4. dist. 15. quest. 3. a. 6.* Vxorem ex facul-
tatibus communibus posse facere eleemosynas, quan-
tum rediret ad eam vel ad liberos, eius nomine, soluto
matrimonio: sic enim totam suam partem posset dare,
& priuare maritum eius administratione, quod falsum
est. *Vide Nauarr. 17. nu. 155.*

2 S E C V N D A C O N C L U S I O. Non peccat morta-
liter in his casibus. *Primo*, si quantitas iudicio prudentis,
(spectat.)

spectato statu, & cæteris circumstantiis, non sit notabilis *Secundò*, si maritus rogatus concederet. *Tertiò*, si det in extrema vel graui necessitate proximi. *Quartò*, si det ex suis quorum haberi liberam administrationem, vt ex paraphernis, vel ex lucris suæ industriæ : præsertim, si attulit dotem sufficientem ad se alendam, vt docet *Nauarr. Sylu. & alij*. Quod est verum iure communi Cæsareo. Nam quibusdam locis hæc lucra censentur communia. *Quintò*. Si facit eleemosynas & donationes secundum consuetudinem aliarum suæ conditionis mulierum. Quod si maritus prohibeat, videtur tantum prohibere excessum. Ita *Palud. supra, Sylu. v. Eleemos. qu. 5. Angelus ibid. num. 7. & alij*. Si tamen constet illum omnino prohibere, putat *Nauarr.* & quidam alij illam non posse quidquam dare. Sed cōtrarium est verius, quod etiam tenet *Molina disp. 274. & Petr. Nauarr. lib. 3. cap. 1. num. 83*. Et colligitur ex ratione, quam *Syluester. Paludanus, Angelus, & alij Doctores* afferunt, quia consuetudo tribuit ius, non secus ac priuilegium, vel lex : quo iure maritus illam priuare non potest : præsertim, cum ius positium magnam vim habeat circa bonorum administrationem, vt eam vel restringat merito, vel laxet. *Sextò*, si det ad impediendum damnum mariti, siue temporale, sicut fecit *Abigail 1. Reg. 25.* siue spirituale largiendo eleemosynas, ne Deus illum ob flagitia puniat, vel vt ad fidem conuertat, vt docent *Ang. & Sylu. supra, Nauarr. num. 154. & alij*. Ratio est quia vtilissimè gerit negotium mariti, nec ipse potest rationabiliter esse inuitus. *Septimò*, si pro rebus familiæ, vel sibi necessariis accipiat, vt pro vestibus, pro victu, pro medicamentis, quia maritus non potest iustè recusare. *Octauò*, si maritus est amens, vel fatuus : tunc enim administratio ad illam deuoluitur, nisi aliter à magistratu sit prouisum. *Nonò*, si maritus est absens, quia tunc etiam pertinet ad eam administratio

Ratio, nisi aliud à marito sit præscriptum. Nauarr. tamen putat, eam in his duobus casibus non posse amplius dare quam maritus præsens, vel compos mentis solitus erat. Sed verius est eam posse dare prout ratio dictabit, quia potest secundum suam prudentiam administrare. Vnde alij DD. non addunt eam limitationem, et Palud. Sylu. Angelus. Decimò, si maritus est dissipator, qui rem communem in computationes, largis donationes, & similia profundat: tunc enim facit vxori iniuriam, patrem ipsius sine eius consensu profundens. Nam dimidia pars bonorum in matrimonio acquisitorum est vxoris, & dos tota. Vnde soluto matrimonio, tenetur maritus, vel eius hæredes, ad restitutionem vxori, & hæredibus eius. Quare si vxor difficultates metuit, potest occultè compensatione vti accipiendo ex bonis mariti, vt sibi vel liberis consulat, quantum opus est vt sua pars salua sit, vt rectè docet *Petr. Nauarr. l. 3. c. 1. n. 114. contra Nauarr.* qui putat maritum non teneri ad restitutionem, si malè expendat lucra communia. Vndecimò, si pater vel mater vxoris sint pauperes, ita, vt miserè secundum suum statum viuant, tunc enim si maritus nolit illis succurrere, potest vxor ex bonis communibus, vel ex sua dote subtrahere, vt illis det. Idem dicendum, si habeat proles ex alio matrimonio, quæ similiter egeant. Ita *Petr. Nauarr. n. 159. & Corduba quest. 125.* Ratio, quia iure naturæ tenetur illis succurrere, si potest, & illi ius habent alimenta ab ea petendi. Vnde maritus non potest iure id ægrè ferre. Tenetur tamen vxor omnia quæ sic dederit, referre in suam partem, cum ad portionem cum hæredibus viri ventum erit. Duodecimò, si frater vel soror vxoris simili paupertate conflictentur, probabile est vxorem posse illis limitatione succurrere: Ita *Petr. Nau. n. 161.* Ratio est, quia maritus iure communi tenetur fratribus suis subuenire, vt docent communiter DD. cum Glossa in *l. qui filium ff.*

ubi pupulus educari debeat, ergo idem dicendum est de vxore, vt latius colligitur ex l. mutus, ff. de iure dotum.

QVÆSTIO. LXVII.

De iniustitia iudicis.

1. **P**Ræter ea, quæ dicta sunt quæstione sexagesima, pauca huius loci tractanda sunt hîc.

QVÆST. 1. *An Iudex possit condemnare rerum secundum allegata & probata, quem tamen certo scit esse innocentem?*

1. **P**rima Conclusio. Iudex in tali casu tenetur omnes vias & rationes inire, quibus possit illum liberare, vt v.g. impediendo accusationem, si potest: sæpè & per interualla examinâdo testes, an nihil varient, extrahendo iudicium, aperiendo carcerem, si commodè & sine scandalo fieri potest. Si hac ratione non potest eum iuuare, d. bet Iudex inferior causam remittere ad superiorem, & deposita Iudicis persona assumere officium testis apud superiorem, si putet eum hac ratione liberari posse, vt docet Caiet. hic. art. 2.

2. Secunda Conclusio. Si his modis non possit illum liberare, & pars aduersa vrgeat condemnationem, probabile est posse eum tunc condemnare secundum allegata & probata. Ita docet D. Thom. hic art. 2. & eius Discipuli cum plerisque Theologis. Et Couarr. l. 1. variar. resol. capit. 1. num. 5. & alij multi, quos ipse citat. Fundamentum præcipium est, quia Iudex non iudicat, vt persona priuata, sed vt publica: ergo non debet sequi priuatam, sed publicam scientiam.

3. Tertia Conclusio. Verius tamen videtur Iudicem nullo modo posse talem innocentem ad mortem condemnare, sed potius debere officium dimittere, etiam si hoc modo nihil esset reo profuturus, Ita Nicolaus Liranus in cap. 24. Exodi, Adrian. quodlib. 9. art. 3. Angel. v. Iudicare, num. 7. Petr. Nauarr. c. 3. n. 161. Hostiensis, Calderinus. Panorm. in. c. Pastoralis, de offic. deleg. Et multi alij, quos citat Couarr. l. cit.

Probatur

Probatat *Primò*, quia interficere innocentem est per se malum, ac proinde nullo modo licet. Vnde & iure naturali & divino prohibetur. Exod. 23. v. 7. *Infontem & iustum non occides*. Respondent aliqui illum, qui cō- uictus est per testes, non esse innocentem, quia publica opinione habetur nocens & improbus. Sed contra, quia opinio & calumnix aliorum non possunt facere nocentem, qui reuera innocens est: alioqui Susanna fuisset damnanda nocens, quam tamen scriptura vocat innocentem; non debet admittere falsos testes, iuxta illud Exodi 23. v. 1. *Non suscipies vocem mendacij, nec in iudicio plurimorum acquiesces sententia; ut à vero deuies*. Respondent secundò alij: non quidem licere interficere innocentem directè, sed benè indirectè: ut cum in oppugnatione urbis tormentum dirigitur in locum, ubi multi sunt innocentes. Atqui in nostro casu innocens occiditur indirectè, quia Iudex non intendit illum occidere: sed seruare præscriptum legis, & procurare bonum publicum. Sed contra, quia est dispar ratio. Nam qui urbem oppugnat, habet ius dirigendi tormenta in quamuis partem urbis, quæ ei visa fuerit: quo iure non potest priuari per hoc quod aliqui innocentes ibi constituentur. Deinde datur hic actus distinctus ab occisione innocentis, quem actum ille directè intendit, cui solum indirectè, & per accidens coniuncta est occisio innocentis: qui autem condemnat innocentem, non habet ius ferendi sententiam in hunc hominem, cum hoc ipsum sit directè occidere hominem innocentem, neque intendit aliquem actum distinctum ab occisione innocentis, cui ipsa per accidens sit coniuncta, sed ipsammet occisionem.

4. Dices *primò*. Intendit seruare ordinem iudiciorum & bonum publicum, cui per accidens coniuncta est occisio innocentis, sicut qui alterum occidit causa

defensionis sui, intendit conseruationem sui, cui per ag-
 cidens & Indirectè coniungitur occisio inuasoris. Re-
 spondeo. Seruare ordinem iudiciorum & bonorum pu-
 blicum: hoc casu non est quid distinctum ab occisio-
 ne huius hominis. Nam directè per huius occisionem
 intenditur hæc conseruatio. Imò occisio huius homi-
 nis putatur esse conseruatio ordinis iudiciorum. Nec
 est simile de inuasore, qui reuera nocens est. *Secundò*.
 Probatur, quia Iudex non habet authoritatem occiden-
 di innocentem. Nam vita innocentis soli Deo subiecta
 est. At Iudex à Deo non habet hanc authoritatem; ergo
 à nullo habet.

5. Dices *secundò*, Habet authoritatem à Repub.
 occidendi illum, qui probatus est nocens Respondeo.
 auctoritas, quam habet à Repub. non est, nisi propter
 bonum Reip. sed propter nullum bonum. Reipub. lici-
 tum est, directè occidere innocentem, vt supra ex com-
 muni sententia probatum est.

3. Probatur, quia ratio naturalis ideò dictat iudicem
 debere sequi notitiam publicam per allegata & proba-
 ta ne facillè aberraret & discedat à veritate & iustitia in
 iudicando: Hæc enim est ratio illius legis & obligatio-
 nis; ergo quando est ei euidens iudicium fore iniustum,
 si sequatur allegata & probata, non debet ex illis iudi-
 care; nulla enim lex seruati debet, quando ex eius ob-
 seruatione sequeretur id, quod est intentioni & fini le-
 gis contrarium. *Quartò*. Si lex statueret, vt qui per ca-
 lumniam oppressus est, damnetur, etiamsi Iudex sciat
 illum esse innocentem, talis lex esset iniqua & æquas
 aures offenderet; ergo illud ipsum opere exequi est ini-
 quum. *Quintò*. Fieri potest, vt ipse Iudex accusatorem
 & falsos testes subornauerit, & postea non possit illos
 impedire, poteritne etiam tunc illum condemnare?

6. Prima Obiectio. Lex diuina vult vt Iudex
 equatur testes. Deut. 17. versu 6. *in ore duorum vel*
trium

trium testimonium peribit, qui interficietur & Matth. 18. vers. 16. In ore duorum aut trium testimonium stabit omne verbum. Respondeo. Lex diuina solum vult non sufficere vnum testimonium, sed requiri vt minimum duos, vt quis possit interfici. Vnde Deut 18 post verba cit. sic subiungitur. Nemo occidatur vno contra se dicente testimonium. Hinc tamen non sequitur Iudicem debere interficere innocentem, quandocumque sunt duo testes.

7. *SECUNDA OBIECTIO. D. Ambrosius serm. 20. in Psal. 18. sic habet. Bonus Iudex nihil ex arbitrio suo facit, sed iuxta leges & iura pronuntiat. Respond. nihil facit ex arbitrio suo, non quod non debeat vti magna industria, examinando testes seorsum, minando, promittendo, differendo iudicium, mitendo ad superiorem, quæ omnia ex priuata sententia facit : sed debet pronuntiare sententiam ex legum præscripto, non contra. Vt si lex irritat contraactum, debet pronuntiare irritum: si iubet esse ratum, debet pronuntiare ratum : si constituit crimini certam pœnam, non debet eam mutare, præsertim in grauiorem.*

8. Tertia Obiectio. Iudex non iudicat, vt persona priuata, sed vt publica : ergo non potest sequi scientiam priuatam, sed tenetur sequi publicam. Resp. Hinc benè concluditur Iudicem ex priuata scientia non posse authoritate iudiciaria condemnare & absolvere (nisi fortè aliquo casu, de quo infra) non tamen concluditur cum teneri sequi scientiam in condemnando, quando certò nouit illam scientiam nihi aliud esse, quam iniquum errorem & calumniam; cum hac enim rationabili exceptione intelligendæ sunt huiusmodi generales sententiæ, ne id quod pro iustitia seruanda introductum est, detorqueatur ad iniuriam.

6. Quarta Obiectio. Innocentius III. c. Pastoralis de officio & potestate Iudicum de leg. sic habet. Attendentes, quod non cognitio, sed executio tantum demandatur

i dem. Respondemus, quod cum ordinarius teneatur obsequi delegato, etsi sciat sententiam illam esse iniustam, exequi nihilominus tenetur eandem. Resp. primò, Pontifex loquitur de causis Ecclesiasticis, in quibus agitur de iis rebus, quæ subsunt Ecclesiasticæ dispositioni; non autem de supplicio capitis innocentis, quod illi minimè subiectum est. Secundo, Pontifex loquitur de eo, qui est merus executor, & nullam habet causæ cognitionem, hic tenetur exequi sententiam delegati, quam scit esse iniustam, id est, contra ius litigatoris; quia cum litigator non appellet, videtur cedere suo iure, v. l. agnoscere crimen. Si enim putet sibi fieri iniuriam per sententiam delegati, debet ab eo appellare ad Papam: non tamen potest eam exequi, si sciat esse nullam, vt si esset lata, auctoritate falsarum literarum vel per falsa instrumenta, vel per dolum aduersarij: tunc enim debet supersedere executioni: Ita Glossa.

10. Quinta Obiectio. Si hæc sententia vera est, facile possunt Iudices corrumpi pecunia, vt dicant se certo scire reum esse innocentem, & sic eum absoluant, vel certè non puniant, quod cedit in magnum Reip. damnum. Resp. Rarissimè, vel nunquam accidet, vt Iudices velint subire magnum illud discrimen, quod illis impendet, si verum criminolum, qui iuridicè probatus est talis; liberauerint. Nam difficile est sustinere tam apertum mendacium, quod tantoperè attingit honorem Accusatoris & testium: Si tamen id aliquando contingeret, non esset tanti momenti, vt ad illud evitandum etiam innocentes sint damnandi. Melius enim est decem nocentes absolui, quam vnum innocentem damnari. Adde Iudicem præsertim inferiorem, ex priuata sententia non posse absolvere vel damnare, vt dictum est: quamuis enim debeat non damnare, non tamen potest ex auctoritate absolvere: sed potest illum detinere in carcere, donec habeat opportunitatem

nitatem dimittendi, aut certè remittere ad superiorem.

11. Dices. Quid si fiat cum magno populi scàdalo? Resp. hoc facillè caueri potest vel certè curari, vt careat iusta ratione, si videlicet vel reus detineatur ad tempus in carcere, vel remittatur ad superiorem, vel si Iudex sit supremus Iudex, poterit interposito iureiurando apud populum eius innocentiam testari.

QVÆST. II. *An idem sit dicendum de causis ciuilibus?*

1. **H**Oc interest inrer causas ciuiles & criminales. Quod in his agatur de vita & capite, in illis de pœna pecuniaria, exilio, priuatione beneficij, vel efficij. Est ergo quæstio: An sicut Iudex non potest in criminalibus damnare reum secundum allegata & probata, quem scit esse innocentem: ita etiam non possit in ciuilibus. Liranus, Angelus, Panormitanus, & quidam Canonistæ putant esse eandem rationem in vtrisque.

2. Prima Conclusio. In causis ciuilibus, quando Iudex certò scit, alteram partem falsis probationibus niti, tenetur quidem omni industria curare, vt falsitas detegatur, vel vt processus impediatur: tamen si id non potest efficere, potest ex illis probationibus sententiam ferre. Ita ferè reliqui DD. Probatur. *Primò*, quia Respub. habet auctoritatem disponendi de fortunis suorum ciuium, easque de vno in alium transferendi. prout bono publico expediens fuerit, vt ex LL. *usu-capione*, ergo quando est iusta causa, potest id facere: At, qui hîc est iusta causa, tum ne forma publicorum iudiciorum cum populi scàdalo peruerteretur: tum, quia non suppetit ratio incommodum huius hominis auerrendi: ergo Respublica potest statuere vt Iudex in tali casu publicam iudiciorû formam sequatur, etiam si innocens suis fortunis priuandus sit. Confirmatur, quia nemo ciuium id merito potest ægrè ferre, aut queri iniuriam sibi esse factam à Iudice per talem sententiam, cum videat se ab illa iniuari non posse: neque par esse, vt Iudex

officium potius deferat, quàm sententiam ferat. *Secundò*, quia hæc bona non possunt recuperari Nam innocens nō ita per sententiam illis priuatur, vt dominium amittat, vt rectè docet *Arragon. quæst. 60. art. 5. & Sotus l. 3. de iust. quæst. 4. art. 5. & alij*: non enim ea mens est Reipub. nec esse iustè potest, cū sententia falsis probationibus nititur. Itaq; potest, innocens ea occultis modis recuperare ab eo; cui sunt adiudicata. Hoc autē intellige de re pecuniaria, non autem de beneficiis & officiis: cū enim aliquis per sententiā legitimo iuris ordine his priuatur, verè amittit dominium, & possūt alteri validè conferri, vt docet *Sotus supra, Panorm. in c. 1. de concessione præbende, Innocentius in c. Quia plerique de immunitate Ecclesiæ, & alij*. Ratio est, quia beneficia & officia sunt bona publica, de quibus Ecclesiā vel Respub. liberius potest dispensare quàm de priuatis. Itaque quando causa subest, potest non solū eorum possessione, sed etiam dominio priuare.

5. Secunda Conclusio. Hinc patet magnam esse indifferentiā inter causas ciuiles & criminales. Nā Respub. potest disponere de rebus, de quibus sūt causæ ciuiles: non autem de vita & mēbris de quibus sunt potissimum causæ criminales. Vnde mirum non est si possit statuere in illis, vt seruetur forma iudiciorum contra priuatam scientiam: non autem id possit in his.

QVÆST. III. *An Iudex possit aliquem ex priuata scientia condemnare?*

1. Prima Conclusio. Inferior Iudex nullo modo id potest. Ratio est, quia non potest dispensare in legibus superioris: vna autem illarū est; vt nemo condemnetur sine testibus.

2. Secunda Conclusio. Probabile est supremum principem posse ex priuata scientia etiam contra fidē actorum sententiam proferre, tam condemnatoriam, quàm absolutoriam. Ita *Conarradus libro 1. variat. resol.*

resol. c. 1. num. 7. Bortolus & alij in l. 1. C. vt quæ defunt aduocatis partium, Iudex suppleat, Albericus in l. illicitus §. de off. præsidis, & Felin. in c. Pastoralis. Probatur *Primò*, quia est iuris positiui, vt ex allegatis & probatis sententia feratur. At supremus princeps potest dispensare in iure positiuo. *Secundò*, quia principi supremo non minus credendum est, quàm duobus vel tribus testibus, ac proinde ipsius iudiciũ & sententia æquiualeat sententiæ publicæ, quæ censetur esse in duobus vel tribus testibus.

3. Tertia Conclusio. Probabilius est eum id facere non posse. Ita Caiet. v. *Homic. Nauarr. c. 2 §. n. 9. Sotus l. 5. quest. 1. art. 3.* Probatur *primò*, quia quod solus Iudex vidit cõsetur adhuc occultum in iudiciis humanis, ergo non potest publicè condemnare.

Confirmatur *Primò*, quia tollitur reo iusta sui defensio: potest enim se defendere, quamdiu crimen non est probatum, & maximè si probari nequeat. *Secundò*, quia vsurpatur in illum potestas iudicandi, cum solus Deus sit occultorum iudex, vt passim canones tradunt c. *Eru- bescunt d. 32. & cap. consuluisti 2. quest. 4. & c. Tua nos. de simonia.* Quibus locis est sermo de occulto, quod testibus probari nequit, etsi in opus externum prodijt.

Secundò probatur, quia Iudex sicut ex potestate publica, ita etiam ex scientia publica iudicare debet. Nam ætus publicus debet procedere à potestate publica, notitiaque tanquam à causa sibi commensurata, vt rectè Caietanus suprà. *Tertiò*, quia Princeps non habet maiorem potestatem, quàm sit ea, quam Respub. in illum transtulit. Atqui Respub. nusquam gentium, vbi non est tyrannicum regimen hanc potestatem principi dedit vt pro suo iudicio reos posset absoluere tanquam innocentes, vel damnare tanquam nocentes, contra publicas probationes. Id enim esset dare licentiam

exercendi tyrānidem, & omnia pro suo arbitrio administrandi.

4. Ad *Primum* Arg. contrarium Resp. Vt sententia feratur ex publicis probationibus non esse merè iuris positiui in quo princeps possit dispensare, sed esse iuris gentium: quod apud omnes est receptum, & sub cuius onere & obligatione Respublica consecutur suam potestatem in Principem transulisse, ita vt si princeps non obseruet id, manifestè videatur declinare in tyrannidem.

Ad *secundum* Resp. Etsi principis assertio in testamentis & contractibus possit æquivalere pluribus testibus, non tamen in causis criminalibus, quando agitur de condemnando: maximè si sunt probationes in contrarium. Vnde nec absolueret, nec condemnare potest, auctoritate priuata, quia iudicat, & testatur non esse condemnandum, & habenda est ei fides, vt qui sit fide dignissimus.

5. Quarta Conclusio. Respub. posset Principi concedere auctoritatem, vt priuata scientia absolueret & condemnare posset. Ratio est, quia potest cedere suo iure quod habet ad famam circa occulta. Item iure, quod habet, vt de occultis non possit ab homine puniri, & totum hoc ius potest conferri in Principem, ergo tunc princeps absque vlla iniuria poterit de occultis punire. Confirmatur, quia in quibusdam Religionibus subditi cedunt suo iure, vt à superioribus suis ex priuata scientia puniri possint, saltem pœnis modicis: ergo idem potest fieri in Republica.

QVÆST. IIII. An iudex possit aliquem non citatum & auditum condemnare?

1. **E**X dictis suppono inferiorem id non posse, quia Lex superioris est, vt nemo condemnetur inauditus. De supremo quæstio est.

2. Prima Conclusio. Princeps quamvis sit certus de crimine, non potest ordinariè condemnare, nisi citatum, & auditum. Est communis. Ratio, quia si contra faceret, offerret reo arma, quibus se iure potest defendere: vel negando crimen, si occultum est; vel certè excusando eo modo, quo poterit. Vnde iure gentium receptum est, ut id ita fiat.

3. Secunda Conclusio. Extraordinariè tamen in quibusdam casibus non est necesse hoc servare. *Primò*, si crimen est publicum, ut docet *Navarr. c. 2 §. num. 10.* Sic latrones reperti in crimine inreridum è vestigio suspenduntur, sine vlla defensione, aut processu. Ratio, quia factum notorium, seu publicum, est loco accusatoris & testium, nec relinquit reo vllum ius defendendi se in iudicio. *Secundò*, quando esset periculum rebellionis, vel alterius grauis turbationis, si iuridicè procederetur, ut docet *Navarr. & Sylu. v. Homic. quest. 2.* ut si v.g. esset persona valdè potens: tunc enim debet eius causa priuatim discuti, nisi sit omnino evidens. *Tertiò*, quando quis machinatur Reipub. vel priuatis perniciem, quæ aliter auerti nequit, quanquam hoc non tam est punire crimen commissum, quam impedire malum impendens. *Quartò*, si crimen soli Principi, & tribus aliis notum sit; ita ut iuridicè probari possit: tunc enim posset occultè interfici reus, sine citatione & probationibus, si publicè absque graui aliquo incommodo puniri non possit. Ratio est, quia quando crimen sic est probabile, tunc constat reum non habere iustam sui defensionem in iudicio. Ita *Petr. Navar. art. 192. Arragon. quest. 67. art. 2. Conarr. l. 1. variar. rescl. c. 1. num 7. & Iurisp. supra citati.*

QVÆST. V. Quot modis Iudex iuridicè procedat aduersus criminosos?

1. **P**rima Conclusio. Solent communiter assignari tres modi: vel enim procedit via accusationis,

tionis, vel denunciationis, vel inquisitionis vt expresse habetur c. *Qualiter & quando*. 2. de accusationibus. Via accusationis procedit, quando est aliquis actor, qui spondet se obiecta probaturum. Denunciationis vero, quando aliquis detulit crimen, qui non vult suscipere onus probandi. Hoc enim differunt accusator & denunciator, quod illi incumbat onus probandi; huic minimè. Est autem duplex denuntiatio. Altera dicitur Evangelica, quæ tendit ad emendationem proximi, & fit superiori tanquam patri; de qua in materia de correptione fraterna. Altera est iudicialis, quæ spectat vel punishmentem criminum ob bonum commune, vel certè mali alicuius aut damni impeditionem, & fit superiori tanquam iudici. Via inquisitionis proceditur; quando Iudex seu superior ex officio procedit ad purgandam prouinciam, vel aliquem locum suæ iurisdictioni subiectum reformandum, vel ad inuestigandum criminis commissi auctorem.

2. Dices. Iudex non potest aliquem condemnare sine accusatore, vt docet *D. Thom. quæst. 97. art. 3.* ergo potest tantum procedere via accusationis. Resp. Iudex non potest condemnare sine accusatore generatim accepto. Nam semper requiritur accusator formalis, vel virtualis. Virtualis dicitur, qui supplet vicem accusatoris. Vicem eius suplet in criminibus contra bonum publicum simplex denuntiatio. In priuatis si sint notoria, ipsa facti euidencia; præsertim si de auctore constet.

3. Secunda Conclusio. Illi tres modi possunt ad duos reuocari: vel enim Iudex procedit ex officio, vel ad instantiam partis. Ex officio procedit, quando præcedente aliqua infamia, vel denunciatione capit informationes, & format inquisitionem contra auctorem, vt sic ad plenam probationem & scientiam perueniat. Ad instantiam partis procedit, quando pars of-

fensa

ferla, vel alius ad quem iure spectare potest, accusationem porrigit, & Iudex admissa secundum probationes procedit. Quando ergo Iudex agit ex officio, procedit per inquisitionem: quando verò ad instantiam partis, per accusationem: Denunciatio verò non est aliqua via procedendi per se distincta, sed est quoddam præuium vt Iudex procedat ex officio, siue per viam inquisitionis.

4. TERTIA CONCLUSIO. Modus procedendi ex officio, siue per inquisitionem, extendit se ex dispositione iuris canonici ad omnia crimina, secundum *Archidiaconum in c. t. c. de delictis, de pœnis in 6.* In omni enim genere criminum possunt Iudices per inquisitionem procedere. Idem ex consuetudine seruatur in foro civili. Vnde in quibusdam regnis via inquisitionis est ad eò ordinaria, vt altera, nempe accusationis, non admittatur nisi in paucis causis. Nam in regno Neapolitano nemo admittitur ad accusandum, nisi suam, vel suorum iniuriam exequatur. Similiter in regno Franciæ prohibita est omnis accusatio, quæ tendit ad vindiictam publicam, & solum permittitur pro interesse civili. Vnde in omnibus causis criminalibus proceditur per viam inquisitionis, vt docet *Iulius Clarus lib. 5. quæst. 3. n. 6.*

QVÆST. VI. *An quando Iudex procedit viâ inquisitionis generalis, debeat precedere infamia personæ delictum?*

1. TRIPLEX est inquisitio, prima, est omnino generalis, quâ in genere inquiritur. An subditi seruent leges? An non committantur crimina? An de nullo sit fama vel suspicio alicuius criminis. Hâc vtuntur prælati & superiores in visitatione prouinciæ & locorum subiectorum. Secunda, est omnino specialis, qua de certa persona, & de certo crimine quaeritur. v. g. An Petrus commiserit furtum, vel simoniam? Tertia, est mixta, quâdo vel solû crimen est speciale, vel sola persona.

vt v. g.

vt v.g. Qui fecerit istud homicidium. An Petrus seruet ordines Synodales. De *prima* hîc agitur, de *seruanda* & *tertia* in sequent.

2. Prima Conclusio. Vt Iudex faciat inquisitionem omnino generalem, non est necesse vt aliqua infamia præcesserit. Est communis, & colligitur ex c. *Perniciosam*, de officio Iudicis ordinarij, & ex c. *Romana*, de censibus in 6. Ratio est, quia talis inquisitio est necessaria ad purgandam Remp. & ad mores reformandos. *Secundò*, quia per eam nulli fit iniuria, cum de nemine in particulari fiat inquisitio.

Dices. Per eam deteguntur occulti peccatores. Respondeo; Hoc fit præter intentionem inquirentis, vt in sequentibus explicabitur.

3. Secunda Conclusio. In hoc tamen casu interrogati subditi non tenentur patefacere criminosos occultos, qui nulla talis criminis infamia laborant. Est communis, & colligitur ex cap. *qualiter & quando supra*. Ratio est, quia id, de quo nulla adhuc est fama, censetur occultum, dum via inquisitionis proceditur. Atqui potestas Iudicis non extendit se ad occulta elicienda, quia indè sequerentur maxima incommoda in Repub. Itaque etiam si sub iuramento vel sub pœna excommunicationis præcipiat, vt dicas veritatem de eo, quod nosti, tamen non teneris, sed potes cum restrictione mentali, dicere te nescire quidquam, intelligendo tacitè te nescire eo modo, vt tenearis patefacere.

4. Tertia Conclusio. Imò non licet subditis patefacere occultos criminosos ad punitionem, vt colligitur ex c. *Qualiter supra*. Et peccant contra iustitiam si patefaciant: præsertim, quando crimen est tam occultum, vt probari non possit. Ratio est, quia nullum iis habent patefaciendi occulti criminis. Nam si probari non potest, non potest etiam puniri, ac proinde
non

non potest ex eius reuelatione aliud sequi , quam infamia.

2. Quarta Conclusio. Excipio tamen duos casus quibus potest superiori patefieri , etsi omnino occultum sit. Prior est, quando id putatur esse necessarium ad illius emendationem: tunc enim aperiendum est superiori, non vt Iudici, sed vt patri, vt sua prudentia & aucto itate illum emendet. Posterior est, quando aliquod malum vel spirituale, vel temporale impendet ab aliquo , quod commodè auerti non potest , nisi opera superioris. Hinc sequitur occultum crimen tribus modis posse manifestari. *Primò*, ad punitionem. *Secundo*, ad emendationem. *Tertiò*, ad auertendum malum. Primus modus est illicitus: reliqui duo liciti.

Q V Æ S T. 7. *An ad inquisitionem necesse sit infamiam precedere?*

1. **D**ifficultas est , an quando crimen est publicum, sed auctor ignoratur , possit Iudex inquirere, quis fecerit. *Negat Caiet. quest. 69. art. 1. & 2. & Dom. Soto in tract. de secreto memb. 2. quest. 6. dnb. 4.*

2. Prima Conclusio. Quando manifestum est, licitum est Iudici quærere in genere , quis fecerit : non tamen in particulari : An Petrus fecerit, nisi de eo sit aliqua fama, vel indicium. Ita *Sylu. v. Conceptio num. 6. Nau. c. 18 num. 40. Innocent. in c. Bona 1 de electione. Panorm. & Imola ibid.* Probatur *Primò*, ex communi praxi iudicum Ecclesiasticorum & sæcularium. *Secundo*, quia nisi fierent tales inquisitiones , duo grauissima mala in Repub. sequerentur. Nam & populus grauiter offenderetur , videns Iudicem non inquirere authorem aperti criminis: & malefici sepè impunitatis inualescerent. *Tertiò*, quia nemo potest quæri sibi factam iniuriam per hanc generalem inquisitionem : imò tota Respub. illam desiderat.

3. Dices. Canones prohibent , ne procedatur per

per inquisitionem, nisi de auctore sit fama, vel certè iudicium. *c. cum oporteat, de accusationibus, & c. Inquisitionis & c. Qualiter & quando. 2. ibidem.* Resp. Canones illi loquuntur expresse de inquisitione speciali, qua inquiritur de Petro vel Paulo: non autem de ea, qua generatim quæritur, quis fecerit.

4. Secunda Conclusio. Etsi superior in hoc casu ut officio suo satisfaciat, possit subiuramento generatim inquirere à subditis, quis fecerit: subditi tamen non tenentur patefacere authorem, si nulla laboret infamia, & nihil mali in posterum timeatur. Prima pars patet ex dictis. Secunda est communis sententia & colligitur ex canon. supra dictis. Ratio est, quia superior non potest obligare subditos, ut reuelent occultos peccatores, sed solum ut eos, qui infamia aliqua laborant: multo minus occultus peccator tenetur, seipsum prodere.

5. Dices primò: D. Thom. in capitulo generali apud Paris. dicitur respondisse, occultum authorem teneri se prodere ad præceptum prælati, quando crimen est notorium. Resp. Tunc solum erat Baccalaureus, & cæteri magistri eidem contradixerunt, ut refert Sylu. v. *Correctio, num. 6.*

6. Dices secundò. D. Greg. interdixit cuidam sacra concione, qui libellum famosum sparserat nisi se prodere, & excommunicat eundem, si se non prodens accedat sacram communionem, ut habetur *5. quæst. 1. c. quidam maligni.* Resp. Infamator ille, qui scripserat libellum famosum, tenebatur alterius famam reparare, vel certè probare, quæ in libello habebantur, quorum neutrum sine sui patefactione facere poterat.

Q V Æ S T. 8. *An ad inquisitionem specialem necesse sit infamiam precedere?*

1. **P**rima Conclusio. Ut iudex possit contra aliquem instituire inquisitionem specialem, tendentem
ad

ad punitionem criminum, debet præcedere aliqua infamia auctoris. Est communis: & colligitur ex c. *Inquisitionis* & ex c. *Qualiter supra*. Ratio est, quia Iudex quando ad punitionem criminum procedit, debet ex sententia publica procedere: sententia autem publica est, quæ habetur per accusationem, vel confessionem rei in iudicio, vel per infamiam, vel per facti euentum in conspectu Iudicis, & aliorum. Confirmatur, quia meritò quisque posset queri sibi fieri iniuriam, nisi in vitam eius iuridicè inquireretur, cuius fama alioquin est integra. Nā per talē inquisitionē redditur suspectus.

2. Quæres. Quanta debeat esse ista infamia? Resp. non sufficit, ut duo, vel plures etiam iurati affirmant se vidisse crimen illud committentem, ut expressè habetur c. *inquisitionis*, quia adhuc res est occulta, ac proinde minimè per publicam inquisitionem procedat: sed requiritur, ut rumor de eo sparsus sit per maiorem partem vicinæ, vel Collegij, vel vniuersitatis, in qua commoratur, ut dicatur ibidem infamia laborare, ut docet *Sotus tract. de secreto, memb. 2. q. 6.*

3. Secunda Conclusio. Excipiuntur tamen aliqui casus, quibus non requiritur ad specialem inquisitionem infamia præuia de illo crimine.

Primus est, si quis confessus sit crimen occultum in iudicio etiam coram paucis, ut coram solo Iudice & Notario, ut colligitur ex c. *de accusation. in 6.* Nam talis confessio inducit notorium iuris. Idem dicendum, etiam si solum incidenter illud confessus sit, ut communiter tradunt *Iurisp. cum Bartolo in l. 2. §. ad L. Iuliam de adult.* Non tamen sufficit confessio extra iudicium, etiam si coram multis facta sit, nisi ex ea orta sit infamia, ut vult *Navarrus*, etsi contrarium seruetur in praxi, de quo infra, neque ea, quæ facta est metu tormentorum, si postea tanquam metu facta reuocetur: neque ea, quæ facta est coram Prælato in cogitante, aut in aliqua Epi-

stola secreta, quam Prælati aperuit, ut docet Sotus loca citato.

4. Secundus est, quando Iudici per generalem inquisitionem procedenti patefactus est author, tunc enim potest contra eum procedere, ut docet Nauarr. *supra n. 87. contra Sotum. & est communis Iuriss. in l. 2. §. de adult.* Nec refert, quod testis fortè peccauit reuelando, eo quoque nulla esset infamia, quia ex quo crimen deductum est in publicam Iudicis notitiam, siue benè, siue malè, ille tenetur contra illud procedere per particularem inquisitionem, & punire, ut docet idem Nauarr. Nota tamen hos duos casus non esse propriè excipiendos à regula illa generali, qua dicitur, absque infamia non esse speciatium inquirendum: quia notorium iuris vel facti plus est, quam infamia. Vnde si præcedente infamia licet, etiam licebit cum res est notoria.

5. Tertius est, quando delictum commissum est in iudicio, ut si testis falsum deponat in iudicio: si accusator calumniatur, aut præuaricetur, aut tergiuersetur, Ita Nauarr. *n. 87.* Ratio est, quia hæc crimina censentur valde noxia bono publico; eo quod iustitiam iudiciorum publicorum vel euertant, vel impediant. Vnde merito ex iudiciis & vehementi suspitione contra ea procedi potest.

6. Quartus est in crimine hæresis & apostasiæ. In his enim sine accusatore vero vel ficto (id est qui vicem accusatoris suppleat) etiam sine infamia inquiri potest, ut docet Nauarr. *n. 93. & c. Excommunicamus de hæreticis, & l. Apostatarum. C. de Apostatis.* Ratio est, quia hæc crimina sunt maximè noxia Reipub. cum ab iis semper impendeat aliis periculum euefisionis: requiritur tamen aliqua suspicio orta ex iudiciis non leuibus.

7. Quintus est omni crimini læsæ Majest. humanæ, ut constat per *extrauag. Frederici Imp. quæ incipit ad reprimendum: & habetur post lib. feudorum* in hoc crimine
ante

ante illam *extrauag.* non poterat procedi sine infamia, vel notorietate: post eam potest, ut ait *Bartolus in dictam extrauag.* quod *Nauarr. num. 94.* sic intelligit ante illam non potuisse procedi, ad inquisitionem illius criminis iam perpetrati, nisi quis de eo esset infamatus, vel manifestus; post illam posse procedi etiam ex suspicione, ut si vnus vel plures suspicentur de aliquo, & id Iudici nuncient.

8. Sextus est, quando inquiritur de morte Domini contra seruos, ut si Dominus inueniatur occisus, & nesciatur auctor, iuxta *L. 2. ff. ad senatus consult. Silianum*, & contra nautas nauis submersæ, iuxta *L. Quoties C. de naufrag.* quia etsi nulla aliquorum hominum fama sit contra illos seruos vel nautas: tamen est quædam populi de illis suspicio.

9. Quæres. An in aliis casibus licitum sit Iudici ad inquisitionem specialem procedere, & consequenter, an probanda sit praxis Iudicum secularium, qui ex denuntiatione publici officialis ad id munus deputati, vel alicuius priuati, aut ad querelam partis offensæ, quæ tamen onus probandi in se suscipere non vult, procedunt ad capiendas informationes & indicia, quibus habitis formant libellum inquisitionis. Nam hæc praxis videtur damnari ex communi sententia *Theolog. & Canonist.* qui docent, sine præuia infamia, vel æquipollente, non posse procedi ad inquisitionem: & probatur *Primò, ex canon. citatis. Secundò.* Probat *Nauarr.* quia lege diuina & naturali prohibemur inordinatè detrahere proximo, aut dare causam detrahendi: Eadem lege prohibemur scandalizare proximum: at publicatio peccati est proximi scandalizatio.

Verius tamen est illam praxin non esse dānandam si circumspectè, & iuxta leges, vel consuetudines in prouinciis receptas, fiat: idq; in grauib; causis, ut in furtis, homicidiis, sacrilegiis, incestibus, aliisque criminibus

Remp. turbantibus; & non ad nudam punitionem, sed quod censetur necessarium Reipub. bono. Hæc sententia sic limitata probatur. *Primo*, quia est praxis Iudicum sæcularium Deum timentium in omnibus penè prouinciis, & maximè per Italiam recepta, vt testatur *Iulius Clarus q. 3.* neque tamen à summo Pontifice, vel Episcopis ideo reprehenduntur, aut in malo statu esse censentur. *Secundo*, quia ita sentiunt doctissimi Iurisp. cum *Bartolo in L. 2. ff. ad L. Iuliam de adult.* *Tertiò*, quia non est iuris diuini, aut naturalis, vt non fiat inquisitio sine infamia authoris præuia, sed est iuris humani, vt fatetur *Sotus in tract. de secreto, membro 2. q. 6. dub. 2.* Atqui ius humanum potest contraria consuetudine legitimè præscripta aboleri; ergo hoc merito potest videri abolitum in sæcularibus tribunalibus, si tamen vnquam fuit ibi receptum. *Quartò*, etiamsi esset iuris naturalis, vt non fiat inquisitio sine præuia infamia: id tamen esset intelligendum, nisi Respub. cesserit suo iure. Atqui videtur cessisse, quia probat tales inquisitiones & eas cupit fieri.

9. Ad *primum* Resp. Canones loquuntur de Ecclesiastico Iudice.

Ad *secundum* prohibemur quidem iure naturali inordinatè aliquem infamare, aut dare causam infamandi, sed negamus illos Iudices inordinatè id facere. Nam sicut qui accusat aliquem de crimine occulto, quod testibus sufficienter probare potest, non infamat illum inordinatè: sic neque Iudex, qui ex denunciatione informationes capit. Habet enim iustam causam id faciendi.

Ad *tertium*. Publicatio peccati alicuius, maximè secularis, non est scandalizatio, quando sequitur punitio: imò cedit potius in exemplum toti populo.

QVÆST. I X. *Quibus modis aperiatur via Iudici saculari ad inquisitionem?*

Conclusio. Multis modis id fieri potest, de quibus iam ex parte dixi. *Primò*, si delictum sit notorium, & author occultus: sed tunc potest solum generatim inquirere quis fecerit. *Secundo*, si auctor sit notorius. Probatur autem aliquid esse notorium per duos testes, ut docet Glossa in c. *Deus omnipotēs* 2. q. 1. *Tertiò*, si sit fama de authore. *Quartò*, si sit communis suspicio. *Quintò*, si sint indicia iudicialiter probata, *Sextò*, si sit semiplena probatio, ut si crimen ipsum sit notorium; & accedat vnus testis omni exceptione maior de authore. *Septimò*, si pars offensa querelam offerat, & indicia, vel testes, à quibus informati possit, Iudici insinuet; tunc enim Iudex potest ab illis informationes de plano, ut dicitur, & absque strepitu accipere, quibus ubi satis instructus fuerit, poterit citare criminolum, & contra eum inquisitionis libellum formare. *Octauò*, si publicus officialis, vel alius denunciât iudicialiter, & testes, vel indicia significet. *Nonò*, quando pars impingit crimen testi, ut contra illum excipiat, & illud probat, etsi non omnino plenè: tunc enim iudex de eo inquirere potest, si ad eius iurisdictionem pertinet. *Decimò*, quando quis intentat actionem civilem, ut sibi damnum sarciaur ex delicto, v. g. ex incendio, homicidio, furto, illatù: tunc enim potest Iudex etiam contra illud delictum procedere, quia iam factum est quasi notorium. *Vndecimò*, si delictum sit commissum in iudicio. *Duodecimò*, si reus vel testis incidenter confessus sit in iudicio.

QVÆST. X. *Ex quibus indicis possit Index remm subicere tortura?*

1. **N**ota *primò*. Iudicia à Iurisperitis generatim Vocari omnia ea, ex quibus potest aliquo modo colligi, quis sit auctor criminis, ut fama, suspicio publica, testimoniū vnus vel plurium, confessio rei, & similia.

2. Nota *secundò*. Distingui quinque gradus indiciorum. In *primo* sunt leuia, probabilia tamen, quæ probabilem suspensionem de auctore criminis commouent. In *secundò* sunt leuia probabiliora, quæ faciunt præsumptionem, id est, valdè probabilem suspensionem. In *tertio* sunt indicia grauiora, quæ & legitima, & indicia iuris vocari solent. In *quartò* est probatio semiplena, quæ amplius quid est, quam indicium legitimum. In *quintò* sunt indicia grauissima, quæ & indubitata dicuntur. Indicia primi & secundi generis sufficiunt ad capiendas informationes, & etiam ad capturam, spectata conditione personæ, & causæ, & cæteris circumstantiis. Huiusmodi sunt assertio vulnerati morientis, vt si dicat à Petro se vulneratum: grauis inimicitia præcedens: assertio socij, qua socium criminis detegit. Hæc tamen indicia non sufficiunt ad formandum libellum inquisitionis contra aliquem, neque ad torturam, quia ad hæc requiruntur indicia grauiora, & maximè ad torturam, quæ est graue malum, ac proinde sine graui causa irrogari non potest.

3. Nota *tertiò*. Torturam esse introductam, non in pœnam criminis commissi (hoc enim cum nondum plenè probatum, non potest puniri) sed in subsidium probationis, vt quia sufficiens & plena probatio deest, ipse reus confitendo veritatem suppleat, quod ad plenam probationem requiritur, vt docet *Conarr. in qq. pract. q. 23. ex communi sententia.*

4. Nota *Quartò*. Torturam tantum adhibendam esse in criminibus grauioribus, quæ pœna corporali castiganda sunt: non autem in iis quæ exilio, vel pecunia. Ita *Gomez t. 3. c. 13. c. in 2.* Ratio est, quia reo nondum conuicto non potest irrogari pœna maior, quam sit ea, ad quam est condemnandus.

5. Nota *quintò*. Iudicem non posse reum subiicere torturæ ad extorquendam criminis confessionem, quando

quando legitimè est conuictus per testes, etiamsi nolit fateri crimē, vt docet *Nauarr. c. 18. n. 59.* Ratio est, quia cum tortura adhibenda sit in subsidium ob defectum plenæ probationis, frustra inferretur reo conuicto, quia confessio non est necessaria ad condemnandum. Excipe tamen duos casus. Alter est, quando reus malitiosè appellat ad superius tribunal, vt executionem iustæ sententiæ impediatur; quod in Italia & regno Castiliæ permittitur, si non sit confessus crimen, vt testatur *Nauarr.* tunc enim si crimen esset atrox, & expediret reum ibi puniri, posset torqueri ad eliciendam confessionem, vt iniqua appellatio impediatur. Alter est, quando putatur habuisse fœcos, vel commississe alia crimina; hinc enim etiam per torturam potest de his interrogari, moderatè tamen pro ratione causæ indiciorum. Ita seruat tota Italia & Francia teste *Claro quest. 64. num. 8.*

9. Prima Conclusio. Ad torturam sufficit semiplena probatio: si tamen persona talis sit, vt torqueri possit. Est communis sententia teste *Claro quest. 21. n. 2.* tunc autem est semiplena probatio, quando vnus testis, contra quem nulla est exceptio, deponit se vidisse hunc, tali loco & tempore, committentem homicidium, furtū. Quod si non viderit, sed audiuerit à fide dignis, vel si contra illum sit aliqua exceptio, vt si sit mulier, aut minor 20. annis, aut infamis, aut excommunicatus, aut inimicus; tunc eius depositio non facit sufficiens indicium ad torturam. Vnde grauiter reprehendendi sunt Iudices, qui ex tali indicio, absque vlllo alio probationis adminiculo, torquent: quia ius id illis non permittit. Dixit *reus possit torqueri*, quia quidam iure prohibentur torqueri, vel ob ætatem, vt impubes: vel ob debilitatem, vt senex: vel ob periculum abortus, vt mulier prægnans: vel ob priuilegiū, vt vir illustris, aut in dignitate constitutus, eiusque filij, & Doctor eiusque liberi, & miles, de quibus *Gomez ca. 13. n. 1. c. Clarus quest. 64.*

Hi ne leuiter quidem torqueri possunt, etiamsi semiplenè probati sint, nisi in hæresi, proditione, vel simili crimine læsæ maiestatis; si in aliis torti fuerint, & confessi, quamuis postmodum confessionem suam ratificent; non possunt tamen condemnari, quia confessio fuit irrita, ut pote per iniuriam extorta, & consequenter ratificatio, quæ ex illa sequitur, ut ex multis iuribus probat *Gomez num. 4.*

7. Secunda Conclusio. Præter semiplenam probationem, etiam alia indicia minora, quam semiplena probatio, sufficiunt ad torturam, quorum præcipua sunt hæc, *Primum* est fama publica de auctore criminis: præsertim, si aliquibus aliis adminiculis iuncta sit, ut si ei accedat aliquis testis minus idoneus, v.g. assertio socij, vel minoris, vel si appareat vestigium facinoris ut teste, vel armis. Quidam putant solam famam sufficere per duos testes probatam. Sed verius est non sufficere sine aliis indiciis. Ita *Clarus quest. 21. n. 1.* Ratio est, quia fama in criminalibus non probat, sed habet se instar accusatoris.

8. Nota tamen, si quis esset malæ famæ de similibus criminibus ante commissis, & publica etiam fama grauaretur in præsentis delicto, hic posset torqueri, quia fama prior adiuncta posteriori facit vehementem præsumptionem, ut *ibidem docet Clarus.*

9. *Secundum* est confessio rei extra iudicium, ut si apud aliquos se iactauerit de crimine, vel dixerit se auctorem. Est communis, ut docet *Felin. in c. olim de rescri. n. 5. & Gomez, n. 8.* Debet tamen hoc probari per duos testes omni exceptione maiores, si neget se dixisse, quia debet omnino de tali indicio constare. Nam cum ipsum crimen non certò concludatur ex tali iudicio, etiamsi de indicio constet; multo minus procedendum est ex indicio dubio. Idem dicendum est de confessione facta coram Iudice incompetente, id est, qui non habet potestatem

statem cognoscendi in causa, eo quod vel reus non sit illi subditus vel causa sit exempta, et si enim ex tali confessione reus non possit condemnari à proprio Iudice, ut patet ex capit. *Ac sic clericis, de iudiciis*, potest tamen torqueri tãquam ex indicio, quod maximam præsumptionem criminis ingerit. Quod autem multi Iurisp. cum *Bartolo in l. 1. ff. de qq.* docent confessionem extrajudicialem ita valere ad torturam, ut si reus in tortura idem confiteatur, possit condemnari, etiamsi postea non ratificet confessionem, falsum est, si de condemnatione ad pœnam ordinariam criminis intelligatur: quia confessio in tormentis præcedentibus iudiciis facta semper requirit perseverantiam & ratificationem: alioqui est nullius momenti, cum vi tormentorum censeatur expressa.

10. *Tertium* est assertio duorum vel trium sociorum: quãdo enim duo vel tres capti fatentur crimen & produnt aliquem socium criminis, potest hic capi, & torturæ subiici: & hoc servatur in regno Neapolitano & Gallia, ut docet *Clarus q. 21. num. 10.* debent tamen tunc cum iuramento deponere, quia agunt ut testes. Hoc tamen intelligi debet, quãdo non est iusta suspicio, id ex malevolentia proficisci. Dictum unius socij, etiamsi iuramento confirmetur, non sufficit ad torturam, nisi alter simul infamia, vel graui suspicione illius criminis laboret, quia per se testis minus idoneus, qui tamen cum fama potest vehementem præsumptionem parere. Similiter assertio vulnerati persistentis in ea usque ad mortem non sufficit ad torturam, ut expressè habetur *L. si qui in graui. ff. ad senatuscons. Silan.* Ratio est, quia præsimitur ex aliqua offensione, vel errore dixisse.

11. *Quartum* est fuga statim patrato delicto inita, ut habetur *l. Corn. ff. eod. tit.* si tamẽ citatus compareat, abstergit omnẽ suspensionẽ. Aliqui addũt solam fugam nõ sufficere, nisi præuia aliqua suspicione. *Vide Clar. m. 23.*

12. *Quintum* est inimicitia grauis non sola sed cum aliis indiciis ex ea pendentibus, vt si ante minatus est minas suas solitus sit exequi si parauit arma, & visus est circa illum locum eo tempore quo homicidium putatur commissum. Ita Bartol. & alij l. finali ff. de questionibus.

13. *Sextum* est inconstantia & titubatio rei, dum examinatur circa principalia causæ, iuncta aliis indiciis, vt docet *Clarus num. 39.* sola tamen titubatio, vel solum mendacium non sufficit, quia aliqui ita perturbantur in illo examine, vt vix sciant, quid dicant.

14. *Septimum* est si quis visus sit exire domo, vel ex aliquo loco ense stricto, & ibi reperiatur aliquis interfectus. Ita *Gomez num. 11.* & multi *Iurisp. quos citat.*

15. *Octauum* est, si res sublata reperiatur apud reum nisi docere possit, vnde eam habeat. Ita communiter DD. teste *Gomez n. 12.* qui hoc limitant, si est persona vilis, & de qua non sit bona opinio.

15. *Nonum* est, si commissio aliquo magno furto cuius nescitur author, aliqua vilis persona, quæ sæpe versari ibi solet, apparet repente diues. Nam illis circumstantiis concurentibus nascitur magna præsumptio aduersus eam, quæ sufficiens sit ad torturam, vt ex communi sententia docet *Gomez n. 13.* Hæc ferè præcipua sunt indicia à DD. explicata, ex quibus cætera prudenter æstimari poterunt.

17. *Quæres primò.* An sit sufficiens indicium ad capturam & torturam, quod recens occisus vel vulnus sanguinem emittat ad præsentiam huius, & non ad præsentiam aliorum? Aliqui affirmant, sed contrarium est probabilius cum *Gomez n. 15.* quia hoc indicium est nobis incertum, vt potè ex causis nobis ignotis: non enim constat, an id fiat operatione diuina in detestationem homicidij, & vt sic homicida occultus pate fiat: an ex aliqua causa naturali: an fraude aliqua diaboli. Idem dicendum

cendum videtur de probatione illa per aquam, qua iudices aliqui fœminas sortilegij suspectas solent in aquâ certo modo ligatas iniicere, quæ si mergantur, absoluntur. si mergi nequeant adiudicantur torturæ, quasi hoc sit indicium sufficiens ad torturam, cum tamen sit incertum. Nam si id opera dæmonis agitur, ut omnino agi videtur, incertum est: An ille non permittatur aliquando hanc calumniam struere innocentibus.

18. *Quæritur secundo.* An reus possit sæpius torqueri, Resp. si nihil confessus est, non potest sæpius torqueri, nisi indicia sint gravissima, quia per illam constantiam videntur indicia elisa. *Secundo*, si nova ramen indicia superveniant, repeti potest quæstio, ut habetur *l. unus ff. de qq.* *Tertiò*, si quæ confessus est in confessione postmodum revoce, verius est rursus posse subiici, etiamsi nova indicia non supervenerint, quia per talem revocationem indicia non sunt elisa: imo illa variatio videtur fecisse novum indicium.

QVÆST. XI. *An iudex condemnans reum præter ordinem iuris teneatur ad restitutionem?*

1. **P**rima Conclusio. Tenetur ad restitutionem, si condemnet non subditum, aut in crimine exempto. Ratio, quia facit ei manifestam iniuriam. Nam etsi alter dignus sit morte, tamen Iudex non habet auctoritatem illum puniendi. Atqui ex iniuria nascitur obligatio restituendi, si ex ea damnum secutum sit. Notatamen si proprius Iudex qui legitimè poterat reum condemnare, ratum habeat factum alterius, illum liberari ab obligatione restituendi. Ratio est, quia hoc ipso, quod proprius Iudex habeat ratum alterius iudicium, vult illud ex hoc tempore censeri tanquam à se factum.

2. *Secunda Conclusio:* Etiam iudex proprius, qui condemnat reum, vel ex priuata sententia, vel cognitione per iniuriam extorta, tenetur ad restitutionem. Ita

Nauarr. cap. 18. num. 9. & alij. Ratio est, quia quando ex priuata sententia condemnat, facit iniuriam reo tanquam Iudex minimè competens: non enim concessa est illi talis authoritas, vt ex priuata sententia progrediatur: quando autem per iniuriam extorquet crimen, dat iniuste causam damni: ergo tenetur ad reparationem damni, quod ex illa cognitione iniuste parta sequitur. Nota tamen, si iudici suppetebant aliæ rationes, ex quibus reum iuridicè damnare poterat, non teneri ad restitutionem, quia solum in modo inferendi damni iniuria commissæ est, cum idem damnum alia ratione iuste potuisset inferre.

QVÆSTIO LXVIII.

DE ACCVSATORE.

QVÆST. I. *Quid sit accusatio, & quæ requirantur solemnitates?*

1. **P**rima Conclusio. Accusatio propriè est delatio rei de crimine ad vindictam publicam libello facta. *Ita Sylu.* Finis accusationis est vindicta publica ad exemplum populi, vt omnes ab huiusmodi criminibus sibi caueant.

2. Secunda Conclusio. Ad eam iure communi requiruntur sex. *Primum*, vt fiat in scriptis. *Secundum*, vt exprimaturs dies & annus quo intentatur. *Tertium*, nomen accusatoris & accusati. *Quartum*, species delicti. *Quintum*, locus & etiam tempus, nempe annus & mensis quo delictum commissum est. *Sextum*, inscriptio accusantis. Hæc omnia habentur l. libellorum ff. de accusationibus.

3. *Quæres.* An omnia planè necessaria sint. Resp. *Primum*, requiritur ex lege: consuetudine tamen receptum est, vt accusatio possit fieri verbaliter, modò Notarius eam statim in scriptum redigat. *Secundum*, iam non est necessarium, vt testantur DD. *Tertium* & *Quartum* & *Quintum*, nunquam debent omitti. *Sextum*, nepe

inſcriptio accuſantis, qua accuſator ſe obligat ad pœnam taliquis, modò non eſt neceſſaria in foro ſæculari: imò nec in uſu; tum quia id retraheret homines ab accuſando: rari enim reperirentur, qui vellent ſuſcipere onus probandi cum tanto periculo: tum, quia hoc tempore Iudex poteſt præcedere ex officio, ſi accuſator deſecerit. In foro tamen Eccleſiaſtico, ubi ſeruatur ius canonicum, neceſſaria eſt: vt colligitur ex c. *Qualiter & quando* 2. de accuſationibus.

QVÆST. II. *An accuſationem habeat præcedere ſecreta monitio?*

1. **P**rima Concluſio. Quodocunque crimen eſt probabile in iudicio, non tenetur accuſator ex iuſtitia præmittere ſecretam monitionem, ſed poteſt ſine iniuria accuſationem inſtituere. Ratio eſt, quia in tali caſu propter bonum publicum conceſſa eſt accuſatio, vel ſaltem denunciatio, vt crimina in exemplum aliorum puniantur, & ſic alij à malo deterreantur. Vnde reus non poteſt queri de iniuria ſibi facta, quod ante monitus non fuerit.
2. Dices. Qui Euangelicè denunciat, tenetur prius monere peccatorem, ſi putet illum emendandum, idque ex iuſtitia, vt multi volunt: ergo etiam qui iudicialiter denuntiat, vel accuſat. Reſp. Non eſt par ratio, quia qui euangelicè denunciat, nullam habet cauſam denunciandi, niſi fratris emendarionem: Ergo ſi priuatim emendari poteſt, non debet denunciare: quia non bebet ſine cauſa fratrem infamare: qui autem accuſat, vel denunciat iuridicè, ſpectat punitionem ob bonum publicum. Vnde etiam ſi frater eſſet priuatim emendandus, tamen ſub eſt iuſta cauſa illud accuſandi, nempe vt eius punitione alij terreantur.
3. Secunda Concluſio. Sæpè tamen fieri poteſt, vt priuſquam accuſes, vel denuncies iuridicè, tenearis lege charitatis proximum monere, vt deſiſtat à crimine: præſertim,

præsertim si sit occultum, & speretur priuatis monitis esse emendandus, & ad debitam satisfactionem inducendus; maximè si persona habeatur honesta: tunc enim contra charitatem esset tantum malum irrogare.

4. Nota tamen, quando crimen est contra bonum publicum, & adhuc pender, vel continuandum putatur in futurum, charitatem ordinariè non postulare vt monitio secuta accusationem vel denuntiationem præcedat; sed debere statim deferri Iudici, vt malo occurrat, vt v.g. si occultè aliquis hæreticus in urbem irreperit, si quis cum hoste occultè tractet, si consilia Principis significet; si falsam monetam cudat. Ratio est, quia periculū quod impendet est minoris momenti quam infamia & damnum quod alter ex accusatione incurrit.

QVÆST. III. *An accusator possit desistere ab accusatione incepta, & quas ob causas?*

1. **P**rima Conclusio. Certum est posse & debere etiam desistere in his tribus casibus. *Primò*, siprehendit se errasse, quia scilicet putauit hunc esse auctorem criminis, qui non est. *Secundò*, si res incipit esse dubia, & post diligentem inquisitionem maneat dubia. *Tertiò*, si videt se probare non posse, tunc enim pergere in accusatione esset calumniari.

2. Secunda Conclusio. Certum est posse desistere, si Iudex accusationem refutet, nolendo eam admittere, vel si rescindat admissam. Hoc autem potest facere Iudex *primò*, si videt libellum habere aliquem defectum substantialem. *Secundò*, si accusatur aliqua persona; quæ non potest sine magna Reiperturbatione puniri: tunc enim supremus Iudex potest accusationē inchoatā abolere; etiam si accusator priuata causa, vt suas iniurias persequatur, accusaret. Ita *Caietanus a. 3.* Ratio est, quia Principis est primariò gerere curam boni communis; ad quod refertur bonum priuatorum, ac proinde ipsius est cauere damnum publicum, etiam cū incōmodo priuatorum.

torum. Iudex autem inferior ob eandem causam potest accusationem ab initio non admittere & repellere, idq; nō ordinario iure & potestate, sed ex tacita quadā Principis voluntate: admittā tamen non potest ex auctoritate abolere, sed potest suspēdere, & dissimulare, & interim totū negotiū Principi exponere. Tertiò, si persona illa bono publico cēsetur necessaria, vel valde cōducibilis: tunc enim supremus Princeps potest accusationem abolere: inferior autē Iudex potest eā nō admittere, & admittā impedire ex quadā æquitate; si nō agitur de iniuria partis: si autem agitur de iniuria partis, non potest; quia ad ipsum non spectat principalis boni publici promotio, sed officij iniuncti administratio. Itaque tenetur parti ius dare, nec potest se prætextu maioris boni publici eximere. Alioqui hac arte sæpe Iudices liberarent, quos vellent.

3. Tertia Conclusio. In causa civili potest actor à lite recedere, siue per gratiam, siue per transactionem; si tamen actio sit famosa, qualis est furti, non potest in ea transigere post litis contestationem sine Iudicis auctoritate, alioqui notatur infamia, ut patet L. *furti ff. de his qui notantur infamia.*

4. Quarta Conclusio. In causa criminali ante litem inchoatam licitum est desistere per gratiam, (si accusator non tenetur accusare vel denunciare,) post litem inchoatam nō est licitum sine Iudicis auctoritate, neque etiam sine consensu rei, si fuit subiectus tormentis, vel ex accusatione infamatus. Quod si aliter destiterit, incurrit pœnam senatus cōsulti Turpiliani, quo punitur infamia, & quinque libris auri si crimen erat publicum quod accusauerat; ut patet L. i. c. *ad Turpilianum*: si autem erat priuatum, punitur pœna extraordinaria, arbitrio Iudicis | si quis ff. *cod. tit.*

5. Quæres. Quod crimen dicatur priuatum, quod publicum? Resp. priuatū dicitur, cuius accusatio solum concessa

concessa est ei, qui iniuriam vel damnum passus est, vt crimen furti, iniuriarum, stellationatus, vt patet ex L. *si quis ff. ad Turpilianum*, & L. *finali, ff. de priuatis delictis*. Publicum dicitur cuius accusatio cuilibet concessa est, quia ad publicam vtilitatem maximè pertinet illud puniri, vt patet ex l. 1. & seqq. ff. *de publicis iudiciis*. Tale est *Primò*, omne illud, quod directè fit contra Deum, & res diuinas, vt hæresis, blasphemia. euersio templorum & imaginum. & similia sacrilegia. Colligitur ex l. 4. c. *de hæreticis*. *Secundò*, tale etiam est, quod fit contra Majestatem Principis, vel Reipub. vt omnia crimina læsæ Majestatis. *Tertiò*, quod fit contra priuatam personam, tunc demum censetur publicum, si lege statutum sit, vt publicum habeatur, vt crimen homicidij, parricidij, adulterij, peculatus, falsi, vis publicæ, vel priuatæ, ambitus, repetundarum, annonæ, vt patet L. 1. ff. *de publ. iudiciis*.

6. Quinta Conclusio. Licitum est transigere in crimine publico capitali, præterquam in crimine adulterij, quia hic transactio est turpis, si autem est crimen publicum non capitale, non est licitum transigere, nisi in crimine falsi, vtrumque habetur L. *Transigere, C. de transactionibus*. In criminibus priuatis generatim transactio est licita. Quod tamen intellige ante accusationem. Nam post accusationem non potest fieri sine auctoritate Iudicis. Porro in his omnibus videndæ sunt leges, & consuetudines prouinciarum. Nam hæc quæ ex iure allata sunt, supponunt accusationem fieri cum descriptione, que tamen iam vix est in vsu.

QVÆSTIO. LXIX.

DE REO.

QVÆST. I. *An reus à Iudice non iuridicè interrogatus teneatur fateri veritatem?*

1. Prima Conclusio. Reus non tenetur veritatem fateri, aut iurare de calumnia id est, se in omni partelitis veritatem dicturum si iuridicè nō interroget, Iudex

Iudex ; aut iuris ordine seruato. Est communis, & colligitur ex c. *Qualiter & quando* & c. *cum oporteat*, & c. *inquisitionis de accusationibus*. Ratio est, quia tunc non potest reo ullam obligationem imponere ad crimen aperiendum, aut ad iurandum; cum ius ei hanc potestatem non concedat: Vnde sequitur reum non teneri ad eius mentem respondere, aut iurare; sed artificio eludere.

2. Quæres. Quando Iudex dicitur interrogare reum non seruato ordine iuris? Respondeo. Quando de crimine occulto interrogat, de quo neque est fama contra reum, neque indicia competentia, neque probatio semiplena. Vt enim reo possit obligatio imponi à Iudice ad fatendum crimen; requiritur, vt iam aliquo modo deductum sit ad noticiam publicam.

3. Secunda Conclusio. Non tenetur etiam crimen fateri, quando dubitat, an Iudex iuridicè inrerroget. Ita Caiet. hic art. 1. Dom. Sotus tract. de secreto mēb.

3. quæst. 2. conclus. 2. Probatur primò, quia nemo tenetur parere superiori cum graui suo vel alterius incommodo, nisi constet eum legitimè præcipere, & habere auctoritatem obligandi; cur enim tantum onus teneatur suscipere ab eo, de quo dubitat, an possit imponere, Secundò, In dubio fauendum est reo. Hinc sequitur Iudicem teneri reo aperire statum causæ, probationes, indicia & testes, vt videat iuridicè contra se procedi, seque interrogari posse, & vt si quid contra habeat, possit opponere, & excipere.

QVÆSTIO. .II.

An iuridicè interrogatus reus teneatur fateri veritatem?

1. **A**liqui putant non teneri, si inde pœna temporalis plectendus foret, teneri tamen si tantum pœna spiritali, vt excommunicatione. Ita Panorm. in c. *Cum super, de confessis*, & alij in 2. concl. citandi.

2. Prima Conclusio. Si iudex iuridicè interroget, & hoc reo notum sit, tenetur veritatem fateri, etiamsi capite plectendus esset. *Ita D. Th. art. 3. Caiet. ibid. Henr. quodli. 1. quæst. 33 Palud. d. 19. quæst. 4. Nau. c. 25. num. 53.* Qui omnes generatim loquuntur, nec distinguunt inter pœnas. Probatur *primò*, quia quisque tenetur obedire superiori legitimè præcipienti. Atqui superior legitimè præcipit, quando secundum ordinem iuris interrogat reum, aut iuramentum defert: ergo reus tenetur parere dicendo veritatem. *Secundò*, in hoc casu Iudex habet ius eliciendi veritatem ob bonum publicum: ergo si reus eam occultet, facit contra ius & auctoritatem superioris. Hinc colligunt citati authores, reum non solum teneri, quia iuravit: sed etiam absque iuramento, ex vi solius præcepti superioris.

3. Secunda Conclusio. Non est tamen improbabile reum non peccare mortaliter negando crimen; præsertim in causa capitali, quamdiu est spes euadendi, etiamsi iuridicè interrogetur. *Ita præter Pavnorm. Angelus v. Confessio delicti nu. 1. Sylu. ibidem quæst. 1. Fumus ibidem num. 8. Sa, v. Reus, & quidam alij recētiore.* Probatur *primò*, quia quādiu est spes euadendi, eo quod nondum sit plenè probatum, præceptum illud fatendi criminis videtur nimis difficile, neque satis accommodatum humanæ imbecillitati: vix enim vnus è centum reperietur, qui si speret hac ratione se posse euadere mortem, non sit crimen negaturus. Atqui præcepta vt obligent, debent esse consentanea conditioni humanæ, vt & leges. *Secundò*, lex humana non potest obligare cum periculo mortis, nisi aliquando magnitudo negotij aliud postulet, vt verior sententia tenet, & plerique docent: ergo nec præceptum humanum: eadem est enim vtriusque ratio, si cætera sint paria. Atqui ex confessione criminis incurrit certissimum periculum mortis: ergo cum tali periculo non tenetur confiteri.

confiteri. *Tertiò*, Nemo potest cogi ad testificandum contra sanguine iunctum, ut patet ex l. 4. ff. de testibus: ergo multo minus ad testificandum contra seipsum. Confirmatur ex l. *Nimis graue*. ff. de testibus. Vbi dicitur neminem teneri contra se exhibere id, per quod sibi negotium fiat. Hinc sequitur *Primò*, non teneri iurare ad mentem Iudicis, sed posse uti amphibologia, vel mentali restrictione. *Secundo*, eandem sententiam etiam in causis non capitalibus in quibus valdè grauis pœna imponitur, ut est damnatio ad trirèmes, vel perpetuum carcerem, vel confiscatio bonorum, non videri improbabilem. *Tertiò*, sacerdotem non debere cogere reum ut veritatem fateatur, quamdiu est spes euadendi, quod etiam notat *Sa loc. cit.*

4. Ad *primum* contrarium Respondeo. Fieri posse ut Iudex habeat ius interrogandi causa boni publici, ut officio suo fungatur; & tamen alter non teneatur respondere ad eius mentem, idque propter summum ius vitæ suæ tuendæ, per quod licitum est ei tegere & abscondere ea, per quæ vita ipsi eripietur, sicut qui est in periculo vitæ, potest fugere ex carcere, etsi Iudex & leges præcipiant ne fugiat, & fugientem puniant. Item citatus potest non comparere, quamuis Iudex præceperit, ut compareat. Item seruus bello captus potest fugere, etiamsi dominus præceperit, ne fugiat. Nihil enim repugnat, Iudicem habere ius inquirendi veritatem à Reo, & Reum habere ius celandi; quo casu etiamsi possit præcipere, præceptum tamen eius non obligat, neque fit ad obligandum, sed inducendum, vel terrendum Reum, ut veritatem fateatur.

5. Dices. L. 2. c. de iureiurando, propter calumniam dando, dicitur partes debere iurare de calumnia. Vnde sequitur reum debere iurare de dicenda veritate. Resp. *primò*, aliqui authores notant fore valde expediens,

si summus Pontifex, vel supremi Principes conderent legem, ne Iudex in causis capitalibus posset à reo exigere iuramentum de dicenda veritate, propter euidentem occasionem periurij, sicut in c. clericos, de cohab. Cleric. & mulier, dicitur, clericos, qui tenent concubinas, non esse compellendos ad eas abiurandas, propter periculum periurij, sed censuris cogendos. Respondeo *secundò*, per iuramentum calumniæ eo loco non intelligi iuramentum de dicenda veritate, sed de non agendo calumniosè, seu quod non committet calumniam in causa, vt patet ex ipsis verbis legis.

QVÆST. III. An reus, condemnatus secundum allegata & probata, teneatur obtemperare?

1. **P**rima Conclusio. Quando sententia est, re ipsa iniqua, vt quia nititur falsa præsumptione, aut falsis propositionibus, non obligat in conscientia; quamuis secundum ordinem iuris sit lata. Ita plerique authores. Ratio est, sententia est veluti lex quædam alicui priuatim imposita. At lex non obligat, quando ex eius obseruatione sequeretur id, quod est contrarium fini legis. Vnde cum finis sententiæ sit, vt cuique tribuatur quod suum est, si ex eius obseruatione contrarium eueniret, non obligat. Hinc sequitur, *Primò* eum, qui per talem sententiam aliquâ re priuatus est, vt legato, hæreditate pecuniaria, non teneri in conscientia ad solutionem, nisi maius malum aut scandalum timeretur. *Secundò* sequitur, illum cui talis res est applicata, si sciat sententiam falso fundamento niti, non posse eam retinere, sed obligari restituere, quia illa res est alterius. Ita Innoc. in c. Quia plerique, de immunitate Eccles. & alij.

2. Secunda Conclusio. Reus tamen in hoc casu non potest se per vim defendere contra Iudicem, aut ministros, ne sententiam talem exequantur. Ita D. Thom. artic. 4. Et est ferè communis sententia. Probatur *primò*,

primò, quia Iudex habet ius exequendi talem sententiam, imò authoritate Principis, aut Reip. ad hoc compellitur: ergo reus non potest ei resistere, alioquin daretur bellum vtrinque iustum absque ignorantia. *Secundò*, quia nasceretur inde graue scandalum & perturbatio in Repub. Hæc vera sunt in causis ciuilibus, & quando Iudex procedit seruato iuris ordine. Nam si non ita procedit, potest reus se defendere, vt fatetur *D. Thom.* Quod verò ad causas criminales attinet, aliqui putant licitum esse Reo vti mera defensione, si scandalum absit & alioquin innocens plectendus esset morte. Ita nonnulli Iurisp. apud *Couar. l. 1. par. resol. c. 2. num. 13.*

QVÆST. 4. *An reus possit fugere ex carcere?*

1. **P**rima Conclusio. Ante sententiam potest fugere, nisi fortè iurauerit se permausurum. Est communis, quam vsus omnium gentium confirmat. Ratio est, quia non coniicitur in carcerem, vt ibi sponte maneat (hoc enim nemo vel certè perpauci facturi sunt) sed vt ibi detineatur interim, dum eius causa excutitur.

2. Dices. Ex fuga illius potest obuenire damnum custodi carceris. Respond. Hoc custos debet tribuere suæ negligentiae. Nam alter vitur suo iure.

3. Secunda Conclusio. Etiam post sententiam fugere potest, si damnatus sit ad pœnam mortis, vel mutilationis. Ita *D. Th. a. 4. Caiet. ibid. Sotus l. 5. q. 6. a. 4.* Ratio est, quia non potest ei præcipi. cum obligatione, vt cum tanto damno suo ibi maneat; hoc enim præceptum esset nimis difficile, & quodammodo superans humanam conditionem.

QVÆST. 5. *An possit carceres & vincula effringere?*

1. **N**egant *Couar. l. 1. var. resol. c. 2. num. 14. Sylu. v. Accus. num. 12. & Henr. quodli. 6. quæst. 25.*

2. **P**rima Conclusio. Qui licitè potest fugere, potest etiam vincula rumpere & carcerem per-

tundere. Itē Caiet. & Sotus *supra*, Nauarr. c. 27. num. 102. & *passim recentiores*. Probat *primò*, quia cui licitus est finis, licita etiam sunt media: ergo cui licita est fuga, licitum etiam est eius impedimenta remouere. Neque hoc est, vim inferre potestati publicæ, quia hæc non est in vinculis & lapidibus sed in Iudice & ministris, quibus non licet vim inferre, quando iusta est condemnatio. Secus est de vinculis & carcere: sicut si quis obiiceretur leoni deuorandus, posset se viribus contra eum defendere. *Secundò*, Reus non tenetur ibi manere, sed Iudicis est curare, ut vi maiori detineatur: ideo enim catenæ & compedes sunt ferreæ, & carceres firmissimi; alioqui si vinculis stupeis constrictus esset, non posset ea dirumpere, quod est ridiculum. *Tertiò*, illud præceptum oblata occasione euadendi, nimis esset durum, & humanis moribus minimè accommodatum.

3. Dices. Effractores carceris grauissimè à legibus puniuntur, ut probat *Conar.* ex 4. legibus: ergo peccant effringendo carcerem: si enim non peccarent, illa puniatio esset iniusta. Resp. legislatores illi fortè secuti sunt alteram sententiam, quæ etiam est probabilis; vel certè procedunt ex præsumptione, quod effractores custodibus vim attulerint, quod ipsa verba legis insinuant, ut patet l. 1. de effractoribus.

2. Secunda Conclusio: Damnatus ad pœnam carceris temporariam, non potest fugere, vel carcerem effringere. Probabile tamen est damnatum ad carcerem perpetuum præsertim grauem, posse fugam capere. Prima pars est communis, quia hæc pœna non est ita grauis, quin reus, qui ob sua crimina iustè ad eam est damnatus, debeat eam sponte subire; sicut soluere multam pecuniariam, concedere in exilium, seruire ad tempus in hospitali, manere ad tempus intra monasterium, & similia. Secunda pars de perpetuo carcere, præsertim graui, est *Salonij*, & *quorundam recentio-*

rum, contra Caiet. Sotum & Conarr. Ratio est, quia non tam condemnatur ut ibi sponte maneat, quam ut detineatur: esset enim nimis graue obligare in conscientia ad sponte manendum in perpetuo carcere graui.

QVÆS. 6. *Alij possent Reo auxilium ferre ad fugam vel effractionem?*

1. **P**rima Conclusio. Cuicumque est licitum fugere, ei possunt alij fugam & vinculorum disruptionem suadere, modo non sint publicæ potestatis ministri. Ita *Caiet. & Sotus supra, & alij passim.* Ratio, quia quod tibi licitum est facere, id possum suadere tibi ut facias, nisi ratione officij prohibeat, quo modo prohibentur ministri iustitiæ. cum enim ex officio teneantur curare, ut reus detineatur, contra officium facerent fugam suadendo.

2. Secunda Conclusio. Probabile etiam est licitum esse iisdem captiuo porrigere instrumenta, quibus vincula incidat, & carcerem effringat. Ita *Caiet. & Salon. contra Sotum.* Probat *Primò* quia si potes alicui consulere finem, cur non etiam disponere media necessaria ad illum consequendum; præsertim cum consilium non videatur aliud esse, quam speciale quoddam instrumentum? *Secundò*, licitum est ostendere illi viam & modum, quo possit elabi, ut fatetur Sotus. Atqui hoc non minus est opitulari, quam præbere instrumenta. *Tertiò*. Nulla est ratio, cur non possim præbere instrumentum ei, qui licitè utetur, nisi ob peculiatem aliquâ causam id mihi sit prohibitum, neque id est violare publicam custodiam, quia non iuvo effringere; neque porrigo instrumenta ei qui iniustè vsurus est.

3. Tertia Conclusio. Non tamen possumus iuuare reum effringendo exterius carceres, & rumpendo vincula. Est communis. Probat *primò*, quia solus reus habet ius ad id propter maximū incōmodum.

quod ipsi imminet. *Secundo*, alioqui nihil posset esse iudicibus satis firmum & tutum ad custodiam reorum, quod cederet in maximum Reip. damnum.

QVÆSTIO LXX.

De Testibus.

QVÆST. I. *Quot testes requirantur in causis criminalibus*

1. **S**uppono crimen tribus modis legitimè constare posse Iudici. *Primò*, si ipse cum tribus vel quatuor aliis deprehendat reum in flagranti delicto. *Secundo*, si reus in iudicio confiteatur crimen. *Tertiò*, si testibus conuincatur. Hic 3. modus est ferè ordinarius, de quo hic agimus.

2. **Prima Conclusio.** Quando per testes veritas inquiritur. in causis criminalibus, requiruntur & sufficiunt duo testes legitimi. Est communis, iure gentium recepta. Et colligitur ex l. *ubi numerus.* ff. de testibus. Et c. *licet vniuersi*, De testibus.

3. **Quæres.** An etiam requirantur iure diuino? Resp. in veteri testamento requirebantur iure diuino: vt patet Deut. 17. v. 6. *In ore duorum aut trium peribit qui interficietur.* At in nouo testamento hoc ius nō obligat, quia omnia iudicialia abrogata sunt per mortem Christi.

4. **Secunda Conclusio.** Quamuis in causis criminalibus requirantur & sufficiant duo testes, fieri tamen potest, vt iure ciuili, vel canonico requirantur aliquando plures in aliqua causa. Sic iure canonico ad condemnandum Episcopū Cardinalem requirūtur 72. testes. Ad presbyterum Cardin. 64. Ad Diaconum Card. 27. ad reliquos Clericos 7. vt patet ex Sylu. Papa c. *Presul. 2. quæst. 5.* sic etiam iure ciuili in testamentis clausis requirūtur 7. testes In codicillis & apertis testamentis 5. In criminalibus tamen hoc Iure sufficiunt duo; quia in testamentis plures sunt insidiatores, & testator mortuus non potest suam mentem interpretari.

QVÆST. II.

QVÆST. 2. Quales debeant esse bi duo estes vt legitimè probent.

1. PRima Conclusio. Vt plenè. probent requiruntur 4. *Primum*, vt deponant iurati: vt patet *exc. Nuper. de testibus. Secundum*, vt testentur de eodem facto, alioqui non essent duo testes eiusdem facti. *Tertium*, vt sensu externo factum ipsum, de quo testantur, perceperint, v. g. vt viderint occidentem, aut audierint blasphemantem, vt habetur l. *solan* c. *de testibus*. *Quartum*, vt sint idonei, & omni exceptione maiores, id est, contra quos nihil potest iure opponi, quo minus fides illis adhibenda sit, vel cur non sint ad testificandum admittendi.

2. Secunda Conclusio. Multi repelluntur in causis criminalibus tanquam minus idonei ex dispositione iuris. iure canonico repellitur mulier ob fragilitatem sexus, & ingenij mutabilitatē, c. *Forum*, de verborum significationibus & c. *Mulierem* 33. *quest. 5.* Iure tamen civili in omni causa admittitur l. *Ex eo ff. de testibus*. Præterquam in testamento l. *qui testamento*, ff. *de testamentis*. *Secundò* repellitur minor 20. annis l. *In testimonium ff. de testibus*. *Tertiò* Inimicus eius, contra quem testimonium dicit: hic repellitur etiam in criminibus exceptis, in quibus alij minus idonei, admittuntur vt in probanda Simonia, hæresi, & aliis similibus c. *Per tua*, de Simonia. *Quartò*. Ascendentes & descendentes accusatores, & laterales, sed hi tantum vsque ad quartum gradum. Non tamen consanguineos & affines Rei interdum admitti posse ad Reum defendendum, eiusque innocentiam probandam, vt habet vsus teste Claro. *Quintò*, domestici ipsius producentis. *Sextò*, infamis infamia iuris, qualis est omnis, qui de aliquo crimine est damnatus. Infamia autem facto, etiam regulariter repellitur. *Septimò* periurus *Octauò* Socius criminis l. *fin. c. de accusationibus*. In criminibus tamen

exceptis admittitur socius, ut idoneus testis, ut in hæresi, crimine majestatis, falsæ monetæ, maleficio seu sortilegio, Sodomia, & furto famoso. *Nonò*. Persona vilis & inops, de qua suspicio est, facile posse pecuniâ corrumpi. Vide l. 3. & 4. ff. de testibus. ubi ferè hæc omnia habentur. Nota tamen testes minus idoneos admitti tanquam idoneos, quando delictum est commissum eo loco vel tempore, ubi copia testium haberi nequit, ut in campo, sylva, monte, cubiculo, vel nocturno tempore, ut patet c. fin. de testibus.

QVÆST. 3. *An quis semper teneatur testari ad præceptum Iudicis?*

1. **P**rima Conclusio. Subditus tenetur denunciare, & testari, præcipiente Iudice, in his casibus, *Primò*, si auctor laboret infamia delicti. *Secundo*, si de eo est semiplenè probatum *Tertiò*, si ab eo impendeat ali-quod damnum bono publico, vel graue malum alicui priuato, quod aliter nequeat impediri *Quartò*, si procedatur via accusationis, & delictum plenè probari possit, tunc testis citatus tenetur testari. Colligitur ex l. *inuitus de testibus*, & ratio est, quia nisi hoc casu possit testis cogi, nemo auderet accusare, quia non potest probare nolente teste, & sic videretur calumniator.

2. Secunda Conclusio. Multis tamen casibus non tenetur denunciare, vel testari. *Primò*, si nouerit ex confessione sacramentali. *Secundo*, si illi sub secreto patefactum est consilij vel auxilij petendi causa, ad salutem animi vel corporis miseri delinquentis, ut si sit medicus, aduocatus, obstetrix: tunc enim non potest denunciare, nec testimonio suo confirmare, etiam si de auctore esset infamia, vel semiplena probatio, Ita Nau. c. 25. n. 46. Cordub. l. 1. q. 43. & Petr. Nau. l. 2 c. 2. num. 222. Ratio est, quia non debet misero homini obesse, quod auxilij vel consilij petendi causa se alteri bona fide patefecerit, alioqui peccatores à consilio petendo auerte

auerterentur. *Tertiò*, si auctor non laborat infamia; nec timetur damnum in futurum; (vt si speretur emendandus priuatis monitis) non teneris denunciare, neque testari contra eum, quando proceditur per inquisitionem, etiamsi tu cum duobus vel tribus aliis scias. *Quartò*. Quando proceditur via accusationis, si testis videt rem probari non posse, eo quod ipse solus, & accusator sciant, non tenetur testari. *Quintò*, Quando Iudex querit quis acceperit, non tenetur subditus patefacere eum qui accepit causa iustæ compensationis, eo quod aliter obtinere non poterit. *Sextò*, si ex denunciatione, vel restitutione, aliquod notabile damnum tibi immineret. *Septimò*, si cognoui ab eis, qui non sunt fide digni, Hoc enim perinde est, ac si nesciré. *Vide Na. c. 25. n. 46.*
QVÆST. I V. *Antestus teneatur ad restitutionem si nolit testari, vel si veritatem occultet?*

1. **P**rima Conclusio. Certum est non teneri ad restitutionem ex eo, quod se non obtulit, quia non tenetur ex iustitia se offerre, quamuis aliquando teneatur ex charitate.

2. Secunda Conclusio. Nec tenetur ad restitutionem, si nolit testari, quando graue damnum ei impenderet inde, quia non tenetur tunc testari, nec superior potest eum obligare, nisi bonum publicum id exigat. Sed difficultas est, si nullum damnum immineat, & à Iudice citetur, vel iussus sit citari, an tunc teneatur restituere, si non obtemperet; *Resp. primò*. Probabilius est eum, qui se occultat, vel fugit, antequam Iudicis præceptum, aut citatio ei legitimè denunciatur, non teneri ad restitutionem damni, quod sequitur ex defectu restitutionis. Ratio est, quia nemo obligatur præcepto superioris: priusquam id ei debito modo imponatur. Sicut si inferior vitet conspectum superioris ne ab eo mandatum aliquod accipiat, non obligatur præcepto, et si malè faciat tali vtens artificio. *Respon-*
 deo

deo, *secundo*. Non videri quoque improbabile, si postquam citatio Iudicis per ministrum publicum ei est intimata, fuga, vel fraude testificandi actum declinauerit; non teneri ad restitutionem. Ita *Molina disp. 83*. Ratio est, quia citatio illa & præceptum non imponit illi obligationem iustitiæ ad se sistendum & testandum, sed solum obedientiæ: non enim censetur iniustus, si non compareat, sed inobediens & contumax. Confirmatur, quia obligatio, qua quis ex iustitia tenetur in gratiam proximi aliquid facere, non oritur præcisè ex præcepto Superioris, sed ex acceptatione eius, qui vult aliquid facere in gratiam proximi. Nam acceptando implicite promittit, & alter ius tribuit ad hoc exigendum.

QVÆST. 5. *An Testis teneatur restituere si falsum testatus sit?*

Prima Conclusio. Si vel sciens, vel ex crassa ignorantia dixit falsum testimonium, ratione cuius alter iniuste damnum acceperit, tenetur ad restitutionem damnorum in solidum. Ratio, quia per iniuriam est efficax causa totius damni.

2. Secunda Conclusio. Qui falsum testimonium dixit ex ignorantia, vel in aduertentia non culpabili, vel ex obliuione saltem non mortifera, non tenetur ad restitutionem damni secuti. Ita *Caiet. art. 4*. Ratio est, quia neque ratione rei acceptæ; cum nihil inde habeat; neque ratione iniustæ damnificationis, quia non peccauit mortaliter, vt supponimus. Atqui probabile est non teneri ad restitutionem ex damno illato cum, qui non peccauit mortaliter.

QVÆSTIO LXXI.

De Advocato.

QVÆST. 1. *An aduocatus possit causam dubiam tueri?*

Prima Conclusio. Si vtraque pars est quasi æquè probabilis, potest suscipere patrocinium vtriusvis, id est, siue Rei, siue actoris. Ratio est, quia
tunc

tunc vterque habet ius iudicio experiundi.

2. *Secunda Conclusio.* Si causa rei minus quidem sit probabilis, quam actoris, absolutè tamen sit probabilis, potest aduocatus eam tueri. Ita *Sorus l. 5. quest. 8. art. 3.* Ratio est, quia Reus tunc potest se tueri: ergo & aduocatus reum. Sed difficultas est, si causa actoris sit minus probabilis, quam Rei. Sorus existimat aduocatum tunc non posse causam actoris suscipere, si inde graue damnum Reo immineret, quia id esset contra charitatem. Quod interdum locum habere potest, quando causa potius parum interest actoris. Ordinariè tamen, quando causa est verè probabilis, suscipi potest, siue sit actoris, siue rei, quia non semper id quod videtur probabilius, est verius: Imò sæpè id, quod minus videtur, verius est. Vnde etiamsi aduocato videatur causa Rei probabilior, potest tamen bona fide suscipere causam actoris, quæ etiam probabilis sit; & subiicere se Iudicis determinationi, allatis eis, quæ pro ea faciunt.

Dices *primò*. Ea pars est iure potior, cuius causa est probabilior: Atqui iniquum est agere contra eum, qui maius ius habet: ergo: Resp. ille, cuius causa est probabilior, videtur quidem iure potior; non tamen semper est reipsa. Vnde is, cuius causa est probabilis non tenetur eam deferere, quod aduersæ partis videatur probabilior, sed potest afferre quæ pro sua faciant; & totam determinationem Iudici relinquere, cui fortè aliter videtur.

4. Dices *secundò*. Cuius causa est minus probabilis, non potest alteri bellum inferre, vt suppono: ergo nec litem aduersus eum suscipere. Respondeo. Non sequitur. Ratio est, quia per litem fit inquisitio veritatis, vtri reipsa plus iuris conueniat, & decisio relinquatur Iudici, cuius est vtriusque partis momenta expendere. At vero belli illatio est executio sententiæ. Vnde
supponit

supponit sententiam esse laicam ; vel debere ferri in fauorem eius, qui bellum infert : cuius autem ius est minus probabile , non debet sententia pro illo, sed potius contra illum ferri; ac proinde potest bellum mouere.

Q V Æ S T. II. *Quando Aduocatus teneatur ad restitutionem parti?*

1. **P**rima Conclusio. Quando negligentia, vel imperitia eius cliens iusta causa excidit, tenetur de danno, quod ipsi inde obuenit. Ratio est, quia lege iustitiæ tenetur suo clienti pro causæ conditione diligentiam præstare, ut si sit difficilis, vel magni momenti, tenetur magis laborare, quàm si sit facilis, vel parui momenti. Similiter ex officio tenetur esse instructus conuenienti peritia; cum pro idoneo aduocato se gerat, & ut talis stipendia exigat.

2. Secunda Conclusio. Quando tuetur causam, quam aduertit esse iniquam , tenetur ad restitutionem omnium damnorum , quæ parti obueniunt ratione illius patrocini, ut expensarum factarum, & eorum omnium, quæ per litem amisit, tenetur etiam suo clienti ; si cum bona fide procedentem non monuit de causa iniusta. Ratio est, quia horum omnium est causa , vel committendo, vel omittendo contra debitum officij.

3. Quæres primò. An quando aduertit causam esse iniquam, possit cum altera parte transigere. Resp. non potest, quia transactio solùm habet locum in causa dubia. Vide *Navarr. c. 25. n. 28*. Vnde grauiter peccant aduocati & consiliarij, qui dum in successu litis aduertunt, alteram partem tueri causam iniquam, inducunt alteram ad compositionem.

Q V Æ S T. III. *Ad aduocati teneantur pauperibus patrocinari gratis?*

1. **P**rima Conclusio. In extrema necessitate pauperis, quando nemo alius putatur illi patrocinium ciuium præstiturus, cuius aduocatus tenetur ei succurrere, etiam gratis. Ita *D. Thom. artic. 1. & alij*. Dicitur autem in extrema necessitate esse ; quando v. g. imponitur

tur ei crimen, ob quod plectendus sit capite, vel spoliandus omnibus bonis, nisi defendatur. Ratio est, quia quius tenetur extremè egenti illud impendere, quo ipse instructus est, si ipse similiter non eget.

2. Secunda Conclusio. Probabile est etiam teneri in graui necessitate pauperis, ut v. g. si iniuste damnandus putaretur ad tritemes, vel ad publicam flagellationem, vel ad durum carcerem. Ita Sylu. v. *Aduocatus* n. 11. *Sotus* l. 5. *quest.* 8. *art.* 1. & alij contra Nauar. Ratio sumitur ex dictis de Eleemosyna, quia qui quodammodo superfluum habent, tenentur in graui necessitate proximi sub peccato mortali.

QVÆSTIO. LXXII.

De Contumelia.

QVÆSTIO LXXIII.

De Detractione

QVÆST. I. Quid sit detraçtio?

1. Prima Conclusio. Est *aliena fama occulta & iniusta denigratio. seu violatio*. Ita passim ab omnibus definiri solet. Differt autem dupliciter à cõtumelia, *primò*, quod detraçtio lædat famam: contumelia autem honorem. *Secundò*, quod detraçtio fiat occultè, siue in absentia, sicut furtum: contumelia autem coram, sicut rapina.

2. Secunda Conclusio. Detraçtio fit 4 modis *directè*. *Primò* imponendo crimen falsum *Secundò*, amplificando crimen verum. *Tertiò*, patefaciendo crimen occultum. *Quartò*, sinistrè interpretando alterius factum.

3. Tertia Conclusio. Indirectè fit eorundem modis. *Primò* negando rectè facta, vel dotes alterius. *Secundò* ea extenuando. *Tertiò* tacendo bona alterius eo loco & tempore, quo tuum silentium alij interpretabuntur tacitam, vituperationem. *Quartò* simulatè & frigidè, laudando, ut quando quis simulat se velle laudare aliquem, & tamen nihil adfert laude dignum.

QVÆST. II.

QVÆST. II. *Quale peccatum sit detractio?*

1. **P**rima Conclusio. Si intendas famam alterius lædere, erit formalis detractio, & ex genere suo peccatum mortale. Ratio est, quia lædit proximum in re graui. Est autem hoc peccatum grauius furto, & leuius homicidio, quia lædit proximum in maiori bono, quàm furtum, & in minori, quàm homicidium. Dixi *ex genere suo*, quia ratione paruitatis materiæ potest esse veniale, vt si de industria pariam alterius imperfectiorem narres.

2. **S**ecunda Conclusio. Quod si non intendas lædere famam, sed ex quadam loquacitate narres peccata vel defectus alterius, est detractio materialis, & peccatum mortale, si id, quod narratur, grauitè proximi famam lædat. Ratio est, quia etsi expressè non intendas lædere, tamen intendis implicite; dum vis illud. vnde per se læsio sequitur.

3. **T**ertia Conclusio Si id quod narratur parum lædat, erit veniale, Hinc sit *primò*, vt narrare defectus veniales proximorum non sit nisi veniale, vt docet *D. Antonin. p. 2. tit. 8. c. 4* Ratio est, quia cum nemo ferè ab his sit liber, non notabiliter lædunt famam, nisi fortè cõditio personæ talis esset, vt in ea huiusmodi defectus censeantur magni momenti, vt si quis diceret de viro graui & Religioso crebrò illum mentiri. *Secundò*, ob eandem causam ordinariè non est peccatum mortale reuelare defectus naturales (nisi inde aliquod notabile damnum sequatur) siue illi defectus sint animi, vt si dicas aliquem ignarum, parui iudicij aut ingenij: siue corporis, vt esse cæcum, gibbosum. Idem habet locum in defectibus naturalium, vt docet *Pet. Nanarr. l. 2. c. 4. num. 307*. nisi fortè propterea putaretur valdè contemnendus in animo eorum, quibus dicitur. Ratio est, quia ob hæc nō censetur quis infamis. *Tertiò*, quando ratione conditionis personæ peccata etiam mortalia

lia non censetur notabiliter lædere famam, vt si dicat militem cōmisisse duellum, habere concubinam, decipisse puellam *Quarò*, idem dicendum si generalibus nominibus peccatorum mortalium aliquem infames, vt si dicas superbum, auarum, iracundum, vt docet *Antonin. supra*. Ratio est, quia hæc nomina ordinariè non ira sumuntur, vt sonent peccatum mortale; sed vt naturalem inclinationem, vel veniales defectus denotent. Fieri tamen potest vt ratione dignitatis personæ peccetur mortaliter. *Vide Nauarr c. 18. num 24.*

QVÆST. III. *An auditor detractoris peccet mortaliter?*

1. **P**rima Conclusio. Qui ita audit, vt inducat, vel excitet ad detrahendum, non minus peccat, quàm ipse detractor, sed potius magis. Similiter, qui detrahentem verbis vel gestibus animat ad prosequendum Ita *D Th. art. 4. & alij*. Ratio est, quia non solum ipse in se peccat effectu detractionis, sicut detractor; sed etiam est alteri causa detrahendi.

2. Secunda Conclusio. Qui audiendo detractorem lætatur, non tamen inducit, nec animat ad continuandum, peccat mortaliter contra charitatem, quia scilicet, alieno malo lætatur, & etiam contra iustitiam quatenus gaudet eo opere, quo alteri iniuste damnum datur: non tamen tenetur ad restitutionem, quia non est causa damni.

3. Dices. Tenebatur impedire, & non impediuit: ergo est causa. Respondeo. Non tenebatur ex iustitia, sed solum ex charitate; vnde saltem non est causa per iniuriam.

4. Tertia Conclusio. Qui nec inducit nec lætatur, tamen audit, nec resistit cum possit, aliquando peccat mortaliter, aliquando venialiter. Mortaliter peccat, si infamia sit grauis, & facilè possit eam impedire. Ratio est, quia charitas obligat, vt graue damnum proximi impediamus, si commodè possumus. Venialiter pec-

cat. *Primo*, si detractio est levis, *Secundo* si nimia verecundia, vel animi pusillanimitate non audeat resistere, quia tunc valdè difficile est efficaciter impedire. *Tertio*, si putet detractorem sponte reuocaturum, vel emendaturum, quod dixit, idque breui, vel efficaciter. *Quarto*, si putet auditores non credere. Nullo autem modo peccat, si vel non putet profuturam suam monitionem: vel metuat aliquod magnum damnum, vt cōumeliā, aut verbera: vel si rationabilis verecundia obstat, vt si sit famulus, vel nullius authoritatis: debet tamen tunc, si commodè possit, vel discedere, vel faciem tristiores ostendere, vel sermonem aliò diuertere.

QVÆST. 6. *An peccet mortaliter, qui refert dict sine assenatione.*

1. **P**rima Conclusio. Non est peccatum mortale, si ita referat, vt ei probabile non sit vllam inde infamiam orituram, eo quod alij non sint credituri. Ita *Sotus d. 15. quest. 4. Nanarr. cap. 18. num. 50. & multi alij*. Ratio est, quia tunc non est probabile damnum proximi.

2. Secunda Conclusio. Si quis audita referat coram iis, quos probabile est ex sua leuitate credituros, etiam si ipse sufficiētem ad hoc occasionem non dederit, peccat mortaliter contra charitatem: non tamen contra iustitiam, ac proinde non tenetur ad restitutionem. Prima pars probatur, quia qui aduertit ex suis dictis, vel factis, alium grauiter lædendum, siue in fortunis, siue in fama, siue in corpore, tenetur ex charitate abstinere, si commodè possit. Secunda pars probatur quia non est efficax causa damni, sed merè per accidens, ex ipsius narratione sequitur: ergo non tenetur ad restitutionem.

3. Tertia Conclusio. Qui refert audita eo modo, vt audientes merito possint induci ad opinandum malum de proximo, peccat contra iustitiam, & tene-

tur ad restitutionem. Ratio est, quia dat sufficientem causam aliis malè opinandi, ex qua res ipsa sequitur mala opinio.

QVÆSTIO V.

An sit peccatum mortale infamare seipsum?

1. **A**ffirmat Caiet. art. 2. quia putat hominem non esse dominum suæ famæ. Vnde colligit gravius esse peccatum infamare se, quam proximum, sicut gravius est occidere se, quam proximum.

2. Prima Conclusio. Seipsum infamare non est peccatum mortale ex genere suo; neque contra iustitiam, neque contra charitatem. Ita *Sot. l. 5. quæst. 10. art. 2. & alij passim*. Prima pars probatur, quia homo est Dominus suæ famæ, sicut suarum opum: ergo illam dissipando nulli facit iniuriam: ergo non peccat contra iustitiam. Secunda pars probatur, quia charitas non obligat hominem ad conservandam bonam famam, si ipse secundum se consideretur. Confirmatur, quia prodigalitas non est peccatum mortale ex suo genere, neque contra charitatem, sed tantum veniale contra liberalitatem: ergo idem dicendum de prodigalitate famæ.

3. Secunda Conclusio. Ratione tamen alicuius circumstantiæ nempe damni quod nobis, vel aliis contingit, ex nostra infamia, potest esse peccatum mortale se infamare. Est communis *Primò*, si ex mea infamia sequatur notabile scandalum vel mihi, vel proximo. Mihi quidem, ut si ex infamia fierem effrenatior ad peccandum. Proximo verò, ut si ille sciens me aliquando tale peccatum admisisset, inde caperet occasionem idem patrandi. *Secundò*, si inde mihi imminet periculum vitæ. *Tertiò*, si mea fama sit necessaria officio quod gero, ut si sim Episcopus, Parochus, Consul. *Quartò*, si mea infamia redundat in alios, ut in familiam, liberos, vel ordinem religiosum.

QVÆST.VI. *An eum, qui in vno loco propter crimen publicum infamis est, liceat alibi infamare?*

1. **C**Rimen tribus modis dicitur publicum. *Primò*, si sit notorium iure. *Secundò*, si factò, *Tertiò*, si famosum.

2. **Prima Conclusio**. Reuclare alicuius crimen, quod aliquo trium istorum modorum sit publicum, eo loco, vbi ignoratur, non est contra iustitiam. Ita *Caientius opusc.* 31. *resp.* 9. *Non.c.* 18. *num.* 26. Ratio est, quia quando hoc modo crimen est publicum, auctor amisit ius ad famam. Nam ipsa facti euidèntia, & iusti iudicij ratio ei repugnat, ne possit queri sibi fieri iniuriam narratione factorum, quæ iam in proparulo sunt posita. Es quidem si per sententiam sit publicum, non potest esse dubitatio. Nam vna ex pœnis, qua Iudices afficiunt reos est hæc, quod eos publico loco & tempore condemnent, vt ab omnibus videantur. Si verò publicum sit euidèntia facti, vel indiciorum, iam sponte videtur cessisse suo iure, quod ad famam habebat. Nam hoc ipso, quo non est veritus in publico crimen ad mittere, vel eius manifesta indicia dare; non videtur curasse, vt quis sciat, vel non sciat; eo enim loco & modo fecit, vt quiuis videre posset.

3. **Dices primò**. Is, qui hîc amisit famam, non ideo alibi est infamis: ergo cum ibi adhuc retineat bonum nomen, non potest eo spoliari. *Petr. Naua. & alij quidam* putant eum retinere ius ad famam in locis remotis, ac proinde si quis crimen, quod hîc publicum est, ibi referat, peccaturum contra iustitiam. *Resp.* retinet quidem in alijs locis famam reipsa, & factò, non tamen iure: postquam enim crimen publicum factum est, amisit ius famæ, ita vt nemo ex iustitia teneatur amplius retinere priorem existimationem de illo. Sed quid si per iniuriam factum sit publicum? **Respondeo**. Non refert. Nam hoc ipso, quo factum reuera est publicum, amisit.

amisit ius, ut homines aliter sentiant, ut si confessus sit crimina sua occulta per tormenta.

4. Dices *secundò*. Per iniuriam nemo amittit ius. Respond. non amittit ius precisè per iniuriam, sed per id, quod ex iniuria sequitur, quod est esse publicum, & in propatulo.

5. Secunda Conclusio. Est tamen contra charitatem. Ratio, quia regula charitatis hæc est: *Quod tibi non vis fieri, alteri ne feceris.* Atqui nemo vellet suam famam lædi eo loco, ubi adhuc est integra: ergo.

QVÆSTIO VII.

An eum, qui eo crimine infamis est, liceat de aliis infamare?

1. Prima Conclusio. Si illa alia sint valdè affinia, & ordinariè coniuncta grauiori crimini, quod iam publicum sit, non erit peccatum mortale illa aperire apud eos, qui principale norunt, ut si narres de adultero publico scripsisse litteras amatorias, misisse munera. Si de ebrioso non rectè curare familiam, rixari cum vxore. Si de illo, qui insigne furtum commisit, referas, alia minora fecisse. Ratio est, quia non censetur noua infamia.

2. Secunda Conclusio. Si crimina illa non sint ita connexa, non solum est contra charitatem, sed etiam contra iustitiam illa patefacere: præsertim, si sint alterius generis. Est communis contra *Palud.* Probatur *primò*, quia qui est infamis in vno genere vitij, non ideo amisit ad famam ius, quam fama habet in aliis virtutibus: potest enim quis haberi ebriosus, & tamen esse & haberi iustus in contractibus, fidelis vxori, Catholicus, ergo non potest infamari de aliis occultis. *Secundò*, Sicut diuersarum virtutum aduersa laus est, alia maior, alia minor, ita etiam diuersorum criminum diuersa est infamia. Et alia pluris, alia minoris æstimatur. Multi enim parum curant infamiam

fornicationis, vel ebrietatis, qui tamen maximi faciunt infamiam furti, vel homicidij: ergo nullo modo qui amisit ius famæ in vna virtute, censetur amisisse in aliis, sicut qui læsus est in vno membro, non ideo amisit integritatem in aliis.

QVÆST. VIII. *An licitum sit iniuriam ab alio sibi factam deferre amico.*

Conclusio. Si faciat intentione detrahendi, vt se hoc modo vindicet, sine dubio peccat, & aliquando mortaliter: si autem vt consolationem accipiat ab amico, siue vt querela exposita dolo mitigetur, non est peccatum mortale, quia iure tuo vti videtur. Ita *Petr. Nas. l. 2. c. 4. n. 345*. Ratio est, quia est nimis graue, & præter humanam consuetudinem, vt quis cogatur iniurias acceptas solus in silentio concoquere, nec posse eas cum amico communicare. Nam hac ratione magna parte earum veluti pondere quodam leuatur.

QVÆSTIO LXXIV.

De Susurratione.

Sicut Detractio est peccatum contra iustitiam, quia aufert famam proximi, ita etiam susurratio, quia aufert amicitiam, quæ est inter proximos. Potest autem sic describi. *Susurratio est peruersus sermo ad dissoluendam quorundam honestam amicitiam.* Conuenit cum detractione ex parte modi, quia vtrique occultè loquitur de proximo. Differt ex parte finis, & nocumenti. Nam detractor conatur famam denigrare: susurro amicitiam dissoluere. Potest tamen fieri vt susurro simul etiam detrahat, si mala, quæ proximo ad dissoluendam amicitiam dicit, sint verè detractoria famæ.

QVÆSTIO LXXV.

De Irrisione.

Derisio est speciale peccatum à præmissis distinctum, quia habet distinctum finem, nempe erubescerentiam & ruborem proximi: huc enim spectat derisor,

risor, vt alter suffundatur rubore. Differt autem derisor à contumelioso, quod licet vterque coram obiciat proximo aliquod vitium, ramen derisor id facit quasi ioco, & in re parui momenti : Contumeliosus verò serio, & in re grauiori.

QVÆSTIO LXXVI.

De Maledictione.

DVplex est Maledictio. Altera formalis, qua quis quis imprecando, vel imperando vult alicui malum euenire, vt malum est. Hæc est illicita & peccatum contra iustitiam, Altera materialis, qua quis imprecando, vel imperando, vult alicui euenire malum sub ratione boni iusti. Hoc modo Deus Prophetæ, & Iudices dicuntur maledicere eis, quibus iubent pœnam inferri. *Secundo*, si optes alicui euenire malum sub ratione boni vtibilis, vt cum optamus alicui peccatori morbum, vt à peccato absteineat. Quærit hic Diuus Thom. An liceat maledicere creaturæ irrationali? Respond. cum distinctione. *Primò*, blasphemum est maledicere illi, vt Dei creatura est. *Secundò*, otiosum & vanum est maledicere illi secundum se spectatæ. *Tertio*, licitum est illi maledicere, vt refertur ad hominem, quando licitum est homini maledicere: Non est autem licitum illi maledicere, quando homini non licet maledicere.

QVÆSTIO LXXVII.

De emptione & venditione.

QVÆSTIO LXXVIII.

De Vsurâ.

QVÆST. I. Quid & quotuplex sit usura?

I. **P**rima Conclusio. Usura sumitur dupliciter. *Primò*, pro contractu usurariò, seu actione usuraria. *Secundò*, pro lucro usurario. Priori modo sic definitur: *Usura est mutuatio cum pacto accipiendi aliquid supra sortem ratione mutui.* Posteriori sic: *Usura est lucrum*

immediatè ex mutuo proueniens. Primo, dicitur *lucrum*, id est, acquisitio rei supra sortem, pecuniâ æstimabilis, & alias indebitæ. Vnde si mutuem tibi mille, vt definas iniquè nocere, vt soluas debitum, vt reddas depositum, non erit vsura, quia nihil acquirō supra sortem, nisi quod alio titulo mihi erat debitum. Similiter, si mutuem, vt consequar amicitiam, vel fauorem, non erit vsura, quia amicitia non æstimatur pecuniâ. *Secundo*, dicitur *immediatè*, quia debet hoc lucrum prouenire ex vi pacti mutuationis. Si enim immediatè proueniat ex amicitia, vel gratitudine, vel ex spe alliciendi mutuante ad continuandum mutuum, non erit vsura: vt autem censeatur ex vi mutui prouenire, requiritur vt mutuator intenderit mutuatarium ex vi pacti mutuationis obligare obligatione stricta, vel iustitiæ, qualis per acta induci solet, vel certè vt mutuatarius putet hanc mutuanti fuisse mentem. *Tertiò*, dicitur *ex mutuo proueniens*, si enim vèdas rem tuam supra iustum pretium, lucraris quidem, sed hoc lucrum non est vsura, quia non prouenit ex vi mutui, sed ex iniqua venditione. Idem dicendum est de locatione, conductione, & similibus contractibus. Vnde talis non incurrit pœnas vsurariorum.

2. *Secunda Conclusio.* Solet distingui triplex vsura. Vna mentalis. Altera exterior implicita, siue palliata. Tertia exterior explicita. Mentalis est, quæ fit, quando quis hac intentione mutuat, vt ex mutuo lucrum ultra sortem accipiat: non tamen manifestando vllō signo suam intentionem. Exterior implicita est, quando in ipso mutuo intercedit pactum implicitum de lucro ratione mutui, v.g. si dicas. Ego mutuo tibi 100. tu autem scis vsū communem. Exterior explicita est, quando manifestè fit pactum de lucro ratione mutui.

Q V Æ S T I I Quo iure prohibita sit usura?

2. I Vdæi putarunt esse licitam, sicut & quidam hæretici apud *Alfon. u Castro v. Usura. Carolus Molinæ tract. de commerc. num. 7.* docet, usuram non repugnare iuri naturali, neque diuino, & in Euangelio non esse prohibitam, & si moderata sit licite permitti à iure civili *Abulens. in c. 24. Matth. quest. 172.* docet primò, usuram non esse vitiatam, nec primariis præceptis legis naturalis, sed secundariis, quæ deducuntur tanquam conclusiones ex primis. Secundò, aliquo modo tamen repugnare cum ratione naturali; quamuis non ita, quin possit aliqua ratione fieri licita.

2. Prima Conclusio. Usura est prohibita lege humana, & qui eam exercent genere suo peccant mortaliter. Probatur, quia *Conc. Nic. primum can. 18.* seuerissimè illam prohibet Item *Conc. Vien. sub Clem. V.* docet hæreticos esse, qui docent usuram peccatum non esse. Item *Conc. Later. sub Innoc. III.* non solum prohibet, sed etiam vult Iudæos compellendos esse ad restitutionem. Vide plura in *decr. causa 14. quest. 4. 5. & in decretal. tit. de usuris, & in 6. eodem tit.*

3. Secunda Conclusio. Est etiam prohibita iure diuino vtriusque testamenti. Probatur ex isto *Psalm. 14. v. 1. Domine quis habitabit in tabernaculo tuo? qui iurat proximo suo, & non decipit, qui pecuniam suam non dedit ad usuram.* Hinc *Psalm. 54. v. 12.* Inter mala ciuitatis refertur, quid in plateis non defecerint usura & dolus. Similiter *Ezech. 18. v. 13.* numeratur usura inter opera, quæ mortem animæ adferunt. Secundò. Probatur ex illo *Luc. 6. v. 35. Mutuum date, nihil inde sperantes.* Hoc loco vtuntur Pontifices & Concil. in canon. tit.

4 Dices. In illis verbis (*Mutuum date*) continetur consilium, non præceptum. Resp. continetur consilium & præceptum simul, consulitur enim vt mutuo demus, & præcipitur, ne vltra sortem accipiamus. Sic

Rom. 12. v. 14. cum dicitur (*Benedicite & nolite maledicere*) consulitur, vt benedicamus, & præcipitur ne maledicamus. Et Psalm. 75. num. 14. *Vouete, & reddite*. Prior pars est consilij: posterior præcepti.

5. Tertia Conclusio. Est quoque prohibita iure naturali. Ratio est, quia contra ius naturæ est, vt idem bis, seu duplici pretio vendatur. Item vt vendatur id quod non est vendentis. Atqui is qui vsuras accipit vendit idem bis, & vendit id quod non est suum: ergo peccat contra ius naturæ. Minor probatur, quia qui vsuras accipit, vel accipit eas pro sorte, & sic pro eadem re duplex pretium accipit: nempe summam sortis æqualem, & præterea vsuram; vel accipit eam pro vsu sortis, & sic vendit alteri vsu rei non suæ, sed ipsius. Nam per mutuum transferitur dominium in mutuatarium, & consequenter etiam vsus rei. Item vsus illius rei non distinguitur à substantia ipsius, si æstimationem spectes: ergo pro vsu & substantia rei non potest distinctum pretium recipi.

6. Dices. Non desunt alij tituli vsurarij, ratione quorum videntur posse accipere aliquid supra sortem, vt ratione temporis, quo alter pecunia vitur: ratione obligationis, quâ se obligat ad non repetendam sortem intra certum terminum: ratione carentiæ pecuniæ, quia interim priuat te facultate ea vtendi: denique ratione laboris mutuandi, scribendi, numerandi. Resp. Titulus, quo vsura accipitur, propriè est vsus pecuniæ ad certum tempus concessus, cæteri tituli propriè, & per se non sunt vsurarij, sed tantum quatenus implicite in illum recidunt, quod fit dum exceditur in æstimatione. Itaque ratione temporis nihil accipi potest, quia hoc nihil esset aliud, quam accipere ratione vsus tanti temporis. Ratione laboris scribendi, seu numerandi, dum datur & restituitur mutuum, aliquid exigere potest. Ita Sylu. vers. *usura* 1. num. 32. Nauarr. cap. 17. num. 209.

Ratio est, quia hoc totum fit in gratiam mutuatarij, estque nauatio operæ pretio æstimabilis: si tamen iusta æstimatio excedatur, præsumetur usura. Ratione non repetendi & ratione carentiæ pecuniæ, quæ duo parum differunt, an aliquid accipi possit dicemus infrà. Ex his paret usuram eodem iure vetitam, quo furtum: sicut enim intrinsecè malum est accipere rem alienam inuito rationabiliter domino, ità etiam intrinsecè malum est exigere lucrum suprà sortem, ex pacto mutui, seu titulo mutui.

7. Prima Obiectio. Deut. 13. v. 19. *Non fœnerabis fratri tuo ad usuram pecuniam, nec fruges, nec quamlibet aliam rem, sed alieno, & c. 28. v. 12. Fœnerabis gentibus multis, & ipse à nullo fœnus accipies.* Hinc conceditur Iudæis, ut exigant usuras ab infidelibus. Resp. in priori testimonio, vel permittuntur usuræ erga infideles, tanquam minus malum ad euitandum maius; ne videlicet suos fratres usuris exhaurirent, ut exponit D. Thom. 1. ad 2. vel conceduntur usuræ erga infideles, qui erant hostes Iudæorum, quos iure poterant suis rebus spoliare, siue vi siue artificio. Ita Ambr. l. de Tobia c. 8. In posteriori testimonio non agitur de usura, sed tantum significatur tantas fore opes Iudæorum, ut multis gentibus possint dare mutuum, & non opus habituri sint petere ab iis mutuum.

8. Secunda Obiectio. Ius ciuile permittit usuras & ad eas concedit actionem, si tamen per stipulationem de eis conuenerit, ut patet. L. 1. & seq. C. de usuris. Atqui si iure naturali non fuissent licitæ, id non latuisset acutissimos illos Iurecons. Resp. usuræ ob bonum Reipubl. possunt permitti, & prostibula, qua parte tamen Ius ciuile videtur eas approbare tanquam licitas, & cogit ad solutionem, eatenus est abrogatum per Ius Canonicum, quia Canones damnant eas tanquam illicitas, & insuper excommunicant ludices cogentes

cogentes ad earum solutionem, ut patet *Clement. unica de usura*. Quod ad Iuricons. attinet, puto eos facile intellexisse vsuras fuisse similiter illicitas; tamen concessisse quasdam moderatas, tum ob bonum publicum; Tum quia sæpè aliqui iusti tituli intercedunt. Quamuis in eo sententia illorum non sit admittenda, quod generatim tales vsuras tamque licitas & iustas concedant.

Q V Æ S T. III. *An ratione damni emergentis liceat aliquid supra sortem exigere.*

1. **D** Amnum emergens dicitur, quando quis detrimentum patitur in rebus, quas habet, vel quæ ipsi debentur, ut cum quis ratione mutui, quod alteri præstitit, cogitur ipse pecuniam fœnore accipere, & vsuram soluere, vel res suas minoris vendere. Hoc posito Scorus in 4. d. 15 quest. 2. putat esse illicitum exigere aliquid ratione damni emergentis. Ratio est, quia lex diuina præcipit, ut nihil exigatur supra sortem. Quod si quis ex mutuo, inquit, metuit damnicari, referret pecuniam suam, quia non cogitur facere.

2. Prima Conclusio. Quando mutuatarius est in mora, si inde damnum aliquod eueniat mutuant, tenetur ad illius compensationem. Est communis. Dicitur autem mutuatarius, & quiuis alius debitor, esse in mora, quando elapso iam termino non soluit, cum tamen possit aduertens explicitè vel implicitè creditorem sibi velle solui, neque necesse est, ut creditor eum interpellet de solutione, quia ipsa dies satis interpellat virtute pacti ab initio conuenti. Probatur conclusio. *Primo*, quia mutuatarius per omissionem solutionis est causa damni: cum ergo hæc omissio sit contra iustitiam; erit etiam causa damni contra iustitiam; ac proinde tenebitur ad compensationem. *Secundò*, quia quando in contractibus constituitur terminus solutionis,

lutionis, vel rei exhibendæ, initur tacitum pactum, ut non soluens teneatur ad interesse defectu solutionis obueniens, ut colligitur *l. 2. & 4. ff. de eo quod certo loco dari oportet*. Hoc tamen intelligendum est, nisi absque omni culpa redditus sit impotens solutionis, ut si incendio res eius sint consumptæ: vel si ipse abreptus sit in captiuitatem: vel inciderit in tantam paupertatem, ut non possit soluere. His enim casibus non videtur obligandus ad interesse. Nam præterquam quod omni culpa vacet tali tempore non soluere, non videtur etiam tacitum illud pactum se ad hos casus extendere, quia esset nimis durum, & contra humanam consuetudinem.

3. Secunda Conclusio. Licitum est etiam pacisci de aliqua pecunia ultra sortem reddenda, vel ratione periculi, damni ex mutatione impendentis, etiam ante terminum & moram mutuatarij; vel ratione ipsius damni, si quod euenierit. Ita *D. Thom. art. 2. ad 1. & alij*. Ratio est, quia illa pecunia, quæ mihi necessaria est ad aliquod damnum impediendum, non solum mihi valet, quanti ipsa nuda considerata æstimatur, sed etiam quanti est carere tali damno. Non enim tantummodo æstimatur res secundum seipsam, sed etiam quatenus Domino est causa certi boni consequendi, vel mali vitandi. Vnde licitè potest vendi plurius quam per se valeat, cum in ipsa illud etiam commodum vendi censeatur. Requiritur tamen hîc tres condiciones. *Primâ* est, ut mutuum sit causa damni, sine qua non eueniret, ut si per mutuum efficeris impotens illius impediendi. *Secundò*, ut mutuatarium de illo admoneas, ne decipias. Nam fortè noller accipere cum tanto periculo mutuum. *Tertiâ*, ut non cogas illum pacisci de periculo potius, quam de damno, sed relinquas ipsius arbitrio: etsi enim periculum illud damni probabiliter euenturi sit ab initio æstimabile pretio (quamuis minori quam ipsum

ipsum damnum) non tamen potes alterum cogere, vt pro ipso periculo aliquid promittat. Nam si mutuarius paratus est sarcire omne damnum, quod re ipsa eueniet, mutuator seruetur indemnis : si tamen ipse sit indifferens, vtro modo paciscatur vel malit pro periculo pacisci certo pretio, quam pro incerto damno manere in ancipiti, potes acceptare pactum, & quamuis damnum post non euenerit, poteris tamen conuentum exigere. Nā periculū quod subiisti, erat pretio æstimabile.

4. Nota tamen, si neque damnum ipsum, neque periculum damni deduxisti in pactum, mutuarius nō tenetur quidquam pro eo soluere, etsi post euenerit, modo ipse non fuerit in mora soluendi, quia nec tenetur ratione pacti, nec ratione culpæ, sed mutuans hoc ipso, quod non deduxit in pactum, censetur illud in se recepisse,

QVÆST. IV. *An ratione lucri cessantis liceat ultra sortem accipere.*

1. **L** Verum cessans dicitur, quando quis impeditur ab aliquo bono consequendo, seu à lucro, quod illi non erat debitum. Suppono si quis metu, vel fraude, vel principis iussu compulsus sit mutuare, & indè lucrum cesset, posse ab authore exigere huius lucri compensationem, vt docet Sor. art. 3. quia talis est ei causa damni. Sed difficultas est, si absit omnis coactio, vitrum liceat de lucro pacisci. Quidam negant, vt Durand. in 3. d. 17. quest. 2. ad 1. Sorus l. 6. quest. 1. art. 3. Ioan. Andr. & Innoc. IV. in c. Nauiganti de usurp. & quidam alij. Sed contraria sententia est ferè communis.

2. Prima Conclusio. Licitum est pacisci ab initio de lucro cessante cum mutuuario, quamuis ab eo vi vel fraude non sis inductus, seruatis tamen quibusdam conditionibus. Probatur primò, quia pecunia illa quam mutuas alteri quatenus subest industriæ tuæ ad lucrum ex ea faciendum pluris tibi valet, quam ipsa
per

per se considerata, est enim veluti semen fecundum
lucris per industriam, in quo luctum ipsum virtute con-
tinetur, ergo plus pro ea exigere potest, quam ipsa per se
valeat. Probatur consequentia, quia dum illam tradis,
etiam luctum in illa latens tradere censeris. *Secundo*,
quia cum prius te hac pecunia lucro destinata, non so-
lum illa te prius, sed etiam spe lucti. Atqui hæc spes est
pretio æstimabilis: ergo pro ea potest aliquid exigere.
Tertio. Hæc spes lucti non est minoris æstimanda, quam
metus damni. Atqui cum metuitur damnum ex mutua-
tione licitum est de ea pacisci: ergo etiam dum speratur
luctum,

2. *Secunda Conclusio*. Vt hæc pactio sit licita, requi-
runtur 3. conditiones. *Prima* est, vt hæc mutuatio sit
causa lucti cessantis, vt si pecuniam destinatam nego-
tiationi, vel emptioni rei frugiferæ, subtraham illi de-
stinationi, vt tibi mutuem, & ita amittam spem illius
lucti. *Secunda* est, vt non tantum exigas, quantum est
luctum, quod sperabas, sed minus. Nam deducenda est
æstimatio laborum, expensarum, & quanti plus valet
id quod cerrum est & præsens, quam quod futurum &
incertum. *Tertia* est, vt lucti cessantis compensatio non
exigatur statim dato mutuo, sed conuenienti interual-
lo, vt si ex mutuo 100. aureorum debeantur tibi 10.
nomine lucti cessantis, non potes pacisci 10. statim da-
re, vt rectè docet *Medina tract. de usur. quest. 3.* Ratio est,
quia si statim velis reddi 10. iam in te non mutuas alte-
ri 100. sed tantum 90. ac proinde tantundem exiges
pro lucto cessante ex 90. quantum ex 100. quod aperte
est iniquum.

4. *Obiicies primò ex D. Th. art. 2. ad 1.* vbi dicit non li-
cere aliquid accipere ratione lucti cessantis, quia non
potes vendere id, quod nondum habes. Resp. D. Tho.
loquitur ibi de lucto remoto, nèpè quādo pecunia nec-
dum erat negotiationi destinata, vel certè solū vult non
posse

posse tantum exigere, quantum erat lucrum possibile, non tamen negat, quin spes illa lucri, quæ minoris valet, quàm res ipsa sperata, possit in pactum deduci, ut colligitur ex *quæst. 62. art. 4. ad 1. & docet Caiet. q. 78. art. 2. ad 1.*

5. Obiicies *secundò*, Mutuum debet fieri gratis: ergo cum non tenearis mutuare, non potes quidquam exigere. Respondeo. Mutuum debet fieri gratis, quia pro ipso mutuo præcisè spectato nihil potest exigere supra sortem, bene tamen potest exigere pro spe lucri, quam ex illa pecunia acceperas, quia hæc est pretio æstimabilis.

QVÆSTIO . V.

An ratione periculi sortis, vel difficultatum, aut expensarum, quæ in ea recuperanda metuuntur, liceat ultra sortem exigere?

1. **N**egat Nauarr. c. 23. num. 81. l. 6. *quæst. 4. art. 1. ad 1.* & pauci alij.

2. Conclusio. Absolutè id licitum est. Ita Angelus v. *usura 1. num. 38. Sylu. ibidem quæst. 35. Medina, C. de restitut. quæst. 38. Corduba quæst. 78. Petr. Nauarr. l. 3. c. 2. num. 343. & alij recentiores.* Probatur *primò*, quia quod me coniciam in tale periculum est pretio æstimabile (ut si mutuem homini non satis noto, aut decoctori, aut dubiæ fidei, aut si timeam magnas molestias in recuperanda sorte) ergo possum de eo pretium exigere. Nam iustissimum est, si pro eo, quod pretio æstimabile est, exigatur. *Secundò*, mutuator potest exigere, ut mutuarius ei caueat dato fideiussore, aut pignore: ergo potest etiam ipsi aliquid accipere, quando subit periculum fideiussoris.

3. Nota tamen ut hoc iustè fiat tria requiri. *Primò*, ut non cogat mutuatarium, ut te adhibeat loco fideiussoris, sed liberum ei facias pignore, vel fideiussore cauere, quia obligatio illa, quod teneatur te loco fideiussoris accipere potius, quam alium, est onus quoddam pecunia

pecunia æstimabile. Itaque non potes ei id imponere, nisi fortè ratione lucri cessantis, vt sic illud compenses. *Secundò*, vt non plus exigas ratione huius periculi, quam ipse alteri velles dare pro talis periculi redemptione, si pecuniam tuam in illud conicere cogeretis: hoc enim est siànum te iustam æstimationem non excedere. *Tertiò*, vt sit verum periculum, ex quo probabilius timeatur incommodum. Nec refert, etiam si postea nullum damnum fortè euenerit, quia non pro ipso damno futuro; sed pro periculo damni pactus es.

4 Obiicit Nauarr, *Primò*, hanc sententiam esse contra communem Theologorum, & Canonistarum. Resp. Est contra communem sententiã licitum esse cogere mutuarium, vt vtatur mutuantem loco fideiussoris: non autè inire cum illo talem contractum, si sponte consentiat, §. Obiicit *secundò*. Contrarium haberi in c. in Ciuitate de usuris. Resp. Fallitur Nauarr. Nam in illo capitulo nihil aliud definitur ab Alex. I I I. quam ratione solutionis dilatæ non licere merces pluris vendere, quàm modo valeant, nisi dubium sit illas plus minúsve tempore solutionis valituras.

6. Obiicit *tertiò*. Sotus si posset aliquid exigere ratione metus & periculi, is qui magis est mericulofus, posset plus exigere, quòd est absurdum. Resp. Metus debet niti iusta ratione: debet enim esse verum periculum, ad quod prudenter metuitur.

QVÆSTIO VI.

An ratione carentia pecuniæ, seu obligationis non repetendi ante certum tempus, possit aliquid exigi.

1. **A**liqui putant hoc titulo posse aliquid exigi, vt refert Medina disp. 30 §. & probatur *primò*, quia fideiubere alterius nomine ad vnum annum pro tanta summa est pretio æstimabile, etiam si nullum sit periculum in debitore: ergo etiam mutuarum cum obligatione non repetendi. Probatur consequentia, quia hoc est

difficilius quam illud. Plures enim inuenias qui hoc nomine fideiubeant pro tanta summa, quam qui eam tibi velint ad tantum tempus mutuare, vt experientia constat. *Secundo*, quia sicut aliis rebus & oneribus potest aliquod pretium imponi, ita etiam oneri carenti sua pecunia rãto vel tanto tempore, præsertim, si ratio boni communis id postulet. Hoc autem fit in proposito, quia cum plurimi pecunia præsentī egeant, nec facilè possit inueniri, qui gratis mutuare velit, ratio postulabat, vt mercatores comuni consensu constituerent, veluti certa pretia carentiæ pecuniæ, spectatis omnibus illis circumstantiis, ex quibus ea carentia possit pro tempore pluris vel minoris æstimari: idque propterea, vt passim omnibus constaret, quanti pecunia haberi possit, & ne singuli pro suo arbitratu taxarent suum interesse, cum magno damno mutuatorum, & hic videtur esse vñus burse Antuerpiensis, quo mercatores quotidie conueniunt, & habita ratione copię & inopię multitudinis cambiorum, mercimoniorum, & aliarum lucrandi rationum, statuunt pretium carentiæ pecuniæ quod mercatores mutuantēs possint exigere.

2. Conclusio. Non videtur vñlo modo permittendum mercatoribus, vt aliquid exigant vñtra sortem ratione carentiæ pecuniæ, seu obligationis non repetendi ante certum tēpus, si nullus alius legitimus titulus ex supradictis interueniat, vt damni emergentis, lucri cessantis, periculi sortis aut difficultatum. Probatur *primò*, quia nullus bonus author inuenitur, qui faueat mercatoribus. *Secundò*, quia carentia pecuniæ & obligatio non repetendi ante aliquod tempus est quid intrinsecum ratione mutui: alioqui mutuum non differret à precario. Atqui mutuum debet fieri gratis, vt constat ex dictis: ergo pro hac carentia vel obligatione nihil petendum est. Ex hoc fundamento soluendum est *Primum* argumentum. Ad *secundum*. Respondeo tale pretium

pretium à mercatoribus imponi non poſſe, quia carentia pecuniæ non eſt pretio æſtimabilis, niſi ratione aliquius incommodi vel periculi coniuncti.

QVÆST. . . *An in mutuo pœna conuentionaliſ locum habeat?*

1. **S**enſus eſt, an liceat paciſci, vt mutuatarius, ſi ad terminum ſtatutum non reſtituerit, aliquid ſoluat in pœnam ſuæ moræ ultra ſortem.

2. **Prima Concluſio.** Abſolutè id licitum eſt. Ita *Scotus d. 15. quæſt. 2. Gabr. quæſt. 11. art. 1. Sylu. v. uſura 1. num. 28. Ioan. Medina quæſt. 3. de uſura. Nau. c. 17. num. 215.* Ratio eſt, quia debitor, qui eſt in mora, peccat contra iuſtitiam, retinendo alienum ſeu alteri debitum: ergo dignus eſt pœna: ergo ex conuentione partium poteſt ei aliqua pœna conſtitui, ſicut illi ſolet pœna imponi, qui à contractu reſilierit.

3. **Dices.** Nemo poteſt alteri pœnam imponere, quam teneatur ſubire niſi ſuperior: ergo. Reſp. Solus ſuperior poteſt inuitum ad pœnam obligare, ſed priuatus poteſt alterum obligare conſentientem: tunc enim ille per ſuum conſenſum obligat ſeipſum, ſicut in aliis pactis.

4. **Secunda Concluſio.** Requiritur tamen quatuor conditiones. *Prima* eſt, vt abſit fraus uſuraria, vt notant *Scotus, Gabriel*, vt ſi non cures vtium ſoluat ante talem terminum, necne: & tamen conſtituas ei terminum cum pacto pœnali, vt poſſis aliquid lucrari ex mutuo: tunc enim non ex culpa, quæ nulla eſſet in non ſoluendo, ſed ex vi mutui cenſeretur illud lucrum expectari. *Secunda* eſt, vt debitor verè ſit in culpa non ſoluendo. Nam ſine culpa non poteſt imponi pœna, ſiue ea ſit iudicialis, quam iudex imponit per ſententiam, ſiue legalis, quæ lege eſt conſtituta, ſiue conuentionalis, quæ conſtituitur ex cōuentione partiū. Vnde ſi fact' ſit impotēs, nō poteſt exigī, vt rectè notat.

Nauarr. supra. Tercia est, vt pœna sit moderata iuxta mēsuram culpæ, quod etiam in pœna iudiciali, & legali requiritur. Hinc pactum legis commissoriæ in pignoribus (vt pignus sit creditoris si certo tempore debitor non soluerit) est iure prohibitum *c. significante, de pignoribus, & L. 1. & 2. de pactis pignoribus.* Hinc sequitur, si pars debiti soluta fuerit, non posse totam pœnam exigi, sed partem tātum, nempe eam quæ parti debiti proportionaliter respondeat. Quarta est, vt mora sit notabilis: non enim vnius diei interuallum ordinariē sufficere debet ad pœnam incurrendam. Hic tamen qualitas negotij, & mos provinciæ spectandus est. Nam si concessum est spatium sufficiens, & intra illud solutio facta non sit, poterit peti, etiam si diem vnum excesserit tantum, si iuris rigore vti velit mutuator.

5. Quæres. An hæc pœna post moram sit debita in conscientia ante Iudicis sententiam. Resp. valde probabile est ante omnem sententiam deberi. Ita Sylu. v. pœna num. 14. & plures alij. Ratio est, quia debetur ex vi pacti inter contrahentes initi. Vnde multum differt à pœna legali & iudiciali quæ non debentur ante Iudicis sententiam, quia non ex vi pacti, sed Iudicis præcepto debentur. Nota tamen sicut legalis & iudicialis non debentur ante sententiam Iudicis, ita conuentionalis non debetur ante exactionem partis, quæ hic Iudicis vicem supplet.

QVÆST. VIII. *An dominium usurarum transferatur in usurarium?*

1. **A**liqui putant usurarium acquirere dominium earum rerum quas supra sortem accipit, siue illæ sint usu consumptibiles, vt vinum, frumentum, pecunia: siue non, vt testes, annuli, supellex. Ita *Scotus dist. 15. quæst. 2. art. 3. ad 2. Palud. ibidem quæst. 2. art. 5. & Nauarr. 17. num. 265.* Fundamentum præcipuum est, quia voluntas illa mutuatarij, qua soluit usuras, sufficit

ſufficit ad dominium earum transferendum. Nam abſolutè voluntariè ſoluit, quamvis ſecūdum quid inuoluntariè.

2. Prima Conclusio. Dominium vſurarum nunquam transfertur in vſurarium ex vi ſolutionis, ſeu traditionis factæ ratione contractus mutui. Ita *D.Th.art. 3. Caiet. r. 2. opuſc. 8. c. 1. Medina quaſt. 4. de vſur. Sot. l. 6. quaſt. 1. art. 4. Couarr. l. 3. variar. reſol. c. 3. num. 6.* Ratio eſt, quia per illam ſolutionem mutuarius non intendit donare gratis, vt ſuppono; nec plus iuris dare vſurario, quam habeat, aut quam ei debeat ratione mutationis. Atqui ratione mutationis nihil debetur præter ſortem: ergo non intendit transferre dominium, ſed ſolum externam traditionem facere; quæ neceſſaria eſt, vt fidem ſuam libet, & pecuniam mutuam impetret. Confirmatur, ex *L. nunquid ff. de acquirend. rerum dominio*, vbi dicitur: *Nunquam nuda traditio dominium transfert, niſi præceſſerit venditio, aut iuſta aliqua cauſa*. Atqui hic non præceſſit iuſta cauſa, id eſt, iuſtus titulus: ergo. Hinc patet reſponſio ad fundamentum contrarium. Nuda illa voluntas non eſt ſufficiens nõ quidem defectu voluntarij propriè, cum ſit abſolutè libera; ſed quia per illam non eſt volitum, vt iſtæ vſuræ abſolutè cedant in dominium vſurarij; ſed ſolum vt ſint ipſius, quatenus ei debentur, & non aliter,

3. Secunda Conclusio. Res tamen lucrifaactæ pecunia vſuraria, ſtatim ac ipſi traditæ fuerint, tranſeunt in ipſius dominium, Ita *D.Th.art. 3. Adria. in 4. tract. de reſtitutione quaſt. de vſura, Couarr. & colligitur apertè ex L. 1. & 8 C. ſi quis alteri vel ſibi ſub alterius nomine, & L. ſi ex ea, C. de rei vindic.* Ratio eſt, quia talis res eſt fructus induſtriæ, non pecuniæ.

4 Tertia Conclusio. Si vſurarius res aliena loco vſurarū acceptas vendat, acquirit dominium pretij, licet dominium iſtarum rerū non tranſferat in emptores.

Prima pars patet, ex *L. qui vas ff. de furtis*. Secundò probatur, quia qui non est dominus rei, non potest illius dominium in alium transferre. *L. exempto. ff. de actionibus empti*.

5. Dices. Talis contractus est inuoluntarius ex parte emptoris: si enim sciret esse alienam rem, nollret emere: ergo est irritus. Confirmatur, quia non intendit transferre dominium præij in venditorem, nisi venditor transferat vicissim dominium rei in illum. Atqui venditor non potest hoc vlllo modo facere, vt dictum est: ergo. Respondeo enim quidem aliquo modo esse inuoluntarium, cum ex errore procedat, quia tamen hic error non est circa rei substantiam, sed circa conditionem quandam extrinsecam non est ipso iure contractus irritus, potest tamen emptor illum rescindere, vbi sciuerit, & pretium repetere, vt alibi dictum est. Ad confirmationem Respondeo. Emptorem non intendere transferre pretium sub illa conditione, sed transferre illud absolutè cum onere, vt venditor rem quoque transferat in ipsum. Vnde venditor statim fit dominus pretij traditi, sed manet obligatus, vt rem faciat emptoris, teneturque de euictione.

QVÆST. IX. *Quanam possimus ab usurarijs titulo oneroso vel gratuito accipere.*

1. **P**rima Conclusio. Non potes à fure vel usurario accipere res alienas, quæ in specie extant, vt vestes, catenas, lectos, etiam si ipsi eas alienando nõ fierent impotentiores ad soluendum. Ratio est, quia cum ipsi talium rerum non habeant dominium, non possunt illud in alium transferre. Hinc sequitur eas non posse emi, & si aliquis eas, sciens esse alienas, emerit, teneri ad restitutionem. Hoc tamen intelligendum est, quando inuito domino emerentur: secus verò, si ex consensu eius saltem tacito & præsumpto. Vnde excusandi videntur qui emunt pignora, & alia, quæ passim

ſim in oppidis vſurarij publicè vendunt. *Primo*, quia non conſtat, an hæc ſint aliena: talia enim ſolent ſponte à mutuataris relinqui per modum venditionis pro ſorte & vſuris, & ita dominium eorum tranſit in vſurarium, quamvis teneatur pretium ſupplere. *Secundò*, quia mutuarij poſtquam ea reliquerunt pro vſuris, non ſolent curare ad quos perueniant, & ſi rogarentur libenter facerent poteſtatem emendi.

2. *Secunda Concluſio*. Potes ab vſurario, vel fure accipere res eas, quarum ipſe poteſtatem & dominium habet, tam gratuito, quam oneroſo titulo. Ratio eſt, quia hæc res non ſunt alienæ, ſed ipſius vſurarij, neque aliis ſunt ulla reali obligatione obnoxia: Non enim res vſurarij ſunt tacitè hypothecatæ pro vſuris, vt quidam olim putarunt, nuſquam enim in iure poſitiuo talis hypotheca conſtituta inuenitur: iure autem naturali nulla eſt tacita hypotheca. ergo poteſt earum dominium in alios transferre. Sequela patet, quia Dominus rei alteri non obligatæ, habens liberam adminiſtrationem, poteſt eius dominium in alium transferre.

3. *Quæſtes*. Quid ſi per eam donationem, vel alienationem fiat impotens ad ſoluendum. *Reſp. primò* ſi non inducis illum ad donandum, vel alienandum, ſed ipſe ſponte tibi donat, vel vendit, non teneris ad reſtitutionem in foro conſcienciæ, etiamſi ſcias ipſum per hoc fieri impotentem ad ſoluendum. Ita *Petr. Nau l. 3. c. 4. num. 218. Molina diſp. 327* & colligitur apertè ex *L. ult. ff. qua in fraudem creditorum*. Ratio patet ex dictis, quia illæ res nemini ſunt obſtriæ, & ipſe eſt earum Dominus, & nullâ lege eſt inhabilis ad transferendû illarum dominium: ergo reiſa transfert. Nec obſtat quod ille peccet donando, quatenus ſe per hoc reddit impotentem ad ſoluendum creditoribus, quia tu non es cauſa, cur velit dare, ſed ſuppoſito, quod ipſe ſponte velit, tu acceptas, vtens tuo iure. Nota tamen ſi titulo

gratuito accepisti, iure ciuili cōcedi creditoribus actionem, qua possint illud à te repetere. Et quidem si sciuiſti illum ea donatione fieri impotentem, cogeris restituere, etiamsi neque res extet, neque ex ea factus sis locupletior. Si verò nesciuiſti, solum teneberis quatenus extat, vel ex ea factus es locupletior, vt patet *L. Quod autem, ff. quæ in fraudem credit.* Quod si titulo oneroso accepisti, si quidem sciuiſti illum sic reddi impotentem, cogeris reddere, non restituto pretio, nisi quatenus inde aliquid extat in bonis debitoris, vt patet *L. 7. 3. vltima, ff. eod. tit.* si verò nesciuiſti, non datur actio creditoribus ad rescindendum, vt habetur *L. quod autem supra.* Resp. *secundò*, si verò illum induxisti ad donandum, vel alienandum, putans eum per hoc fore impotentem, teneris ad restitutionem, si hæc impotentia sit causa non soluendi. Ratio est, quia qui dat causam damni, damnum dedisse videtur.

4. Tertia Conclusio. Si vsurarius, vel alius debitor non est soluendo, nihil potest ab eo accipi per vltimam voluntatem, vt per testamentum, codicillum, fideicommissum, vel donationem causa mortis, sed totum in foro conscientie restituendum creditoribus. Colligitur ex *L. quod autem supra, & L. vlt. C. de iure deliberandi.* Ratio est, quia nemo post mortem suam habet potestatem lucrandi, & compensandi creditoribus, si quid ex bonis ipsius, quod creditoribus dandum erat, in alios collatum fuerit: ergo æquum non est vt de rebus suis possit pro eo tempore cum damno creditorum disponere. Confirmatur, quia idè potest res suas alienare, dum viuit, quia quandiu viuit, manet ipsius persona obligata, quæ adhuc lucrari potest, ergo cum post mortem non possit ipsius persona manere obligata, aut aliquid lucrari, vt soluatur creditoribus, non potest etiam in illud tempus in fraudem creditorum aliquid alienare.

QVÆSTIO X.

Utrum hæredes usurarij teneantur in solidum?

Affirmat Nauarrus c. 15. num. 278.
 1. Prima Conclusio. Si aliqua res in specie extet apud usurarium, quam nomine usurarum acceptam esse constat, ea ad quemcumque hæredem deuenerit, est re-stituenda. Patet ex dictis, quia est aliena
 2. Secunda Conclusio. Hæredes non tenentur in soli- dum, nec alter pro altero, sed singuli tantummodo pro sua parte iuxta vires hæreditatis. Ita *Caiet. tom. 2. Opus. 8. Syl. v. Usura 6. q. 10. Cou. l. 3. variar. resol. c. 3. Sotus. l. 6. q. 2. art. 4. de usura*. Ratio est, quia in successione hæreditatis, sicut bona defuncti diuiduntur in hæredes, ita etiã eius obligationes personales & debita. Quod si aliquid obli- gatione reali sit obstrictũ, illud in totũ cõuenire potest.
 3. Tertia Conclusio. Etiam si omnes hæredes deficient, tamen legatarij, & donatarij nõ tenentur ad restitutio- nẽ, si illa quæ hæredib. relicta sunt, sufficiunt ad soluẽda debita, & ad partẽ hæredibus iure debitam. Ita *Medina loc. cit.* Probat, quia onera debitorum testatoris non transeunt ad legatarios, sed ad hæredes. Hoc enim ratio hæreditatis includit.

Hæres enim dicitur, qui succedit in vniuersum ius defuncti, l. *Hæreditas, ff. de regulis iuris*, ac proinde etiam in onera eiusdem: substituitur enim in locum defuncti. Nota tamen, si bona hæredibus titulo hæreditatis cum oneribus defuncti relicta non sufficiunt, vr ipsi solutis debitis habeant suam legitimam, vel quartam iure de- bitam; tunc legatarios & donatarios teneri contribue- re seruata proportionẽ, vt solutis debitis legitimam, vel quartam, quæ falcidia dicitur, obtineant.

QVÆST. XI. *Quinam ex cooperantibus ad usuras te- neantur ad restitutionem?*

1. **P**rima Conclusio. Omnes ij tenentur qui agunt partes usurarij, & sunt causa efficax, cur usuræ

442 *Quæſtio LXXVIII. D. Thomæ,*
ſoluantur, vel ſolutæ non repetantur. Tales ſunt *primò*,
qui perſuadent alicui vt uſurarius fiat, & uſuras exigat.
Secundo, omnes Iudices qui ſtamento, vel ſententia com-
pellunt ſoluere uſuras, vel decernunt vt ſolutæ non re-
petantur. *Tertiò*, Factor. & uſurariorum, qui faciunt ipſos
contractus iniquos. *Quarto*, famuli qui cogunt ad ſolu-
tionem uſurarum.

2. *Secunda Concluſio.* Qui verò agunt partes mutua-
tarij, vel certè non efficaciter concurrunt, non tenentur
ad reſtitutionem, etiam ſi videantur cooperari. Tales
ſunt, *Primò*, famuli, qui recipiunt pignora eaque aſſer-
uant. *Secundò*, qui numerant pecuniam *Tertiò*, qui refe-
runt omnia in libro rationum. *Quartò*, Proxenetæ, qui
quærit eos, qui pecunia egent, & adducunt ad uſurariũ.

QVÆSTIO XII.

Quenam ſint pœna uſurariorum?

Concluſio. Multæ pœnæ tum Iure civili, tum Ca-
nonico in manifeſtos uſurarios conſtitutæ ſunt.
Prima eſt infamia, *L. improbum C. ex quibus cauſis infa-*
mia irrogatur. Vnde ſi frater meus illum heredem in-
ſtituat, poſſum agere contra illum actione inofficioſi
teſtamenti, vt patet ex *L. Fratres, C. de inofficioſo teſtamen-*
to. *Secunda* eſt quod non ſint admittendi ad commu-
nionem altaris c. *in omnibus de uſuris.* *Tertia*, eſt, nec
ad oblationes offerendas, ibidem, & qui oblationes co-
rum acceperit, ipſo facto eſt ſuſpenſus ab officio, do-
nec ad arbitrium ſui Epiſcopi ſatiſfecerit, & compelli-
tur reddere, vt ibidem habetur, *Quarta*, nec ad confeſ-
ſionem peccatorum, donec ſatiſfecerint reipſâ pro ſua
facultate, vel idoneam cautionem dederint, idque vel
creditoribus ipſis, ſi ſint præſentes, vel Ordinatio loci
aut eius Vicario, vel Parocho coram teſtibus fide di-
gnis, vel Notario publico habente mandatum ab Or-
dinario, vt patet ex c. *Quanquam de uſur. in 6.* *Quinta*,
Nec ad ſepulturam Eccleſiaſticam c. *In omnibus ſupra:*
imò

imò qui eos scienter sepelire præsumpserit, ipso facto est excommunicatus, nec est absolendus donec arbitrio Episcopi satisfecerit Clement. 1. *de sepultura. Sexta* testamenta eorum sunt irrita nisi ante mortem soluerint, vel cautionem legitimam dederint c. *Quaquam supra Septima*, Ecclesiastici non possunt usurariis exteris elocare domos, aut permittere in eis habitare. Imò tenentur eos expellere ex suis terris intra tres menses, alioquin ipso facto incurrunt pœnam suspensionis, si sint Episcopi: Excommunicationis, si sint minores Episcopis: interdicti si sit collegium, vel vniuersitas Ecclesiasticorum, vt patet c. 1. *de usuris in 6.*

QVÆST. 13. *An montes pietatis excusentur ab usura?*
 i. **N**Ota. In multis Christiani orbis partibus iam ab annis 160. fuisse à piis viris ingentes pecuniæ summas ad mutuandum pauperibus. deputatas, quæ summæ solent vocari montes pietatis. Constituti autem sunt hi montes cum his conditionibus. *Prima*, vt ex illis detur mutuum ad certam summam pauperibus eius loci, non diuitibus, aut exteris. *Secunda*, vt ad certum tempus v. g. ad annum, vel paulò amplius id permittatur. *Tertia*, vt mutuatarij dent pignus idoneum, quia alioqui talis mons facilè exhauriretur multis postea non soluentibus. *Quarta*, vt singulis mensibus aliquid minutum soluant pro sumptibus necessariis ad montis conseruationem, vt pro stipendio ministrorum, qui montem custodiunt, semperque parati esse debent ad mutuandum, & ad pignora recipienda, custodienda, & reddenda. Item pro condicione domus, pro libris rationum, cæterisque necessariis instrumentis. *Quinta*, vt si tempore præscripto non soluerint, vendatur pignus, & quod ex pretio, detractâ sorte, & mensuris detrimentis superfuerit, illis restituatur. Hæc omnia patent, ex Medina *quæst. 10. de usuris*, & ex Nau. *tract de usur. numer. 59.* His positis Caiet. *tom. 2. opusc. 6.* putat hanc mutua n di

mutuandi rationem illicitam esse. Idem tenet *Sotus l. 6. q. 1. a. 6.* Et inclinat *Sylu. v. usura §. q. 4.*

2. Conclusio. Certum est hanc rationem mutuandi & hosce montes licitos esse & pios. Ita *Nau. & Medinali. cit.* Probatur *primò*, quia *Leo X. in Conc. Later. sess. 10. vna cum ipso Concilio approbat hosce montes, tanquam pios, & cupit eos erigi cum conditionibus expositis; concedens indulgentias iis, qui manus adiutrices ad huiusmodi erigendos porrexerint. Denique excommunicationis sententiam profert in omnes; qui contrarium docere vel concionari præsumpserint, ut patet ex Bulla eiusdem, quæ tota extat apud *Medinam, & tom. 4. Conc.* Resp. *Sotus* Caietanum qui Concilio interfuit non obstante hac determinatione integro opusculo contrarium docuisse, idque esse signum, eam non esse validam. Resp. *Caiet.* scripsisse illud opusculum ante Concilium, nempe Anno 1498. ut patet ex fine opusculi. Concilium autem hoc definiuit Anno 1515. ut patet ex fine Bullæ. *Secundò*, Probatur ex *Conc. Trid. sess. 22. c. 8. 9. 11. vbi enumerans loca pia, quæ ab Episcopo visitari debent, ponit etiam hosce montes. Tertio.* Probatur ratione; *primò*, quia nihil exigitur à mutuatiis ratione mutuationis, sed solum ratione expensarum quæ necessariæ sunt ad montis conseruationem & administrationem, ut patet ex Bulla Leonis. Atqui licitum est pro his expensis aliquid exigere: ergo quod in montibus istis datur, iuste exigitur. Minor patet, quia expensæ illæ fiunt in gratiam & commodum illorum qui mutuum petitori sunt, nempe ut maius dampnum euitent, ne cogantur usurario accedere: si ergo quis cupiat frui commodis montis, potest cum eo iniri pactum, ut pro sua parte ad illas expensas contribuatur. *Secundò*, nulla æquitas postulat, ut quis cum damno suo mutuet: ergo tantum exigere potest, quantum est necessarium ad damnum euitandum, & consequenter quantum*

quantum opus est pro domo conducenda pro stipendiis ministrorum, & pro reliquis instrumentis; nullo tamen modo potest aliquid exigi, ut mons augeatur, vel ut dominus illis fiat ditor. Ex dictis patet valde oprandum esse ut passim per oppida huiusmodi montes sublati usurariis, qui ubique dominantur & plebem exhauriunt, excitentur: inde enim multiplex utilitas in Remp. proueniret. *Primò*, impediretur peccatum usurae. *Secundò*, pecunia remaneret in patria, cum iam aliò exportetur, quia usurarii sunt ferè exteri, qui sedem sæpè mutant, & cum euaserint opulenti, in suas regiones redeunt. *Tertiò*, incolæ pecunia affluentes haberent locum ubi securè & fructuosè eam possent collocare, emendo census super monte fundatos: tales enim census essent optimi & securissimi. *Quartò*, homines tenuiores in omni euentu ad sua negotia possent statim habere pecuniam numeratam, idque mediocri detrimento. *Quintò*, venditis pignoribus restitueretur quod sortem & detrimenta excedit, cum usurarii totum pretium pignoris sibi referuent.

De Censibus seu redditibus annuis.

Q V Æ S T. I. *Quid & quomplex sit census?*

1. **P**rima Conclusio. Nomen Censui multa significat: hîc sumitur duobus modis. *Primò*, pro pensionem annua. *Secundò* pro iure percipiendi annuam pensionem, & potest sic describi. Censui est *ius percipiendi annuam pensionem ex re vel persona alterius*. De hoc iure potissimum agimus.

2. Secunda Conclusio. Censui diuiditur *primò*, in *Reseruatium & consignatium*. *Reseruatium* dicitur, quando quis transfert rem suam in alterum quoad dominium directum & utile, donando, legando, vendendo, aut permutando, seruata sibi annua pensionem super eadem re. Talem censum constituit Ioseph in omnibus terris Ægyptiorum præterquam Sacerdotum, cum eas emptas

emptas & subditas dominio Pharaonis Aegyptiis restituit, vt patet *Genes. 47. v. 24* *Consignatiuus* dicitur, quando quis super bonis suis, quorum dominium directum & vtile retinet, vel etiam super persona sua alteri ius pensionis annuæ consignat. De hoc est tota disputatio apud DD.

3. Tertia Conclusio. Census consignatiuus 4. modis diuiditur. *Primò*, ratione materiæ in realem, personalem, & mixtum. *Realis* est, qui super re aliqua fundatur, ita vt ex ea re pensio solui debeat. Huic respondet *primò*, in re ipsa obligatio realis, quæ rem perpetuo comitatur, etiam si vendatur alteri, tanquam onus quoddam seu grauamen illi annexum, donec legitimè redimatur. *Secundò*, obligatio personalis in eo, cuius illa res est. Nam onus rei redûdat in dominum. *Tertiò*. Relatio debiti in pensione. *Personalis* est, qui immediatè super personam, quæ seipsam obligat ad pensionis solutionem, constituitur, Huic respondet tantum obligatio in persona, & debitum in pensione. Nec obstat quod hîc interdum interueniat hypotheca, quia hæc non interuenit ex vi contractus censualis, sed superuenit per alium contractum. Nam hypotheca solum exigitur ad securitatem contractus alterius. Vnde ex ea non est soluenda pensio, nisi eo casu, quo aliter solutio à persona debitore non posset obrineri. *Mixtus* est, qui constituitur super re & super persona immediatè, ita vt etiam si res pereat, persona tamen maneat obligata, quod nõ fit in censu merè reali: ibi enim re, vel ex parte, vel in totum pereunte, perit similiter census. *Secundò* diuiditur ratione pensionis in fructuarium & pecuniarium. *Fructuarîus* dicitur ex quo debetur fructus, vt frumentum & vinum: *pecuniarius* ex quo debetur pecunia. *Tertiò* diuiditur in certum & incertum. *Certus* est, cum determinata pecuniæ summa, vel fructuum mensura in pensionem constituta est, *Incertus*, cum in-

deter-

determinata v. g. 3. vel 5. pars fructuū constituitur solvenda. sicut fecit Ioseph in Ægypto : hic enim modus habet tantum locum in censu reservativo. *Quarto* diuiditur ratione temporis futuri in perpetuum & temporale. Perpetuus diuiditur in redimibilem & irredimibilem. Temporalis verò in eum qui extenditur in certum tempus v. g. 10. vel 20. annorum, & in eum qui in incertum, vt ad vitam vnius, duorum vel trium hominum, qui dicitur vitalitius.

Q V Æ S T. II. *An liceat emere nouos census?*

1. **H**enricus *quod soul.* 8. *quod.* 21. putat emptionem nouorum censusum illicitam esse, etiam si in re aliqua fructifera constituantur, si pensiones recipiendæ putentur tandem superaturæ pretium: secus tamen esse de antiquis, hos enim licitè emi posse pretio communitè taxaro. Ratio est, quia emptio noui redditus non est emptio, sed mutuum. At in mutuo non licet plus pecuniæ accipere; quam datum sit: ergo. Maior probatur, quia extrema huius contractus sunt pecunia simul data, & pecunia per quotas recipienda. Pecunia autem vendi non potest, sed mutuo dari. Nec refert quod in re fructifera videatur constitui, quia hæc se habet per modum hypothecæ. Idem videtur sentire *Innoc. & Ioan. And.* in c. *In cin. de usuris.*

2. **Conclusio.** Certum est ex communi sententia non minus licitè emi nouos redditus, quam antiquos Ita *Conrad. quod.* 79. vbi 12. rationibus Henrici sententiam refutat. *Sotus l. 9. 65. art. 1. Medina quod.* 12. *de usura. Conar. lib. 3. variar. resol. c. 7. nu. 2. Nauar. de usuris d. 69. & alij.* Probatur primò. quia *Mart. V. & Calixtus III.* in suis extrau. tit. *de emptione & vedit.* autoritate Apostolica declararunt, Censuum eos, qui habent condiciones ibi positas, esse iustos & licitos, & debitores ad solutionem obligari. Nec distinguunt hi Pontifices inter antiquos & nouos, sed in genere de omnibus loquuntur. *Secundò* quisque

quisque potest de nouo constituere ius percipiendæ pensionis in suis bonis titulo donationis, vt ipsi fatentur: ergo etiam titulo emptionis: non enim minoris valet quod emitur, quàm quod donatur. *Tertiò*, quia antiqui aliquando fuerunt noui, & lapsus temporis non fecit eos esse iustos: ergo sicut antiqui vendi possunt, ita & noui. *Quartò*, potest aliquis alteri vendere ius seruitutis in suo agro de nouo constituendum: ergo etiam ius percipiendæ pensionis annuæ. Sequela patet; quia sicut ius seruitutis est particula quædã decerpta ex iure integro, quod Dominus habet in re sua, ita ius pensionis annuæ: ergo si illud vendi potest, etiam hoc poterit. Ad argumentum Henrici. Resp. Id quod propriè & immediatè venditur & emitur in hoc contractu non esse pecuniam, aut pensionem annuam, sed ius ad pensionem annuam exigendam, quod multum distinguitur à re ipsa, vt ostendit Conradus.

3. Dices. Illud ius non extat, ergo non potest vendi. Resp. *primò*. Esi nunc non extet; tamen paulo post exstabit, vnde potest vendi sicut hæreditas futura, vel sicut iactus retis futurus. Resp. *secundò*, Falsum est hoc ius nō extare antequam vendatur: extat enim in ipso vendente. Nam hic habet ius percipiendi pensionem ex re sua (quanquam tunc non vocetur adhuc census) quod ius sicut alteri donare potest, ita etiam vendere.

QVÆSTIO III.

An liceat emere censum personalem?

1. **N**Egat Innocentius Hostiensis, Ioan. Andr. Anton. de Butrio, Panor. & Zabarella in c. In ciuitate, de vsur. D. Am. 2. p. tit. 1. c. 8. Angelus v. vsura, §. 78. Nau. de vsur. n. 81. & quidam recentiores. Probat *primò*, quia census personalis est inuentio noua, & nunquam in Repub. Romana post religionem Christianam susceptam vsurpata. *Secundò*. Pensio non potest in libera persona constitui, eo modo, quo in prædio constituitur. *Tertiò*, li-
ber

ber homo non potest pignori dari, cap. 2. de pigno. At qui-
 ius cēsus maius est iure pignoris: ergo. *Quarto*, liber ho-
 mo non potest in servitutem rapi ob debita. Verum ex
 his rationibus satis constat hos auctores non loqui de
 censu personali, qui passim est in usu; sed de eo qui ita
 constituitur in persona, sicut constitui solet in prædio,
 adeò ut si non sit soluendo, creditor possit vendere
 debitorem, aut trahere in servitutem sicut prædium
 vendi, aut vendicari in dominium potest. Nos autem
 non loquimur de tali censu personali, sed de eo, qui in
 creditore solum ponit ius pensionis annuæ: In debitore
 verò tantum obligationem personalem illius soluen-
 dæ, quæ transeat ad hæredes; ita tamen, ut non obliget
 illos nisi secundum vires hæreditatis.

2. Prima Conclusio. Emptio census personalis lici-
 ta est. Ita *Conrad. q. 74. Maior in 4. d. 15. q. 34. Gabriel*
ibid. q. 12. a. 1. Sotus l. 6. q. 5. a. 1. Medina q. 11. de usura, Co-
narr. l. 3. var. resol. c. 7. num. 5. Probatur primò, quia olim
 Ecclesiæ debebantur etiam personales decimæ, nem-
 pè ex labore manuum, & negotiatione, ut patet c. *De-*
cimæ l. 6. q. 1. &c. *Apostolica, &c. pastoralis, de decimis*, quæ
 etiam nunc in quibusdam locis soluuntur. Item l. 2. *Es-*
dras c. 10. Fideles constituerunt annuum redditum tertix
 partis fisci pro fabrica templi, panibus propositionis, &
 sacrificiis, idque tantum supra personas suas. Atqui ta-
 lis obligatio, vel sponte suscepta, vel à superiore legiti-
 mè imposita, est certo pæctio æstimabilis: ergo vendibi-
 lis: ergo etiam census personalis vendibilis erit, cum ta-
 lis obligatio sit verè cēsus personalis. *Secundò*, probatur,
 si ad censum requireretur aliqua res distincta, à perso-
 na debitoris, super qua cēsus dicatur constitui, id esset,
 vel quia res illa, vel certè fructus eius deberet emptori
 vendi. Atqui neutrum fit: non enim res illi venditur, quia
 dominium rei directum & vile manet apud vendito-
 rem census, qui liberè potest eam alienare in quem vo-

luerit, vt patet ex bulla *Pij V.* neque etiam fructus illi propriè venduntur, quia sæpè fit, vt sit census pecuniarius, qui super agro constituitur. Deinde etiam si concederemus fructus rei vendi, simili modo possunt vendi fructus & lucra personæ.

3. *Secunda Conclusio.* Hæc emptio est licita etiam si sperentur pensiones excessuræ pretium. Colligitur ex *auctoribus cit.* qui enim admittunt hunc censum, admittunt eo modo quò passim est in vsu. Atqui nemo huiusmodi censum emit, nisi verisimile ei sit pensiones cum tempore excessuras pretium. Est enim census perpetuus, etsi redimibilis ex parte venditoris. Vnde semper sperat emptor se plus accepturum quam dedit. Nam sperat, emptor se plus accepturum pensiones aliquot, & postea, si venditor voluerit post aliquot, annos se liberare, totam sortem. Probatur *primò*, quia per hanc emptionem non emuntur pensiones propriè futuræ, sed ius quoddam illas exigendi, quod in omni *Repub.* longè minoris valet, quam pensiones speratæ, si essent præsentès, valerent. *Secundò*, sensus realis perpetuus licitè emi potest minoris quàm sint pensiones speratæ: ergo etiam personales. Est. n. par ratio: sicut n. ibi non violatur æqualitas, eo quod non emantur propriè fructus qui longè superant pretium, sed ius ad illos quod censetur æquale pretio; ita etiam hîc fit.

4. *Tertia Conclusio.* Persona in qua census statuitur debet esse vel fruct. fera (id est, talis, vt aliquem fructum suâ operâ vel industriâ pariat, vnde soluat) vel vt aliqua bona in re, vel in spe habeat. Ita *Medina 9. 11.* Ratio est, quia alioqui ius illud nullius esset momenti, ac proinde non esset pretio æstimabile: ergo nec vendibile.

5. *Quarta Conclusio.* Licitum etiam est in emptione census personalis exigere hypothecam generalem, vel specialem, securitatis causa. Colligitur

ex iisdem authoribus. Ratio est, quia in reliquis contractibus licet exigere hypothecam, ut in mutuo, & in venditione ad terminum, & similibus: ergo etiam in emptione census. Confirmatur, quia si contractus est validus, merito potest is, cuius interest, exigere securitatem, ut firmus maneat, & non violetur. Ad hoc autem pertinet & valet hypotheca.

6. Obiicies *primò*, Martinus & Calixtus Pontifices in suis *extranag.* declarant solum census reales esse licitos, ergo personales illiciti sunt. Respond. Nego sequi, quia Pontifices de illis solis fecerunt declarationem, de quibus erant consulti.

7. Obiicies *secundò*. Si tibi darem 1000. aureos eâ lege, ut quotannis pro usu mihi solueres 50. usuram committerem, eò quòd usum pecuniæ seorsim venderem, sed ita fit in emptione census personalis: ergo usura committitur. Hoc argumentum ait *Lopez*, Sotum nunquam potuisse solvere. Resp. in sensu personali non emitur usus pecuniæ, sed ius super alterum, qui sibi obligationem personalem potest imponere.

8. Dices. Qui emit ius exigendi pecuniam, emit ipsam pecuniam. At pecunia non est vendibilis: ergo non est vera emptio, sed mutuum. Maior probatur; quia qui emit ius alicuius possessionis principaliter censetur emere possessionem: ergo. Resp. *primò*, falsum est eum qui emit ius ad pecuniam, emere propriè ipsam pecuniam. Nam hæc multum differunt, ut patet ex communi usu hominum, qui quotidie iura sua & actiones pecuniarias vendunt. *Secundò*, falsum est eum qui emit solum ius ad possessionem, emere propriè ipsam possessionem, ut patet, dum ius legitimorum emitur: tunc enim non dicitur emi ipsa possessio, sed ius & actio alterius partis. Deinde etiam si ius sit liquidum, tamen qui habet ius ad possessionem, non idèò habet ipsam possessionem, sicut qui transfert in alterum ius,

quod habet in beneficium per præsentationem, non transfert in illum ipsum beneficium.

QV. IV. *An liceat emere censum perpetuum irredimibilem minori pretio, quam sint pensiones speratae?*

1. **D**icam primò de reali. Secundo de personali.

2. Prima Conclusio. Emptio census perpetui & irredimibilis realis licita est minori pretio, quam sunt pensiones speratae. Ita *Medina q. 12. & 15. de usura, Sotus, Couarr. & alij passim*. Ratio est, quia res ipsa seu dominium rei, in qua census iste fundatur est minoris pretij, quam fructus ex ea sperati. Nam fructus qui temporis successu percipiuntur decuplò plus valent, quam res communiter æstimetur. Atqui census realis nihil aliud est, quam pars illius iuris, quod in dominio continetur: ergo multo magis emi potest minori pretio quam fructus: minus enim est habere censum super re, quam eius dominium.

3. Nota primò. Si res illa casu pereat, censum quoque concidere: id enim commune est omni censui merè reali. Nam sicut pereunte re perit eius dominium, ita etiam ius percipiendi fructus ex illa: errant ergo quidam recentiores qui putant re peremptâ non perire censum realem, sed venditorem manere obligatum: Ratio illorum est, quia putant rem censui subiectam, à qua dicitur census realis esse veram hypothecam pro censu. Atqui pereunte hypotheca, vel in alium translata, adhuc manet obligatio personalis in priori debitore: ergo.

Sed fundamentum falsum est. Nam census realis nihil aliud est, quam ius percipiendi fructum, vel pensionem, ex re fructifera alterius. Vnde se habet sicut ius servitutis, quod quis habet in re alterius, ut v. g. ius eundi per prædium alterius, venandi, piscandi, colligendi glandes, ratione cuius iuris res non dicitur hypothecata pro illo iure: si enim res pereat, perit ius, si in
aliu

alium transferatur, prior dominus omni obligatione soluitur: quando autem res aliqua est hypothecata, tunc etiam si pereat, vel in alium transferatur, manet tamen obligatio personalis, quia hypotheca datur in securitatem alterius debiti, maximè personalis. Itaque dicere rem subiectam censui esse hypothecatam pro censu, est omnes census facere personales.

4. Nota *secundò*. In emptione census realis irredimibilis posse hypothecam exigì, hæc tamen hypotheca nullum habebit vsum, si res censui subiecta pereat; solum ad hoc seruit, vt, si fortè debitor census nolit soluere pensiones (re censui subiectâ permanente saluâ) possit vendi hypotheca, vt ex ea solutio petatur.

5. *Secunda Conclusio*. Etiam emptio census personalis irredimibilis est licita, etiam si pretium sit minus, quam pensiones speratæ. Colligitur ex *Medina & Soto supra*. Probatur *primò*, quia minor est species vsuræ in hac emptione, quam in emptione census personalis redimibilis, cum nulla sit spes recuperandæ sortis: ergo si redimibilis emi potest pretio minori, quam sint omnes pensiones speratæ, poterit etiam emi irredimibilis. *Secundò*, quia certum est hominem posse sibi talem obligationem imponere, quæ transeat ad hæredes secundum hæreditatis facultates. Atqui hæc obligatio communi hominum iudicio est certo pretio æstimabilis v. g. 30. aureis in singulos annos, cum tamen plures sperentur recipiendi intra annos 40. *Tertiò*, census realis irredimibilis pretium minus est quam sint pensiones speratæ. Atqui sæpe fit vt census reales sint multò meliores & securiores quam personalis: ergo etiam pretium iustum personalis census irredimibilis minus est quam omnes pensiones speratæ.

9. Dices. Nullum potest dari pretium æquale censui irredimibili: ergo emptio eius est iniqua. Antecedens patet, quia si des 24. vel 25. vel etiam 30. in annis

gulos intra totidem annos habebis sortem, & reliqua supra sortem accipies. Imo quantumvis sors magna sit, tamen decursu annorum superabitur pensionibus. Resp. non emuntur ipsæ pensiones, sed ius ad pensiones, quod communi hominum æstimatione æquiualeat certæ summæ pecuniæ præsentis. Vnde non refert quod pensiones superent, quia hæ sunt instar fructuum illius iuris quod *primò* & principaliter emitur, & cuius pretium vel lege publicâ, vel communi hominum æstimatione statuitur. Confirmatur, quia alioquin non liceret emere agrum certo pretio, quia fructus agri intra aliquot annos pretium superabunt: id autem est contra praxin orbis & contra communem sententiam DD.

QVÆST. V. *An liceat emere censum temporalem minori pretio, quàm sint omnes pensiones simul sumptæ?*

1. **C**ensus temporalis dicitur, quia ad certum vel incertum tempus constitutus est, in cuius termino sponte extinguitur sorte non refusa.
2. **Prima Conclusio.** Qui ad incertum tempus constitutus est (ut est omnis vitalitius) emi potest pretio minori quàm sint pensiones speratæ. Est communis sententia. Probatur *primò*, quia quod pensiones simul sumptæ superent sortem, id est planè fortuitum: sicut enim possunt superare; ita etiam superari, cum valdè incertum sit, an tot annos victurus sit is, super quem constitutus est. Nec obstat, quod interdum multo probabilius sit esse diutius victurum, ac proinde plures pensiones persolutorum, quia non emuntur pensiones, sed ius ad illas exigendas, quod ius minoris lōgè valet, quàm pensiones præsentis, tum ob commoditatem pecuniæ præsentis: tum quia multis modis tanto tempore fieri potest, ut nihil ex eo percipiat. *Secundò*, quia census vitalitius est res quædam æstimabilis certo pretio, quod ferè semper minus est quàm pensiones speratæ: ergo certo pretio vendi potest.

3. **Secunda**

3. Secunda Conclusio. Probabile etiam est eum censum, qui ad certum tempus constitutus est v. g. ad 10. vel 20. annos posse minoris emi, v. g. si quis vellet vendere pensionem 10. aureorum in decennium, probabile est. licere emere 90. aureis. Ita *Conar. l. 3. var. resol. c. 7. n. 4. Caiet. v. usura, & Nauar. c. 17. num. 230.* Et quidem si sit census realis non videretur dubium. Nam si cut emi potest ius percipiendi fructus ex re fructifera alterius in perpetuum; ita etiam ad certum tempus, quod ius semper æstimatur minoris, quam emolumentum speratum, si præsens esset. Confirmatur, quia alioqui pluris valeret census temporalis, quam perpetuus. Nam census perpetuus redimibilis emi potest 16. aureis in singulos: hoc autem pretio non posset emi census temporalis ad 20. annos. Item census irredimibilis emi potest triginta in singulos. Atqui hoc pretio non potest emi census temporalis ad annos 33. Si autem loquamur de censu personali ad certum tempus, maius est dubium. Probabile tamen est licite emi minoris ut docent authores citati. Probatur *primò*, quia alioqui pluris valeret census personalis ad annos 17. vel 20. quam personalis vel realis perpetuus redimibilis, aut etiam irredimibilis, ut ostensum est. *Secundò*, quia non potest dari sufficiens ratio cur communi hominum æstimatione, vel principum lege non possit iuribus personalibus aliquod certum pretium imponi, quod minus sit, quam res quæ in futurum expectatur.

QVÆST. 6. *An liceat emere censum utrimque redimibilem?*

1. **C**ertum est licitam esse emptionem census redimibilis ex parte venditoris, id est, cum pacto, ut venditor possit redimere quando libuerit, talis enim approbatus est à Pontificibus: sed dubium est, an emptioni talis census possit adici pactum in fauorem emptoris, nepe ut emptor possit illum reuendere, quando

voluerit, vel resolvere contractum pretio quod dedit. Sotus l. 6. qu. 5. a. 3. putat tale pactum esse usurarium. Ratio est, quia ubicumque datur pecunia cum pacto eandem rursus recipiendi, & aliquid ultra sortem, illic usura vel patet, vel later. Atqui hoc fit, quando das mille, ut annuè recipias 50. donec alter refundat sortem, & ut reddat illam quando potest.

2. Conclusio. Contraria sententia est probabilis quam tenent *Gabriel in 4. d. 15. q. 12. art. 2. Conrad. q. 84. Medina q. 15. de usur. Petr. Arrag. qu. 78. art. 4. Greg. de Val. qu. 22. p. 6. & q. 25. p. 2.* ubi etiam refert eandem sententiam à multis doctissimis Theologis Romæ in quadam consultatione, cui ipse interfuerit, Anno 1585. probabilem esse iudicatam; etsi ob periculum usurarum minimè suadendam. Probatur *primò*, quia venditor potest vendere censum cum pacto, ut possit redimere quando voluerit, & ut emptor teneatur tunc censum, vel literas census reddere, ut omnes fatentur: ergo similiter emptor potest emere censum cum pacto, ut possit illum reuendere, & reddere venditori, & ut tunc venditor teneatur illum redimere. Est enim par ratio. Nam si venditor potest sibi tale ius reservare, & talem obligationem imponere emptori ad rem venditam recuperandam, cur emptor non possit simile ius reservare, & similem obligationem imponere venditori ad recuperandam pecuniam expositam?

3. Dices. Est dispar ratio, quia dare pecuniam cum obligatione ad eam reddendam est mutuare, non emere: dare autem rem aliam vendibilem pro pretio cum obligatione ad eam restituendam, non est mutuare, sed vendere. Resp. Dupliciter potest dari pecunia cum obligatione ad eam reddendam. *Primò*. Si datur immediate pro simili pecunia eiusdem valoris cum obligatione, ut illa post aliquod tempus reddatur; & tunc est mutuum. *Secundò*. Si detur immediate pro re aliqua vendi

vendibili cum obligatione, ut venditor illam rem post
 aliquod tempus redimat, & pro ea pretium restituat, &
 tunc est vera emptio. Hoc modo fit in proposito.
 Nam emptor census non dat pecuniam immediate pro
 pecunia refundenda, sed pro censu, neque obligat al-
 terum ut reddat pecuniam pro pecunia accepta, sed ut
 recipiat ius quod vendit, & pro ea iustum pretium per-
 soluat. *Secundò* Probat: Ideo venditor iuste potest
 emptori imponere obligationem reuendendi, quia hoc
 onus potest compensari tanto minoris rem vendendo.
 Atqui obligatio, quam emptor imponit venditori ad
 rem redimendam potest similiter compensari tanto
 pluris emendo: ergo similiter potest imponi. Confir-
 matur, quia emptor census potest pacisci cum tertio,
 ut ille teneatur censum à se emere quando placuerit:
 ergo simile pactum potest inire cum venditore. *Tertiò*.
 Si petas à me ut emam à te censum, possum vicissim à
 te petere ut emas post aliquod tempus à me domum,
 idque in pactum deducere (nam pro obligatione licita
 potest permutua obligatio) ergo similiter possum pe-
 tere, ut post aliquod tempus eundem censum redimas:
 si enim possum te obligare ut emas à me rem aliam, cur
 non etiam ut eandem redimas, quam mihi vendidisti?
Quartò. Hoc pactum potest addi emptioni aliarum re-
 rum, ut agrorum, domorum, animalium: ergo etiam
 emptioni censuum. Antecedens est *Couar. l. 3. variar.*
resol. c. 9. num. 3. & maliorum aliorum. *Quintò*. Pacta quæ
 seorsim fieri possunt, ita ut neutrum destruat alterum,
 possunt etiam iunctim fieri (quæ enim seorsim iusta
 sunt, etiam si simul iuncta sunt iusta.) Atqui hæc pacta
 seorsim fieri possunt: qui enim emit censum redimibi-
 lem ex parte solius venditoris 100. aureis, ei dabuntur
 quotannis 9. aurei; sed hic potest inire pactum cum
 venditore, ut quotannis non soluat nisi quinque au-
 reos, & ut pro reliqua parte se obliget ad redimendum

quando emptori placuerit: illa enim obligatio videtur satis compensari, si quotannis condonetur pro ea vnus aureus.

4. Hæ rationes satis probant probabile esse hoc pactum emptioni census realis appari posse. Nam sicut totum dominium rei potest emi cum pacto redimendi in fauorem vtriusque; ita etiam ius fructuum, quod est veluti pars totius dominij. Si verò agatur de emptione census personalis, de qua citati authores loquuntur, etiam procedunt rationes. Hoc modo videntur posse exulari contractus quidam valdè vsitati, quibus solet pecunia pupillorum tradi mercatori; vel alteri pro vsura quincunce, id est, pro quinque in centum: quamuis enim contrahentes non cogitant expressè de censu vtriusque redimibili, tamen videntur implicitè in illum consentire, dum is, qui pecuniam tradit, intendit hoc lucrum percipere omni modo quo iustè id fieri potest, & alter intendit eo titulo dare quo ille accipit. Vide plura apud *Greg. de Valent. l. ...* Hic tamen modus contrahendi merito deberet in posterum vbique prohiberi propter periculum vsuræ.

QVÆST. 7. *Quæ conditiones iure positivæ requirantur in emptione censuum?*

Martinus V. & Calixtus III. in suis extrag. referunt varias condiciones observari solitas in Polonia & Germania, quas ad 8. reducit *Nauar. in comm. de vsuris num. 71*. Hæ tamen condiciones non sunt necessariæ ad iustitiam census, vt fatentur Pontifices. Nam hoc solum volunt significare, licitos esse & iustos census, qui habent has condiciones. Pius V. Anno M. D. LXIX. requirit alias condiciones, sine quibus decernit contractum esse irritum & fœnorarium, Sed Bulla Pij V. non est vbique recepta, ac proinde non vbique obligat.

QVÆSTIO LXXIX.

De partibus iustitiæ integrantibus.

Partes iustitiæ alæ sunt Subiectiue, vt Commutatiua & Distributiua, de quibus suprà. Aliæ integrantes, vt declinate à malo & facere bonum, de quibus hîc agitur. Alæ potentiales, de quibus in seq. quæstione.

QVÆSTIO LXXX.

De partibus iustitiæ potentialibus.

Potentiales iustitiæ partes vocantur quæ magnam habent affinitatem cum Iustitia, licet eius perfectam rationem non attingant; cuiusmodi sunt Religio, Pietas, Obseruantia, Veritas, Gratia, vindictio, Liberalitas, Amicitia.

QVÆSTIO LXXXI.

De Religione.

Diuus Thomàs agit *primò* de virtute Religionis. *Secundò*, de actibus eius internis, qui sunt Deuotio & Oratio. *Tertiò*, de actibus externis qui sunt Adoratio, Sacrificium, Oblatio, Decimæ, Votum, Iuramentum, Adiuratio, Laudatio Dei. *Quartò*. De vitiis oppositis, quæ sunt Superstitio, illegitimus Dei cultus, Idololatria, Diuinatio, Obseruatio superstitiosa, Tentatio Dei, Periurium, Sacrilegium, Simonia.

QVÆST. I. *Quid sit Religio?*

1. **P**rima Conclusio. Religio, si nomen spectes, potest dupliciter derivari *Primò*, à relegendo, quod ea quæ ad Dei cultum pertineant, sæpè sint animo repetenda, & velut relegenda, vt vult *Isidorus l. 10. Etymolog. cap. 17. ex Cic.* *Secundò*, à reeligendo, quod per eam reeligimus Deum, quem per peccatum reieceramus, vt *August. lib. 10. Ciuit. 4. Tertiò*, à religando quod nos Deo astringat & alliget, vt ait *Lactantius 4. diu. instit. cap. 28. August. 1. retract. 13. & D. Hieron. in cap. 9. Amos.*

3. Secunda

3. Secunda Conclusio. Quod ad rem attinet, potest sic definiri. Religio est *virtus quæ exhibet Deo cultum debitum tanquam primo rerum omnium principio*. Primò dicitur *virtus*, quia omnis actus honestus pertinet ad aliquam virtutem, ut ait *D. Thom. art. 2. sed reddere Deo debitum cultum est actus honestus*: ergo pertinet ad aliquam virtutem: pertinet autem ad Religionem: ergo religio est virtus. *Secundò*, dicitur *exhibens Deo cultum*, id est, honorem cum quadam submissione nostri. Vbi

4. Nota. Honorem latius patere, quàm cultum. Nam omnis cultus est honor, non tamen contra. Honor enim generatim loquendo non includit submissionem, quam tamen includit cultus. Nam Deus honorat sanctos, non tamen colit. Porro honor generatim nihil est aliud, quam testimonium excellentiæ alterius: siue id fiat verbis, ut cum quis laudatur; siue gestu corporis, ut genuflexione, apertione capitis, submissione corporis; siue rebus externis, ut erectione statuæ, descriptione elogij, institutione festorum, ludorum, & similibus. Hæc enim omnia sunt signa quædam, quibus alterius excellentiam significamus, ac proinde illum honoramus. *Tertiò*, dicitur *Cultum Deo debitum*. Nam Deo debetur ille cultus à creatura rationali. Ratio additur, quia est primum rerum omnium principium; à quo omnia dependent; propter hanc igitur excellentiam debetur illi cultus.

5. Tertia Conclusio. In officio Religionis 4. actus spectari possunt. *Primus* est considerare Deum esse infinitæ excellentiæ, & omnia ab ipso pendere. *Secundus* est considerare nos ex nobis nihil esse, nihil habere, sed quidquid sumus & habemus, Dei esse, & ab eo assidue pendere. *Tertius* est profunda mentis submitio & inclinatio coram Deo, qua mens hæc ipsa interius testatur. *Quartus* eorundem professio exteriorior

terior verbis, gestu corporis, vel aliis modis. *Præmus* & *secundus* actus supponuntur religioni tanquam fundamentum. *Tertius*, nempe submissio illa, est actus interior Religionis, qui etiam in Angelis repetitur, & continet duos actus, alterum voluntatis, qui est affectus reuerentiæ, quo interna illa honoraria inclinatio est volitæ: Alterum intellectus, quo eadem præstatür, & executioni mandatur: cum enim Angeli non habeant corpora, non colunt Deum signis corporalibus, sed spiritualibus, quæ non videntur esse alia, quàm apprehensiones intellectus, aut locutiones spirituales. Nulla enim in rebus spiritualibus possunt esse signa his meliora aut significantiora: sicut ergo homo alterum honorat, submittendo se illi signis spiritualibus; nempe profitendo spirituali locutione ipsius excellentiam, & se totos ad ipsius obsequium offerendo. Idem facit homo interius, explicitè vel implicitè, cum Deum honorat: *Quartus* actus, scilicet exterior submissio in hominibus immediatè est signum internæ submissionis: mediatè verò diuinæ excellentiæ & dependentiæ rerum ab ipsa, sicut voces imediatè sunt signa conceptuum: mediatè verò ipsarum rerum.

s. Dices. Illa submissio videtur pertinere ad virtutem humilitatis, non religionis. Respondeo pertinet ad utramque diuersa ratione. Est enim actus humilitatis si fiat, quia congruit nostræ vtilitati, vt intra limites nostræ conditionis nos contineamus ne per superbiam extra eos feramur. Est actus religionis si fiat animo declarandi eminentiam diuinam, seu vt ipsam submissione nostri honoremus.

QVÆST. II. *Quid sit obiectum Religionis?*

1. **C**onstat materiale obiectum esse ipsum cultum Dei, id est, actus illos à voluntate imperatos, quibus Deo exhibemus honorem & reuerentiam significando ipsius excellentiam, & nostram submissiorem. Difficultas est de obiecto formali. Aliqui putant esse excellentiam diuinam, quæ Deo convenit, quatenus est primum principium omnium creaturarum *Primo*, quia D. Th. art. 3. docet, Religionem esse vnā virtutem ex vnitatem obiecti formalis, quia adhibet Deo reuerentiam secundum vnā rationem, nempe quatenus est primum principium creationis & gubernationis. *Secundo*, quia sicut Deus propter suam bonitatem diligitur charitate; ita propter excellentiam colitur religione: ergo sicut bonitas Dei est obiectum formale charitatis; ita excellentia religionis. *Tertio*, quia virtus religionis ideo distinguitur à virtute obseruantie, quia coluntur Sancti, quod per religionem colatur excellentia increata, per obseruantiam verò creata. Distinctio autem virtutum sumitur ab obiecto formali. Alii putant non esse ipsam Dei excellentiam, sed existimationem de diuinā excellentia, quam oriri desideramus ex cultu religioso. Probatur, quia materiale obiectum religionis sunt actus ij, quibus Deus colitur, & ipsius excellentia significatur: ergo formale obiectum debet esse ratio illa boni, ob quam volumus illos actus, quibus Deus colitur, & ipsius excellentia significatur volumus hos propter existimationem de diuina excellentia, quia cultus seu honor per se ordinatur ad excitandam huiusmodi existimationem de persona quæ honoratur. Alij aliter sentiunt.

2. **Prima Conclusio.** Formale obiectum religionis non est excellentia diuina. Probatur, quia
alioqui

alioqui Religio esset virtus Theologica, quod tamen omnes negant. Sequela patet, quia ad rationem virtutis Theologicae satis est, quod Deum respiciat ut obiectum formale. Patet *primò*, in fide, quia si quis credat aliquod obiectum creatum propter diuinam auctoritatem, erit assensus fidei Theologicae. *Secundò*, in charitate, quia si quis optet Deo conuersionem infidelium propter diuinam bonitatem erit actus charitatis Theologicae: ergo similiter si quis vellet colere Deum, propter excellentiam diuinam, tanquam obiectum formale, esset actus virtutis Theologicae, quod tamen nemo concesso.

3. Secunda Conclusio. Nec est bona existimatio de excellentia diuina. Ratio est, quia talis existimatio est duplex: altera in animo eius qui colit Deum: altera in animo aliorum qui vident illum cultum. Neutra potest esse formale obiectum religionis. Non prior, quia actus Religionis illam supponit: prius enim est habere bonam existimationem de Deo, quam illum colere. Nemo enim vult Deo cultum exhibere, nisi iam antè habeat bonam existimationem de excellentia diuina. Nec posterior. *Primò*, quia illa est potius finis colentis Deum, quàm formalis ratio colendi. *Secundò*, quia non habet locum in iis, qui interno tantum actu colunt Deum. *Tertia*, nec habet locum in beatis qui reuera colunt Deum & tamen vnus non excitat in altero bonam existimationem de Deo. Nam illam existimationem omnes habent vi visionis beatificæ, & quidem tantam, vt in illo statu maiorem habere non possint secundum legem ordinariam.

4. Tertia Conclusio. Formale obiectum religionis est honestas seu bonitas illa, quæ est in cultu diuino, quem religio Deo exhibet. Ratio est, quia commune est omni actui voluntatis, vt feratur in obiectum suum sub ratione alicuius boni: ergo si actus est

est honestus, debet ferri in obiectum sub ratione boni honesti; sed actus religionis est honestus & fertur in cultum diuinum tanquam in obiectum: ergo debet in illum ferri sub ratione alicuius honestatis: hæc autem non est alia quam quæ est in cultu diuino. Confirmatur, quia actus voluntatis fertur in finem, vel in media. Si in finem, hoc fit propter intrinsecam honestatem, quæ est in fine. Si in media, hoc fit propter extrinsecam bonitatem quam media participant à fine: Atqui primum obiectum cuiusque virtutis in voluntate existentis est proximus & immediatus ipsius finis: ergo vnaquæque virtus in voluntate existens fertur in suum obiectum primum sub ratione honestatis in ipso obiecto existentis: ergo etiam religio fertur in cultum diuinum propter honestatem in ipso existentem, quia ille cultus est primum eius obiectum.

5. *Quæres.* Quæ sit illa honestas? Aliqui putant esse rationem debiti & congruentis, ac proinde religionem versari circa cultum diuinum, quatenus est Deo debitus & congruens. Respondeo. Honestas, quæ est in cultu diuino, consistit in eo, quod sit signum diuinæ excellentiæ, & nostræ submissionis. Nam religio fertur in cultum diuinum quatenus significat diuinam excellentiam & nostram subiectionem: Hæc enim ratio significandi est quædam honestas, quæ in cultu diuino reperitur. Hinc sequitur, etsi excellentia diuina non sit formale obiectum religionis, esse tamen formale obiectum cultus diuini: est enim ratio, cur Deus sit colendus.

6. *Quarta Conclusio.* Essentialis differentia proximè sumitur ex honestate cultus diuini, quæ est obiectum formale ipsius radicaliter tamen & mediatur ex diuina excellentia. Prima pars probatur, quia commune est omni virtuti, ut sumat differentiam essentialem ab obiecto formali: hæc enim differentia consistit

sistit in intrinseco respectu ipsius ad obiectum formale. Secunda pars patet, quia honestas illa quæ est in cultu diuino, sumitur ex diuina excellentia quæ per eum cultum significatur. Hinc fit, ut alia sit honestas in cultu Dei: alia in cultu Sanctorum, quia honestas vnius sumitur ab excellentia increata: alterius verò à creata. Hoc sensu intelligendus est *D. Thom. art. 3. & 4.* Quando explicat vnitatem & differentiam religionis ex diuina excellentia, quæ per illam colitur. Licet enim Religio proximè & immediatè sumat vnitatem, & differentiam suam ab honestate cultus diuini tanquam ab obiecto formali; tamen remotè & mediatè sumit illam ab excellentia diuina quæ est obiectum formale cultus diuini.

7. Hinc soluuntur argumenta contraria, præsertim *primum & tertium.* Ad *secundum* Resp. Deum coli religione propter suam excellentiam nihil aliud est, quàm excellentiam diuinam esse obiectum formale cultus religiosi: non autem virtutis religionis. Vnde hæc est differentia inter charitatem & religionem, quod charitas immediatè attingat Deum per actum à se elicitum: religio verò solum per actum imperatum, qui est cultus diuinus, quatenus Deo exhibetur.

Q V Æ S T. 3. *An religio differat ab aliis virtutibus.*

1. **H**Oc facillè constare potest ex dictis, ut tamen res clarior sit, paucis explicanda est.

2. Prima Conclusio. Religio distinguitur ab iis virtutibus quæ hominem rectè componunt in seipso, ut verbi gratia, à temperantia & fortitudine. Ratio est, quia religio disponit hominem ad alterum.

3. Secunda Conclusio. Distinguitur etiam ab iis, quæ hominem bene disponunt ad proximum, ut à misericordia, iustitia particulari. Ratio est, quia religio disponit hominem ad Deum.

Obiici potest illud Iac. i. v. 27. *Religio munda & immaculata apud Deum hac est: visitare pupillos, & viduas in tribulatione illorum, & immaculatum se custodire ab hoc saeculo.* Hinc colligitur Religionem disponere hominem non solum ad Deum, sed etiam ad proximum & ad seipsum, quod est contra utramque conclusionem.

Resp. Apostolus non voluit ibi significare quid sit religio, sed quales effectus habeat vera religio, non quidem à se immediatè elicitos aut imperatos, sed mediantibus aliis virtutibus: habet enim religio duplices actus, quosdam ipsa per se exequitur, siue eliciendo, ut est voluntas colendi Deum: siue imperando, ut est, ipse cultus Deo exhibitus. Alios exequitur per alias virtutes & de his loquitur Apostolus. Priores actus disponunt hominem ad solum Deum. Posteriores verò ad proximum, vel ad seipsum. Idem patet in charitate iuxta illud i. Cor. 13. v. 4. *Charitas patiens est, benigna est.*

4. Tertia Conclusio. Distinguitur etiam à virtutibus Theologicis. Ita D. Th. art. 5. Ratio est, quia Theologicae versantur immediatè circa Deum: religio verò circa cultum diuinum.

5. Dices primò. Oratio & laus attingunt Deum immediatè tanquam obiectum, & tamen sunt actus religionis. Resp. primò, non sunt actus elicit à religione, sed imperati: sunt enim actus intellectus, quibus Deus colitur, ac proinde sunt obiectum materiale circa quod religio versatur immediatè per actum à se elicitum. Nam actus à religione elicitus est amor cultus diuini, siue interni, qualis est oratio mentalis & laus: siue externi qualis est genuflexio, sacrificium. Resp. Secundo. Illi actus non attingunt Deum, sicut actus vitalis suū obiectū, sed sicut signū attingit signatū: sunt enim signa & testimonia diuinæ excellentiæ, & nostræ subiectionis: Actus autē virtutū Theologicarum attingunt Deū vt obiectū cognitū & amatū propter semetipsum.

6. Dices

6. Dices *secundò*. D. Aug. in *Enchir. c. 3.* ait, Deum coli fide, spè & charitate: ergo religio est virtus generalis complectens virtutes Theologicas. Resp. *primò*. D. Thom. art. 5. ad 1. Augustini dictum intelligendum esse causaliter, quia virtutes Theologicæ suo imperio causant actum religionis, quo Deus colitur. Resp. *secundò*. Religionem & cultum sumi posse dupliciter. *Primò*. Speciatim, prout religio distinguitur ab alijs virtutibus, & versatur circa cultum diuinum propriè sumptum. *Secundò*. Generatim, pro omni virtutis officio, quo ordinamur ad Deum, & quod instar sacrificij est Deo acceptum. Sic passim in scripturis pro eodem sumuntur colere Deum & seruire Deo. Seruitus autem quam Græci *Λατρείαν* vel *Δουλείαν* vocant, est nomen generale ad omnia bona opera, quibus Deo obediunt & placemus, ut patet 2. 11. & 21. v. 51. & Matth. 6. 24. & Luc. 2. 37. & alibi hoc modo videtur accipi ab Augustino. Resp. *tertiò*. Actus fidei, spei, & charitatis, dupliciter spectari posse. *Primò*. Ut sunt signa quibus implicite diuinam excellentiam profiteamur. Nam hoc ipso quod credimus Deo, insinuamus illum esse primam veritatem, dum amamus super omnia, significamus esse summum bonum. *Secundò*. Ut sunt actus vitales, quibus immediate Deo tanquam obiecto vnimur: si ergo spectentur priorimodo, possunt à virtute religionis imperari, tanquam tacitus quidam & implicitus Dei cultus.

7. Quarta Conclusio. Religio non distinguitur à virtute Pietatis, Observantiæ, & Gratitude in Deum. Colligitur ex D. Thom. *quest. 106. art. 1. ad 1.* ubi dicit, *sicut Religio est quadam superexcellens pietas, ita est quadam superexcellens gratitudo*, & ex Caiet. *quest. 107. art. 3.* Probat, quia pietas propriè est quæ debitum cultum reddit parentibus: Observantia quæ personis in dignitate constitutis: Gratitude quæ benefactoribus. Ratio autem parentis, & personæ

sublimis, & benefactoris, continetur in Deo excellentissime: ergo etiam debitum erga Deum, & parentem, personam sublimem, & benefactorem, est summum. Atqui hoc debitum non distinguitur à debito erga primum principium: ergo virtus quæ respicit hoc debitum non distinguitur à religione, quæ respicit primo omnium rerum principio debitum. Vnde sectè *Caetan. in loc. cit.* ait: Has tres virtutes, pietatem, observantiam, & gratitudinem dupliciter existere. *Primò.* Formaliter in suis proprijs speciebus. *Secundò.* Eminenter in superiori virtute, quæ est religio.

QVÆST. IV. *An Religio differat ab observantia quæ coluntur Sancti?*

1. **M** Artilius in 3. q. 8. a. 1. Putat non differre. Probatur *primò.* Quia eadem virtute charitatis amatur Deus & proximus: ergo etiam eadem virtute Religionis colitur Deus & proximus: est enim par ratio. *Secundò.* Quia cultus Sanctorum est religiosus, non civilis: ergo pertinet ad virtutem religionis. *Tertiò.* Quia hoc ipso quod quis bene dispositus est ad cultum divinum, est etiam bene dispositus ad cultum sanctorum, qui sunt Dei per participationem. Contrarium tenet *D. Thom.* art. 4. ad 3. & *suprà qu. 25. art. 1. ad 2. & infra qu. 103. art. 3. ad 2. & alij passim in 3. d. 19.*

2. Nota Sanctos posse dupliciter coli. *Primò.* Propter excellentiam intrinsecam & participatam. *Secundò.* Propter excellentiam extrinsecam ipsius Dei, ad quam ipsi aliquem respectum habent, quod potest rursus fieri dupliciter: vel enim eo modo coluntur, ut ipsi sint integer terminus cultus: vel eo modo, ut Deus sit terminus, & obiectum principale illius cultus: illi verò secundariò.

3. *Prima Conclusio.* Si Sancti colantur propter excellentiam increatam Dei, ad quam ipsi aliquem respectum habent, sic eadem virtute coluntur, quæ
Deus

Deus colitur. Probatur *primò*, de eo cultu, qui non sistit in Sanctis, sed transit immediatè in Deum, quia dum hoc modo coluntur, non tam ipsi coluntur, quam Deus in ipsis tanquam in suis templis, tabernaculis, imaginibus: tunc Sancti considerantur non ut ipsi sunt cultus capaces, sed sicut res inanitæ spectari solent, per quas Deus nobis repræsentatur. Unde etsi externum signum cultus ad ipsos dirigatur, tamen ibi non sistit, Nam interior submissio fit Deo, cui exterior cultus debet respondere: est enim hic cultus omninò similis cultui crucis & imaginis Christi, quæ non coluntur, nisi per accidens, & cultu materiali, quatenus externum signum cultus ipsis fit, quo tamen colitur Deus. Confirmatur à simili in Charitate. Nam eadem est virtus, qua diligitur Deus propter se, & proximus propter Deum. *Secundò*. Probatur de cultu, qui ipsis Sanctis tanquam integris terminis propter excellentiam diuinam tribuitur; quia tota ratio huius cultus est excellentia diuina, ad quam ipsi certum respectum habent, & coniunctionem: ergo procedit à virtute Religionis, quæ excellentiam diuinam tanquam rationem sui cultus spectat: omnis enim virtus respiciens aliquam rationem formalem obiectiuam, seu motiuum principale, extendit se ad omne id, cui illa ratio formalis aliquo modo communicatur, ut patet inductione.

4. Dices. Sancti non coluntur proximè propter excellentiam increatam Dei, sed propter dignitatem quandam intrinsecam, quam accipiunt ex ordine ad Deum: coluntur enim ut filij, ut amici, ut hæredes, ut templa, ut imagines Dei: ergo ratio formalis obiectiua huius cultus non est excellentia diuina: ergo hic cultus non procedit à Religione. Resp. Negando primam consequentiā; quia etsi ob illam moralem dignitatem colantur, tamen verè coluntur ob excellentiam Dei. Vbi Notà duplicem dignitatem in Sanctis spectari

posse : alteram , quæ consistit in perfectionibus physicis & absolutis, vt in visione Dei, charitate, sanctitate; de hac dicam in seq. conclus. alteram quæ consistit in morali æstimatione & dignitate, de qua hîc agitur. Hæc autem moralis dignitas nihil aliud est , quam quidam respectus, quo sancti referuntur ad Deum, tâquam filij adoptiui ad parentem tanquam amici ad amicum, tanquam imagines ad prototypum : hic autem respectus includit in sua ratione forma excellentiâ diuinam saltem in obliquo, ita vt sine ea concipi nequeat; sicut ratio boni utilis includit bonitatem finis. Vade fit , vt quando sancti coluntur à nobis propter dignitatem moralem in ipsis existentem , simul colantur propter excellentiam diuinam extrinsecus ipsis applicatam, quia illa dignitas moralis non potest concipi sine excellentia diuina, vt dictum est : Sicut ratio boni utilis, quæ est in medijs , non potest concipi sine bonitate finis. Sicut ergo eadem virtus inclinât in finem, & in media propter finem , eo quod bonitas medijs consistat in ordine ad finem; ita eadem religio inclinât ad cultum Dei & cultum Sanctorum, quia dignitas & excellentia Sanctorum consistit in coniunctione & respectu quodam ad Deum. Vnde verè coluntur propter excellentiam diuinam extrinsecus illis applicatam, sicut medium verè amatur propter bonitatem finis ipsi extrinsecam, quamuis ille respectus per quem fit ista applicatio, sit ipsi extrinsecus. Hoc modo plerumque à nobis coluntur Sancti, quia melius apprehendimus hanc moralem excellentiam , quam eorum intrinsecas & materiales perfectiones. Neque solum sancti cum Christo regnantes : sed etiam homines in hac vita. Sic enim colitur Pontifex , dum consideratur vt Vicarius Christi; sic Sacerdos vt ministri Christi ; sic homines sancti vt amici Dei, & tabernacula Spiritus S.

5. Quæres primò. An etiam imagines Christi
&

& aliæ res in animæ hoc modo coli possint? Respond. Negatiuè. *Primò.* Quia non sunt capaces honoris formalis. sicut nec contumeliæ iniuriæque, cum non possint hæc apprehendere. *Secundò.* Nec sunt capaces vilius excellentiæ supra naturam rationalem, ac proinde non potest homo se illis subiicere tanquam superioribus; vt bene ostendit *Gabriel Vasquez l. 2. de adorat. disp. 8. c. 8.* Itaque solum possunt coli per accidens, & actû materiali & externo honoris, qui, vt ad illas terminatur, non est honor formaliter, sed vt terminatur ad exemplar.

6. Quæres *secundò.* An hic cultus Sanctorum qui ipsis tanquam integris terminis tribuitur, distinguatur à priori, qui non sistit in Sanctis, sed immediatè in Deum transit. Resp. Vterque ab eâdem virtute religionis præcedit, & propter eandem rationem formalem tribuitur; nihilominus tamen posterior est longè inferior priori. Nam prior est latria; posterior dulia. Priori immediatè colitur Deus; posteriori Sancti, vt amici & domestici Dei.

7. Quæres *tertiò.* An hic posterior cultus ita tribuatur Sanctis vt nullo modo redundet in Deum. Resp. Physicè terminatur ad ipsos Sanctos, tanquam ad integrum obiectum quod colitur: interpretatiuè tamen & secundum æstimationem moralem redundat in ipsum Deum, ita vt Deus magis censeatur honorari quam Sancti. Nam tota ratio honorandi est Deus, & excellentia diuina. Vnde in hoc cultu continetur quædam virtualis & implicita *πατρία*, sicut in eo cultu, quo quis colit Sacerdotem Iouis propter Iouem, continetur tacita idololatria, & in electione continetur virtualis intentio.

8. Secunda Conclusio. Si Sancti colantur propter intrinsecas & absolutas perfectiones, vt propter visionem Dei, charitatem, & sanctitatem; sic non coluntur

virtute Religionis, sed distincta, quæ à Theologis dulia vocatur. Ita *D. Th. supra & multi alij*. Ratio est, quia Religio spectat excellentiam increatam, & propter eam cultum defert, ut docet *D. Th. l. c.* ergo cultus ille qui ob excellentiam creatam defertur, non est Religionis, sed alterius virtutis. Sequela patet, quia ubi est diuersum genus excellentiæ per se honorabile, ibi est diuersum genus cultus: ergo diuersæ virtutes inclinantes ad illos cultus. Atqui excellentia Sanctorum toto genere distinguitur ab excellentia diuina & est per se honorabilis: ergo constituit obiectum diuersæ virtutis. Hæc autem virtus vocatur dulia, quod nomen etsi generatim seruitutem significet, sicut & latria; tamen ex communi usu accommodatum est partim ad significandum omnem cultum Sanctorum qui ipsis propriè impenditur, siue procedat à virtute Religionis, siue ab alia: partim ad significandam peculiarem illam virtutem, quæ Sancti propter intrinsecas perfectiones coluntur. Nomen vero latriæ accommodatum est ad significandum cultum diuinum & virtutem Religionis, ut docet *D. Aug. l. 10. ciuit. c. 1. & Isidorus l. 8. Etym. c. ult.*

9. Ad primum argumentum. Resp. Eadem virtute charitatis amari Deum & proximū quando Deus amatur propter se, & proximus propter Deum: non autem quando proximus amatur propter bonitatem intrinsecam. Ad secundum. Cultus Sanctorum potest dici religio ob 3. causas. *Primo*. Quia nō est civilis & politicus, qualis defertur principibus & magistratibus; sed est supernaturalis ortum habens ex vera fide in Deum, quæ religio vocari solet. *Secundo*. Quia virtus, qua coluntur Sancti, vel est ipsa religio, ut quando immediatè coluntur propter excellentiam diuinam; vel à virtute Religionis oritur, ut quando coluntur propter perfectiones absolutas intrinsecas: sicut enim excellentia Sanctorum oritur ab excellentia diuina, & est illius quedā
partī

participatio; ita etiam virtus illa, qua coluntur Sancti, oritur ex virtute Religionis, & eam semper comitatur. *Tertiò.* Quia cultus Sanctorum semper in honoré Dei implicite resultat. Valde enim Deo honorificum est, quod ministri ipsius, in quibus solum radius quidam ipsius excellentiæ est, tantopere honorentur. Ad *tertium.* Religio disponit hominem proximè ad cultum Sanctorum qui ob intrinsecam illorum excellentiam intenditur, sed remotè solum & propter quandam subordinationem obiectorum, sicut virtus superior disponit ad actum inferioris sibi subordinatæ, v.g. charitas Dei ad amicitiam cum proximo.

QVÆST. 5. An Deo debeantur cultus diuersæ speciei ratione diuersorum beneficiorum?

1. **S**ensus est. An alius illi debeat cultus ratione beneficij creationis: alius ratione redemptionis: alius ratione beneficiorum temporalium, alius ratione spiritualium?

2. Conclusio est negatiua. Probat, quia ratio finalis ob quam Deus est colendus cultu latriæ, non est beneficium, sed est excellentia ipsius increata & infinita; beneficia autem solum sunt id, per quod illa excellentia nobis applicatur, vt apprehendi possit, tanquã ad nos pertinens, & à nobis adoranda. Nam sine beneficiis & dependentia ab ipso non essemus obligati ad eam adorandam. Vnde si per impossibile esset aliquod numen à quo nobis nihil boni prouenisset, vt volebat Simon Magus, non essemus obligati illud honorare cultu latriæ. Ratio est quia per cultum latriæ significamus nostram subiectionem & dependentiam à primo principio: ergo si illud numen non est principium nostrum, non debemus ei latriam, sicut nec tributum debetur alieno Principi. Hinc *Diu Thom. artic. 3.* dicit, religionem exhibere reuerentiam Deo vt primo principio creationis & gubernationis: ergo si aliquis

à Deo non dependeret, non deberet ei hanc reuerentiam.

3. Dices. Sancti sapè in colendo Deo non spectant beneficia accepta, sed solùm Dei maiestatem : ergo signum est nos obligari ad Dei cultum etiam præscindendo à beneficiis. Resp. Non sequitur, quia etsi ad Dei cultum non moueantur beneficiorum consideratione; tamen non essent obligati Deum colere, nisi ab eo dependerent. Deinde in ratione diuinæ maiestatis quodammodo essentialis dependentia nostri. Esse comprehenditur, tanquam in ratione primi principij & entis per essentiam, ac proinde etsi sola maiestas in cultu spectetur, non tamen excluditur, sed potius includitur hæc dependentia, tanquam causa, sine qua talis cultus non deberetur.

QVÆST. VI. *An Deo debeantur cultus diuersæ speciei ratione diuersarum perfectionum seu attributorum?*

1. **C**onclusio est negatiua. Ita *Halenf.* 3. p. qu. 30. Memb. 1. a. 3. *Gabr. in Can. lect. 49.* & colligitur ex *D. Th. a. 3. ad 1. & infra q. 84. a. 1. ad 2.* Probat, quia ratio formalis, cur Deus sit adorandus cultu latriæ est, esse primum principium omnium rerum. Atqui primum principium directè includit omnes perfectiones omnium attributorum. Nam id, quod est fons omnis esse & perfectionis, debet in se omnem essendi rationem continere, ergo pro diuersitate perfectionum non debetur diuersæ latriæ adoratio, cum ratio cur debeat coli latria, sit vnica & simplex.

2. Dices. Glossa in Psalm. 71. sic habet : *Domine omnium per potentiam, cui debetur dulia : Deus omnium per creationem, cui debetur latria.* Quæ verba desumpta sunt ex *Aug. q. 94. in Exod.* vbi sic ait : *Dulia debetur Deo, tanquam Domino : latria verò non est nisi Deo tanquam Deo.* Hinc sequitur diuersum cultum deberi ratione diuersorū attributorum. Cõfirmatur, quia per sacrificium testamur, illum

illum habere mortis ac vitæ potestatem : adoratione, esse Dominum omnium : oratione, esse liberalem & omnipotentem : iuramento assertorio, esse veracem : promissorio, fidelem : laude, omnia attributa celebramus. Respondeo *primò*. Non omnia attributa æquè expressè singulis colendi modis honorantur, sed quædam alijs significantiùs. Hinc fit, vt sit quædam materialis differentia inter hos colendi modos. Vnde aliqui eorum non conueniunt, nisi soli Deo, vt sacrificia, templa, altaria : quædam etiam alijs accommodari possunt, vt adorationes, genuflexiones ; omnes tamen hi modi, quatenus sunt cultus patriæ, exhibentur Deo, vt omnibus perfectionibus plenissimus est. Nam exhibentur illi quatenus est primum principium nostri & omnium rerum.

Respondeo *Secundò*. Quando Glossa & Aug. dicunt Deo deberi dulciam quatenus Dominus est, & patriam, quatenus Deus est, non accipi dulciam strictè, pro actu obseruantia qui Sanctis debetur ; sed generatim pro cultu debito alicui, tanquam Domino, qualecumque sit illud dominium. Vnde sicut dominium conuenit creaturis & Deo analogicè : ita etiam dulcia. Patria autem accipitur pro cultu, qui conuenit Deo quatenus Deus est, seu quatenus est primum principium omnium rerum. Vnde non potest communicari creaturis *Vide Vsq. l. 1. de adorat. disp. 2.*

QVÆSTIO LXXXII.

De Deuotione.

1. **P**rima Conclusio. Nomen deuotionis sumitur dupliciter. *Primò*. Vt significat specialem actum religionis : & sic deuotio nihil aliud est, quam interna quædam sui ad cultum diuinum oblatio & traditio : Sicut enim, qui alicuius Principis obsequio totum se tradit & deuouet, deuotus dicitur illi Principi ; ita qui ex affectu cultus & honoris diuini se

se tantum mancipat Deo, facit actum peculiarem religionis, qui dicitur absolute deuotio, & à quo dicitur quis deuotus Deo. Potest autem id fieri vel cum voto, vel sine voto. Si cum voto vel iuramento fiat, nascitur obligatio, & est deuotio magis perfecta: si autem fiat sine tali vinculo, non inducit obligationem, quia fit solo proposito & propositi explicatione, sicut quando homo volens explicare affectum suum, & animi propositum, dicit Principi: Trado me totum tuo obsequio. Vnde *D. Tho. 4. 1.* dicit: *deuotionem esse actum voluntatis hominis offerentis seipsum Deo ad ei seruendum.* Secundo. Accipitur non pro actu peculiari, sed pro conditione actus interni; & sic deuotio nihil est aliud, quam promptitudo quædam & feruor affectus ad cultum diuinum. v. g. ad orationem, sacrificium, laudem Dei, soluenda vota. Vel affectus ad hæc promptus & feruens, quicumque enim feruenter & promptè hoc effectuant & faciunt, dicuntur esse deuoti, quia scilicet ostendunt se esse addictos & mancipatos diuino cultui.

2. Quæres. Quid sit hæc promptitudo & feruor? Respond. Promptitudo consistit in affectu absoluto & determinato, vincente omnem timorem, fugam, & tergiversationem voluntatis, ita vt nihil amplius illam retardet ab executione, quando occasio se offert. Feruor autem nihil aliud est, quam intentio & vehementia affectus. Hinc patet, quare vtrumque necessarium sit. Nam promptitudo requiritur, vt superentur omnes difficultates, quæ occurrunt circa cultum diuinum: feruor requiritur, ne simus tepidi & languidi in cultu diuino.

3. Secunda Conclusio. Vtrique deuotio, si ex parte nostra spectetur, oritur ex duplici contemplatione. *Primò.* Ex consideratione diuinæ excellentiæ, & beneficiorum, quæ ab illa tanquam ex perenni fonte in nos assidue promanant. Hinc enim videmus Deum omni cultu & obsequio esse dignissimum; & ipsius beneficia

ficia à nobis hæc assidue flagitare. *Secundò.* Ex consideratione inopiæ & miseriæ quam ex nobis habemus: ex hac enim cognoscimus maxime nobis expedire, ut illi seruiamus à quo solo iuari, & beati possumus.

QVÆSTIO LXXXIII.

De oratione.

QVÆST. I. *Quid sit oratio?*

1. **P**rima Conclusio. Damasc. l. 3. de fide Orthod. cap. 24. sic definit: *Oratio est ascensio mentis in Deum, siue decentium à Deo petitio.* Augult. term. 230. de tempore sic: *Quid est oratio, nisi ascensio animæ de terrestribus ad cælestia, inquisitio supernorum, inuisibilium desiderium?* Chrysost. hom. 30. in Genes. *Oratio est colloquium cum Deo.* Basil. orat. in Iulit. Mart. *Oratio est boni cuiuspiam petitio quæ ad Deum à pijs effunditur.* Alij sic, *Oratio, est desiderij nostri coram Deo explicatio, ad aliquid ab ipso impetrandum.*

2. Secunda Conclusio. In oratione spectari possunt duo actus. *Alter* est Desiderium nostrum, quo aliquod bonum desideramus nobis aut aliis conferri, vel aliquod malum auerti. *Alter* est huius desiderij practica quædam explicatio, qua conamur Deum inducere & promouere, ut id præstet, quod desideramus, quæ nihil aliud est, quam petitio quædam. Hic posterior propriè pertinet ad essentiam orationis. Nam oratio propriè est petitio, seu practica explicatio nostri desiderij, qua conamur Deum inducere ad benefaciendum. Hinc patet *primò*, Orationem esse actum rationis practicæ: est enim locutio quædam quâ desiderium nostrum explicamus. Hæc autem locutio non fit, ut Deus nostrum desiderium intelligat, sed ut permoueat Deum ad præstandum id, quod desideratur. *Secundò.* Patet eos essentialiter definire orationem, qui dicunt esse petitionem, seu colloquium cum Deo: alios verò causaliter qui dicunt desiderium esse inuisibilem, quia scilicet

oritur

oritur ex desiderio. Alios denique concomitanter, qui dicunt esse eleuationem seu ascensionem mentis in Deum, quia scilicet cum tali eleuatione coniuncta est. Non enim possumus mente colloqui cum DEO nisi mentem ad eum eleuamus & eum quasi præsentem intueamur.

3. Tertia Conclusio. Oratio est actus Religionis. Ita *D. Th. art. 4.* Ratio est quia hoc ipso, quod Deum oramus; profiteamur nos ipso indigere tanquam primo principio & auctore nostrorum bonorum, in quo maximè exhibemus illi cultum & honorem, quod est officium Religionis.

4. Dices *primò.* Oratio est actus rationis practicæ, ut dictum est; Religio autem est in voluntate: ergo non potest esse actus religionis. Resp. Non est actus à religione elicitus, sed imperatus.

5. Dices *secundò.* Oratio est actus spei: ergo non religionis. Resp. Potest esse vtriusque, sed non eodem modo. Nam imperatur à religione ad Deum honorandum: imperatur autem à spe ad aliquid impetrandum.

QVÆST. II. *An oratio sit necessaria ad salutem?*

1. **S**unt duo extremi errores. *Alter* Massilianorum (qui Eucharistia dicti sunt) asserentiam, solam orationem sufficere ad salutem etiam sine baptismo & Eucharistia, ut refert *Theodoretus l. 4. hist. c. 10. & Damasc. hæresi 80.* *Alter* Pelagianorum, Orationem non esse necessariam, quia possumus per vires naturales saluari, si volumus. Vnde sequitur nec gratiam esse necessariam, nec orationem, qua gratiam aut salutem à Deo postulamus. Vide *Aug. har. 88.* Idem dicere coguntur Calvinistæ ex duplici fundamento. *Primò,* Quia docent solam fidem sufficere ad Salutem. *Secundò,* Quia volunt omnia fato quodam seu necessitate euenire. Vnde sequitur orationem esse superuacaneam. Est rectius error aliorum, qui quidem fatentur orationem esse necessariam,

necessariam, sed in eo errant, quod putent esse necessariam ad flectendam & mutandam providentiam diuinam, id est, ut Deus non faciat id, quod ab æterno decreuit facere.

2. Prima Conclusio. Oratio est adultis necessaria ad salutem (nisi fortè viæ breuitas obstat) nec tamen sufficit. Hæc secunda pars patet, quia requiritur etiam baptismus & mandatorum observatio. Prima pars probatur ex Scripturis Luc. 18. v. *Oportet semper orare, & non deficere.* 1. Thess. 5. 17. *Sine intermissione orate.* Coloss. 4.

2. *Orationi instate.* Ratio est, quia necessarium est ad salutem, ut vitemus omnia peccata mortalia, & seruemus præcepta Dei. Hoc autem non potest fieri sine quotidiano auxilio gratiæ actualis. Atqui Oratio est medium quoddam, sine quo non statuit Deus nobis conferre huiusmodi auxilium. Vnde est illud Matth. 7. v. 7. *Petite & dabitur vobis*, q. d. si non petitis, non dabitur.

3. Dices primò. Homo iustus potest de condigno mereri auxilia gratiæ actualis quæ ipsi necessaria sunt, ut suppono ex materia de merito: ergo non opus est per orationem impetrare. Respond. Homo iustus meretur illa auxilia per opera bona & observationem mandatorum Dei: inter cætera autem opera est etiam oratio, quæ sub præceptum cadit, & ideo omitti non potest. Nota tamen hoc interesse inter orationem, & alia bona opera, quod per hæc possimus aliquid mereri à Deo, per illam verò, & mereri, & impetrare.

4. Dices secundò. Deus est immutabilis: ergo nostris orationibus flecti & permoueri non potest: ergo frustra oramus. Confirmatur, quia ab æterno omnia sunt decreta & immutabiliter constituta, quæcunque euentura sunt: ergo oratio quæ fit in tempore, nihil potest eorum mutare: ergo siue oremus, siue non, æquè omnia euentura sunt. Resp. Deus non potest ita permoueri

moueri nostris orationibus, vt tunc incipiat aliquid velle, quod ante non volebat, quia hoc repugnat eius immutabilitati, sed dicitur permoueri, quia præuisis ab æterno nostris orationibus, multa statuit & voluit facere, quæ alioqui non voluisset, adeò vt oratio præuisa sit suo modo causa, cur Deus ab æterno sic voluerit, non secus, ac si nunc velle inciperet. Ad confirmationem. Omnia sunt decreta ab æterno; siue vt fiant: siue vt permittantur fieri, non tamen omnia ante præuisionem nostratum orationum. Vide plura in 1.p.9.14.19.23.

5. Secunda Conclusio. Præceptum orationis iure naturæ ad diuina solum obligat tempore necessitatis, vt omnia alia præcepta affirmatiua. *Primò*, quando quis sentit grauem & periculosam tentationem, cui alia ratione non putat se posse resistere. *Secundò*, quando est in euidenti periculo mortis; præsertim si sit in statu peccati: tunc enim maximè, si vnquam alias, petenda est remissio peccatorum, *Tertiò*, quando peccator se ad gratiam disponere tenetur; vt quando debet suscipere vel administrare sacramentum. Vide *Medin. & Sylu. apud Valent. p.3. de orat.* Hinc sequitur *Primò*, non diu omitti posse orationem sine peccato mortali. Ratio est, quia non possumus diu viuere sine tentationibus, ad quas repellendas opus est oratione. *Secundò*, eū qui tempore tentationis cogitat de oratione & inuincibiliter obliuiscitur, licet peccet succumbendo tentationi, non tamen peccare omittendo orationem, quia omissio tunc non est voluntaria.

Quæst. 3. An oratio sit utilis & efficax.

1. **P**rima Conclusio. Oratio præter consolationem spiritualem, quam menti affert, habet vim merendi, satisfaciendi, & impetrandi, vt passim alij docent. Ratio est, quia tria spectari possunt in oratione, *Primum*, quod procedat ab homine existente in statu gratiæ & sic est meritoria, sicut omnia alia bona opera,

Secundum

Secundum, quod sit pœnalis & molesta, & sic est satisfactoria, sicut alia opera pœnalia. *Tertium*, quod essentialiter sit quædam petitio, & sic est impetratoria.

2. *Secunda Conclusio*. Hæc duplex vis non semper est in oratione: potest enim vna separari ab alia. Nam *primò* fieri potest, vt sit meritoria, & non impetratoria, vt si vir iustus petat aliquid à Deo, quod tamen ipsi non expediat ad salutem, quo pacto Apostolus 2. Cor. 13. v. 8. *petiuit sibi auferri stimulum carnis, & non impetrauit*. *Secundò*, fieri potest vt sit impetratoria, non tamen meritoria, vt si homo peccator petat remissionem peccatorum, aut si beatus in cœlo petat aliquid pro nobis viatoribus. Fieri tamen non potest, vt sit meritoria, & non satisfactoria. Nam si meritoria est, procedit ex gratia habituali: ergo cum simul sit pœnalis, nihil deest illi, quo minus sit satisfactoria. An autem contra possit esse satisfactoria, & non meritoria, disputari solet, in 3. p. de pœnitentia. Scotus affirmat, D. Thom. negat.

3. *Tertia Conclusio*. Vis impetrandi soli orationi, conuenit: non autem aliis operibus. Vt autem oratio certò & infallibiliter impetret, requiruntur 4. conditiones, vt docet D. Thom. art. 15. ad 2. *Prima*, vt petas aliquid pro te ipso. *Secunda*, vt petas necessaria ad salutem. *Tertia*, vt petas pia, id est, ex fide, spe, & affectu charitatis. *Quarta*, vt petas perseueranter. Vide Valent. p. 4.

QVÆST. IV. *Quanam in ratione sint petenda?*

1. **P**rima Conclusio. Summa petendorum breuiter comprehensa est oratione dominica. Nam vt rectè D. August. epist. 121. ad Probam ait: *si per omnia cunctarum orationum verba discurras quantum existimo nihil inuenies, quod non ista contineat & concludat oratio*. Vide Valent. p. 5. vbi prolixè explicat hanc orationem.

2. Secunda Conclusio. Est aliquod discrimen inter ea, quæ à Deo peti possunt, vt docet *D. Tho art. 5. & 6.* Nam quædam absolutè petenda sunt, vt vita æterna, & omnia media ad illam necessaria: quædam solùm sub conditione tacita vel expressa, vt diuitiæ, honores, longa vita, opulenta matrimonia: hæc enim, quia sæpissimè nobis obsunt, non debent peti absolutè, sed cum hac conditione, si nobis sint futura salutaria, quod soli Deo perspectum est: Vnde in istis optima orandi forma est, rogare Deum, vt nobiscum agat, sicut nouit expedire ad suam gloriam & salutem nostram.

3. Quæres. An sit peccatum ea secundum se desiderare, & petere à Deo. Respondeo, peccatum est si quis ita desideret vt non curet, an sint ipsi futura salutaria, necne. Tunc enim illa plus amat, quam salutem. Si tamen speret non obfutura saluti, non peccare videtur desiderando illa secundum se, modo ea mensura desideret, quæ sit secundum rectam rationem: sunt enim bona indifferentia.

Q V Æ S T. V. *Quisnam possit aut debeat orare?*

1. **D**icam primò de personis diuinis. Secundò de Christo homine. Tertiò, de sanctis in cælo. Quartò de damnatis in inferno. Quintò de existentibus in purgatorio. Sextò de nobis in hac vita existentibus.

2. Prima Conclusio. Oratio non conuenit diuinis personis. Probatur, quia oratio est petitio quædam ad superiorem directæ ad aliquid impetrandum. At diuinæ personæ non habent superiorem à quo aliquid impetrent, & singulæ sua authoritate & potestate omnia possunt.

3. Secunda Conclusio. Christus homo in hac vita sæpè orauit. An autem nunc in cælo id faciat, dubium est. Aliqui negant. Primò, quia totum negotium nostræ salutis (pro quo solo potest orare) exactissimè composuit cum patre in hac vita. Secundò, quia aliàs li-

ceret

ceret illum rogare, vt pro nobis oret. Alij affirmant *primò* quia non dedecet Christum pro nobis orare, cum in via sapissimè id fecerit & statui beatitudinis non repugnet, vt patet in alijs beatis, *Secundò* quia scriptura fauet. Rom. 8. v. 34. *Qui est ad dexteram Dei, & interpellat pro nobis.* Hebr. 7. v. 25. *Semper viuens ad interpellandum pro nobis,* 1. Ioan. 2. v. 1. *Sed etsi quis peccauerit, aduocatum habemus apud patrem.* Hæc quæstio ex professo tractanda est in 3. p. q. 21.

4. Tertia Conclusio. Sancti in cælo existentes possunt orare. *Primò* petendo sibi resurrectionem corporum. *Secundò* petendo nobis salutem, & media ad salutem pertinentia. *Tertiò* pro animabus in purgatorio existentibus: An autem liceat orare seu inuocare sanctos vt pro nobis orent, dicam in *seq. quæst.*

5. Quarta Conclusio. Dammati in inferno existentes propriè non orant. *Primò*, quia carent pio affectu, ex quo oratio debet procedere vt sit actus virtutis. *Secundò*, quia nihil illis boni à Deo expectandum est; potest tamen interdum ali qualis petitio in illis reperiri, vt cum Sathan petiuit tentare Iob, & cum diues Epulo petiit mitti Lazarum.

6 Quinta Conclusio. Animæ existentes in purgatorio propriè orant se ipsis, vt à pœna liberentur. Ratio est, quia quicumque in graui afflictione constitutus est, & scit aliqua esse remedia quibus iuuari possit, procul dubio orat, vt ea adhibeantur. Defuncti autem sciunt extare huiusmodi remedia, vt sacrificia, preces, ieiunia, eleemosynas, indulgentias: ergo orant hæc sibi applicari, & vt Deus fideles ad hæc excitet. An autem orent pro viuis, non satis constat. Probabilius est id eos facere, quia charitas ad hoc impellit, nos tamen eos non inuocamus, quia ordinariè non possunt cognoscere nostras preces, & sunt in eo statu, vt magis egeant auxilio nostro, quam vt possint nobis auxilium

adferre, vt notat D. Thom. art. 11. ad 3.

7. Sexta Conclusio. Homines adulti in hac vita existentes possunt & debent orare. Nam vt suprâ dixi. Oratio est in præcepto, ac proinde ad salutem necessaria, Et quidem oratio iustorum habet vim merendi, satisfaciendi, & interpretandi. Quæstio est de oratione peccatorum. *Primò* constat non esse meritoriam saltem de condigno, quia hoc meritum supponit statum gratiæ, *Secundò* constat, aliquando esse impetratoriam; præfertim, quando seruantur quatuor illæ conditiones assignatæ. Hoc modo petiuit, & impetrâuit Dauid, Zachæus, Latro, Magdalena, Publicanus, & multi alij. Obiici potest illud Ioan. 9. v. 31. *Scimus, quia peccatores. Deus non exaudit.* D. Aug. tract. 44. in Ioan. Resp. Hoc esse dictum cæci inuncti & nondum perfectè illuminati in fide. Respondeo, *Secundò* duplices esse peccatores. Alij bono affectu & voluntate orant, & hi exaudiunt. Alij malè orant, de quibus est illud Prou. 28. v. 9. *Qui declinat aures suas ne audiant legem, oratio eius erit execrabilis.*

8. Quæres. An peccatores qui malè orant, nunquam exaudiantur. Respondeo. Nunquam exaudiuntur ex misericordia, sed aliquando ex ira, & in vindictam, iuxta illud Agust. tract. 73. in Ioan. *Si hoc ab illo petitur, vnde homo ledatur exauditus, magis metuendum est, ne quod posset non dare propitius, dei vel iratus.* An non videmus Israelitas malo suo impetrasse, quod culpabili ignorantia petierunt?

QVÆST. VI. *Quinam sint orandi, an etiam sancti?*

1. **C**ONSTAT Deum posse & debere à nobis orari. De sanctis cum Deo existentibus quæstio est. Lutherani & Caluinistæ negant. *Primò*, quia est inutile, non enim intelligunt nostras preces. *Secundò*, quia est impium. Nam obscuratur officium mediatoris. *Tertio*, quia est signum diffidentiae: videmur enim diffidere de benignitate Dei, & meritis Christi, quando ad Sanctos

Sanctos confugimus. *Quarto*, quia is solum potest inuocari, in quem credimus. Rom. 10. v. 14. *Quemodo inuocabunt, in quem non crediderunt* : At nos solum credimus in Deum & in Christum : non autem in Sanctos.

2. Prima Conclusio. Solum Deus inuocandus est tanquam primarius auctor salutis, quia ipse solus sua auctoritate & potestate remittit peccata, infundit virtutes, dat vitam aeternam. Vnde si quis Sanctos hoc modo inuocaret, committeret idololatriam.

3. Secunda Conclusio. Solum Christus inuocandus est tanquam immediatus intercessor noster apud Deum, & principalis mediator; quia ipse per sua merita immediatè nos Deo reconciliauit, & pro nobis satisfecit. In his duabus conclusionibus non est difficultas.

4. Tertia Conclusio. Possumus inuocare Deum tanquam primum autorem nostræ salutis per merita & intercessionem Christi; neque hinc dissentimus. Patet ex illo Ioan. 14. v. 13. *Quodcumque petieritis patrem in nomine meo hoc faciam, ut glorificetur pater in filio.*

5. Quarta Conclusio. Possumus etiam inuocare Sanctos in hac vita degentes, ut ipsi nos iuuent orare Deum per merita Christi. Hic etiam convenimus. Patet ex illo Coloss. 4. v. 2. *Orationi instate orantes simul & pro nobis*, & 1. Thessalon. 5. v. 15. *Fratres orate pro nobis*, & 2. Thessalon. 3. v. 1. *De cetero fratres orate pro nobis ut sermo Dei currat*, & Iac. 5. v. 16. *Orate pro inuicem ut saluemini: multum enim valet deprecatio iusti assidua.*

6. Quinta Conclusio. Eodem modo possumus inuocare sanctos cum Christo in Cælo regnantes. Hic dissentiant à nobis hæretici, sed sine causa. Nam si licitum est inuocare Sanctos hic viuentes ut pro nobis orent, cur non etiam Sanctos in Cælo viuentes Deo, cum sit par ratio. Immo potius hi, quam illi

inuocandi essent, quia plus possunt prodesse, & maiori charitate cupiunt prodesse.

7. Dices *primò*. Est dispar ratio, quia in cælo non possunt audire nostras preces, sicut in hac vita. Resp. Melius in Cælo quam in terra audiunt. Nam hic externam tantum vocem percipiunt; illic internum etiam affectum intuentur. Hoc patet *Luc. 13. v. 7.* vbi Angeli in Cælo existentes dicuntur gaudere de interna conuersione cuiusque peccatoris. At non gauderent, si non cognoscerent.

8. Quæres. Quomodo cognoscuntur? Respondeo Vel in Verbo, ut vult *D. Thom. art. 4. ad 2.* vel per nouas & quotidianas reuelationes, ut Cyrillus *Catech. 16. Aug. de cura pro mortuis c. 15.* vel denique per locutionem & auditionem spiritualem quæ locorum interuallo non impeditur, quo pacto vnus Angelus potest alteri absenti loqui, de qua re *1. p. 9. 107.*

9. Dices *secundò*. Christus est vnicus mediator noster, per quem habemus accessum ad patrem: ergo non recurrendum est ad Sanctos. Immo id videtur Christo iniurium, quasi ipsius reconciliatio non sufficiat, & egeat auxilio Sanctorum. Respondeo *Primò*. Hoc argumentum æquè procedit de Sanctis huius vite & alterius: vel ergo de neutris conuincit, vel de vtrisque; Eligant aduersarij. Respondeo *Secundò*. Christus dicitur vnicus mediator noster, quia est principalis; idque propter quatuor causas. *Primò*, quia non tantum officio, sed etiam natura est mediator, seu medius inter Deum & hominem, cum sit particeps vtriusque naturæ. *Secundò*, quia nos Deo reconciliauit, non deprecando, sed condignum pretium exhibendo. *Tertiò*, quia hoc facit ex propriis: habebat enim vim illā ex intrinseco, id est, natura sui suppositi. *Quartò*, quia est mediator omnium quantum est ex parte ipsius; pro omnibus enim satisfacit. Sancti autem sunt tantum secundarij media-

tores

totes, quia nec propriis conciliant nos Deo, neque per modum solutionis, sed deprecationis: neque respectu omnium, sed paucorum. Rectè tamen dicuntur mediatores, quia verè intercedunt pro nobis, deprecando, & Dei dona nobis impetrando, sicut Moyses *Deut. 5. v. 5.* dicitur sequester & medius inter Deum & populum, quia scilicet pro populo apud Deum locutus est, & pactum Dei ad populum detulit. Neque hæc intercessio vlllo modo obscurat officium mediatoris Christi. *Primò*, quia viui pro viuis aliàs non possent intercedere. *Secundò*, quia sancti adhibentur vt comprecatores: nimirum vt suas orationes nostris adiungant, quod non potest cedere in iniuriam Christi. *Tertiò*, quia omnem vim intercedendi, & impetrandi, quam habent, acceperunt ex meritis Christi. Vnde Christus potius honoratur, quia tota sanctorum intercessio nititur ipsius meritis, tanquam primo fundamento.

10. Dices *tertiò*. Qui confugit ad sanctos, videtur diffidere de Dei benignitate & meritis Christi. Respond. Non ita est. Nam quando confugimus ad sanctos hic viuentes, non diffidimus, vt fatentur aduersarij: ergo neque confugientes ad sanctos in cælo. Ratio est, quia etsi sciamus Deum per se esse propensissimum ad benefaciendum, Christi merita esse sufficientissima: tamen iudicamus nos indignos qui solum coram tanta Maiestate appareamus, & non satis dispositos ad beneficia illius excipienda. Vnde confugimus ad sanctos, vt nos veluti comitentur, & nostris precibus suas adiungant, quia in re. *Primò*, honoramus Sanctos. *Secundò*, reueremur Dei Maiestatem. *Tertiò*, illa submissione disponimus nos ad facilius impetrandum.

11. Dices *quartò*. Non licet inuocare nisi in quem credimus. At non credimus in Sanctos. Respond. eo modo quo inuocamus, etiam credimus. Nam Deum inuocamus tanquam primum authorem salutis, quia

credimus illum talem esse : Christum inuocamus tanquam immediatum & principale intercessorem, quia secundum fidem talis est: Sanctos inuocamus tanquam amicos Dei ut nos iuvent, quia credimus illos posse iuare.

Q V Æ S T. VII. Pro quibus sit orandum?

1. **C**onstat orandum esse pro omnibus generatim qui adhuc viuunt, iuxta illud 1. Timoth. 2. v. 1. *Obsecro fieri orationes pro omnibus hominibus.* Ratio est, quia generatim tenemur omnes amare. At quæstio est. *Primò.* An sit etiam orandum pro reprobis. *Secundò.* An pro inimicis. *Tertiò.* An pro defunctis.

2. Prima Conclusio. Pro omnibus viventibus tam prædestinatis quam reprobis generatim loquendo orandum est, ut Deus det illis sufficientia auxilia ad salutem consequendam; non tamen orandum est, ut omnes reipsa salui fiant, & nemo damnetur. Prima pars patet, quia orandum est, ut Dei voluntas fiat: sed Dei voluntas est, ut omnes habeant sufficientia media ad salutem, quantum est ex parte Dei, iuxta illud 2. Tim. 2. v. 4. *Deus vult omnes homines saluos fieri, & 2. Petr. 3. v. 9. Non vult aliquos perire, sed omnes ad pœnitentiam reuerti, & 2. Cor. 5. v. 15. Pro omnibus mortuus est Christus.* Sensus horum & similium est, Deum ex sua parte præstare omnibus sufficientia media, quibus possent saluari, si vellent: idque eo animo & affectu, ut cupiat omnes saluos fieri, si ipsi quoque velint, & non impediunt. Huic diuinæ voluntati debemus nos conformare, optando, & petendo ut ita fiat. Secunda pars probatur, quia stultum esset orare, ut omnes reipsa saluentur, cum ex scripturis constet contrarium euenturum. Confirmatur, quia nemo potest orare, quod non potest sperare. At non potest sperare omnes fore saluos, quia Catholica fide credit non omnes fore saluos.

3. *Quæres.* An, quando generatim oramus pro omnibus

omnibus, liceat aliquando in particulari aliquem excludere, hoc modo : Dimitte nobis debita nostra, præterquam Ioanni & Petro? Ratio dubij est, quia potest aliquando ex certis cōiecturis constare hunc vel illum in particulari esse reprobum : ergo tunc saltem licebit excludere. Resp. *primò*, si id constaret per reuelationem diuinam, non liceret orare, vt reipsa saluaretur : orandum tamen esset, vt habeat sufficiētia media, quibus saluari posset. Hoc patet ex dictis. Resp. *secundò*, si solum constaret per coniecturas, neutro modo esset excludendus, vt colligitur ex *D. Thom. a. 7. ad 3. & August. lib. de corrept. & gratia cap. 15.* Ratio est, quia coniecturæ sæpè fallunt. Nam qui aliquando videntur perditissimi & desperatissimi, subitò à Deo mutantur, & fiunt boni. Hoc tamen intellige de coniecturis in progressu vitæ. Nam in momento mortis possent aliquando esse tam firma argumenta desperationis & impænitétiæ, vt moraliter iudicaretur esse impossibile, vt talis saluari posset, ac proindè si quis non oraret pro eo, non videretur ideo culpandus. Hoc sensu multi exponunt illud 1. Ioa. 5. v. 7. *Est peccatum ad mortem, non pro illo dico vt roget quis.*

4. Dices. Sancti viri aliquando excluderunt quosdam ab oratione : imò aliquando orarunt, vt non saluarentur, vt Psal. 68. v. 19. *Deleantur de libro viventium, & cum iustia non scribantur.* Respondeo. Hæ & similes loquendi formulæ possunt duobus modis intelligi. *Primò*, propheticè, vt sint quasi prædictiones futurorum, non imprecationes. *Secundò*, vt in illis significetur conformatio nostræ voluntatis cum decreto iustitiæ diuinæ circa damnationem impiorum. Vide *D. Thom. a. 8. ad 1. 5.* Secunda Conclusio. Non solum pro amicis, sed etiam pro inimicis orandum est. Ita *D. Thom. art. 8.* & patet ex illo Matth. 5. vers. 44. *Orate pro persequentibus & calumniantibus vos.* Ratio est, quia tenemur diligere

inimicos vt ex Scripturis patet : ergo etiam orare pro illis. Nam diligere nihil aliud est, quam velle illis bonum: & præsertim bonum salutis. Hoc autem non possumus illis efficaciter dare : ergo ab eo petendum est, qui potest dare.

6. *Quæres.* Quomodo & quando teneamur orare pro inimicis ? Respond. cum D. Th. tunc nos teneri, quando teneamur illos diligere: hoc autem fit dupliciter. Nam *primò*, tenemur pro illis orare in communi, non reiciendo illos ab orationibus, quæ pro omnibus in communi funduntur. *Secundò*, in particulari non tenemur pro illis orare, nisi in extrema, vel graui necessitate eorum spirituali, quando præter orationem non offert se aliud remedium.

7. *Tertia Conclusio.* Orandum etiam est pro iis defunctis, qui sunt in purgatorio; non autem pro iis qui sunt in cælo, vel in inferno. Ratio est, quia illi iuari possunt nostris orationibus : hi non possunt. *De hac re plura in 3. p. de purgat.*

QVÆST. VIII. Quomodo sit orandum.

1. *PRIMA Conclusio.* Vt oratio sit legitima, requiruntur duæ potissimum conditiones, nempe pietas, & attentio. Pietas in eo consistit, vt petatur aliquid ad salutem pertinens bona intentione sine vlla mala circumstantia. Attentio, vt quis in principio orationis habeat propositum attendendi, vel ad Deum quem orat, vel ad rem quam petit; vel ad verba & sensum orationis, quam recitat, vel ad omnia simul; neque illud propositum muret in progressu orationis, aut voluntariè mentem aliò conuertat, quò intentio impediat. Non obstat etiam inter orandum aliquid agere quod non impedit attentionem, vt si quis orando se vestiatur, aut ambulet, aut simile quid faciat. *Vide Valent. p. 9.*

2. *Secunda Conclusio.* Sunt aliæ circumstantiæ quæ

quæ indifferentè se habent ad orationem priuatam. *Primò*, vt fiat voce vel mente tantum. *Secundò*, vt fiat longo vel breui tempore. *Tertiò*, vt his vel illis verbis. *Quarò*, vt hoc vel illo loco. *Quintò*, vt hoc vel illo gestu corporis. *Vide Valent. supra.*

QVÆST. IX. *An hora Canonica sint utiles & retinende in Ecclesia?*

1. **N**Egant Hæretici, ex odio magis, quam studio veritatis. Catholici merito affirmant. *Primò*, quia ab exordio Ecclesiæ fuit aliqua publica precandi & Deum laudandi forma, quæ etsi non fuerit ita completa, & in ordinem digesta, vt nunc est, tamen seruabat eandem ferè temporum distinctionem, & constabat iisdem partibus principalibus, vt patet ex *Clemente lib. 8. constit. Apost. cap. 34. & Hieron. ep. 77. & Cassiano lib. 2. & 3. de institutis canobiorum.* *Secundò*, quia hæc precandi forma nihil continet, quod non sit summè pium & salutare. Nam *Primò* continet psalmos, quibus nihil potest esse diuinius. *Secundò*, selectissima quæque totius veteris & noui testamenti. *Tertiò*, selecta patrum documenta. *Quartò*, præcipua quæque gesta Sanctorum. *Quintò*, breues preces quas collectas vocant. *Sextò*, hymnos aliquos à patribus compositos. Vnde meritò vocantur Breuiarium, quia est compendium omnium prædictorum admirabile. Deinde non solum singula per se pia & salutaria sunt: sed etiam tam aptè inter se connexa, suisque temporibus & festis accommodata, vt magnam sita varietate & voluptatem & consolationem spiritualem legentibus afferant.

QV. X. *An omnes Clerici obligentur ad horas Canonicas?*

1. **S**uppono ex communi sententiâ, tria tantum hominum genera ad eas obligari, nempe Clericos maiorum ordinum, Beneficiarios & Religiosos ad chorum professos. De singulis seorsim agam, hîc de clericis.

2. **Prima Conclusio:** Clerici maiorum ordinum, id

id est: Presbyteri, Diaconi, subdiaconi obligentur ad horas canonicas. Est communis apud Nauarrum *de harris canonicis c. 7. n. 1.* soler probari *primò* ex cap. *Presbyter de celebratione Missæ*, sed non sufficienter: quia ibi solum agitur de Presbytero & quidem Párocho vel rectore Ecclesiæ: non autem de Diacono, vel Subdiacono. *Secundò* ex c. *si quis Presbyter d. 92.* sed ibi agitur de clericis non præcisè qua clericis, sed de clericis alicui Ecclesiæ deputatis, id est, qui habent beneficia in aliqua Ecclesia ratione cuius ei debent seruire Item agitur de officio publico quod fit in Ecclesia. *Tertiò* ex c. *dolentes, de celebratione Missæ*, ubi Innocentius III. cum Concilio Generali præcipit Prælati & minoribus clericis in virtute Sanctæ obedientiæ, ut diuinum officium nocturnum pariter & diurnum studiosè celebrent, & deuotè. Sed hæc non exprimitur, qui sint illi minores clerici, & Concilium videtur loqui de officio publico. *Quartò*, ex antiqua & generali totius Ecclesiæ consuetudine, qua non solum Presbyteri, sed etiã Diaconi, & Subdiaconi censentur ad horas canonicas obligati. Itaque etsi nullus canon scriptus extet, quò hi obligentur: tamen hæc consuetudo sufficit, cum habeat vim legis, & merito hi obligantur: quia per ordinem sacrum accipiunt in Ecclesia statum, qui ad cultum diuinum celebrandum est institutus. Vnde ratione status obligantur præ ceteris in genere: ne autem in incertum ferrentur, determinatæ sunt horæ canonicæ, & ita accedente consuetudine inuestæ est obligatio.

3. *Quæres.* An liberentur ab hac obligatione per excommunicationem, suspensionem, interdictum, aut etiam degradationem. Negat Nauarr. *loc. cit. nu. 17. & Sylu. v. Hora qu. 3.* quia par non est ut ex delicto commodum referant, & soluãtur vincula obligationis præcedentis: præsertim cum recitatio illi pœnæ non repugnet. Idem dicunt aliqui de damnatis ad triremes. Sed
puto

puto vsum esse in contrarium. *Primò*, quia satis afflictionis habent, dum in illo supplicio detinentur. *Secundò*, quia rarò sunt comparati ad horas legendas. *Tertiò*, quia id cederet in dedecus ordinis Ecclesiastici, si in illa hominum colluue ostenderent suum statum.

4. Secunda Conclusio. Clerici minorum ordinum ratione sui gradus non obligantur ad horas canonicas, quia nondum sortiti sunt statum inter Ecclesiæ ministros: possunt enim matrimonium inire. Quidam putant eos teneri ad horas B. Virginis vel ad 7. Psal. vel ad Canticum graduum. Sed certum est, neque iure communi, neque consuetudine vniuersali eos ad aliquid horum obligari: si tamen in aliqua diocesi esset generalis cõsuetudo, quæ per modum legis sit recepta, ibi tenerentur, vt docet *Medina C. de oratione q. 7.* An autem sit alicubi talis consuetudo, non constat. Sotus *l. 1. de iustitia q. 5. a. 3.* putat non esse: imo nec Episcopum sub præcepto vel statuto posse introducere. *Primò*, quia quod Ecclesia vniuersalis relinquit liberum, non potest Episcopus particularis in sua Ecclesia facere præceptum, nisi in illa Ecclesia sit peculiaris ratio, quæ in proposito non occurrit. Alioqui facilè fieret, vt nimium grauerentur subditi, si non solum Pontifex, sed etiam singuli Episcopi possent onera perpetua imponere. *Secundò*, quia omnes ordines descendunt à summo Pontifice in totam Ecclesiam: Ergo ad illum solum pertinet disponere defunctionibus & obligationibus quæ ratione ordinis imponuntur. *Tertiò*, quia alioqui non posset seruari vniformitas, quæ tamen multum facit ad Ecclesiæ decus & vnionem. Hinc enim fit vt Episcopus non possit statuere de ætate vel temporibus ordinandorum. Nota tamen etsi non possit perpetuum onus imponere: posse tamen præcipere ordinato, vt bis aut ter illas preces recitet, sicut ex causa potest aliquod ieiunium bis aut ter in sua diocesi imponere. Hoc enim neque graue cen-

feri potest subdito, neque per illud receditur à consuetudine vniuersali.

5. Tertia Conclusio. Probabile est, Clericos primæ tonsuræ teneri ad psalmum, Miserere, saltem sub peccato veniali. *Primò*, quia videtur esse consuetudo generalis. *Secundò*, quia prælati vbique imponunt. Contraria tamen sententia videtur verior. *Primò*, quia sæpe fit, vt pueri accipiant tonsuram, quos Ecclesia non videtur velle obligare sub peccato. *Secundò*, quia plerique non agnoscunt hîc vllam strictam obligationem, nec DD. aut Confessarij illam vrgere solent. *Tertiò*, quia etsi consuetudo sit, vt dicatur Miserere: non tamen est per modum legis obligantis sed consilij & ex decore.

4. Dices. Lege naturæ tenentur amplius orare quam laici. Tum quia cultui diuino sunt addicti: tum quia fruuntur priuilegio clericali, ergo saltem tenentur ad aliquid indeterminatum. Respond. multi DD. ita sentiunt, inter quos Paludanus in 4. d. 15. qu. 5. art. 1. & Nauarr. c. 7. de ora. nu. 14. quorum sententia est probabilis. Sotus tamen quem sequuntur, non vult eos teneri aliquo præcepto, sed solum ex decencia, quæ non obliget ad vllum peccatum: non enim vis naturæ dictat illos obligari, sed solum decens esse, vt id faciant.

QV. XI. *An omnes beneficiarij teneantur ad horas canonicas.*

1. Prima Conclusio. Obligantur communiter titulo beneficij. Est communis, & patet ex c. *Qui per ambitiosam. de rescrip. in 6.* & ex Conc. Later. sub Leone X. sess. 9. Ratio est, quia iure naturæ quisque tenetur ad officium propter quod beneficium datur.

2. Secunda Conclusio. Hæc obligatio non incipit à tempore præsentationis, vel electionis, quia tum nondum habent dominium, vel ius in re, Quæstio est, an incipiat ab eo tempore, quo fit collatio & acceptatio beneficij. Affirmat Nauarr. cap. 7. de ora-

tione

sione. num. 19. Ratio est, quia ex illo tempore incipiunt habere ius in re, & debentur illis fructus. Alij tamen putant non teneri ante captam possessionem vt Flaminius Parisius l. 1. de resig. benef. quest. 9. num. 15. Ratio est, quia sæpè ante initam possessionem ius est incertum. Et multis modis possunt impediri, qui primum se produnt, quando capienda est possessio. Hæc tamen sententia non debet intelligi de iis, qui per industriam differunt possessionem, vt horas non recitent, sed solum de iis, per quos non stat, quo minus capiant: quia fraus nemini debet patrocinari.

3. Tertia Conclusio. Excusantur ab hac obligatione. *Primò*, qui habent quasdam Præposituras aut Personatus, qui non requirunt nisi horas B. Virginis, aut aliquid simile. *Secundò*, qui nec per se nec per iuos percipiunt ullos fructus, nec percepturi sunt, modo per eos non steterit, quo minus sint minus percepturi. Ita Nauar. *suprà* & alij *passim*. Ratio est, quia neque ex sua parte, neque ex Ecclesiæ intentione obligant se ad officium; nisi persoluantur stipendia propter quæ suscipiunt obligationem. *Tertiò*, qui valde parum recipiunt v. g. 8. vel 10. aureos. Ita Sotus l. 10. quest. 5. art. 3. & multi *recentiores contra Nau.* Ratio est, quia non tenetur ad integrum laborem, nisi qui percipit integram mercedem: ergo beneficiarius non tenetur ad beneficium totius anni, si nō potest se totò anno alere ex beneficio, saltem tenuiter & honestè; tenetur tamen aliquando recitare officiū, habita ratione fructuum quos percipit.

4. Quæres *primò*. An excusetur beneficiarius primo & secundo anno: præsertim in iis Ecclesiis, vbi fructus beneficij primi & secundi anni dantur fabricæ, vel decessori mortuo? Nauar. c. 7. num. 30. negat excusari. *Primò*, quia debetur ei dimidia pars fructuum, vt declarauit Ioannes XXII. in *extranag. suscepti*, ne sede vacante. *Secundò*, quia potest deferuire, & sustentationem

vicariis debitam percipere. *Tertio*, quia alterius anni fructum recipiet post mortem; alterius verò per totam vitam. Nam per totam vitam debuisset aliquid conferre in totam fabricam, à quo onere iam liberatur. Vbi nota, quod quarta pars bonorum Ecclesiasticorum fuerit olim assignata fabricæ, postea in quibusdam locis incorporata est præbendis Canonorum, cum hoc onere, ut ipsi ex earum fructibus conferrent fabricam; ut autem se ab hoc onere liberarent, statuerunt, ut quod tota vita per partes erat contribuendum, primo anno simul daretur; per hoc autem non potuerunt efficere ut primo anno non recitaretur officium. Non est tamen improbabile, novos canonicos non teneri ad horas in anno fabricæ, si quid accipere non est in eorum potestate.

5. *Quæres secundo.* An excusentur qui habent altaria, vel capellas, & cum non sint sacerdotes, expendunt maiorem proventuum partem in substitutum, qui sacra faciat? Respondeo non videntur excusari. *Primo*, quia est magnus abusus, quia dantur talia beneficia adolescentibus, qui per se non possunt satisfacere. Unde non potest censeris mens Ecclesiæ ut excusentur. *Secundo*, quia talia beneficia ut plurimum sufficiunt ad sustentationem; quod autem illi cogantur maiorem partem proventuum illis dare, fit ex eo, quod ipsi sint inepti ad primariam beneficii functionem, quod non debet eos excusare.

6. *Quæres tertio.* An excusentur Adollescentes, qui auctoritate parentum coguntur accipere beneficium, cum tamen non habeant animum status Ecclesiastici, & statim dimitterent, si auderent? Resp. Excusantur, si non intendunt percipere fructus. Secus si velint censentur consentire in acceptionem & retentionem beneficii cum onere annexo. Si nolint, iam acceptatio & retentio est coacta per metum à parentibus incussum.

Nam

Nam hic metus in adolescente est iustus & grauis. Vnde sicut excusat à voto : ita etiam ab obligatione precum Canonicarum. Debet tamen huiusmodi adolescens, vt excusetur, habere animum resignandi quamprimum commode potuerit, & restituendi fructus perceptos: non tamen amplius quam ad ipsam peruenerit. Imò si pater nomine filij perceperit, vt fieri solet, non videtur hic filius magis obligandus ad restitutionem, quam ceteri filij, quos pater bonis suis aluit.

7. *Quæres quarto.* An excusentur qui possident beneficium litigiosum, aut habent fructus sequestratos? Respondeo. Non excusantur, si probabile est ipsos in lite fore superiores, & fructus illis obuenturos.

8. *Quæres quinto.* An excusentur, qui ideo nihil recipiunt, quod non resideant, cum tamen possint? Respondeo non, quia per ipsos stat, quod non percipiant.

QVÆST. XII. *An omnes Religiosi obligentur?*

1. **P**rima Conclusio. Certum est omnes & solos Religiosos ad chorum professos, etiam si nondum ordinati sint, obligari. Quæstio est, quo iure obligentur: Non enim Canonico iure scripto; cum nullus canon de ea re extet, vt ait Caiet. Nec iure naturæ; quia non pertinet ad essentiam Religionis. Nec ex vi voti, aut professionis: quia se ad hoc non astringunt. Nec ratione eleemosynarum quibus viuunt: quia non dantur cum hoc onere. Nec ratione foundationis: quia si sit aliqua talis fundatio, ea Conuentum obligat, non singulos. Resp. solum videntur teneri ex præscripto Regulæ, vel certè consuetudine vbique recepta, quæ vim legis habeat.

2. Secunda Conclusio. Novitij tamen eorum non obligantur. Ratio est, quia nondum firmiter diuino obsequio sunt mancipati. *Quæres.* An teneatur Monachus fugitiuus, vel eiectus, cum à Monasterio non alatur? Affirmat *Nau. num. 20.* quia potest redire. Respondeo.

Fugitiuus tenetur, quia potest & debet redire: eicetus non tenetur, quia non est in eius potestate redire.

3. *Quæres secundo.* An superior possit in hac obligatione ex causa dispensare, v. g. ratione studiorum vel negotiorum. Respondeo affirmatiue, quia tota obligatio oritur ex consuetudine, aut ex Regula.

QVÆST. XIII. Quanta sit obligatio legendi horas?

1. **C**onclusio. Supradicti ita obligantur, vt mortaliter peccent, si horas vel semel absque causa prætermittant. Est communis, vt docet *Nau. c. 7. n. 5.* excipio Angelum v. *Hora §. 10.* & *Richardum*, quem ille citat. Hic dicunt non esse peccatum mortale omittere horas, nisi fiat ex consuetudine, vel contemptu.

2. *Quæres.* An quælibet ommissio sit peccatum mortale, *Nau n. 6.* putat esse mortale, si vel vna hora omitatur, v. g. Tertia, aut Sexta, aut Complet. Imò si omitatur tertia pars vnius horæ v. g. vnus Psalmus cum Hymno, sed hoc posterius est nimis rigidum.

QVÆST. XIV. Quomodo hora sint recitanda?

1. **C**oncilium generale sub Innocentio III. requirit duas condiciones. *Primo*, vt recitentur studiosè. *Secundo*, vt deuotè.

2. *Prima Conclusio.* Vt studiosè recitentur, tria requiruntur. *Primum*, vt nulla verba aut sententiæ omittantur. *Secundum*, vt vltimæ syllabæ non absorbentur. *Tertium*, vt in medio cursu non fiat interruptio. Hæc tamen interruptio in officio priuato, si fiat ex iusta causa, nullum est peccatum: si autem fiat sine iusta causa, non videtur esse nisi veniale. Vnde etiam si daret per vnâ vel alteram horam, non necessario est repetendum, quod ante recitatum est. Confirmatur, quia singuli Psalmi; imò singuli penè versiculi per se habent suam significationem, qua Deus laudatur, vel oratur, & vnus non habet necessariam connexionem cum altero. *Vide Peltanum l. 3. de bonis operib. c. 6.*

3. *Dices*

3. Dices. Quando est magna intermissio, tum priora & posteriora non efficiunt vnā orationem, aut vnum officium diuinum, ac proinde ex illis partibus non constituitur officium Primæ, vel Tertiæ. Ob hoc argumentum Nauar. *de Oratione*. c. 16. nu. 75. putat esse peccatum mortale, nisi fiat cum animo repetendi priora. Resp. sicut ex omnibus horis constituitur vnum officium, & quasi vna longa oratio, non obstante interruptione, ita ex aliquibus Psalmis constituitur vna pars officij, v.g. Completorium: etiamsi interueniat aliqua intermissio non enim de substantia totius officij, aut alicuius partis est, vt omnes Psalmi & preces continentur.

4. Secunda Conclusio. Vt horæ canonicæ recitentur deuotè, duo requiruntur, attentio & reuerentia: sola enim attentio non sufficit: cum enim oratio sit actus religionis, necessariò requirit reuerentiam erga Deum. Vnde aliud est orare, aliud attentè aliquid legere.

QVÆST. XV. De aliis quibusdam circumstantiis?

1. **H**ic tria quæri possunt. *Primò*, quo tempore legendæ sunt horæ. *Secundò*, An liceat mutare ordinem in horis legendis. *Tertiò*. An liceat mutare totum officium, v.g. legere officium de feria, quando esset legendum de festo.

2. Prima Conclusio. Quod ad tempus attinet, in officio publico seruanda est consuetudo recepta. In privato, etsi laudabile sit, vt singulæ horæ suis temporibus & interuallis recitentur, tamen ad vitandum peccatum mortale, sufficit, vt recitentur eo intervallo, quod est inter medium noctis præcedentis & sequentis. Qui enim interea temporis horas recitauerit, siue in initio, siue in medio, siue in fine, satisfacit substantiæ præcepti.

3. Nota *primò*. Ex consuetudine licitum esse recitare Matutinum & Laudes pridie ad vespèram, vt Caiet. Nauar. & alij docent. Imò etiam ante Solis occasum, vt

docet D. Thom. quodlib. 5. art. 28.

4. Nota secundo. Paruas horas non posse dici pridie, sed solum post mediam noctem: possunt tamen omnes usque ad vespervas exclusivè ob aliquam honestam causam recitari mane, teste Nauarr. Imò si causa iusta sit, etiam vespere adiungi possunt, ut si instaret perfectio, vel alia longa occupatio, vel amicorum interpellatio, ut habetur c. 1. de celebrat miss. Imò maior quies & devotio potest esse legitima causa, ut ait Caiet.

5. Nota tertio. Non esse peccatum mortale facere sacrum ante Matutinum & Laudes; multo minus ante primam, ut ait Sotus l. 10. q. 5. a. 4. quem sequuntur multi recentiores. Ratio est, quia nihil in iure Canonico de hoc præceptum est: nec consuetudo contraria recepta est sub peccato mortali. Confirmatur, quia nulla est necessaria connexio, aut dependentia inter Missam & horas Canonicas. Vide Henriquez l. 9. de missa c. 24. Fumum v. missa n. 3. Petrum Arrag. art. 12.

3. Secunda Conclusio. Non est peccatum mortale mutare ordinem horarum, ut si Prima dicatur ante Laudes, vel Vespere ante Primam: quia ordo horarum extra chorum non est sub præcepto, nisi secundario, tanquam circumstantia minoris momenti. Vnde etiam facile datur iusta causa mutandi, ut si à viro gravi inuiteris ad recitandas horas posteriores, & tu priores nondum persolueris. Ita Toletus l. 2. c. 13.

7. Tertia Conclusio. Mutatio officij, etiam dedita opera, non est peccatum mortale, ut si loco officij de feria dicatur de SS. Trinitate, vel de Venerabili Sacramento, vel de B. V. aut contra si loco officij de festo, dicatur de feria. Ita Caiet. v. hora Sylu. ibid. num. 15. & alij passim. Ratio est, quia id, quod Ecclesia primario præcipit, est, ut septem horæ Canonice quotidie recitentur. Ut autem dicatur de hoc, vel illo festo, solum pertinet ad modum vel circumstantiam secundariam,

quæ

quæ non est tanti momenti. Itaque substantia præcepti seruatur, quodcumque officium Breuiarij concessi recitaueris. Vnde qui etiam prudens omissio proprio aliud recitabit, non tenebitur repetere, vt notat Sylu. *suprà*: melius tamen est seruare proprium officium, & accommodare se aliis in omnibus.

QVÆSTIO LXXXIV.

De Adoratione.

HActenus egit D. Thomas de internis actibus religionis, qui sunt deuotio & oratio. Nunc sequuntur externi, inter quos primum locum obtinet Adoratio.

2. Prima Conclusio. Nomen Adorationis sumitur in Scripturis tripliciter. *Primò*, generatim pro quocumque honore seu veneratione, quæ alicui alteri exhibetur propter aliquam excellentiam, siue is sit Deus, siue Angelus, siue homo. . . Nam *Gen.* 18. 19. Abraham & Loth dicuntur adorasse Angelos. & 3. *Reg.* 1. Bethsabæe & Nathan adorauerunt Regem, & *Act.* 10. Cornelius adorauit Petrum. *Secundò*, accipitur pressius pro quocumque actu religionis, siue interno, siue externo, quo Deus colitur: vt patet in iis locis ubi iubemus solum Deum adorare, & illi soli seruire, nempe adoratione & seruitute soli Deo debita. *Tertiò*, accipitur adhuc strictus pro solo actu externo, quo Deum colimus & adoramus, id est, pro genuflexione, capitis apertione, inclinatione: vt *Matth.* 2. v. 11. *Inuenerunt puerum cū Maria matre eius, & procidentes adorauerunt eum.* Hoc modo hic sumitur, & potest sic defini. Adoratio est externus actus religionis, quo per conuenientem aliquem corporis gestum protestamur nostram subiectionem erga Deum, vt erga summum omnium bonum.

3. Secunda Conclusio. Omnis externa adoratio (si secundum se spectetur) est adiaphora: & potest

tam creaturis, quam Deo exhiberi. Nam genuflexio & totius corporis in terram prostratio (quæ summæ videntur adorationes) etiam hominibus exhiberi solêt, vt ex Scripturis patet, *Gen. 50. v. 18. & 3. Reg. 1. v. 16. & Act. 10. v. 25.* Itaque à sola intentione pendet, quod per cultum illum externum ista vel illa honoris species deferatur. Si enim externâ illâ submissionis notâ intendas te alteri submittere tanquam Deo, & testari eius diuinitatem, erit cultus patriæ: si amico Dei, erit dulix: si vt viro sapienti aut potenti, erit obseruantia politica. Vnde idem actus externus quatenus successiuè potest procedere à diuersa intentione, potest successiuè esse actus patriæ, dulix & obseruantix politicae.

QVÆSTIO LXXXV.

De Sacrificio.

Sacrificium & Adoratio in eo conueniunt, quod sint actus. exrerni religionis, quibus Deus colitur. Differunt, quod in Adotatione deferatur Deo cultus per gestum corporis; in sacrificio, per rem externam. Porro disputatio de sacrificio potest dupliciter institui. *Primò*, generatim, quid sit sacrificium & quotuplex. *Secundò*, speciatim. An missa sit sacrificium. Priori modo hîc procedimus. Nam de Missa agendum est in 3. parte de Eucharistia.

QVÆST. I. Quid sit sacrificium propriè dictum?

1. **H**æretici docent, sacrificium nihil aliud esse quam quodlibet opus bonum, quod Deo placet: vel certè opus bonum quod fit ad honorem & cultum Dei: vel quamlibet oblationem Deo factam.

2. Prima Conclusio. Non omne opus bonum est sacrificium propriè dictum. Probatur *primò*, quia apud omnes gentes sacrificium est aliquod opus speciale, quo Deus colitur, distinctum ab aliis piis operibus. *Secundò*, quia ad sacrificium requiritur Sacerdos & altare, vt paulò pòst probabo. At multa opera bona fiunt ab

iis qui non sunt sacerdotes. *Tertiò*, quia Scriptura opponit opera bona sacrificiis, ut *Osee 6. v. 6. Misericordiam volui, & non sacrificium, & 1. Reg. 15. v. 21. Melior est obedientia quam victima, & Psal. 50. v. 18. Si voluisses sacrificium, dedissem utique; Quarto*, quia in Ecclesia Christi est tantum unum propriè dictum sacrificium, teste *Aug. l. 1. contra aduersarios legis & proph. c. 20. & l. de spiritu & littera c. 11. cui consentiunt alij Patres. At si omnia bona opera essent sacrificia, iam essent multa sacrificia, & non unum tantum.*

3. Dices: *Contritio, Eleemosynæ, & quoduis opus iustitiæ vocatur in Scriptura sacrificium; ut Psal. 50. v. 19. Sacrificium Deo Spiritus contribulatus, & Psal. 4. v. 6. Sacrificate sacrificium iustitiæ, & Hebr. 13. v. 16. Beneficentia & communionis nolite obliuisci: talibus enim hostiis, promeretur Deus, id est placatur. Resp.* Nomen sacrificij in Scripturis sumitur dupliciter. *Primò*, pro omni opere, quod instar sacrificij Deum placat & conciliat, ut in locis iam citatis. *Secundò*, pro externo cultu, qui Deo tanquam rerum omnium principio exhibetur, & sic opponitur operibus bonis, ut ante dictum est. Vide *Chrys. in Psal. 95. D. Thomam art. 3. ad 3. Melch. Canum l. 12. de locis c. 13.*

4. *Secunda Conclusio.* Non omne opus, quod fit ad honorem Dei est propriè sacrificium. Probatur *primò*, quia multa bona opera possunt imperari à virtute religionis ad colendum Deum, quæ tamen per se, non præ se ferunt cultum Dei externum. Atqui sacrificium debet præ se ferre specialem cultum externum Dei, ut ex communi omnium gentium consensu dictum est. *Secundò*, quia multi faciunt opera ad honorem Dei, qui non sunt sacerdotes. *Tertiò*, quia est vnicum tantum sacrificium in Ecclesia Christi.

5. Dices. *August. Contrarium docet l. 10. de ciuit. cap. 6. Sacrificium verum est, inquit, omne opus bonum;*

quod agitur ut sancta societate inhiereatur Deo, relatum scilicet ad illum finem boni, quo veraciter beati esse possimus.

Resp. Augustinus accipit nomen sacrificij, pro omni opere quo assequimur finem, seu officium sacrificij, quod est adhærere & placere Deo. Vocat autem tale opus sacrificium verum, ut distinguatur ab externo sacrificio animalium, non quod perfectiorem rationem sacrificij habeat, sed quia effectum sacrificij perfectius præstat. Melius enim placat Deum, quam sacrificium externum tantum. Hanc esse mentem Augustini, patet ex c. præced. neque novus aut inusitatus est hic modus loquendi. Nam sæpè aliquid dicitur verè tale, quod tamen propriè tale non est; ut Ioan. 15. v. 1. *Ego sum vitis vera, vos palmites*, quia scilicet mysticè præstabat ea excellenter, quæ vitis sunt, sic tyrannus dicitur verus leo: & abstinere à peccatis, dicitur verum ieiunium.

6. Tertia Conclusio. Nec omnis oblatio Deo facta est propriè sacrificium. Probatur *Primò*, quia Scriptura passim distinguit oblationes à sacrificiis, ut Psal. 50. v. 11. *Tunc acceptabis sacrificium iustitiæ, oblationes & holocausta*, & Ps. 39. v. 7. *Sacrificium & oblationem nolui*. *Secundò*, quia multa in scripturis dicuntur offerri, quæ tamen non possunt dici sacrificari, ut primogeniti, primitiæ variarum frugum, aurum, argentum, lapides pretiosi, byssus. Vide Exod. 25 & 35. Ergo sacrificia differunt ab oblationibus. *Tertio*, quia in sacrificio debet fieri aliqua mutatio rei oblatae, vel significatae, ut iam ostendam: non autem in oblatione.

7. Quarta Conclusio. Ad sacrificium perfectum & propriè dictum quinque requiruntur ex communi sententia. *Primò* ex parte ministri requiruntur ut sit sacerdos, ut patet Hebr. 7. v. 1. Vnde Ozias Rex cum non esset Sacerdos & sacrificium offerre vellet, à Deo punitus est 2. Par. 26. v. 18. *Secundò*, ex parte materiæ requiritur ut sit aliqua res sensibilis quæ offeratur, ut pa-

ret *Hebr. 8. v. 3.* vbi Apost. probat ex communi ratione sacrificiorum Christum non potuisse dici verè Pontificem, nisi habuisset victimam quam offerret. *Tertiò*, ex parte formæ requiritur, vt res illa sensibilis, quæ in sacrificio offertur, destruatur aut mutetur: vt patet ex sacrificiis legis naturæ & veteris: non enim fiebant solâ oblatione, aut eleuatione ad altaria; sed rei destructione facta ad honorem Dei. Quædam enim per occisionem sacrificabantur, vt viuentia: Quædam per combustionem, vt adeps, carnes animalium occisorum, & res materiæ solidæ vt simila, sal, thus: Quædam per effusionem, vt sanguis, vinum, aqua. Vide *c. 1. & 2. Len. Quarto*, ex parte finis requiritur, vt explicitè vel implicitè referatur ad cultum Dei. *Quintò*, ex parte loci, vt fiat in altari, quia ex Scriptura constat, altaria non fuisse erecta nisi ad vsum vel significationem sacrificij. Vide *Bellarmin. l. 1. de missa c. 2.*

3. Quinta Conclusio. Ex dictis colligi potest hæc definitio: *Sacrificium est oblatio rei sensibilis a legitimo ministro facta Deo per realem immutationem ad testandum supremum illius dominium, & nostram subiectionem.* *Primò* dicitur *oblatio*, quia oblatio est genus sacrificij, vt docet *D. Thom. art. 3. ad 3. & alij passim*: quatuor hoc nomen aliquando strictè accipiat pro oblatione, quæ solum est oblatio, non sacrificium. *Secundò*, dicitur *rei sensibilis*; vt excludatur interna oblatio, quâ quis se ipsum Deo offert ac subiicit. *Tertiò*, dicitur *a legitimo ministro*, quia sacrificium habet relationem ad sacerdotem. *Quartò*, dicitur *per realem immutationem* 3. quia per hanc distinguitur à simplici oblatione. *Quintò*, dicitur *ad testandum &c.* quia duo testamur & significamus in sacrificio, nempe diuinum principatum, & nostram subiectionem & hæc significatio est sacrificio essentialis. Præter hanc quædam sacrificia habent significationem accessoriâ, quæ mystica vel allegorica dici potest,

ut sacrificium Eucharistiæ significat sacrificium in cruce, & sacrificium Melchisedech præfigurabat sacrificium Eucharistiæ, & omnia veteris legis sacrificia præsignabant oblationem crucis vel Eucharistiæ.

9. Obiicies *primò*. Non videtur necessarium, ut minister sacrificij sit Sacerdos. Nam in lege veteri agnus paschalis à singulis familiis immolabatur, *Exod. 12. v. 3.* & tamen in singulis familiis non erant sacerdotes, sed tantum in tribu Leui. Resp. Singuli patresfamilias erant sacerdotes respectu huius sacrificij, licet non respectu aliorum. Ratio est, quia sacrificium agni paschalis institutum fuit ante legem veterem, nempe in lege naturæ: ac proinde in eo offerendo seruata fuit consuetudo legis naturæ, nempe ut à singulis capitibus familiarum offerretur. Reliqua autem sacrificia quæ in ipsa veteri lege fuerunt instituta, non poterant offerri nisi à sacerdotibus in eadem lege consecratis.

10. Obiicitur *secundò*. Nec videtur requiri, ut fiat aliqua destructio, aut mutatio rei oblatae; ut patet in sacrificio missæ, ubi Christus non destruitur aut mutatur. Resp. Mutatio illa, qua panis in carnem, & vinum in sanguinem mutatur, sufficiens est in hoc sacrificio. De quo alibi plura.

Q V Æ S T. II. *Quotuplex sit sacrificium?*

1. **S**olet diuidi tribus modis. *Primò*, ratione materiæ: *Secundò*, ratione formæ & finis simul. *Tertiò*, ratione finis tantum.
2. Prima Conclusio. Ratione materiæ diuiditur in victimam seu hostiam, immolationem, & libamen. Est enim triplex materia sacrificij: vel enim offertur aliquod animal, & tunc est victima seu hostia: vel offertur aliqua res inanimata, solida, & tunc est immolatio: vel aliqua res liquida, & tunc est libamen. Et quidem in veteri lege offerebantur hæc animalia.

Quisq;

Ovis, Capra, Hædus, Bos, Virulus, Columba, Passer, Turtur. Res autem solidæ erant panis, simila, sal, thus, manipulus spicarum virentium, & triticum: vt patet *Leuit. 2. & 6.* Liquidæ erant sanguis, vinum, oleum, aqua.

2. Secunda Conclusio. Ratione formæ & finis diuiditur in Holocaustum, quod totum consumebatur ad honorem Dei: ideoque erat Sacrificium perfectissimum. Sacrificium pro peccato partim cremabatur, partim cedebat in vsum sacerdotum: solebat autem offerri pro peccatis quibusdam externis, vt pro peccatis commissis per ignorantiam circa cæremonias, *Leuit. 4. & 5.* Item pro furto, periurio, & calumnia. *Leuit. 6. 7.* Hostia pacifica partim cremabatur, partim edebatur, tum à sacerdotibus, tum ab offerentibus. Solebat offerri vel in gratiarum actionem pro beneficijs acceptis: & tunc eodem die comedi debebat: vel ad noua beneficia impetranda: & tunc differri poterat eius consumptio in diem posterum, non tamen vltcrius.

4. Tertia Conclusio. Ratione finis diuiditur in Lætreuticum, Eucharisticum, impetratorium, & propitiatorium, quæ diuisio parum differt à præcedentibus. *Lætreuticum* dicitur quod solum fit ad Deum colendum, testando eius principatum, & nostram seruitutem. Hoc potissimum fit holocausto. *Eucharisticum* dicitur, quod fit in gratiarum actionem pro acceptis beneficijs. *Impetratorium* pro beneficijs accipiendis. Vtrumque in lege veteri dicebatur hostia pacifica, *Propitiatorium* quod offertur pro peccatis & pro peccatorum pœnis ac flagellis auertendis. Idem est quod hostia pro peccato.

QVÆST. III. *An hoc tempore liceat offerre agnum
vel vitulum.*

1. **R**atio dubij est, quia offerre sacrificium est legis naturalis. Ita *D. Thom. art. 1.* ergo omni tempore licitum est. Nota nos loqui posse vel de Iudæo, vel de Christiano, vel de gentili.

2. Prima Conclusio. Si hoc tempore Iudæi offerrent huiusmodi sacrificium, esset superstitio. Ratio est, quia Iudæi offerunt sacrificia, ut in veteri lege sunt instituta à Deo; sed ibi sunt instituta tanquam signa Christi venturi: ergo hoc modo non licet amplius offerre, quia Christus iam venit.

3. Secunda Conclusio. Esset etiam superstitio, si Christiani offerrent tale sacrificium. Ratio est, quia in Ecclesia Christi est tantum vnum sacrificium propriè dictum, quod omnibus veteribus sacrificiis successit, & omnium virtutem eminenter in se continet, cum sit infinitæ dignitatis: ergo superstitiosum esset velle aliud addere. Hinc in quadam collecta Ecclesiæ dicitur: *Deus qui legalium differentiam hostiarum vnus sacrificij perfectione sanxisti.* Vide *August. 8. cin. cap. ult.*

4. Tertia Conclusio. Probabile tamen est non fore superstitionem apud Ethnicos Christi legem ignorantes, si illorum sacerdotes vero Deo offerant huiusmodi sacrificium, ut colligitur ex *August. epist. 49. quæst. 3.* Ratio est, quia offerre sacrificium est legis naturæ, ut dixi ex *D. Thom.* ergo lumen naturæ vel obligat, vel suadet Ethnicis, ut offerant Deo sacrificium. Atqui non apparet illis conuenientior ratio offerendi, quam si offerant aliquid ex animalibus: ergo.

5. Quæres. Vnde gentiles habeant suos Sacerdotes? Respondeo. Ex electione & designatione Reipublicæ. Nam sicut perfecta Respub. iure naturæ habet

bet auctoritatem constituendi principem in rebus politicis: ita etiam in rebus ad cultum diuinum pertinentibus.

QVÆSTIO LXXXVI.

De oblationibus & primitijs.

1. **P**rima Conclusio. Nomine obligationis significatur omnia quæ Deo & Ecclesiæ offeruntur, ut sunt agri, oppida, dominia, fructus, pecuniæ, monilia, ornamenta, instrumentum sacrum. Nomine autem primitiarum intelliguntur primi fructus agrorum & arborum Deo oblati, *Deut. 26.*

2. Secunda Conclusio. Nemo tenetur ad illas oblationes, nisi vel necessariæ sint ad sustentationem ministrorum, vel consuetudo ad eas alicubi obliget, vel legitimum superiorum præceptum accedat. Vide *Syl. v. Decima.* Porro ad primitias olim quidem iure canonico scripto tenebantur fideles, ut colligi potest ex c. *Decimam, de decimis & c. Reuertimini. 16. q. 1.* Iam tamen non tenentur, quia hoc ius consuetudine passim est abolitum.

QVÆSTIO LXXXVII.

De Decimis.

QVÆST. I. *An Christiani teneantur soluere Decimas, & quo iure.*

1. **V**vicleff. docuit Primò, Decimas non esse illo iure Sacerdotibus debitas, sed esse meras elemosynas. Secundò, populum ad libitum posse & debere eas negare sacerdotibus propter eorum peccata. Ita refert *Thom. VVald. lib. 2. doct. fid. Antiq. cap. 64. & 65.*

2. Prima Conclusio. Fide tenendum est decimas non esse elemosynas, sed subsidium sacerdotibus debitum propter ministerium spirituum. Vnde sententia Vvicleff. damnata est in *Conc. Constant. sess. 8.* Ratio est, quia constat ex Scriptura, ijs, qui populo ministrant

ministrant spiritualia, iure diuino ac naturali deberi sustentationem. *Rom. 15. v. 27. & 1. Cor. 9. v. 11. & Luc. 10. v. 7.* Hæc autem sustentatio præstatur per decimas. Vide decret. 19. q. 1. & in decretal. tit. de decimis, & in Conc. Trid. sess. 25. c. 12.

2. Secunda Conclusio. Si decimæ spectentur secundum substantiam, quatenus sunt necessaria sustentatio ministrorum, Ecclesiæ, debentur Iure diuino ac naturali, ex dictis patet. Si verò spectentur secundum suam quotam, quatenus sunt decima pars fructuum, debentur iure Ecclesiastico: vt patet ex *Clement. L. 2. Constit. Apost. 7. 29. 38. 39. & ex can. cit.*

4. Quæres. An etiam debeantur iure diuino? Affirmant Canonistæ: Negant Theologi. Ratio est, quia in lege Euangelica nullum extat præceptum de hac re: solum enim dicitur ministris Ecclesiæ deberi congruam sustentationem: An autem danda sit illis 10. pars fructuum, An 20. nusquam habetur. Nec obstat, quod de hac re extet præceptum in veteri lege, *Exod. 22. Leuit. 27. & num. 18.* quia præcepta iudiciaria & cærimonialia veteris legis sunt abrogata. Confirmatur, quia hæc quota potest tolli per consuetudinem, vt patet ex c. in aliquibus, de decimis. At non posset tolli, si esset iuris diuini.

3. Obijciunt Canonistæ *Primò*, quia in iure canonico dicitur, decimas constitutione diuina deberi, c. *Tua de dec.* *Secundò*, Deum præcepisse decimas sibi solui in signum vniuersalis dominiij, ideoque non posse minui, c. *Tua nobis ibidem.* *Tertiò*. Decimas esse iuris diuini 16. quest. 1. c. *fin.* *Quartò*, quia Christus *Matth. 23.* cum dixisset, *decimatis mentam & anetum*: subiunxit: *Hæc oportuit facere, & illa non omittere*, vbi tò oportuit indicat obligationem iuris diuini. *Quintò*, quia Christus *Matth. 5.* ait: *Nisi abundauerit iustitia vestra plusquam Scribarum & Pharisaorum*: ergo si illi soluebant decimas, multo magis

magis nos soluere debemus. Ad *primum* Respondeo. Decimæ dicuntur deberi constitutione diuina, quia quod debeantur, hoc tantum est ex constitutione diuina. Deus enim in veteri lege præcipit solui decimas; ad cuius imitationem Ecclesia idem præcipit in noua lege. Ad *secundum*. Decima nõ possunt minui, quia Deus olim hanc quotam taxauit, quam postea Ecclesia confirmauit. Ad *tertium* dicuntur esse iuris diuini, quia Deo consecratæ & dicatæ sunt in ministris: sicut res sacræ dicuntur iuris diuini, quia peculiari modo ad Deum pertinet, & in eius dominio ac iure censentur. Ad *quartum*. Cum Christus ait: *oportuit hac facere*, loquitur de tempore illius legis: tunc enim iure diuino decimæ erant soluendæ. Ad *quintum*. Nostra iustitiæ debet esse maior quam Phariseorum, non in soluendis Decimis (alioqui deberemus plus quam 10. partem soluere) sed in reformandis actibus internis: illorum enim iustitia solum erat externa; nostra debet etiam esse interna. Illi putabant sufficere, si non occiderent aut mœcharentur exterius: nos debemus etiam internam iram & concupiscentiam refrænare.

3. Tertia Conclusio. Ex dictis intelligi potest, cuius virtutis actus sit solutio decimarum. Si enim spectetur, ut est debita sacerdotibus ob sacrum ministerium, sic immediatè est actus iustitiæ: mediatè verò religionis. Si verò spectetur, ut per eam fouetur cultus diuinus; vel ut per eam protestamur, Deum esse auctorem frugum terræ, & omnium rerum, quibus humana vita sustentatur, sic est solum actus religionis.

QVÆST. II. *An Ecclesia conuenienter constituerit hanc quotam?*

1. **R**atio dubij est, quia in veteri testamento constituta fuit 10. pars propter has causas. *Primò*, quia filij Leui erant ferè 10. pars populi. *Secundò*, quia in distributione terræ non acceperant suam partem.

Tertiò,

Tertiò, quia habebant vxores & liberos alendos. Hæ causæ iam non habent locum. *Primò*, quia Sacerdotes vix sunt 60. pars populi Christiani. *Secundò*, quia seruât suas possessiones hæreditarias, vt cæteri. *Tertiò*, quia non habent vxores & liberos alédos: videtur ergo Ecclesia excessisse iustum modum in assignâda hac quota.

2. Conclusio. Ecclesia iustissimis rationibus ad hanc partem indicendam mota fuit. *Primò*, quia Deus illam indixerat in veteri testamento. *Secundò*, quia synagoga mutata fuit in Ecclesiam. *Tertiò*, quia non soli sacerdotes, sed omnes alij ministri Ecclesiæ debent aliâ populo. *Quartò*, quia hi omnes non solum seiplos, sed etiam pauperes & orphanos, & viduas debent alere.

Quinto, sunt digniores quam ministri veteris legis, & ideo pluribus egent ad dignitatem sui status in populo tuendam. *Sextò*, quia plus laborant, & habent grauiores functiones. *Septimò*, opus est illis magna eruditione, ad quam comparandam requiruntur magni sumptus. *Octauò*, in veteri lege tantum erat vñum templum & bene instructum: in noua sunt innumerabilia, quæ singula debent instrui & conseruari. *Nonò*, in veteri lege erant plurima sacrificia, quibus sacerdotes poterant alij in noua non sunt. *Decimò*, Deus hanc quotam videtur approbare fertilitatem concedens soluentibus; sterilitatem non soluentibus, vt notauit *August. l. 50. horn. 48. & serm. 219. de tempore.*

QVÆST. III. *Ex quibus rebus soluenda sint decimæ?*

1. **P**rima Conclusio. In veteri lege soluebantur decimæ non ex omnibus rebus, sed tantum ex frugibus, & pomis arborum, & animalibus, quæ transcunt sub virga pastoris, vt habetur *Leuit. ult.*

2. Secunda Conclusio. In noua lege, si ius scriptum spectemus, soluendæ sunt decimæ ex omnibus rebus, seu ex frugibus omnium rerum, quæ quodammodo

dammodo nobis frug. feræ sunt: vt agrorum, arborum, animalium domorum elocatarum, molendinorum, piscinarum, aucupiorum, omni-umque negotiorum lucro-
 forum. Pater ex c. *Non est*, & c. *ex transmissa*, & c. *pastoralis de decim.* & ex *Aug. serm.* 219. Hinc solent distingui triplices decimæ: nempe prædiales ex agris, piscinis, molendinis: personales ex negotiatione, artificio, militia, famulatu: & mixtæ ex animalibus, quorum fructus partim ex hominum industria, partim ex prædiis proueniunt.

3. Tertia Conclusio. Si autem spectemus consuetudinem, multis in locis nō sunt in vsu nisi prædiales ex prædiis rusticis, & quædam mixtæ. Nam reliquæ per consuetudinem, & tacitam condonationem Ecclesiæ abrogatæ sunt. Vnde semper spectari debet quæ sit cuiusque loci consuetudo.

4. Quæres primò. Cur Ecclesia voluerit dari decimas ex omnibus rebus cū in veteri lege solū datæ fuerint ex fructibus, & quibusdā animalibus. Resp. Quia in veteri lege singulæ familiæ habebant suos agros, ex quibus poterāt soluere decimas. & ideo nō erat necesse exigere personales. At in noua lege multæ sunt familiæ, imo multæ vrbes & Respub. quæ agris carent, & ideo necesse fuit iis imponere decimas personales, alioqui nihil contribuissent: neque potuissent alere clerum.

4. Quæres secundò. An Ecclesia habeat dominium decimarum ante separationem; Negat Glossa in c. *Tua nobis, de decim.* & c. *moderamine* 16. *quæst.* 1. asserens decimas peti per Ecclesiam conditione ex canone vel officio Iudicis: non autem rei vindicatione. Condictio autem ex canone est actio personalis, vt pater *instir. de actib. §. si itaque*. Contrarium docet Panormitanus c. *Tua nobis, de decim.* & c. *Commissum, ibidem*: nempe Ecclesiam habere dominium decimarum etiam antequam sint collectæ, idque probat tribus argumentis. Primò,

quia Deus dicit decimas & primitias esse suas c. *Tua nobis*. Atqui suum indicat dominium. *Secundò*, quia Ecclesia dicitur decimas posse vindicare, c. *moderamine* 16. *quest. 1.* Sed vindicatio datur domino in rem suam *L. in rem*, §. *de rei vindicat*. *Tertiò*, quia veditio fructuum non decimatorum non est valida. Nam Ecclesia semper potest ex iis suam portionem extrahere, c. *Pastoralis de decim*. Atqui huius non potest esse alia ratio, quam quia Ecclesia habet dominium decimæ partis in confuso. Hinc infert Panorm. Ecclesiam duplici actione posse decimas petere. *Primò*, conditione ex canone, id est, quia per canones impositum est laicis onus & debitum illa soluendi. *Secundò*, rei vindicatione, quæ est actio in rem, & conceditur domino, *L. In rem*. §. *de rei vindicatione*.

QVÆST. IV. Quomodo soluenda sint Decimæ?

1. **P**rima Conclusio. Debent solui integrè, & sine diminutione, c. *commissum*, & c. *Tua nobis, de decim*. Vnde qui fraudat Ecclesiam in parte notabili, peccat mortaliter contra iustitiam; & simul committit sacrilegium, ut patet ex canon. citatis.

2. Secunda Conclusio. Decimæ debent deduci; ex fructibus integris, priusquam ex illis deducantur expensæ, vel tributa, vel census, vel vlla alia debita, c. *cum non sit*, & c. *Tua nobis de decimis*. Ratio est, quia decimæ debentur in recognitionem & professionem dominij generalis, ut habetur *loc. cit.* sed hoc dominium antecedit reliqua omnia dominia & iura, & extendit se ad omnes fructus enatos; ergo huic dominio debet satisfieri ante reliqua quæque dominia & iura, & ex omnibus fructibus enatis. Hinc sequitur, si tributa, vel census, vel alia debita ante deducta & soluta sint, Ecclesiam posse agere vel in dominum fructuum, qui ea deduxit, vel in eum, qui illa indecimata accepit, compellendo illum per censuras, ut decimam ex acceptis detrahat.

detrahat, *c. cum non sit, de decimis*. Simili modo non possunt detrahi sumptus in colendo agro facti, nec seminis æstimatio. Et quando decimæ soluuntur ex elocatione ædium, ex molendinis, piscinis, alijsve rebus, non possunt deduci expensæ factæ in reparationem, aut meliorationem. Hæc omnia habentur in *c. Non est, &c. Tua nobis, &c. Pastoralis, de decimis*. Quando tamen soluuntur decimæ de negotiatione, tunc sunt deducendæ expensæ, ut habetur *c. Pastoralis*. Ratio est, quia tunc solum soluuntur decimæ de lucro. Atqui id solum in lucro censetur quod remanet deductis expensis, quæ factæ sunt.

Q V Æ S T V. *Quibus soluenda sint decimæ?*

1. **P**rima Conclusio. Ex prima Ecclesiæ ordinatione decimæ debebantur cætui clericorum in genere: sicutamen ut distributio pertineret ad prælatum, eius autoritate dabatur singulis quantum opus erat pro cuiusque statu & necessitate, ut patet ex antiquo Ecclesiæ more & consuetudine.
2. Secunda Conclusio. Postquam autem Ecclesia diuisionem fecit, erectis beneficiorum titulis, dabatur singulis ea portio, quæ cuiusque titulo attributa & annexa est. Hic disputari solet, an omnibus clericis debeantur decimæ, an solum iis qui habent curam animarum, ut videtur sentire *D. Thom. art. 3.* Ratio est, quia ius accipiendi decimas fundatur in illo debito, quo seminantibus spiritualia debentur temporalia. Resp. iis solis qui habent curam animarum debentur decimæ ex iustitia quoad sustentationem, scilicet posito omni Ecclesiæ præcepto & taxatione: non enim tenetur populus ex iustitia sustentare nisi habentes curam animarum, & necessarios eorum adiutores: posito autem Ecclesiæ præcepto & taxatione, tenetur alere totum clerum.

QVÆST. VI. Qui teneantur soluere decimas?

1. Prima Conclusio. Decimæ prædiales soluendæ sunt ab iis omnibus qui titulo non spirituali habent prædia alicui Ecclesiæ subiecta, & soluendæ sunt illi Ecclesiæ, cui prædia subiacent, nisi consuetudo sit ut alienæ Ecclesiæ solvantur. In hac enim re maximè consuetudo seruanda est, ut habetur c. *ab Apostolica, de decim.* Hinc sequitur ad has decimas teneri. Primo, omnes laicos qui habent prædia, his enim hoc onus annexum est. Secundo, Clericos, qui titulo patrimonij, vel alio non spirituali possident prædia, ut docet D. Thom. art. 4. ad 1. quia illa prædia per se illi oneri subiecta sunt, & per accidens est quod nunc à clerico possideantur. Tertiò, monasteria & pia loca, nisi aliquo priuilegio, vel præscriptione, vel compositione, vel transactione sint exempta, ut patet ex c. *Nuper de decim.*
2. Secunda Conclusio. Personales decimæ soluendæ sunt ab iis solis qui sacramenta percipiunt, & illi Ecclesiæ à qua recipiunt, idque iuxta consuetudinem receptam, ut colligitur ex cap. *ab Apostolica de decim.* Nota multis locis personales decimas esse sublatas, quibusdam eas solui tantum in fine vitæ, ut Venetiis: alibi in fine anni.
3. Tertia Conclusio. Omnes clerici, etiam Episcopi, tenentur ex omnibus bonis Ecclesiasticis decimas dare summo Pontifici, si eas exigat. Ita D. Thom. art. 4. & probatur exemplo veteris Test. Nam Num. 18. Leuitis præcipitur ut summo sacerdoti decimam decimæ pendant. Non tamen solet hanc decimam ab Ecclesiasticis exigere, nisi necessitas Ecclesiæ id postulet. Vide Panorm. in c. *Inter cætera. de officio Iudicis ordinarij.*

QVÆSTIO LXXXVIII.

De Voto.

QVÆST. I. *Quid sit votum.*

1. **P**rima Conclusio. Votum est *promissio Deo facta*, vt communiter definiunt Theologi. Vnde patet omne votum esse promissionem, non contra. Nam promissio, quæ fit homini, non dicitur votum, sed ea tantum quæ fit Deo.

2. Secunda Conclusio. Vt promissio sit valida. s. requiruntur. *Primum*, vt sit delibata. *Secundum*, vt libera. *Tertium*, vt fiat cum intentione se obligandi. *Quartum*, vt sit de re grata promissario. *Quintum*, vt promissor possit se obligare. *Primo*, debet esse deliberata, non quod opus sit longâ mentis agitatione, sed quia requiritur perfecta quædam animaduersio eius quod agis. Ratio est, quia promissi est quædam lex & onus, quod sibi quis sponte imponit. Nemo autem censetur sibi aliquid onus velle imponere, nisi plenè aduertat quid agat. *Secundo*, debet esse libera seu spontanea, id est, nec metu nec dolo iniuste extorta, nec ex errore facta. Vnde votum metu graui vel iniurioso extortum est irritum, vt patet ex capit. *Perlatum*, &c. *Abbas de eis quæ vi*. *Tertio*, debet fieri cum intentione se obligandi: actus enim ex intentione non operantur ultra intentionem, cum ab ea omnem vim suam habeant. Vnde sicut lex principis non habet vim nisi iuxta intentionem ipsius: ita promissio, quæ est lex quædam priuata, non habet vim nisi ex intentione promittentis. *Quarto*, requiritur vt res promissa sit grata promissario: promittere enim quod displicet, non est promittere, sed minari. *Quinto*, requiritur, vt promissor possit se obligare; quidam enim per leges non possunt se voto aut promissioni obligare, aut saltem non validè, quin possit in irritum reuocari.

QVÆST. II. *An propositum aliquando habeat vim voti?*

1. **D**ixi votum esse quandam promissionem. Nunc quæritur, an promissio ita necessaria sit ad rationem voti, ut propositum sine promissione non sufficiat. Aliqui putant propositum habere vim voti simplicis in vno casu nempe quando quis intrat religionem cum proposito perseverandi, & Deo perpetuò famulandi. Ita Palud. in 4. disp. 31. quæst. 1. Anton. p. 2. tit. 11. c. 2. & omnes ferè Canonistæ, ex quibus plerique putant, tale propositum cum susceptione habitus habere vim voti solemnis. Probatur primò, ex quibusdam Canonibus, præsertim ex capit. *statuimus, de regularibus, &c. Consulti ibid. &c. Beneficium, de regula in 6. Secundò, probatur ratione, quia qui facit contra tale propositum, inconstans est in re magni momenti; ergo peccat: ergo tenebatur in proposito perseverare.*

2. Conclusio. Propositum non sufficit ad rationem voti: sed ulterius requiritur promissio. Ita D. Thom. in art. 1. Bonau. in 4. d. 38. art. 1. Richard. ibid. quæst. 3. Abbas in c. *libertatem de voto & voti redemptione, Nauar. c. 12. num. 26. & passim recentiores.* Probatur primò, ex Scripturis, vbi obligatio votorum ex promissione nasci iudicatur. Deut. 23. vers. 21. *Cum votum voveris Domino tuo non tardabis reddere: si nolueris polliceri, absque peccato eris, Et infra, v. 23. Facies, sicut promissisti: Et Eccles. 5. v. 3. Si quid vovisti Deo, ne moreris reddere. Displicet enim ei infidelis, & stulta promissio.* Secundò. Probatur ex capit. *litterarum*, vbi dicitur, eum, qui ultra propositum mutandæ vitæ non est progressus, in voto, non teneri. Tertiò. Nemo obligat seipsum, nisi intendat se obligare: sed solo proposito faciendialiquid non intendo me obligare; ergo solum propositum non habet vim voti obligantis. Canones contrà citati loquuntur de proposito; quod propositione seu voto firmatum est.

3. Ad argumentum Resp. Esse aliquam inconstantiam, si absque vlla sola animi leuitate propositum mures, hæc tamen inconstantia non est nisi venialis. Ex dictis patet, cum multa in voto reperiantur, nempe deliberatio, propositum boni operis, propositum vouendi, promissio, obligatio : solam promissionem esse votum: propositum & deliberationem esse quid præuium, obligationem esse effectum.

QVÆST. 3. *Quotuplex sit votum?*

1. **P**rima Conclusio. Votum diuiditur *Primo*, in commune & singulare. Ita *Magister in 4. d. 38. D. Thom. Durand. Rubar. ibid. Votum commune* vocant actum illum, quo quis in baptismo profiteretur se renunciare Sathanæ & adherere Christo; hic enim actus est communis omnibus Christianis: non tamen est votum propriè dictum, vt iidem auctores docent. *Primo*; quia in verbis hominis baptizandi nulla continetur promissio: solum enim dicit: *abrenuntio, credo, volo. Secundo*, quia alioqui omne peccatum hominis Christiani esset sacrilegium, & contineret in se duplicem malitiam, quod est contra communem hominum sensum. *Votum singulare* vocant, quod quisque pro suo arbitratu de rebus necessariis concipit: quamuis reuera hoc genus voti possit etiam pertinere ad res præceptas, quatenus nostro arbitrio subiectæ sunt.

2. *Secunda* Conclusio. Diuiditur *secundò* in votum conditionale & absolutum. Rursus conditionale in pœnale & non pœnale. *Pœnale* est, quando quis vouet aliquid in pœna delicti, si forrè ceciderit in illud, quod potest fieri bifariam. *Primò*, si solum voueas pœnam delicti, non autem euersionem: vt v. g. Voueo me daturum eleemosynam, si inebriatus fuero: & hoc est simplex votum pœnale. Vnde talis non peccabit cōtra votū per ebrietatem, sed purificabitur conditio, & absolutè ex voto tenebitur ad pœnā, quam si

non præstiterit, tum demum votum violabit. *Secundò*, si nõ solum voueat pœnam in euentum delicti, sed etiam cautionem delicti, vt v. g. voueo non amplius inebriari, alioqui dabo largam eleemosynam. Hoc votum non est simplex, sed duplex, quia continet duo vota: Alterum absolutum de non inebriando: Alterum conditionale de eroganda eleemosyna. *Votum non pœnale* est quando id quod vouetur, non vouetur in pœnam delicti: vt voueo Religionem, si parer consenserit, si mortuus fuerit. Hoc votum impletâ conditione æquiualeat absoluto.

3. Tertia Conclusio. Diuiditur *tertiò* in *simplex* & *solemne*. *Solemne* vocant quod susceptioni status immutabilis coniunctum est, v. g. quod annexum est ex Ecclesiæ decreto susceptioni sacri Ordinis, aut quod continetur in Professione Religionis approbatæ. Ita habetur capit. vnico *de voto & voti redemp. in 6.* Hæc enim duo, ordo sacer, & professio Religionis, sunt solemnes quidam actus, à quibus votum solemne dicitur, & certam quandam vim seu qualitatem ex decreto Ecclesiæ obtinet: nempe quod votum castitatis reddat irritum matrimonium, si attentetur: votum paupertatis faciat incapacem dominij. *Simplex* est omne aliud votum etiam si perpetuum sit, quale est etiam professio religionis non approbatæ.

4. Quarta Conclusio. Diuiditur *quartò* in votum expressum & tacitum. *Expressum* est quod verbis disertis exprimitur, *Tacitum* est quod censetur fieri eo ipso, quo voluntariè aliquid agitur; cui votum connexum est, vel supponitur. Tale est quod sit susceptione ordinis sacri.

5. Quinta Conclusio. Diuiditur *quintò* in votum personale, reale & mixtum. *Personale* est quo promittitur aliqua actio vel omissio: *Reale* quo res aliqua externa promittitur: *Mixtum* quo vtrumque promittitur

promittitur, vt peregrinatio cum oblatione.

Q V Æ S T. 4. *Quanam sit materia voti?*

1. **C**onclusio. Vt aliquid cadat sub votum tria requiruntur. *Primū*, vt sit in nostra potestate. *Secundum*, vt sit bonum. *Tertium*, vt sit melius quam oppositum. Hinc sequitur non esse validum votum *primò*, si voueas te nunquam peccaturū venialiter, quia hoc non est in tua potestate. *Secundò*, si voueas opus malum aut indifferens: nemo enim aliquid promittit alteri, nisi quod ei gratum est: Deo autem nihil est gratum nisi quod bonum. *Tertio*, si voueas te nō daturū eleemosynā, non futurum Religiosum, non suscepturum sacros ordines: melius enim est dare eleemosynam, fieri Religiosum, suscipere sacros ordines. Vide *D. Thom. art. 2.*

2. *Quæres primò.* An votum sit validum, si voueas opus bonum ob malum finem. Resp. Hoc dupliciter fieri potest, *primò*, vt malus finis nō solum sit finis voti, sed etiam operis quod vouetur, vt si voueas eleemosynam ad obtinendam vindictam, aut illicitos amores, & tunc votum est irritum. *Secundò*, vt malus finis sit tantum finis voti, vel potius applicationis voluntatis ad vouendum, vt si profitearis in Religione vt lautè viuas. Nam lautè vivere non est finis paupertatis, castitatis & obedientiæ quam proficetis, sed est finis propter quam applicas te ad actum vouendi & profitendi. Hoc casu votum est validum licet non fiat sine peccato.

3. *Quæres secundò.* Quale peccatum sit vouere opus malum. Respondeo si opus illud malum sit peccatum mortale, tunc votum illius est etiam mortale: idque duplici titulo, tum propter affectum illius operis, tum propter irreuerentiam, seu contumeliam, quæ per tale votum Deo irrogatur. Si autem opus malum tantum sit veniale, multi putant votum illius esse tantum veniale, vt Sylu. v. *Iuram. 1. quest. 7. Sotus lib. 7. de Iustitia quest. 1. art. 3. Nauar. c. 12. n. 33.* Probat *primò*, quia

materiæ paruitas videtur excusare. *Secundo*, quia impletio talis voti solum venialis est. Contrarium tamen rectius tenet Caiet Summa V. *voti materia*. Ratio est, quia si scias opus illud, quod voues, esse peccatum, & tamen voues Deo, est magna irreuerentia erga Deum. Nam vel est irritio quædam, vt si promittas alicui tanquam gratum, quod scis esse ingratum, vel implicita blasphemia: quia cum seriò promittis Deo, quod scis esse malum, infirmas Deo placere peccatum, coque coli, & honorari. Similis irreuerentia erit, si eodem animo votum impleas. Confirmatur, quia *Malach. i. v. 8* grauius reprehenduntur qui victimam claudam, cæcam, vel alio defectu notabilem offerebant; ergo multo magis reprehensibilis est, qui opus malum Deo offert; si tamen huiusmodi votum fieret sine plenâ animaduersione, non esset nisi veniale.

4. *Quæres tertio*. An votum sit validum, si voueas opus indifferens, quod nec bonum, nec malum sit pro illo tempore quo voues, sed postea sit bonum, v.g. ouisti abstinere perpetuo fraternis ædibus ob aliquam offensionem in fratrem, deinde contingit ibi habitare aliquos quorum cōsuetudo tibi foret noxia. Resp. Tale votum nunquam obligat. Ratio, quia ab initio irritum fuit: non enim hoc vouisti Deo tanquam bonum, & ipsi gratum, sed vt te in vindictam fratris in proposito non bono confirmares. Vnde etiam si speciem voti habeat, tamen votum non est. Confirmatur ex *regul. 18 iuris* *Nō firmatur tractu temporis quod de iure ab initio non subsistit*. Si tamen intuitu alicuius boni ab initio vouisses, & postea ratio boni mutaretur in aliam, tunc esset votum validum: v.g. vouisti abstinere perpetuo tali domo propter periculum impuritatis, post sublato illo periculo succedit periculum societatis in furtis, vel inimiciis: Hoc euentu manet obligatio voti, quia manet periculum peccati, & abstinere à tali domo manet semper bonum,

bonum, & Deo gratum. Nec refert, quod alterius speciei bonitatem accipiat, quia vouetur absolute quatenus Deo gratum est: non autem precise quatenus huius vel illius speciei bonitatem obtinet.

5. *Quæres quarto.* An votum sit validum, si voueas inire matrimonium? *Resp. primo.* Si absolute id voueas non est validum, ut patet ex tertia conditione supra assignata. Nam melius est non inire, quam inire matrimonium. *Resp. secundo,* si autem voueas inire matrimonium cum hac paupercula propter Deum, supposita matrimonij constanti voluntate, tunc validum est votum, quia perseverante tali voluntate melius est hanc ducere, quam aliam; si tamen eam voluntatem deponas, desinit obligatio voti, quia absolute melius est nullam ducere. Sed difficultas est de eo qui non potest se continere, & ideo vouet matrimonium ad vitandam fornicationem. Nam aliqui affirmant, tale votum esse validum, ut *Caiet. art. 2. & Navarr. c. 12. num. 43.* *Resp.* Non est validum absolute, ita ut non possit irritum reddi sed solum ex suppositione; nempe supposito quod ipse nolit alia remedia contra carnis tentationem adhibere: tamdiu enim obligabitur ex voto ad matrimonium suscipiendum. Quod si torporem illum excutiat, & alia remedia capessere velit, iam cessabit illius voti obligatio, quia iam est ei melius non ducere, quam ducere uxorem.

Quæres quinto. An votum sit validum, si voueas te non amplius voturum? *Resp.* irritum est propter rationem, assignatam. Nam absolute melius est vouere, quam non vouere, si ita: en aliquis facilius sit ad vouendum, is valide vouere poterit, se in posterum non voturum nisi re prius cum viro prudente communicata. Melius enim est, præsertim tali homini vouere ex matura deliberatione cum viro prudente, quam vouere absque huiusmodi deliberatione. Vnde hoc ipsū potest
cadere

cadere sub aliud votum: Si tamen post tale votum rursus ex animi leuitate voueret, valeret hoc votum posterius, modo ea consideratio adsit, quæ in aliis rebus ad meritum vel peccatum mortale sufficeret, peccaret tamen sic vouendo, quia violaret prius illud votum quo promiserat se non amplius voturum sine alterius consilio.

7. *Quæres sextò.* An opera præcepta cadant sub votum? aliqui videntur negare. *Primò* quia votum est promissio boni melioris: At nomine boni melioris intelligitur opus consilij, seu supererogationis, ut patet ex *D. Tho. art. 1.* Deinde quia ibidem indicat huiusmodi vota quibus homo vouet se seruaturum præcepta, esse solum analogicè vota, vocatque ea communia, quasi non propriè, sed generali solum ratione dicantur vota, sicut ea quæ in baptismo fiunt. *Tertiò*, quia ad opera præcepta iam antè obligamur, & illa obligatio est sufficiens: ergo frustra adhibetur alia obligatio voti. *Quartò*, quia si votum inducit nouum vinculum super vinculum præcepti; ergo etiam inducet vinculum nouum supra obligationem prioris voti: ergo si quis centies idem voueret, centuplici obligatione teneretur, ac proinde centuplum peccaret violando votum, quod est absurdum. *Resp.* Certum est laudabiliter aliquid posse voueri Deo, ad quod præcepto naturali vel positiuo adstringimur, & per tale votum induci nouum vinculum. Ita *Durand. 4. d. 38. c. 1. Richar. d. 39. q. 2.* Probat *primò* ex perpetuo vsu Ecclesiæ, vbi non solum vouetur abstinentia à nuptiis, quæ non est præcepta, sed etiam abstinentia ab omnibus illicitis voluptatibus extra matrimonium, quæ omnibus est præcepta. *Secundò*, quia *Gen. 28. v. 20.* vouit Iacob se culturum verum Deum, & non Deos alienos, & tamen hoc est præcepti, non consilij. *Tertiò*, quia iuramento possumus nouum vinculum inducere ad seruanda ea, ad quæ aliàs tenebamur: cur non etiam

eiam voto? *Quarto*. Si aliquid debeam proximo ex mutuo, vel alio contractu, possum rursus me illi obstringere ad idem per promissionem: ergo idem possum in iis, quæ Deo debeo. *Quinto*, opera præcepta sunt Deo gratissima, ergo possunt illi promitti, hæc autem promissio adferret novum vinculum: sicut enim creditor pluribus titulis potest idem exigere à debitore: ita debitor potest pluribus titulis se ad idem obstringere.

8. Ad *primum* negant nomine meritis boni solum intelligi opus contritum, seu supererogationis, quamvis præcipuè id intelligatur. Ad *secundum* Resp. D. Th. uti distinctione: dicit enim rem præceptam cadere sub votum, non quatenus est iam debita, sed quatenus est in nostra potestate eam facere, vel omittere. Ad *tertium* etiamsi obligatio præcepti sit sufficiens, tamen obligatio voti superueniens non est superflua: tum quia magis excitat nos ad præstandum id quod tenemur facere: tum quia est causa meriti maioris, quia operamur ex duplici virtute. Ad *quartum*. Si is, qui secundo vouet, intendat se nouo modo obstringere, tunc erit noua obligatio eiusdem speciei, vel certè augmentum prioris obligationis intra eandem speciem. Ac proinde si violet votum, grauius peccabit: si tamen non intendat nouam obligationem sibi inducere, sed solum renouare priorem ad excitandum spiritum, tunc non inducetur noua obligatio, neque prior crescit intra eandem speciem, quia votum non operatur ultra intentionem vouentis.

Q V Æ S T. V. *An bonum sit vouere ad colendum Deum?*

1. **C**aluinistæ & Lutherani docent impium esse vouere aliquid Deo, quod non sit præceptum ad colendum Deum, posse tamen tale quid voueri ob aliū finem v.g. ad vitandam aliquam molestiam, vel alia vitæ negotia melius transigenda. Ratio illorum est, quia nihil

nihil usurpandum est ad cultum diuinum, nisi quod Deus præceperit. Alioqui est cultus voluntarius, quem tanquam superstitionem reprehendit Apostolus *Colos. 2. v. 22. Calvinus 4. inst. c. 13. §. 1. & seq. Luth. de libertate Christiana*. Vnde inferunt vota Religiosorum esse iniqua & irrita, & Franciscum, Dominicum, Bernardum damnatos esse, nisi sortè professi sint in religione, non ob cultum diuinum, sed ut liberi essent ab vxoribus: & aliis curis temporalibus.

2. Prima Conclusio. Bonum est vouere Deo etiam opus non præceptum animo deferendi cultum & Deo placendi, Est de fide. Probatur primò quia Scriptura hortatur nos ad vouendum, *Psal. 75. v. 12. Vouete & reddite Domino Deo vestro omnes qui in circuitu eius offertis munera*. Sed implicat fieri votum, & non animo colendi Deum saltem implicitè, quia votum intrinsecè est quidam Dei cultus. Nulla enim Deo fit promissio, vel oblatio ad laudandum eius inopiam, aut vtilitatem conferendi, sed solum ad eum honorandum, & gratum obsequium offerendum. *Secundò*, si votum fieri potest ob aliam causam, cur non etiam ad colendum Deum: præsertim cum Apostolus hortetur ut omnia faciamus ad Dei gloriam quæcunque facimus, *Tertia*, quia omnia vota, de quibus agitur *Leuit. 27. Deut. 12. & 23. & alibi*, sunt de rebus præceptis.

3. Tertia Conclusio. Non solum bonum est vouere Deo ad ipsam colendum, sed etiam votum soluere, & perficere, animo colendi Deum. Est de fide. Probatur primò, *Psal. 73. v. 12. Vouete, & reddite. Deut. 23. v. 21. Cum votum voueris Domino Deo tuo, non tardabis reddere; si moratus fueris, reputabitur tibi in peccatum: si nolueris polliceri, absque peccato eris*, ubi apertè loquitur de voto rei liberæ, non præceptæ. *Secundò*, quia eiusdem virtutis est vouere & reddere: etsi enim promittere homini, & promissa soluere, non sunt eiusdem virtutis

tutis: cum illud sit liberalitatis, hoc fidelitatis: tamen promittere Deo, & soluere promissa pertinent ad eandem virtutem Religionis. Nam utroque actu Deum honoramus, & bonorum nostrorum auctorem profite-mur, quamvis vouere ut voluntatis, soluere necessita-tis. Ad rationem hæreticorum Resp. falsum esse quod assumitur, ut ex dictis patet, neque Apost. ad Coloss. re-prehendit cultum voluntarium simpliciter, sed cum qui so à inuentione humana conitat. quod potest fieri dupliciter. *Primo*, si deferatur numini falso. & ab homi-nibus inuento, qualis est cultus Angelorum, quem Pla-tonici, & Simon Magus eis deferrebant, qua de re agit Apost. ut plerique interpretantur. *Secundò*, si exhi-beatur vero Deo, sed cum falsa opinione: ut si quis a-bstineat à cibis quod putet eos esse immundos, vel ponat vim in aliqua re, vel circumstantia, in qua non est po-nenda, ut in numero, in situ, in colore.

QVÆST. VI. *An melius sit facere aliquid ex voto,
quam sine voto?*

1. **C**onclusio. Facere aliquid ex voto non solum bonum est, ut dictum, sed etiã melius est, quam facere illud idem sine voto. Probatur *primò*, quia Scri-ptura hortatur ad vouendum, quod non faceret nisi opus factum ex voto esset Deo gratius. *Secundò*, quia quãdo opus, quod aliàs ex se bonum est, sit ex voto, tunc habet duplicem laudem: vnam ex se & ex sua specie: al-teram ex affectu religionis. *Tertiò*, quia qui vouet & vo-tũ soluit nõ solũ effert Deo bonũ opus, sed etiam boni operis facultatẽ, Nam priuat se facultate illius omitten-di. Vnde similis est illi qui donat non solum fructus ar-boris, sed etiam ipsam arborem, ut ait *Anselm. l. de simi-litudinibus c. 84.* Qui autem solum opus præstat absque voto non dat Deo operis illius facultatem. *Quartò*, qui facit ex voto, operatur ex proposito firmiori & magis inmutabili: hoc autem est melius. *Vide D. Thom. art. 6.*

2. Obijcies *primò*, Quod fit ex necessitate, est minus Deo gratum, quam quod fit liberè; sed quod fit ex voto, fit ex necessitate; ergo quod fit ex voto, est minus Deo gratum quam quod fit sine voto. Maior patet ex illo 2. Cor. 9. v. 7. *non ex tristitia aut necessitate: hilarem enim datorem diligit Deus* Minor probatur, quia votum inducit vinculum. Vnde Apost. 2. Cor. 7. v. 35. vocat laqueum, cum ait: *Hoc ad utilitatem vestram dico, non ut vobis laqueum iniiciam*: q. d. hortor ad continentiam, non ad votum; ne sit vobis in laqueum Respondeo tribus modis potest aliquid fieri ex necessitate, *Primò*, quia fit ex absoluta determinatione ad vnum, ut visio beatifica. *Secundò*, quia fit ex aliqua coactione, id est, repugnante voluntate. *Tertiò*, quia fit ex obligatione, siue ea proueniat ex præcepto: siue ex voto: siue aliunde. Maior ergo propositio vera est de necessitate coactionis, de qua loquitur Apost. Ad minorem Respondeo votum non vocari laqueum. sed præceptum inuitis impositum.

3. Obijcies *secundò*. Melius est donate quid gratis, quam ex obligatione: ergo melius est facere sine voto, Respondeo. Antecedens potest esse verum respectu hominum, non tamen respectu Dei. Nam hominibus gratius est ut aliquid ipsis donetur gratis, quia tunc videmur aliquid lucrari. At Deo non est semper gratius, quia non quærit lucrum ex nostris operibus; sed id semper est ei gratius, quod facimus ex pluribus, vel melioribus affectibus.

QVÆST. VII. *An votum unius possit obligare alterum?*

1. **Q**uæstio est, an votum parentis possit obligare filium; aut votum testatoris hæredem: aut decessoris successorem. Suppono aliud esse votum personale, aliud reale, aliud mixtum.

2. Prima Conclusio. Si votum sit personale non obligat nisi personam. Tale est votum ieiunij; peregrinationis,

tionis, Religionis, militiæ sacræ, & similia. Ratio est, quia hæc vota solum sunt de actionibus personalibus, quæ à sola persona vouente sunt exequenda. Vnde si huiusmodi votis nondum solutis vouens decesserit, nō tenetur hæres.

3. Quæres. An si voto personali implendo occurrat impedimentum, teneatur vouens per alium implere? Respondeo non tenetur, quia sola ipsius persona obligatur, quæ iam per impedimentum excusatur. Quod si per alium fecerit, non ideo liber erit cessante impedimento, nisi commutetur votum. Excipe nisi intendisset se obligare ad implendum votum per alium, casu quo per se non posset, tunc enim teneretur curare, & sic liberaretur.

2. Secunda Conclusio. Si votum sit reale, nisi ante mortem persolutum fuerit, obligat hæredem. Ita *Sylu. v. votum 2. quest. 11. & alij passim*. Colligitur ex *c. hæredes, de testamentis & ex l. 2. ff. de pollicitationibus*. Ratio est, quia sicut hæres succedit in bonis, & actionibus, & iuribus defuncti; ita etiam in oneribus quæ hæreditatem attingunt, etiam si nulla res per se sit obligata. Vnde sicut ea quæ testator promisit homini, tenetur soluere; ita etiam quæ promisit Deo. Idem dicendum est, si defunctus vouerat aliquam peregrinationem ea intentione, vt si per se non posset exequi, per alium curaret: tunc enim sub conditione censetur tacitè vouisse, se daturum sumptus ad hoc præstandum, ac proinde fecisse votum reale, ad quod tenetur hæres. Simile est si quis vouit ædificare monasterium, vel aliam piam foundationem.

5. Quæres. An hæres peccaret contra votum, si non exequeretur? Resp. non, quia ipse nihil vouit, aut Deo promisit. Simile est de hærede qui tenetur promissione testatoris iuramento confirmata: non enim tenetur vinculo iuramenti. Cōtra quam virtutem ergo

peccaret? Resp. partim contra obligationem, qua defuncto obstringitur ratione hæreditatis acceptæ, seu ratione taciti pacti, quo acceptat onera defuncti, hæreditatem ad eundo: partim contra religionem, quia non soluit quod debet: etsi enim Deo non promiserit, tamen factus est Deo debitor, suscipiendo in se obligationem alterius Deo debentis.

6. Tertia Conclusio. Si votum sit mixtum, tum, partim obligat: partim non obligat. Obligat quæ reale: non obligat quæ personale, v. g. si vouisti peregrinari Lauretum, & offerre ibi calicem, hæres tuus tenetur mittere calicem: non autem eò peregrinari.

2. Quæres. An teneatur sumptus itinæris in pios vsus conferre? Resp. non, quia sunt accessorij voto personali: ergo euanescente voto personali, desinunt deberi. Dices. Quid si defunctus, cum faceret votum, intendisset, ut per alium expleretur. Resp. nunc hæres teneretur ad sumptus faciendos.

QVÆSTIO VIII.

Quot modis possit quis solui, aut liberari à voto.

1. Conclusio. Id potest fieri 5. modis. *Primò*, de conditione materiæ; ut si id quod ante erat legitima materia desinat esse materia voti, vel absolutè, vel respectu vouentis, v. g. si fiat impossibilis, si mala, si indifferens, si inutilis, si maioris boni impeditiva. *Secundò*, de defectu conditionis; ut si votum factum sit eueniente, vel durante certa conditione, & non eueniat, vel desinat. *Tertiò*, irritatione; ut quando materia quam vouemus, aliquo modo subiecta est alterius potestati, & ab illius consensu dependens, qui tamen nolit cōsentire. *Quarto*, commutatione, ut quando obligatio voti ab vna materia transfertur in aliam. *Quintò*, dispensatione, ut quando quis auctoritate Ecclesiastica absoluitur omnino à voto. Vide Syluest. v. votum 4. q. 1. & Nauarr. c. 12. n. 63.

QVÆST.

QVÆST. IX. *Quorum vota possint irritari, & a quibus?*

1. **D**icam primò generatim. Deinde ad certa hominum genera in particulari descendam.

2. Prima Conclusio. Omnium illorum vota possunt irritari qui alteri subiecti sunt, vel in omnibus, vel saltem quoad illam materiam, quam vouerunt. Ratio est, quia horum vota pendent à consensu alterius, ac proindè includunt hanc tativam conditionem, nisi Superior, vel cuius interest contradixerit. Vnde si ille certior factus de voto cōtradixerit, cessabit obligatio. Hinc sequitur ad irritationē non requiri causam, sed sufficere irritantis voluntatē, vt docent cōmuniter Theologi.

3. Quæres. An peccet, qui sine causa irritum fecerit alterius votum? Negant *Palud. in 4. d. 38. q. 4. a. 2. Syn. v. votum 4 q. 2. Angelus v. votum 2. num. 10.* Ratio, quia totum votum in eius arbitrium collatū est, nec vlla lege cogitur illud approbare. *Secundò*, quia vitur suo iure, sine probet, siue improbet. Alij putant illum peccare. *Primò*, quia irritare votum alterius sine causa est actus otiosus, cum careat honesto fine: ergo est peccatū saltem veniale. *Secundò*, quia Scriptura dicit, maritum peccare qui irritat votū vxoris sine causa. *Num. 2. v. 6. Sin autem contradixerit, postquam rescivit, portabit ipse iniquitatem eius.* Resp. probabilius non excusari à peccato veniali. Ratio est, quia sine causa velle impedire bonū opus, est malum: cum enim alia causa non subest, videtur fieri ex displicentia boni operis. Locus tamen scripturæ citatus non facit ad propositum. Nam ibi agitur de marito, qui sciens votum vxoris diu dissimulauit, & postea irritauit, cum tamen statim id facere debuisset.

4. Secunda Conclusio. In particulari disputari solet, an vota Religiosorum irritari possint à Superiore: Nouitiorum à Prælato: impuberum à parentibus: seruorum à dominis: vxoris à marito: Laicorum à Pontifice: Hæc breuiter examinanda sunt.

5. *Quæres primò.* An omnia vòta Religiosorum possint irritari à Superiore. Suppono Religiosos posse multa validè & meritoriè vouere, nempe ea quæ Regulæ, vel superioris præcepto non repugnant, quia vouere per se est opus consilij, & aliàs non est religiosis prohibitum. Vnde obligantur etiam antequam Superior consentiat, aut resciscat vt docet *Palud. in 4. d. 38. q. 4. art. 2. Syl. v. votum 3. q. 3. Caiet. art. 8. Sotus l. 7. de inst. q. 3. art. 1. Nauar. c. 12. num. 67. & plerique alij.*

6. *Dices primò.* c. *Monacho* 20. q. 4. dicitur: Monacho non licet vouere sine consensu Abbatis sui; si autem vouerit, frangendum erit. Confirmatur, quia Monachus non habet propriam voluntatem, sed eam transtulit in Abbatem. Ob hoc argumentum aliqui putant Monachum non posse vouere sine Abbatis consensu, & ante illius consensum votum non habere vim, vt *Richard. in 4. d. 38. circa 4. principale quæ. 1. Maior. ibid. q. 4. Aug. v. votum 2. num. 3.* Resp. canonem illum esse dubiæ auctoritatis. Non enim est alicuius Pontificis, aut Concilij, neque est Basilij M. (et si Gratianus id insinuet) quia in toto Basilio non est nomen Abbatis. Dici tamen potest cum Glossa c. illud intelligendum esse de voto abstinentiæ, quo scandalizantur ceteri. Ad confirmationem. Resp. Monachum non ita transtulisse voluntatem suam in superiorem, quin in multis, quæ superior non prohibuit, sui sit arbitrij.

7. His positis, communior sententia est, omnia vòta Religiosorum irritari posse à prælato, præter votum ætioris Religionis. Ita *Aug. Sylu. Sotus, Nau. &* colligitur ex *D. Thom. art. 7. ad 3. vbi docet nullum votum Religiosi esse firmum, nisi de consensu Prælati.* Ratio est, quia voluntas Religiosorum debet esse perfecta & dependens à voluntate Superioris, in omnibus, quæ ad vitæ directionem spectant: ergo etiam in nouis obligationibus suscipiendis. Hæc tamen ratio non videtur firma,

vt ex dictis patet; nec puto firmam afferri posse ex natura rei, siue Professionis, siue status Religiosi, nihil enim horum tantam subiectionem & dependentiam voluntatis postulat) sed solum ex dispositione iuris: sicut enim ex dispositione iuris in omnibus votis impuberum est tacita conditio, si patens, vel tutor non contradixerit; ita in omnibus votis Religiosorum ex eiusdem iuris dispositione videtur inesse hæc tacita conditio, nisi Prælatus contradixerit. Nam sicut potestas civilis in contractibus potest apponere conditiones quæ semper intelligi censeantur, etiam si à contrahentibus additæ, vel cogitatæ non fuerint; ita Ecclesia potest statuere in votis & iuramentis, quando iusta causa subest,

7. Dices *secundò*. Vnde constat Ecclesiam de votis Religiosorum ita statuisse. Resp. id colligi ex ipso usu & praxi recepta in religionibus, quæ non potest aliunde, quam ex Ecclesiæ consensu prouenire. Excipitur tamen votum arctioris Religionis, quia iura concedunt omnibus Religiosis, vt possint trāsire ad arctiorem Religionem etiam inuito Superiore, ac proinde nō volunt hoc votum in arbitrio Superioris constituere.

9. Quæres *secundò*. An postquam Prælatus consensit in votum, possit illud irritare? *Negant Richard. loc. cit. q. 3. & quidam recentiores. Primò*, quia postquam Prælatus consensit, non amplius votum est pendens, sed transit in absolutū: ergo Prælatus nihil amplius habet, quod circa illud agat. *Secundò*, si subditus ex consensu Prælati promittat aliquid homini, non potest reuocari: ergo neque si Deo. Contrarium tenet *Panorm. in c. Carissimus, de conuersatione coniugatorum. Sylu. v. votum 4. c. 2. Caiet. a. 8. Nauar. nu. 61. Sotus art. 1* Probat *primò*, ex *D. August. q. 59. in nostros*, vbi apertè docet uxorem non amplius teneri voto, si vir contradixerit, etiam si antea concessisset. Loquitur autem de votis ieiuniorum, & similibus, in quibus vir est caput mulieris. Idem ergo

dicendum de omnibus Superioribus. *Secundò*, quia Superior per consensum priorem non definit esse Superior, nec censetur cessisse suo iure quod habet in subditum quoad illam actionem: ergo si Superior eam prohibet, inferior tenetur obedire. *Tertiò*, si sit iusta causa potest superior irritate. Atqui nō est inferioris discutere, an talis causa subsit: ergo quandocumque Superior irritauerit, potest inferior censere se esse liberum. *Quartò*, successor potest irritate votum Religiosi, in quod Prælatus decessor consenserat, ut omnes fatentur: ergo idem poterat ipse decessor, quia non minor est ipsius potestas, quam successoris. Hæc sententia probabilior est, quamvis putem, non habere locum, quando materia non subest irritandi, sed solum persona ratione defectus iudicij: ut si pater consentiat in votum filij impuberis vouentis castitatem, vel Religionem, tunc enim non videtur amplius irritum posse reddere.

10. *Ad primum contrarium Respond.* Votum illud per consensum Prælati non ita fieri absolutum, ut à nulla amplius conditione dependeat, alioqui non posset irritari à prælato successore. Itaque manet in illo hæc tacita conditio, nisi aliquando Superior contradixerit, & meritò, quia non decet ut sit litigium inter subditum & Superiorem in iis, in quibus ille Superior est. *Ad secundum.* Et si talis consensus non possit sine peccato reuocari absque legitima causa, tamen reuocatio valida est, ita ut subditus non possit rem promissam tradere, quia non solum promissio, sed etiam traditio & executio pendet à voluntate Superioris.

11. *Quæres tertiò.* An vota Nouitiorum possint irritari à Prælato? *Resp. primò*, non possunt irritari, quia Nouitij sunt adhuc sui iuris, nondum in potestate Prælati. *Secundò*, possunt tamen suspendi, si illorum executio impediat exercitia probationis. *Tertiò*, si non impediat, non possunt suspendi. Ita *Sylu. v. votum* 4.

9. 7. Hinc sequitur vota realia non posse à Prælato suspendi, quamuis commutari possint in onera Religionis vel à Prælato, vel à Confessione, vel etiam (vt quibusdam videtur) ab ipso nouitio, quia est commutatio in id quod agenti melius est. Nota quando votum fuit suspensum, reuiuiscit obligatio. si contingat illum egredi ante professionem; si professionem fecerit, omnia commutantur ex dispositione in vota professionis.

12. Quæres quarto. An vota impuberum possint irritari à patre? Resp. possunt irritari à patre, vel à tutore qui est loco patris; non tamen à matre, nisi mortuo patre sit loco tutoris. Colligitur ex c. *mulier.* 32. & ex c. 1. de regul. in 6. & ex c. *ad nostram de regul.* Ratio est, quia ante tempus pubertatis non præsumuntur habere satis iudicij, vt maturè de huiusmodi rebus statuere possint.

13. Quæres quinto. An vota impuberum, quæ ante pubertatem facta sunt, possint irritari à patre post pubertatem. Negat *Sotus l. 7. q. 3. a. 2.* quia iam non amplius subiecti sunt quoad votum: sicut dominus votum serui emillum in seruitute, non potest irritare post seruitutem, eo quod iam sit extra ipsius potestatem. Contrarium rectius tenent *Caict. q. 189. a. 5. Nauar. c. 12. num. 72. & alij.* Ratio est, quia illud votum ex interpretatione iuris erat conditionatum, nempe si parens vel tutor non contradixerit, quam conditionem per tractum tēporis non amisit. Suppono enim nullam circa ipsum votum mutationem esse factam, neque illud in ætate pubere fuisse ratificatum. Itaque cum conditio adhuc maneat, & firmitatem voti quasi suspensam teneat: si parens nolit esse firmum, desinet obligatio: Nec est simile de seruo. Nam dominus solum potest irritare votum serui, quatenus officit illius obsequijs. Vnde quando non potest amplius officere, non potest irritare.

14. Quæres sexto. Quid dicendum de votis impuberum, quæ cōferuntur in tēpus pubertatis, vt si voueat

aliquid exequendum cum adoleuerit : Resp. Hæc eodem modo possunt irritari, vt docet *Sylu. v. 2. otum 4. qu. 2. Naur. c. 12. num. 67. Sotus l. 7. q. 3. a. 1.* Ratio est, quia omnia vota impuberum habent tacitam conditionem ex dispositione iuris, propter ætatis illius imprudentiam, quæ in omnibus illorum votis locum habet.

15. *Quæres septimò.* Virum vota seruorum vel mancipiorum possint irritari à Domino. Resp. possunt irritari, quatenus eius obsequio possunt esse impedimento, etiam si ante seruitutem emissæ essent; vt votum peregrinandi aut recitandi horas canonicas: si non impediunt, non possunt; vt votum castitatis, votum se non inebriandi, signandi se cruce, commendandi se Deo, & omnia illa quæ referuntur ad tempus finitæ seruitutis.

16. *Quæres octauò.* An maritus possit irritare vota vxoris. Aliqui generatim affirmant, vt *Panorm. in c. scripturæ de voto, Sotus supra, Abulensis in c. 30. n. q. 80.* Alij sentiunt ea tantum irritari posse à marito quæ ipsi incommodant: vel quæ ad familiæ administrationem pertinent, in quibus maritus est caput vxoris. *Ita Palud. dist. 38. quæst. 4. art. 2. & passim Canonistæ.* Ratio, quia vxor non in omnibus est subiecta viro, nec in omnibus ipsius iuri officit: Nec censenda est ex iudicij debilitate, sicut impuberes, vt in omnibus dirigi debeat. Itaque maritus non potest tollere vota certarum precum, elemosynarum (præsertim ex rebus quarum integram administrationem habet vxor) non mentiendi, non omitendi sacri; potest tamen tollere votum ieiunij, peregrinationis.

17. *Quæres nonò.* An Pontifex possit irritare omnia vota laicorum? Aliqui affirmant, quia ipse est omnium Superior, ac proinde eius autoritas censetur vbique recepta. Hæc tamen sententia non placet; quia non est Superior in omnibus publicis & priuatis, neque quoad domesticam gubernationem; sed solum in iis, quæ ad
totam

totam Ecclesiam spectant; non enim potest præcipere, aut impedire, ne laicus ieiunet, ne peregrinetur, orer, eleemosynam largiatur: Idem dicendum de votis Clericorum seculariū, nisi sint de rebus quæ ipsius administrationi officere queant, vt si voueat aliquis resignare beneficium suum in fauorem monasterij: vel si Episcopus voueat longam peregrinationem, aut ingredi Religionem.

QVÆST. 10. *Quinam possint vota commutare, & quo pacto-*

1. **P**rima Conclusio. Vnusquisque potest propria sua autoritate commutare votum suum in id quod constat esse melius. Ita *Maior in 4. d. 38. qu. 3. Angelus verbo votum 4. quest. 2. Caiet. hic art. 12: Sotus l. 7. quest. 4. art. 3. Nauar. c. 12. num. 75. Couarr. in c. Quamuis pactum p. 1. §. 3. num. 4.* Probatur ex c. peruenit 2. de iureiurando, vbi dicitur; propositum seu promissum non infringit, qui in melius commutat. Ratio est, quia in eo quod melius est, censetur contineri quod minus est. Vnde qui dat melius, excellenter soluit quod promiserat: sic inter homines optimè soluit promissum, qui dat id quod promissario est gratius, si loco ouis promissæ det bouem; aut loco nummi argentei det aureum. Hinc fit, vt votum orādi 7. Psalmos possim commutare in votum faciendi sacrum, & peregrinationem ad locum vicintū, in peregrinationem Lautetanam, & omnia personalia & realia in votum Religionis, & votum ingrediendæ Religionis laxioris in strictiorem, Melius voco, non quod ex genere suo est præstantius, sed quod omnibus expensis Deo gratius est nos facere.

2. Dices primò Commutatio votorum pertinet ad auctoritatem Superioris, sicut & dispensatio, vt patet ex c. 1. de voto & voti redemptione, vbi dicitur commutationem voti pendere ab arbitrio Superioris: ergo

sicut nemo priuata authoritate potest in suo voto dispensare, ita nec commutare. *Secundo*, quia creditor soluens debitori rem meliorem, non soluitur ab obligatione, sed tenetur soluere quod debet, ut habetur l. 2. ff. si certum petatur. *Tertiò*, quia nemo potest esse Iudex in propria causa. Ob hæc argumenta quidam putant, vota non posse propria authoritate in melius commutari, ut Syluest. v. votum 4. quæst. 7. ubi citat pro se Inno. Ioann. Andr. & Goffredum. Ad primum Respondeo. Commutatio requirit authoritatem Superioris, nisi quando non constat id esse melius, in quod fieri debet commutatio; vel enim requiritur authoritas Prælati, ut in persona Dei determinet quid sit Deo acceptum, ut docet *Div. Thom. ar. 12. ac* proinde non erit necessaria, quando id est per se satis notum: vel requiritur ut nomine Dei condonet priorem obligationem pro posteriore, & hoc non est necessarium in proposito casu, quia promissio rei minoris abundè soluitur in re maiori ita ut non sit opus beneficio condonationis. Ad secundum. Lex illa intelligenda est de re meliore, quæ tamē non sit gratior creditori: sæpe enim quod melius est, homini non est gratius. Ad tertium, nemo potest esse Iudex in propria causa inuita parte; potest tamen si pars consentiat: hoc autem fit in proposito.

3. Quæres. An aliquis sua authoritate votum reale factum in fauorem huius Ecclesiæ, vel piæ causæ, possit commutare in votum reale melius, quod sit in commodum alterius Ecclesiæ? Ut si vouisti dare 3. aureos Ecclesiæ B. Petri, an possis commutare in calicem aureum Ecclesiæ B. Virginis. Quidam putant, ne authoritate quidem Episcopi id fieri posse. Ratio est, quia in causis piis per promissionem ius acquiritur absenti, ut possit rem promissam exigere, ut patet L. illud, & L. ut inter. C. de sacros. Eccles. & ita tenet Archidia. alique Canonistæ apud Sylu. v. votum 4. qu. 7. Resp. Probabilius est posse
tale

tale votum etiam ab ipso votante in melius commutari. Ratio est, quia per tale votum non acquiritur ius pio loco vel Ecclesiæ, sed solum Deo, cui ipsum votum fit, cui gratum est illud in melius commutari, ut ostendit *Caiet. tom. 2. opusc. 11. q. 3.*

4. Dices. Quid si addatur promissio, qua res promittatur Ecclesiæ, vel sancto illius Ecclesiæ prædici. Resp. Tunc est distinguendum: si enim verba promissionis dirigantur ad Sanctum, solum acquiritur ius ipsi Sancto, cui gratum est promissionem illam in melius commutari: si autem dirigantur ad Ecclesiam, vel prælatum, Ecclesia nullum ius acquirit, nisi promissio acceptetur: unde ante acceptationem potest commutari in melius ad commodum alterius propria autoritate: post acceptationem non potest nisi à prælato.

5. Secunda Conclusio. Omnia vota ante emissam possunt commutari propria autoritate in vota Religionis: nempe Castitatis, Paupertatis & Obedientiæ. Est communis, & colligitur ex c. *Scriptura de voto*, ubi Alexander III. sic ait: *Reus fracti voti non habetur, qui temporale obsequium in perpetuam Religionis observantiam noscitur commutare.* Vota Novitiorum ante emissam possunt durante novitiatu autoritate Prælati commutari in exercitia Religionis, donec vel proficeantur, vel egrediantur. Vide *Sylvest. v. votum 4. qu. 7.*

6. Tertia Conclusio. Quisque habet potestatem dispensandi ordinariam vel delegatam, habet etiam commutandi: non tamen contra. Prima pars est *Palud. in 4. d. 3. q. 4. art. 3. Sylu. v. votum 4. q. 3. Sot. l. 6. q. 4. art. 3. Couar. de pactis p. 1. §. 3. num. 10.* Ratio est, quia commutatio est quædam pars dispensationis, vel imperfecta quædam dispensatio, ut patet ex c. 1. *de voto*: qui autem potest quod maius est, potest etiam quod minus est. Hinc probatur secunda pars, quia non statim qui potest quod minus est, potest etiam quod maius est.

7. Quarta

7. Quarta Conclusio. Quod ad modum commutationis attinet, qui solum habet potestatem commutandi, debet commutare in æquale, & penè æquale: si enim notabiliter esset minus, admisceretur dispensatio: quanquam probabile sit, priuilegium commutandi, ita intèlligendum esse, vt possit fieri in minus. Nam vt fiat in æquale, non requiritur priuilegium, iuxta multorum sententiam. Itaque admisceretur ferè semper parua dispensatio.

8. Quinta Conclusio. Quod ad causam attinet, ad commutationem minor requiritur causa quam ad dispensationem; quia dispensatio omnino liberat, commutatio aliud subrogat. Vnde si commutatio fiat in melius, nulla alia causa requiritur, si in æquale & authoritate Superioris, sufficit maior voluntatis in illud propensio: si autem dubitetur an sit æquale, sufficit aliqua notabilis molestia in implendo, vel magna fragilitas cum periculo violandi, vel repugnantia parentis aut mariti, vel simile quoddam iuxta prudentis æstimationem.

9. Quæres. An facta commutatione possit vouens redire ad prius votum omisso eo, in quod facta est commutatio? Resp. Potest quia facta est in ipsius fauorem, vnde potest ei renunciare: alioqui non tam esset fauor, quam onus.

Q V Æ S T. X I. Quinam possint in votis dispensare?

1. **D**ispensare in voto nihil aliud est, quam relaxare voti vinculum & tollere eius obligationem, condonando nomine Dei illud debitum, quod erga Deum vouendo contraximus.

2. Prima Conclusio. In Ecclesia est potestas dispensandi in votis, iuramentis, & similibus obligationibus erga Deum contractis, vt patet ex perpetuo vsu Ecclesiæ: Probatur primò, ex illo 2. Cor. 2. *nam & ego quod donavi, si quid donavi, propter vos in persona Christi,*

vbi Apostolus significat se condonasse debitum pœnæ contractum ex culpa. Hinc colligit rectè *D. Th. art. 12. & alij Theologi*, Ecclesiæ Prælatos posse condonare nomine Dei debitum contractum ex voto vel iuramento. Ratio est, quia si Christus Ecclesiæ suæ contulit potestatem soluendi à vinculo culpæ & pœnæ, cur nō etiam à vinculo votorum & iuramentorum? præsertim cum id sæpè ad salutem animarum sit necessarium.

3. *Secunda Conclusio.* Hæc potestas iure ordinario competit solis Prælatiis habentibus iurisdictionem in foro externo. Probatur *primò*, quia pertinet ad externam Ecclesiæ gubernationem, sicut potestas relaxandi leges, aut excommunicandi: *Secunda*, quia non est potestas ordinis, sed iurisdictionis: ergo ordinariè non competit nisi habenti iurisdictionem externam. Dixi *ordinariè*, quia ex delegatione, vel priuilegio, potest aliis conferri.

4. *Tertia Conclusio.* Episcopi iure ordinario possunt in omnibus suorum subditorum votis dispensare, exceptis iis, quæ summo Pontifici sunt reservata. Est communis. Ratio est, quia Episcopus, seposita reservatione Pontificis, potest omnia in sua Diœcesi, quæ potest Pontifex in tota Ecclesia.

5. *Quæres.* Quam vota sint Pontifici reservata? *D. Thom. art. 10.* dicit ei reservari vota perpetua. His addit *a. 12.* votum peregrinationis terræ sanctæ. Resp. communis ferè sententia est, hæc quinque esse illis reservata, votum castitatis perpetuæ, religionis approbatæ, peregrinationis ad limina Apostolorum, ad S. Iacobi Compostellam, & ultra marinæ, seu in terram sanctam. Hinc sequitur Episcopum posse dispensare. *Primò*, in voto paupertatis, & obedientiæ perpetuæ in tali religione. *Secundò*, in voto castitatis non perpetuæ. *Tertiò*, in voto non petèdi debitum. *Quartò*, in voto nubendi. *Quintò*, in voto suscipiendi sacros ordines. *Sextò*, in quibus

quibusdam qualitatibus substantiæ voti reservati adiunctis, ut si vouisti ingredi religionem strictam, potest commutare in laxiorem: aut si vouisti peregrinari pedibus, potest concedere equum.

6. Quarta Conclusio. Prælati Regularium habentes potestatem quasi Episcopalem in suos, possunt dispensare in votis Regularium, sicut Episcopus in votis suorum subditorum. Est communis. Ratio est, quia quando aliqua Religio vel Monasterium eximitur per Pontificem ab iurisdictione Episcopi, tunc conceduntur Prælato ea omnia, quæ sunt iurisdictionis Episcopalis.

7. Quinta Conclusio. Confessarii ordinum mendicantium possunt ex privilegio Pontificis dispensare in omnibus votis, in quibus possunt Episcopi, excepto voto peregrinationis ultra duas diætas; id est, 40. miliaria Italica, ut patet ex *compendio privileg. FF. Minorum num. 115.* quorum privilegia cum reliquis ordinibus mendicantium communicantur.

8. Sexta Conclusio. Parochi non habent potestatem dispensandi, ne quidem in articulo mortis. Ratio est, quia carent iurisdictione fori externi: ergo non habent potestatem ordinariam dispensandi: imò nec delegatam, quia nulla exant de hac re eorum privilegia.

9. Septima Conclusio. Ut dispensatio sit valida requiritur, ut subsit iusta causa. Ita *D. Thom. art. 12. ad 2. & alij omnes.* Ratio est, quia nulla auctoritas potest validè condonare, quod Deo debetur, si iusta causa condonandi non subsit: Deus enim huiusmodi condonationem raram non habet: ut si quis absolvatur sine legitima dispensatione est inualida absolutio. Confirmatur, quia potestas dispensandi data est Ecclesiæ ad ædificationem, non ad destructionem.

10. Quæres. Quæ sit iusta causa dispensationis voti? Respond. generatim loquendo sunt duæ iustæ causæ,

causæ, nempe utilitas Ecclesiæ, & honor Dei, ut docet *D. Thom. art. 12.* Item utilitas vouentis & magna fragilitas eiusdem, per quam timetur sæpe violaturus. Vide *Navarr. cap. 12. num. 77. Sol. lib. 7. quæst. 4. art. 3. Caiet. a. 12.*

QVÆSTIO XII.

*An Papa possit dispensare in voto solemnī castitatis
Religiosorum.*

1. **N**Egat *D. Thom. art. 1.* Ratio eius est, quia votum castitatis est essentialiter annexum statui Religioso: ergo ab eo non potest diuelli: ergo nec tolli potest ab homine habente talem statum, quia ille status non potest tolli ab homine. Hoc probatur, quia hic status consistit in quadam consecratione per quam homo totus Deo consecratur: id autem quod semel Deo consecratum est, non potest amplius ad vsus humanos conuertere, nec potest desinere esse consecratum quamdiu integrum manet: ut patet in calice consecrato, & in homine consecrato in sacerdotem; ergo qui semel consecratus est per votum Religionis, non potest desinere esse Religiosus. Hinc ulterius infert *D. Tho.* non posse dispensari in voto solemnī paupertatis & obedientiæ: quia etiam hæc vota essentialiter sunt statui Religioso annexa, vel potius innixa & intrinsecè inclusa. Hic est totus discursus *D. Thom.* qui consistit in duabus propositionibus. Prior est, Votum castitatis est essentialiter annexum statui Religioso. Hæc est verissima & ab omnibus conceditur: & apertè colligitur ex capite *cum ad Monasterium* de statu Monach. Altera est, Status Religiosus non potest tolli ab homine quamdiu viuit: hæc est ambigua, & à multis negatur. Eandem sententiam (licet non eodem fundamento) tenent *Altijsiodorensis. 3. summa cap. 22. Glossa in cap. cum ad Monast. de stat. Monach. & in cap. 1. de voto & voti redemp. Alb. in 4. d. 38. art. 7. Almayn. tract. de potestate Papa cap. 3. Sylu. v. totum 4. quæst. 5. Sol. l. 7. de iust. quæst. 4. art. 2.*

Petrus Arrag. hic art. 11. Armilla v. dispensatio num. 13.
 Probatu^r primò, quia nihil est melius continentia, quo
 possit per ea fieri compensatio, iuxta illud *Ecclesiastici*
 26. *Omnis ponderatio non est digna animæ continentis.* Se-
 cundò, in voto solemni est traditio sui; in voto simplici
 solum est promissio: id autem quod semel est traditum
 non potest unquam reperi. Tertiò, si posset Papa dispen-
 sare in voto continentia^e solemni, posset fieri ut viuen-
 te priore vxore posset quis ducere secundam, ut si Pe-
 trus ductâ vxore ante matrimonium consummatum
 ingrediatur Religionem: deinde Papâ dispēsan-
 te egrediatur, & ducat secundam. Quartò, si talis voti vincu-
 lum posset tollere, posset etiam tollere vinculum ma-
 trimonij rati quod soluitur professione. Atqui hoc vi-
 detur absurdum: ergo.

2. Prima Conclusio. Solemnitas voti Religio-
 forum non consistit in aliqua benedictione vel con-
 secratione, ut innuit *D. Thom.* nec etiam traditione &
 acceptione, ut volunt *Sotus & Arrag.* sed in eo quod
 ipsum votû coniunctum sit professioni Religionis ap-
 probatæ, & susceptioni sacri ordinis. Prima pars pro-
 batur, quia nulla benedictio aut consecratio est neces-
 saria præter eam, quæ fit ab ipso vouente per votum;
 quo se Deo consecrat, qualis reperitur etiam in voto
 simplici. Nec refert quod in aliquibus Religionibus
 fiat aliqua benedictio à superiore, quia hæc non fit in
 omnibus: non enim fit in ordinibus mendicantium, nec
 est cōstitutiuæ rei sacra^e, quæ res accipiat quoddam esse
 sacrum (qualis est benedictio aquæ, salis, vestium sa-
 crarum) sed est tantum inuocatiua, sicut benedictio
 Pontificis & Episcopi super populum, & benedictio
 mēsa. Secunda pars probatur, quia etiâ in voto simplici
 castitatis fit traditio sui corporis ad cultû Dei: & acce-
 ptatio, tû à Deo tû à Prælato, ut patet in iis qui vouent
 castitatē in manib' Episcopi, & qui tria vota substantialia
 faciunt

faciunt in nostra societate. Tertia pars apertè patet ex c. *Quod votum, de voto in 6.* ubi Pontifex dicit votum solemnizari per susceptionem ordinis sacri, aut professionem Religionis: consistit ergo solemnitas eius formaliter in coniunctione cum professione aut susceptione ordinis Idem expressè habet *Greg. XIII.* in constitutione quæ incipit: *Ascendente Domino.*

3. Secunda Conclusio. Solemnitas voti introducta est ex sola Ecclesiæ constitutione, ut expressè habetur in *can. cit. & in constitut. Gregor. XIII.* Dicitur autem esse ex constitutione Ecclesiæ, *Primò*, quia Ecclesia approbat Religiones, sine qua approbatione votum non esset solemnne, sed simplex. *Secundò*, quia statuit ut ratione huius coniunctionis censeatur solemnne, & habere certos effectus, quos per se non haberet: nempe ut reddat inhabilem ad matrimonium. *Tertiò*, quia Ecclesia potest plura, vel pauciora ad voti solemnitatem requirere, plures, vel pauciores effectus ei tribuere: sicut etiam ad solemnitatem matrimonij plura vel pauciora potest exigere.

4. Tertia Conclusio. Papa ex iusta causa potest relaxare votum solemnne Religionis, & concedere ut matrimonium contrahant. Ita *passim Canonistæ teste Nauar. cap. 12. num. 77. & plerique Theologi, Henricus quodlibet. 5. quest. 22. Richard. in 4. d. 38. art. 1. Scotus & Durand. ibidem quest. 2. Palud. quest. 4. D. Thom. quest. 1. art. 4. quest. 1. ad 3.* Quamvis hîc mutarit postea sententiam ex prauo intellectu decretalis. *Cum ad monasterium*, teste *Caietano art. 11.* Probatur *primò*, quia Pontifex potest relaxare votum simplex castitatis perpetuæ, ut omnes concedunt: ergo etiam solemnne, quia solemnitas voti sola Ecclesiæ constitutione est introducta. At Ecclesia potest relaxare suam constitutionem. *Secundò*, Pontifex potest dispensare in voto solemnni Clericorum, ut fatetur *D. Thom. & alij passim*: ergo etiam

in voto solemnī monachorum: non enim illud est minus solemne, nec minus continet sui traditionem, quā hoc: nec refert, quod illud nō sit essentialiter annexum ordini sacro, sicut hoc statui Religioso, quia inde solum sequitur fieri non posse, ut quis maneat Religiosus soluto voto, non autem sequitur votum tolli non posse vnā cum statu Religioso. *Tertiō* probatur, quia Pontifex sæpē vñs est hac potestate, ut fide digni authores referunt. *Primò*, quia cum Nicolao Iustiniāno Monacho professō dispensauit *Alexander III.* ut posset uxorem ducere, ne familiā tam illustri extingueretur, ex quā susceptis sex filiis, & tribus filiabus, rediit ad monasterium, & post multis miraculis clauit. Habetur in *vita S. Laurent. Iustiniāni*, & apud *Volaterr. lib. 4. hist.* *Secundò* cum Rege Arragoniē dispensauit, qui cum esset Monachus professus, & eius pater sine liberis obiisset, solutus est votis monasticis, ut uxorem duceret, *teste Palud. d. 38. quæst. 4. art. 4.* & refertur in *Annal. Hispaniæ.* *Tertiō*, dispensauit cum Constantia filia Regis Siciliæ Moniali professā, ut nuberet Henrico VI. ut refert *Platina in Cælestino III.*

5. Ad argumentum D. Thom. negandum est, statum Religiosorum non posse auferri ab homine, non enim consistit in aliqua consecratione, sed in ipsa votorum obligatione, quatenus fit in professione Religionis approbatæ: obligatio enim voti potest auferri ab homine, ut patet in voto sacris ordinibus annexo. Ad *primū aliorum.* Resp. Negando nihil esse, quo cōtinentia possit compensari. Nam oratio & contemplatio est multo præstantior, quia est finis continentiæ: & tamen votum horum potest relaxari. Deinde scriptura non confert continentiam cum cæteris virtutibus, sed cum talentis auri. Ad *secundum.* Eriam in voto simplici est traditio sui, quia per votum simplex castitatis statim tenetur homo ad omnia ea, ad quæ per votum castitatis solemne

ne

ne tenetur. Ad *tertium* negandum est illum habiturum duas vxores viuas, quia prior desit esse vxor, cum per professionem Religionis solutum sit vinculum coniugale. Ad *Quartum*. Non est absurdum, sed valde probabile, Pontificem ex causa posse dispensare in matrimonio rato non consuminato, vt docent plerique Canonistæ & Iurisperiti.

QVÆSTIO LXXXIX.
DE IVRAMENTO.

QVÆST. I. *Quid sit iuramentum?*

1. **P**rima Conclusio. iuramentum est attestatio diuini Numinis, vel inuocatio diuini testimonij ad fidem faciendam, vel promissionem firmandam. Hinc patet duplicem esse finem iuramenti: nempe fidem facere, & promissionem firmare: ac proinde duplex est iuramentum, assertorium, & promissorium. De quo infra.

2. Dices. Quidam iurant per falsos Deos in quibus nihil est numinis: vel per creaturas: ergo non omne iuramentum est attestatio diuini numinis. Respondeo. Iuramentum per falsos Deos non est verum iuramentum, neque obligat nisi ex conscientia erronea, quia nulla reuerentia illis debetur. Vnde non est per se peccatum mortale iurare falsum per Iouem, si scias Iouem nihil esse, quia verè non iuras, sed iocaris, & ludis imagine iuramenti, perinde ac si chimeram testeris, nisi fortè fiat seriò, vel ad imperium Tyranni, vel cum illis circumstantiis, vt videaris Ioui honorem diuinum deferre. Infidelis tamen putans Iouem esse Deum, erit periurus saltem affectu & culpa, si falsum iuret, vel promissa iurata non seruet. Iuramentum autem per creaturas est verum iuramentum: quia cum sic iuramus, non volumus ipsas nobis esse testes, sed eum qui in ipsis singulari modo præsidet & relucet, cuius ipsæ sūt templū, sedes, thronus, tabernaculū, scabellum pedum, vt patet

Matth. 5. & 23. Possumus tamen etiam Sanctos secundum se in testes vocare, ut, Testor B. V. Sanct. Petrum iuxta illud *1. Timoth. 5. Testor coram Deo, & Christo Iesu, & electis Angelis eius*, sed in tali casu non est propriè iuramentum, aut actus religionis, sed obseruantia seu dulia supernaturalis, sicut supra dictum est de oratione ad Sanctos directa.

3. Secunda Conclusio. Duo requiruntur ad essentiam iuramenti: intentio iurandi, seu Deum testem faciendi, & locutio qua in testem vocetur, quæ locutio partim est interna pertinens ad intellectum, partim externa, quæ voce vel signo exprimitur. Si alterum horum desit, non erit iuramentum. Hinc patet *Primò*, Eos, qui ex ira iurant, propriè non iurare, sed potius imprecari malum, vel patefacere iram. Deest enim intentio iurandi. *Secundò* nec eos iurare, qui vtuntur his formulis: per fidem meam, Fide boni viri, fide boni sacerdotis, vel Christiani, ut ordinariè accipiunt, ut docet *Navarr. cap. 12. num. 2. Caiet. hic art. 6. Sotus lib. 8. qu. 1. art. 1.* Ratio est, quia qui sic loquuntur, non intendunt iurare, sed solum significare se loqui ex virtute fidei, aut veritatis quam Vir bonus, Christianus, Sacerdos, in dictis & promissis suis adhibere debet: si tamen intelligant fidem Catholicam, erit iuramentum; qui enim dicit per fidem Catholicam, per Sanctum Euangelium, censetur authorem illius in testem adducere. *Tertiò* patet, nec eos iurare, qui aiunt, per meam conscientiam, super meam conscientiam, in conscientia, in veritate: quia tantum significant se loqui ex conscientia, ex veritatis notitia, censetur tamen esse iuramentum, si quis dicat, coram Deo loquor, scit Deus ita esse, Deus videt me vera dicere. Simile est illud *Apoſt. Galat. 1. Ecce coram Deo, quia non mentior.*

QVÆST. II. *Quotuplex si iuramentum?*

1. **P**rima Diuisio. Aliud est per simplicem contestationem, in quo Deus solum vt testis vocatur v. g. testis mihi sit Deus, testor Deum, iuro per Deum; quæ omnia idem valent, vt docet *Aug. sermone 28. de verbis Apostoli*: aliud per execrationem in quo Deus vocatur etiam in vindicem, vt scilicet puniendo testetur, si fallo: Sic Apost. 2. Cor. 1. *Testem inuoco Deum in animam meam*. Item peream, dispeream: Ita me Deus amet, adiuuet: ita mihi sit propitius. Nam in his non solum significatur, vt sit propitius si est verum: sed etiam vt non sit propitius, si falsum. Item illud, quod olim frequens apud populum Iudaicum: Hæc mihi faciat Deus, & hæc addat. Aliquando non nostram personam, sed nobis coniunctam obligamus Deo, vt in ea nos puniat, si fallimus, vt v. g. per vitam filij, vxoris per salutem Regis.

2. Secunda Diuisio. Aliud est per Deum: aliud per creaturam. Potest autem creatura spectari 4. modis. *Primò* secundum se. *Secundò* vt in ea relucet vel apprehenditur numen diuinum. *Tertiò* vt est aliquid ad nos pertinens, quod obligamus Deo. *Quartò*, vt falsò putatur habere aliquid diuinitatis. Si *primò modo* spectetur; non est verum iuramentum per creaturam: quia ipsa vel per se testis esse non potest: vel non vt prima veritas. Vel enim ipsa non cognoscit quod dicimus, & sic stultum est illam in testem adducere: vel cognoscit, vt sancti in cælo, & sic potest quidem vocari secundum se in testem, sed non vt suprema veritas. Vnde non est propriè iuramentum sed actus dulciæ, vt antè dictum est Si *secundo modo* spectetur, vt continens singulari modo, & simul quodammodo inuoluens diuinum numen, sic per illam est verum iuramentum. Hoc modo, qui iurat per cælum, censetur iurare per eum qui ibi colitur. Si *tertio modo* spectetur, erit iuramentum

execratorium, vt cum iuramus per animam, vel vitam Parentis, vel rem aliam nobis charam. Sic Ioseph per vitam Pharaonis, *Gen.* 42. Si quarto modo spectetur tanquam ipsa aliquid diuinitatis habeat, erit blasphemia, & species Idololatriæ.

3. Tertia Diuisio. Aliud est simplex: aliud solemne. *Solemne* est quod habet aliquam notabilem circumstantiam externam, vt si fiat coram testibus, vel Notario, vel in tribunali, vel tactis Euangeliiis, aut reliquis. *Simplex* quod caret huiusmodi circumstantia. Vtriusque eadem vis est coram Deo; si tamen solemne violetur est maius peccatum propter scandalum.

4. Quarta Diuisio. Aliud est assertorium: aliud promissorium: aliud comminatorium. *Assertorium* adhibetur solum vt credatur aliquid, quod aliter probare non possumus. *Promissorium* est, quo intendimus nos alteri obstringere, vel promissionem nostram confirmare. *Comminatorium* est, quo minamur alteri pœnam.

5. Quinta Diuisio. Aliud est absolutum, aliud conditionale: hoc habet tacitam vel expressam conditionem. Tacita conditio subest vel ex iuris dispositione, vel ex iurantis intentione.

QVÆST. III. *An licitum sit iurare siue per Deum, siue per creaturas:*

1. **P**Rima Conclusio. Id licitum est, tametsi Pelagiani, Vvaldenses, & Anabaptistæ negent. Probat *primò*, quia ex Scripturis constat, viros sanctissimos in contractibus intrasse. Nam *Genes.* 21. Abraham fœdus iniit cum Abimelech, & illud iuramento confirmauit. Idem fecit Isaac *Genes.* 29. cum eodem Abimelech, vel eius successore. Item Iacob *Genes.* 31. cum Laban. *Secundò* probatur ex vsu omnium gentium & tribunalium: omnis enim controuersia finis est iuramentum, teste Apostolo, *Heb.* 6. v. 3. quia iuramentum

mentum facit, vt ex reuerentia diuini numinis veritatem dicamus, pacta custodiamus, fidem seruemus, pacem retineamus, ab iniuriis abstineamus, controuersias dirimamus, quæ omnia valdè bona sunt, & rebus humanis necessaria.

2. Obiicies primò, *Matth. 5. Ego autem dico vobis non iurare omnino, neque per cælum.* Et infra: *Sit autem sermo vester, est, est: non, non: quod autem bis abundantius est, à malo est.* Et *Iacob. 1. Nolite iurare quodcumque iuramentum.*

Resp. Christus & Apostolus corrigunt errorem Phariseorum, qui putabant licitum esse quauis occasione iurare per creaturas, & tale iuramentum non obligare: significant ergo iuramentum extra necessitatem adhibitum, vbi simplex affirmatio vel negatio sufficit, à Diabolo, non à Deo introductum esse, ideoque valdè cauendum.

3. Obiicies secundo. *C. Clericorum 22. quæst. 1.* dicitur clericum per creaturas iurantem esse accerrimè obiurgandum, & si perstiterit in vitio, excommunicandum. Resp. Loquitur de Clerico iurante per creaturas more Ethnico, velut Deos quosdam, vt per Iouem, Mineruam, Solem. Quamuis enim non credantur Dij, tamen turpe est Christiano & scandalosum sic iurare, quia externo actu videtur illis deferre cultum diuinum, & periculum est, ne sensim putetur aliquid diuinum illis inesse.

4. Secunda Conclusio. Vt non peccetur in vsu iuramenti, requiruntur 3. conditiones, vt docet *D. Thom. art. 3. & ceteri Theologi.* Veritas, Iustitia, & Iudicium, iuxta illud *Ier. 4. Iurabis, viuit Dominus, in veritate, & in iudicio, & iniustitia:* quasi dicat, iurabis in re vera, & iusta, & cum debita discretionem & reuerentia.

QVÆST. IV. *An iuramentum promissorium liberè factum semper obliget ?*

1. **I**D quod promittitur vel est bonum exequi, vel est malum, vel indifferens. Item vel sub aliqua conditione, vel nulla.

2. Prima Conclusio. Si executio eius quod promittitur sit peccatum, iuramentum promissioni adiunctum non obligat. Ratio est, quia implicat contradictionem obligari aliquem ad peccatum. Vnde tali iuramento dicitur deesse iustitia.

3. Secunda Conclusio. Si quis iuret se aliquid facturum quod est indifferens, vel quod non fieri est melius, non obligatur; nisi fortè sit factum in fauorem alterius. Colligitur ex *D. Thom. art. 7. Caiet. ibidem Nauar. c. 12. num. 12. Sot. l. 7. qu. 1. art. 3.* Ratio est, quia quando iuramentum non est in fauorem alterius, solum potest obligare per modum voti, cum solum Deum respiciat. Atqui votum de tali re non obligat; ergo nec iuramentum. *Secundò*, quando iuramentum est factum in fauorem alterius, non obligat ipso nolente vel condonante debitum: ergo si factum sit in fauorem proprium, non obligabit, si is qui fecit, mutet propositum, & nolit impleri, v. g. si iures te hodie non ambulaturum, non egressurum domo, vel contrarium huius, nullo fine honesto; sed vel ex indignatione, vel ob aliquod commodum aut incommodum naturæ.

4. Tertia Conclusio. Quando promissio de re bona habet tacitam aliquam conditionem vel restrictionem, siue ex mente loquentis, siue ex dispositione iuris, siue ex recepta consuetudine; tunc iuramentum illi appositum censetur habere eandem conditionem. Est communis apud *Couarr. in c. Quamuis pactum, p. 2. d. 4.* quia iuramentum sequitur naturam actus super quem cadit. Accessorium enim sequitur naturam principalis, ut habet *regula 41. iuris in 6.* Itaque si actus ha-

bet

bet tacitam conditionem, etiam iuramentum habere censetur. Confirmatur, quia iuramentum non additur, ut promissio aliter accipiat, quam per se accipi solet, sed ut eo modo intellecta quo solet intelligi, non possit reuocari. Itaque non tollit nec excludit solitas conditiones.

QVÆST. V. *An iuramentum promissorium metu graui extortum obliget?*

1. **V**idetur non obligare. *Primò*, quia talis promissio est irrita, vel arbitrio promittentis saltem potest reuocari, ut passim docent Theologi: ergo etiam iuramentum illi appositum est irritum, quia iuramentum sequitur naturam actus super quem cadit. *Secundò*, quia votum tali metu extortum non obligat, ut supra dictum est: ergo nec iuramentum. *Tertiò*, quia tali iuramento deest consensus: nihil enim tam contrarium consensui, quam vis & metus, ut habetur l. *Nihil consensui*, §. *de Regula iur.*

2. **Conclusio.** Certum est tale iuramentum metu expressum obligare, modo factum sit animo obligandi, & de re licita. Est communis in 3. d. 39. Ratio est, quia iure naturæ tenemur efficere ut verum sit quod iuramus, ne Deum efficiamus testem falsi. Hæc enim est magna iniuria in talem maiestatem: neque refert, utrum id quod iuramento promissum est, sit per se actus virtutis, necne: sufficit rem esse indifferentem, quæ sine peccato posita promissione fieri possit. Confirmatur, quia soluere vsuras non est per se bonum, sed potius habet speciem mali, cum præbeat occasionem maioris iniquitatis: & tamen si iuramento promissisti, teneris ut habetur c. *debitores, de usuris*. Hinc sequitur *primò*, eum qui pro redimenda vita promisit latroni cum iuramento 100. aureos, teneri soluere. Nam etiam latro ex hac promissione nihil iuris acquisierit, eique nulla fiat

iniuria, si non soluas; tamen Deus ius habet, ut verifices id, ad quod eum testem adduxisti: postquam tamen soluisti latroni, potes repetere, quia momentaneâ solutione satisfacis iuramento, quando iniuria causam dedit. *Secundò*, sequitur eum, qui iureiurando promisit se rediturum ad carcerem, quamvis iniuriosum, teneri, etiam si sciat se iniuste plectendum, ut docet *Caiet. & Sotus supra. Sylu. v. Iuram. 4. quest. 26. Toletus l. 4. c. 22.* Ratio est, quia illa promissio fuit prudens. Nam sine illa non potuit obtinere reditum ad res suas componendas: ergo eius executio est licita, quia licitum est exequi quod prudenter promittitur: ergo executio est seruanda si fuerit iuramento confirmata.

3. *Ad primum argumentum.* Respondeo. Ut iuramentum obliget, non requiri, ut promissio per se obliget, sed satis est ut eius executio sit licita. Dicitur autem iuramentum sequi naturam actus, non quoad firmitatem, vel irrationem, ut per se notum est: sed quoad conditiones tacitas, & alias limitationes, quas contractus ex iure, consuetudine, vel contrahentium mente habet. *Ad secundum* non est eadem ratio voti & iuramenti. Nam in voto spectatur solum, an executio operis sit Deo gratior, an eius omissio: in iuramento autem, an executio sit licita, & promissario comoda. *Ad tertium*, Non deest consensus, qui iure naturali ad substantiam actus est necessarius. Nam qui metu consentit, absolute, voluntarie consentit, secundum quid inuoluntarie.

QVÆST. VI. *An iuramentum dolo vel errore extortum obliget?*

1. **N**Ota, Dolum & errorem posse versari vel circa substantiam rei, vel circa qualitatem.

2. Prima Conclusio. Si dolo versetur circa substantiam, ut si putes vitrum esse gemmam, vel aurichalcum esse aurum, certum est iuramentum appositum contractui, cui talis error causam dederit, irritum esse;

esse; quia deest consensus. Itaque qui læsus est ex huiusmodi contractu vel promissione, non tenetur, quia mēs eius non fuit contrahere super hac re, sed super aliā.

3. Secunda Conclusio. Si dolus versetur circa qualitatem rei, & causam contractui dederit, plerique docent iuramentum non obligare, vt *Nauarr. cap. 12. num. 13. Sylu. v. Iuramentum 4. quest. 8. & alij ab illis citati*. Probatur primò, quia vbi dolus est, excluditur voluntas 1. 1. ff. de dolo. Secundò, quia iuramentum non obligat contra mentem & intentionem iurantis c. *veniens, de iureiurand. Tertiò*, quia Deus non acceptat iuramentum nisi secundum intentionem eius, qui bonā fide iurat: non autem secundum intentionem eius qui fraude extorsit c. *Humane aures. 22. quest. 5.*

QVÆST. VII. *An qui ficto animo aliquid promittit cum iuramento, obligetur?*

1. **T**Ribus modis fieri potest, vt quis ficto animo iuret. Primò, si exterius iuret sine animo iurandi. Secundò, si iuret animo quidem iurandi: non tamen se obligandi. Tertiò, si iuret animo non implendi.

2. Prima Conclusio. Si primo modo iures, nempe absque animo iurandi, non obligaris ex vi iuramenti coram Deo, quia reuera non iuras, sed simulas & fingis te iurare. Nota tamen, si occasione talis iuramenti obuenerit damnum parti, teneris illud sarcire, quia causam dedisti, nisi fortè per iniuriam sit extortum. Similiter si scandalum iuramento non seruato nasceretur, teneris ratione scandali. Denique in foro externo poteris cogi ad seruandum iuramentum, nisi fortè metu extortum esset: tunc enim per iudicem est relaxandum.

3. Secunda Conclusio. Si secundo modo iures, nempe animo non obligandi, multi putant te non teneri vi iuramenti, vt *Bonauent. in 3. d. 36. art. 3. quest. 2. Scus ibid. Sylu. v. Iurament. 4. quest. 7. vbi citat multos alios;*

alios; Probabilius tamen est tale iuramentum, si seriâ intentione iurandi factum sit, obligare, etiamsi animus se obligandi defuerit. Ita *Caiet. art. 7. Sotus l. 8. quaest. 1. art. 7. & multi recentiores*. Ratio est, quia obligatio est omnino inseparabilis à iuramento promissorio: nec est in potestate hominis efficere, ut sit tale iuramentum, & ex ea non nascatur obligatio. Confirmatur, quia ex iuramento nascitur obligatio non ratione intentionis obligandi, ut in contractibus; sed ex natura operis, sicut ex damno illato nascitur obligatio restitutionis.

4. Tertia Conclusio. Si tertio modo iures nempe absque animo implendi, quidam putant non nasci obligationem: contrarium tamen est probabilius. Ratio est, quia in contractibus animus non soluendi non tollit obligationem: ergo neque in iuramento. Confirmatur, quia prius est obligari quam exequi, cum executio nascatur ex obligatione: ergo ex eo quod desit animus exequendi, non tollitur obligatio, quia sublato posteriore non tollitur quod prius est.

QVÆST. VIII. *An, si alio sensu, quàm alter intelligit, iures, obligeris?*

1. **H**Oc dupliciter fieri potest. Primò, si oratio sit ambigua, & tu de industria alium sensum intendas, quam is qui iuramentum exigit. Secundò, si non sit per se ambigua, sed illi tacitè aliquam restrictionem addas. Rursus, vel sponte iuras, vel compulsus ab alio, idque vel iure vel iniuria.

2. Prima Conclusio. Qui alio sensu iuravit, non tenetur præcisè ex vi iuramenti, nisi iuxta suum sensum, Ita *Conar. in c. Quamvis pactum p. 1. §. 5. Caiet. & Arrag. art. 7. Sotus lib. 8. qu. 1. art. 7*. Ratio est, quia iuramentum vi sua solum obligat ad id quod per ipsum est confirmatum & assertum, quia ad hoc solum

Iuramentum is qui iurat, Deum in testem adducit. Sed solum id assertum est, quod iurans in mente habuit: ergo solum ad illud præstandum tenetur.

3. *Secunda Conclusio.* Quando quis sponte sua se offert ad iuramentum, vel legitimè ad hoc compellitur, peccat mortaliter, si alieno sensu iuret. Ita *Navarr. cap. 12. num. 8. Caietan. Sotus, Arrag.* quod maximè verum est in iudiciis & contractibus. Nam in contractibus est gravis deceptio: in iudiciis vero pervertitur iudicium, & fit contra obedientiam superioris.

4. *Tertia Conclusio.* Quando quis iniuste cogitur ad iuramentum, vel alias habet iustam causam celandi mentem suam oratione ambigua, vel tacita restrictione, non peccat: etiam si alieno sensu iuret: præsertim si necessitas, vel utilitas iuramentum exigit. De oratione ambigua est ferè communis sententia. Ratio est, quia cum non teneatur loqui ad mentem alterius, potest orationem in aliam sententiam usurpare, & aliena à proposito alterius respondere. De restrictione occultâ aliqui negant, quia oratio illa, quæ exterius profertur, est falsa. Sed contrarium est probabilius, & tenet *Navar. c. 12. num. 8. Toletus l. 4. c. 21. v. g.* si Reus non iuridicè rogetur, potest dicere: Non feci, mente addendo, in carcere: non habui complices, pura in alio carcere. Ratio est, quia in his & similibus eventis non tenetur homo totam mentem suam circa rem, de qua interrogatur, aperire: ergo nec tenetur omnia verba exprimere, quibus ea aperiatur: ergo potest partem exprimere, & partem tacitus addere. Confirmatur, quia non magis tenetur totam mentem suâ exterius declarare coram isto, quam dum solus agit, & secum loquitur, cum iste nihil iuris ad hoc habeat. Atqui dum secum loquitur non tenetur totum exprimere, sed potest partem in animo retinere. Nec obstat, quod illud quod exterius exprimitur.

exprimit, sit falsum, quia non intendit per se solitariè illud exprimere, sed coniunctum cum eo quod in mento habet. Quod enim exprimitur, solum est pars totius orationis quæ constat partim locutione mentali, partim externa. Quod autem talis coniunctio rectè fieri possit, si causa subsit, patet *Primò*, ex *D. Greg. hom. 1. in Ezech.* ubi dicit Prophetam connectere orationem externam cum interna, & ideò incipere suam prophetiam ab hac particula copulatiua: *Et factum est.* *Secundò*, patet ex multis scripturæ exemplis *Gen. 27. Ego primogenitus tuus Esau*, scilicet iure & privilegio. *Marci 13. De die illo & hora nemo scit, neque Angeli in cælo, neque filius*, scilicet quatenus est legatus Dei Patris, quo pacto legatus dicit se nescire, quod non habet in mandatis ut aperiat. Item *Ioan. 7. Ego non ascendam ad diem festum hunc*, scilicet modo, vel manifestè, ut soleo. [raturum]

QV. XI. *An liceat deferre iuramentum ei, quem putas peie-*

Prima Conclusio. Non licet, nisi iusta causa subsit, Quia quantum in nobis est, tenemur tantam Dei iniuriam, & proximi peccatum impedire, quantum in nobis est. Vide *D. Aug. ser. 11. de sanctis*, ubi refert exemplum de quodam qui diuinitus in raptu flagellatus est, eo quod iuramentum à proximo in tali casu exegisset.

2. Secunda Conclusio. Sæpè potest subesse iusta causa, ob quam hoc sit licitum. *Primò*, si sis Iudex & pars id postulet, vel alias ratio officij id exigat, ut cū adducuntur testes, vel proceditur via inquisitionis. Ita *D. Th. q. 98. a. 4. & Caiet. ibid.* Iudex. n. non debet sequi priuatam sententiam, sed præscriptum iuris, adhibendo ea, quibus solet elici veritas, alioqui daret iustam causam scādali. Quando tamē id cōmodè potest declinare (ut si aliud remediū posset facile adhibere) tenetur. Sic non potest exigere iuramentum à Clerico de relinquenda cōcubina, ut habetur *c. Clericos de cohabit. Cleric. & mul.* quia metuendū est, ne periurium incurrat, & alia remedia suppetunt.

Secundò,

Secundò, si alterius causam agas, & ratio officij tui postulet; vt ab aduersario iusiurandum petas: si enim omittas, videberis prauaricari. *Tertiò*, si speras illū reuerentiā numinis non p̄eterare ausurum, & alias magni tua intersit. *Quartò*, si eius periurio possis vtī in tuum commodum, v.g. ad eius fraudes detegendas, & fidem ei detrahendam, vt sic iniuriam euadas, aut ius obtineas.

QVÆST. X. *Quibus modis tollatur obligatio Iuramenti?*

1. **G**eneratim tolli potest duobus modis. *Primò*, impediendo, ne illam ab initio inducat. *Secundò*, tollendo iam inductam.

2. *Prima Conclusio.* Obligatio iuramenti potest impediri per legem, si lex statuat vt iuramentum contractui vel promissioni alicui adiunctum sit irritum, & nullam inducat obligationem. Sic *Concil. Trid. sess. 35. c. 16. de Regularibus*, irritum reddit iuramentum adiectum renunciationi bonorum, si fiat ante trimestre, quod præcedit professionem: sic in regno Lusit. irriti redduntur per legem omnes contractus, obligationes, conuentiones, promissiones, remissiones, & distractus iuramento confirmati, si aliqui ad forum sæculare eorum cognitio pertinebat, nisi cū Regis facultate iuramentum appositum fuerit. Idem fit in regno Castellæ, exceptis quibusdam cōtractibus, vt refert *Molina disp. 149.* Quod ideo factum est, ne lites super huiusmodi cōtractibus traherentur ad forum Ecclesiasticum. Iuramentum enim facit, vt causa quæ alias est merè ciuili sit fori mixti, vt patet ex c. *fin. de foro competenti in 6.*

3. *Quæres.* Quomodo potestas humana hoc possit efficere, præsertim cum obligatio naturaliter & necessariò resultet ex iuramento. Respondeo dupliciter id fieri posse. *Primò* cum, in cuius fauorem fit, reddendo inhabilem ad acceptandum: cum enim iuramentum promissorium non obliget, nisi promissio acceptetur ab eo, in cuius fauorem factum est, si hic sit inhabilis ad acceptandum, nulla potest nasci obligatio. *Secundò*,

condonando, seu remittendo obligationem hoc ipso quod iurans tentat illam inducere: cum enim iuramentum promissorium non obliget, si ille cui sit statim remittat; etiam non obligabit, si superior eius ex iusta causa remittat. Hæc enim remissio non est minus efficax, quam remissio inferioris cuius interest, quia virtualiter eam in se continet.

4. *Secunda Conclusio.* Obligatio iam inducta per iuramentum potest tolli 5. modis. *Primò*, mutatione materiæ, ut si res iurata fiat impossibilis iuranti, aut illicita, Superiore prohibente. *Secundò*, condonatione, ut si is in cuius fauorem factum, remittat obligationem. *Tertiò*, commutatione, ut si ille, cui factum est, concedat aliud opus loco illius quod iuramento promissum est præstare. *Quartò*, irritatione, ut quando materia iuramenti promissorii subest alterius potestati, sicut dictum est de voto. *Quintò*, dispensatione; quæ fit auctoritate Superioris.

Q V Æ S T I O X C.

De Adiuratione.

1. **P**rima Conclusio. Sicut iuramentum est contestatio rei sacræ, per quam homo seipsum alteri obligat, & ordinat ad aliquid: Ita adiuratio est contestatio rei sacræ ad alterum promouendum, ut aliquid faciat, vel omittat. Dicimur enim adiuuare quando rem sacram contestamur, & veluti præsentem adducimus, ut eius reuerentia permoueamus alterum ad aliquid faciendum, vel non faciendum.

2. *Secunda Conclusio.* Adiuratio potest fieri duobus modis: præcipiendo, & deprecando. Ita *D. Thom. art. 1.* Priori modo Abraham adiurauit seruum per Dominum cæli & terræ, *Gen. 24. v. 3.* & Pontifex adiurauit Christum per Deum viuum, *Matth. 26. v. 53.* & *Paulus* adiurauit Thessalon. ut legerent epistolam corâ
omnibus

omnibus fratribus 1. *Theff. 5. v. 27.* Denique sic adiurantur dæmones in exorcismo Ecclesiæ. Posteriori modo vritur Ecclesia in precationibus, quando per Christum petit exaudiri, & in litaniiis, cùm ait, Per mysterium sanctæ incarnationis, Per aduentum. &c.

3. Tertia Conclusio. Sola natura rationalis est idonea, quæ per se adiuretur, quia hæc sola potest percipere diuina, & eorum reuerentiâ ac amore impelli ad aliquid agendum. Res autem inanimæ per se, & directè adiurari non possunt, quia non intelligunt. *Vid. D. Thom. art. 3. Dominic. Sot. l. 8. quest. 3. art. 3.*

QVÆSTIO XCI.

De Dei laudibus.

DOcet D. Thomas, vtile esse Deum laudare voce & cantu, tum ad excitandum intensiorem affectum, tum ad alios nostro exemplo promouendos, vt & ipsi Deum laudent, *Psal. 33. v. 4. Magnificate Dominum mecum, & exaltemus nomen eius.*

QVÆSTIO XCII.

De Superstitione.

1. **H**Actenus egit D. Thomas de actibus religionis, deinceps agit de vitiis oppositis, quorum alia sunt per excessum cultus diuini: vt superstitio cum suis speciebus. Alia per defectum vel contemptum, vt periurium, tentatio Dei, sacrilegium, simonia.

2. Prima Conclusio.. Superstitio partim significat cultum falsorum Deorum: partim excessum cultus veri Dei, vt docet *D. Thom. art. 1. & Aug. lib. 2. de doctrina Christiana c. 18. & 20. Excessum* dico non quod Deus nimium coli possit vero cultu, vel maiori quàm dignus sit: sed quia ad illum colendum assumuntur ea, quæ non sunt idonea. Itaque excessus non est respectu dignitatis diuinæ, sed respectu

eorum quibus coli debet.

3. *Secunda Conclusio.* Hinc patet duas esse species superstitionis. Vna est superstitio cultus indebiti vel incongrui, quando verus Deus colitur peruerso cultu: Altera est superstitio ratione rei cultæ, quando colitur falsus Deus.

4. *Tertia Conclusio.* Superstitio cultus incongrui diuiditur in superstitionem cultus falsi, & cultus superflui. Cultus falsus dicitur vel ratione falsæ significationis, vt si quis Deum colere vellet cæremoniis Iudaicis, quæ significant Christum venturum: vel quia imitatur & simulat verum cultum, cum tamen non sit: vt si quis falsis miraculis doctrinam fidei confirmare vellet, vel falsas reliquias proponeret. Cultus superfluus, quando præter consuetudinem Ecclesiæ ponitur religio in quibusdam rebus vel circumstantiis, in quibus non est ponenda, vt in certo numero, colore, situ, v.g. vt tot sint candelæ & non plures, & cera potius sit alba, quam flaua.

5. *Quarta Conclusio.* Superstitio ratione rei cultæ diuiditur in 3. species iuxta D. Th. scilicet in idololatriam, diuinationem, & obseruantiam supersticiosam, vel enim colitur Diabolus, vt honoretur tanquam Deus, & tunc est idololatria: vel vt aliquid occultum reuelet, & est Diuinatio: vel vt iuuet & dirigat in operando, & est superstitio vanarum obseruationum. His addi potest quarta species Magiæ, de qua D. Th. non agit.

QVÆSTIO XCIII.

De illegitimo Dei cultu.

IAm dixi illegitimum seu indebitum Dei cultum in Ico consistere, vt vel falso, vel superfluo cultu verus Deus honoretur.

QVÆSTIO XCIV.

De Idololatria.

NOmen Idololatriæ sumitur dupliciter. *Primò*, generatim & metaphoricè pro omni peccato, quo quis moraliter inhæret creaturæ. *Eph. 5. v. 5.* Auaritia vocatur Idololatria. *Secundò*, speciatim & propriè pro cultu, quo creatura colitur loco Dei. Dicitur autem idololatria ab idolo, quia omnis cultus quo olim falsi Dei colebantur, solet in idolo, & per idolum plerumque exerceri.

QVÆSTIO XCV.

De Diuinatione.

Diuinatio fit dupliciter. *Primò*, reuelatione diuinâ, & sic vocatur prophetia. *Secundò*, ope dæmonis, & sic est species superstitionis. Diuiditur autem in varias partes, vt in hæruspicium, oraculum, necromantiam, præstigium, augurium, omen, Chiromantiam, fortilegium.

QVÆSTIO XCVI.

De vana obseruatione.

1. **V**Ana obseruatio dicitur quando aliqua fiunt vel adhibentur ad aliquem effectum, ad quem nec à Deo, nec à natura vllam vim habent. Item cum ex consideratione alicuius euentus fortuiti coniicit quis aliquid prosperi vel aduersi, & inde actiones suas moderatur. Diuiditur obseruatio in 3. species, artem notoriam, obseruantiam sanitatum, & obseruantiam euentuum. *Ars notoria* est ratio quædam consequendi scientiam infusam per quædam ieiunia, inspectiones figurarum, & similia adminicula vana & inefficacia.

2. *Obseruatio sanitatum est*, quando adhibentur aliqua verba, aut alia signa & cæremoniæ inanes ad hominū vel aliorū animalium morbos curandos, sanguinem sistendum, dolores mitigandos, ad vitam vel valetudinem.

conseruandam : ad se præstandum immunem contra læsiones hostium, vel casus fortuitos. Huc etiam pertinet, cum adhibentur quidem medicamenta naturalia, tamen iis aliqua friuola adiunguntur tanquam necessaria: eodem etiam spectant omnia amuleta, breuia, inuolucra, reliquiæ, verba sacra, preces descriptæ quæ gestantur à quibusdam, ne possint lædi, aut ne effluat sanguis, aut ob similes alios fines, si contineant aliquas circumstantias parergas tanquam necessarias. Omnis enim circumstantia inutilis, si tanquam necessaria adhibetur, opus fit superstitiosum.

3. *Observantia euentuum*, quando aliquid fortuito occurrit vel accidit homini, ex quo sibi alteri aliquid læti vel aduersi coniectat, & inde actiones suas moderatur; vt si quis mane domo egrediens pedem offendat, ideoque domum reuertatur, putans, vel metuens itet infaustum fore. Item si calceos induens sternuter, & idcirco lectum repetat, vt omen auertat. Vide hæc & plura exempla apud *Aug. l. 2. de doctrin. Christ. c. 20.* & *Chrys. hom. 21. ad popul. Antioch.*

QVÆSTIO XCVII.

De tentatione.

Tentatio Dei est, quando quis absque iusta causa aliquid dicit, aut facit, ad capiendum experimentum diuinæ potentiae, sapientiae, iustitiae, misericordiae, voluntatis, aut alterius attributi. Potest autem fieri dupliciter. *Primò*, expressè quando directâ intentione talis experimenti capiendi aliquid agitur: vt si petas miraculum, vt tu, vel alius sciat, Dei in aliquo negotio voluntatem; si salias in puteum, vt experiaris, an Deus sinat te lædi, quod fecit quidam Monachus apud *Cass. Coll. 2. Abb. Moys. c. 2.* Huc pertinent purgationes vulgares, quæ fieri solent ferro candenti, vel aqua feruenti, vel duello, quæ reprobantur c. *omnibus*, &c. *consulisti* &c. *Monomachiam 2. quest. 4.* &

à Conc. Trident. sess. 25. c. 19. de reform. Secundo, interpretatiuè, quando expressè non intendis tale experimentum: tamen id facis, quod per se ad illud tendit; vt si velles abstinere totis x l. diebus, vt Christum imiteris: vel si alicui alteri periculo te sponte committas, à quo non possis eripi, nisi extraordinario modo Deus adiuet.

QVÆSTIO XCVIII.

De Periurio.

1. **P**rima Conclusio. Nomen periurij sumitur dupliciter. *Primò*, propriè pro iuramento cui deest veritas, siue præsens, vt si falsum sciens confirmes: siue futura, vt si fidem datam, & iuramento confirmatam, sine iusta causa non serues *Secundò*; generatim pro omni iuramento, cui ex tribus conditionibus aliquid deest, siue iustitia, siue iudicium, siue veritas.
2. Secunda Conclusio. Pœnæ periurij propriè dicti apud omnes nationes sunt valde graues, vt docet *Conarr. c. Quamuis pactum p. 1. §. 7.* Nam apud Scythas & Aegyptios periuri pledebantur pœna capitis: apud Indos manuum pedumque extremorum abscissione: in multis locis abscissione manus. Iure ciuili sunt infames, si periurium cedat in nocumentum alterius: non autem, si nemini noceat, vt docet Glossa in l. si quis maior, C. de transactionibus. Iure Canonico sunt etiam infames, vt patet c. infames, &c. *Quicumque 6. quest. 1.*

QVÆSTIO XCIX.

De Sacrilegio.

1. **P**rima Conclusio. Sacrilegium propriè accipitur pro violatione rei sacræ. Res sacra vocatur, quæ ad cultum Dei peculiari modo dedicata est: siue sit persona, vt Sacerdos: siue res alia, vt templum, altare, calix. Hæc dicitur violari quando in-

dignè, seu contra reuerentiam Deo debitam in rebus ipsi dicatis tractatur.

3. Secunda Conclusio. Diuiditur sacrilegium secundum diuersitatem rerum sacrarum : sunt autem tria genera rerum sacrarum secundum D. Thomam, vel enim sanctitas tribuitur personis, vel locis, vel aliis rebus ad cultum Dei ordinatis. Hinc oriuntur tres species sacrilegij. *Prima*, qua violatur persona. *Secunda*, qua locus. *Tertia*, qua res aliæ. Ad *primam speciem* pertinet percussio clerici, fornicatio Sacerdotis, aut Religiosi, pertractio personarum Ecclesiasticarum ad tribunal sæculatæ, extractio vectigalium ab iisdem per principes sæculares contra canones. Ad *Secundam speciem* pertinent omnia, quæ fiunt contra sanctitatem loci sacri: *Primò*, effractio vel incèdium loci sacri, etversio altaris, *Secundò*, effusio iniuriola sanguinis, effusio seminis, sepultura excommunicati, vel infidelis, extractio violenta personæ, quæ asyli causa eò se contulit. *Tertiò*, mercatus, deambulationes, clamores, & alia huiusmodi profana, quæ per se cultum diuinum impediunt, c. *Dicet, de immunitate Eccles. in 6.* Quamuis in his posterioribus non semper sit peccatum mortale; maximè si scandalum absit, & cultus diuinus non impediatur. *Quartò*, furtum in loco sacro. Ad *tertiam* pertinent ea peccata quibus aliæ res sacræ temerantur. Dicuntur autem aliæ res sacræ: vel quia sanctitatem efficiunt, vt sacramenta: vel quia rebus sacris administrandis sunt instrumenta, vt vasa, vestes, ornamenta: vel quia ea repræsentant, vt imagines Christi & Sanctorum: vel quia sunt mensura actionum sacrarum, vt dies Dominici & festi: vel denique quia ad sustentationem sacrorum sunt dedicata, vt bona Ecclesiarum. Hæc omnia continentur nomine rei sacræ, vt distinguitur à persona, iuxta D. Th. Inter hæc primū locū tenent sacramenta. Itaque ad hanc speciem sacrilegij.

Primò,

Primò, referenda est omnis iniuria omnisque abusus sacramentorum. Item perceptio & administratio eorundem in statu peccati mortalis.

Q V Æ S T I O C.

De Simoniâ.

Dicam primò de Simonia secundum se. Deinde de præcipuis modis in particulari, quibus fieri solet. Tertiò de pœnis.

QVÆST. I. Quid & quodplex sit Simonia?

Prima Conclusio. Simonia est vitium contra virtutem religionis, consistens in rerum sacrarum indigna tractatione, non qualibet; (variis enim modis indignè tractari possunt) sed qua res sacre tanquam profane æstimantur, & in contractus deducuntur. Hæc enim est magna in Deum, à quò sanctitatem habent, irreuerentia. Solet autem sic definiri. Simoniâ est *studiosa voluntas emendi vel vendendi pretia temporalia aliquid spirituale, vel spirituali annexum*. Ita Glossa in c. *Qui studet* 11. quest. 1. & alij passim. Primò dicitur *studiosa voluntas*, id est, deliberata: ut excludantur motus voluntatis non plenè deliberati, vel procedentes ex ignorantia culpabili; loquimur enim de peccato simoniæ in sua specie perfecto. Secundò, dicitur *emendi aut vendendi*, quibus verbis significatur omnis omnino contractus non gratuitus, siue sit vera emptio, siue locatio; siue permutatio. Tertiò dicitur *pretio temporali*: si enim datur spirituale pro spirituali, non erit propriè simonia, ut infra dicetur. Solet autem à DD. distingui triplex pretium ex cap. *Saluator*. 1. quest. 3. nempe pretiū muneris, ut pecunia, equus, bos, vestis, & similia vendi consuetâ: pretium linguæ, ut laus, vituperatio, patrociniū aduocati, commendatio apud Principem: & pretiū obsequij, ut ministeriū aliquod in rebus temporalibus, ut est famuli, Oeconomi. Quartò dicitur *aliquid spirituale, vel spirituali annexum*; quia res merè temporalis

non est materia simoniæ. Spirituale hîc vocatur quod est aliquo modo supernaturale, siue sit aliquid reale, siue morale tantum: siue per modum actus, siue per modum habitus. Talia sunt virtutes supernaturales, gratiæ præuenientes, gratiæ gratis datæ, sacramenta, consecrationes, benedictiones Ecclesiæ, & omnis vsus potestatis supernaturalis. Spirituali autem annexum est quod cum aliquo spirituali connexionem habet, quod tripliciter fieri potest: Antecedendo, vt ius patronatus, quia supponitur præsentationi beneficiorum. Consequendo, vt beneficia Ecclesiastica, quæ supponunt officium diuinum. Comitando, vt labor in ministerio sacramentorum.

2. Secunda Conclusio. Simonia dupliciter potissimum diuiditur. *Primò*, in eam quæ est iuris diuini, & in eam quæ est iuris humani. De vtraque dicam in seqq. *Secundò*, diuiditur in mentalem, conuentionalem, & realem. *Mentalis* est non internum propositum, quo quis vult exterius simoniacè contrahere; (quamuis hoc etiam simonia appellari possit) sed propositum internum, quo quis dum confert alteri spirituale, intendit illum obligare ad reddendum temporale: vel contra, quando confert temporale, intendens illum obligare ad reddendum spirituale, sine vlllo pacto externo; vt si quis seruiat Episcopo hac conditione, vt in mercedem conferatur ei beneficium, & tandem beneficium reipsa conferatur, nulla tamen externis verbis aut nutibus facta conuentione. *Simonia conuentionalis* est, quâdo non solum est internum propositum obligandi, sed etiam proceditur ad externam conuentionem, sine tamen executione; saltem vtrimque facta. Est autem hæc conuentionalis duplex: alia enim est purè conuentionalis, vt potè neutra ex parte completa: alia est conuentionalis mixta, quæ completa est ex altera tantum parte; ita vt quodammodo constet

constet reali & conuentionali, & si pactione initâ conferatur beneficium, alterâ parte nondum soluente pretium; vel contra si soluatur pretium nondum collato beneficio. Huc spectat simonia confidentiæ; qua quis paciscitur cum eo cui confert beneficium, vt id postea conferat alteri. *Realis* est, quando pactis ex vtraque parte impleta est saltem inchoatè, vt si collatio beneficij facta sit, & pretij pars soluta.

QVÆST. II. *An omnis venditio rerum spiritualium pro temporalibus sit simonia iure diuino prohibita.*

1. **N**ota primò. Res posse vocari spirituales vel sacras quatuor modis. *Primò*, quia ex natura sua tales sunt, vt virtutes supernaturales, gratiæ præuenientes, & gratiæ gratis datæ. *Secundò*, quia sunt causa sanctificationis: siue effectiua, vt sacramenta, siue dispositiua, & excitatiua, vt sacramentalia, concio, preces, exorcismus. *Tertiò*, quia sunt effectus vel vsus sacræ potestatis, vt excommunicatio, benedictio, & consecratio quam facit Ecclesia: item prophetare, miracula facere. *Quartò*, quia sunt annexa rebus sacris; idque vel propriè, vt beneficia, ius patronatus, ius eligendi: vel impropriè, vt officium Sacristæ, officium æconomi Ecclesiæ.

2. Nota *secundò*. In quibusdam rebus spiritualibus esse aliquid temporale secundum se pretio æstimabile, vt in calice consecrato, in beneficiis: in quibusdam nihil esse tale; vel si quid sit, esse minimi pretij vt in Eucharistia, baptismo.

3. Prima Conclusio. Omnis venditio & commutatio rerum spiritualium cuiusvis generis pro pretio temporali, si in ea habeatur ratio consecrationis, vel eius quod supra naturam est, continet simoniam iure diuino prohibitam; vt si quis vendat sacramenta, vel sacramentalia, vel functiones potestatis spiritualis, vel si pluries vendat calicem consecratum, quam non con-

secratum: globulos benedictos, quam non benedictos; idque non ratione latoris vel sumptuum quos fecit ut curaret benedici, sed ratione benedictionis. Ita D. Thom. a. 2. Dyrand. in 4. d. 15. quæst. 5. Adriæn. quodlib. 9. art. 1. Victoria in relect. de simoniano. 15. Sotus 9. q. 5. a. 2. Nauarr. c. 23. num. 99. & alij. Probatum primò, quia Giezi diuinitus punitus est leprâ, quod ausus fuerit pecuniam exigere pro curatione lepræ per miraculum facta, ut habetur 4. Reg. 5. Deinde quia Christus prohibet talem venditionem aut permutationem, Matth. 10. Grátis accipitis, gratis date.

4. Secunda Conclusio. Spiritualia in quibus est aliquid pretio æstimabile, possunt ratione illius aliquando vendi; ut patet de calicibus, vestibus sacris, chrysmate, & similibus, quorum materia magno constat, antequam consecraretur: non enim amittit suum pretium per consecrationem. Sed maxima est controuersia de beneficiis. Sunt 2. sententiæ. Prior est ferè communis Theologorum, beneficia iure diuino esse inuendibilia, quia ius percipiendorum fructuum est spirituale. Ita Caiet. t. 2. tract. 9. q. 1. Victoria in Relect. de simon. n. 42. Sotus lib. 9. qu. 1. & alij. Altera est Nau. c. 13. n. 108. ubi multis rationibus probare nititur, beneficia quoad partem pecuniariam & temporalem, vendi posse à summo Pontifice, sicut vasa sacrâ. Eandem ferè omnes Canonistæ habent cum Glossa in cap. ex parte, de officio delegati, & in cap. 1. de simonia. Vtraque sententia rectè explicata videtur verâ: si enim beneficium cõsideretur planè formaliter, quatenus est ius fructuum obtingens per officiũ sacrũ, sic iure diuino est inuendibile, quia non potest vendi officiũ sacrũ, per quod hoc ius habetur. Simili modo ius decimarum dicitur esse inuendibile, quia non potest vendi ministerium sacrum, per quod hoc ius cõpetit. Nam vendere hoc modo ius fructuum est vendere officiũ, in quo illud ius consistit, neque Nauarrus intendit id negare: si verò beneficium

consideretur materialiter, nempe pro iure ad illos fructus qui officio sunt annexi, sic beneficium vendi potest per Pontificem absque simonia iuris diuini, quia in potestate ipsius est ius ad illos fructus separare ab officio, & alteri dare, vel relinquere officio annexum: sicut ergo, si illud ius separaret, & alteri venderet, nullam simoniam committeret, quia non venderet aliquid spirituale: sic etiam, si aliquā summam pecuniæ exigeret ab eo, qui beneficium sibi cupit cōferri, ut ius illud titulo annexum relinquat, vel ut separatam illi vniat, nullam simoniam iuris diuini committeret. Hæc est mens Nauarri. Idem docet Adrianus *quodlib. 9. ad 5. principale*, ubi ait: beneficia ratione iuris fructuum posse vendi, si Papa intendat vendere ius fructuum, non mediante aliquo officio spirituali: secus autem, si mediante tali officio.

QVÆST. III. *An permutatio rerum spiritualium inter se sit simonia iuris diuini?*

1. **A**ffirmant Richard. in 4. d. 25. q. 1. & Adr. quodlib. 9. ad 4. confirmationem. Negant Victor. in relect. de simon. n. 17. Sot. 1. 9. q. 5. a. 2. Durā. d. 25. q. 5. & alij plures.

2. Prima Conclusio. Huiusmodi permutatio non est simonia diuini iuris, si nullum temporale interueniat, ratione cuius hæc permutatio fiat. Probatur primò, quia omnes Theologi & Canonistæ tenent licere cū auctoritate Superioris permutare beneficiū cū beneficio, & titulum cum titulo, idque etiam constat ex c. *Adquæst. de rerum permutatione*, & ex Clementina unica eod. tit. ubi Ecclesiarum, beneficiorum, & titulorum permutationes à Pontificibus approbantur. Hoc autem non liceret, si esset contra ius diuinum. Secundò, quia hæc permutatio non videtur ullam irreuerentiam continere: nihil enim indecori est, si paciscamur mutuas preces, mutua sacrificia, mutuā operam in audiendis confessionibus, & similibus officiis, ut rectè notat Sotus: similiter si globuli benedicti & rosaria inter se commutentur,

mutentur, etiam habita ratione sanctitatis, & benedictionis: non enim est iniuria rei sacræ, si cum alia sacra conferatur, sed si conferatur cum temporali.

3. Obiicit Adrianus, *Matth. 10. Gratis accepistis, gratis date*: sed is qui permutat rem sacram cum sacra, non dat gratis: ergo. Respond. gratis dare nihil aliud esse eo loco, quam sine mercede vel pretio temporali dare, vè colligitur ex verbis seqq. *Nolite possidere aurum*. Ita Hieron. Chryso. & Glossa in hunc locum *Matth.* & alij PP.

QVÆST. IV. An sit aliqua simonia iuris humani?

1. **N**Egat Durand. in 4. d. 25. & quidam recentiores. Primò, quia circa id quod non ex se, sed ex sola

prohibitione iuris est malum, potest tantum esse peccatum inobedientiæ, non autem irreligiositatis. Nam tota ratio peccati oritur ex violatione præcepti humani. Atqui violatio præcepti humani solum constituit peccatum inobedientiæ. Secundò, quia Ecclesia sua prohibitione non potest facere sacrum, id quod non est sacrum; sed necesse est, si velit facere sacrum, vt adhibeat aliquam benedictionem, & tunc venditio eius erit simonia iuris diuini, non humani.

2. Prima Conclusio. Est aliqua vera & propriè dicta simonia, solo iure Ecclesiastico introducta. Ita passim Theologi & Canonistæ in c. *quesitum*, & c. *Cum olim*, de rerum permutat. Ratio est, quia Ecclesia suâ lege & ordinatione potest facere, vt id quod naturâ suâ ob partem temporalem non erat inuendibile, fiat inuendibile, seu inhabile ad venditionem ob spiritua-lem partem illi annexam, non addendo tamen nouam aliquam sanctitatem vel consecrationem: ergo si quis tum rem illam pretio venderet, committeret veram simoniam, violando rei illius sanctitatem per contractum. Confirmatur à simili, quia locum sacrum ratione sanctitatis potest reddere immunem suo decreto, ita vt Iudex secularis non possit Reum inde vi abstrahere, adeo vt si contra faciat, peccet non solum con-

tra obedientiam, sed etiam contra virtutem religionis & loci sanctitatem. Similiter eum, qui habet ordinem aliquem, vel tonsuram, potest reddere immunem à potestate Iudicis secularis, ita ut peccet contra Religionem, si eum ad suum tribunal pertraxerit: ergo etiam rem sacram potest reddere immunem à venditione, ita ut si vendita fuerit pretio temporali, peccetur contra rei sanctitatem, & non solum contra obedientiam.

3. Secunda Conclusio. Hæc simonia iuris humani habet locum in 3. potissimum casibus. *Primò*, in venditione officiorum secundum partem temporalem. *Secundò*, in venditione officiorum minus spiritualium, ut officij sacristæ, æconomi Ecclesiæ, aduocati Ecclesiæ. *Tertiò*, in permutatione beneficiorum facta sine authoritate Superioris: in renunciatione reciproca: in simonia confidentiæ. Prima pars de venditione beneficiorum probatur, quia ex communi sententia constat hanc esse simoniam, cum plurimi canones id expressè habeant. Atqui non est simonia iuris diuini, ut supra dictum est: ergo est simonia iuris humani: sicut iuris humani sacrilegium est, capere reum in Ecclesia, percutere Clericum. Secunda pars de venditione officiorum probatur ex c. *Saluator* 1. *quest.* 3. & c. *si quis Episcopus* 1. *quest.* ubi dicitur esse simoniam vendere officium æconomi, vicedomini, aduocati, sacristæ, castaldi: Atqui non est simonia iuris diuini, quia sunt officia temporalia ordinata solum ad temporalium administrationem: ergo est simonia iuris Ecclesiastici. Tertia pars de permutatione beneficiorum probatur ex c. *questum* & exc. *Cum olim, de rerum permutatione*, ubi iubentur priuati suis beneficiis, qui ea propria authoritate permutant, eo quod incurrant labem simoniæ.

4. Nota tamen hanc permutationem, non dici propriè simoniam, sed tantum generali ratione, & quadam imitatione. Nam propriè simonia est, cum datur temporale

pro spirituali, vt supra diximus. De renunciatione reciproca, & simonia confidentiæ infra agendum est.

5. Ad *primum* Durandi, Respondeo. Negando id, quod tantum est malum ex iuris prohibitionem esse solum contra obedientiam. Nam esse contra obedientiam, est solum ratio generica, præter quam debet habere malitiam certæ speciei contra aliquam virtutem particularem, in cuius materia peccatur, & ex cuius motiuo præcipitur. Sic vesci carne in Quadragesima non solum est contra obedientiam, sed etiam contra temperantiam, & omittere missam die festo, non solum est contra obedientiam Ecclesiæ debitam: sed etiam contra religionem, qua Deum colere tenemur, & auclere furem è loco sacro est sacrilegium contra reuerentiam sanctitati loci debitam. Ratio communis est, quia præceptum humanum in materia alicuius virtutis potest intuitu motiui illius virtutis id quod non erat materia necessaria facere necessariam materiam: Ad *secundum*. Etsi Ecclesia per suam prohibitionem ex re profana non faciat sacram, sicut facit per suam benedictionem & consecrationem, tamen facit vt illa res propter ordinem quem habet ad rem sacram, fiat inuendibilis, & hoc sufficit ad obiectum simoniæ.

Particulares modi Simoniæ.

QVÆST. V. *An in graui veb extrema necessitate liceat dare pretium pro sacramentis?*

Verbi gratia, habes infantem baptizandum morti vicinum, & sacerdos non vult eum baptizare, nisi 10. aureos numeres, nec alia ratio tibi suppetit procurandi baptismi. Item tu ipse nondum es baptizatus, & morte instante alia ratione baptismum obtinere non potes.

1. Prima Sententia. In hoc casu non esse licitum dare pretium pro baptismo, etiamsi infans sine baptismo moriturus esset. 1^a D. Thom. in 4. d. 5. quæst. 2.

art.

art. 2. & d. 25. quest. 3. a. 2. Alensis 2. p. quest. 187. memb. 3. a. 2. Richard. d. 25. a. 3. quest. 1. Palud. ibid. quest. 8. & Glossa in c. Baptizandus 1. quest. 1. Ratio horum est, quia emere sacramentum est intrinsecè malum, sicut & vendere : ergo nullo casu licitum est : non enim sunt facienda mala, ut eueniant bona.

2. *Secunda Sententia.* In eo casu licere dare pecuniam, non quidem pro sacramento propriè, sed ad vexationem redimendam. Ita *Gerson tit. de simon. ad 6. rationem. Panorm. c. cum in Ecclesia corpore, de simonia. Caiet. hic art. 2.* sed hi duo tantum in casu infantis, non adulti id concedunt, quia adultus potest sibi alia ratione consulere.

3. *Tertia Sententia est,* absolutè licitum esse in eo casu dare pecuniam pro ipso Sacramento obtinendo, Ita indicat *Sot. l. 9. q. 6. a. 1. & dicitur Franciscus Victorius ita sensisse, & Thomistæ dicunt esse probabile, & apertè tenet Adrian. supra.*

4. *Prima Conclusio.* Non potest dari pretium pro baptismo tanquam pretium æquiualens, quia hoc intrinsecè malum est. Nam res sacra non potest pecunia æstimari, iuxta hunc sensum prima sententia est vera.

5. *Secunda Conclusio.* Si Sacerdos aliquis noller hoc vel aliud sacramentum administrare, nisi pro pecunia, possem ei dare pecuniam ut prauam illam voluntatem deponat, & debito modo administret. Ratio est, quia hoc non est emere sacramentum, sed inducere sacerdotem, ut malum propositum commutet, & iniuriam rebus sacris non inferat : sicut enim potest induci pecunia ut ab aliis peccatis absteineat, ita etiam ut à Simonia.

6. *Tertia Conclusio.* Valde probabile est in casu proposito licitum esse offerre pecuniam, non quidem tanquam pretium sacramenti propriè, sed tanquam medium alliciendi animi alterius ad obtinen-

dum sacramentum. Ita *Alfisdorensis* p. 3. *summa* q. 3. *de Simonia*. Et idem videntur sentire auctores 2. sententiae, cum dicunt licere ad redimendam vexationem. Probat-
ur primò, quia dans pecuniam, illo casu non censetur
 ullam irrogare irreuerentiam sacramento, sed reueren-
 tiam, dum suo facto testatur sacramentum necessarium
 ad salutem: non enim aestimat illud pretio temporali,
 sed tantum inducit sacerdotem, ut velit facere quod
 tenetur facere. *Secundò*, licitum est talem sacerdotem
 inducere minis: ergo etiam pretio & muneribus. *Ter-
 tiò*, si quis alius sacerdotem impediret, ne Sacramentum
 conferret, possem ei dare pecuniã ut cessaret impedire:
 ergo etiam possum ipsi sacerdoti dare, ut tollat impe-
 dimentum, quod ipse sibi per avaritiam posuit.

QVÆST. VI. *An liceat dare pretium pro functionibus spi-
 ritualibus, quibus labor aliquis coniunctus est: v. g. an li-
 ceat dare pro administratione sacramentorum,
 missa, consecratione Ecclesiarum, con-
 cione, & similibus?*

1. **N**Ota. In tali functione 4. spectari posse. *Primò*,
 ipsam actionem qua talis est. *Secundò*, laborem
 intrinsecè coniunctum. *Tertiò*, laborem exterius annex-
 um. *Quartò*, ministri sustentationem.

2. Prima Conclusio. Pro ipsis actionibus spirituali-
 bus, qua spirituales sunt, aliquid dare vel accipere est
 simonia. Ratio, quia hoc est sanctitatem rei pretio
 temporali aestimare, quod intrinsecè malum est.

3. Secunda Conclusio. Non est simonia aliquid dare
 vel accipere pro laboribus extrinsecùs adiunctis. Est
 communis. Ratio quia illi labores sunt temporales, &
 per se pretio aestimabiles.

4. Tertia Conclusio. Non est etiam simonia, si des
 aliquid pro sustentatione ministri sub obligatione
 rei spiritualis, aut si minister aliquid pro sustenta-
 tione

tiono exigat. Ita *D. Thom. a. 3. & alij passim*. Ratio est quia ministris rerum spiritualium ex iustitia debetur sustentatio, siue sint pauperes, siue diuites : ergo possunt de eo pacisci, quilibet enim potest pacisci sibi dari, quod ipsi iure naturæ debetur : ergo.

5. Dices. Si possum pacisci de pretio: ergo non gratis ministrabo. Respondeo. Negando consequentiam, dicor enim gratis ministrare, quia non exigo quidquam tanquam ministerij pretium: hoc enim tanquam maius omni pretio gratis præsto : ut tamen hoc præstem gratis, requiro necessariam sustentationem à populo.

6. Quæres. Quid si nimium exigant pro sustentatione, eritne Simonia? Respondeo re ipsa non erit, sed præsumetur tamen in foro externo. Nam cum illud stipendium necessariam sustentationem superet, videtur illud auctarium accipi non pro sustentatione, sed ut pretium operis spiritualis, ut insinuat *D. Th. art. 3.* tamen reuera solum erit iniustitia : cum enim lege iustitiæ solum debeat sustentatio, si amplius exigas, erit contra iustitiam.

Quarta Conclusio. Difficultas est, an pro labore intrinsecus coniuncto v. g. pro labore in faciendo sacro, in baptizando, confirmando, ordinando, consecrando templo, liceat aliquid pacisci, vel exigere? Affirmant *Adrian. quodlib. 9. a. 1. Altsiodor. 3. p. qu. penult. de Simonia, Bonau. d. 25. quest. ult. de Simonia. Richard. ibid. art. 3. quest. 2. Glossa in c. significatum, de præbendis.* Alij docent esse Simoniam, si pecunia pro hoc labore exigatur. Ita *D. Thom. art. 4. d. 25. quest. 3. art. 2. Durand. ibid. quest. 3. num. 10. Palud. ibid. quest. 3. art. 3, Sylu. v. Simon. quest. 9. Caiet. hic art. 3. Hostiensis in c. significatum de præbendis, & passim Canonistæ.* Probatur primò, quia hic labor ita coniunctus est actioni sacræ, ut ipsa sine eo nullo modo fieri possit. Secundò, quia nul-

iam habet æstimationem inter homines, nisi ex ipsa sanctitate actionis: labor enim qui suscipitur à sacerdote in muneribus sacris, non æstimatur, nisi ob gratiam spiritualem coniunctam, vel inde manantem.

QVÆST. VII. *An Prælati possint aliquid exigere pro dispensatione, v. g. cum dispensant in votis, iuramentis, impedimentis matrimonij, aut quibusvis legibus Ecclesiasticis?*

1. **P**rima Conclusio. Simonia est, si pro huiusmodi dispensatione aliquid exegerint. Ratio, quia talis dispensatio est usus potestatis spiritualis qui vendi non potest, neque interuenit aliquis labor intrinsecus, qui sit pretio æstimabilis.

2. Secunda Conclusio. Certum est Prælatos inferiores nullo titulo quidquam accipere posse pro dispensatione. Ita *D. Thom. art. 3. ad 3. & alij passim*. Ratio est, quia iure canonico prohibitum est, tum antiquo, tum nouo in Concilio Trident. sess. 25. c. 18. de reform. his verbis: *si vrgens iustaque ratio postulauerit cum aliquibus dispensandum esse, id causâ, cognitâ, ac summâ maturitate, atque gratis, à quibuscunque, ad quos dispensatio pertinebit, erit præstandum: alioquin facta dispensatio subreptitia censeatur*. Nota tamen posse Episcopum imponere onus largiendi eleemosynam pauperibus, vel monasterio: hoc enim concilium non prohibet, sed tantum ne ipse Episcopus inde capiat commodum temporale.

3. Tertia Conclusio. Pontifex potest à Simonia excusari, etiamsi causa dispensationis accipiat; modo illud non accipiat in pretium dispensationis, sed velut in multam, per quam alter compenset recessum à lege communi. Ratio est, quia cupienti sibi concedi exemptionem à lege licitum est imponere aliquod onus, quod compenset hanc deformitatem, v. g. vt soluat aliquam pecuniâ ad piam causam, vt peregrinatio

grinationem suscipiat, quod etiam Episcopi facere possunt: decet enim hanc exorbitantiam aliquo modo compensari & sarciri, ut huiusmodi oneribus velut quibusdam repagulis coercerentur homines intra communes leges. Potest autem Pontifex hanc pecuniam suis necessitatibus applicare, quia nemini est debita nisi cui ipse eam attribuerit. Idem possent Episcopi, nisi ipsis iure positivo esset prohibitum. Vnde si alicubi esset consuetudo contraria iam legitimè præscripta, vel Pontifice sciente: & non contradicente, per aliquot annos recepta, non esset damnandum Simoniam.

QVÆST. VIII. *An Episcopi, vel eorum officiales, possint aliquid exigere pro litteris ordinis suscepti, vel dimissarijs, vel sigillo?*

1. **P**rima Conclusio. Nec Episcopi, nec eorum ministri (exceptis Notarijs) possunt aliquid exigere pro supradictis, ut expressè habetur in *Conc. Trid. sess. 21. c. 1. de refor.* & in *Concil. Braccar. 2. c. 3.* & in *c. sicut Episcopum 1. quest. 2.* Addit *Conc. Trid.* non posse aliquid accipere etiam si sponte offeratur, quod ante in Concilio non erat prohibitum. Excipiuntur ab eodem Concilio Tridentino. Notarij, sed iis tantum locis, ubi est consuetudo aliquid accipiendi, & nullum salarium pro exercendo officio est constitutum.

3. Secunda Conclusio. Si Episcopi, vel eorum ministri aliquid acceperint, vel exegerint, videtur esse Simonia saltem iuris humani, ut colligitur ex eodem Concilio Tridentino. quia prohibet hanc acceptationem tanquam prauitati Simoniacæ fauentem, & infligit pœnam excommunicationis pro facto olim iure statutam.

QVÆST. IX. *An pro ingressu religionis aliquid dare vel accipere sit Simonia?*

1. **P**rima Conclusio. Simonia est, si pro ipso statu religioso aliquid offeratur, vel accipiat. Est

communis. Ratio est, quia hic status est res omnino supernaturalis.

2. Secunda Conclusio. Si monasterium est opulentum, videtur esse simonia saltem iuris Ecclesiastici exigere aliquid pro sustentatione egredientis. Ita *D. Thom. in 4. d. 25. quest. 3. art. 2. ad 7. Adrian. quodl. 9. Victor. in relect. de simonia p. 2. n. 12.* Ratio est, quia ius viuendi de bonis monasterij ita est annexum professioni, sicut beneficium Ecclesiasticum est annexum officio Ecclesiastico: ergo sicut pro beneficio non potest quidquam exigi, ita neque pro iure sustentationis. Quidam tamen putant reuera non esse simoniam, sed tantum præsumi in foro externo, vt *Sylu. v. Simonia qu. 15. Tolet. l. 5. c. 89. Sotus l. 9. de iustitia q. 6. a. 2. ad 4. & multi alij recentiores*, quia non exigitur aliquid temporale pro spirituali tanquam pretium, sed solum tanquam conditio, vt monasterium accessu aliorum non grauetur.

3. Tertia Conclusio. Si monasterium inopia premitur, ita vt non possit plures sustentare, non est simonia pacisci cum ingredientibus de sustentatione. Ita *D. Th. & Sylu. l. c. Victor. Sotus, Caiet. Na. Medina & alij plerique.* Ratio est, quia hic nihil spirituale venditur. Nam illa pecunia solum requiritur, vt conditio quædam necessaria, vt alij religiosi non grauentur.

QVÆST. X. *An simonia sit resignare beneficium in fauorem Tertij cum clausula: Non aliter, nec aliàs?*

1. **P**rima Sent. Committi veram simoniam, si resignatio fiat in manus Ordinarij: non autem fiat in manus Pontificis. Prima pars probatur, quia omnis pactio in spiritualibus Simoniam continet c. *fin. de pactis, &c. ex parte 1. de officio delegati.* Secunda pars probatur, quia Pontificis præsentia potest Simoniam purgare, & veluti sol tenebras depellere. Ita *Rebu. ff. de benef. 5. de pura resignatione*, addens beneficium resignatū in fauorem Tertij coram Ordinario, & ab Ordinario collatum.

collatum posse impetrari à Papa tanquam vacans per simoniam. Idem tenet *Nauar.c.23.n.107. & passim Canonista cum Glossa in cap.ex parte*, quam sequuntur aliqui Theologi.

2. Secunda Sententia. Talem resignationem in manus Ordinarij factam, nullam continere simoniam iuris diuini vel humani, nec esse illicitam, modo is in cuius fauorem fit, verè sit dignus. Ita *Sotus l.9.q.7.art.2.* quem sequuntur multi Thomistæ, & *Couar.l.1.var.resol.c.5.num.5.6.* vbi pro sententia citat *D. Anton. & Sylu.* Ratio est, quia qui ita renunciat, nihil temporale dat, vel accipit pro spirituali, sed solum indicat se renunciare, si collator velit conferre Petro: non renunciare, si nolit. Confirmatur, quia in permutatione licitum est in fauorem Tertijs resignare etiam in manus Ordinarij, vt patet ex *Clementina unica, de rerum permutatione*, cur non etiam in simplici cessione. Nec obstat, quod Episcopus videatur obligari. *Primò*, quia etiam obligatur in permutatione, si eam permittat. *Secundò*, hæc obligatio non est pretio æstimabilis, quando alter est verè dignus. *Tertiò*, quia obligatio solum quæritur vt conditio, nec vlllo modo censetur pretium remunerationis, alioqui etiam censeretur pretium quando fit cum Pontifice.

3. Prima Conclusio. Hic nulla est simonia iuris diuini, vt patet ex allatis probationibus.

4. Secunda Conclusio. Non potest etiam ex Canon. conuinci esse simoniam iuris humani, quia nulla propriè hic interuenit pactio: non enim requiritur Promissio prælati, sed solum fit resignatio sub conditione, quam si Prælatus non acceptat, nihil actum est. Nota plerosque sentire Episcopum posse acceptare talem resignationem reiecto modo, & conferre, cui voluerit, quia illa clausula habetur pro nō adiecta, cum resignatio in spiritualibus purè fieri debeat.

Contrarium tamen est probabilius cum *Rebuffo*. *Primò*, quia quando actus fit cum aliqua adiectione, non potest pars altera illius recipi, & altera reiici, sed debet totus reiici, vel totus recipi. *L. Aurelius*, ff. de deliberatione delegata, ubi vide *Bartol.* *Secundò*, quia apertè significatur resignationem esse nullam, nisi admittatur cum illo modo, unde non potest ille modus vel conditio haberi pro non abiecta.

5. Tertia Conclusio. Huiusmodi resignationes propter speciem vel imaginem simoniæ iuxta stylum Curia non possunt fieri, nisi in manus Pontificis. Ita *Nau.* & *Rebuff. supra*, & *Flamin. q. 3.* Unde sequitur, non posse fieri coram ordinario, nisi ex priuilegio vel consuetudine ei sit concessum. *Secundò*, sequitur, resignationes seu cessiones reciprocas non posse coram illo fieri, v. g. resigno meum beneficium in fauorem tui nepotis, vt tu resignes tuum in fauorem mei nepotis. Nam præterquam quod hæc resignatio fit in fauorem Tertij, continet pactum resignationis reciproca, quod omnino extra casum permutationis est iure prohibitum, vt patet ex cap. *Quasitum*, de rerum permutatione.

QVÆST. XI. An licitum sit resignare beneficium reserua-
ta pensione.

1. Prima Conclusio. Licitum est, modo pensio sit moderata, & legitima autoritate constitutur. Est communis. Et patet c. Ad questionem, de rerum permutatione. Idem confirmat vsus quotidianus. Ratio est quia si Pontifex potest plures fructus ante cetero titulo beneficij, ita eidem titulo potest partem fructuum detrahere, & alteri ius ad illos concedere: vel onus soluendi ex fructibus certam portionem ipsi titulo imponere, idque ad vitam resignantis, & tunc ad quem transibit beneficium, ad eundem transibit onus soluendæ pensionis. Itaque resignare beneficium reseruatâ pensione, nihil aliud est, quam resignare sub ea lege,

de modo, vt superior partem fructuum à beneficio separet, vel vt onus pensionis illi imponat, quod cum superior iure possit facere, nihil exigitur nisi quod iure fieri potest.

2. Dices: Superior in hoc casu obligatur ex pacto: ergo videtur esse Simonia. Respondeo *primò*, non obligari, quia non tenetur admittere resignationem sub tali modo. *Secundò*, admissa resignatione non est opus vt se obliget, quia sufficit, vt liberè constituat pensionem. Quod si nolit, iam resoluitur renunciatio. *Tertiò*, etiamsi se obligaret, nihil referret, quia pensio non exigitur, vt pretium beneficii aut resignationis, sed vt pars eius quod dimittit: non enim paratus est renunciare beneficio toti cum omnibus fructibus, sed cupit retinere partem.

3. Secunda Conclusio. Aliqui superiores possunt imponere hanc pensionem; alij non possunt, ac *Primò* certum est Pontificem posse, cui plenaria dispositio beneficiorum competit. *Secundò*, idem potest Legatus à latere, vt docet *Rebuff. §. de resignatione conditionalis, n. 1. 2.* *Tertiò*, dubium est de Episcopis. Alij negant, alij affirmant. Probabilius tamen est non posse iuxta stylum curiæ Romanæ.

4. Quæres. An si quis expensas fecerit in beneficio litigioso possit eas repetere; si beneficium velit resignare? Quidam putant posse, si non petat aliquid pro beneficio, sed tantum pro expensis litis vt se indemnem seruet: hæ enim totæ redundant in utilitatem resignatarij quasi in eius gratiam factæ essent. Mihi placet contraria sententia quæ est communis DD: vt docet *Flamin. l. 14. quest. 7. n. 1.* Ratio est, quia omne pactum in spiritualibus de onere temporali, quod iure non est annexum, reprobat, si absque autoritate superioris fiat, vt supra dictum.

QVÆST. XII. *An licitum sit resignare beneficium in confidentiam.*

1. **P**rima Conclusio. Si resignes, vel alio modo procures alicui beneficium, confidens ipsum aliquando illud nepoti, vel amico tuo resignaturum, si nullam obligationem illi imponere intendas, non erit Simonia, quamvis propter circumstantias possit esse illicitum. Ita *Nauarr. c. 23. n. 109.* Ratio est, quia nullum interuenit pactum, nec externum, nec internum: sine pacto autem non potest esse simonia, ut ex definitione patet.

2. Secunda Conclusio. Si resignes, conferas, vel aliter procures alicui beneficium cum intentione obligandi, ut post aliquod tempus nepoti vel alicui alteri resignet, nullo tamen signo exterius hanc tuam intentionem insinues, erit Simonia mentalis, quæ tamen non infert pœnas iure constitutas.

3. Tertia Conclusio. Si alicui beneficium aliqua ratione procures eligendo, præsentando, postulando, resignando in fauorem, conferendo, instituendo, confirmando, vel commendando, cum pacto, ut is qui beneficium accepturus est, illud tibi vel alteri aliquando resignet, seu relinquat, aut ut pensionem ex eo, vel fructus aliquos alteri præstet, erit Simonia confidentiæ externa, quæ pœnas iuris infert. Patet ex *Bulla Pij IV. & maxime Pij V.* quam refert *Nau. loc. cit.*

QVÆST. XIII. *An licitum sit permutare beneficia compensata fructuum inequalitate?*

1. **P**rima Conclusio. Permutatio beneficiorum facta sine autoritate Prælati est illicita: non tamen est Simonia iuris diuini naturalis, sed Ecclesiastici, ut patet ex supradictis.

2. Secunda Conclusio. Si alterum beneficium sit altero dignius, & redditus sint pares, est Simonia iuris diuini, si pecuniâ vel pensione excessus ille dignitatis
com

compensetur. Ratio est, quia illa dignitas est omnino spiritualis.

3. Tertia Conclusio. Si beneficia habeant prouentus inæquales, possunt inter se commutari excessu prouentuum alterius compensato per pecuniam, vel pensionem. Ita *Sotus l. 9. quæst. 7. art. 2. Caiet. hic art. 4. Sylu. v. Permutatio 2. q. 6.* vbi citat *Panorm. Angelum V. Permutatio num. 6.* Probatur ex c. *ad questionem*, de rerum permutatione, vbi *Clemens III.* approbat permutationem duarum Ecclesiarum parochialium compensato excessu opulentioris pecuniâ. Contrarium videtur sentire *Adrian. quodlib. 9. art. 3. d. 5. & Couarr. l. 1. var. resol. c. 5. num. 8. 9.*

4. Nota. Hinc compensationem fieri posse tripliciter. *Primò*, si beneficium opulentius non separatis prouentibus à titulo commutetur cum tenui, & pro excessu prouentuum exigatur compensatio. Hic modus non est licitus, quia excessus ille hoc ipso quod manet annexus titulo, est debitus illi titulo; ac proinde debet transferri cum titulo: ergo pro eo nihil potest exigi, quin id etiam pro titulo exigi censeatur, & hoc videntur velle *Adrian. & Couarr.* *Secundò*, si compensatio exigatur non pro excessu manente annexo, sed pro incommodo temporali quod subeo, spoliando me istis prouentibus. Hic modus est licitus, quia ob hanc causam possum petere à Pontifice, vt vel pensionem mihi referuet ex beneficio quod relinquo, vel beneficiario imponat obligationem; vt ex alio beneficio mihi aliquid pro mea indemnitate soluat. *Tertiò*, si iura prouentuum separentur à titulis; & *primò* ipsi tituli nudi simpliciter permutentur: deinde alio contractu permutentur iura prouentuum compensato excessu opulentioris: iura enim prouentuum à suis titulis hoc modo separata non sunt spiritualia, sed temporalia, ac proinde possunt sub tali pacto commutari, vt incremen-

tum alterius, pretio compensetur. Hoc modo intelligitur citatum c. *ad quæstiones, de rerum permutatione*. Hic tamen cauendum est, ne hi contractus misceantur, ut ait Pontifex, quod fieret, si ei in permutatione titulorum apponderetur pactum de permutatione prouentuum compensatione.

QVÆST. XIV. *An licitum sit redimere vexationem in beneficiis?*

1. **N**Ota aliud est ius ad rem in beneficiis: aliud ius in re. Is dicitur habere ius ad rem, qui est electus, vel præsentatus, vel postulatus, sed nondum confirmatus, aut institutus. Is dicitur habere ius in re, qui iam est confirmatus, vel institutus, vel collationem factam acceptauit, quamuis nondum possessionem ceperit.
2. **Prima Conclusio.** Qui nondum habet ius in re non potest oblato pretio vexationem redimere, ab iis qui non tantum possunt obesse, sed etiam prodesse. Est communis, & apertè colligitur ex c. *Matthæus, de simon*. Ratio est, quia quando datur pecunia ei qui potest prodesse, censetur illum inducere ad non opponendum, quod iure posset opponere, & ad præbendum consensum; & ita viam sibi sternere directè & propriè ad ipsum beneficium, v.g. si electus, vel præsentatus reuocatur ab Episcopo, qui deberet illum confirmare vel instituere; non licet ei dare pecuniam, ut ab hac vexatione cesset; quia hæc vexatio consistit in confirmationis negatione: negatio autem non tollitur, nisi per affirmationem; quæ in hoc casu est ipsa confirmatio, vel institutio, ac proinde dare ut cesset à vexatione, est dare pro ipsa confirmatione.
3. **Secunda Conclusio.** Qui nondum habet ius in re, potest oblato pretio vexationem redimere ab his, qui solum possunt obesse, siue vi & fraude ob sint,

obfint, siue muneribus & precibus, apud electores vel collatorem. Ratio est, quia hoc non est directè aditum sibi ad beneficium parare, sed iniquam machinationem alterius impedire: datur enim pretium pro cessatione nocuenti.

4. Tertia Conclusio. Qui habet ius in re per confirmationem, vel institutionem, vel liberam collationem, potest pretio redimere vexationem, si fortè aliquis illum à capiendâ possessione impediât. Ita *D. Thom. art. 2. Caiet. tract. de Simonia quest. 3. Nau. c. 23. num. 102. Sotus l. 9. quest. 6. art. 1. & plerique Canonistæ in c. Dilectus, & c. Matthæus, de Simonia*. Sotus tamen dubitat an hic liceat vexationem redimere ab eo, cuius est in possessionem mittere. Ratio dubij est, quia dare aliquid tali, ne impediât possessionem, est dare, vt mittat in possessionem: non enim aliter definit impedire possessionem, quam mittendo, seu introducendo in eam: possessio autem est aliquid spirituale. Vnde dare aliquid pro possessione est aliquid pro re spirituali.

5. Sed est communis sententia in contrarium. Respondeo ergo possessionem secundum se non esse quid spirituale, sed id habere ex titulo cuius vi capitur, quem titulum cum ille plenè iâ teneat, accedente nouâ possessione non accedit noua ratio spiritualis, sed possessio ipsa per se adiaphora fit spiritualis ex coniunctione cum titulo. Vnde non dat pretium pro re spirituali. Nota ex *Conc. Trid. sess. 24. c. 14. de refor.* Capitulum, aut alios, nihil omnino posse exigere ab eis, qui sunt electi, præsentati, instituti vel instituendi, confirmati vel confirmandi, vel possessionem ingressuri, vel distributiones recepturi, nisi ex antiqua consuetudine hæc in pios vsus solita sint conuerti, alioquin censetur Simonia, & incurrunt pœnas Simoniacorum, vt ibidem Concilium definit.

QVÆST. XV. *An licitum sit offerre pecuniam Electoribus, ne eligant indignum?*

1. **P**rima Conclusio. Pro electione particularis personæ etiam dignissimæ non est licitum pecuniam offerre. Ratio est, quia hoc esset emere actionem spiritualem, nempe ipsam electionem, & annexum beneficium, sine vlla necessitate, neque censeretur esse redemptio vexationis. De statu necessitatis paulò post dicam.

2. Secunda Conclusio. Licitum est offerre pecuniam, vt non eligant ineptum. Ratio, quia hæc est mera redemptio iniuriæ seu læsionis iniustæ: Ecclesia. n. habet ius, vt non detur ei minister ineptus.

3. Tertia Conclusio. Etsi non videatur licitum offerre pretium pro electione particularis personæ, tamen licitum videtur offerre pro electione personæ idoneæ in genere. Ita *Sotus, Caiet. & alij*. Probat, quia eiusdem rationis censetur offerre pretium, ne eligant ineptum, & vt eligant aptum. Si enim volunt eligere: hoc ipso quod non eligunt ineptum, necesse est vt eligant idoneum: ergo si aliud licet, hoc etiam licebit.

4. Quæres. Quid si vnus tantum reperiat, idoneus, an tunc liceat offerre pretium vt eligatur, cum electio eius sit necessaria ad malum Ecclesiæ advertendum? Resp. cum *Soto supra & Nau. c. 22. num. 102.* id licere, quando nulla alia ratio obtinendi idonei suppetit. Ratio est, quia tunc non tam emitur electio, quam aueritur malum Ecclesiæ imminens.

QVÆST. XVI. *An licitum sit conferre beneficium pro munere vel à manu, vel à lingua, vel ab obsequio?*

1. **V**Rbanus II. in c. *Saluator* 1. quæst. 33. prohibet his verbis: *Quisquis res Ecclesiasticas, non ad quod instituta sunt, sed ad propria lucra, munere linguae, vel obsequij, vel pecunia largitur, vel adipiscitur, Simoniacus est.*

2. Prima

2. Prima Conclusio. Si des aliquod huiusmodi munus ad conciliandam amicitiam dumtaxat, ut postea tui memor tibi ex amicitia conferat beneficium, non erit Simonia in dante, nec in Collatore accipiente, si ea tanquam gratis donata accipiat, nec propter illa quasi pacto obligatus beneficium conferat. Ratio est, quia tunc non interuenit pactum, sine quo non potest esse Simonia. Dixi, *quasi pacto obligatus*, quia etsi se agnoscat sui obligatione gratitudinis astrictum, & conferat beneficium, ut huic obligationi satisfaciat, non erit Simonia, ut docet *Navarr. num. 106. & Couar. l. 1. var. resol. c. 20. n. 4* quia Simonia requirit ut ex obligatione iustitiæ, seu ex pacto detur. Nota Quamuis hec vera sint in foro conscientię, tamen satis esse periculosa in praxi, quia sæpe est magnum periculum Simonię, vel certè non probæ electionis, ubi munere iniercedūt.

5. Secunda Conclusio. Si huiusmodi munus des cum intentione obligandi ut te præsentet, eligat, vel instituat, erit Simonia saltem mentalis ex parte tua. Similiter ex parte alterius, si eadem mente accipiat, vel postea velut ex pacto tacito beneficium conferat. Hoc probat Canon citatus.

QVÆST. XVII. *An sit simonia conferre beneficium propter timorem?*

1. **C**onferre beneficium ob timorem nihil aliud est, quam conferre ad euitandum aliquod malum, quod ab alio times.

2. Prima Conclusio. Conferre beneficium propter timorem, si nullum intercedat pactum non est Simonia, Est communis. Probatur ex defectu pacti. *Secundò*, quia licitum est confiteri aut communicare ex timore: ergo etiam dare beneficium. Nam vterque actus est æquè spiritualis.

3. Secunda

3. Secunda Conclusio. Si interueniat aliquod pactum, saltem occultum, per quod alter nouo modo censeatur in posterum manere obstrictus ad non nocendum, videtur esse Simonia. Ita *Sotus l. 9. quæst. 7. art. 3.* & *Victoria in relect. de Simon. n. 25* Ratio est, quia illa obligatio est pretio æstimabilis: est enim nouum vinculum superadditum iuri naturali, quo vinculo obstringitur ille lege iustitiæ mihi non nocere.

4. Tertia Conclusio. Si non intercedat talis obligatio in posterum, sed solum agatur de præsentis euitatione mali non videtur esse Simonia, quia deest pactum iuxta primam conclusionem.

QVÆST. XVIII. *An pensio possit vendi aut redimi pecunia?*

1. Prima Conclusio. Pensio quæ datur ad officium aliquod spirituale, qualis est pensio quæ datur Coadiutori Episcopi, vel Concionatori, non potest pretio vendi absque vitio Simonia. Est communis. Ratio est, quia talis pensio est annexa rei spirituali, sicut beneficium est annexum officio.

2. Secunda Conclusio. Pensio illa quæ fundatur in titulo merè temporali, potest redimi & vendi etiam pretio sine Simonia. Ratio est, quia nec in titulo spirituali fundatur, nec refertur ad functionem spiritualem. Sed difficultas est de reliquis pensionibus, quæ sunt quadruplices. *Prima*, quæ datur parochi seni non valenti amplius deferuire, vt se sustentet beneficio eius alteri collato. *Secunda*, quæ datur pauperi Clerico ad sustentationem. *Tertia*, quæ ad litem componendam. *Quarta*, quæ datur resignanti in fauorem, vel commutanti cum altero.

3. Tertia Conclusio, Non est Simonia, si is qui aliquam ex his pensionibus debet, eam præsentis pecunia redimat. Ita *Tolet. l. 5. cap. 92.* & *passim DD. in*

Clement.

Clement. unica, de supplendis negligētis pralatorum. Ratio est, quia redimere talem pensionem non est emere aliquod ius spirituale, sed extinguere onus temporale, nempe debitum soluendi quotannis certam summam,

4. Quarta Conclusio. Probabilius est, si ius antiquum spectemus, non esse simoniam, aliquam ex his pensionibus emere aut vendere. Ita *Caict. opusc. 3. respons. 10.* & Canonistæ suprâ de pensione quæ datur Parocho seni. Ratio est, quia huiusmodi pensiones non sunt spirituales: non enim dantur propter officium spirituale, sed ad alimēta, vel ad aliam causam tēporalem.

5. Nota primo. Magaum esse discrimen, an ius fructuum immediatè detur personæ, quamvis in ea requiratur certa conditio spiritualis. An verò detur ei titulo spirituali. Si enim titulo spirituali annectatur, ita ut qui illum titulum acquirit, simul acquirat ius proventuum, iam hoc ius spirituale erit, nec vendi poterit: secus autem si immediatè detur personæ.

6. Nota secundo. Vbi Bulla *Pij V. de pensionibus* est recepta, ibi pensionem esse rem spiritualement: statuit enim *Pius V.* ut omnes pensionarij ratione pensionis teneantur recitare officium B. V & hac ratione pensio reuera est quoddam beneficium; sed plerisque locis hæc Bulla non videtur recepta.

De Pœnis Simoniacorum.

QVÆST. XIX. *An omnis simonia inducat pœnas iuris?*

1. Prima Conclusio. Nulla simonia inducit pœnas iuris ipso facto, nisi in ordine, beneficiis, & Religionis ingressu. Ita *Nau. c. 28. num. 111.* & *Sylu. v. simonia quest. 19.* Vnde si quis in aliis sacramentis conferendis, vel accipiendis, si in consecrationibus, benedictionibus, dispensationibus, in pensione emenda vel vendenda, in vicaria temporali conferenda simoniam cōmittat; grauiter quidē peccabit, non tamen cōtrahet pœnam

pœnam excommunicationis, suspensionis, aut inhabilitatis.

2. Secunda Conclusio. Simonia mentalis quæ absque externo aliquo contractu tacito vel expresse in ordine, beneficiis, aut religione peragitur, nullas pœnas iuris inducit, vt communiter docent Theologi, & Canonistæ. Imò plerique sentiunt Ecclesiam non posse simoniam internam hoc modo punire, quia non iudicat nisi de externis.

QVÆST. XX. *Quas pœnas inducat simonia realis in ordinibus?*

1. PRIMA Conclusio. Qui confert ordines per simoniam realem. *Primò*, est excommunicatus, vt patet in *extrauag. Cum detestabile de Simonia*. *Secundò*, est suspensus à collatione cuiusvis ordinis, etiam primæ tonsuræ. Ita Bulla *Sixti V. de malè promouentibus & promotis*. *Tertiò*, est suspensus ab executione omnium munerum Pontificalium, vt à consecratione templorum, altarium, calicum, Abbatum, Virginum; à benedictione vestium sacrarum, vt patet ex eadem Bulla. *Quartò*, interdictus est illi ingressus Ecclesiæ ibidem. *Quintò*, si contra suspensionem vel interdictum istud fecerit, est suspensus ab administratione suæ Ecclesiæ, & à perceptione suorum fructuum omnium beneficiorum ibid. *Sextò*, nemo potest eum absoluerè præter Romanum Pontificem etiam si delictum sit occultum, quia Pontifex id sibi reseruat cum clausula derogatiua omnium priuilegiarum regularibus datorum, & concessionis factæ Episcopis à *Conc. Trid. sess. 24. c. 6*. Puto tamen hanc Sixtinam plerisque locis ignorari, ac proinde non esse vsu receptam.

2. Secunda Conclusio. Qui ordinem aliquem per simoniam realem suscepit. *Primò*, est excommunicatus ipso facto, vt habetur in *cit. extrauag. Secundò*, est suspensus ab executione suorum ordinum,
nec

nec refert, an crimen sit occultum, an publicum, ut habetur in *eadem Extrauag.* An autem ab omnibus sit suspensus, an solum ab eo quem simoniacè suscepit, dubitari potest. Communior sententia est ab omnium ordinum executione suspensum esse. *Tertio*, si præsumpserit in illa suspensione ministrare, efficitur irregularis, quia violat censuram. Deinde per *Bullam Sixtinam* privatur ipso facto omnibus dignitatibus, beneficiis, officiis, efficitur in habilis ad omnia. *Quarto*, nemo præter Romanum Pontificem potest illum absolvere à censuris, aut cum eo dispensare ex eo, ut patet ex *Bulla Sixti*. Seposita autem hac Bulla potest Episcopus, si casus sit occultus, & necdum ad forum externum deductus, ut patet ex *Trid. sess. 24. c. 6.*

QVÆST. 21. *Quas pœnas inducat Simonia realis in beneficijs.*

1. **P**rima Conclusio. Qui beneficium confere vel procurat alteri per simoniam realem, eligendo, præsentando, postulando, instituendo, confirmando, commendando, est ipso facto excommunicatus, ut patet in *Extrauag. cum detestabile*; hoc tamen non habet locum in officiis Ecclesiasticis quæ non sunt beneficia; neque in pensionibus, vel vicariis temporalibus, quia dicta extrauagans non loquitur de talibus.

2. Secunda Conclusio. Qui verò beneficium per talem Simoniam acquirit. *Primo*, est ipso facto excommunicatus, *ibid.* *Secundo*, omnis collatio & prouisio huiusmodi est nulla, nullumque ius tribuit, *ibid.* *Tertio*, fit inhabilis ad idem beneficium obinendum c. *Nobis fuit de Simon. & c. penult de elect.*

QVÆST. 22. *Quas pœnas inducat simonia realis circa Religionis ingressum.*

1. **C**onclusio. Simonia realis circa huiusmodi ingressum. *Primo*, inducit excommunicationem

personis tam dantibus, quam accipientibus, *Secundò*, conuentui vel capitulo, si consensit in hanc simoniam, inducit suspensionem; vtrumque patet in *Extrauag. Urbani IV. quæ incipit, Sanè ne vinea Domini, de simonia*. *Tertiò*, simoniaci admissi ad Religionem videntur iure inhabiles ad manendum in illo monasterio, vbi sic recepti sunt. Nam egent dispensatione Ordinarij, vt in eo possint permanere, vt patet in *dicta extrauag.* quod tamen locum non habet, si ipsis ignorantibus Simonia commissa sit.

QVÆST. 23. *Quas pœnas inducat simonia confidentia?*

1. **P**rima Conclusio. Hæc simonia inducit *primò*, excommunicationem papalem vtrique parti contrahenti. *Secundò*, priuationem beneficij, in quo commissa est simonia. *Tertiò*, priuationem reliquorum beneficiorum ante obtentorù, quamuis hæc non teneantur dimittere ante sententiam. Iudicis. *Quartò*, inhabilitatem ad idè beneficium, & ad cetera omnia. *Quintò*, omnia beneficia collata & acceptata in confidentiam simoniacam reseruata sunt Sedi Apostolicæ, ac proinde Ordinarius collator non potest ea conferre. Vide *Bullam Pijs. apud Nauarr. de qua supra quæst. 12.*

2. Secunda Conclusio.. Quod si solum contractus ius simoniacæ esset celebratus & neutra ex parte completus, tunc dictæ pœnæ non contraherentur, vt colligitur ex *Bulla cit. Nauar. supra.*

QVÆST. 24. *An simonia conuentionalis inducat pœnas iuris?*

1. **P**rima Conclusio. Nulla simonia conuentionalis excepta ea, quæ confidentiæ dicitur, inducit ipso facto vllas pœnas iuris positiui. Ita *Nauary. c. 23. num. 104. & plerique recentiores*, præsertim si loquamur de ea conuentionali, quæ neutra ex parte completa est, vel de ea, in qua datum est quidem pretium, sed

sed nondum tradita res spiritualis. Dissentiunt tamen authores de ea, in qua res spiritualis tradita est, & nondum pretium persolutum. Nam *Sotus & Caiet.* putant hanc inducere omnes pœnas iuris, perinde ac si vtrunque completa esset; sed contrarium sine scrupulo teneri potest cum *Nau.* qui id benè probat, & soluit argumenta contraria.

2. Secunda Conclusio. Si tamen postea hæc simoniaca pactio vtrunque in totum, vel in partem completa fuerit, incurruntur pœnæ & retrotrahuntur ad tempus pactiois. v. g. collator convenit cum Petro 100. aureis de dando illi beneficio, & statim illud confert; sed Petrus nondum soluit pecuniam promissam; proinde nondum incurrunt pœnas iuris nec collatio est irrita; si tamen postea etiam post menses vel annos Petrus soluerit, iam incurfa censetur excommunicatio ab utroque ab initio contractus, & contractus censetur ab initio nullus, & collatio invalida, ut ostendit *Nauarr. c. 23. num. 140.* & patet ex praxi curiæ Romanæ, cui in hac re standum est. Nota tamen videri quibusdam hanc retrotractionem non habere locum in foro conscientiæ; sed tantum in externo. Vide *Henri. Henriq. de excom. c. 19.*

QVÆST. XXV. An omne id quod Simoniacè acceptum est debeat restitui?

1. Hæc quæstio potest dupliciter intelligi. *Primò*, an debeat restitui iure diuino. *Secundò*, an iure Ecclesiastico. De priori sensu vide *Nauarr. c. 28. num. 103. 104.* De posteriori sit

2. Prima Conclusio. Si loquamur de re spirituali simoniacè accepta, non tenemur eam restituere, nisi sit beneficium Ecclesiasticum: hoc enim debere dimitti iure Ecclesiastico, patet in *extran. Cum detestabile, de simon.* Cætera autem spiritualia, vel dimitti non possunt, ut sunt sacramenta: vel non sunt dimit-

tenda ante sententiam, quia canones illud de iis non statuerunt. Hoc modo simoniacè admissus in monasterium, non tenetur illud ante sententiam dimittere. Idem est de reliquis simoniacè comparatis.

3. Dices. Omnis pactio in spiritualibus est irrita, & nullius momenti, ut habetur *c. fin. de pactis*, & *c. Præterea, de transactionibus*. Respondeo inde tantum sequitur rem spiritualement, quæ restitui potest, esse restituendam, si repetatur, & pretium pro ea datum restituatur: non autem altero non repetente, aut nolente pretium reddere. Nam etsi pactum sit irritum; non tamen obligat ad mutuam restitutionem cum damno partis, nisi superior in pœnam cogat.

4. Secunda Conclusio. Si loquamur de pretio simoniacè accepto, tenemur illud iure positivo restituere. *Primò*, si acceptum sit pro beneficio, ut patet *c. de hoc de simon*. *Secundò*, si acceptum sit pro collatione ordinum, vel aliorum sacramentorum, aut sacramentalium, & notabiliter excedat id quod pro sustentatione exigere poterat. *Tertiò*, si acceptum sit pro admissione in Religionem *c. veniens de simon*, ubi Pontifex mandat, ut Abbas & Monachi compellantur restituere id quod acceperant à quodam, ut eum in Monachum admitterent. Puto tamen eos ad id non teneri ante sententiam, si admissus in monasterio permaneat, quia ratione alimentorum videtur posse retineri. Confirmatur, quia restitutio ante sententiam esset faciendâ ei qui admissus est: vel parentibus, qui eius nomine dederunt. Atqui hi consentiunt, ut pro alimentis retineatur. Deinde *Vrbanus IV. in Extraag. Sanè in communibus, de Simon*. permittit, ut sic acceptum retineatur, modò non in priuatum usum Abbatis vel Abbatissæ, sed in communem usum conuentus conuertatur.

QVÆST. XXVI. Cui debeat fieri restitutio pretij, & quando?

1. **P**rima Conclusio. Si aliquid temporale acceptum sit pro conferendo beneficio, vel alia re spirituali, non secuta collatione, iure naturæ restituendum est ei, à quo acceptum est. Ita *Victor. in relect. de simon. pag. 2. num. 6. Caiet. v. simonia c. 3. Sotus lib. 9. quest. 8. art. 1.* Ratio est manifesta, quia deest titulus, cur possit retineri, cum illud pro quo datū est, non præstetur, ac proinde debet reddi ei, à quo acceptum est, cum iura non iubeant alteri dari. *Contr.* tamen ad regulam peccatum *pag. 2. §. 2. num. 2.* putat restituendum esse in pios vsu; sed argumenta solum probant non posse reperi in foro externo.

2. Secunda Conclusio. Si verò beneficium sit traditum, ita ut utrumque sit simonia completa, sunt duæ sententiæ DD. Nam aliqui putant pretium acceptum in hoc casu ante sententiā iudicis esse restituendum ei, qui dedit; post sententiā, cui iudex addixit. Ita *Sotus l. b. 9. quest. 8. art. 1. Bannes in 2. 2. quest. 32. art. 7. & multi recentiores.* Ratio est, quia is qui pretium dedit, non amisit pretij dominium: non enim transtulit dominium eius in venditorem rei spiritualis, quia venditoria talī casu est in apax illius dominij iure positiuo; neque alter intendit à se abdicare dominium alia ratione quam transferendo in venditorem: ergo cum in hunc non sit translatum, verè mansit apud emptorem: ergo emptori restituendum est.

3. Dices. Ecclesia illum priuauit dominio. Respondent Authores citati talem priuationem non fieri, nisi per legem pœnalem, quæ neminem ante sententiā ita re sua priuat, ut eius dominium amittat. Hæc sententia non est improbabilis. Cōtraria tamen (nempe etiam ante sententiā iudicis pretium illud esse restituendum Ecclesiæ) videtur esse magis recepta, quam tenent *Sylu. v. Simonia quest. 30. Victoria & Caiet. supra,*

QVÆST. XXVI. Cui debeat fieri restitutio pretij, & quando?

1. Prima Conclusio. Si aliquid temporale acceptum sit pro conferendo beneficio, vel alia re spiritali, non secuta collatione, iure naturæ restituendum est ei, à quo acceptum est. Ita *Victor. in relect. de simon. pag. 2. num. 6. Caiet. v. simonia c. 3. Sotus lib. 9. quæst. 8. art. 1.* Ratio est manifesta, quia deest titulus, cur possit retineri, cum illud pro quo datū est, non præstetur, ac proinde debet reddi ei, à quo acceptum est, cum iura non iubeant alteri dari. *Couarr.* tamen ad regulam peccatum *pag. 2. §. 2. num. 2.* putat restituendum esse in pios vsu; sed argumenta solum probant non posse repeti in foro externo.

2. Secunda Conclusio. Si verò beneficium sit traditum, ita ut utrimque sit simonia completa, sunt duæ sententiæ DD. Nam aliqui putant pretium acceptum in hoc casu ante sententiā iudicis esse restituendum ei, qui dedit; post sententiam, cui iudex addixerit. Ita *Sotus lib. 9. quæst. 8. art. 2. Bannes in 2. 2. quæst. 32. art. 7. & multi recentiores.* Ratio est, quia is qui pretium dedit, non amisit pretij dominium: non enim transtulit dominium eius in venditorem rei spiritalis, quia venditor in tali casu est incapax illius dominij iure positiuo; neque alter intendit à se abdicare dominium alia ratione quam transferendo in venditorem: ergo cum in hunc non sit translatum, verè mansit apud emptorem: ergo emptori restituendum est.

3. Dices. Ecclesia illum priuauit dominio. Respondent Authores citati talem priuationem non fieri, nisi per legem pœnalem, quæ neminem ante sententiam ita re sua priuat, ut eius dominium amittat. Hæc sententia non est improbabilis. Cōtraria tamen (nempe etiam ante sententiam iudicis pretium illud esse restituendum Ecclesiæ) videtur esse: magis recepta, quam tenent *Sylu. v. Simonia quæst. 30. Victoria & Caiet. supra,*

Canonista in c. *de hoc*, & c. *Audiuimus*, de *simonia*, & plerique omnes DD. qui fuerunt ante Sotum, & apertè colligitur ex c. *de hoc*, ubi Pontifex dicit Regem & Principes inducendos esse, ut restituant Ecclesiæ: loquitur autem ante sententiam, & in foro conscientiæ. Idem colligitur ex c. *audiuimus*. Et ratio est, quia contra mentem Ecclesiæ est ut restituat danti. Nam Ecclesia intendit utrumque punire; nec obstat quod pœna non dicatur deberi ante sententiam: quia quod ille teneatur rem illam, quæ suæ non est, dare Ecclesiæ, vel expendere in pios usus, non est pœna, sed simplex præceptum: cum enim non possit eam retinere, graue non est ei, quod debeat illam tali modo expendere.

F I N I S.

INDEX



INDEX RERVM PRÆCIPVARVM .QVÆ HOC TRACTATV CONTINENTVR.

*PRIOR NUMERVS PAGINAM,
posterior numerum marginalem designat. Vbi numerus
marginalis solum apponitur, ad proximè de-
notatam paginam refertur.*

ABDVCTIO.



BDVCENS
aliquem à
religione ad
quid tenea-
tur. pag. 249.

n. 2. 3. & p. 251. 252. n. 4. 5.
Ablatio.

Ablatio mancipij inuito
domino an sit furtum. pag.
361. 3

Acceptio personarum.

Acceptio personarum quid
sit. 331. 2

In quibus locum habeat.

333. 3

In Deo non est personarum
acceptio 4. ex genere suo est
peccatum mortiferum. 5

Accepta.

Accepta ob turpē causā,
an & quādo necessario resti-
tuenda & cui. 311. 4. 5. Ac-
cipiens mercedem operis tur-
pis patrati non necessario
approbat opus. 312. 6

Acceptare ob causa hone-
stā, ad qua obligabaris ex in-
stitia, sunt restituenda. 313. 2
Item si ex charitate obliga-
baris; nisi sit opus sumptuo-
sum & laboriosum. 314. 4.
secus ob ea qua cedunt in ho-
norem solius Dei aut utili-
tatem proximi. 5

Acceptare.

Acceptare promissionē vel

INDEX

donationem qui possint. 123.

2 & 124.3

Acceptatio promissionis vel donationis absenti facta quomodo fiet debeat. 119. 1. & 120.2.3.4. *An possit fieri post mortem promittentis vel dantis.* 122.2.3

Accusatio. Accusator.

Accusatio quid. 396.1. *Quae eius solemnitates.* 2

*Accusationem an prae-
dere debeat secreta monitio.* 397.1. *An seper* 3. & 398.4
*Accusator an desistere pos-
sit & quibus casibus ab ac-
cusatione incepta* 398. 1. 2

*In causa civili quando possit
actor à lite recedere.* 399. 3

*In criminali quando possit,
quando non* 4. *In crimine
publico capitali quando
transigere sit licitum.* 400.
6

Adiuratio.

Adiuratio quid 560. 1: *dupliciter sit* 2. *Quinam ad-
iurare possint.* 561.3

Adolescens.

*Adolescentes acceptantes
inuiti beneficium an ad ho-
ra teneantur?* 496.6

Adoratio.

Adoratio quid sit. 501. 2.
pariè sumitur, ibid. *Adoratio*

*externa secundum se adia-
phora.* 2.3

Adulator.

*Adulator quando teneatur
ad restitutionem.* 294.8

Adulter Adulterium.

*Adulteram filiam & adul-
terum occidere an liceat.* pag.
142. num. 3

Adulter ad quid teneatur.

265.2.266.4.5

*Adultera secuto partu ad
quid teneatur.* p.267. num. 1.
268.2.4.5

Aduocatus.

*Advocatus an teneatur pau-
peribus patrocinari gratis &
quando* pag. 414.1.415.2. *Si
tuetur causam iniquam, tene-
tur de damno quod parti ob-
venit ratione illius patronij*
pag. 414. num. 1.2

*An & quando possit cau-
sam dubiā tueri.* 412.1 413.2

*An cum videt causam ini-
quam possit cum altera parte
transigere.* 414.3

Æstimatio.

*Æstimatio lucri, quod oc-
ciscus faciebat, quomodo fa-
cienda.* 259.2.3

Anima.

*Anima occisi ab occisore ni-
hil ex iustitia restituendum.*
p.260. num. 2

Appre-

I N D E X.

Apprehensio.

Apprehensio alia vera, alia ficta. 42. 1. *Vbi ficta habeat locum.*

Aucupium.

Aucupans contra iustam prohibitionem quomodo peccet. 93. 94. 95

Audire.

Audiens detractorem quomodo peccet. 417. 1. 2. 3. 4

Audita referens quando peccet. 418

BENEFICIUM.

Q*uid sit resignare beneficium in confidentiam.* 584. 1. 2. 3 *In beneficijs quomplex est ius.* 588. 1

In beneficio an qui habet ius in re, possit redimere vexationē, & quam, & à quibus. 34. & à quibus non potest. 2

In beneficijs an liceat vexationē redimere ab eo cuius est in possessionem mittere. 587. 5

An sit licitum beneficium cōferre pro munere vel à manu vel à lingua, &c. 589. 2. 3

Beneficium conferre propter timorem quid sit. 589. 1

Beneficiarij sunt domini proventuum quos accipiunt ex decimis etiā quoad eam partem qua est superflua. 59. 7. & 60. *Soluntur argumenta*

Nauarri.

65. 20

Bona.

Bona immobilia qua dicantur. 176. 7

Bona quando censeantur incerta. 307. 1. 2

Bona incerta iure positivo sunt in pauperes distribuenda. 307. 3. *An etiam iure naturali.* 308. 4. *Si qui habet verè pauper est, potest ea retinere.* 309. 5. *Si non est verè pauper tenetur veris pauperibus restituere.* 310. 2

Inuentor incertorum bonorum post diligentem inquisitionem potest ea retinere. 310. 1

Bona filij familias quadruplicia. 52. 1

Bona fides

Bona fide rem furtivam ementi potest furi reddere. 305. 2

CALLIDITAS.

C*alliditas causa quid?* 316. 3. *An inter causas damni secundarias sit aliquis ordo in restituendo.* 298. 3 *Vni ex causis condonatione facta ad quid teneantur reliqua, ibid. 5*

Causa damni negatium ad quid teneatur. 299

Causa excusantes à resti-

- tutione. 328.1 *quam sit omnes pensiones simul sumpta, ibid 2 3*
- Census. *Censum utrimque redimibilem an liceat emere. 455*
- 445.1 *1.2*
- Census quid, ibid. variè diuiditur. 2. Reseruatius quid. 2. quid consignatus. 446. variè diuiditur. 3. definitiones singulorum membrorum, ibid.
- Census noui emptio licita. 447.2
- Census personalis emptio licita. 448. 2. qualis debeat esse persona super quam constituitur. 450. 4. Hypothecam in eâ exigere licitū est. 5
- Census realis irredimibilis emptio licita. 452.2
- Census realis perit perente re super quâ fundatur. 3. An possit in tali censu exigi hypotheca. 453
- Census personalis irredimibilis an possit emi minori pretio quam sint pensiones sperate. 452.2
- Census temporalis quid. 454.1
- Censum temporalem an emere liceat minori pretio
- Conditiones iure positino requisitæ in censibus. 458
- Cessio bonorum.
- Cessio bonorum quatenus excuset à restitutione. 329.4
- Cessiones beneficiorum reciproca an licita & coram quo faciendæ. 582.5
- Christus.
- Christus homo non fuit rex temporalis. 682
- Christus ut sit passus iniuriam. 205.5
- Clericus.
- Clerici non religiosi quorū bonorum dominium habent, quorum non? 57.1.2.3. 4. 5
- Clericus an & quando facultates tueri possit occidendo. 348.5. an sic contrahat irregularitatem. ibid.
- An omnes clerici obligentur ad horas canonicas. 491
- 1 An ab hac obligatione liberentur per excommunicationem. 492.3
- Clerici minorum ordinum an rā ordinis obligentur ad horas canonicas, an ad quippiam aliud. 493.4
- Com

I N D E X.

Commodatum.

Commodatarius quibus casibus tenetur de euentu fortuito? 317.5.6

Pro commodato reddendo nil potest exigi. 313.2

Commutare.

Omnia vota ante emissis licet commutare propria auctoritate in votum religionis. 339.6

Vota commutare qui possint & quo pacto. 337.1

Quomodo commutare debet qui tantum habet potestatem commutandi. 340.7

An votum factum in fauorem alicuius pia cause possit commutari in fauorem alterius. 338.3

An etiamsi voto illi ad dita sit promissio determinans. 339.4

Causa commutationis qualis esse debeat. 340.8. *Facta commutatione an possit vouens redire ad prius votum.* 9

Compensatio.

Compensare infamiam pecunia non tenemur ex iustitia. 271.1. *si tamen infamator compellatur per iudicem, tenetur.* 272.3

Compensandum integrè damnum quod sequitur ex infamia falsa. 274.1. *item quod ex patefactione criminis veri.* 2

Ad compensationem damnorum tenentur heredes infamatoris defuncti. 275.2

Compensatio in restitutione fame quomodo facienda? 279.1.2.3

Conditio.

Conditio impossibilis dupliciter dicitur. 141.4

Quandoque reddit contractum irritum. §. quandoque non. 159.6

Conditionalis donatio quando valida, quando non. 155.1.2.3

Condonatio.

Condonare famam restitutionem qui possint. 277.1.2.3.4

An lesus si condonet lesori, ad nil teneatur qui laesit. 263.8

Consulens.

Consulens damnum ad quid teneatur. 291.292.5.6

Contractus.

Contractus strictè quid. 160.1. *quid latè, ibid.* 2

Contractus varia dispositio, ibid. 1

Contractus superficialis quid? 35.2

Contra

I N D E X.

Contractus libellarius seu libellus quid, ibid. 1

Contractus nominatus quid, quid innominatus. 161.2. quid bona fidei, quid stricti iuris. 3. qui lucrativus quid onerosus. 4. quid nudus, quid vestitus. 5

Contractus quando obliget, quando non. 162.1.2

Contractum quando iuramentum confirmet, quando non. 163.4

Contractui dupliciter addi potest iuramentum. 164.6

Contrahere qui possint, ibid.

Contractus qui in utilitatem dantis, qui in utilitatem solius accipientis fieri dicantur. 315.2

Ratione contractus quando facienda restitutio, ibid.

In contractibus ex quotuplici capite damnum inferri potest. 316.3

Ad damnum datum in re alterius quae apud te sit ex contractu iure natura non teneris nisi ab dolo aut lata culpa. 317.7. Iure humano an ad illud tenearis & quando. 318.8

Si contractus cedat tantum in commodum eius cuius

res est, an tenearis de damno & quando. 9. Quid si contractus in utilitatem utriusque cedat. 319.10

Cooperans.

Cooperans ad idem damnum individuum tenetur ad restitutionem in solidum. 295.2

Si non cooperatur ad idem sed distinctum infert, tenetur tantum pro sua parte. 296.3

Cooperantes ad idem damnum quo ordine teneantur in solidum restituere. 295.1

Cooperari ad furtum quot modis quis possit. 290.2

Cooperans ad furtum iubendo quantum & quando restituere teneatur. 3. quando non. 4. 5. & 292.1.2

Ex cooperantibus ad usurum qui restituere teneantur. 441.1.442.2

Corruptor.

Corruptor virginis ad quid teneatur. 263.1. & 264

Creditor.

Creditoribus quo ordine satisfaciendum. 321.1.2. Cuius res in specie adhuc extat an ei primo ex ea satisfaciendum, ibid.

An prius petenti liceat prius

I N D E X.

drus solvere. 316. 2. *An pauperes preferendi ditioribus.* 3

Creditoribus defuncti homicida non tenetur. 261.2

An si creditori restitutio putetur nocitura sit differenda. 330.5

Crimen.

Crimen quot modis dicitur publicum. 420.1

Crimen alicui publicum, ubi secretum est, reuelare an & quale peccatum, ibid. 1. An sit contra charitatem. 421.5

Criminales causa à civilibus quid differant. 375.1

Culpa.

Culpa alia iuridica, alia theologica. 316. 3. *Diuiditur in latam, latiore, latissimam, leuem, leuissimam, ibid. Singularum definitiones, ibid. Lata requiritur ad necessariam restitutionem.* 5

Qualis requiratur in contractibus ad restitutionem. 319.10.9

Cultus.

Cultus religionis quomodo ab honore differat. 460.3

Cultus sanctorum quotupliciter fit. 468.2

Cultus imaginum qualis. 470.5

Cultus Sanctorum an sit actus religionis. 471. 8. 472.

9 *Cultus Deo non debetur diuersa speciei ob diuersa beneficia aut attributa.* 473.1. & 474.1. *num deberetur cultus Deo si nihil ab eo accepissemus, ibid. 3 2*

Cultus illegitimus quid. 562. *varia eius membra & quid sint.* 4.5

- D A M N U M.

Q*ui damnum infert rei crescenti ad quid teneatur.* 288.2

Damnum emergens quid est? 428.1

Damnum ex infamia sequens restituendum. 273.3

An ratione damni emergentis liceat aliquid exigere supra sortem, & quando, & an de eo pacisci. 428.2. 429.

3

Debitum.

Debita certa an prius soluenda quam incerta. 320

Debitum quotupliciter dicitur incertum, ibid. Quid faciendum quando res incerti domini adhuc extat in specie. 320.1. *Quid quando non extat, ibid. An quando res vendita extat, venditor preferendi s.*

I N D E X.

- ferendus.* 321.4
- Debita ex delicto an pre-
ferenda debitis ex certo con-
tractu.* 324.2
- Debita certa quo ordine
soluenda.* 225
- An si tibi debeo, solvam
creditori, liberer à solutione
tibi facienda.* 330.7
- An debita rei interitus
excuset à solutione.* 331.7
- Pro debito soluendo nil
potest exigi.* 317.2
- Debitum fidelitatis quo-
modo differat à debito iusti-
tie.* 128.10
- Debita ex contractu quo-
tuplicia.* 328.5
- Decimæ.**
- Decimas soluere an Chri-
stiani teneantur & quo iure.*
509.1. *An sint elemosynæ.*
2. *An secundum quotam iu-
re diuino debeantur.* 510.4
- Decimarum solutio cuius
virtutis actus.* 511.6
- Decimarum quotam an
conuenienter Ecclesia statue-
rit.* 512.2
- Decimarum soluendarum
rationes, ibid.*
- Decimæ ex quibus rebus
soluendæ & quare.* 513. 2. 3.
- 4
- An ecclesia habeat deci-
mam dominium ante ca-
rum separationem.* 5
- Decima quomodo soluenda.* 514.1
- Decima ex fructibus om-
nino integris deducenda.* 2.
quibus soluenda. 515.1. & 2
- Decimas prediales soluere
qui teneantur.* 516.1. qui per-
sonales. 2. Clerici omnes inuò
& Episcopi decimas soluere
debent Pontifici. 3
- Defectus.**
- Defectus veniales proximi
narrare quale peccatum.* 416
3. quale naturales, ibid.
- Defensio.**
- Defendendo vitam pro-
prium licet alterius mortem
intendere.* 344.2. & 345.5
- Quà id fiat auctoritate.*
345.6
- Defensio sui cum periculo
innocentis an licita.* 350.1
- Defendendo facultates pro-
prias an liceat furem occide-
re.* 347.2
- An id etiam liceat Cleri-
co.* 5
- Defendere pudicitiam &
honorem an liceat occidendo
inuasorem.* 348.1
- Defendere alterum cum
inuasoris occisione an liceat.*
349.1. *An ad id tenearis*

INDEX

- cum periculo vite, ibid.*
- Derelictum.**
- Derelicta quæ dicantur.* 104. 1. 105. 2.
- Detractio.**
- Detractio quid.* 415. 1. *quomodo differt à contumelia, ibid. quot modis fit directe quot indirecte, ibid. 3*
- Detractio quale peccatum.* 416. 1
- Detraكتورis defuncti heredes non tenentur ad restitutionem fame.* 275. 1
- Detractorem subditum non impediens prelatum ad quid teneatur.* 277. 2
- Detrahentem externum de suo subdito non impediens prelatus ad quid teneatur.* ibid.
- Deuotio.**
- Deuotio quotupliciter sumitur.* 475. 1. *unde nascatur.* 476. 2. 4
- Dignitas.**
- Dignitas quotuplex in sanctis.* 469. 4
- Dignitas moralis in sanctis quid, ibid.*
- Dispensatio.**
- Dispensare quid.* 540. 1
- An sit in ecclesia potestas dispensandi.* 2
- Dispensare in votis qui possint.*
- Episcopi in quibus votis possint dispensare. 4. quæ vota Pontifici reservata.* 5
- Quisquis habet potestatem dispensandi ordinariam vel delegatam, habet & commutandi non contra.* 539. 6. *An aqualis causa requiratur ad dispensationem & commutationem.* 540. 8
- Prelati in quibus & quorum votis possint dispensare.* 542. 6. *Confessarii ordinarii mendicantium in quibus possint, in quibus non.* 7
- An Parochi possint dispensare.* 8
- Dispensatio sine causa an valida.* 9. *Quæ causa iusta ad dispensationem voti.* 10
- An Papa possit dispensare in voto solemnī castitatis Religiosorum.* 143. 1. 345. 4
- An Superior dispensare possit in obligatione Horarum Canonicarum.* 498. 3
- Diuinatio.**
- Diuinatio quot modis fit.* 563
- Diuisio**
- Diuisio prima rerum quomodo & quando facta.* 85. 1.
2. *Fuit utilis, ibid. 1. Fuit licita. 2. Vt non sit facta iure naturali.* an na

INDEX

naturali. 87. 1. *nec divino,*
sed gentium 88. 3.

Dolus.

Dolus quid. 316. 3

Dominium. dominus

Dominium quid? 16. 1. *Minus late patet quam ius in re.* 17. 3. *Aliud iurisdictionis, aliud proprietatis.* 17. 1

Dominium proprietatis aliud plenum, aliud non plenum. 2. *Non plenum aliud directum, aliud utile, ibid.*

Ad dominium alicuius rei comparandum quando requiratur traditio. 18. 1. *Princeps cuius est legem condere non transfert dominium suarum rerum suo titulo.*

21. 3

Dominij subiectum.

Dominij competentis homini fundamentum non est gratia. 48. 4. *neque fides.* 465.

Dominij rerum temporalium triplex titulus, ibid. 7. *Obiectiones ex scriptura solvuntur.* 8. & 50. 6. 10. 11.

Parvuli sunt verè domini suorum bonorum etiam ante usum rationis. 52. 1. *Item amentes.* 3. *Itemque quando queserui.* 53. 1

Dominium in communi

habere possunt religiosi professi. 53. 1. *non possunt tamen in particulari.* 54. 3

Hac dominij incapacitas non oritur ex voto, sed ordinatione ecclesie. 54. 4

Quàm graviter peccent religiosi aliquid sibi retinentes 56

Dominij incapaces non sunt religiosi non professi. 57. 7

Dominium plenum habent episcopi circa fructus quos precipiunt ex bonis immobilibus. 58. 9

Dominij obiectum.

Dominium vite & membrorum an homini competat. 76. 77. 7.

Respublica non habet dominium vite subditorum.

9

An homo sit dominus sue fame. 77. 3

Dominium hoc ut aliquando sit ligatum. 78. 4

An sit naturale. 6. *An possit vendi.* 79. 7

Respublica habet dominium fame singulorum civium. 78. 5

Ut homo sit dominus bono-

I N D E X.

rum spiritualium. 79. 3. *ut non.* 80.4
Homo iuste dominari potest alteri. 81.2

Donatio.

Donatio quid. 105.1. *Donationis a promissione differentia.* 109.1

Donare qui possint. 132. 1.2

Donatio inter coniuges iure communi inualida. 133.1

Duobus modis confirmatur. 2. *quandoque statim valet.* 3

Donatio patris in filium nondum emancipatum inualida 134. 1. *Duobus modis confirmatur.* 2. *quandoque statim valet.* 3

Donatio omnium bonorum iure communi inualida. 135. 1. *quandoque valet.* 2

Donatio ultra 500. solidos sine insinuatione, inualida. 136. 3. *quandoque valida.* 137.4

Donatio inter viuos quid. *Mortis causa quid.* *ibid.* 1

Donatio inter viuos renocari potest tribus ex causis. *ibid.* 2. *Ratione ingratitudinis.* 137. 3. *excipiuntur quidam*

casus. 138.4. *ratione prolis suscepta* 5. *si sit inofficiosa.* 139.6

Donatio mortis causa renocatur tres ob causas. 140.1

Donatio ante acceptationem ordinarie non obligat. 115.1. *quandoque tamen obligat.* 116.3. *quod obliget ante acceptationem probabile est prouenire ex solo iure positiuo* 18.1. *Probabilius tamen etiā ex naturali vel gentium.* 2

Donatio interna facta Deo, obligat: facta homini nō. 114. 1. *idque iure natura.* *ibid.* 2

Donare gratis quomodo melius quam ex obligatione. *ibid.*

Dubium. Dubitatio.

Dubitans an res sit sua, manente dubio potest retinere, tenetur tamen inquirere. pag. 306.1

Dubitans an res sit aliena, potest eam accipere titulo donationis, permutationis, &c. cum animo restituendi si dominus inueniatur, ibid. 3. *si animo sibi retinendi accipiat, peccat, non tamen restituere tenetur statim.* 307.4

I N D E X.

Dubia de rebus non sunt in meliorem partem interpretanda. 218.3. *de personis verò sunt.* 4

Quomodo & quando dubia de personis tenemur ex iustitia in meliorem partem interpretari. 212.5. 6. & 220.9.10

Quando agitur de vitando damno vel adhibendo remedio, dubia de personis sunt in deterio rem partem interpretanda & quomodo. 221.

13

E L E C T I O.

Electoribus ne indignum eligant an liceat pecuniam offerre. §88.2

Pro electione particularis digni an liceat. 1

Pro electione idonea persona in genere an liceat. 3

An liceat pro electione idonei quando ille solus est. pag.4

Excommunicatus.

Excommunicatus occultus non peccat usurpatione iudicij. 225. 1. *Neque notorius toleratus post Concil. Constât.* 226.3. *nomina tim vero denunciatus, & manifestus cle-*

rici percussor peccat, suntque eius acta irrita. 228.7

Emphyteusis.

Emphyteusis quid. 33.2

Emphyteuta quomodo ab usufructuario differat. 34.3

Emptio, emptor.

Emptor rei aliena malâ fide tenetur domino reddere. 306.6. *contrarium tamen est probabile.* 7

Expensæ.

Expensa funeris an restituenda ab occisore. 260

Cuius expensis & quo loco faciêda restitutio. 326.2.4.5

F A L L A C I A.

Fallacia quomodo fit. 316.3

Fama, famosum.

Fama sua homo est dominus. 77.3

Fama interdum cum periculo vita restituenda. 269.1. *interdum non, ibid.*

Fama restitutionem multa excusant. 200.

Fama quomodo restituenda si crimen falsum sparsisti. 273. 1. *quomodo si occultum manifestasti, ibid. 2.*

In fama restituenda quomodo non sit mendacium, ibid. 4.

Fama

INDEX.

Fama aliâ viâ recuperata non est restituenda. 174.3

Fera.

Fera vulnerata ordinariè est capientis, quandoque vulnerantis. 97.2

*Fera meo laqueo capta quando sit mea, quando exi-
quentis & auferentis.* 98.2.5

Feudum.

Feudum quid. 34.1

*Feudi ab Emphyteusi differ-
rentia.* 2

Fides bona, mala.

*Fides bona in prescriptio-
ne quid.* 169.1

*Fides bona ad prescriben-
dum requisita, ibid.*

*Dubitans quomodo habeat
bonam fidem, 171.2. quomodo
non.* 3

*Fides mala nunquam pre-
scribit. 172.2. Soluuntur ob-
iectiones contra.* 173.4

*Fideicommissaria substi-
tutio quid?* 156.8

Filius.

*Filij an & quando peccent
mortaliter accipiendo & ex-
pendendo bona patris.* 365.1.
quando non. 366.2

Filius naturalis quid. 150.1

*Potest institui heres. 153.9
succedit matri si non habeat
legitimos.* 154.10

Fiscus.

*Fisco addicta bona quanto
tempore prescribantur.* 182.
2.183.4

Fraus.

*Fraus in contractibus an
differat à furto.* 360.3

Fructus.

*Fructuum inaequalitas in
permutatione beneficiorum
quot modis compensari potest.*
585.4

*Fructuum alij rei, alij in-
dustria.* 285.2

Furtum.

*Furtum quid & quomodo
à rapina differat.* 359.1

*Furtum quoduplex. 360.1
quale peccatum. 361.1. Unde
sit veniale, ibid. 2*

*In furto quantitas notabilis
materie quomodo respectu di-
uerforum sit diuersa. 361.3.
4. &c.*

*Furari rem paruum cuius
ablatio magnum adferat in-
commodum quale peccatum,*
362.5

*Furta minuta multiplica-
ta an faciant unum mortale.*
363.2. *An in singulis sit no-
uum peccatum mortale. 364.
4. Quid si per ea non intendis
discedere, sed tantum ex occa-
sione committis, ibid. 5*

An ultimum complens
quantitatē notabilem sit pec-
catum mortale. 6. An idem
dicendum de esculentis &
poculentis. 365.8

Furtū quot modis fieri pos-
sit. 289.1. & quot modis pos-
sit quid ad illud cooperari
290.2

Furti cōsentiens quando ad
restitutionem teneatur. 294.7

Quando recursum prabens,
ibid. 9

Quando participās. 295.11
Fur tenetur restituere fru-
ctus rei naturales. 285.2. etiā
quādoq; industria. ibid. Quod
si fructus consumpsit nec inde
factus est locupletior non te-
netur restituere. 286.5

Res furtiua si apud furem
pereat, apud dominum non
peritura, fur tenetur ad resti-
tutionem. 282.1. secus si fuis-
set peritura, idque siue casu si-
ue furis culpā perierit. 283.5.
si tamen rem vendidit tene-
tur restituere id quo factus est
locupletior. 285.6

Qui rem furtiuam accepit
gratis non potest furi resti-
tuere nisi sit moraliter certus
ipsum restituendum. 304.1

Fur an fideliter possident
rem furtiuam, ibid.

HÆRES.

Hæres quis dicatur.
152.9

Hæres institui quis possit.
150

Holocaustum.

Holocaustum quid. 507.3

Homicidium, homicida.

Homicidium cui virtutis
opponitur. 335

Homicida vel mutilator ad
quid teneatur. 254.1. si mo-
riatur, an hæres teneantur.

2. Quando homicida susti-
nuit pœnam talionis, hæres
in rigore tenentur ad resar-
cienda damna. 258.2. proba-
bile tamen est non teneri in
conscientia, nisi petantur.
ibid. 3

Homicida vitam serui com-
pensare debet pecunia. 259.2.
vitam liberi in conscientia,
non. 3

Honor.

Honor restitui debet. 281.1.

Honor variis modis restitui-
tur. 3

Horæ canonicæ.

Hora canonica an vtilis &
retinenda in ecclesia. 491.1

Quot hominum genera ad
horas canonicas obligentur.
393.1

An per excommunicatio-
nem

I N D E X.

non liberentur. 492.3

Ad horas canonicas an omnes beneficiarij teneantur, 464. 1. quando ea obligatio incipiat. 2.

Qui ab hac obligatione excusentur. 495.3. An & quando excusetur beneficiarius primo & secundo anno. 4.

An excusentur qui habentes altaria aut capellas cum non sint sacerdotes, expendunt maiorem partem proventuum in substitutum qui sacra faciat. 496.5

An excusentur qui possident beneficium litigiosum aut habent fructus sequestratos. 497. 7. An qui ideo non recipiunt fructus quia non resident cum possint. 8.

Horas legendi obligatio quanta sit. 498.1

An qualibet omissio horarum sit peccatum mortale. 2

Hora quomodo recitanda, & quot ad hoc condiciones requisitae. 298 1.2

Horas interrumpere quantum peccatum. 3

Horarum ordinem immutare an liceat. 500.6

Ad horas deuotè recitandas quae requirantur. 499.4

Hora quo tempore legenda,

ibid. Matutinum & laudes licet pridie ad vesperam legere. 3

Horas paruas non licet pridie legere, licet tamen mane omnes usque ad vespertas exclusiue ob honestam causam. 500.4. Ante Matutinum & Laudes celebrare non est peccatum mortale. 5. Officiu pro officio legere etiam data opera non est peccatum mortale. 7

Hostia.

Hostia pacifica quid. 507.3

IDOLOLATRIA.

Idololatria nomen quotupliciter sumitur. 563

Idololatria proprie dicta quid, ibid.

Ignorantia.

Ignorantia clara iuris an sufficiat ad prescriptionem.

171.2. & in quo foro. 3

Ignorantia clara iuris verè dubij & valdè dubij sufficit.

4. Item ignorantia facti. 172.5

Illegitimus.

Illegitimi duplices. 150.1

Illegitimi an possint institui heredes, ibid.

Impediens.

Impediens aliquem à consequendo beneficio vel officio, vbi vel fraude, tenetur ad restitutionem. 287.2

Impediens precibus vel blāditiis non tenetur, ibid. 3

Impuberes.

Impuberum vota an possint à Patre irritari. 335.12

An vota Impuberum facta ante pubertatem possint post pubertatem irritari à patre. 13

An vota impuberum qua conferantur in tempus pubertatis. 14

Infamia.

Infamare an & quando sit peccatum mortale. An contra charitatem, an iustitiam? 418.2.3

An uno loco infamē liceat alio infamare. 420.2. An sit contra charitatem. 421.5

Infamem uno crimine an & quando liceat de aliis infamare, ibid.

An liceat iniuriam sibi factam amico deferre. 422

Infamator, non tenetur restituere famam aliunde recuperatam. 272.2

Qui bona fide putans aliquod crimen esse publicum infamavit proximum tenetur ad restitutionem statim atque cognovit. 276. 1. non tamen cum gravi suo incommodo, ibid. 2

Neque tenetur ad damna,

qua aliter est inde passus. 3

Iniuria, iniustitia.

Iniuria in quo consistat. p. 202.1

Iustitia quid. 202.1.2

Iniustitia habitualis in quo consistat, ibid. 3

Iniustus quis, ibid. 2.3.4

Quomodo intelligenda hac regula, scienti & consentienti non sit iniuria. 203.1. & 205.4.

Martyres & Christus ut sint passi iniuriam, ibid. 5

Innocens.

Innocentem occidere an quandoque liceat. 350.1. An Respublica cogere possit innocentem ut Tyrannum occisurum adeat. 351.5

Inquisitio.

Inquisitio quatuorplex & definitio singulorum membrorum. 381.1

Modus procedendi per inquisitionem quam late se extendit, ibid. 4

An quando via generalis inquisitionis procedit, debeat precedere infamia personae delicti. 382.2

Inquisitioni generali interrogati subditi an detegere possint criminosos. 4. An teneantur. 3

Inquisitionem mixtam an prae

I N D E X.

precedere debeat infamia.
383.2

*In inquisitione mixta sub-
diti iuramento requisiti an
teneantur authorem detegere.*

384.4

*Inquisitionem particularem
non semper precedere debet
infamia.*

385.3.4.5

*Quando requiruntur quan-
ta esse debet, ibid.*

Inuasor.

*Inuasorem praueniendo oc-
cidere an liceat.*

344.2

*An permittere liceat se ab
inuasore occidi.*

346.9

*An se contra inuasorem
tueri liceat cum periculo in-
nocētis quo se protegit.*

346.8

*Inuasorem prouocantem oc-
cidens ad nihil tenetur.*

255.1

*Inuadentem vero sine pra-
uocatione, si debitā modera-
tionem se defendendo excedat
occidēs tenetur integrè dam-
num compensare 2. si non ex-
cedat, ad nil tenetur.*

257.4

Inuenta.

*Inuenta in pauperes ero-
ganda.*

310.2

*Inuentor post diligentem
inquisitionem potest inuenta
retinere, ibid.*

1

Irrisio.

Irrisionis quis finis & eius

differtia à contumeliā. 422

Iudex, iudicium.

Iudicium variè accipitur.

206

*Iudicium internum est actus
intellectus. 207.2. elicitur à
virtute prudentia, non iusti-
tia. 3. Dici tamen potest actus
iustitie.*

4

*Iudicium externum seu sen-
tentia iudicis est magis actus
iustitie.*

207.6

*Iudicium externum est actus
iustitie legalis & particula-
ris.*

209

Iudicare licet Christianis.

210.1

*Ad iustum iudicium qua
requisita, ibid.*

3.

*Iudicium temerarium quid.
211.1. Quomodo differt à
dubitatione & suspitione: 2*

*Iudicium temerarium iudi-
cis est peccatum mortale con-
tra iustitiam, ibid.*

3

*Iudicium temerarium in
animo residens quando sit
peccatum mortale. 213.5.*

quando non. 212.4

*Iudicium temerarium an
obliget ad restitutionē. 216.11*

*Iudicandū semper secundū
leges ius naturale cōtinentes.
222.1. secundum leges cōs-
tantes ius positium ordina-*

INDEX

riè. 2. *Licet tamen ab eis recedere indicando contra verba legis.* 3

Iudicans non sibi subditum peccat usurpatione iudicij. 223. 2. 224. 4. *estque peccatū genere suo mortale.* 225. 5

Iudex ob crimen ipso iure priuatus titulo ante sententiam iudicis non peccat usurpatione iudicij. 230. 6

Iudex habens titulum coloratum non peccat, usurpatione iudicij, ibid. 1. *ut tamen eius acta valeant, due conditiones requisitæ.* 231. 2. *Idem dic quando iurisdicctio est occultè alicui ablata.* 233. 4. *Hæcque locum habent tam in foro contentioso quam sacramentali.* 234. 5

Quando probabilis dictorum opinio dat iudici iurisdicctionem valent eius acta. 235. 6

Item quando populus dubitat an sit iudicio priuatus. 7

Iudex an condemnare possit quem scit innocentem, probatū nocentē. 370. 1. *quid igitur ei tunc faciendū, ibid.* *probabile est posse.* 2. *verius nō posse.* 3. *An idem dicendum de causis ciuilibus.* 375. 2

Iudex an quē possit ex priuata sciētia condemnare. 376. 1. 2

An saltem id possit supremus Index. 2. 377. 3. *An saltem possit ex concessu Reip.* 378. 5

Iudex an possit aliquem non citatum, nec auditum cōdemnare, ibid. 1. *An id possit princeps.* 379. 2. 3

Iudicum secularium praxis, qui ex denūciatione officialis publici ad hoc deputati, vel alterius priuati, aut ad querelam partis offensa procedunt ad capiēdas informationes & indicia, quibus habitis, formant libellum inquisitionis, an damnanda. 387. 9

Iudici seculari quibus modis via ad inquisitionem aperitur. 389. 1

Iudex ex quibus indicijis potest reum subiicere torture. 391. 6. 7

Indicia hīc quid vocentur. 1. *quot eorum gradus.* 390. 2

Iudex non potest reum legitime contriētum per testes torquere ad extorquendam confessionem criminis. 390. 5

Iudex condemnans reum præter ordinem iuris an & quando restituere teneatur. 395. 12

Iudices inferiores à tyranno constituti ut nō peccent usurpatione iudicij. 230. 6

Iura

I N D E X.

Iuramentum.

Iuramentum quid. 547.1

An iuramentum per falsos Deos sit verè iuramentum. 2

Iurare per falsos Deos an & quando sit peccatum mortale, ibid.

An infidelis iurans per falsum Deum sit periurus si falsum iuret, ibid.

An iuramentum per creaturas sit verum iuramentum, ibid. *An si attestemur Sanctos.* 548. *Ad essentiam iuramenti qua requirantur.* 3

An qui ex ira iurant verè iurent, ibid. *An qui dicunt per fidem meam, & similia.* ibid.

Iuramenti varia diuisiones. 549. *Singulorum membrorum definitio.* 550.4.5

Creatura quot modis spectari potest in ordine ad iuramentum, & quomodo spectari debet ut per eam sit verum iuramentum. 551.3

An liceat iurare. 550.1

Quæ & quot iuramenti condiciones. 551.4

An iuramentum promissorium liberè factum semper obliget. 552.2

Iuramentum de re mala

an valeat. 2. *An de indifferenti.* 3

Iuramentum de re bona sequitur conditionem promissionis cui additur. 4

Iuramentum promissorium metu graui extortum an obliget. 553. *Qui latroni promisit ad vitam redimendam cum iuramento tenetur soluere,* ibi.

Iurans se rediturum ad iniquum carcerem, tenetur. 554

Iuramentum dolo extortum an & quando obliget. 2

Iurans fide an teneatur iuramento. 555. 2. 3. 4. *Quot modis iurari potest fide.* 1

Iurans alio sensu, quam alter intelligat an teneatur. 556. 2. *& an peccet.* 3

Iniusse iurare coactus, oratione ambigua vel restrictione utens non peccat. 557.4

Iusiurandum deferre ei, quem scis peieraturum, an liceat. 558.1.2

Iuramenti obligatio qui tollatur. 559.2

Iuramentum ut possit potestate humana irritari. 3

Iuramentum quando sit validum, quando non. 163.3

Iustitia, ius, iustum.

Iuris nomen aquinocum est & variè accipitur. 1.2

I N D E X

Ius ut idem est quod iustum, tripliciter accipitur. num. 2.

Iuris definitio. p. 3. 1

Ius pro potestate sumptum quid sit p. 4. num. 2. non est quid reale nec rationis, sed morale. pag. 4. num. 3. quomodo nihilominus ab eo procedant effectus reales. pag. 5. num. 4.

Ius aliter diuiditur à Iuristis; aliter à Theologis. pag. 6. num. 2. 3

Quid ius naturale, ibid. num. 2. 3. quid gentium, quid ciuile; quid positium, ibid.

Iustum aliud simpliciter, aliud secundum quid. pag. 7. 1

Iustum simpliciter non reperitur inter patrem & filium et tales, & quomodo hoc intelligatur. pag. 7. 2. & 8. 3. si non spectentur ut tales, potest esse. pag. 9. 5

Ius in re quid, quid ius ad rem. p. 11. 1. & quæ ad horum acquisitionem requiratur, ibid. 2. & 12. 3. & quæ eorum differentia. 4

Quale ius habeat, qui furto amisit suum equum vel possessionem sui prædij. pag. 12. 5

Quid per rem intelligatur, in ius in re, & ad rem. p. 13. 6

Ad acquirendum ius in re circa res incorporales, quando præter titulum necessaria sit traditio p. 14. 7

Ius seu facultas utendi potest esse separata à dominio, etiam in rebus usu consumptibilibus. 3. 2. 2

Iure gentium quæ nullius sunt, sunt primo occupantis. p. 89. 5

Ius patronatus quanto tempore præscribatur. 179

Iustitia quid? 189. 1

Iustitia est virtus, & in voluntate. 190. 3

Iustitia propriè est ad alterum. 191. 1. impropriè non. 2.

Iustitia versatur primariò circa actiones 192. 2. secundariò circa passionem. 3

Iustitia constituit medium rei. 194. 4

Iustitia differt ab aliis virtutibus, & in quo, ibid. 1. 2

Iustitia præstat temperantiam. 195. 2

Item fortitudini. 196. 5 minus præstat religionem & misericordiã. 197. 7

Datur iustitia generalis, seu legalis, ibid. 2. varia eius nomina

I N D E X.

nomina. 198.3

*Iustitia legalis probabiliter
verè & propriè est iustitia.*
198.1. probabilis est tamen
non esse. 199. 2. est prastan-
tior particulari, ibid. 4

*Iustitia legalis, pietas &
obseruantia, in quo conue-
niant.* 200. 2. in quo disse-
rant. 201.3

Iustitia diuifio. 239.1

*Iustitia commutatiua &
distributiua differunt à insti-
tia legali, ibid. 2. Item inter
se quatuor modis.* 3

L A V D E S.

Laudes Dei quem ha-
bent finem. 407.1

Lex.

*Leges humana an possint
aliquem priuare ipso facto,
beneficio vel officio ante sen-
tentiam declaratoriã.* 229.
2.3

Lignatio.

*Lignari in sylua reip. con-
tra iustã prohibitionem, quã-
do & quale peccatũ.* 104.2.3.
4. Resp. potest iustè prohibere
lignationem & quibus con-
ditionibus requisitis. 103.1

Lucrum.

Lucrum cessans quid. 430.1

*Lucri cessantis ratione an
liceat aliquid supra sortem
exigere.* 2. *Vt pactio de lucro
cessante ab initio sit licita, quæ
conditiones requisita.* 431.3

M A L E D I C T I O.

Maledictio quoduplex,
& definitio membro-
rum. 423

*Maledicere creatura irra-
tionali an liceat, ibid.*

Martyres.

*Martyres qui se occiderunt
instinctu Dei,* 353.4

Mediator.

*Christus vnicus mediator,
quomodo intelligendum.* pag.
486.9

Metallicæ venæ.

*Metalica vena vt probabi-
lius in nullius dominio cen-
sentur.* 99.2

*Ius tamen eas effodiendi
regulariter competit domine
loci, ibid.*

Minoritæ.

*Minorita habent vsum re-
rum suarum, non tamen do-
minium.* 32.3. penes quos est
illarum rerum dominium. 4.
*Diuus Tho. visus contrarium
dicere explicatur.* 33.6

Mortis

INDEX

Montes Pietatis.

Montes Pietatis an ab usu-
ra excusentur. 444.2

Montes pietatis quid. 443.

1

Mutilatio.

Mutilare se an liceat pro
salute corporis. p. 357.1. An
teneatur quis ferre mutila-
tionem ob vitæ conseruationem, ibid. 2.3

Mutilare se ob salutem ani-
mae an liceat. 358.1. an ob
comminationem mortis. 359.

2

Mutilator ad quid tenea-
tur. p. 254.1. Si moriatur, an
haeredes teneantur. 2

NECESSITAS.

EX necessitate quotuplici-
ter aliquid fit. 528

Novitius.

Novitij an obligentur ad
horas canonicas. 497

OBLATIO.

Oblationis nomine quid
significatur. 509

Ad oblationes an quis te-
neatur. 2

Obseruatio.

Obseruatio vana quid. 563.1

Obseruatio sanitatū quid. 2
Obseruatio euentuum quid.

564.3

Occisio, occidere.

Occidere plantas & ani-
malia an liceat. 335.2. An in
hoc possit esse crudelitas. 4

Occidere hominem an liceat
336.2. 3. An peccatores &
quando. 337.1. qua authori-
tate. 3. An omnes. 4

Occidere tyrannum an &
quomodo homini priuato li-
ceat. 3. 339. 340.4

Occidere tyrannum ratione
solum malæ administrationis,
quamdiu manet princeps, pri-
uato homini non licet. 5

Occisione furis in defensio-
nem facultatum an contra-
hatur irregularitas. 348.5

Occidere nitentem honorato
viro alapam impingere an li-
ceat. 349.2

Occidere se an liceat. 352.2
Occisio sui Reo mandari non
potest 353.5. Licet quando-
que aliquid facere vel omit-
tere, unde scitur certò mor-
tem secuturam. 354.6

Oratio.

Oratio quid 477.1. Qui &
quot actus in oratione. 2

Oratio est actus religionis.
478.3

Oratio

INDEX.

Oratio an necessaria ad salutem. 479. 2. *Præceptum de oratione quando obligat.*

480. 5

Oratio an utilis & efficax. *ibid.*

Orationi soli ex bonis operibus convenit vis impetrandi.

481. 3. *In oratione qua petenda.* 1. *discrimen petendorum in oratione.* 2

Orare quis potest. 482. *An*

divinæ personæ. 2. *An Christi*

3. An Sancti in calo. 483.

4. *An damnati in inferno.* 5.

An anima in purgatorio. 6

An omnes in hac vita. 7

Peccatores malè orantes an

nanquam exaudiantur. 8

Orandi qui sint. 484. 1. *An*

Sancti 485. 5. 6. *quo peculia-*

ri modo Deus orandus. 2. *Quo*

Christus. 3

Orationes nostras Sancti

quomodo cognoscunt. 486. 8

Pro quibus orandum. 488. 1

An pro reprobis. 2

An ab oratione generali

liceat aliquem nominatim

excludere. 3

An orandum pro inimicis,

quomodo & quando. 489. 5.

6. *An pro existentibus in*

purgatorio. 490. 7

Quomodo orandum. 1. 2.

PACTVM.

Pactum quid sit. p. 109. num. 3

Papa:

Papa quatenus Christi vi-

carius non habet ullum domi-

nium temporale directè, sed

bene indirectè. 69. 4. *Habet*

tamen de facto dominu tem-

porale, idque iustè, licitè, &

utiliter. 73. 3. *Soluntur ar-*

gumenta hæreticorum. 4

Non repugnat iuri divino

papam esse simul principem

temporalem & spiritualem.

72. 2

Papa an possit dispensare in

voto solenni. 543. 1. 545. 4

Pastio.

Pasti in pascuo reip. con-

tra iustam prohibitionem

quando & quale peccatum.

104. 2. 3. 4

Pensio.

Pensio an possit vendi aut

redimi pecunia & quando.

590. 1. *An si fundetur in ti-*

tulo merè spirituali. 2. 4.

Pensio est quid spirituale.

591. 6

Permutatio.

An liceat permutare bene-

ficia, compensata fructuum

inequ.

I N D E X.

inequalitate. 386.3

*An permutatio facta sine
authoritate superioris sit si-
monia.* 1

*An in permutatione benefi-
cij dignioris pro indigniori,
inequalitas dignitatis com-
pensari possit pecunia.* 2

Periurium.

*Periurium quid, & quotu-
pliciter sumitur.* 565.1

Periurij pœna quæ. 2

Piscatio.

*Quomodo peccet qui contra
iustam prohibitionem pesca-
tur, & ad quam restitutionem
teneatur.* 93. & 94

Pœna.

*Quas pœnas inducit Si-
monia realis circa religionis
ingressum.* 593

*Quas pœnas inducit simo-
nia confidentiæ.* 594.1

*Quas pœnas incurrat confe-
res ordines per simoniam rea-
lem.* 592. 1. quas, qui sic or-
dines suscipit. 2. quas benefi-
cium conferens per simoniam
realem. 593. 1. quas, qui benefi-
cium acquirens. 2

*An incurrantur hæ pœna,
contractu nondum ex alter-
utra parte completo.* 594.1

*Pœna conuentionalis in mu-
tuo an locum habeat.* 435.3

*Quæ conditiones ad hoc re-
quiruntur.* 4

Pœna conuentionalis quid.
1. an in conscientia debeatur
post moram, ante iudicis sen-
tentiam. 436. 5. pars eam exi-
gens supplet vicem iudicis,
ibid.

Pœna usurariorū quæ. 442

Possessio, possessor.

*Possessio unde dicta & quot
modis dicatur.* 38.2

*Possessio sumpta pro acqui-
sitione possessionis quid.* 3. sum-
pta pro ipsa possessione quid.
39.4

*Possessio quomodo sit ius
insistendi, & ut potius sit ipsa
insistentia.* 5

*Possessionis varia diuisio-
nes.* p. 40.1

*Possessio ciuilis quid, quid
naturalis.* 2

*Possidere potest quis per se-
ipsum rem ciuilitè tantum,
per alterum naturaliter.* 41.

4

*Possideantne rem cuius
habent vsumfructum vsu-
fructuarius, emphyteuta, &c.*

42.5

*Possessio iurium & serui-
tutum quot modis apprehen-
datur.* 45.5

*Possessio rerum mobilium
quot*

I N D E X

quos modis amittatur. 1. quot
immobilium. 46.2

Possessionis privilegia. 1.

Pollicitatio.

Pollicitatio quid. 109.2

Precarium.

Precarium quid. 318.8

Præscriptio.

Præscriptionis nomen unde,
& varia eius acceptio. pag.

165. num. 1. & 166.

Præscriptio quid. pag. 166.
num. 2.

Ad præscribendum neces-
saria est possessio. 567.7

Quæ bona præscribi non
possint defectu possessionis.
168.4

Præscriptio non datur con-
tra pupillum. 476.4

Præscribere quando possit,
qui rem accipit à possessore
male fidei. 185.1.2

Quanto tempore præscri-
bantur debita, hypotheca, le-
gata, fideicommissa. pag. 181.
num. 1.2.3.4

Quanto tempore beneficium
Ecclesiasticum. p. 180. num.
6.7.

Quæ res præscribi possint.
pag. 180.1.2

Præscriptio quando dicatur
non procedere. ibid.

Quando dormire. 187.2

Quādo interrumpi. 3. & quæ
possit interrumpi, quæ non. 4

Præscriptio transfert domi-
nium, nec tenetur præscriptor
restituere. 188. 2. nec solum
utile sed & directum domi-
nium transfert.

Ad præscriptionem requi-
raturne titulus, & quis. 168.
1.2

Primitiæ.

Primitiarum nomine quid
significetur? 509.1

Princeps.

Princeps quinque bonorum
genera possidere potest. 182.1

Principis bona quæ præscri-
bi possint, quæ non. 183.5. &
184.9.11. & 185.13.

Immunitatem ab obedi-
entiæ principis præscribere non
possunt subditi. 183.7

Principes ut possint probi-
bere, venationem in locis pu-
blici iuris, & quibus de cau-
sis. 90.2. 3.4. Ad quæ tamen
teneantur. 91.5.6.7.8.

Promissio.

Promissio quid. 105.2

Promissio prodiga quando
obliget, quando non. pag. 108.
num. 6

Promissionis à donatione
differentia. 109.1

Promissio ob turpem cau-
sam,

I N D E X.

ſam, quando obliget, quando non. 110.1. & 3.6

Promiſſiones quadam irrite, quadam non. 112.1.2. & 113.3

Promiſſio interna facta Deo obligat, facta homini, non. 114. 1. idque iure natura. 2

Promiſſio ante acceptationem ordinariè nõ obligat. 115. 1. quandoque tamen obligat. 116.3

Quod promiſſio ante acceptationem non obliget probabile eſt prouenire ex ſolo iure poſitiuo. 117. 1. probabilius tamen etiam ex naturali, vel gentium. 118.2

Promiſſio obligat ex virtute veritatis, ſed non tantum. pag. 125.4.

Probabile eſt promiſſionem obligare ex virtute iuſtitie. 126.6. ſed probabilius precipuam eius obligationem eſſe ex fidelitate. 128.9

Promiſſio acceptata quandoque obligat ſub mortali, quandoque non. 129.11.12

Promiſſioni ante acceptationem poteſt onus imponi. 1. poſt, non. 2

Promiſſio acceptata quibus caſibus deſinat obligare. pag.

131.num.1.2

Ad valorem promiſſionis qua & quot requirantur, ibid.

Propoſitum.

Propoſitum an aliquando habeat vim voti. 518.2

Proprietas.

Proprietas, quid. 22.2

Religio, Religioſus.

Religio vnde dicatur & quid. 459.1

In Religionis officio quot actus concurrunt. 460.4

Religionis obiectum quod & quotuplex. 462.1. Formale quod. 463. qua eſt honeſtas illa, qua eſt formale obiectum religionis. 464.5

Religionis differentia eſſentialis vnde petitur. 6

Religio an differat ab aliis virtutibus. 465.2

Religio non diſtinguitur à virtute pietatis, obſervantia, gratitudinis in Deum. pag. 467.num.7.

Religio an differat ab obſervantia qua coluntur Sancti. 468.3

Religioni oppoſita vitia quotuplicia. 462.1.

Religioſi ſinguli habent uſum veſtium, librorum, &c. à dominio ſeparatum. 31.2

Religioſi

I N D E X.

*Religiosi beneficiarij habent
ius liberè administrandi bona
suorum beneficiorum.* 56.8

*Religiosi superiores ut pos-
sint alicui subdito regulari
concedere bona.* 9. et non. 10

Restitutio.

Restitutio quid. 241.1. ut
differt à solutione. 242.3

Item à satisfactione. 4

*Restitutio externa necessa-
ria est ad salutem, si facultas
suppetit; secus, si non.* 243.2.
*propositum tamen restituendi
est necessarium.* 3

*Restitutionis praeceptum est
affirmatiuum.* 4

*Restitutionis obligatio pro-
priè oritur ex duplici capite.*
244.1. *Latè sumpta, ex tri-
plici.* 245.2

*Quid restituere teneatur
priuans alterum aliquo sensu
vel vsu rationis per iniuriam,*
pag. 246. num. 2

*Quid restituere teneatur
qui alterum induxit in pec-
catum.* 1.2. & 248.4.5

*Qui in tempestate eiicit res
alienas, si suas habeat, tene-
tur ad restitutionem.* 288.1.
quantum. 289. 2. *si non ha-
beat, non tenetur.* 3

Tom. I V.

*Restituere tenetur possessor
rei alienae statim atque nouit
esse alienam.* 301.1. *Si con-
sumpsit vel alienauit, tenetur
ad id, quo ditatus est.* 302.2.
*Item tenetur ad fructus ex-
tantes, modo non sint mera in-
dustria.* 303.1. *si non extant,
tenetur, ad id, quo ditatus est,
sive naturales fuerint, sine
mixti; non tenetur tamen ad
eos quos ratione negligentiae
non recepit.* 304.5

*Restitutio quò loco & cu-
ius expensis facienda.* p. 327.
num. 2.5

*A restitutione quae inopia
excuset.* 328

*An restituere debeas tran-
sacta necessitate, ibid.*

*An & qualis remissio cre-
ditoris excuset & quando.*
329.3. *quando non, ibid.*

*An & quando à restitutio-
ne excuset inris & iudicis
authoritas.* 331.8

*An & quando ingressus
in religionem.* 9

Reus.

*Reus à Iudice non iuridicè
interrogatus an teneatur fa-
teri veritatem.* 460.1. *Iuri-
dicè interrogare quid sit.* 2

R r

*Reus dubitans an iuridice interrogetur, non tenetur fate-
ri veritatem. 3. An si iuridice
interrogetur. 402. 2. Si neget,
an peccet mortaliter. 3.*

*Reus condemnatus secun-
dum allegata & probata an
teneatur obtemperare. 404. 1*

*Inique sic condemnatus an
possit se per vim defendere. 2.
An fugere ex carcere & qua-
do. 405. 1. 3. An carceres &
vincula effringere. 2.*

*Condemnatus ad pœnam
carceris temporariam non po-
test. 406*

*Reo ad fugam, carceris ef-
fractionem, &c. an liceat au-
xilium ferre. 407. 1. 2. An
etiam pro eo carcerem rum-
pere, &c. 3*

S A C R I F I C I U M.

S A C E R D O S.

Sacrificij & adorationis
conuenientia & discri-
men. 502

*Sacrificium propriè dictum
quid. 503. 8. Non omne opus
bonum est sacrificium propriè
dictum. 502. 2*

*Sacrificium quotupliciter
sumitur. 503. 3. Non omne
opus ad honorem Dei factum*

*est sacrificium. 4. Nec omnia
oblatio Deo facta. 404. 6*

*Ad sacrificium quot & que
requiruntur. 7*

*Singuli Patresfamilias
erant sacerdotes respectu agni
paschalis. 506. 9*

Sacrificium quotuplex ibi.

*Sacrificium pro peccato
quid. 507. 3*

*Sacrificium Latreuticum
quid, quid Eucharisticum,
quid impetratorium, quid
propitiatorium. 4*

*An liceat iam sacrificare
agnum, vel vitulum. 508*

*Gentiles unde habent sa-
cerdotes. 5*

Sacrilegium.

*Sacrilegium quid. 565. 1.
quotuplex. 566. 2. Multa ad
id reducuntur. ibid.*

Seruus, seruitus.

*Seruitus quid. 36. 2. quid
personalis, quid realis. 3*

*Seruitus personalis tri-
plex. 4*

*Seruitus iterum alia conti-
nua, alia quasi continua, alia
discontinua & quid sint.
37. 5*

Seruitus

I N D E X.

Servitutes pensionales constituantur iisdem modis, quibus ususfructus, usus, &c. 1

Servitutes reales constituantur variis modis. finiuntur potissimum quatuor. 2

Quibus modis possit unus homo fieri alterius servus. 81. 2

Servitus merè personalis nullo tempore praescribi potest. 177. 1. *Mixta potest, & quanto tempore.* 2

Realis quanto tempore. 148. 4. 2

Differentia inter servitutes rusticas & urbanas. 7

Simoniam.

Simoniam quid. 567. 1. *quotuplex.* 468. 2

Simoniam realis quid, quid mentalis, quid conventionalis, ibid.

An omnis conditio rerum spiritualium pro temporalibus sit simonia iuris divini. 569. 3. 4. *Spirituale hic quotuplitter sumitur.* 1

In quibusdam spiritualibus est aliquid temporale, in quibusdam nihil. 2

An sit simonia iuris divini res spirituales permutare in-

ter se.

571. 2

An sit aliqua simonia iuris humani p. 572. num. 2

In quibus casibus habet locum. 573. 3

An liceat dare pretium pro sacramentis in gravi, vel extrema necessitate. 575. 4

Qua intentione. 5. 6

An sit simonia dare pretium pro functionibus spiritualibus laboriosis. 576. 2. 3

An dare aliquid pro sustentatione ministri. num. 4. *An si nimis exigatur pro sustentatione. pag.* 577. *nota.* 6

An absque simonia possit aliquid exigi pro labore sacris functionibus intrinseco. num.

7

An sit simonia si praelati aliquid exigant pro dispensatione. 578. 1. 2

An si Pontifex & quomodo. 3

An sit simonia, exigere aliquid pro litteris ordinis susceptionis, vel dimissionis, vel sigilla. 579. 1. *An Episcoporum officiales, saltem Notarius, hoc possint ibid. Si accipiant, an & qualis sit Simonia.* 2

An pro ingressu in religionem dare vel accipere, sit simonia. num. 1.

I N D E X.

An, aliquid exigere pro sustentatione egredientis, sit simonia. § 80. 2. *quid si monasterium sit inops.* 3

An sit Simonia resignare beneficium in fauorem tertij cum clausula: non aliter nec alias. § 81. 3

An saltem non sit iuris humani. 4

Ha resignationes in cuius manu sunt faciende. § 82. 5

An sit simonia resignare beneficium seruata pensione, & quid hoc sit, ibid.

An sit simonia resignare beneficium litigiosum cum repetitione expensarum in eo factarum. § 83. 4

An sit simonia resignare beneficium in confidentiam. § 84. 1. 2. 3

An sit simonia redimere vexationem in beneficiis. § 86. 1. 3

An sit simonia conferre beneficium propter timorem quando nullum intercedit pactum. § 89. 2. *quid si interueniat pactum.* § 90. 3

Quid si eo pacto non censearis obligari in posterum. num. 4

An & quanam simonia inducat pœnas iuris ipso facto,

quanam non pag. § 91. num. 1. *An etiam mentalis in ordine, beneficiis & religionis ingressu.* § 92. num. 2

Simonia cōventionalis nulla inducit ipso facto pœnas iuris positiui, exceptâ eâ qua est confidentia. § 94. 1. *Si tamen pactio in totum, vel in partē compleatur, inducit.* § 95. 2

Simoniacè acceptum an restituendum & quo iure. pag. § 96. 2. 4

An Simoniacè ad monasterium admissus teneatur ante sententiam illud dimittere, ibid.

Simoniaci pretij restitutio cui & quando facienda. pag. § 97. num. 1. *Cui, quando simonia est utrinque completa.* 2. *Probabile est tunc ipsi ecclesia restituendum, etiam ante sententiam Iudicis.* 3

Spurius.

Spurij qui. 150. 1

Spurius non potest institui haeres, nec quidquam accipere à parte, sine ex testamento siue aliter. 151. 2

Spurius natus ex coitu dānato & per leges punibili non potest etiam succedere in auri, pag.

I N D E X.

pag. 152. num. 5

Debentur tamen ipsi alimenta si aliunde non possit sustentare. 153.6

Stipulatio.

Stipulatio quid. pag. 109. num. 4

Subditus.

Subiici alteri potest quis quinque modis. 224.3

Substitutio.

Substitui heredi potest quis sex modis. 154.1

Substitutio vulgaris quid.

2

Substitutio pupillaris quid.

3

Duo ad eius valorem requisita. 155. 4. Fieri potest tripliciter, num. 6

Substitutio exemplaris quid. 156.7

Substitutio reciproca quid. num. 11

Substitutio compendiosa quid. 157. num. 12

Superstitio.

Superstitio quotuplex. 562.3

Superstitio quid importat.

561.2

Superstitio cultus incongrui quid. 562.4

Superstitio ratione rei culte quando est. 5. & quotumplex, ibid.

Suspicio.

Dupliciter suspicari potest quis de proximo. 214.2

Suspicio dupliciter potest esse voluntaria. 3

Suspiciari malum de proximo quandoque est peccatum mortale. 5. Quandoque solum veniale. 4. & 217.12

Suspicio temeraria potest dici peccatum ex genere suo mortale. 215. 6. Item certo sensu ex genere suo veniale. num. 7. Idem dic de dubitatione. p. 216. num. 9.

Suspicio & dubitatio an obligent ad restitutionem. 11

Susurratio.

Susurratio cui virtuti opponitur. 422

Susurratio quid, eiusque cum detractioe convenientia & discrimen, ibid.

I N D E X.

T E N T A T I O.

Tentatio Dei quid & quotiuplex. 564

T e s t a m e n t u m.

Testamentum unde dictum.

143.1

Testamentum quid. 2. eius à codicillo differentia. 3

Solemnitates in testamento requisite. 145.1

Testamentū ad piam causam, ut sit validum in foro externo, sufficiunt duo testes. 2. ut sit validum in foro conscientia, ne quidem duo requiruntur. 3

Testamentum ad causam profanam sine solemnitatibus factum, in foro conscientia validum. 146. 2. Soluuntur objectiones contra. 148.4.5

Testari qui possint, qui non,

149

Testamentum iuratum quando reuocari possit, quando non. 159.5.6.7

T e s t i s.

Testes quot requiruntur in causis criminalibus. 408.2

Testes duo ad causam criminalem an iure diuino requirantur. 3. quibus in causis duo testes non sufficiunt, & quo iure. 4

Testes hi quales esse debent, ut plenè probent. 409.1

Qui à testimonio reiciuntur in causis criminalibus.

num.2

Non solum per testes crimē constare potest iudici. 408.1

Consanguinei & affines rei quandoque testari possunt pro eius innocentia defendenda. p.409.num.2

Testari an quis semper teneatur ad praeceptum Iudicis. 410.1

Testis an & quando teneatur ad restitutionem, si nolit testari, vel veritatem occultet. 411.1.2. An, quando falsum testatur. 412.1.2

T h e s a u r u s.

Thesaurus quid. 101.1

Thesaurus quando sit inuentoris, quando domini fundi, quandoque viriusque. 2.4. & 102.5.6. Si publicus, cuius. 7. cuius, si in loco sacro. 103.8. cuius, si per magiam inuentus. 9

T i t u s

I N D E X.

Titulus.

Titulus iuris ac dominiij
quid. 21. 2. Aliquando est
verus, aliquando est præ-
sumptus. 3

Tortura.

Tortura quis finis. 390. 3
Tortura quando adhiben-
da. 4

Ad torturam sufficit infa-
mia de presenti delicto in eo,
qui esset male fame de simi-
libus criminibus ante factis.
392. 8

Ad torturam, præter scmi-
plenam probationem, quæ in-
dicia sufficiant. 7, 9. 393. 10.
11. 12

An ad captivam & Tor-
turam sufficiens sit iudicium
quod occisi vulnus sanguinem
mittat ad præsentiam huius,
non aliorum. 394. 17

An Reus sapius torqueri
possit. 395. 18

Tyrannus.

Tyrannus quatuorplex. 235.
1. 339. 2

Tyrannus peccat usurpa-

tione iudicij ius dicendõ. 2.
sententia tamen eius sunt va-
lida, tenenturque ciues ijs
obtemperare, donec irritetur.
257. 5

V E N A T I O.

I*N venatione quæ anima-*
lia liceat capere, quæ non.
84. 1. 2. & 3

Ut possit quis venari in
prædio, vel saltu alieno. 92

Venatio prohibetur qua-
tuor modis. 95. 1

Quomodo peccet, qui con-
tra iustam prohibitionem ve-
natur, & ad quam restitui-
tionem teneatur. 2. 95. 3. 4. 6.
& 96. 7

Veritas.

Veritatis virtus obligat
ad duo. 226. 5

Votum.

Votum quid. 117. 1. Quo-
tuplex. 519. 1

Votum commune quid,
quid singulare, ibid.

Votum conditionale quid,
quid absolutum. 2. quid pæ-
nale & quatuorplex, ibid. quid
no 71

I N D E X.

non pœnale, ibid.

Votum simplex quid, quid
solemne. § 20.3

Votum expressum quid,
quid tacitum. 4

Votum reale quid, per-
sonale, mixtum. 5

Voti materia quæ, & quæ
ad eam requisitæ. § 21.1

*Votum operis boni ad ma-
lum finem* an sit validum.
2

Vouere opus malum qua-
le peccatum. 3

Vouere opus indifferens
pro eo tempore quo voues, an
sit validum. § 22.4

Votum matrimonij ineun-
di an sit validum. § 23.5

Quid sit votum illud fa-
cias, quia continere non po-
tes, ibid.

Votum de non amplius
vouendo an sit validum. 6

An sub votum cadant
opera præcepta. § 24.7

In materia voti nomine
boni melioris an opus consilij
tantum intelligatur. § 25.8

*Voti obligatio operi præce-
pto superueniens* an sit super-
flua, ibid.

Vouere ad colendum Deum
an sit bonum. § 26. 2. *An*
& votum illud implere, 3

Votum adimplere & vo-
nere an sint eiusdem virtutis,
ibid.

Ex voto aliquid facere an
melius sit, quam sine voto.
§ 27.1

Votum unius an possit
obligare alterum, & quando.
§ 27.2

Voto personali implendo,
si occurrat impedimentum,
an & quando vouens debeat
per alium votum implere.
3

*Votum reale nisi ante mor-
tem persolutum sit,* obligat
heredem. 4

An heres peccet contra
votum, si non exequatur. § 29.
5

Votum mixtum an obliget
heredem. § 30.6

*An heres teneatur sum-
ptus peregrinationis vota*
erogare in pauperes. 2

A voto quot modis potest
quis liberari. § 30.1

*Quorum vota possint ir-
ritari* & à quibus. 2

Votum alterius sine causa
irritans an peccet. § 31.3

*An omnia vota religioso-
rū possint à superiore irritari.*
§ 32.5.7. *an etiam postquam*
ipsemet superior in votum
consen

I N D E X.

consensit. 533.9

An vota seruorum & mancipiorum possint à domino irritari. 536.15

An vota uxoris à marito. 16.
An omnia vota laicorum à Pontifice. 17

Voti solemnitas in quo cōsistat. 544.2. *An ab Ecclesia sit introducta.* 545.3

Vfucapio.

Vfucapio quid? 166. 4.
eius à prescriptione differentia, ibid.

Ad vfucapionem rerum mobilium quantum temporis requiratur. 175.3

Quantum ad immobilium. 176.3.5

Vfura.

Vfura quid est quando pro contractu vfurario sumitur. 423.1.1. *quid quando pro lucro vfurario? ibid.*

Vfura quotuplex. ibid.

Vfura mentalis quid, quid exterior implicita, quid exterior explicita. 424.2

Vfura quo iure prohibita. 425.2.3.4

An ratione periculi sortis,

aut expensarum que in ea recuperanda mittuntur, aliquid exigere, sit vfura. 432.2

Que requiruntur ut hoc licite fiat. 3

An sit vfura, aliquid petere ratione carentie pecunie, vel obligationis non repetendi ante certum tempus. 434.2

Vfurarum dominium an & quando in vfurarium transferatur. 437.2

Ab vfurarijs quam titulo oneroso, vel gratuito accipere liceat. 438.1.2

Vfurarius, si res alienas loco vfure acceptas vendat, acquirit dominium pretij. 437.4

Si vfurarius per donationem tibi factam, vel aliam alienationem impotens fiat ad restituendum, an tenearis restituere. 439

Res lucrifacta pecunia vfuraria an & quando in vfurarij dominium transferantur. 437.3

Si vfurarius, vel alius debitor non est soluendo, nihil potes ab eo accipere per ultimam voluntatem. 440.4

Vfurarij haredes an teneantur

I N D E X.

- neantur in solidum.* 441.1
2
Vfurarij legatarij & donatarij non tenentur restituere eisi heredes omnes à solutione deficiant. 3
Vsusfructus, vsus.
Vsusfructus quid. 23.4
Alius causalis, alius formalis. 22.3
Vsusfructuarius ad quem teneatur. 23.4
Vsusfructus alius proprius, alius improprius, eorum differentia, ac in quibus rebus constituentur. 25.5
Vsusfructus legalis quid. 2
Conventionalis quomodo constituatur. 26.3
Quomodo inter se differant. 27.5
Pater quando habeat usumfructum in bonis filij aduentitij, quando non. 25.2
Vsusfructus à quo vendi possit. 26.4
Vsusfructuarius si non possit satisfacere, quid faciendum. 27.6
Vsusfructus formalis finitur sex modis. 1
Vsusfructuarij bona quando confiscantur, finiaturne vsusfructus, & ad quem perveniat. 28.2
Quando vsusfructuarius facit in religione possessionem, finiaturne, & ad quem pertineat. ibid.
Vsus quid. 30.1
Quid possit, qui habeat usum alicuius rei. 2
Vsus & vsusfructus quomodo ab habitatione differant. 3
Vxor.
Vxor an & quando peccet mortaliter expendendo bona mariti, quando non. pag. 367. num. 1.2.

F I N I S.







